




Ex Bibliotheca
majori Coll. Rom.
Societ. Jesu







6.63.

3.5.14

3.5.14
3.5.14
3.5.14
3.5.14
3.5.14

IOH. FREDERICI GRONOVII

Adm. R. N. P. Spoothman DE Jon. Acad. Bibl. Secr. Coll. Gron.

SESTERTIIS

SEV

SVBSECIVORVM PECVNIAE

veteris Græcæ & Romanæ

LIBRI IV.

Accesserunt

L. VOLVSIVS MÆCIANVS IC. & BALBVS
MENSOR *de Asse*; item PASCASII
GROSIPPI *Tabula Nummaria.*



AMSTELODAMI,

Apud Ludovicum & Danielem Elzevirios,

CLD LDC LVI.


Handwritten text at the top of the page, mostly illegible due to fading.

274 25 12


Handwritten text, possibly a date or reference number.

Handwritten text, possibly a date or reference number.

Handwritten text, possibly a date or reference number.



Handwritten text at the bottom of the page, mostly illegible due to fading.


ÉPISTOLE

Illustrissimo Viro

N I C O L A O
F V L Q V E T O

BIBLIOTECA NAZ.
ROMA
OTTORIO EMANUELL.

Vicecomiti de Melun & de Vaux,
Domino de Bellassise, &c. Procura-
tori Generali Regis Christia-
nissimi in suprema curia Parla-
menti, Ministro Status, & Sacri
Ærarii summo præfecto

IOHANNES FREDERICVS
GRONOVIVS.

 Væ de nummis an-
tiquis multa cura
notavi & in usum
publicum conscri-
psi, cum circum-
spicerem, quo Tutelari Nomi-

E P I S T O L A

ne munirem , in te traxit oculos
 meos magnitudo tua , Illustris-
 sime Fulquete. Nimirum & o-
 mnibus aliquarum literarum stu-
 diis inserviunt , & præsertim il-
 lis, quæ, quod maxime animum
 poliant atque exornent huma-
 num , politiora humanioraque
 præ cæteris vocantur; quibus o-
 lim propemodum solis, certe pri-
 mis & ante omnia, regum & prin-
 cipum & nobilium domuum hæ-
 redes instituebantur. Hoc est, le-
 ctioni veterum sapientiæ atque
 eloquentiæ auctorum jam inde
 ab Homero usque; tum historiæ
 illarum gentium, à quibus omnis
 ingenii cultus ad nos transmissus
 est; denique notitiæ rerumpu-
 blicarum & imperiorum floren-
 tissimorum in parte maxime au-
 gusta,

DEDICATORIA.

gusta, & illis hodieque, penes quos summum jus est, reservata. Non alio studiorum genere te vel acerrimo exercitum tenera vidit ætas, sed tanta indole, ut duces tuos præcurreres, & mens occupasset præcepta, priusquam aures acciperent, & quæ aliis se- gnes moræ, tibi brevis transitus esset. Quæ cum quotidie experiare, quanto usui sint res geren- ti, quam jucunda liberale otium interponenti, non potes illorum apparatus & instrumentum a- spernari. Hinc innata tibi dignis- sima & illo, quo ortus es & quo agitas, loco φιλοκαλία, & rerum singularium, priscarum & cujus- que generis lectissimarum con- quisitio, & mirificus intellectus, & honesta custodia, non ut ha-
* 3 *
beas,

EPISTOLA

beas, sed ne intereant. Hinc illa tranquilli serenique oris delenifica comitas, qualem non minus Græcorum literis quam suæ gentis institutis magno regi adfuisse nobilis auctor scribit: hinc faciles accessus & in stricta severitate morum eximia suavitas, æmula laudatissimi principis, qui negabat à sermone suo quemquam tristem discedere oportere. Hinc cana fides, & studium erga clientes, & quanta in adjungendis omnium bonorum amicitiiis voluntas & fortuna; tanta in retinendis æqualitas & perseverantia, ut neminem te coluisse pœniteat. Hinc quoque acceptis documentis & exemplis instructior illa efficax vis animi & in negotiis quantumvis arduis expediendis

dis

DEDICATORIA.

dis prompta dexteritas, difficil-
limis & natis ad Herculeos istos
lacertos probandos temporibus
emicuit, ut quot gradus hono-
rum fecisti, totidem monimen-
ta fixeris æternorum in rem sum-
mam Gallicam meritorum; at-
que his ipsis meritis, quos in
avito splendore tanto & tot
majorum imaginibus pro reli-
ctis cernere poteras, honores
debere malueris. Ut alia ta-
ceam, quantum discutiendis res
novantium perniciosis consiliis,
Regis auctoritati inter fatalem
rabiem & lassos præsentī felici-
tate animos asserendæ, & sedi-
tionum viis intercludendis va-
luerit illa tua tam eminentem
Supremæ Curie stationem egre-
gie curantis invicta constantia,

pietas immobilis erga Principem, vigil atque indefessa cura, gnara & rapax occasionum providentia, Gallia etiam extra Galliam loquitur. Quis dubitet thesauros opulentissimi omnium regni bene creditos & commissos illi, qui Majestati Regiæ sartæ tectæ tuendæ tam fortem fidelemque operam præstiterit? Cui debeatur hæc olim divitis, nunc eruditi, auri, argenti, æris signati explicatio, nisi gazam regiam summa cum diligentia & innocentia tractanti, & omnis antiqui operis solertissimo spectatori? cujus virtute ac beneficio post longam multiplicemque varietatem temporum tandem aurum & argentum Gallia suum ac sincerum agnoscit; &
diu


DEDICATORIA.

diu fluctuantem jactatumque incertis pretiis nummum prope diem constitutum iri sperat, non minore, quam in pari causa Marii Gratidiani Romæ fuit, gratia. Si nihil aliud hic, placebit illa heroum Francorum, qui ante mille ducentos annos potentiam vestram fundaverunt, consuetudinis nummaria libra, ille aureus argenteusque solidus, ille denarius, origo nummi quo & vos & vicinæ gentes in hunc diem utuntur, vix adhuc aut parum scienter tradita. Quare suscipe convenientissimas & piis artibus tuis & splendidissimæ procurationi chartas, & ne auctorem fastidias, memento te ad id fastigii venisse, ut etiam peregrino & longinquo cultu te

EPIST. DEDICAT.

dignari debeas. Ego laborem
 adhibuerim: genium, quo vi-
 vant, tu illis dabis. Ita diu laudi
 tuæ interfis Regi probatus &
 bonis, & illud Copiæ cornu,
 quod ingenti dextra tenes, glo-
 riosos tanti imperii domi belli-
 que paratus nunquam deficiat.
 Daventriæ trans Salam, hoc est,
 in capite illius tractus quem ve-
 tus Peutingerorum tabula Fran-
 ciam appellat, Kal. Novembris
 A. D. C I O I O C LV.

L E-



LECTORI.

QUum multis attendendum sit homini veteris Romæ Græciæque mirandorum cupido, tum moneta nobilissimarum gentium tantæ ad omnia est opportunitatis atque emolumenti, ut inter tot res præclaras & scitu dignissimas utilissimasque vel in primis ejus noticia curanda esse videatur. Quemadmodum enim non privata domus statum habet sine censu & diligentia patrisfamilie, non civitas convalescit nisi exercitis & dispensatis vectigalibus: ita nec suis numeris constat tam illustri parte defecta descriptio antiquitatis. Sed nec alia disciplina (quanquam si sana consilia valerent, nemo, nisi communibus literis suffectus & preparatus, se quidquam liberalium recte imbibere posse speraret: sed dividamus, ut vulgo fit, studia, & concedamus eas professiones, quæ, quia maxime sumtum exercent suum, hodie τὰ πᾶντα putantur.

tantur, & sola crudissimo impetu appetuntur, sine humanitate tolerari) nullæ igitur aliæ quoque liberales disciplina hoc auxilio commode carent: adeo strictura hujus argumenti per omne genus scriptorum constipata sunt, & ubique obvia, velut nodus & mora, sustinent refrigerantque cursum legentium, quod non intelligunt. Quoties Axonas & Cyrbes Iustiniani, suum Corpus, illis qui consuluntur, quoties valetudines regentibus artis principum experimenta, quoties religiones & sacra procurantibus libros, non uni imperio, sed humano generi fatales obscuros esse oportet, si partes aris, si ponderum divisionem, aris & nummorum vocabulis constantem, si nummorum varietates ignorent? Homines vero pragmatici & civilium studiosi, sicut e suis non agnoscunt eum, qui locum de arario & illis expediendi nervis meditatus non fuerit, ita nec magnitudines imperiorum, nec plurimas virtutes & pestes, quæ salubres opes incrementa & splendorem juverint, quæ nimia & velut devota merse-
rint regnantes populos (quibus tamen duabus partibus propemodum tota continetur

ars rempublicam gubernandi) concipere possunt, si hoc pacis & belli efficacissimum instrumentum, omnium commerciorum coagulum, vitæ familiaris præsidium, ornata prætextum, quale fuerit & elegantissime & luxuriosissime usis, nesciant. Hac igitur tam perspicua tantumque patens necessitas summis ingeniis facem subjecit, ut in rem nummariam priscorum eruendam rationesque ejus explicandas, quanquam multis obstructas difficultatibus, & animo & opere magno, velut sanctius ararium, velut veteres thesauros tellure reclusuri, incumberent. Et quàmvis una sit eruditorum natio, nec patria censeri debeant, qui possunt ingenium deferre, tamen cum undique cultissima terrarum Europa concurreret ad hanc curam, Galli homines, seu dignitatibus personarum, seu doctrina claritate, seu effectu operis in eo certamine sine controversia primas obtinuerunt. Ecce amici Regum, aliquis libellorum supplicum magister, quum pauci etiam essent, aliquis Abrincensis pontifex, aliquis Archiatros. Ecce a Gallia donati Batavis Athenis, cujus majores magnis & legionibus & populis

imperitarunt, in exsilio nactus latius sapientiae regnum, & non minus principatu literarum nobilitatus illius successor. Ecce juris sacerdos, ecce caerimoniarum interpretes, ecce caussarum scrutator & siderum, facile suorum quisque primi. Nec vero Tros Tyriusve quidquam interest aut sordent mihi alterius caeli proventus: (numquam fuimus tam morosi, ut odia indicemus nationibus, & uni alterive matrem, ceteris novercam naturam statuemus) constat & illis sua apud me existimatio: sed horum numerum & felicitatem admiror. Hic vereor, ne, dum argumenti lenocinio & conditorum ejus auctoritate scripturam meam tibi, lector, insinuare contendo, eo processerim, unde latere tecto, id est, salvo pudore vix me recipiam: quum propius nihil sit quam ut perconteris aut cogites, qua ego fiducia me tantis nominibus, quibus semper adsurgo, inseruerim. Itaque cum aut ignavo responso suscepta caussa & tot insomnie prodenda sint mihi, aut liberius agendo irritanda invidia; parcam verbis, atque eo constantius impingam tibi hoc quod porto: nam, ut festinus

Comicus de aquario vase jöcatur, literatum est, cantat ab se, cujum & quanti sit. Vnum deprecor (quia sunt, qui methodos intempestive crepent, & eo nomine etiam adversus veteres insolescant, illorumque scripta insanis legibus libera aut vituperent aut in ordinem cogant) ne in opere tumultuario & majorem partem inter officinae moras nato lineam poscas: & nos omnino iisdem, quibus plerique, vestigiis, aris primo, dein argenti, tum auri formis & ponderibus & pretiis annumerandis, decurrisse postules. Equidem & horum si quid hinc petes, fere nihil non referes: sed aliud illorum fuit, aliud nostrum institutum, qui ab initio usque non omnia bene satisque de prisco nomismate dicta repetere, sed subseciva tantum & prætermissa persequi animo habuerimus. Aliquid in decies sestertio, quod priores fugerat, visum blandiebatur: id igitur solum cum studiosis communicavimus, cetera non tangentes, nisi quatenus illud sine his non intelligebatur: hæc prima fuerunt lineæ hujus voluminis, anno hujus seculi XLIII ductæ. Quod ferebat animus dissimulare, nisi esset amolienda suspi-

spicio, meis quidem moribus insolens &
 aliena, sed multi dum eam parum vitant,
 invidia sua etiam insontes onerant. Vivi-
 mus enim inter homines cujuscumque fa-
 mæ quam doctrinæ excellentis & edendi
 quam meditandi cupidiores: unde fit, ut
 malint scripta rescribere aliena, atque
 etiam sibi supponere, parientes sine obste-
 tricis opera, sine doloribus, quam exspe-
 ctare, donec de illis, quæ utiliter scribenda
 restant, aliquid conceperint & enitantur
 suum. Erat igitur ille noster quasi sceletus
 rudis atque informis: tamen ex quo facile
 colligeres, quid esset, quidque tacitum si-
 gnificarent antiqui, quum pronuntiarent
 decies sestertium, & quæ inde conti-
 nuantur. Itaque non modo fructum mihi
 tulit hæc incondita cura, judiciis, quæ ma-
 xime verebar; industriæ nostræ testimo-
 nium præbentibus, sed & exortus est nu-
 merorum arenarius, qui in sua Institutione
 anno XLIX publicata sententiam nostram
 „ita proponeret. Numeri à decies centenis
 „millibus itidem quidem exprimebantur per
 „sestertium argenti pondo, sed adverbiali-
 „ter & compendiose ut plurimum, subintel-
 lectis

L E C T O R I.

lectis vocibus Centies vel Centenum. " Sic H S. decies significat sestertium ar- " genti pondo decies centenum, seu decies " centies, hoc est, millies numerandum: seu " duas argenti libras cum semisse decies cen- " ties numerandas: seu mille nummos sester- " tios decies centies numerandos: hoc est, se- " stertium nummum decies centena millia. "

Depromptum ex qua dixi cella est ꝛ decies per solum centies vel centenum expleri: quum omnes alii aut centena millia aut tantum mille (non leviori errore: nam si sestertium genitivo plurali de singulis nummis interpretabantur; quid decies mille nisi decem millia? si de mille nummis, erit 10000000, quod non decies, sed centies centena millia efferendum est) sub eo acceperint. Qua autem ratio induxerit hanc $\epsilon\lambda\lambda\epsilon\psi\iota\nu$, nunc habes explicatum; tum describi non poterat, quia etiam latebat erutum nemini. Depromptum pariter, inde sestertium hoc esse ex illis, quae in proximo numerorum actu quidam appellaverant sestertia pondo: quum iidem omnes hic nummorum in eo voca-

* *

bulo

bulo intelligerent, Sestertii decies, sestertio decies, aut consuetudine vulgi contra rationem introductum putarent, aut omnino Latinis usurpatum negarent: alii sestertia prorsus idem esse, quod sestertios contenderent; Scaliger decies nomen substantivum imaginaretur. Rem tenuissimam, inquis, quam complures facilius utique quam fixum in luto nummum transscendissent: quin & erit forsitan, qui naribus adductis, ore depravato, tricas, tramas putridas, glandem cassam, curculiunculos minutos, exclamet. Fateor, in tenui primum laborem fuisse, sed eodem valde opportuno & recondito, atque ob hoc tamdiu, toties, tam laboriose, à solertissimis & acutissimis hominibus, sine effectu, quæsito. Dein hanc exiguitatem multa & magna consequuntur: lux quædam in omnes sinus & recessus veteris monetae pertinens: ratio ponderum & proportionum & estimationis per as & argentum & aurum signatum certius & commodius inita: innumera veterum omnis generis scriptorum capita mendis aut obscuritate involuta

& inutilia, hac ope sanata & declarata:
 detecti acervi errorum, quibus necesse fuit
 implicari & toties excidere optimo proposito
 vera tradendi viros incomparabiles. Qua-
 lis est annuum natura: saepe angusto fonte
 prorepunt, quem adsistens verearis ne aut
 aestus exsiccet aut ruina obturet: mox ve-
 hunt commercia remotissimarum gentium,
 terminant imperia, muniunt urbes, irri-
 gant sata, interdum expugnant ac popu-
 lantur, nationum & gregum pellunt sitim,
 vimque illam quam utilem tam formidabi-
 lem exercent. Itaque mirum non foret, si
 quis indignaretur hoc inventum sibi invo-
 lari; si egre ferret ab se mutuatos nomen
 non reddere; praesertim ubi Budaeus, Ma-
 nucius, alii, nec in quibus magnifici fue-
 runt, sed in levioribus multo & vulgatis,
 de quibus nemo paullo humanior aliter sen-
 sisset, appellantur, Hostus etiam predica-
 tur: ut fide candoris per hos facta, nemini
 alii, si quid contulissent, quicquam abjura-
 tum credatur. Mihi non vacat indignari.
 Placet in chartas verba transferri mea:
 placet, quicumque veris accedit: quanquam

placet magis, qui inter hac & suo & alieno
 parcit pudori, nec tantum indulget etati
 suæ, ut cogat invitos, quemadmodum Te-
 rentium quidam, in prologis scribundis
 operam abuti, non qui argumentum nar-
 rent, sed qui tanquam malevoli, non qui-
 dem maledictis, sed silentio respondeant.
 Est maledica quadam & insectatrix, est
 & muta & inficiatrix malevolentia, sæpe
 jam dudum nobis quoque obvia & comes.

Quam in aliis mutuo silentio punire licet :
 hic non licebat, nisi vellem, cum pauci
 Schedion illud de festeriis viderint, reli-
 quos me occupasse ignaros, comparantes
 tempora nata illius Institutionis & nostro-
 rum Subsecivorum exeuntium, ab illo nos
 accepisse, suspicari. Tum igitur, quicquid
 erat, intactis, quæ questionem illam uni-
 cam non contingebant, & aliunde commodè
 peti poterant, nec nostræ observationis no-
 vum auxilium exspectabant, recenti in-
 ventionis calore, in medium properavimus.
 Postea quoties præsentiores curæ aliquid la-
 xamenti dederant, eodem subinde relatus
 & revocatus, materiam lentam difficilem-
 que

que subigendo crebro & tractando ita emol-
 livi, ut quadam, ad qua nec ego, nec
 quisquam, quod scirem, adspirarat; plana
 & certa mihi redderem. In quo numero
 erat omnis ratio, qua suasit antiquis, ut
 supputationem per sestertios, per sester-
 tia, per sestertium, variarent: item
 vis ac potestas & pondo: & modus confi-
 ciendi rationes ad denarium, victoriatum,
 sestertium, Volusio memoria proditus, &
 primo adspectu inexplicabilis. Cujus rei vel
 Hotomannus fidem fecerit: nam Ciacconio
 eam rem cessisse non praevideram, non per-
 petuo, sed commodato ad breves oculorum
 conjectus eo libro usus. Denique ut fit in re-
 bus humanis, ut omnia debeantur tempori,
 & aggressi parva successu operis majores
 spiritus sumant; & ut Ligus ille Maria-
 nus, dum cochleas confectatur, studio le-
 gendi paulatim in summum montem egres-
 sus, victoria viam imperatorem docuit:
 Sic ego vicina jungendo, quia multa secure
 & inexplorato tradita, securius accepta, &
 auctores & sectatores frustrari videbam,
 diffusus & indubitans omnibus, priusquam

L E C T O R I.

” na millia, & in sestertium subauditur
 ” nummum seu nummorum. Fruere, &
 bonis nostris fave, malis indulge; non ut
 dissimules, (cupio & ipse me, & si qui à me
 inscio deduci possint, ab errore liberari)
 sed, quod non mea magis quam tua inter-
 est, ut liberaliter & eleganter castiges.



I. F R E D E R I C O
G R O N O V I O.

INgens lux patria tua G R O N O V I ,
Lux ô cuilibet invidenda genti !
Cui pulchrum caput impedit corona
Ex Musæ sylviis Papiniana ,
Cui pulchrum caput impedit corona
Ex Antenorei salute civis ,
Ex omniq[ue] jugo eruditionis
Cui centum impediunt caput corona ,
Quis dicet pretium huic tuo recenti ,
Quo tot promis opes novas labori ,
Nummorum veterum acer aestimator ,
Spectator simul elegans novorum ,
F V L Q V E T V S nisi dixerit, laborum
Fertur qui veterum acer aestimator ,
Spectator simul elegans novorum ?
F V L Q V E T V S gemino verendus ostro ,
Divarum Themidis , Pecunieque ,
Mortali quod adhuc viro negatum ,
Custos integer unicus duarum ,
Qui librans trutinâ severus equâ
Ius aurumque , manu , nec ore tantum
Sed castâ superis manu probatus
Cælo lilia quæ fluunt ab ipso ,
Fulvo lilia quæ nitent ab auro ,

Semper sollicitâ fide tuetur,
Mortos Hesperidum, aureumque vellus
Ut quondam Draco pervigil, tuetur;
Cui Sacrum hoc anathema cum videret,
Ridens nuper Apollo dixit, aut nunc
Aut nunquam invenient opes Camæna.

At tu, nam memini, malè hoc ferebas,
Gazis ingenii satis beatus,
Celso pectore, conscientiaque
Supra quicquid amat stupetque vulgus
Qui vero studio fideliterque
FVLQVETVM colis, & minore curâ
FVLQVETI geminum vereris ostrum,
Aeternâ caput impedit lauro,
Ingens lux patria tua GRONOVÌ,
Lux ô cuilibet invidenda genti!

ALEXANDER MORVS.



IOH. FRÉDÉRICI GRONOVII,

D E

SESTERTIIS,

S E V

SVBSECIVORVM PECVNIAE
veteris Græcæ & Romanæ

L I B E R I.

C A P. I.



Occasio scriptionis hujus. L. Annaeus Seneca ex vett. libris correctus & illustratus. Vivere in sestertio centies. Esse in are alieno, in suis nummis. Ζῆν ἐν τοῦ σ' τοῖς. Libanii Sophista locus clarior & emendatior propositus. Militem pauperem pugnare fortius. De Sestertiis resumpta doctorum hominum disputatio. Quibus gradibus post renatas literas intelligentia illorum profecerit. Quid quarendum restet.

PEr exigua sæpe primarum etiam rerum sunt momenta: & quæ diu opereque maximo summa ingenia frustra optarunt, quæ siverunt, sperarunt, ubi fortuna & dies admaturat, tenui

nui laceffita irritamento, tantum quod non sponte, minori certe spe aggressis cedunt & feliciter proveniunt. Id nescio an & ego sim expertus, quando unius loci ambigua scriptura dubitationem, sæpius rejectam, nunc velut ultro nutritam inscitiam atque ignaviam acrius exprobrans, me Labyrintho pecuniæ veteris inclusit. Fuerit operæ pretium, & monstris quibusdam pacatis inventa sit difficilis janua, & signa ac notæ finiendi erroris passim dispositæ, levioze forsan cum periculo posthac ingressuri judicabunt. Quum ante complures annos L. Annæi Senecæ operibus recensendis fervente prælo aliquid subitariæ operæ navarem, (quod tum tamen consilium peregrinatio longinquior peremit) gestiebam leve mendum tollere, ut gemmulam Latini sermonis haud ita vulgarem, quæque non imprudenti excidit auctori, eadem manu ei reficerem. Consolatione ad Helviam cap. x. de Apicio: *Quum sestertium millies in culinam congesisset, quum tot congiaria principum & ingens Capitolii vectigal singulis comissionibus hausisset; ære alieno oppressur rationes suas tunc primum inspexit, superfuturum sibi sestertium centies computavit, & velut in ultima fame victurus, si HS. centies vixisset, veneno vitam finivit.* Ex MSS. suis, in *sestertium centies*, notavit Fer. Pincianus, & ita bis advocat Fr. Hotomannus in libro de re nummaria.

maria. Citeriores accuratissimorum hominum editiones particulam spreverunt. Quod nullo more factum videbatur, & legisse quid simile memineram: sed, quia numeros tantum, non verba tenebam, neque in promptu exemplum erat, detuli tantum iudicio illorum, qui ante nos hanc Spartam majori cum laude essent sortiti, ut nihil mutarem. Postea ætate & usu robustiori visum est omnino faciendum, ut restituerem vetus chi-rographum, ut tamen in tribus Pall. conceptum fuit: *si in sestertio centies vixisset: auctore perquam locuplete & idonco in vita T. Pomponii Attici: ut neque in sestertio vici- es, quod à patre acceperat, parum splendide se gesserit, neque in sestertio centies adfluentius vixerit, quam instituerat.* Suffragantur & alii parum aut nihil differentes. Cicero pro Q. Roscio: *Egebat? immo locuples erat. Debebat? immo in suis nummis versabatur.* In Verrem lib. IV. *At hominem video auctiorem fecisse nul- lam; vendidisse præter fructus suos nihil unquam; non modo in ære alieno nullo, sed in suis nummis multis esse, ac semper fuisse.* Horatius lib. II. epist. II.

Res urget me nulla, meo sum pauper in ære.

Paupertas enim non necessario omnium e- geni, sed, ut finit Seneca epist. LXXXVII, parvi possessio. Plinius lib. IX. cap. XXXV. *re- lictus ab eo in amplis opibus heres.* Et in contra-

rium Seneca lib. v. de benef. cap. xxxv. nihilominus illum in ere alieno relinquimus. Vulcatius Gallicantis in Avidio Cassio: *vivant in patrimonio parentum pro parte donato: auro, argento, vestibus fruantur.* Sic Libanius *οὐδὲ περιπατῶν. τὰς δὲ νῦν καὶ αὐτὸ τῷτο Διφθερίῃ, τὸ ζῆν ἐν ποσέτοις ποιεῖν αὐτὰς φιλοψύχους ἀντὶ φιλοτίμων, καὶ πείθην φεύγειν ἀπὸ τῶν καλῶν κινδύνων ὅππῃ τὰ παρέχοντα τρυφᾶν.* Cujus nec sententiam nec veram scripturam adsecutus est, qui bono publico hanc & alias orationes Libanii edidit, Iac. Gothofredus. Vertit enim: *quod in illis vitam ducant, quod vitæ quam gloriæ cupidiore sint, & suadeant fugere a pulchris periculis &c.* Sed legendum est: *καὶ πείθην φεύγειν.* Eos vero, inquit, qui nunc sunt, hoc ipsum corrumpit, quod vivere in tantis opibus (vel, possessio tantarum opum) reddit eos vitæ quam gloriæ cupidiore, suadetque fugere &c. Nam hoc vult, pecuniam in pericula segniorem facere militem. *Τὸ ζῆν ἐν ποσέτοις*, si summa ampla, quasi aliquot centenum millium, designata superius fuisset, ex alio Senecæ loco vertere liceret: *vivere in toties sestertio.* Exemplum Horatii Lucullanus miles, in memorata epistola, qui collecta viatica perdiderat.

— post hoc vehemens lupo, & sibi & hosti

Iratus pariter, jejunis dentibus acer,

Præsidium regale loco dejecit.

Vbi mollior sit comparatio, si legas: *vehe-*

mens

mens lupus ut, sibi & hosti Iratus pariter. At idem donis ornatus & viginti millium congiario, quum ad simile periculum invitaretur,

Ibit eo, quo vis, qui zonam perdidit, inquit.

Euripides in eandem sententiam in Phœnissis: Δειλὸν δ' ὁ πλεῖστον καὶ φιλόψυχον κακόν.

Et Epaminondas: πρὸς τὸν ὑπάσπιστρά αὐτοῦ χρημάτα εἰληφέναι πρὸς τὴν αἰχμαλωτῶν, ἐμοὶ μὲν, εἶπεν, ἀπὸ δὲ τῶν ἀπιδάσκαυτῶν ἢ πρὶν καταλῆσθαι, ἐν ᾧ καταζήσεις· ἔγὼ ἔπικινδυνεύειν ἐμελήσεις πλεῖστον χρόνον.

ut est apud Ælium lib. xi. Atque hæc quoque

confirmant Sallustij dictum de avaritia: *ea quasi venenis malis imbuta corpus animumque virilem effaminat.* in quo disputat Favorinus

apud Gellium lib. i. cap. i. Ad genus lo-

quendi pertinet, quod inferius Libanius:

ὅπως εἴ τις ὑμᾶς ἐν ἐλάττοσι ποιήσῃεν, βεργέτης αὖν εἴη μάλλον ἢ εἰ πάντα δοίη. Porphyrius de

vita Pythagoræ: βιῶντα δ' ἐν ἀφθόνοις ἀναλρέ-

φειν τὸ πικρὸν, Ἀσραῖον καλέσαντα. Atque

hoc quidem δὴ μάθης καὶ δὴ κατάληπτον. Sed

longe difficilior ἐξέτασις, rectiusne apud Se-

necam, IN HS. CENTIES, quod forte

fuit in antiquissimis codicibus, librarii quos

sequimur, in *sestertio centies*, an ille cujus fi-

dem sequuti Pincianus & Hotomannus, in

sestertium centies, expresse-
Ciacconius, ut sese ab hujus cogitationis

molestia liberaret, in libro de triclinio dubium vocabulum, (adducens, *si in centies vixisset*,) in tractatu vero de nummis totam quaestionem omittit. Me quoque illa quum antea, tum maxime postquam ista Senecæ verba attigi, diu tenuit ambiguum, diu πό-
 υς γε ἀλῆθ' ἐστίν, καὶ οὐδὲν εἰς ὄψιν ἀλέων. Ut tandem deciderim, non ultra celabo, nec forte multorum ingratiis, si placere potest θυμὸς ἀγῆνων in tantis præstantissimorum virorum dissensionibus propriam sibi facientis viam. In confesso est apud omnes, *decem sestertios* esse decem nummos argenteos, qui sic appellantur, prima origine x x v libris æris seu totidem assibus æstimatos; postquam vero sestertius quatuor asses valuit, quadraginta assibus; nostra pecunia quartam partem scutati sive Philippei sive aurei: similiter *decem denarios* esse decem nummos argenteos hoc nomine, complectentes quadraginta sestertios, nostrum scutatum vel Philippeum aut aureum Rhenanum unum. At ecce immmani saltu *dena sestertia* sunt decem millia nummum sestertium, nostri ducenti quinquaginta Philippei: sic & *decem denaria* censuit Scaliger dicta pro decem millibus nummum denarium, nostris mille scutatis sive aureis. Nos ut in usu id habuisse veteres nondum adfirmamus, ita dicere potuisse pari ratione facile concedimus. Sed quæ sit illa

illa ratio, quæritur. Atque ut cuivis promptum sit, quemadmodum intra hos CL annos hæc in antiquitatis parte vita profecerit, quæ impedimenta ingeniis fuerint, rem paullo altius repetemus. Primis renascentium literarum incrementis miræ erant tenebræ & circa rem nummariam veterum: fingeabantque Sabellicus, Beroaldus, Porcius, Egnatius, Turnebus, *sestertium* neutro genere grandem argenteum nummum: & appellabant alium *sestertium minorem* & æris, aliud *sestertium majus* argenti duarum librarum & selibræ. Dispulit hanc caliginem Guil. Budæus, docuitque *sestertios* fuisse nummos argenteos binis & selibris æris, deinde quatuor assibus æstimatedos, *sestertia* vero, non nummos, sed ἀπορίσματα mille hujusmodi nummorum *sestertium*: adduxitque in suam sententiam Alciatum ejusque discipulum Ant. Augustinum, Rob. Cenalem, Glareanum, & complures alios: donec Georg. Agricola exortus est, qui *sestertia* pro tam grandi summa omnia abolevit, nec uti ea voce, nisi poetæ, idque pro nummo *sestertio* voluit: regulamque constituit, si nomen numerale casu, numeroque, genere congruat cum *sestertio*, sive masculini sive neutrius generis fuerit, nullum alium numerum significari quam qui profertur, tanquam *decem sestertios* vel *decem sestertia* dici

pro decem nummis: si vero duo nomina, numerale scilicet atque *sestertius*, iisdem casibus non efferantur, sed hoc genitivo plurali, illud (quod item plurale est & neutrius generis) quovis alio, tum *τὸ millia*, quod a nomine numerali expresso nunquam dissentiat casu, intelligi, ubicumque non sit appositum: sic *sestertium ducenta*, *sestertium dena* apud Ciceronem, *sestertium centum* apud Sallustium legi, pro ducentis, denis, centum millibus. Nec caruit suffragatoribus: quippe quem secutus sit pro parte Hadr. Iunius, cui *sestertius*, & *sestertium* poetis, nummus idem, & omni opum vi connixus Hotomanus, propugnans multis argumentis, quæ summo studio ac diligentia ab sese ait observata, & his regulis definita: primo *sestertium* neutro genere, numero singulari, nusquam neque apud oratores neque apud poetas pro pecuniæ summa reperiri: secundo, *sestertia* veteres prosa locutos nunquam dixisse, sed confictum hoc nomen à poetis esse ex genitivo plurali *sestertium* contracto pro *sestertiorum*, tantummodo ut versibus servirent: (in quo recedit ab Agricola, quia videbat negari non posse *sestertia* poetis pro mille nummis accipi, nec in versibus ea vox propter legem metri ex libidine corrigebatur:) tertio, ubi aliquot millia sestertium enuntianda erant, usum fuisse duplicem loquen-

quendi, ut interdum plena oratione dicerent, *quinquaginta sestertium millia*, interdum præcise *quinquaginta sestertium*, eodem sensu. Hos exceperunt Pet. Ciacconius & Ios. Scaliger, hæcenus egregia cura, quod *sestertia* recte a Budæo mille nummis æstimata, vindicatis, quibus illi abutebantur, auctorum locis, evicere: sed ambo tantum detulere Agricolaæ adversus Budæum & Alciatum disputationi, ut rationem, cui insistsens ad hanc taxationem Budæus pervenit, repudiarent; Ciacconius totum ad consuetudinem referens, Scaliger inventa ratione nova; quam vera, mox quæremus. Præterea convenit inter omnes, *decies sestertium* idem esse, quod decies centena millia nummum sestertium, nostrorum viginti quinque millia Philippeum. cujus inventi solida est penes Budæum gloria. nisi delibet eam Leon. Porcius, quamquam cætera multis partibus infra Budæum: sed sic quoque utrique sua laus solida est. Sed sitne in brevitate illa dicendi *τὸ sestertium* genitivus pluralis, & intelligendum habeat *centena millia*, quod vulgo, an singulare neutrum, quod Scaligero placuit: sitne enuntiandum semper *sestertium* sine varietate alia, ut Agricola, an nonnunquam, sed ex usu vulgari ac sine ratione mutetur, sic tamen, ut Latinum sit utrumvis, sive *sestertii millies possessor*, sive *sestertium*

millies possessor efferas, ut fere Budæus ac diserte Hotomannus: an denique pro ratione vicinæ vocis semper flectatur, & *millies sestertii possessor* Latinum sit, *millies sestertium possessor* solœcum, ut Scaliger arbitrati: scio estimationem non esse cujusvis. Et si enim à plurimis recepta est Scaligeri sententia, non defuit tamen, qui eam palam ac magna specie oppugnaret. Is est Gasp. Scioppius, sub nomine Pascasii Grossippi, de lingua Latina haudquaquam male meritis:

ἐνὶ γε πικρὸς

Καὶ οἱ αἰεὶ δριμύτηα χολὰ ποτὶ ρινὴ καὶ ἡτμ.
præsertim ubi cum Scaligero constitit: tum enim ilicet & hominem se & literas tractare, quæ ab humanitate denominantur (nisi tamen hæc quoque perturbatio est aliquid humani) penitus obliviscitur. Itaque eo processit, ut *decies sestertii*, *decies sestertio* pro Latinis agnoscere vocaret ridendum stuporem. Concedit tamen *decies sestertium numeratum* perinde recte dici atque *decies sestertium numerata*: dummodo alterum accipias per syllepsin numeri, alterum ut intelligantur *centena millia*. Hoc igitur, ut Scaliger appellat, nobile certamen summorum virorum ita Dei virtute pro modulo nostro componere tentabimus, ut primo, quod verius nobis videtur, inter multa falsi confinia obtineamus: deinde quæ illud adhuc infamave-

maverunt & suspectum reddiderunt, reprimamus aut conciliemus: tertio eorum, quæ hujus materiæ apud varios auctores dubia pendent, nonnulla exploremus, & si detur, ad certum & liquidum redigamus.

CAPIT. II.

Ios. Scaligeri sententia expenditur. Latini non habent voces, quibus δικάδα, χιλιάδα, μυριάδα expriment. Decuria & centuria certorum corporum. Vſus τὸ mille, quando, ut creditur, substantivum est. Varro emendatus, idemque cum Gellio notatus. Sestertia chalias, denaria chalias pro mille nummis sestertiis vel denariis, nec Latine nec Grace dicitur. Tria sestertia, vel tria millia sestertium dicebant, non tria millia sestertia. Ducenta sestertium Σολοικίζι. Vſus particularum, quæ in naturam substantivi transeunt, addito vel intellecto articulo aut κἀνηγορευόμεν. Sacrum sophos atque profanum, pro literis divinis & humanis barbare dicitur. Varronis, Charissi, Budei, Hotomanni, Ciacconii, de invenienda ratione τῶν decies sestertii, decies sestertio, desperatio.

PRæclare definit Scaliger τὸ sestertius, denarius; esse adjectiva: jure contempnit ac relegat Agricola, Iunii & Hotomanni sestertia poetica: cedro digna observatio, in decies sestertium; τὸ sestertium esse numeri singularis neutrum declinabile, non pluralem genitivum. Sed dum seposita ponderum & librarum veterum consideratione quæstionem

nem mere Grammaticam putat, qua tamen fatetur in re nummaria nullam esse majoris momenti, iis argumentis rem tam abditam, capitalem & tot seculis ignoratam confirmat, ut ludere potius, quam serio agere, & ipse persuadere nolle videatur. Primum hæc duo, ait, *Mille & Decies*, alterum putum putum substantivum est, ut *χλιδᾶς* Græcis, alterum transit in substantivum communicatione articuli, *hoc decies, hoc centies*. De priori sic existimat propter medium genus, quod posuimus, in quo, cum dicitur *decem sestertia* vel *denaria*, intelligi vult τὸ *millia*, cui pro adjectivo hæreat τὸ *denaria* vel *sestertia*: de adverbio propter tertium. Sed nos *mille* hoc substantivum nullum agnoscimus. Græcis licuit *δεκάδας, ἑκατοντάδας, χλιδάδας, μυριάδας* facere. Romani ab his abstinuerunt, atque etsi *decuriam, centuriam*, non tamen in promiscuum, sed tantum de certis corporibus ab initio fortassis eo numero, postea fere ampliore, sæpe minore constantibus, admiserunt. Sic quo minus indigerent vocabulo *τὴν χλιδάδα* significante, cardinale illud *mille* ita eleganter καὶ ἑλλειψιν adhibere cœperunt, ut idem quod *χλιδᾶς* efficeret, & cum revera sit semper adjectivum plurale, obiter adspicientibus & substantivum & singulare esse videretur. Quos inter in primis Varro & A. Gellius.

lius. Ille lib. viii. de L. L. *Actus primus est ab uno ad nongenta, secundus à mille ad nongenta millia: quod idem valebat Vnum & Mille. utrumque singulari numero appellant. nam ut dicitur hoc unum, hæc duo, sic hoc mille, hæc duo millia, & sic deinceps multitudinēis.* Quæ verba ex ratione manifesta sic restituimus, cum vulgo defecta sint. Hic lib. i. cap. xvi. considerans illa, *mille hominum occiditur, mille passuum est,* subjicit: *mille enim non pro eo ponitur, quod Græce χίλιοι dicitur, sed quod χιλιάς, & sicut una χιλιάς & duæ χιλιάδες, ita unum mille & duo millia certa ac directâ ratione dicuntur.* Sed de his infra accuratius: loquamur nunc ceu nondum improbata vulgari opinione. Cum *mille* substantive poni aiunt Grammatici, nunquam comparet sine genitivo casu expresso vel intellecto ejus, quod ad millenarium numerum adsurgere significamus, ut *mille hominum, mille capitum.* Nunquam adjectivum, quod intellectu certi substantivi rem per se subsistentem significat, & plerumque pro illa ponitur, adjungitur τῶν *millia* tanquam substantivo ita, ut merum adjectivum sit, & tamen pleniorē illam significationem retineat. Deinde isthoc usu semper exprimitur, aut certe non intelligitur *mille*, nisi ex proximo, ubi expressum est. In re nummaria, inquit, *millia sestertia, millia denaria* dicuntur, perinde ac si Græce esset

», *χλιάδες σισέρλαι*, *χλιάδες δλωάεραι*. Hoc exemplum est dormire interdum magnos viros : nemo unquam Latinorum ita locutus est. *Mille denaria*, *mille sestertia*, Latina sunt, ut *mille prætecta*, *mille cataphracti*, *mille amici*. Et hic *mille* adjectivum est manifestarium : *denaria* autem vel *sestertia* cum adjectiva sint & substantivum non expressum demonstrent, pro utroque juncto ponuntur singula, ut & *prætecta*, *cataphracti*, *amici*. At illud perinde est ac si dici contenderem *millia prætecta* pro mille togis prætectis, *millia cataphracta* pro mille equitibus cataphractis, *millia amici*, pro mille amicis. Si *millia denaria* dixerunt aut *millia sestertia* compositione substantivi cum adjectivo, eadem utique ratione dixerunt *mille denarium*, *mille sestertium*. Atqui certum est hæc esse concepta, ut *mille passuum*, *mille nummum*. Non aliter igitur & *duo millia denarium*, *duo millia sestertium*, ut *duo millia passuum* vel *nummum* potuerunt dicere. Quin nec *χλιάδες σισέρλαι* facile apud quemquam Græcorum, qui Romana verterunt, invenietur : nam & *χλιάς* postulat genitivum rei, quæ numeratur toties ; in adjectivum formatæ eodem casu apponi adspernatur. Vbi legit *χλιάδας ταλανταίς*, *μυριάδας δερχμιαίς* ; Stupeo, & vox faucibus hæret. Quomodo in mentem tanto viro hæc venire potuerunt. Scio quidem

dem apud Theophilum lib. III. tit. VII. haberi : πλίσσιον ὃ ὠρίσαιο ἔχοντα ἑκατὸν χιλιάδων σιστερίων πείσσιαν. Sed hic substantivum genitivo casu regit alterum sibi adjunctum eodem casu : ut quum Livius in principio operis: *memoria rerum gestarum principis terrarum populi*. Et opes istæ alia forma pronunciarentur ἑκατὸν χιλιάδες σιστερίων, non ἑκατὸν χιλιάδες σισέρλια. Sic Glossæ verborum juris : Ὁρφανικὸι τόκoi, ἅς ἢ πεπληράειες λέγουσιν, οἷ δὲ τριτῆς ἑκατοστῆς. hoc est, ex triente centesimæ, vel trientes centesimæ : non ternæ centesimæ, non trientes supra centesimas, ut acceperunt docti jure reprehensi Salmasio cap. VII. de M. Usur. Nam alio casu non pronunciaretur τριτῇ ἑκατοστῇ, sed τριτῇ ἑκατοστῇς, puta μερῆς, quæ Latinis usuræ trientes : & pertinet hoc glossema ad leg. VII. παρ. X. D. de admin. & peric. tut. Dicimus ergo ait, *tria millia sestertia & tria sestertia* pro eadem summa : *tria denaria*, hoc est, *tria millia denaria*. Nunquam somniarunt hæc veteres, ne dum ut dixerint. *Tria millia nummum*, aut *sestertium*, aut *sestertium nummum*, aut denique *tria millia* dicebant, quæ alias *tria sestertia* : sic & *tria millia denarium*, quæ forte etiam, poterant certe, *tria denaria*. Et tamen repetit ille : Neque possunt effugere, quin *tria sestertia & tria denaria* eodem modo dictum sit, quo ple-

„na oratione *tria millia sestertia*, *tria millia*
 „*denaria*. De hac plena oratione nunquam
 cogitarunt veteres : si dixissent, at non pote-
 rant tamen eodem sensu dixisse : fuissent
 enim *tria millia sestertia* idem quod tricies
 centena millia sestertium, *tria vero sestertia*
tria millia nummum : quæ immane quan-
 tum differunt. Etenim *mille sestertia & decies*
 idem sunt. Nec felicius Scaliger, felicissime
 Latinos subticere millenarium numerum :
 nec posse Græcos dicere *Ἀρχαία δερχμῶν*,
 quemadmodum Latinos *ducenta sestertium*.
 Nego Latinorum quemquam ita locutum
 esse. Quum millenarius numerus omittitur,
ducenta sestertia dicunt. Cicero : *numeraban-*
tur illa sestertia ducenta quinquaginta Syracusa-
nis. Tacitus : *daturum liberis ejus ducena sester-*
tia. Quum *sestertium* poni placuit genitivo
 plurali cum cardinali numero, semper adje-
 cerunt *millia*, in eadem summa, ut *ducenta*
millia sestertium, *ducenta millia nummum*. quæ
 sunt idem quod *ducenta sestertia*. Neque sub-
 auditur in talibus *τὸ mille*, neque infra illud
 numeris in usu promiscuo attribuitur geni-
 tivus. Agricola & Hotomanni perpetuus
 hic est error, qui ea sribligine veterum scri-
 pta replere voluerunt. Offendit similiter
 P. Manucius ad Divinationem : aliud est di-
 cere, inquit, *sestertiis duobus*, qui sunt asses
 octo ; aliud *sestertium duobus* : ubi *millibus*,
 subau-

subaudiri, Latini sermonis consuetudo postulat. At non ita Charisius Sosipater: *Item in conjungendo propria quibusdam potestas, quæ ratione excluditur: ut cum dicimus quinquaginta millia nummum: nec statim centies nummum dicere possumus, sed centies sestertium: nec tamen quinquaginta sestertium, sed quinquaginta sestertia dicimus.* Ipse immo post paulo Scaliger apud Ciceronem quosdam corrigere ait *sestertium dena*: quod barbarum, subjungit, & inauditum esse audacter pronuntiamus. Iure sane: quemadmodum igitur sic excidit sibi, ut laudaret *ducenta sestertium*? Tacitus: *capiendis pecuniis posuit modum usque ad dena sestertia.* Iam de substantivo *decies* quis imperabit tantum nobis, ut admittamus? Hæc adverbia, *decies, centies, millies* substantivorum nominum naturam induunt accessione articuli, ut *hoc decies*, aut *καὶ ἡγορημένος*, ut *decies plenum, decies laxum, decies sestertium.* Apud Quintilianum in declamationibus est: *ter fortiter faciens.* Virgilius: *O terque quaterque beati.* Silius: *tercentum ante ora triremes, Vnum naufragium.* Quis autem ferret contendentem, in *ter beati*, *tercentum triremes*, τὸ *ter* substantivum esse, quia solis adjectivis jungitur? Sin *decies* ideo potius substantivum est, quam ista, quia articulus ei præponi potest, καὶ ἔτι erit substantivum, cum Grammatici Græci dicunt:

cunt : ἐν τῷ, Πείραχιν πν' ἐχθρῶν, λείπει ἡ Καίᾶ.
 Aut ὅπιθεν, πρὸθεν erunt substantiva, quia
 Sophocles : καὶ τὸ ὅπιθεν εἰς τὸ πρὸθεν ἄξο-
 μιν. Qui mos est Græcis vulgarissimus : sic
 ὁ πᾶν, οἱ πλεῖστον, οἱ ἀμφί πιναι. sed hæc omnia
 defecta verbis, & sensu integranda sunt. Sit
 ergo *decies* substantivi quasi vicarium adver-
 bium : at negari nequit scaturiginis vice bra-
 chium reductius ostendi nobis & nascentem Nilum procul etiam haberi. Omnes
 particulae, quæ apposito articulo aut καὶ ηγο-
 ρημένῳ pro substantivis gerunt, (quam ἀνι-
 μερίαν, sive enallagen partis vocant) occul-
 tant & a lectoris intelligentia reposcunt
 aliud verum. Vt ἡ καὶ, nempe πρὸθεν. Sic
euge tuum & belle, puta, πρὸ φωνήμα, *car-*
men. Sic *aliud cras*, id est, aliud dicere, cras
 fiet ; iteratio illius, cras fiet. Seneca epist.
 XLIX. *Modo te profecutus sum : & tamen hoc*
modo atatis nostra bona portio est. Tempus
 quod ego descriptum & intellectum volo
 hac particula, *modo*. Martialis :

Præter aquas Helicon & ferta lyrasque deorum

Nil habet, & magnum, sed perinane Σοφῶς.

Hoc est, murmur, vel auditorium acclaman-
 tium, Σοφῶς. Quod si cogitasset homo sa-
 tis laboriosus in literis, non in id barbariæ
 processisset, ut scriberet :

Quique Professores sacrum sophos atq; profanum
Exercere queant.

Quid

Quid intelligimus igitur veri substantivi, quum dicimus *hoc decies*, vel *hoc decies sestertium*? Hic Rhodus, hic pausat Scaliger, ubi tamen maxime erat exultandum. Itaque fateor, initio dum inter opiniones doctorum jactor, & eligo magis, in quam pedibus eam, quam ipse censeo, haftenus Agricola me subscripsisse: ut *sestertium* acciperem, ceu casus patrii pluralis, *sestertii*, *sestertio* ubique corruptum crederem, *decies*, *centies*, *millies* &c. *sestertium* perpetuo indeclinabile putarem, sic ut subaudiretur *summa* vel *quantitas* vel *patrimonium*. Volebam etiam in Cornelio Nepote ac Seneca, *vixerit in sestertium vicies* vel *centies*, scilicet *patrimonio*. Et sic alibi. Neque enim *sestertium decies* αὐτὸ τὸ δέκας ὀκτὲς ἢ ἑκατὸν ullo modo mihi poterat conciliari, minusque multo pro decade centum millia amplificante, aut tot nummos toties complexa, qui duplex numerus quomodo reticeretur, quærebam. Interim non minor in altera sententia difficultas occurrebat. Advertebam insuper tot auctoritates veterum, partim eorum, qui *sestertii*, *sestertio*, pro imperio vicinæ orationis in omnibus scriptis editisque libris servaverant, partim qui τὸν *decies sestertium*, & similibus deinceps, perpetuo adjectivum vel verbum singulare adjunxerant. Non levius Budæus, ingens illud literarum incrementum, fluctuavit.

„Fuit, inquit, cum existimarem, omnino ita
 „loquendum esse, ut post adverbium semper
 „genitivum pluralem subjungeremus. Ali-
 „quamdiu igitur ita loquendum arbitratus
 „sum, quoniam sermo integer hoc poscere
 „videtur, in quem contracta sic oratio resol-
 „vitur: *sexagies sestertium*, id est, sexagies cen-
 „tenis millibus sestertium nummorum, *mar-*
 „*garitam mercatus est*. Quare illum loquendi
 „modum, *quadrages sestertio solatus est*, &, *li-*
 „*bertinus ter millies sestertii possessor*, judicabam
 „errore legentium librariorumque ignoran-
 „tia in exemplaribus invaluisse. Aliter tamen
 „nunc censo, quum hujusmodi locutione,
 „et si contra rationem recepta, tamen libri
 „magnorum auctorum scateant. Sic ille: in
 quibus tamen hoc, *contra rationem recepta*,
 nec dicere unquam nec credere ausus fui.
 nec enim receptam putabam, aut fuisse re-
 cipiendæ aliquam, utcumque fucatam, ra-
 tionem. Prævit tamen illi Varro: *a deciens*
minora imposuerunt vocabula, neque ratione.
 & Sospater Charisius: *propria quibusdam po-*
testas, quæ ratione excluditur. Profectus ul-
 terius Hotomannus, quum diu se fatigasset,
 pronuntiat, abnorme hoc esse & inusitatum
 dicendi genus, in quo tanta vis fuerit con-
 suetudinis popularis, ut contra omnes Lati-
 næ orationis regulas, τῷ *sestertium*, quod ge-
 nitivi pluralis esset, pro singulari accepto &
 in

in fine variato, usurparetur. Ciacconio quoque censente videri potest id non ratione, sed consuetudine inductum, ut mutato genere e masculino in neutrum multiplicatio per millenarium fieret. Ita magni viri aut malunt omnem antiquitatem reprehendere, quam vitium ingenii sui confiteri; aut tentant illis modis eam excusare, quibus eam reprehendendi major ansa porrigitur. Quid post illos nobis nunc denique restat? Equidem spero me rem tam clare ob oculos propositurum, ut non tantum, quod illi ratione destitui arbitrantur, ejus rationem certam edam, sed etiam, quod poscere rationem statuunt, id contra omnem rationem & consuetudinem veterum esse, a quovis mediocriter docto intelligi possit.



CAP. III.

Sestertium omne id, quo continentur duo integra & unius dimidium. Sestertius nummus, quod ad binas aris libras vel duos asses complecteretur & unius dimidium. Varro redintegratus & illustratus. Æra. Retro dicere ara. Festus correctus. Trientem tertium pondo. Besalterum lignum. Quadrantem quartum longus. Εὐδομορὶ ἡμιτάλαντον, ἡμισυ ταλάντων, & similia. Flavius Sosipater correctus. Decussi inducto notatur denarius. Inducere. Priscianus tentatus & bis apud eundem Didymus. Quintus semipes Plinio quis. Aliud πενθημιπόδιον, aliud πέντε ἡμιπόδιον. Xenophon defensius. Bes-

alter numerus. Vitruvius defensus. Semis adjectivum. Ses, sesqui. Ad sestertium, locus extra urbem, Plutarcho Sestertius, & quomodo. Ad tricesimum, Ad centesimum. Castra in quinto lapide. Iustinus emendatus. Symmachus defensus. B. Cyprianus in agro sexti decollatus. Auctor vitae Cypriani vendicatus. Denarium quodcumque ad numerum denum multiplicatur. Septenaria synthesis Sagunthi. Quadragenarium dolium. Quinquagenarium sacramentum & similia. Centenaria usura maledicta Iul. Scaligero. Milliaris porticus. Vopiscus illustratus. Pontes miliarii tabellariiue. Lapis antiquus explicatus. Trecentaria vites. Correctus Varro. Chilias sestertia, chilias denaria quomodo possit dici.

VERUM est, iterum dico, *Sestertius, Denarius*, esse adjectiva. Quod ut evidentius fiat, simulque noscatur causa, cur hoc nonnulli ex eruditis non modo non perceperint, verum etiam oppugnarint, repetenda nobis hic, quæ de prioris vocis veriloquio veteres tradiderunt. Varro lib. iv. de L. L. *Sestertius, quod semis tertius. Dupondius enim & semis antiquus sestertius est. Et veteris consuetudinis, ut retro æra dicerentur, ita ut semis tertius, semis quartus pronuntiarent. Sestertius ab semis tertius dictus. Priscianus hæc adducit auctius: ut semis quintus, semis quartus, semis tertius pronuntiarent. Habent autem aliquid obscuritatis illa: ut retro æra dicerentur. Hotomannus hinc intelligi putat, alium fuisse antiquis, alium Varronis ætate sestertium: veterem*

veterem enim æreum fuisse, sed post argentum signatum usum ejus obsolevisse. Accipit igitur quasi dictum esset dupondium & sestertium olim æra vel æreos nummos appellatos. In quo quidem mire illum ratio fugit: nam ut de sestertio antiquissimo æreo litem nunc transmittamus, si sic accipiantur verba, necessum erit & dupondium posterius argenteum fuisse, quod tamen nemo affirmavit. Nec denique respondent huic sensui sequentia: *ita ut semis quintus &c.* Ciacconius binas adfert diversas alibi atque alibi interpretationes. Appellat, inquit, ni fallor, æra asses, hoc est, solida atque integra, aitque esse antiquæ consuetudinis, ut integra ipsa non directo ordine in supputando primo loco collocarentur, ut apud Græcos fiebat, sed retro dicerentur: non enim dicebatur *tertius triens*, ut Græcis *τρίτον ἡμιπένδιον*, sed contra *triens tertius*. Sed non video, quomodo hoc stare possit. neque enim cuiquam, opinor, in mentem venit, ut æra diceret pro asse hac significatione, qua *as* vocatur omne integrum, ut *as hereditatis*. Quis audivit ex ære vel aribus heredem pro hærede ex asse? Nunquam hoc credam Ciacconio, priusquam id alio idoneo teste confirmet. Nec perpetuum Græcis, ut integrum numerale præponerent, ostendit *ἡμῖν τρίτον*. Nec retro dici est posteriore loco poni, sed priore:

habet enim *in* retro vicem anterioris. Alio loco colligit ex his verbis Ciacconius, denarii & sestertii minutias, quæ ultra integros excurrebant in rationibus, *ara* appellata, & inde factum, ut rationes ipsæ, seu potius nomina, vocarentur *ara*: ut cum Cicero: *Quid? tu, inquam, soles, cum rationem a dispensatore accipis, si ara singula probasti, summam, quæ ex his confecta sit, non probare?* Sed minutia quidem illæ non magis vocabantur quam erant æra, etsi sestertiariis in rationibus argenti vocabulis notarentur. Quod vero & in rationibus argentæ pecuniæ singula capita & nomina perscripta dicebantur *ara*, id non est derivandum ab istis minutiis & excurrenti ære, sed inde quod *area* tantum pecunia utebantur veteres ante argentum signatum: quemadmodum etiam quum *as* pro quavis pecunia ponitur, ut *as alienum* & *egere aris*. Dein repetitur hic idem error, qui & in altera erat sententia, *retro* dici esse postponi. Nam *retro* cum de tempore dicitur, antè est: & de loco *retro* commeamus, cum redimus, ubi fuimus. Est quidem & a tergo: sed imaginandum verba in oratione quasi procedere, atque adeo quod cuique præponitur, id eidem *retro* sive ab tergo est, velut spectanti in id quod sequitur; quod autem præcessit, respicienti, & sic *retro* habenti. Cicero in Partit. orat. *ut cum*
semel

semel dictum sit directe sicut natura ipsa tulerit, invertatur ordo, & idem quasi sursum versus retroque dicatur. Vult igitur Varro, fuisse antiquæ consuetudinis, ut in ista compositione, semis tertius, quartus, quintus, triens tertius, quadrans quartus, bes alter, perpetuo vocabulum æs significans prius scriberetur dicereturque, posterius vocabulum numeri: ita facilius coaluit illa vox, sestertius, quam si tertius semis frequentassent. Festus: Trientem tertium pondo, significare ait Cincius Mystagogicon libro secundo, duas libras pondo & trientem. qua consuetudine hodieque utimur, cum lignum besalterum dicimus, id est, pedem bessem latitudinis habens; & sestertium, id est, duos asses & semissem tertium; item, si tres asses sunt & quartus quadrans. In postremis vitium est. Ciacconius emendat: & quadrans, quadrans quartus dicitur. Nos mitius ante visam illius correctionem: item si tres asses sunt & quadrans, quadrantem quartum. Volusius Mæcianus: Sestertius duos asses & semissem, quasi semis tertius. Græca figura: ἑξάδομον ἡμιτάλαντον nam sex talenta & semitalentum eo verbo significantur. Lex etiam duodecim tabularum argumento est, in qua duo pedes & semis sestertius pes vocatur. Flavius Sosipater lib. i. Subauditur enim nummus, ut sestertius nummus, & denarius nummus. Nam id nummum appellamus quod Græci νόμισμα. Sestertius autem

BIBLIOTECA NAZ.
ROMA
VITTORIO EMANUELE

unde appelletur, solet quæri. Quod manifestum erit, si sciamus apud antiquos denarium decem asses habuisse. Ideoque in rationibus faciendis denarium decussi inducto notamus, X : cujus quarta pars, dupondius semis, sestertius dicitur, quod de tribus assibus semis deficiat. Denique & nota ejus, HS, nihil aliud quam dupondium & semis ostendit. Ita scribendum vidit & Ciaccconius, non inductum. Priscianus dicit denarium notari per X perscriptam: Suetonius Nerone cap. LII. ita multa & deleta & inducta & superscripta inerant. Hinc inducere senatusconsultum, locationem, decretum. Inducto est quod Ovidio & Senecæ transsuto. Decussi inducto est decadis nota transfixa, vel transversa virgula secta. De sestertio rectius dixisset: quod de tribus assibus duo & semis ei insint. Priscianus de ponderibus duos dat egregios auctores, Arruntium & Didymum. Illius verba sunt: Sestertius olim dupondius & semis, quasi semis tertius, quo tempore denarius decussis valebat: hoc est post duo (aut hic excidit vox asses, aut quæ subjungitur, in eam mutanda est) sequens tertio loco est semis. Hoc quoque secundum Atticos & Ionas, qui ἡμῶν τετραίων dicebant pro δύο ἡμῶν (priscæ quædam edit. τετραίων ἡμῶν δεσχυμὸν dicebant pro δύο ἡμῶν δεσχυμὰς) teste etiam Didymo, qui hoc ponit ostendens in omni parte orationis & constructionis analogiam Græcorum secutos esse

Romanos. Addit verba Herodoti loquentis de leone ficto : ἔλκων σαθρὸν ἑβδομον ἡμιτάλαντον· τρεῖςιν ἔξ ἡμισυ τάλαντα. *Septimum semitalentum dixit, pro sex semis talenta.* Post quæ sequuntur Didymi verba corrupta in omnibus libris : εἰδὲλων τ' δέκα ταλάντων γε-
 γνηῶται τ' λέοντα. κατὰ λέξιν ἔχειν &c. Scriben-
 dum existimo : Λέξιν δ' ὅλον τ' δέκα ταλάντων
 γεγνηῶται τ' λέοντα, κατὰ λέξιν ἔχειν ἑβδομον ἡ-
 μιτάλαντον· τρεῖςιν ἔξ ἡμισυ τάλαντα. Eiusdem
 Didymi apud Priscianum sunt & ista : Ἴωνες
 καὶ Ἀπηνεῖ τὰ δύο ἡμισυ, ἡμισυ τρίτον φασί·
 καὶ τὰ ἔξ ἡμισυ τάλαντα, ἑβδομον ἡμιτάλαντον·
 καὶ τὰς τέσσαρας ἡμισυ πῆχεις πέμπτην ἡμισυ-
 πταμίον· καθάπερ φησὶν Ἡρόδοτος περθεῖς τὸ ἐν-
 δεκάτης. Ἰάδης ἐν τῷ περὶ Μεσσηνίας· ὅτι φέρει
 τρίτον ἡμιπόδιον· ἀντὶ τῆς, δύο ἡμισυ πόδας. Καὶ
 κατέλεξε ὅταν βέλονται θρίθμον πνα δηλῶν, καὶ
 μόριον π. περὶ σκέυον, τὸ ὁμώνυμον τῷ θρίθμῳ
 αἰ τῷ πλεονάζοντι λαβόντες, τὸ ὅλον φασίν·
 οἷον τὰ ἔξ ἡμισυ, ἑβδομον ἡμισύ φασι, τῷ ἐπὶ αὐ-
 τοῖς ἑβδομον, ὅς μονάδι πλεονάζει τῷ ἐξ τὸ ὁμώνυμον
 λαβόντες. Καὶ Ῥωμαῖοι δ' ἀρεθίσανται τῷ τῷ χρώ-
 μητι τῷ ἀρχαίῳ· τὰ γὰρ δύο ἡμισυ ἀσάρεα (τὸ
 δηναρίον ὡς αὐτοὶ λέγουσι διναρεῖς πρὸς τὸ δηνα-
 ρίον) Σητέριον φασι, τῷ μὲν Σὴ τὸ
 ἡμισυ δηλῶντες, ὡς ἐν τῷ Σημόδιον, Σήσκας,
 Σήσκωπλα, τῷ ἡμίονον τὸ τρίτον. Καί ἐστιν ἡμισυ
 τρίτον. Vbi verba virgulis circumscripta vi-
 dentur tenere locum non suum, & inferenda

proxime sequentibus hoc modo : Ταὶ ἥμιαι
 σιστέρια ποιεῖ Δραχμία πενήκοντα δινάρια δρ-
 γμα, (ὡς αὐτοὶ λέγουσι, δινάριας, πρὸς τὸ δινᾶ
 ἐαρημαλισμὸς) δέκα ἡ χροῦα, ἅπερ ἡ μίλλη
 νῆμμος Φασί. Et ita legendum ad marginem
 libri sui notaverat Scaliger. De Græcorum
 ista ratione etiam Iulius Pollux lib. i x. Ἀρ-
 χαία δὲ ἡ χρῆσις, καὶ ἡ τῆς πέμπτης ἡμιτάλαντον,
 καὶ τρίτον ἡμιτάλαντον, καὶ ἑβδομον ἡμιτάλαντον,
 ἡ τέσσαρα ἡμισυ τάλαντα, ἡ δύο ἡμισυ, ἡ ἕξ ἡμισυ.
 καὶ ὅλως ὅποσον φήσιν πρὸς τὸ ἡμιτάλαντον, τὸ πρὸς
 αὐτῇ δριθμὸν ὁλόκληρον εἶναι δεῖ. εἰ μὴ ἑβδο-
 μον, τὸ ἕκτον, ἀντὶ τριτον, τὰ δύο, συντὶ τέταρτον
 ἡμισυ πάντως ἐπαριθμεῖν. Φίλον δὲ τοῖς δρχαίοις
 καὶ τὸ ἐν ἡμισυ τάλαντον, τρία ἡμιτάλанта λέγειν.
 ὡς καὶ τρία ἡμίμναια, τὴν μίαν ἡμίσειαν μναῖν.
 At paullo post : τρίτον ἡμίμναιον εἵποις, δύο καὶ
 ἡμίσειαν μναῖς ἑρεῖς. Et inferius : τρίτον ἡμί-
 δραχμον, αἱ δύο ἡμίσεις δραχμαί. Suidas
 partim describit, partim interpretatur Pol-
 lucem : Ἀρχαία δὲ ἡ χρῆσις, καὶ τὸ τρίτον ἡμι-
 τάλαντον, καὶ πέμπτον ἡμιτάλαντον. Ἔστι ἡ τὸ μὴ
 τρίτον ἡμιτάλαντον δύο ἡμισυ τάλαντα, τὸ δὲ
 πέμπτον ἡμιτάλαντον τέσσαρα ἡμισυ καὶ τὸ ἑ-
 βδομον ἡμιτάλαντον ἕξ ἡμισυ καὶ ὅλως ὅτιν
 δριθμὸς παρωνύμως μέρει ἐπνομιάσθαι πρὸς τὸ ἡμιτά-
 λαντον, τῆς οὗ περιγόμενης ἀριθμὸς ἐφαρμόσθαι
 τοῖς ταλάντοις. οἷον ἀντὶ μὴ ὄγδοον, ἐπὶ αὐτῷ
 ἑναλὸν ὀκτώ. στωαριθμὸς δὲ δηλονότι καὶ τῆς ἡ-
 μισυ. Φίλον δὲ τοῖς δρχαίοις καὶ τὸ ἐν ἡμισυ τάλ-
 λαντον,

λαντον, τρία ἡμιτάλαντα λέγειν, ὡς ἢ τρία ἡ-
 μίμναια, πλὴν μίαν ἡμίσειαν μνᾶν. Errat Georg.
 Gualterus ad antiq. tabb. quum sic Plinium
 dixisse *quinum semipedem* putat, ut Græci
 πέμπτον ἡμιπόδιον, quatuor pedes cum semisse.
 Locus est lib. xvii. cap. xi. *Eadem mensura*
 (fodi scrobes) *Græci auctores consentiunt, non*
altiores quino semipede esse debere, nec latiores
duobus pedibus. Vbi *quinus semipes* idem qui
 in duodecim *sestertius* vel *semis tertius pes*.
 Respexit Plinius Xenophontem quinto me-
 morabilium, sive Oeconomico, item de
 scrobibus ad arbores loquentem: Ἡδη πῖνα
 ἐν αὐτῶν εἶδες βαθύτερον τετραποδῖς; ἔδὲ, 'μα δὲ,
 ἔγωγε, ἔφλω, πενθημιποδῖς. Vbi quis non vi-
 det πενθημιπόδιον minus esse τετραποδῖς? duo-
 rum nempe pedum & semis. Sic mox: Ἡδη
 πῖνα εἶδες τὸ βάθος ἐλάττωνα ποδιαίς; ἔδὲ, 'μα
 δὲ, ἔφλω, ἔγωγε, τελεμιποδῖς. Vbi perperam
 Stephanus, διποδιαίς. id enim semipede plus
 est quam voluit Xenophon. Scrobem enim
 non vult altiore duobus pedibus & pedis
 dimidio, nec minus depressam P. S. Itaque
 ut illic semipedem ultra quod requirebat, in
 interrogatione nominavit, ita deinde semi-
 pedem intra minusque quam exigebat, in in-
 terrogatione posuit. *Quinus ergo semipes &*
πενθημιπόδιον idem, nimirum quod quinque
 semipedes, seu duo pedes & dimidiatus:
 quemadmodum τελεμιπόδιον, tres semipedes,

pes

 pes.
 beasod beasod
 beasod beasod

pes cum dimidiato pede. Vt Grammaticis
τριημιμερῆς, cum post tres dimidiatos pedes,
 seu pedem & dimidium ejus fit cæsura : *πεν-*
τημιμηρῆς, cum post quinos semipedes seu
 duos pedes & dimidiatum, seu *cum quintus*
semipes verbum finit, ut loquitur A. Gellius
 lib. xviii. cap. xv : & sic deinceps. Hæc ab
 altero *τρίτον ἡμιπόδιον*, *πέμπτον ἡμιπόδιον* tan-
 tum differunt, quantum *τρία ἡμιτάλαντα*,
πέντε ἡμιτάλαντα ab illis *τρίτον ἡμιτάλαντον*,
πέμπτον ἡμιτάλαντον. qua de re Pollux & Sui-
 das. & ex altero Casaubonus ad Theophrasti
 Characteres. ubi tamen & ipse præit Gual-
 terio, *quinum semipedem* *πέμπτον ἡμιπόδιον*,
 quatuor pedes cum dimidio interpretando
 apud Plinium. ex altero Ciacconius. Cæte-
 rum ante oculos habentibus viris doctis,
 quæ superius ex Varrone, Volusio, Priscia-
 no, sunt repetita, non tantoperè miror mi-
 nus suboluisse, *sestertius* esse adjectivum. Et-
 enim ex substantivo & adjectivo duplica-
 tum putabant, velut *semisse* & *tertio* : ut esset
semis tertius nihil aliud quam duo asses cum
 dimidio, ut *semis quartus* tres asses cum di-
 midio, *semis quintus* quatuor asses cum se-
 misse, *triens tertius pondo* duæ libræ cum
 triente. Sane significatio eadem vocis *sester-*
tius, quæ fuit *τῷ semis tertius* : sed postquam
 una vox facta est, elisis anterioris vocabuli,
 unde componitur, duabus literis, totum
 quod

quod superest, concedit in naturam posterioris. Perinde ut factum videmus in *besalterum*: neque enim dubito quin eodem modo *besalteram materiam* pro pedis & octo pollicum latitudinem habente, & *besalterum lapidem* dicere liceat, ut *besalterum lignum*. Senarium perfectum & analogicum & quasi assem constituunt numerorum artifices: duabus partibus additis denarium vel decussim factum, ut loquitur Vitruvius lib. III. cap. I. velut ex altero besse & toto seu asse constantem, dixerunt *besalterum*. Verba Vitruvii: *duabus partibus additis & decussi facto, besalterum, quem ἑπιδίμορον vocant*. Vir eruditissimus, qui alias partes ejus loci præclare sanavit, legit, *bessim alterum*, non *besalterum*. Atqui, interrogat se ipse, dicens: Factum hoc est, ut *sestertium* in accusandi casu pro *sessim tertium* vel *semissem tertium*? Respondet autem, considerare illos debuisse, non usurpari absolute *ses*, ut *bes*. Hoc quidem verum: sed una eademque ratio est, ob quam & *besalterum* & *sestertium* dixerunt: quia hæc moliter coëundo juvabant brevitatem pronuntiandi: ut *tressis*, *quatrussis*, *quinquessis*, & cætera illa. Nec, inquit, Festus ipsis favet, quum *lignum* dicit *besalterum*. Favet profecto: nam *lignum besalterum* idem prorsus est quod *lignum bessim alterum*: idque quoque proferatur brevius pro integro, *lignum bessim alterum*

rum latitudinis habens; ut, *corona aurea libranz pondo*. Accedit, ait, quod in eodem Vitruvio restituant, *quintarium alterum*, non *quintarius alterum*. Hæc paria non sunt: neque enim ita belle coire poterant, ut ista. Sed dirimit litem Volusius Mæcianus: *Undeciaes hac nota scribas* $\text{XS}=\text{D}$, *appellesque bessilicus*, nam *bessilici* totiens ducti *undeciaes* efficiunt. Et tamen idem dicit ibidem: *quincunces ac ficilici multiplicati: & septuncem quoque ac semunciam totiens si duxeris: non quincunficilici, nec septunsemunciam*. Quare? nisi quia hæc dura nec propitiis auribus accipienda: ista, *bessalterum*, *bessilici*, lenissime duplicantur. Deinde $\tau\omega$ *semis* non significat modo dimidiatam libram æris vel nummum: sed est indefinitum, denotans modum seu dimidium cujuscumque rei divisæ per assis partes. Et, ut de $\tau\omega$ *semissis* concedatur, *semis* certe natura & origine non est substantivum, etsi intercesserit usus, neque dictum quasi *semias*, ut velit Varro doctisque persuasit, sed est ipsum, a quo descendit, $\eta\mu\iota\sigma\upsilon\varsigma$, $\eta\mu\iota\sigma\iota\alpha$, $\eta\mu\iota\sigma\upsilon$ unde & plurimis adjectivis junctum naturam illorum non mutat: sic *semirasus ustor*, *semiputata vitis*, *semisopora lumina*. Contracte *ses*, ut in *sesqui*, quod dictum pro *sesque*, ut *peregre peregri*, *here beri*, *præfiscine præfiscini*. Est enim idem quod, $\epsilon\varsigma$ *ses*, vel $\epsilon\varsigma$ *se-mis*, intellecto a fronte $\tau\omega$ *as* vel totum, $\epsilon\nu$ $\eta\mu\iota\sigma\upsilon$.

ἡμισυ. Sic cum dicitur *sestertium*, intelligimus duo ὄλα vel asses, quibus aliquid additur tertium dimidiatum. Ergo *sestertius* natura sua non magis substantivum est & neutro caret, quam *tertius*, & cætera hujus ordinis numeralia. Vnde in duodecimo, Volusio teste, *sestertius pes*, & *sestertium bipalium* Columellæ de arboribus: *Ipsam agrum, quem seminare destinaveris, planum & succosum facit bipalio vertere, quod vocant rustici sestertium*. Nam solebant arma sua interdum sic distinguere agricolæ, ut modum numeris significarent. Cato de re rust. cap. xix. *rectes longissimos pedum xviii. secundos pedum xvi. tertios p. xv. remissarios p. xii. alteros pedum x. tertios p. viii*. Sic locus prope Romam porta Æsquilina, *Ad sestertium*. Commentator Horatii Cruquianus: *Hinc Æsquilina porta Roma dicitur, Ad sestertium: ubi certus erat locus sepulcrorum ad corpora pauperum aut sceleratorum viliumque comburenda*. Ita enim recte corrigit Lipsius editum: *adessorium*, recteque intelligit, milliare vel lapidem. Cicero Bruto: *cum plebs prope ripam Anienis ad tertium milliare consedisset*. Idem: *Accepi literas tuas ad quintum milliare*. Cornelius Nepos de Attico: *Sepultus est juxta viam Appiam ad quintum lapidem*. Livius lib. ii. *pervenere ad tertium lapidem Gabina via*. Martialis lib. x.

Ad lapidem Torquatus habet prætoria quartum:

Ad quartum breve rus emit Otacilius.

Pari vero ellipsi & Itinerarium Antonini Aug. *Iter ab Aquileia per compendium Veldidenam* M. P. CCXV. Sic *Ad tricensimum* M. P. XXX. Iterumque alio loco: *Vicum Badies* M. P. IX. *Ad centesimum* M. P. X. Sic passim in eo libro: ubi & multas appellationes locorum cum eadem præpositione notabis: *Ad septem fratres*, *Ad Mercurii*, *Ad crispas*, *Ad dracones*, *Ad turres*, *Ad columnam*. Tacitus lib. II. histor. *Ad duodecimum a Cremona* (locus Castorum vocatur) *ferocissimos auxilium componit*. Et iterum eodem: *Promoveri ad quartum a Bedriaco castra placuit*. Iustinus lib. XXI. cap. VI. *Castra deinde in quinto lapide a Carthagine statuit*. Sic in MSS. ubi vulgo præpositio deest. Symmachus lib. VI. epist. V III. *Quum in Hostiensis viæ septimo degeremus*. Scioppius suspicatur: *in Hostiensis die septimo*. Nam, ut lapidem, inquit, accipiamus, insolens tamen erit, *degere in septimo lapide*. An insolentius lib. IX. epist. LXIX. *Hæc interim de quarto Latine viæ*. Viam Hostiensem habes eodem lib. VI. epist. LXVI. Suetonius Aug. *Ad quartum lapidem Campanæ viæ, in nemore prudenti*. Adde Cujacium lib. XX. Observ. cap. I II. Simocatta lib. VIII. Καὶ πείθουσιν ἐν τῷ λεγόμενῳ Ἐξδόμῳ (τόπῳ δὲ ἔστι τὸ ἄπερ ἀπὸ σημείων ἐπ' αὐτῷ) ἡ Φωκῶν ἀφικέσθαι.

κέσθαι. Plutarchus in *Galba Sestertium* vocat : cujus analogiam defendit Lipsius : sed non dubito , quin altera appellatio sit integrior & magis ex usu Romano : nec de ratione posthac dubitabunt viri docti. Plutarchus autem Græcorum morem secutus est. Livius lib. vi. *non procul ab Lanuvio Ad Marcium is locus dicitur*. Plutarchus in Camillo hanc historiam peragens bis nominat Μάρκιον ὄρεον. Diodorus lib. xiv. ἐν τῷ καλκιδεύῳ Μαρκίῳ καλεσρατοπέδῳ σιν. Præpositionem omiserunt Græci. Rursum Livius lib. vii. & ix. meminit loci , *Ad Lautulas*. Diodorus lib. xix. παρετάξαντο πρὸς τοῦ Σαμνίτας πρὸς τὰς καλκιδεύας Λαυλόλας. Nam Turnebi quidem sententia , sic existimantis appellatum a spatii modo, quasi duum jugerum & semissis , quam sequitur Hotomanus, alibi locum habebit, hic facile rejicitur. Lipsius & Kirchmannus tertium dant auctorem, qui hujus loci meminerit, vitæ, quisquis fuerit , B. Cypriani : *Cum pervenisset in locum , qui dicitur Sextus , quarto ab urbe milliari*. Emendatum ab aliis recte , *Sextertius*, ait Lipsius. Saltem orthographian servassent , si volebant aliquid tamen in eo recte factum judicari. Equidem mirabar , qui locus non longo intervallo distans porta Æquilina, migraverit in viciniam Carthaginis : nisi forsan Appuleiana Meroë specimen ar-

tis in eo præstitit : aut , ut mittamus cavillum, putarunt (sic enim & loquuntur) *sestertium* generali vocabulo ubivis gentium vocari, ubi supplicium exigitur. Vt cumque autem prope Carthaginem etiam potuerit esse *Ad sestertium* : tamen cum iste locus quarto ab urbe milliari fuerit , non potuit hoc ei nomen convenire. Nec erat suppliciiis noxiorum attributus locus , aut ductus est eo Cyprianus damnatus Carthagine , ut ibi potissimum lueret, sed beatissimi martyris extrema suscepit , quia Proconsul ex occasione illic diversabatur. Alia passio : & in curriculum eum levaverunt , in medioque posuerunt , & in Sexti perduxerunt , ubi idem Galerius Maximus Proconsul , bonæ valetudinis recuperandæ gratia secesserat. At mox : in agrum Sexti perductus est , & ibi se lacerno birro exspoliavit. Fuit igitur vel vicus vel prædium aut prætorium , sic appellatum sive a conditore vel possessore aliquo Sexto aut Sextio , ut in Gallia , *Aqua Sextia* , prope Romam *Prata Mucia*, *Prata Quinctia* , sive à sexto lapide aliqujus viæ aliunde quam respectu Carthaginis numerato , in quo positum erat. In ipso prædio vel vico commorabatur Proconsul & peragitur iudicium : in circumjacente agro supplicium. Anastasius Bibliothec. in vita Nicolai I : *His itaque gestis , serenissimus Imperator inde discessit , sedemque in loco , qui*
Quin-

Quintus dicebatur, conlocavit. Significat, *Ad quintum*, nempe lapidem ab urbe Roma. Atque hæc de fextertio. Vocabuli, *denarius*, eadem ratio est : adjectivum enim est, nec significat rem per se subsistentem, nisi aliquid tale subaudiatur. Aliud egit doctus ille Savilius, cum *denarium* dictum esse scripsit quasi *dena æra*. Deducta ab dispartitivis hac terminatione exponunt rei cuicumque apponuntur vel numerum corporum vel modum magnitudinis vel pondus. *Binarias, ternarias, quaternarias formas* Heliogabali dicit Lampridius, nummos aureos pretio binum ternum, quaternum consuetorum aureorum. *Septenaria synthesis Sagunthi* Martiali quæ septem constabat valis. *Dolium quadragenarium* Catoni de re rust. cap. c vi. *urna quinquagenaria*, cap. x i i i. *dolium quinquagenarium*, cap. c x i i i. tot librarum mensuralium capacia. *Quinquagenarium sacramentum*, depositum apud pontifices sponsonis causa quinquagesis. *Quinquagenarius thorax* plumbeus, quinquagenum pondo Plinio lib. vii. cap. xx. *Quinquagenarie materia*, stipites quinquaginta pedes longi, Ammiano lib. xvi. *Grex centenarius* Varroni de re Rust. lib. i i i. cap. vi. & Valerio Maximo lib. iv. cap. iv. in quo centum corpora. *Centenaria vasa* argentea Lampridio in Heliogabalo, centum librarum. Iulius Scaliger

lib. I. de causis L. L. scribit finita in ARIYS, notare habitum ad agendum, vel passionem; hæc, de quibus agimus, non actionem vel passionem, sed το ἐχεν. Quod vero addit: sicut *centenaria usura*, de hoc suo loco frustra promittit: neque enim ulla est *centenaria usura*, sed *centesima*, quæ multum differunt. Nam *centenarium* est corpus unum multiplex, quippe continens centum; *centesimum* est unum e centum. Vnde *centesima usura* est pars sortis centesima menstrua: *centenaria usura* forent centum nummi quocunque usurarum genere, indefinito tempore, redeuntes: quam neque appellaverunt, neque eleganter poterant appellare veteres. *Centenaria basilica* Capitolino in Gordiano tertio, centum pedum longitudine. Sic *milliaria porticus* Suetonio in Nerone: *milliarensem* dicit Vopiscus in Aureliano: neque enim propter mille columnas sic dictam placere potest, quod videtur summo viro: quippe quam Aurelianus non luxus aut ostentationis impulsu fecerat, sed usus, in qua se & equos fatigaret. Vetus lapis: *viam. secei. ab. Regio. ad. Capuam. &. in. ea. via. pontes. omnes. meiliarios. tabellariosque. posseivei.* Gualterus *pontes milliarios* interpretatur columellas numero milliarium insignitas; *tabellarios*, lapides, minori, quam milliaria, intervallo distantes, positosque ut illis ad-
juti

juti commodius equos insilirent. Quis non miretur *pontes* esse columnas, & *tabellas* lapides? Quid vetat autem intelligere e tabulis seu asseribus pontes mille pedum longitudine? Pontibus autem opus est propter vias torrentibus interruptas. *Trecenariæ vi-tes* in agro Faventino apud Varronem lib. i. de re rust. cap. i i. *quod jugerum trecenas amphoras reddat*. Ita enim legendum non *tricenariæ* neque *tricenas*. Proxime dixit in agro colonico cis Ariminum in singula jugera dena cullea vini fieri. Quid igitur magnum de triginta amphoris, quæ culleum unum cum dimidiato explent? nam culleus viginti amphoræ: dena igitur cullea ducentæ amphoræ. *Quingenaria promulsis* Tertulliano lanx argentea tot librarum. Sic igitur *denarius* est denum vel denorum, ut *sestertius* binum & semi; quæ vero sint illa dena, quæ illa bina & semi, non ex ipsis illis vocibus, sed ex apposis noscitur, quatenus illa vel numerari vel æstimari vel mensurari possunt. Sic *quinguenarium* est quinquagenis æstimandum. Quæ ista, dicent, apposita? si *sacramentum*, æris vel assibus: si *thorax*, libris pondo: si *lignum* vel *materia*, pedibus. Ita ergo *chilias sestertia*, quam dicebat Scaliger, aut *mille sestertium*, ambobus vocabulis singulari, ut volebat ille, numero acceptis, non esset mille nummum, sed duæ chiliades

& dimidiata, duo millia quingenta nullius certæ ac definitæ rei : *chilias denaria* vel *mille denarium*, utroque vocabulo singulari, non esset mille denarium nummum, sed decem chiliades seu decem millia incertæ rei. Atque ita apparet, observationem bonam & utilem hac quidem parte Scaligero, dum male aptatur, nihil profuisse.

CAPUT IV.

Sestertii, Denarii, intellectum volunt, nummi vel asses : sestertia pondera argenti librarum. Libra argenti ut centum drachmæ vel denarii, ita quadringentis aestimabatur sestertiis. Sestertium, nempe pondus argenti duarum librarum argenti & dimidiata, atque ideo mille sestertium nummum. Denarium, argenti pondus, decem librarum argenti, atque ideo mille denarium nummum. Hac vera & unica ratio, cur dena sestertia sint decem millia nummum sestertium, Denaria dena, si forte, decem millia denarium. Budæi, Portii, Salmasii, de causa differentia inter sestertios & sestertia consensus nobiscum. Novo argumento refutata Scaligeri sententia. Varro & Macrobius correcti. Sestertium quinquies, Septies medinnum, pro quinquies & septies centenis millibus Latina consuetudo non patitur.

Hoc igitur fiet immotum, vere adjectiva esse *sestertius, denarius*, neque id esse desinere in re nummaria (ubi, ut recte alicubi Salmasius, omnia fere vocabula adjectiva

jectiva sunt pro substantivis posita) sed pro intellectu substantivo genus & significationem & terminationem mutare. Masculinis nempe intelligitur & explicatur *nummus*. Ita *denarius* significat nummum denarium sic dictum quod taxaretur assibus libralibus decem, seu decem libris æris: *sestertius* nummum sestertium, sic dictum, quod esset æstimatione dupondii & semis, seu binarum librarum æris & dimidiatæ, quamdiu as libram pondo fuit: postea manserunt hæc nomina respectu ad originem habito, etsi levioribus nummis æreis, quatuor assibus sestertius, sedecim denarius censeretur. Neutris designantur & subaudiuntur *argenti pondera* sive *maioris pondo* in nummis: prius si subaudies, facies copulatione substantivi cum adjectivo, posterius alia ellipsi, qualis est in illis, *triumviri ære*, *decemviri litibus*, in duodecim tabulis, *viginti quinque pœnæ*. *Pondera sestertia* vel *denaria*, ut *centenaria* Plinio lib. VII. cap. XX. *Fusus Salvius duo centenaria pondera pedibus, totidem manibus, & ducentaria duobus humeris contra scalas ferebat*. Hoc est, centenum & ducentenum librarum. De nummis denariis & sestertiis omnia jam plana & constituta: *sestertia* vero vel *sestertia pondera* argenti, qualia voce *sestertia* sola posita intelliguntur, fuisse mille nummum sestertium, & *denaria pondera* mille denarium

nummum sic colliges. Denarii nummi, quales descripsimus, etsi pro copiis reipublicæ & pro innocentia aut avaritia triumvirorum & officinatorum Monetæ in pōdere variatum nonnihil videri posset, mox tamen postquam flari captus est argenteus nummus, in eo constituerunt, ut centum putarentur in argenti libra Romana, quemadmodum centum drachmæ in mina Attica. Livius lib. xxii. narrat de permutandis captivis convenisse inter duces Romanum Pœnumque, ut quæ pars plures reciperet quam daret, *argenti pondo bina & sex libras* in militem præstaret. Has Plutarchus in vita Maximi δερχμαῖς πεντήκοντα ἢ δεκάσις vertit. Libra igitur argenti æqua censebatur centum drachmis. Drachmis respondebant nummi denarii, quicquid tandem fuerit subtiliter exigendo pondere. Quindecim millibus æris gravis damnatus Furius Camillus, Livio auctore lib. v. μυρίων πεντακισχίλιων ἀσσαρίων Plutarcho: ὁ γίνεσθαι, inquit, πρὸς δὲ πρὸς λόγον, χίλια δερχμαὶ ἢ πεντηκόςται. non secus ac Latinis mille quingenti denarii. Καὶ τὸ δεκάχαλκον, addit, ὅπως ἐκαλεῖτο δλωάριον. Græci enim discrimen inter masculinum & neutrum ignorant, pro nummo νόμισμα intelligentes. Hinc igitur sicut nummus denarius argenteus in ære valet decem asses vi nominis: ita pondus denarium in argento signato valet decem

decem libras argenti, & ex consequenti mille denarios nummos. Sic in L. LXXXVIII. w. x. d. de leg. II. *deposita apud me a Seleuco patruo meo denaria tria*, pro tribus millibus denarium, & in veteri lapide, *denaria quinque*, utpote quinque millia denarium, pariunt usuris centesimis annuos denarios nummos sexcentos. Quod si quis his locis omnino contendat *denarium tria millia* & *denarium quinque millia* scribi oportere, & τὸ *millia* notis significatum excidisse; negare tamen is non poterit ex analogia ita potuisse dici. Sic *centenarium* posterior ætas pro centum libris auri pariter in nummis dixit. Iam denarius nummus continet quatuor nummos sestertios, sive illos prisca æstimatione dupondii & selibræ æris, sive posteriori quatuor assium. Libra igitur argenti ut centum denariis, ita quadringentis æstimabatur sestertiis: duæ libræ & selibra, hoc est, sestertium argenti pondus mille sestertiis nummis. Bis namque quadringenti faciunt octingentos, & dimidium quadringentorum sunt ducenti. Nos quidem hæc multa meditatione in loco & libris & literis & studiosis hominibus casso, unico Scaligeri libello & festinatis ex Hotomanno excerptis instructi, soli interdum in sicca nobiscum arena spatii erueramus. Sed ad bibliothecam reuerſi animadvertimus tres insignes viros, quo-

quorum duo hoc argumentum libris editis
 peregerunt, tertius sæpe promisit, pollicitis
 utique majora præstiturus, & nostram o-
 mnem operam supervacuam redditurus, nisi
 eum superstitem alia præsentiora, nuper au-
 tem ingenti literarum jactura defunctum
 beatorum loca avocassent, ante nos eorun-
 dem fundamentorum partem jecisse. Quo-
 rum verba & laudis illorum propagandæ
 cupidus & hac auctoritate meam sententiã
 confirmaturus adponam: neque enim tam
 falsi sumus, ut labore alieno magno partam
 gloriam dictis, quamvis potentibus, in nos
 transmovere cupiamus. Princeps est Bu-
 ,, dæus, qui sic scripsit: Duæ libræ & selibra,
 ,, seu quod idem est mnæ duæ & hemimnæon
 ,, ducentas & quinquaginta drachmas valent:
 ,, quæ si quaternario multiplicentur, mille
 ,, nummos efficiunt. Quomodo igitur *sester-*
 ,, *tii* dicti sunt nummi, quod duos asses & se-
 ,, missem singuli valerent, id est, dipondium
 ,, & semissem æris: ita *sestertia* ex eo dicta sunt,
 ,, quod duas libras singula & selibram argenti
 ,, valerent. Verum id adnotandum, quod li-
 ,, bram nunc & minam centenarias intelli-
 ,, mus indifferenter utentes: quod *pondo* etiam
 ,, identidem appellatur. Plinius: *Mna, quam*
 ,, *nostri minam vocant, pendet Atticas drachmas*
 ,, *centum.* Alter mox Budæum secutus Leon.
 ,, Portius: Et si cui forte dubium faceret, quod
 duæ

duæ libræ Romanæ & semis ducentas & “
 quadraginta, non quinquaginta, quæ ad ses- “
 tertium majus requiruntur, drachmas effi- “
 ciant; obiter declarabitur, quid velint signi- “
 ficare auctores, & maxime Livius qui dicit “
mille pondo, & reliqua, in quo multos vidi “
 hæsitare. Sciant igitur, Romanos in pluri- “
 mis, & maxime in hac parte Atticos imita- “
 tos: sicut illi in commercio omnium aliarum “
 rerum sua libra quinquaginta drachmarum, “
 in argento mina; sic ipsos in aliis rebus “
 communi libra nonaginta sex drachmarum, “
 in mentione pecuniæ fere *pondo* indeclinabi- “
 li usos fuisse, quo centum drachmas ad exem- “
 plum minæ repræsentari significabant: & “
 ideo in *sestertio*, non *libra*, sed *pondo* (discri- “
 men inane, ut inferius demonstrabitur) in- “
 telligi debere, & sic ducentos & quinqu- “
 ginta denarios. Tertius est Claudius Sal- “
 masius in commentario ad Pallium Tertul- “
 liani: Sciunt, inquit, rei nummariæ veteris “
 periti, singula *sestertia* mille sestertios num- “
 mos æquare: sed vel duo vel nemo illud scit, “
 cum *sestertii* dicuntur, subintelligi *nummos*; “
 cum *sestertia*, subaudiri *pondo*. Sic unum *ses- “*
tertium pondo duas argenti libras cum se- “
 misse valebat, ut unus *sestertius assis* duos as- “
 ses & semissem. Sed sestertius nummus post- “
 ea quatuor assibus permutari cœpit, qui “
 duobus tantum assibus & semisse, juxta ve- “
 rilo- “

„ riloquii sui notionem , olim permutabatur.
 „ Quadringenti autem ejusmodi festerii num-
 „ mi, quatuor assibus valentes singuli, & qua-
 „ terni uno denario, libram Atticam, hoc est,
 „ minam, efficiebant , quæ centum denarios,
 „ hoc est, centum drachmas, vel quadringen-
 „ tos festerios valore exæquabat. Sic mille
 „ festerii nummi duas libras argenti & se-
 „ missem constituebant, hoc est, unum fester-
 „ tium pondo. Sic illi. Cæterum destituit
 memoria summum virum, quum adversus
 Cercoetium, Budæum quidem, ait, notasse
 quoque differentiam inter *festerios* & *fester-
 tia*, sed rationem minime aperuisse, quam
 ipse paucis indicarit, nimirum, cum *fester-
 tia* dicunt Latini, subaudiri *pondo*; cum *fester-
 tios*, *nummos*. Nam id ipsum vocabulum,
pondo, superius habes Budæo positum: in
 quo tamen utrumque, cum rem tenerent,
 offendisse docebimus. Similiter ἐκὼν ἀέροντι
 γε θυμῷ ibidem accusat Glareanum, quasi &
 ipsum cum Hotomanno fingentem a solis
 poetis fabricata illa magna festeria, & de
 mille nummis postea usurpata ab oratori-
 bus: quæ ne Hotomanni quidem integra
 sententia est: nam Glareanus omnibus ve-
 stigiiis Budæum sequitur. Habebat hoc vir
 ille incomparabilis, ut uberrimo ingenio
 nulla sufficeret manus, & ubi instituerat scri-
 bere; nec rerum nec verborum modum
 nosset.

noſſet. Inde pleraque feſtinabat, ipſa multitudine occurrentium in ſequentes ſtyli partes utilium aciem intentionis in præſentia abrumpente, nec patiente diu ſingulis immorari. Sic factum eſt, ut multa illi exciderint, quæ norat ipſe melius, & rectius alio die tradiderat tradebatque: quæ, ſi paululum modo attendiſſet animum, facile viſtaſſet. Quorum nonnullis & hoc argumentum conſulere nos cogit, non ut exprobre-
mus, ſed ut ſtudioſis caveamus. Cæterum quo magis laborarunt Agricola, Hotoman-
nus, Scaliger, ipſe flos virorum, ut iſta deſtruerent, eo magis ipſi ſuis luminibus obſtruxerunt. Quoniam igitur voces, *ſeſtertia denaria*, complectebantur ex ratione ſupraſcripta mille nummos ſui generis, nunquam dicebant, *quinque millia denaria*, *quinque millia ſeſtertia*, (ſuiſſent enim quin-
quagies centena millia nummum denarium vel ſeſtertium) ſed tantum *quinque denaria*, *quinque* vel *quina ſeſtertia*. At placet in errore ſuo ſibi Scaliger: adeo ſæpe inculcat: Dicebant igitur plene, *decem ſeſtertia millia*, & præciſe *decem ſeſtertia*: alterum quia *millia* eſt nomen ſubſtantivum; alterum quia *ſeſtertia* ex adjectivo in naturam ſubſtantivi tranſierunt. Et rurfus: Dices igitur *decem ſeſtertia*, *decem millia ſeſtertia*, *decem ſeſtertia nummum*. Cavebit immo,
ſi ſa-

si sapiet, Latini sermonis studiosus, dicere,
decem millia sestertia, quod sine ullo exemplo
 est cum librorum veterum tum saxorum,
 nisi forte vitiatorum. Veluti cum Varroni
 supposuerunt lib. II. de re rust. cap. I. *ut*
mea memoria asinus venierit sextertiis millibus
sexaginta, & *una quadrigæ Romæ constiterint*
quadringentis millibus. Lib. III. cap. VI.
grex centenarius quadragena millia sextertia ut
reddat. Eodem cap. XVI. *ut peraque ducerent*
dena millia sextertia. Et ultimo: Hirrius cir-
 cum piscinas suas ex edificiis duodena millia sex-
 tertia capiebat. Quæ jam intelligo, cur tole-
 raverit in editione sua Scaliger. Sunt autem
 imperitorum librariorum; non Varronis
 utique, qui sciebat sic loqui neminem, &
 vel *sestertium* vel per notas HS. scripserat.
 Apud eundem inepte legitur, *ab hoc mille*
denarium multitudinis fieri *hec millia dena-*
ria. Sed jam Vertranius monuit in chiro-
 graphis esse, *hec millia denarium*. quod con-
 tra suam sententiam sic tamen adducit Scali-
 ger in libro de re nummaria. Idem vitium
 apud Columellam lib. III. cap. III. ter
 exstat, & apud Plinium lib. XIX. cap. VIII.
 sed correxit Salmasius: *sestertium sena millia*
è parvis reddere arcis. Macrobiusque lib. II.
 Saturn. cap. IV. *secuto omnium risu dispensato-*
rem Caesar vocavit, & *sestertia centum millia*
numerare Graculo iussit. Vbi scribendum,
sester-

sestertium mille: nisi nimium est, & *sestertios centum* mavis. Non erant hi Maronis versus, ut magno redimerentur, & arctior haud dubie fuit in hoc liberalitas Cæsaris, quia sæpe tentata. Sed *decem* vel *dena sestertia*, si aliter pronuntiare libuerat, *decem millia nummum*, *decem millia sestertium*, *sestertium decem millia nummum*, vel denique *decem millia* dicebant: Horatius etiam *dena sestertia nummum*. Illud *sestertium viginti millia nummum*, quod per sæpe in marmoribus antiquis invenias, necessarium videntur fecisse notæ, ut minor errori occasio esset, quum eodem modo, HS. xx, & nummi viginti & viginti millia & sestertium vices significaretur. Quod etiam Scaliger observat: rectius tamen majore summa fuisset usus, cum ait, qui huic dubio occurrere voluerint, simplicem summam addito N. scripsisse HS. V. N. *sestertiis quinque nummum*: HS. V. autem esse *sestertio quinquies*. nam intra *decies* ea ratione non utebantur Romani, ut jamdudum observavit Budæus. Cur in numeris inferioribus ea abstinerint, quod nemini explicatum vidi, mox videbimus. Rem significavit & Varro lib. viii. de L. L. nam cum duos numerorum actus fecisset, priorem ab uno ad nonaginta millia, *post a Deciens*, inquit, *minora imposuerunt vocabula*. Etenim pro millies vel millena millia dicebant *decies*. Quare *quin-*

D quies

quies sestertium usus repudiavit. Eodem argumento rejicimus *septies medimnum*, quod ex Cicerone pro septies centenis millibus cudunt Priscianus & Pascasius Grosippus: quod tamen aliæ quoque rationes refutant. Simili errore Wolfius ad primum Zonaræ tomum, εἴκοσι μυριάδας δεξαμῶν Ἀττικῶν, Latine dicas, inquit, *octies sestertium* vel *octingenta sestertia*. Nam *octies sestertium* consuetudo loquendi nunquam admisit: sed & εἴκοσι μυριάδες decies Romanum, non octingenta sunt.

C A P. V.

Decies sestertium est decies centies sestertium pondus argenti, seu duo millia quingenta argenti libra in nummis sestertiis decies centenis millibus. Ostenditur analogia hujus sermonis aliquot ordinibus rationi Grammatica convenientibus, sed ab usu ob commoditatem computandi repudiatis.

REstat tertium genus, cujus in hunc diem desideratam originem & progressionem ex eodem capite, ex quo priora Budaus, satis molliter & commode deducemus. Quia enim *sestertia*, uti dictum est, sunt pondera librarum argenti binum semis, non pondo, sed in nummis, qui nummi mille sunt argentei, & *sestertii* vocantur, quod olim totidem libris æris vel assibus singuli censerentur; dubium non est, quin *bis sestertium*

tertium habeat quinque libras argenti, & sic duo millia nummum; *ter sestertium* septem libras & dimidiatam, seu tria millia; *quater sestertium* decem libras, ideoque quatuor millia nummum &c. *centies sestertium* ducentas quinquaginta libras, nummum centum millia; *bis centies* vel *ducenties sestertium* quingentas libras, nummum ducenta millia; *ter centies* vel *trecenties sestertium* septingentas quinquaginta libras, nummum millia trecenta: & sic deinceps. Non est, inquam, dubium, quin Grammatica lege salva sic dici possit, & sartis tectis artis præceptis: sed tamen ne diceretur, ut infinitis aliis, usus intercessit, qui aliud esse Grammatice loqui, aliud Latine docuit. Ille certissimus loquendi magister, sed idem quamvis fastidiosus tam verborum quam sermonis exactor, non prius hac bene Grammatica vocum structura computantes (& quidem provida ratione, quam inferius indagabimus) uti passus est, quam ubi noncenta nonaginta novem sestertia præterissent. Tum enim, quum *mille sestertia* pronuncianda essent, ut novum facerent numerorum actum, quod hucusque spreverant, adsumpserunt singulare, idque multiplicarunt per adverbia. Et quasi ante *centies sestertium* αὐτὴ & *centum sestertia* (quod ex analogia poterant, sed noluerunt, ut nova ellipsi ad multo majorem summam

efferendam eo uterentur) *bis centies* vel *du-*
centies sestertium pro ducenta &c. *quingies*
centies sestertium pro quingentis millibus &c.
novies centies vel *nongenties sestertium* pro
 nongentis ; quasi hæc ita dixissent, quod per
 definitiones artis Grammaticæ licebat, nisi
 in alium locum eam formulam dispensas-
 sent ; pro mille sestertia, jam *decies*, puta *cen-*
ties, *sestertium* dixere, hoc est, duo millia
 quingentas argenti libras in nummis sester-
 tiis decies centenis millibus ; pro mille cen-
 tum, *undecies* pariter intellecto *centies* ; pro
 mille ducentis *duodecies*, scilicet *centies*, *ses-*
tertium, & reliqua. In quibus ergo poste-
 rior vox est adjectivum & neutrum & sin-
 gulare : non autem substantivum ejus est
decies, quod revera est adverbium & manet :
 sed curta & recisa hæc loquendi ratio sic est
 integranda : Pondus argenti *decies centies*
sestertium in nummis. Sic malo dicere, quam
sestertia pondo intelligi. Quod non male po-
 test videri dictum, sed a pluribus, immo ab
 omnibus, male accipitur, hanc *συνταξιν*, *ses-*
tertia pondo, quasi adjectivi cum substantivo
 interpretantibus. Sed antequam pergamus,
 pro candore nostro parum licet celebratum
 popularibus suis commemoremus, oportet,
 Rob. Cenalem : qui etsi ab Agricola & ipse
 lactatus statuere ausus non fuit, *sestertium*
 esse pondus argenti binum semis : (quippe
 qui

qui mille trecentos cum paucis excurrentibus nummis in quatuor argenti libris Romanis ponat, quum mille sexcentos debuisset) tamen dissimulata & causa & cupidine illius quærendæ, unde *sestertium*, neutro genere ait significare mille sestertios nummos, & *decem sestertia*, decem millia nummorum. Cum autem, subjicit, dicimus *decies sestertium*, non decem, sed mille *sestertia* significamus, hoc est, millies mille sestertios nummos. Nam *decies sestertium* decies centena sestertia valet: ut semper inter adverbium & nomen intelligas centum: quasi ita dicas, *semel sestertium*, hoc est centum sestertia: *bis sestertium* ducenta: denique *decies sestertium* decies centena sestertia: *vigesies sestertium*, vigesies centena sestertia. Ex his pronus est ad reliqua adscensus: neutrum enim genus in sestertio chiliadem nummorum sestertiorum complectitur, qui minores sestertii dicuntur: adverbium autem sestertio neutri generis adjunctum, centuriam comprehendit. Sestertia igitur sunt chiliarchæ nummorum sestertiorum: Adverbia vero sunt quasi dicas centuriones graviorum sestertiorum. Sic ille: postrema quidem stulta & inepta *κακοζηλία*, sed (ut raro quis peccat, quin exemplum faciat) sic adamata Glareano ut suam fecerit: dirupisset enim, credo, vir bonus, ni scripsisset: ut *ses-*

„*tertii* genere masculino sint velut milites gre-
 „*garii* ; *sestertia* vero neutro genere , plurali
 „numero velut chiliarchæ millenariorum ses-
 „*tertiorum* : denique adverbia adjecta velut
 „grandes centuriones supra chiliarchas. Pi-
 get ineptiarum puerilium, quæ tamen nota-
 ri debent , ne rudioribus placeant. Interim
 vides aliquid suboluisse Cenali de analogia
 τῷ *Decies sestertii* , & cum forte fortuna pro-
 pe scopum collineavisse.

CAP. VI.

*De vocabulo , pondo , varia doct̃orum hominum sen-
 tentia. Sosipater Charisius tentatus. Pondo sin-
 gulare semper , semper ablativi casus , ex eo , quod
 vetustissimi pondus , pondi , pondo, & ponder , pon-
 deris , videntur dixisse. Pondo semper appositum
 aut libra & partibus ejus , aut nummis , ubi ad
 pondus eorum aliquid examinatur , aut adjectivo
 numerali , intellectu vocis , libra. In Columella
 conjectura. As libram pondo. Varro bis correctus.
 Idem a non necessaria correctione vendicatus. Coro-
 na aurea libram pondo. Auri uncia pondo. Patera
 libras pondo. Patera ternas pondo. Livius ter emen-
 datus, Festus a conjectura prohibitus. Æliano lux.
 Φιδάλαυ δὲ χρυσῶν πέντε. Libra pondo pendendo. Lex
 opere faciundo. Cicero defensus. Plauto lux. In-
 aures pondo duum nummum. Lapis antiquus expli-
 catus. Prasentia trecenta millia nummum. Repra-
 sentare summam pecunia, promissa, mercedem, consi-
 lium. Cicero, Iustinus, Frontinus, Curtius emaculati.*

DOcemur ab optimis etiam & elegan-
 tissimis Grammaticorum , τὸ *pondo*
 censeri

cenferi ſub nominibus tertiæ declinationis in *o* exeuntibus prima poſitione; eſſe diverſorum caſuum & numerorum; neutrum eſſe aiunt ac ſingulare, cum pro pondere accipitur, ut in Livii, *corona aurea libra pondo*, quod ſit *pondere*; plurale autem cum libram ſignificat, ut apud Fabium, *torquem aureum pondo centum*, quod ſit, librarum centum. Alii, quos inter Laur. Valla, numero multitudinis tantum poni, ſingulari carere; eſſe indeclinabile: cum dicimus, *duo millia pondo*, genitivum eſſe; at *mille pondo* nominativo pronuntiarī: ſic & *bis mille pondo*: nec dici *bina, terna pondo*, ſed *duo, tria*. At P. Ramus ex illis ſermonis formulis, *duo pondo, quinque pondo, decem pondo* (quomodo & ipſe tantum dici vult, non etiam *bina, quina, dena pondo*) colligit, non pluraliter tantum declinari *pondo*, quando poſteriora hæc adjectiva ſingulari carentibus addi ſoleant. Rob. Cenali *pondo* pluraliva & indeclinabilis vox, alias duodecim uncias ſingulaſve libras designans, nonnunquam vero ad duodecuplum adſurgens totidemque libras complectens, quot libra uncias tenet, ut ſcilicet ſingula *pondo* dicamus pondera duodecim librarum. Hauſit hunc errorem de duodecim libris ex Perotto, quem corrupta Livii verba deceperunt, jam Budæo & Agricolaë confutatum. Salmaſius in libro de Uſuris, quia Heſychio

Στατὸς pondus, quod Æolibus Στατὸς & Στα-
πὲς, & ejecto sigma, πὸς, hinc suum pondo &
pondus, inserta litera N Latinos vult fecisse.
Apud Hesychium quidem invenio : Στατοί,
δρχή πς. Στατὸς, σκαίφη. ἄλλοι ὃ τὰς πέντε μνᾶς.
Sed simplicius olim a pendo deduxerunt pon-
dus, ut togam a tego, προνδαὶς a πρένδω. Ad-
versus Cercoetium vero idem vir summus
docet, quod *sestertium* neutro genere in sin-
gulari numero non dicitur, velut *unum ses-*
tertium pro mille sestertiis nummis, inde
fieri, quod cum *sestertia* dicimus, pondo in-
telligamus; pondo enim numero tantum
multitudinis poni, nec posse subintelligi aut
recte construi, *unum sestertium pondo*.

Vnumquodque istorum verbum nummis Philip-
peis aureis

Non potest auferre hinc a me, si quis emptor
venerit,

dixerit Cercoetius. Quippe quæ vel sola
monstrent, ut pertractaverit & dicatam sibi
voluerit eam materiam ὁ πᾶνν, non perce-
pisse tamen rationem τῷ decies *sestertium*.
non enim dixisset, *sestertium* singulari nume-
ro pro mille nummis fugisse Latinos, qui
cum adverbiiis nunquam aliter loquantur.
Sed hic communis est prope omnium error,
sestertia pro mille nummis, ultra nongenta
nonaginta novem non dici: ubi ad adverbia
esset ventum, rursus intelligi nummos, &
decies,

decies, vicies, tricies dici intellectu *centenum millium* : deinde sine ratione introductum, ut *sestertii, sestertio, decies, vicies, tricies* dicerent. Falsum quoque est ideo abstinuisse veteres τὸ *unum sestertium*, quia τὸ *pondo* careat singulari : nam cur non prius usi fuerint singulari *sestertio* in summis nominandis, quam ad tam grandem veniretur, alia causa fuit, quam explicabimus inferius : τὸ *pondo* autem semper & tantum singulare est, adeo singulari non caret. Sed & olim doctus ille Solipater Charisius : *Sunt quedam nomina tota in declinatione & singulari & plurali μονόπῳτα, in quibus & communia trium generum sunt : nequam ἀχρεῖα, frugi χρεῖσιμα, nihili ἔδαμνός, nugas, (deest Græca vox, qualis φλωάφα aut φλεδών) pondo σαθμός, quamquam unum pondo non dici sciamus, sed ad libram referamus, ut puta, unam libram, duas libras pondo, & sic deinceps. Hunc igitur tam late patentem errorem, qui me quoque diu conseptum tenuit, quibus minuere commodum est, hem tempus est. Ut omnia μονόπῳτα primo integra fuerunt, ita videntur antiqui dixisse *pondus, pondi, pondo*, licet neutro genere, ut *vulgus, jugus, rudus*, & *ponder, ponderis*, sive masculino, ut *later*, sive neutro genere, ut *juger*. Has duas terminationes & inclinationes ita miscuit fastidium posteriorum, ut prioris genitivum & dati-*

vum abolerent, alterius nominativum & accusativum; facerentque *pondus*, *ponderis*, & cætera, sed duplici ablativo, *pondo* & *ponder*, quæ duo etiam usu distinxerunt. Nam *pondo* nihil est aliud quam accessio vel vocabuli *libra* partiumque assis, significans ponderales intelligi, vel numeri, omiſſa mentione libræ, non corpora numerata, sed pondera, & quidem librarum, denotari indicans. Semper autem singulare est, semper casus ablativi. Modo adjicitur libræ & partibus assis, ubi quoniam adhibentur eadem ad metiendum & partiendum (sic *jugerum agri*, & loca, sic *pes*, sic *hereditas*, sic *nummi*, sic *usura*, sic *tempora* dividebantur) ad tollendam ambiguitatem indicat eas libras, selibras, uncias &c. intelligi, quibus pondera examinantur: modo sine mentione partium assis seu libræ cum solo numero invenitur, ostendens posito numero designari pondera, quæ singula sint librarum. Plautus *Pseudolo*: *Eo laſerpitii libram pondo diluunt*. *Libra pondo* nihil aliud est quam libra pendendo vel ad pendendum. Rudente: *Neque piscium ullam unciam hodie pondo cepi*. Menæchmis: *Atque huic ut addas auri tu pondo unciam*. Macrobius lib. III. cap. xv. *Plinius Secundus* temporibus suis negat facile mullum repertum, qui duas pondo libras excederet. Cato de re rust. cap. LXXXV. *mellis P. = -*. hoc est, pondo quadrantem.

tem. Et sequenti : mellis pondo semissem.
 Cap. CLIX. de perna frustum pondo semissem.
 Cornelius Celsus lib. v. cap. xviii. fuliginis pondo semis : calcis pondo semis. Cap. xix. æruginis rasæ pondo besssem. Cap. xxv. resinae terebinthinæ pondo sextantes. Columella lib. xii. cap. v. fici aridæ pondo quadrantem, mentæ viridis pondo selibram. Cap. xii. sextarium aquæ cum dodrante pondo mellis. Cap. xx. Item myrrha quincunx, calami pondo libram, casia selibram, amomi pondo quadrans. Cap. xxviii. irim cribratam, quæ sit instar pondo quincuncem & trientem, fœni Graci pondo quincuncem & trientem, schœni pondo quincuncem &c. medicaminis pondo unciam. Itaque legendum forsitan cap. xxvii. Cum deferbuerit, in sextarios quinquaginta irim bene pinsitam, nec plus unciam pondo addito. Editur enim, uncia pondere. Scribonius Largus cap. cxx. croci pondo semunciam, piperis longi pondo sextantem. Talia sunt etiam propter *συντάξις* notanda, quæ infra scripta sunt. Varro lib. iv. de L.L. Dupondius a duobus ponderibus, quod unum pondus assipondium dicebatur. id ideo, quod as erat libram pondo. Sic enim legendum : non libræ pondus, ut vulgo : non libræ pondo, ut Salmasio placet. Mox : Nummi denarii decuma libella, quod libram pondo as valebat. Vbi male Hotomannus : quod libram, pondo, asssem, valebat : quasi tria vocabula synonyma posuisset.

fuiſſet. Inferius eodem libro : *quot aſſes libras pondo erant, qui acceperant majorem numerum, non in arca ponebant.* Sic recte MSS. nam ut as dicitur *libram pondo*, ita aſſes *libras pondo*. Nec accipiendum $\delta\epsilon\chi\alpha\acute{\iota}\nu\omega\varsigma$, *libras pro libræ*, ut viſum Salmaſio, ſed ipſe accuſandi caſus eſt plurativus. Livius lib. III. cap. XXIX. *exercitus coronam auream dictatori libram pondo decreverit.* Sic Ms. Rhena- ni & memb. Florentinæ, non *libræ*. Lib. IV. cap. XX. ſcribendum ſimiliter : *Dictator coronam auream libram pondo ex publica pecunia populi juffu in Capitolio Iovi donum poſuit.* Lib. XXVI. cap. XXXVI. ita ut annulos ſibi quiſque & conjugi & liberis & filio bullam, & quibus uxor filiaque ſint, ſingulas uncias pondo auri relinquant ; argenti, qui curuli ſella ſederunt, equi ornamenta & libras pondo, ut ſalinum patellamque deorum cauſa habeant. Ita legi ac diſtingui & ſenſus volunt & veteres libri. Vulgo turbate : *uncias auri, pondo relinquant argenti.* In quibus Glareanus & Sigonius laborarunt: ille quærit, ad *libras pondo* aurine an argenti ſit intelligendum: reſpondet Sigonius, utriuſque, ita ut qui curuli ma- giſtratu functi eſſent, iis liceret habere equi ornamenta & libras pondo auri, argenti ; cæteris ſenatoribus tantum libras argenti. Perperam : de auro ſemel expedit, neque tanta illius adfluebat copia, ut præter annu-
los

los & bullam libras pondo concederent singulis : vix uncias , duodecimam libræ partem , in tantis pecuniæ angustiiis publicis concesserunt. Postea de solo argento loquitur, in quo statutum est in illos aliud, qui sella curuli sedissent, aliud in illos, qui magistratum nullum curulem gessissent : istis permissum , ut haberent equi ornamenta ex argento , & præterea singulas libras pondo ad cultum deorum ; his libras tantum pariter ad cultum divinum , non etiam equi ornamenta . Nam quod legem Oppiam , qua cautum , ne mulieri plus semuncia auri liceret habere , opponit Glareanus : uncias dicit Livius , quia de uxore filiabusque facta est mentio, non de uxore sola : itaque sic interpretandum hoc senatusconsultum , ut per id legi Oppiæ nihil derogetur : atque adeo, quibus filiæ non essent , essent uxores , harum nomine plus semuncia habere non liceret. Livius eodem libro cap. XLVII. *Patera aurea fuerunt centum septuaginta sex, libras ferme omnes pondo.* Sic MSS. quod ipsum pro *libra* *δραχμῶν* dictum hallucinatur ὁ πένν. Vulgo *librales* , quod substituerunt ignari sermonis in talibus Latini. Festus : *Grave as dictum a pondere , quia deni asses, singuli pondo libras , efficiebant denarium ab hoc ipso numero dictum.* Quo quum offenderetur Ful. Ursinus , corrigebat applaudente D. Gothofredo : *quia asses*

asses singuli pondo libram efficiebant, deni autem denarium. Quasi non multo elegantiori brevitate Festus. Male etiam Hotomannus hic, *pondo librae* : male Ciacconius : *quia asses singuli p. libras efficiebant* : cæteris reſectis. Idem Festus : *Trientem tertium pondo coronam auream dedisse Iovi donum scripsit T. Quinctius dictator cum per novem dies totidem urbes & decumam Præneste cepisset.* Id significare ait Cincius *Mystagogicôn* libro secundo duas libras pondo & trientem. His addendum propter eandem *συντάξι*, quod alioquin ad secundum genus pertineret, illud apud Festum : *Centenas pondo dicebant antiqui, referentes ad libras.* Vbi vides, cum plures enuntiandæ essent libræ, hanc vocem subticentes eodem casu numerum expressisse. Livius lib. xxvii. cap. i v. *Iis quoque quæ darentur, portatæ togæ prætextæ, & terna pondo patera.* Sic omnes libri scripti, vel *terna*. Prius potest defendi per ea, quæ proximo capite dicemus : tamen scripsisse Livium possis suspicari, & *ternas pondo patera*. Videlicet libras. Eadem ratione componendi Ælianus lib. i. *πικιλ.* cap. xxii. commemorans munera, quæ rex magnus legatis dare solebat : *τάλαντον μὲν ἐκάστω βαβυλωνίον ὀπισθὺς ἀργυρεῖς· τάλαντα δὲ φιάλαι δύο ἀργυρεῖ.* hoc est, *duæ phialæ argenteæ talenta pondo, vel singula talentum pondo.* Herodotus lib. i. *Κρητῆρες οἱ ἀριθμὸν ἐξ ἑρῦστοι ἀνα-*

ἀνακέαται· ἑσᾶσι ᾗ ἔτοι ἐν τῷ Κορινθίων θησαυ-
 ρῷ, σάθμον ἔχοντες τελήαντα ταίλαντα. Vnde
 discere licet, quomodo compendium illud
 sermonis sit integrandum: *Patera libras pon-*
do, habentes pondus libras pondo. Nam &
 σάθμον Græcis interdum solum, ut Latinis
 pondo. Herodotus lib. I. ἡμιπλίνθια &c. Καὶ
 τελέων ἀπέφθων χρυσῷ σάθμον ἡμιτάλαντα ἕκα-
 στον ἔλκοντα· τὰ δὲ ἄλλα ἡμιπλίνθια λολυκῷ χρυσῷ
 σάθμον διτάλαντα. Sed ut omnem obscurita-
 tem tollamus, *libra pondo* dicitur pro *libra*
pondo pendendo. In quo illud, *pondo pendendo*,
 sic conceptum est, ut apud Ciceronem pro
 Flacco: *illud quæro, sintne ista prædia censui*
censendo: & Livium lib. XLIII: *Censores ut*
eam rem adjuvarent, ita in concione edixerunt,
legem censui censendo dicturos esse. Festus: *Cen-*
sui censendo agri proprie appellantur, qui & emi
& venire jure civili possint. Quod frustra ex
 corruptis membranis tentat Barthius lib. XLI.
 adv. VIII. Scaliger ad locum illum appel-
 lando orationem pro Cæcina, hanc, quam
 diximus, pro Flacco in mente habuit. Dein,
libra pondo pendendo, ut Plauto in Rudente,
corium opere faciundo. Ciceroni lib. I. in Ver-
 rem cap. LVIII. *lex opere faciundo*: Vbi fru-
 stra Augustinus, Brissonus, Vrsinus, *operi*,
 corrigunt: ut *Prætor jure dicundo*, *provinciae*
jure dicundo Livio, *Duumvir sacri faciundis*,
Triumviri auro argento ære flando feriundo,
 Trium-

*Triumviri coloniis deducendis, Decemviri litibus
 judicandis, Quindecimviri sacris faciundis, Ar-
 biter communi dividundo.* Quæ omnia per in-
 tellectum præpositionis *IN* dicuntur. Vsu
 frequenti dein obtinuit, ut *pendendo* obli-
 teraretur. Sic *triumviri auro argento ære* per
 compendium dicebantur. Cicero ad Tre-
 batium : *Treviros vites censeo : audio capitales
 esse : mallet auro argento ære essent.* Lapis ve-
 tus : C. Curtio. C. F. Pollia. Rufino. Tribuno.
*Laticlavio. Legionis. XIII. Gemina. Triumviro.
 Auro. Argento. Ære. Colonia. Vlpia. Trajana.*
 Porro ut libræ & partibus ejus adjicitur *pon-
 do*, sic & nummis, cum iis pro ponderi-
 bus utebantur. Plautus Menæchmis : *inau-
 res da mihi faciundas pondo duum nummum.*
 hoc est, quæ sint duum nummum, non ta-
 men pretio, sed pondere. Cornelius Celsus
 lib. IV. cap. XVI. *petroselini pondo denario-
 rum trium.* In quo fallitur Georgius Agri-
 cola, quum differentię nullius causa ad ge-
 nera nummorum hanc vocem addere cæ-
 pisse veteres censet, & tantam vim obti-
 nuisse consuetudinem, ut *pondo* etiam iis,
 quæ ambigua non essent, adjicerent. Quia
 enim nummi erant, non pondera, merito
 cum ad explorandum alterius rei pondus
 adhiberentur, ne ambiguum esset, ea vox
 adjecta est. *Inaures duum nummum* dicuntur,
 quæ constant duobus nummis tam in opere
 quam

quam in materia : *inaures pondo duum num-
mum*, quæ tantum in materia habent sine
manupretio. Plinius lib. xiv. cap. xvi. E
napiis fit, undecim denariorum pondere in sexta-
rios binos musti addito. Et mox : *quadraginta
pondere denariorum in sextarios vicanos musti*.
Hinc convincitur Scaligeri error interpre-
tantis veterem lapidem : *Avidia. Maximina.
domum. eternam. viva. sibi. posuit. Si. quis.
aliud. corpus. superposuerit. det. fisco. P. CCC.
M. N.* Explicat, pondo trecenta millia num-
mum. Non enim ita loquebantur, ubi num-
mi pretio & numero valerent, sed ubi pon-
deris vicem præstarent. Verum est : *præsen-
tia trecenta millia nummum*. Plautus Pænolo:
*Sed hec latrocinantur, quæ ego dixi omnia. Co.
Quid ita ? Le. quia aurum postcunt præsentia-
rium*. Livius lib. xxx. pro ea summa pecunia
viginti quinque millia pondo argenti præsentia
exacta. Petronius: *nisi pro quaque re præsentem
numeraveris denarios centum*. Et statim : *Aut
si quæsieris, pro singulis injuriis numerabis præ-
sentem denarios ducentos*. Hinc repræsentare est
præsens, non in diem, solvere. Suetonius
de legatis Augusti : *quam summam repræsen-
tari jussit : nam & confiscatam semper reposi-
tamque habuerat*. Reliqua legata varie dedit,
produxitque quedam ad vicena sestertia, quibus
solvendis annuam diem finiit. Nerone : *repræ-
sentanda præmia in posterum sanxit*. Et rursus:

inquilinos privatarum adium atque insularum, pensionem annuam representare fisco. Othone: omnibus dena sestertia representata & quinquagena promissa. Cicero lib. x vi. famil. ep. xiv: dies promissorum adest: quem etiam representabo, si adveneris. Vbi tamen legendum videtur: quæ etiam representabo. Quæ scilicet in diem promissa, non expectato die, præsentia solvam. Ad Atticum lib. xii. epist. xxxi: explicare vel representatione. Seneca ep. x vii: Quid in longum te ipse differs? expectabisne fœnoris aut ex mercede compendium, aut tabulas beati senis, cum fieri possis statim dives? Representat opes sapientia. Epist. xc v: Petis, ut id quod in diem suum dixeram debere differri, representem. Sic Iustinianus, debitum in diem vel sub conditione, legatum utile esse propter representationem. Id verbum hoc sensu restituendum Iustino lib. xi. cap. xii. polliceturque præstaturum se ea Dario, si secundus sibi, non par, haberi velit. MSS. præstaturum. Lege: polliceturque representaturum. Auctor de bello Alexandrino: Caesar respondit se fore æquissimum Pharnaci, si, quæ polliceretur, representaturus esset. Restituendum Frontino Strateg. lib. i. cap. xi. quantum quisque numeratæ pecuniæ aut auri argentique haberet, conferret, ut representari merces proditoribus posset. Vulgo, præsentari: quod refugit omnis melior ætas veterum: Hinc ad alia transtulerunt.

Cæsar

Cæsar lib. I. de bello Gallico: Itaque se, quod in longiorem diem collaturus esset, representaturum, & proxima nocte de quarta vigilia castra moturum. Cicero Philip. II. corpus libenter obtulerim, si representari morte mea libertas civitatis potest. Curtius lib. VI. cap. XI. timuisse, ne pater septuaginta natus annos, tanti exercitus dux, tantæ pecuniæ custos, interim extingueretur, ipsique spoliato tantis viribus occidendi regis causa non esset. festinasse ergo se, dum premium in manibus haberet, representare consilium. Ita enim scripti meliores, atque in his Florentinus, non representasse: & ita distinguendum. Neque enim representare consilium est exponere verbis, ut interpretantur viri docti, sed exsequi, maturare, in opus & effectum adducere. Sic ipsi Curtio lib. 10. præceptum ad representanda supplicia.

CAP. VII.

Pondo, quemadmodum numerali adjectivo jungatur.

Pondo ducentum, quingentum, octingentum. Livius & Plinius emendati. Varro defensio. Bina pondo, septena pondo, id est pondera librarum pondo. Cornelius Rufinus notatus, quod decem pondo argenti facti haberet: non ultra decem. Valerius Maximus defensio. Duo millia pondo, ut duo millia numero. Ad binum millium numero. Ad viginti millibus. Sisenna & Suetonius illustrati. Patera ex quinque pondo auri facta. Aurum factum, signatum, infectum vel rude, ut & as, &

argentum. In Servio lacuna expleta. Manilius correctus. Mercator facti per utrumque metallum. Argentum ad vescendum. Canes ad venandum. Livius restitutus. Terentius illustratus. Duapondo, trepondo. Quintilianus defensus. Litterarii gaudebant elidere veteres. Auri pondo tantum fuit, & similia. Pondo non potest dici pes, ut as. Aurum & argentum pondo diversum numeratq.

Nunc ad secundum genus, quo diximus veteres cum solo numerali adjectivo componere interdum *ꝑ* pondo. Ejus duo modi. In postremum tentato Livii loco Glareanus legebat: & *ternum pondo patera*: quod recipere nisi illud literis propius esset. nam & hunc casum in numeris amarunt veteres. Livius lib. *xxii*. iam primum omnium omnis causa Victoriam auream pondo *trecentum viginti adferre se*. Vbi intelliges trecentarum viginti librarum pondo. Lib. *xxviii*. Legati Delphos missi tulerunt coronam *ducentum pondo*. Lib. *xxx*. cap. *xxxi*. *ducentum & quinquaginta auri, octingenta pondo argenti in vestibulo posuerunt*. Sic omnes MSS. non *ducenta*. Pondus dicit auri ducentarum & quinquaginta librarum auri. Forsan & *octingentum* scripserat. quamquam illud non minus rectum, & eo modo, quem mox explicabimus. Lib. *xxxii*. Valerius Antias *quaternum millium pondo argenti vectigal in decem annos &c*. Lib. *xl*. *vasa aurea quingentum pondo*.

pondo. Sic legendum apud Plinium lib. VII. cap. XX. Nos quoque vidimus Athanatum nomine prodigiosa ostentationis quinquagenario thorace plumbeo indutum, cothurnisque quingentum pondo calceatum per scenam ingredi. hoc est, quingentarum librarum pondo. Vulgo, quingentorum: quod si mavis, ad proximum referas, licet. Varro lib. II. de vita po. Romani: Delphos Apollini muneri missa corona aurea pondo ducentum. Idem lib. IV. ejusdem operis: Itaque retulit auri pondo mille octingentum septuaginta quinque. Hoc est, pondus auri millenum octingentenum, seu mille octingentarum septuaginta quinque librarum. Perperam & hic Hotomannus statuit esse genus hoc consuetudine, non ratione, inductum, ut mille octingentum dicerent pro octingentis millibus, & interpretatur Varronem, quasi diceret octingenta septuaginta quinque millia librarum auri. Quæ summa immenso intervallo priorem excedit, & a nemine certe Romanorum undecumque reportata est. Quam Varro designat, satis est grandis, in argento nimirum septuagies bis ducenta sexaginta quinque millia nummum; aureorum nostrorum centum octoginta sex millia quingenti: at Hotomannus inde facit tricies quinquies millies; qui sunt vernaculi nostri milliones aureorum octoginta septem & dimidiatus.

Alterius generis sunt ista, unde certius putarunt se colligere τὸ *pondo* plurali numero dici. Livius lib. xxii. *argenti pondo bina & selibras in militem prastaret*. Lib. xxvi. *Argenti facti signatique decem & octo millia & trecenta pondo*. Lib. xli. *Decem millia pondo argenti, quinque millia auri in ararium tulit*. Columella lib. vii. *cordi sæni septena pondo*. Vbi sunt, qui negabant *bina pondo* Latine dici? Sed hæc & hujusmodi infinita in primis deceperunt homines eruditos, ut τὸ *pondo* utique apponi numerali adjectivo pro substantivo crederent. Sed vix numerus iniri potest eorum adjectivorum; in quibus per ἑκατὼν substantivum reticetur: cujus figuræ ratio nuper admodum viris acutis explicata maximus defectus systematum Grammaticæ artis, quibus adhuc usi sumus,prehendit. Et hic τὸ *pondo* naturam servat: hoc est, ablativo singulari modificante numerum, cui adest, ponitur, eumque non species aut corpora, sed pondera definire demonstrat. In omnibus autem illis intelligitur genitivus *librarum*. Valerius Maximus lib. ii. cap. ix, refert Cornelium Rufinum a Fabricio censore senatu motum, *quod decem pondo vasa argentea comparasset*. Pro eo integrius A. Gellius lib. iv. cap. viii. *quod decem pondo libras argenti facti haberet*: & lib. xvii. cap. ult. *quod cum comperissent* (Fabricius & Papus cens.)

cenſſ.) *argenti facti cœna gratia decem pondo libras habere.* Salmaſius adverſus Heraldum, oblitus verborum Gellii, vult in Valerio ſcribi: *quod ultra decem pondo*: quia Plutarchus, *ὡς ἐπὶ δέκα λίτρας*, & licuerit decem pondo argenti in miniſterio haberi, non ultra. Sed hoc poſterius auctore nullo adfirmatur, nec indignum diſcrepare tantillum ſcriptores. Pro vulgata Valerii ſtant quoque Phnius & Florus. Quum dicimus, *librarum pondo argenti bina*, ſœni *librarum pondo ſeptena*, non eſt mirandum: quando frequenter adjectivis neutris apponuntur ſubſtantiva gignendi caſu, quæ alio genere caſu recto jungi poterant: ut ſit in *ſtrata viarum, ardua montium, lubrica vallium, acuta belli*. In quibus cum etiam ſit alia ellipſis, non eſt dubium, cum dicitur argenti *pondo bina*, quin *librarum pondera* intelligantur. Sed ut hæc omitterent, ſolumque numerum & retentum, ex obſoleta in aliis caſibus inclinatione vocabuli *pondus*, τὸ *pondo*, exprimerent, dicerentque *bina pondo, ſeptena pondo*, elegantius viſum eſt. Nam ubicumque τὰ *millia* compareret, etiam minus eſt difficultatis: ea enim vox quum ſine genitivo aut expreſſo aut intellecto nuſquam compareat, iſ ſine controverſia eſt *librarum*. Adeoque hæc omnia non magis probant *pondo* plurale, quam hæc, *mille aris, duo millia aris, viginti quinque pœne*,

probant, in iisdem *aris* aut *pæne* esse neutra pluralia: aut illa, *homo frugi*, *res nihili*, *scortum trioboli*, pro adjectivo & substantivo juncta esse. Quid? *τὸ numero*, cum solum connectitur adjectivo tali, plurale & neutrum esse judicabimus? Cicero lib. II. de Orat. *Hæc sunt enim tria numero: ea vero quemadmodum illustrentur, præsto est, qui omneis docere possit.* An potius *ἐνῆμαξα* vel *negotia* intelligimus? Apparet ex plenioribus. Lib. I. in Verrem: *mille numero navium classem ad Delum appulissent.* Cæsar lib. I. de Gall. *oppida sua omnia, numero ad duodecim.* Item: *Equites millia erant sex: totidem numero pedites.* Rursus: *eo circiter hominum numero sedecim millia expedita cum omni equitatu Ariovistus misit.* Ita ergo & *mille pondo.* Seneca epist. XCv. *Quare autem non pondus adjicio, & aliquorum gulum irritum? quatuor pondo & ad selibram fuisse aiebant.* hoc est, quatuor libras vel librarum pondo & circiter selibræ fuisse aiebant pondus nulli. MSS. & *semilibrem*, vel & *asse*. Recte habet vulgata: nisi malis: & *ad selibræ*. Sic enim Sisenna apud Nonium: *ad binum millium numero sauciis utrimque factis.* Suetonius Cæsare cap. XX. *Campum Stellatæ &c. divisit extra sortem ad viginti millibus civium.* Sic recte Casaubonus. Octavio cap. XXXVIII. *super triginta ducibus triumphos & aliquanto pluribus triumphalia*

phalia ornamenta decernenda curavit. Quæ forent integra : sauciis factis numero ad capita binum millium : divisit civium millibus ad viginti : decernenda curavit ducibus super triginta. Livius lib. xxvii. cap. iv. Dona tulere togam & tunicam purpuream, sellam eburneam & pateram ex quinque pondo auri factam. Quid hoc aliud quam ex quinque libris pondo ? Sic autem MSS. & incassum Lipsius facti, quod vel præpositio Ex refutat. Quia patera est, utique factum aurum, non signatum, quod a facto diversum, intelligimus. Nec cujusquam interest, patera ea utrum ex laborato ante auro, an signati nummis conflatis, an deniq; massis rudibus confecta fuerit. Locutus est autem sic Livius, quia aliud est patera ex quinque libris pondo auri facta, aliud auri quinque librarum pondo. Illud significat, in eadem summa comprehensum esse manupretium; hoc præter manupretium esse tantum in pondere ac pretio ipsius materiz. Lib. xliii. Munera mitti legatis ex binis millibus aris censuerunt : duobus fratribus regulis hæc præcipua; torques duo ex quinque pondo auri facti, & vasa argentea quinque ex viginti pondo. Vbi τὸ facti referes ad torques, non ad auri. Græcis sic servit particula ἀπὸ. Polybius : ἤγον ἢ ἀπὸ δὲ Δημητρίῳ δὲ βασιλέως πείσεις, τεφάνον ἀπὸ μυρίων χρευσῶν τῇ Πρώμῃ χαμίζοντες. Lapis antiquus Beneventi: Hic. opus. quadrigae. cum. effigie. imp.

Hadriani. Aug. citra. ullius. postulationem. a. municipibus. suis. oblatum. ex. argenti. libris. DXVII. libris. CIO. adjectis. amplius. viri- tim. populo. X. sing. distributis. dedicari. cura- vit. Hoc est, libris quingentis septendecim sextante. Delevimus particulam *cum* quæ vulgo superat ante, *a. municipibus*. Non sunt hic docendi tirones, quid sit *aurum factum*. Vtiliter tamen restituemus Servium ad lib. x. *Æneidos*, versum DCXXVII. ubi tria genera argenti vel auri nominat, *signatum, factum, infectum*; describit autem: *Signatum, quod in vasis & signis, ut Calati argenti: infectum quod in massis, ut Infectique mihi*. Sic editur, sic describitur a summis viris ad L. *cum aurum*. D. de auro, argento, mundo: quasi nihil vitii subsit. Atqui falsum est *signatum* dici, quod *in vasis & signis*: id enim *facti* nomine cense- tur. Sed redintegrabimus Servium ex Isido- ro, qui ex illo sumpsisse videtur lib. xv. cap. xvii. *Tria sunt autem genera argenti & auri & æris, signatum, factum, infectum. Signa- tum est, quod in nummis est: factum est, quod in vasis & signis: infectum, quod in massis est, quod & grave dicitur*. Vtiliter tentabimus, spero, Manilium lib. v. de natis oriente Cassiope:

Et facti mercator erit per utrumque metalli,

Alterum & alterius semper mutabit in usus.

Scaliger metallum factum per utrumque, au- rum scilicet argentumque, interpretatur ele-
ctrum,

Ætrum, quod *gemino pallet de semine*, ut ait Silius. Quem refutat ad Solinum Salmasius ut & Firmicum, monetarios intelligi, ut ait, opinatum: ipse legit, *perutrimque*, & *ῥαυ-
εἰς* designari putat: *factum perutrimque metallum* appellari argentum vel æs, quod utrimque signatum est. Aut *per utrumque* esse ex utroque latere, & descriptionem esse nummi, metallum ex utroque latere factum & signatum. Sed nunquam nummum veteres *metallum factum* dixere, nunquam idem *factum & signatum*. Itaque in libro de Vsuris concinnat *flati*. Scio triumviros *flando feriundo*: sed & hæc quis, oro, dixerit: *flatum metallum per aurum*, pro nummis aureis? *flatum metallum per argentum*, pro argenteis? Absque posteriore versu esset, omnino præferrem sententiam Scaligeri. Ille videtur jubere:

Et facti mercator erit per utrumque metallum.
Facti nimirum operis ex utroque metallo: ut aurificem intelligamus, qui & opus & negotiationem habet in vasis aureis argenteisque, & vel argentum factum aureis, si forte, nummis, vel aurum factum argenteis vendit, vel vasa alterius generis cum altero permutat. Livius lib. xxii. cap. lii. *præter equos virosque & si quid argenti (quod plurimum in phaleris equorum erat: nam ad vescendum facto perexiguo, utique militantes, utebantur)*
 omnis

omnis prada diripienda data est. Sic MSS. omnes, sic antiquitus editi ab Andrea, Mediolanensibus, Tarvisinis, Venetis, Bechario. Glareanus tamen ait vetustiores codices habere *ad vestiendum*: quosdam vero emendasse, *ad vescendum*, quod se non intelligere. Illi vetustiores sunt Ascensius & Moguntini: ab his postea & Modius, & quædam Gruteri, & Leidenfis prima, (quæ & ab ultima Gruteri, & *aliquid argenti*,) adoptaverunt. Nos veterem scripturam restituiimus. *Factum argentum ad vescendum* sunt vasa & instrumentum mensæ ex argento, argentum escarium, ut loquitur Iuriconsultus, in quo vescebantur. Sic Terentio *canes ad venandum*. Iulius Firmicus lib. v. astronom. *Accipitres tamen, falcones, Astures, aquilas & aves hujusmodi equosque ad venandum*. Cæterum *trepondo* non esse neutrum plurale confirmabimus eleganter ex illis, quæ dicebant veteres & adhuc intellecta non fuerunt, *duapondo, trepondo*. Quintilianus lib. i. Instit. Orat. cap. v. *Quid quod quedam, quæ singula procul dubio vitiosa sunt, juncta sine reprehensione dicuntur? nam dua & tre & pondo diversorum generum sunt barbarismi: at duapondo & trepondo usque ad nostram ætatem ab omnibus dictum est, & recte dici Messalla confirmat. Quæ fuerint Messallæ rationes aut veterum sic loquentium, nemo etiam, quod sciam, docuit.* Ho-

tomanno certe non succurrerunt, qui *dupondium* & *trepondium* refingit : non Agricolaë, non Iac. Curtio lib. 1. Conject. 24. id solius Messallæ fide non inepte dici adnotantibus : non Salmasio, qui ad Hist. Aug. *trepondo* pro *tripondo* inolevisse putat, ut in Glossario *trepassus* pro *triphallo* legitur, & *trepidare* corrupte videntur illi pronuntiasse veteres pro *tripedare*. Etenim *duapondo* pro duas pondo, *trepondo* pro tres pondo dixerunt, intellecto utrobique τῷ *libras* : elisa s. litera primo pronuntiando, dein & scribendo : ut factum etiam in *Treviri* pro *Tresviri* : ut nonnulli *po-meridiem* amavere, teste Quintiliano, ut *Vopte* pro *vospte* apud Festum, ut *Batarna* pro *Bastarnæ* apud Valerium Flaccum : ut viden, ain, multimodis. quæ duo postrema in hoc genere notat Cicero de Oratore : ubi inter alia : *Quin etiam, quod jam subrusticum videtur, olim autem politius, eorum verborum, quorum eadem erant postrema dua litera, quæ sunt in OPTVMVS, postremam literam detrahebant, nisi vocalis insequeretur. Ita enim loquebamur : qui est omnibu princeps, non omnibus princeps. & vita illa dignu locoque. non dignus.* Utravis formula usi sunt in illo genere, quod superius est illustratum : *Corona aurea libram pondo*. Sic etiam dicebant *coronam auream duapondo*, quod erat duas libras pondo ; *Coronam auream trepondo*, quod erat tres libras pondo.

pondo. Si neutrum plurale foret τὸ *pondo*, & sua natura significaret libram, *duopondo* & *triapondo* dicendum fuisset, vel *dupondo*, *tripondo*. Si illud, *centum pondo corona*, duo vocabula genitivo casu haberet, *duumpondo*, *triumpondo*, una voce dixissent. Scribonium autem Largum, cum propterea dicere audet *pondo dua*, non excuso, nisi cacozelia quadam sequendum sibi putavit illud Attii: *Video sepulcra dua duorum corporum*. Fortassis & Livius scripserat lib. XLIV. cap. XIV. *torquis aureus duapondo*, & *patera aurea quatuor pondo*. Illa quoque bene considerata juvant sententiam nostram. Cicero pro Flacco: *Apameæ manifeste comprehensum, ante pedes pratoris in foro expensum est auri pondo centum paullo minus*. Vides illis *pondo centum* apponi verba singularia. At *centum* utique singulare nunquam est. Nempe integrum erat: *comprehensum est & expensum pondus auri centum librarum, quæ sunt pondo, sive pondere pendendo & examinando*. Livius lib. XXVI. *Iussique ad quaestores deferre, quod auri argentique haberent: auri pondo septuaginta fuit*. Quod, nempe pondus; & statim: *id pondus auri fuit septuaginta librarum, quæ libræ sunt pondo, sive usitantur in illis, quæ appenduntur*. Lib. XXVII. *Prompta ad quatuor millia pondo auri: inde quingena pondo data Coss. & M. Marcello, & P. Sulpicio Procoff. & L. Veturio*

rio pratori, qui Galliam provinciam sortitus erat: additumque Fabio consuli centum pondo auri præcipuum, quod ad arcem Tarentinam portaretur. Rursum intelligimus, additum præcipuum auri pondus centum librarum, quæ pondo sunt. Lib. xxxiv. Infecti argenti fuit decem & octo millia pondo & ducenta septuaginta facti. Mox: Auri pondo fuit tria millia septingenta quatuordecim. Verbum substantivum subaudiri jubet, pondus librarum. Iuxta autem recte per *ἐπὶ ἑξήκοντι* dicitur: argenti pondus decem & octo millia librarum: &, decem & octo millium. Lib. xxix. pronuntiavit in senatu, decem millia pondo argenti & septuaginta auri Q. Fabium quaestorem advehere: id quoque se in ararium illaturum. Nunc facile averferis Philandri & Scaligeri, præcipuorum virorum, novitatem in loquendo: illius ad Vitruvii quintum: animadvertendum est antiquos pedem pro asse seu pondo habuisse: hujus de re nummaria: Pondo & as erat pes, & dupondius duo pedes. Quasi ubicumque as significat totum, ibi pondo ponere liceret pro asse: ita ut pondo hereditatis pro tota hereditate procederet, & bibere non sextantes aut trientes, sed pondo, esset totos sextarios bibere. Viderunt tot pondo aliquando idem esse quod tot libra & tot asses, inde putarunt per omnia respondere assem & pondo & libram: quod falsissimum est. Dum as libralis fuit, idem æs erat decem asses, decem
libra

libra & decem pondo aris. Minuta ærea pecunia *decem asses* desierunt esse tantundem æris quantum *decem libra & decem pondo.* At *decem libra & decem pondo* in rebus, quæ pondere æstimantur, pro eodem valebant, non quia *libra & pondo* essent duo fixa sive substantiva idem significantia, sed quia mos fuerat vetustis integre dicere: *decem libra pondo*: ut quum dicerent, *decem libra*, hac significatione intelligerent *pondo*; quum *decem pondo*, intelligerent *libra*. Pro asse vero finitore, seu quovis toto vel integro per assem diviso, ut *libram* vel *pondo* diceret, nemo veterum somniavit. Non potest jam esse obscurum; si dicatur *sestertia* intelligi *pondo*, quomodo accipiendum sit; dein tutius dici *sestertia* intelligi pondera librarum argenti quam *pondo*: quæ appendix potius metallum aut factum aut infectum quam signatum, & cum signato additur, tamen id pondere magis quam pretio & numero æstimatum denotat. Livius aperte distinguit. Libro xxviii. Scipio argenti præ se in ærarium tulit quatuordecim millia pondo trecenta triginta duo, & signati argenti magnum numerum. Lib. xxxvii. Argenti bigati præ se tulit cxxx millia, & extra numeratum duodecim millia pondo argenti, auri pondo centum viginti septem. Lib. xxxvii. Argenti infecti tria millia pondo: signati tetradrachmum Atticorum centum tredecim

cim millia. Est quidem apud Plinium lib. xxxiii. cap. x. *Claudium Isidorum testamento professum esse, se relinquere in numerato pondo sexcenta millia.* Sed in antiquissimo exemplari vidit Budæus: *in numerato sestertium DC.* quod recte *sestertium sexcenties* interpretatur: additque: Non enim meminisse me legisse, ut Latini *pondo* aut *libras* de numerata pecunia dicerent: nam quod Livius, *argenti pondo bina & selibras in militem præstaret*, dixit, ad argentum infectum retulisse mihi videtur: quo etiam loquendi modo nunc utimur, cum argenti *marcam* vel *aurei* dicimus, tantam pecuniam significantes, quanti edicto principis æstimantur. Est alter locus Plinii capite sequenti: *Postea victa Numantia & deleta, idem Africanus in triumpho militibus xvii millia pondo dedit.* O viros illo imperatore dignos, quibus hoc satis fuit! Verum hic quoque fraudem librariorum coarguit immanis summa, quæ pecuniæ facit quadringenties & insuper viginti octo millia, quanti, opinor, non fuit tota Numantia; & subiecta exclamatio, quæ non nisi perexiguum hoc congiarium patitur.

CAPUT VIII.

Hoc treffis, hoc decussis, hoc centussis dicebant, intellectu tñ pondus vel as. Varro notatus & quater correctus. Pro portione. Sexageffis, Octogeffis, Sa-

tira Varronis. Homo non semissis, non tressis. Emer centussis. Gellius emendatus. Constare decussis. Valere decussis. Statius, Appuleius & Arruntius apud Priscianum & Martialis correctione prohibiti. Dari viceffis.

EAdem vel ejusdemmodi ἑξακισ is est in illis : hoc tressis, hoc decussis, hoc centussis, hoc mille nummum, hoc mille denarium : quæ mirifice ad hoc usque non vulgo literionum solummodo, sed & doctissimis viris manum adierunt. Vt Varro de L. L. lib. VIII. *A tressis virilia multitudinis, hei tresseis & heis tressibus, cum sit singulare hoc tressis : ab eo sic deinceps ad centussis. Deinde numerus as non significat. Sic scripserat Varro, A tressis, non a tressibus, quod mox dicturus erat. Forfan etiam adsignificat : ut ante : In ære usque ab asse ad centussis numerus as adsignificat. Et postea : a tressis usque ad centussis numeri ejusmodi sunt compositi. Vult quæ sequuntur vocabula post centussis non esse ab ære seu asse denominata : neque enim ducentussis, trecentussis dicimus ut a tressis intra centussis, quatrussis, quinqueffis, (non enim quartussis, quintussis, ut in quibusdam corruptis libris, & sequuntur eruditi quidam) decussis, viceffis, triceffis. Lib. IV. de L. L. Reliqua conveniunt, ut triceffis a tribus (decussibus :) sic pro portione usque ad centussis, quo majus æris vocabulum non est : nam ducenti, & sic pro portione, cum dicuntur, non magis*

magis asses quam denarii aliæve res significantur. Ita corrigendi vulgati libri ex Prisciano : male enim illic, *ducenti in proportionem*, quod sensu caret. Et sic pro *portione*, idem quod, & sic deinceps ; puta priore loco, *quadragesis*, *quinquagesis* &c. dein *trecenti*, *quadringenti*. Ex illis æs adsignificantibus tituli duarum Satirarum Varronis, *Sexagesis* & *Octogesis*, quæ & inscribitur, Περὶ νομισμάτων, ab sexaginta & octoginta assibus ; ut Plautus suam inscripsit *Trinumnum*. Hucusque omnes libri *Sexagesin* & *Octogesin* appellant, quæ voces sunt nihili. Aufonius tamen Popma invenit, quemadmodum illas explicaret : nempe senem introduci in priore, qui continuos quinquaginta annos obdormierit, & cum multa dicere de contemptu sexagenariorum. Quare enim non *Quinquagesin* præscripsit ? aut qua analogia *Sexagesis* dici potest querela de sexagenariis ? Sic *Octogesin* hariolatur esse Οὐχόγαιον, æque monstrosum vocabulum, quod quis intelligeret, nisi ipse explicaret, *anxietatis expulsionem* ? Forte οὐχόγαιον voluit, sed nihilo felicior vox est. Putavit autem Varro, hoc *treffis* dici ; quasi sit neutrum singulare *treffis*. Hotomannus, ubi notavit, quoties illis adverbii *decies*, *centies*, locus esset, inductum novum sermonis compendium contra omnes orationis Latinæ regulas, ut *sestertium* in singulari numero usurpa-

rent, & per casus omnes declinarent, non dissimili, inquit, licentia ejus, qua usu receptum est, ut diceretur *hoc tressis*, numero singulari; item *hoc mille denarium*. Si verum amamus, nec *tressis* neutrum est, nec *hoc tressis* orationis Latinæ regulis repugnat. Erat integrum: hoc pondus vel æstressis, hoc pondus vel æs quatrussis, & sic deinceps: itaque in his omnibus articulus vel pronomen intelligi vult substantivum neutrius generis, cui alterum, quod comparet, gignendi casu adhæret. Vt in illis Plauti Pœnolo, *homo trioboli*, Lucilii apud Festum in *Solla*, *non solla dupondi*; P. Vatinii ad Ciceronem, *Sinius non semissis*; Persii, *non tressis agaso*. Nam fallitur ridicule Rob. Titius in Assertionibus, cum Ciceronem ait lib. v. ad Atticum (immo est lib. v. famil. epist. x.) appellasse *hominem semissem* ab exiguo nummo, sicut Persius *tresssem agasonem*. Ne solus esset, Matthæus quoque Hostus vilissimum & contemptissimum figura proverbiali *semissem hominem* appellari Vatinio scribit: cujus loci inepta interpretatio videri possit in secundis Hermolai Barbari castigationibus in Plinii lib. xiv. cap. iv. Sane de ineptiarum principatu & hæc & illa certant. Et irascerer magis hominibus nisi putasset Hermolaus dici *homines semisses* pro modicis pusillisque, non iusta magnitudine, sed dimidiata: & Desiderius

rius quoque *treſſem agasonem* Persio appellari contemptiſſimum homuncionem ſcripſiſſet. Quasi aliter diceretur, quam *eſſe quantivis pretii*. Sic *emere centuſſis*, ſcilicet ære vel pondere, Varro *ἑξ ἑδεσμάτων*. nunc illum, qui norunt, volunt emere millibus centum; te qui norunt, nemo *centuſſis*. Sic MSS. Gelliani lib. xv. cap. xix. ubi perperam in editis nuperis ſuppoſuere *centuſſi*. Statius in Riſu Saturnalicio :

Noſter purpureus novuſque charta,

Et binis decoratus umbilicis

Præter me mihi conſtitit decuſſis.

Ita lectum olim. At Fed. Morellus : Lege, *decuſſi*, exploſa ſibilante litera poſtrema, cui vir magnus *illinit atrum Adverſo calamo ſignum*. Turnebum intelligit : ſed hic minime ſequendum, etſi valuerit in poſtremis editionibus ejus auctoritas. Sic *valere quinqueſſis, decuſſis*, nempe æs vel pondus. Appulejus in Epitoma apud Priſcianum lib. vi. *Sed tum ſeſtertius dipondium ſemiſſem, quinarium quinqueſſis, denarius decuſſis valebat*. Vbi *quinqueſſem & decuſſem*, nullo, ut ſpero, repugnante, reſtituemus, inquit Hotomannus. Speravit nequicquam: repugnamus enim, & vocem eo caſu formatam, quem verbum adſciſcere ſolet, intelligi exiſtimamus. Apud eundem Priſcianum in libello de ponderibus Arruntius : *Seſtertius olim dupondius & ſemis, quaſi ſemis tertius, quo tempore denarius decuſſis*

vale-

valebat. Rursus hic Hotomannus: legendum puto, *decussi*, casu sexto. Male putat. Festus: *Sestertius dicitur quarta pars denarii, quo tempore is decussis valebat*. Volusius Mæcianus de ponderibus, ubi de ratione ad denarium conficienda, cum dixisset: *Asses hac nota scribas vocesque* &c. pergit: *Tressis hac nota scribas & voces* &c. *Quatrussis hac nota scribas vocesque*, $\times = -$, *sedecim enim quadrantes quatrussis efficiunt*. Et sic apud eundem, *quinques, sexis, septus, octus, nonus, decus*, ponuntur, quæ scilicet curtata sunt, ut solebant properare in computando, temporis lucrandi gratia, pro *quinquessis, sexessis, septussis, octussis, nonussis, decussis*. Respexit huc Fl. Sosipater lib. I. *Assarius ab antiquis dicebatur, nunc as dicitur, non assis: sane assis genitivus est, sicut octussis. hujus ablativus est, ab hoc octusse. ideoque octusse emi bene dicimus: sed da illi octusse, solæcismus est. nam octus ne dixeris, sed quaternarius. subauditur enim nummus*. Recte ait *octussis* genitivum esse, ut & cætera in hac figura loquendi. In reliquis quædam aut non intelligo, aut vitiata sunt, aut denique ipse Sosipater erravit. Sic & Martialis lib. XII. epigr. LXXVI.

Amphora vigessis, modius datur ære quaterno.

P. Scriverius fatetur Latine dici, *dari viceffis*, vel *vigessis*, tamen hic *vigessi* legendum ait, quia sequitur, *ære quaterno*. Immo quia hoc sequitur, ob id facilius est intellectu vetus illa

illa scriptura : accipiendumque *τὸ ἀρε* quasi bis expressum esset : *amphora datur ἀρε vigessis, modius quaterno* : vel, *amphora datur viceffis, modius quaterno ἀρε*. Si ratio Scriverii valeret, omnibus fere superioribus locis par esset applicanda emendatio, quia in alio *millibus*, in alio *dupondium semissem*, in alio *assem* vel præcedit vel sequitur. Confirmantur hæc, quæ diximus, Martiani Capellæ regula, lib. III. *S littera I præcedente finita neutra monoptota sunt, ut tressis, sexis*. Quæ etsi dupliciter falsa sit, hoc tamen ei originem dedit, quod ubique hæc & neutro conjuncta & eadem terminatione inveniebat, causam vero utriusque veram, *ἐξ ἀρε*, quam ostendimus, ignorabat.

CAP. IX.

Varro ingenti calumnia liberatus, quasi putaverit, in his, hoc mille denarium, hoc mille drachmum, τὸ denarium & drachmum, esse singularia casus accusativi. Idem bis emendatus & locis obscurissimis illustratus. Quintilianus correctus.

E Adem quoque sermonis parcimonia est in hoc mille denarium, hoc mille nummum. Varro proxime post illa, quæ modo adduximus : *Numeri qui as non significant, usque a quatuor ad centum triplices habent formas, quod dicantur hei quatuor, hæ quatuor, hæc quatuor. Quum perventum ad mille, quartum adsumit*

singulare neutrum : quod dicitur hoc mille denarium , a quo multitudinis fit hac millia denarium. Miratur Scaliger , Varronem putasse *τὸ denarium* in hac locutione esse casus accusativi singularis : hoc enim velle credit illa : *quartum adsumit singulare neutrum*. Fuisse tam male Grammaticos olim , ut sic acciperent & reprehenderent ista , videmur deprehendisse ex Quintiliano lib. 1. Inst. Orat. cap. vi. Ait quosdam molestissima diligentia perverſitate contra consuetudinem niti, & malle dicere audaciter quam audacter, & emicavit quam emicuit, & conire quam coire. his, quando sic stet sententia, concedendum , ut *tribunale* & *ſciviſſe* & *audiviſſe* & *faciliter* & *frugalis*, quam *tribunal* , *ſciſſe* , *audiſſe* , *facile* , *frugi* malint. Idem, pergit, *centum millia nummum*, & *fidem deum*, ostendant duplices solœciſmos esse, quando & casum mutant & numerum : nesciebamus enim , ac consuetudini & decori ſerviebamus, sicut in plurimis. Ita legendum , deleta negatione, quæ vulgo est, ac non consuetudini, contra ſenſum auctoris. Oblique flagellat aliquem rationis in loquendo ineptum exactorem contra consuetudinem , qui censuerat in istis, *nummum*, *deum* , duplicem esse solœciſmum, quippe & ſingularem pro plurali, & accusativum poni pro genitivo : quod ſcilicet antehac nescivimus arcanum , (καὶ εἶπω-ντα loquitur) quia loquebamur , ut ferebat
usus

usus ac decor, & sic inscii in graves illos solœcismos incidebamus. At Varroni Pascasius Grosippus sive Gasper Scioppius veretur ne ab Scaligero fiat injuria, quoniam ipse ediderit fide, ut ait, membranarum Faerni: *Cum perventum est ad millenarium, adsumit singulare neutrum, quod dicitur hoc mille, a quo multitudinis fit, hæc millia.* Veruntamen, inquit, sic quoque tenebrosus est Varronis locus, neque facile quis, quid sibi velit, expedicrit. Ergo,

*O Tite, si quid ego adjuero, caramve levasso,
Ecquid erit præmi?*

Habet utraque lectio sensum tolerabilem, sed plenior & justior est prior: in qua sane explicanda lapsus est Scaliger, sed ipsum ejus errorem Pascasius non deprehendit: Is est in eo, quod *τὸ quartum* intellexit de casu, quasi accusandi, cum id de forma extulerit Varro; neque tollendum est cum Pascasio, aut *mille* mutandum in *millenarium* magis quam *quatuor* & *centum* in *quaternarium* aut *quaternionem* & *centenarium*; sed scribendum: *quartam* adsumit *singulare neutrum*. puta ipsum *mille*. Dixerat numeros simplices, neque æs adsignificantes a quatuor ad centum tres habere formas: dicimus enim *hi quatuor*, *hæ quatuor*, *hæc quatuor*: idem fit in *quinque*, *sex*, *decem*, *viginti*, *centum*: at in vocabulo *mille* adsumitur quarta forma: non enim tantum

dicimus, *hi mille, hæ mille, hac mille*; sed & *hoc mille* (verbi gratia) *denarium*, a quo plurale, *hac millia denarium*. Ne mihi jactet hic igitur Ingolstadiensem Varronis editionem Pascasius, in qua audaciam video, meliorem Varronem non video. Sed nec alia, quæ sequuntur, verba tam foedi erroris reum faciunt doctissimum Romanorum, quasi *denarium, drachmum*, voluerit esse quarti singularis casus, si recte inspiciantur. Apponenda sunt pluscula, & aliter atque vulgo fit interpungenda, ut mentem eorum adsequamur: *Sic as quoniam simplex est ac principium & unum significat, & multitudinis habet suum infinitum* (dicimus enim *asses*, quos cum finimus, dicimus *dupondius & tressis*, & sic porro) videtur mihi, quoniam finitum & infinitum non habent similitudinem, non debere utrumque item dici. Eo magis, quod in ipseis vocabuleis, ubi additur certus numerus, aliter atque in reliquis dicitur. nam sic loquuntur, *hoc mille denarium*; non, *hoc mille denarii*: & , *hac duo millia denarium*; non, *duo millia denarii*. Si esset denarii in recto casu, atque infinitam multitudinem significaret, tunc in patrico denariorum dici oportebat. Et non solum in victoriatis, drachmeis, nummeis, sed etiam in vireis idem servari deberet, cum dicimus *judicium fuisse triumvirum, decemvirum, non triumvirorum, decemvirorum*. Vult, inquit Scaliger, ut ex ejus verbis clare colli-

colligitur, *mille drachmum* ita dictum, ut *drachmum* sit casus quartus singularis. Meis oculis vide, aliter loqueris. Quærit Varro causam, cur non sit analogia inter *assem* & *dupondium* & *treffis*: dicimus enim *hic as* & *hi asses*: at *hoc treffis*, *hi treffes*: nam *dupondius* ab ipsis toto genere differt. Analogia servatur in omnibus a *treffis* usque ad *centussis*: hæc habent similitudinem inter se, & aliter in plurali, aliter singularia usurpantur: sed hætenus non habent similitudinem cum *asse*, quod *item*, id est, eadem forma generis masculini, in singulari & plurali *hic as* & *hi asses* dicitur. Veram rationem nos indicavimus, quia *hoc treffis*, *hoc centussis*, non utroque nominativo, sed altero genitivo dicitur, per intellectum *trēpondus* vel *as*: quæ etsi potuisset etiam in *asse* valere ac *dupondio* (nam Grammaticæ nihil vetat dici, *hoc assis*, *hoc dupondii*) tamen usus eam coarctavit intra *treffis* & *centussis*. Varro quærit aliquam, falsamque reperit: nimirum quia *as* simul habet finitum & infinitum (*as* enim finitum est, unum certumque, *asses* infinitum, neque enim potest, *asses* cum dicuntur, intelligi quot sint) *treffis* vero & quæ sequuntur ad *centussis* utroque numero sunt finita: (quod tamen falsum: nam in *hei treffes*, *hei quatrusses*, species quidem finita, perinde ut in *asses*, sed non numerus, perinde ut *as*) finitum autem

& infinitum similitudinem non habent, *de-
bere utrumque*, as & tressis, *non item dici*: id
est, non similiter declinari: ut sit, quemad-
modum *hic as, hic tressis*, sed *hic as, hoc tressis*.
Vulgo legitur: *quoniam finitum & infinitum
habeat, similitudinem non habere, utrumque
item dici*. Ms. codex CL. V. Isaaci Vossii,
debere. Alteram negandi particulam ex sen-
su nos interposuimus. Hanc commenticiam
rationem eo illustrat, quod in aliarum etiam
rerum vocabulis, cum certo numero appo-
sito finiuntur, accadat, ut aliter pronuncien-
tur, quam cum numero nullo addito indefi-
nite ponuntur. Sic *denarium, victoriatum,
drachmum, nummum* dicimus, cum hæ formæ
pecuniæ certo numero sunt appellandæ: ut
*hoc mille denarium, duo millia drachmum, tria
millia victoriatum, centum millia nummum*: sic
etiam *triumvirum & decemvirum* placuit, quia
& hic adest finitio per adjectum numerum.
At hæ ipsa vocabula cum indefinite dicun-
tur, cum e lege artis a rectis, *denarii, drach-
mæ, victoriati, nummi, viri*, patricum casum
formamus, dicimus *denariorum, drachma-
rum, victoriorum, nummorum, virorum*. Hæc
sententia Varronis est, in qua hætenus falli-
tur, quod ineptam rationem dissimilitudinis
inter *assem & tressis* dat: cæterum ex ipsis illis
verbis, *tunc in patrico casu denariorum dici
oporteret*, jam facile colligitur, *denarium,*
dra-

drachmum, cætera, patrio, non accusandi casu ab illo accepta esse. Habet autem Solipatrum consentientem in eo, quod sentit, pro integris *denariorum* &c. si declinentur, consuetudinem maluisse contracta *denarium* &c. Sic ille lib. 1. *Amphorum*, an *amphorarum* dicendum sit, queritur: *amphorum* consuetudinis est, &c. Sed ut ceteri adsidue *amphorum* dicunt, si conjunctim, ut decem millia *amphorum*, modium, *sestertium nummum*, sic si per se, *amphorarum*. Et rursus: *Amphoram* si declines, *amphorarum* facit: at ex hac conjunctim decem millia *amphorum* dicimus: Item, modium, *sestertium nummum*. Hoc si pervidisset Pascasius, quid non in Scaligerum convitiorum continuasset? Sed Varro moleste & obscure scribendo ipse sibi hoc intrivit: nisi quod eos, qui scriptis ejus emendandis laudem quæsi-verunt, cuicumque illius dictioni magis ad-sueſſe oportebat. Sed non efficiet indignando Flaccus, ut nunquam bonus Homerus dormitet.

C A P. X.

De natura & usu rē mille disputatum. Id nunquam substantivum, sed semper adjectivum esse. Lucilii quadam partim illustrata, partim tentata.

Illud negari non potest, in hac locutione, *hoc mille denarium*, existimasse Varronem,

τὸ mille esse singulare neutrum. Ex eo Gellioque hauserunt suas opiniones Hotomanus & Scaliger : ille quidem vulgi quadam consuetudine recepta hæc loquendi genera, & *τὸ mille* singulari numero usurpatum: Scaliger vero *mille* substantivum numero singulari dictum, non pro eo, quod *χίλιοι* Græce dicitur, sed quod *χιλιάς*, & sicut una *χιλιάς*, duæ *χιλιάδες*, ita *unum mille*, *duo millia*. Triplicem errorem, quorum nullus vel puero non sit pudendus, indigetat Pascasius. Equidem laudo, cum ab illis dissensit, Pascasium : sed quid opus contumelia verborum? Error iste ab Lucilii ævo ad nostrum usque communis fuit omnium, non modo Grammaticorum, quibus mire inestus Pascasius, summus ipse Grammaticus (nec in contumeliam hoc nomine utimur, ut homines inelegantes,) sed omnium, qui Latine se scire putabant : ipseque adeo Pascasius diutius vir fuerat, quam eum dediticerat. Quin & post illum, ne suum ille indubitabile verum putet, fuerunt viri & *τυχόντες*, qui, quod *mille* *ἑπλωτον* vulgo dicunt, rejecerint eo argumento, quod in ablativo faciat *milli*, ut duobus Lucilii locis ostendit Gellius. *Mille* igitur semper adjectivum est & plurale, & hac terminatione omnium casuum & generum : sed neutrum habet duplex : nam & *hæc mille* & *hæc millia dicimus* : priori utimur, cum hic
 nume-

numerus non exceditur; posteriori, cum plura sunt millia. Habes discrimen apud Catullum:

Da mî basia mille, deinde centum,

Dein mille altera, dein secunda centum:

Dein cum millia multa fecerimus.

Millia basia dare & multa mille non fert Latinitas. Et accidit in hac voce aliquid simile τῷ *centum*: ut enim ipsum invariabile est, in compositione variatur, *ducenti, ducentæ, ducenta*, & deinceps: sic & *mille* ipsum non flectitur, sed in sequentibus ordinibus neutrum dumtaxat alterum, quod solum quoque minori numero jungitur, casibus movetur, ut *duo millia, duorum millium* &c. At in errorem egit tot doctos & mitius castigandos viros primum terminatio: videbatur enim *hoc mille* factum ex *hic & hac millis*, & *hoc mille*, atque ex hoc abrogato restitisse neutrum singulare pro substantivo usurpatum: deinde quod in promptu erat copia locutionum, in quibus τῷ *mille* possessivus casus cum verbo singulari junctus speciem præbebat nominativi substantivi, à quo genitivum regi oportebat. Sed ad prius cogitare debebant, etiam *quatuor, quinque, sex, octo*, terminationes singularium habere, quæ tamen semper habita sunt pro pluralibus, nec unquam τελέδα, πεμπιάδα, ἐξάδα, ὀγδοάδα significarunt. In locutionibus autem illis erat

erat *βεβηχολογία* per ellipsin nominativi, pro ratione rei, de qua agitur, intelligendi. Perinde ut in illis : *moris est, non est sapientis dicere non putaram, boni pastoris est tondere pecus, decessu exacta etatis* : in quibus *negotium, res, officium, vir vel homo*, aut simile quid subauditur. Quadrigarius : *ibi occiditur mille hominum*. Cicero : *Ante fundum Clodii facile mille hominum versabatur valentium*. In quibus, *mille hominum*, dictum est non conjunctione substantivi cum substantivo, sed adjectivi cum substantivo, nec nominativi cum genitivo, sed duorum genitivorum : intelligitur autem nominativus, *multitudo*, vel *numerus*, vel *manus*. Ut integre apud Maronem lib. x. *Sub quo mille manus juvenum*. Et Valerium Maximum lib. viii. cap. ult. *Senatum qui mille hominum numero constabat*. Plautus *Milite* : *Plus mihi auri mille est modiorum Philippi*. Supple, *numero*, vel *re*, vel *modo*. Ut apud Terentium : *si talentum rem reliquisset decem*. Quintilianus lib. vii. Instit. cap. vi. cum dixisset, *argenti pondo quinque millia* : quia ille, pergit, *in argento legato modus & inauditus erat & incredibilis*. Agnoscitur hoc maxime & illo A. Gellii lib. xvi. cap. x. *neque amplius quam mille quingentum aris in censum deferabant*. Si tamen mille casu accusandi positum est, quorsum quingentum, non quingenta? Est ergo utrumque casus possessivi & in-

& intelligitur *rem*, vel *pecuniam* vel *pondus se possidere*. Vt superius in Varrone notavimus *mille octingentum*. Rursum Plautus eadem Milite: *mille annorum perpetuo vivunt*. Nempe *tempus*. Quod & in Varrone intelligimus dicente: *Ad Romuli initium plus mille & centum annorum est*. Lucilius: *Ad portam mille est*. Licet supplere vel *passus* vel *passuum*: si per prius, cum nominativo *spatium* & præpositione *ad* vel *circiter*; si per alterum, addito solo nominativo *spatium* vel *intervallum*. Catonis: *inde est ferme mille passus*: integrum foret: *inde spatium est ferme ad mille passus*: vel *spatio*, si comparet nominativus alius. Livius lib. xxiii. *Mille fere passuum inter urbem erant castraque. eo spatio (& sunt omnia campi circa Nolam) concurrerunt*. Puta dixisse: *mille fere passuum campi erant*. Nec naturam vocis mutant, quæ majore numero dicuntur, *duo millia hominum*, *tria millia*, & sic deinceps: nam in his quoque nominativus aliquis substantivi, quaecumque materia patitur, etsi consuetudine adscribi desierit, intelligitur. Velut *duo millia hominum* cum dico, intelligo sine dubio, *corpora*. Ovidius lib. iii. Fastorum:

*Et totidem Princeps, totidem Pilius habebat
Corpora.*

Livius lib. xxi. cap. xxi. *transfugam sine magna rei prodicione venientem ad hostes nihil*

aliud quam vile unum atque infame corpus esse.
 Vbi male Glareanus malit, *onus*. Eo sapius
 autem hæc vox subauditur, quod Philosophis
 pariter & Ictis multum patet: quædam
 continua esse volunt, seu uno spiritu conti-
 neri, ut hominem, tignum, lapidem, arbo-
 rem, animalia; quædam composita ex con-
 tingentibus, seu pluribus inter se cohæren-
 tibus, ut ædificium, navem, armarium; quæ-
 dam ex distantibus, sed uni nomini subje-
 ctis, ut populum, legionem, gregem. Vidi
 cui scrupulum moverent illa, *viginti unum*
millia, caesa sunt peditum unum & sexaginta
millia, apud Iustinum: neque enim *unum* di-
 cturos fuisse, nisi esset singulare neutrum.
mille, cum dicamus *viginti unum homines*, *vi-*
ginti unas literas, *viginti unam fœminas*. Sed
 non diversa & horum ratio est: nam quia
millia adjectivum plurale neutrum est, cui
 genitivus adjungitur rectus ab illo substan-
 tivo, quod pariter neutrum intelligitur in *τῶ*
millia, eidem intellecto substantivo genere
 & numero respondet *τὸ unum*: estque inte-
 grum, *viginti millia corpora hominum*, & præ-
 terea *unum mille* nempe *hominum corpus*: u-
 tramque enim significationem hoc vocabu-
 lum admittit. Quæ vero aliorum sunt ge-
 nerum, in his ea, quorum sunt, intelligun-
 tur: ut *duo millia passuum*, *tria millia jugerum*,
 nempe *spatia*. Sic in cæteris. Ergo & cum
 dicitur

dicitur *hoc mille denarium*, aut cum Terentius: *huic drachmarum hac argenti mille dederat mutuum*; intellige pondus vel argentum mille denarium vel drachmum. Varro apud Gellium: *qui ex mille nummum, quod ei debebatur, quingentos recepit*. Puta esse ex pondere vel argento millenū nummum. Plautus Trinummo: *iv. sc. v. nunc sycophanta huic sycophantari volo, si possim illo mille nummum Philippo circumducere, Quod sibi me dedisse dixit. Auri pondere vel auro intelligendum docet versus cxiii, & cxxiv. habent tu id aurum, quod accepisti a Charmide? S. Atque etiam Philippeum, numeratum illius in mensa manu, mille nummum. Cicero in Philipp. Quis unquam in illo Iano inventus est, qui L. Antonio mille nummum ferret expensum? Dubitabis, an hoc sit expensum pondus mille nummum, & posteriora duo vocabula patrico casu accipi? Quid enim expenditur nisi pondus certum? Nam hæ loquendi formæ cum plurimis notissimis aliis ex more veteri appendendi æris, etiam cum ille exolevisset, ac pecunia adnumeraretur, superstites fuerunt. Cicero lib. iii. de Offic. *an erat denario, quod est mille denarium?* Hæc verba clare demonstrant, τὸ mille adjectivum manere in hac compositione, τὸ denarium autem, intellecto τὸν nummum, substantivi vicem gerere, & utrumque esse genitivi casus. Nam tanti*



esse, quantivis pretii esse dicimus. Pone pro mille viginti : quod sit viginti denarium : an viginti quoque fiet substantivum ; ut significet εἰκοδά? Sic legasse alicui mille aris cum dicitur, mille non magis fit substantivum, quam centenos, ducenos, trecenos, si hæ summæ expressæ fuissent : in quibus intelligis nummos : nam antea centena, ducena, trecena dicebant, scilicet pondera librarum, seu pondo, cum as libralis esset. At hoc mille aris est hoc pondus mille vel librarum vel assium vel nummum aris. Obiter hic arguendum, quod obiter observandum censet Matthæus Hostus, genitivum aris, peculiari auctorum usu κατ' ἐναλλαγὴν usurpari substantivum pro adjectivo, quippe pro æreis nummis seu assibus. Non enim genitivus modo, sed totum vocabulum as sic interdum usurpabatur, ut in illo, hoc ære aneaque libra : genitivus autem iste non pro adjectivo, sed per intellectum τὸν nummus vel pondus, pro nummis æreis ponebatur. Cæterum cum his tanta ratione subnixis parum congruere videtur, quod profertur è Lucilio :

Tu milli nummum potes uno querere centum.

Et rursus :

Hunc milli passum qui vicerit atque duobus.

Sane si millei dixit tanquam ablativo singulari, errore se obligavit inexcusabili. nam uno mille nummum, est, quemadmodum dicebamus,

bamus, uno pondere vel argento mille num-
 mum negotiatione aliqua occupato: & *vince-*
re mille passuum, spatium vel intervallo mille
 passuum. Sic, quod ipse alibi, *Vini mille ca-*
dum est onus vel mensura mille cadorum vi-
 ni. Quid si tamen *millei* fecerit versu impe-
 rante, cum præsertim veteres; E & EI & I,
 in multis promiscue scriberent? ut *diequarte*
 & *diequarti*, *die* & *diei*, *fide* & *fidei*, *sesqui*
 pro *sesque*? *Sibe* & *quase* in multorum libris
 se reperisse, & his Livium fuisse usum ex Pe-
 diano, qui & ipse illum sequeretur, se com-
 perisse testatur Fabius. Sic *mani* pro mane,
tibe pro tibi antiquis.

CAP. XI.

Plinius tentatus. Veteres non solent per sestertia ex-
plicare argenti non numerati libras. Lapis antiquus
illustratus. Pondo sestertium semis non dicitur.
Semissem tertium pondo. Dextantem tertium pon-
do. Sestertium decies.

REvertimur ad *Sestertium*, quod jam li-
 quet, cum dicitur neutro genere, cur in-
 telligamus tantum pondus argenti in num-
 mis sestertiis; curve malimus hoc intelligere,
 quam, quod antehac placuit, *pondo*. Pli-
 nius lib. xxxiii. cap. xii. *Zopyrus qui Arco-*
pagitas & Iudicium Orestis in duobus scyphis se-
stertiis quinque, hoc est, pondo xii æstimatis.
 Ita legendus ille locus ex vestigiis veteris

scripturæ, inquit Salmasius ad Solinum. *Quinque sestertia* efficiunt pondo argenti duodecim cum dimidio, sed illud dimidium insuper habuit Plinius. Hæc magis vellem vera esse, quia mirifice confirmarent sententiam veram de argenti sestertio, quam credere possum. *Sestertia quinque* sane pondus sunt duodecim librarum argenti & dimidiatæ, non tamen pondo, sed in nummis. At argenti *pondo duodecim* nunquam dicuntur de signato, semper de appenso argento. Committit ergo Salmasius dissociabilia. Nec vero Romanis adeo ignotum erat pondus argenti *sestertium*, ut explicandum esset per *pondo*: præsertim cum sine explicatione præcedenti capite jam centum HS. scyphum fuisse L. Crasso narraverit. Vulgatæ tantum: *Scyphis HS XII æstimatis*: quæ notæ, inquit Ciaccוניus de triclin. si *duodecies sestertium* designant, triginta millia scut. conficiunt: sin vero, quoniam de Græcis ibi sermo est, A. XII. id est, *talenta duodecim*, est legendum, scut. sunt septem millia ducenti. Sed utrumque pretium immane. Vett. edd. *pondo duodecim*: Videtur scripsisse; *in duobus scyphis HS. in libras pondo XII. æstimatis*, id est sestertium duodecim millibus. Ut præcedenti capite de Graccho: *Delphinos quinque millibus sestertium in libras emptos C. Gracchus habuit*. Et de Crasso: *Constat eundem sex millibus sestertium*

in singulas libras vasa emptā habuisse. Lib. x. cap. xxi. Pretium plura eorum in libras denarii quini. Nisi malis: HS. in libras pondo vii. Et sic quod sequitur: cuius bina uncia x venierunt. id est, decem millibus nummum. Quod etsi magnum, tamen intelligere possis, non perpetuum hoc Pythæ fuisse, sed semel aut iterum, si forte, accidisse. Ciacconius hic quoque decem talenta: Salmasius hoc posterius aut de libris pondo aut de sestertiis accipi vult, quæ sestertia duas libras cum semisse faciant argenti. Posterius convenit nobiscum. nam decem millia, sunt ejusmodi decem sestertia. Regii legitur in veteri lapide: trullam. argenteam. anaglyptam. P. II S. Lares. argenteos. septem. P. II S. L. Id explicatur a Georgio Gualtero, pondo sestertio semis & triente. Sed vix persuaserit veteres ita locutos. Pondo binum semis & pondo binum semis librarum aut pondo bina & selibram aut semissem tertium pondo videntur maluisse quam pondo sestertia, postquam nummis eam vocem attribuerunt. Columella lib. vi. cap. xxx. parumque ordeī cum viciā libris II S. Sic etiam videtur scribi debuisse in Narbonensi lapide: signum. argenteum. P. L. xii. de. sua. pecunia. fecit. Quod est, pondo libras duodecim, vel librarum. Vitiosum enim: P. P. xii. Gualterus in isto titulo pingit: anaglyptum. P. II S. : : , & interpretatur, pondo sester-

tio semis & triente, id est, libra & deunce : in quo non simplex lapsus. Primum notas illas semissis & trientis nusquam reperio. Si quatuor puncta trientem signant, (nam virgulis quatuor notabant $\overline{\overline{\overline{\overline{\cdot}}}}$) ubi semissis supra sestertium nota? quid sibi vult punctum quintum? Deinde ne quidem isto casu (ablativum dico) enuntiabant, quotiens quid tot librarum dicerent, ut ex plusculis superius adductis exemplis constare arbitror. Sed & cur *pondo sestertio semis*? cur non potius P. III. hoc est, pondus ternum aut ternas vel trepondo? Certe semissem illum supervacaneum de suo addidit, qui nec in Gruteri nec in ipsius editione comparet. Superat omnia colophonis loco adjectum: id est, libra ac deunce. quod est ipsum Nævii Butubatta. Si omnino quatuor puncta significarent trientem & adesset duplex nota semissis, dicendum foret trullam illam fuisse *trepondo & trientem*, vel *ternas & trientem pondus*, vel denique exquisito *trientem quarum pondus*: tot enim modis efferebant, quod significabant tribus libris & quatuor unciiis constare. Quid igitur hic de libra & deunce balbutit? in quibus ad duas libras una uncia deficit. Invenimus eum, quatenus possumus. Nota dextantis est $\overline{\overline{\overline{\overline{\cdot}}}}$. quippe qui ex semisse & triente, hoc est, decem unciiis constet. Accipiamus igitur puncta illa quatuor tanquam

tanquam partium assis, & erit, *dextantem tertium pondo*. seu duarum librarum & dextantis. Si quintum libebit addere, transponendum erit, hoc modo: *S ::*. hæc enim deuncis nota est, ex semisse & quincunce compositi: pronuntiandumque erit: *deuncem tertium pondo*. hoc est, bilibræ & undecim unciarum. Vt igitur caveamus, ne jaciatur in nos illud, Προμηθεὺς εἰ ἐν λόγοις, & res veterum sermone eorundem explicemus, sufficiat nobis, *SESTERTIUM*, neutro genere esse pondus librarum argenti binum semis in nummis. quod si pondo esset, diceretur *semissem tertium pondo*: eo vocabulo in plurali numero esse usos a binis usque ad nongenta: inde singulare adhibuisse per apposita adverbia multiplicatum. Pondus igitur argenti *sestertium*, est duarum librarum & dimidiatæ, ut *pondus centenarium* librarum centum, & quia singulæ libræ censentur nummis sestertiis quadringentis, mille nummum sestertium. Pondus argenti *decies sestertium* (ut homines *terque quaterque beati, ter veneficus*, munera *bis denum millium* apud Livium lib. XLII. *juvenes bis Casare digni* apud Pedonem Albinovanum) est decies duarum librarum & dimidiatæ, seu viginti quinque librarum argenti, in signato decem millium nummum. Pondus argenti *decies centies sestertium* est millies duarum librarum

& dimidiatæ, sive binum millium quingentarum librarum, in signato decies centenum millium nummum. Hæc tria ex analogia sunt, non ex usu, qui quoniam aliter eas summas concipi & enuntiari fecerat, &, ne id, quod sequitur, ambiguum redderetur, ea omnia repudiavit. Grammatices tamen conveniunt præceptis, & his gradibus pervenitur tandem ad usitatissimum illud & elegans, DECIES SESTERTIVM (recisis & intellectis τῷ pondere argenti & τῷ centies. nam τὸ decies & quæ sequuntur, subticent intelligique volunt centies vel centenum, cum decies significarent ἄντ' τῷ millies, ut infra clarius patebit) pro ea, quam postrema e tribus proximis formula explicuit, summa, bis millenis quingentis libris argenti in nummis sestertiis, quorum summa erat decies centenum millium. Quippe ut in una libra computabantur quadringenti, in duabus & dimidiata mille, unde *bina sestertia*, hoc est, quinque libras, dicebant pro binis millibus nummum, sic in mille libris quadringenta millia, in bis millenis quingentis, hoc est, *sestertio decies*, decies centena millia. Hinc ergo perspicuum est, *decies sestertium*, sensu quidem id esse, quod decies centena millia nummum sestertium, & hæc illo contineri: nequaquam autem illud ex his esse contractum per intellectum τῷ centena millia num-

mun (quod si esset, nulla potuisset esse vulgi Romani tanta barbaries, ut genitivum pluralem acciperent pro nominativo singulari, eumque singularium more declinarent, multo minus id admisissent docti) sed ex alia collectione plurium vocum singulare prorsus ostendenti in *sestertium*. Propterea & pro arbitrio vicinæ orationis ea vox inclinatur. Ita *syngrapha sestertii centies* Ciceroni, *summa sestertii decies & ratio sestertii quadragies* Livio, *summa sestertii tricies & centies & quinquagies sestertii summa* Valerio Maximo, *liberalitas sestertii decies* Tacito : *cœnare sestertio centies* Plinio & Suetonio, *margarita empta sexagies sestertio* Suetonio, *emi posse sestertio tricies* Plinio, *vivere in sestertio centies* Cornelio Nepoti & Senecæ.



LIBER II.

CAP. I.

Triæ Hotomanni adversus Budæum argumenta confutata. Priscianus vindicatus, ubi videtur statuere, tō sestertius carere neutro. Grammaticorum silentium non facit irritum, quod usus sanxit auctorum. Sestertium non necesse fuisse quatuor argenti libris aestimari, postquam sestertius quatuor assibus censeari capit. Mutatio area pecunia non coarguit comparisonem argentei Romani & nostri nummi. Denarii & argentea pecunia pretium pondusve non constare imminutum esse, cum area pondus detractum est. Libella in rationibus sestertiarii nomen, non nummus. Hares ex libella, hares ex teruncio. Ciceronis locus explicatus.

EXpendamus nunc argumenta Hotomanni contra Budæi sententiam, quam in parte probavimus, explicandoque ac producendo nostram fecimus. Prisciani annotatio objicitur, per concisionem mediæ syllabæ masculinorum pleraque nominum, quæ neutra non habent, pluralem genitivum casum proferre, ut *liberum* pro *liberorum*, *sestertium* pro *sestertiorum*, *nummum* pro *nummorum*. Quid planius, inquit, dici potuit, ut intelligatur nomen *sestertius*, non magis habere neutrum quam vocem *nummus*, & nihilo magis dici, *hoc sestertium*, quam *hoc nummum*; & pudere se, locum illum

illum neque a Budæo, neque ab Agricola, neque ab ullo unquam notatum atque animadvertum fuisse. Si sententia Prisciani nulla parte inverteretur, dicerem tamen, quam molestum est hoc, auctoritatem boni viri non in aliam rem prætendi, quam ut spernatur? *Sestertium* adjectivum probat origo & compositio vocis: *sestertia* omnibus paginis, etiam præter necessitatem, ostentant Poetæ: *σηστέρια* ex Latinis transferunt Græci: *sestertium pedem*, *sestertium bipalium* & non Poetæ volentes dicunt & attenti: Priscianus obiter inter nomina, quæ neutra habere negat, retulerit *sestertium*. Cui credimus? Sed non bona fide cum Cæsariensi Grammatico agitur. Observatio ejus hæc est: Inveniuntur tamen per concisionem media syllaba masculinorum plerorumque nominum, quæ neutra non habent, hunc casum proferentes maxime Poetæ. Est autem etiam apud veteres prosam scribentes idem invenire, sed raro. Post aliquot exempla subjicit: Nummum vero pro nummorum, & liberum pro liberorum, & sestertium pro sestertiorum, & jugerum pro jugerorum, modium pro modiorum, medimnum, senum, septenum, denum, frequenter etiam oratores per syncopam solent proferre. Dicemusne igitur nescisse Priscianum modia, medimna, sena, septena, dena, Latine dici? & jugera Latine dici, non jugeros? nam eadem necessitate hæc ex illis verbis

bis

bis colliguntur, quæ *sestertius* neutrum non
 habere. Ne reum faciamus tam stupidæ
 ignorantia: sed ita potius accipiamus, ut
 illa, quæ masculinatantum sunt, excipiantur
 ab illa parte regulæ, quæ Poëtis hunc morem
 adscribit: illa vero quæ non carent neutris,
 & ab hac parte excipiantur & ab altera, quæ
 masculinis neutro carentibus concisionem
 „ mediæ syllabæ in genitivis attribuit. At si
 „ veteres, pergit, *Sestertium* pro pecuniæ sum-
 „ ma usurpassent, Varro, Plinius, Mæcianus,
 „ Priscianus, ejus rei mentionem non præter-
 „ misissent. Hoc cum ipsis queratur & expo-
 „ stulet: illorum enim, qui quod debuerunt
 tradere, neglexerunt, est rationem reddere,
 quare fuerint omissiores; non ejus, qui ne-
 gligentiam priorum corrigit, cur prætermi-
 serint illi. Cæterum cum ex non scripto col-
 ligi, non fuisse, ubi aliæ probabiles rationes
 & ipsa rerum testimonia diversum demon-
 strant, vetent Dialectici, multo minus coge-
 tur non fuisse ex uno genere scribentium
 cessante. Communes nobis & illis fontes
 sunt scriptores antiqui, postquam, quo illi
 fuerunt nobis instructiores, Latina lingua
 populorum & gentium esse desiit. Ex qui-
 bus cum hauriamus *sestertia* tot locis pro
 mille sestertiis usurpata, frustra flagitur
 auctoritas Grammatici sic vocem interpre-
 tantis. Infinita sunt priscorum verborum,
 facto-

factorum, morum & rituum, quæ a nemine
 ipforum, qui quidem ad nos pervenerit, di-
 recto & plane explicata, eruerunt homines
 docti ex mentione sparsim & obiter illata,
 ex pertenui suspitione mota. Sufficiant ali-
 quando auctores sibi & placeant pateantque
 sine æquali interprete. Confessio est Hoto-
 manni : Sed exemplorum adeo plena sunt
 omnia, ut eorum me copia nonnunquam
 commoverit, ac fere in Budæi sententiam
 retraxerit. quorum magnam partem eodem
 ordine habet vir doctissimus, hoc est, cor-
 rumpit corrigendo. Quod autem Gram-
 matici & originum conditores siluerunt,
 fortassis in promptu causa est, quod locu-
 tionem in promiscuo videbant, rationem
 ejus peruestigatam non habebant. Scimus
 etiam doctissimos Romanorum sæpe in
 scrutandis linguæ suæ originibus delirasse :
 quæ barbaris scilicet nobis (præfiscini dixe-
 rim) linguæ usu deperdito hodie deprhen-
 duntur. Et viri omnibus artibus succincti,
 quum Budæus & Portius digitum ad fon-
 tem intendissent, quia citerius atque oport-
 tebat ipsi defecerant, viam illorum damnare,
 quam recte instituta & monstrata via perge-
 re maluerunt. Hinc illam quoque quæstio-
 nem adjungit, quid sit, quod veteres aucto-
 res, ubi de adaucto denarii pretio comme-
 morant, hoc est, a denis assibus ad senos de-
 nos,

„ nos, tam accurate de incremento & propor-
 „ tione Quinarii & sestertii præcepta tradunt,
 „ nullum tamen neque de vegrandi sestertio,
 „ neque de pretii ipsius pro rata portione in-
 „ cremento verbum vel minimum interpo-
 „ nant, cum ordinis ratio flagitaret, ut dice-
 „ rent majoris sestertii æstimationem pro rata
 „ parte excrevisse, nimirum a duabus argenti
 „ libris & scilicet ad quatuor libras: ab assium
 „ duobus millibus quingentis ad quatuor mil-
 „ lia, denique a mille sestertiis nummis ad
 „ mille quingentos quinquaginta. Peccat vir
 summus τῷ ᾧ καὶ τὸ τα πλεῖον ἐρωήματα ἐν
 ποιῇν. Verum est, mutatione æris & transitu
 nummi sestertii a duobus assibus semisse ad
 quatuor asses, etiam sestertia a binis millibus
 quingenis assibus ad quaterna millia assium
 profecisse: verum est, etiam si nemo hoc
 scribat: non enim mentitur Arithmetice.
 At necessum fuisse ut eadem opera eadem
 sestertia a binis & dimidiata argenti libris
 procederent ad libras quatuor, a mille sester-
 tiis nummis ad mille quingentos quinqu-
 aginta, ipsi efficiendum est, qui vult necessa-
 rium fuisse: non postulandum, ut dicerent
 alii, quod nec factum est, nec necesse fuit
 fieri. *Sestertia* perpetuo æstimantur mille
 nummis sestertiis, quia significarunt nun-
 quam aliud, quam duas dimidiatam libras
 argenti in nummis argenteis, qui quadrin-
 genti

genti libram implebant. Attamen adaucto
 sestertii nummi pretio & *sestertia* debuerunt
 pro rata portione crescere? Quis negat?
 Et creverunt utique in numero formarum
 ænearum, sed non propterea in libris argen-
 ti, uti nec in sestertiis nummis argenteis.
 As antiquissimus, dum scilicet ære gravi ute-
 bantur, fuit libralis, & inde sestertius sive as,
 sive nummus accepit nuncupationem: idem
 ergo nummus argenteus ut valebat duo
 pondo æris & selibram, etiam valebat asses
 duos & semissem: nam as erat libram pon-
 do. Postea as ponderis hujus maximam par-
 tem perdidit: atque ex eo non æqua æstima-
 tione erant duo pondo æris cum selibra &
 duo asses cum semisse. Sic ditiores ære sunt
 facti & qui argentum & qui æs vel infectum
 vel grave possidebant, & argenti æstimatio
 simul est adaucta, non tamen in ipso, verum
 in ære: ideoque & nummo sestertio pre-
 tium accrevit, sic ut esset ille quidem, si for-
 te, ut antea, valore duarum librarum æris &
 selibræ, superaret autem valorem duorum
 assium & semissis, quibus tamen tantundem
 in commercio & solutione efficiebatur,
 quantum antea binis libris & selibra: quin
 immo pro quatuor assibus ambulare cepit,
 nec tum ita proprie dici poterat sestertius
 as quam nummus. Sestertia vero non ideo
 plures complexa sunt argenti libras, nec plu-

res fextertios nummos , quemadmodum fextertius nummus plurium affium æftimatione pinguior & gravior argento non eft factus: fed utrifque redditus eft auctior affium numerus , utpote in quibus acciderat mutatio. Sic & denarius nummus , dum librales fuerunt affes , decem valuit affes , quemadmodum dena pondo æris ; mutato pondere affium nihil additum argento denarii, fed deductum multum æri affis effecit, ut ille in argenti uncia eadem pars, quæ quondam, octava nimirum , fieret affium fedecim. Quare fimiliter denarium pondus argenti nec plures propterea libras argenti complexum eft, nec plures denarios nummos : cæterum hoc mille denarium plures valuit affes : nam in affibus verfata eft mutatio. Vides quam perperam colligatur , quod fextertius & denarius pluribus affibus permutari ceperunt, debuiſſe & librarum argenti numero denaria & fextertia pondera augeri , & fextertia non binis libris & ſelibra , fed quatuor libris , ac proinde mille ſexcentis nummis fextertiis cenſeri. Etenim libræ argenti ſunt eadem quæ olim , quemadmodum & libræ æris : at nummi ærei ob acciſum pondus maiore numero libras æris librasque argenti implebant quam antea : nec deni æris poſt illa poterant dici dena æris: niſi intelligeres *corpora* vel *nomiſmata*, non *pondo*, ut quondam. Hic etiam ſolven-

solvendus est nodus, quem nectit Ant. Augustinus lib. II. Emend. VIII. Quum enim ostendisset, sestertium nummum ab initio binum semis æris, denarium denuin fuisse, dein illum quatuor, hunc sedecim assibus æquiparatum: Concidat, inquit, itaque necesse est omnis illa denariorum & sestertiorum æstimatio, quam eadem ratione ad omnes libras applicabant &c. Iam vero, ut ad nostram pecuniam vetus ratio conferatur, mutanda est recepta ab studiosis viris æstimatio. Quam paucis versiculis prope damnat & irritos reddit laudatissimos nec satis laudandos Budæi, cui & alibi apparet iniquior, labores! Sed hæc sunt iisdem inerratis, quibus ea, quæ de Hotomanno diximus. Vt enim ille nummorum æreorum pondere castigato putabat nomen summorum argentei nummi, *sestertia*, non consistere debuisse intra mille nummum sestertium numerum: ita hic convellit rationem, quæ inita erat in pecunia argentea Romana ad nostram argenteam contendenda, ex eo quod argenteis nummis pretium in ære cumulatum est. Neque enim ad denarios sestertiosve cum pecunia nostra comparandos medio ac parario asse utimur seu ærea pecunia: sed argentum cum argento conferendo & Romanorum argenteorum nummorum pondus ad nostrorum etiam argenteorum

pondus examinando deprehensum est, qui
 quibus nummis responderent. Itaque vide-
 tur ad sanitatem redire Augustinus, cum
 „ deinceps : Nisi quod hi, inquit, qui ponderi-
 „ bus usi sunt, si illud probare possunt, nihilo
 „ antiqua pondera a nostris differre, & argen-
 „ teos aureosque nummos veteres non conte-
 „ rendo deminutos appenderunt, facile pote-
 „ runt eos ex ipsorum nummorum notis &
 „ pondere ad nostros referre. Potuisset omni-
 bus his supersedere vir summus, nisi quod
 requirendo quæ nihil est necesse, & ambi-
 gendo, de quo incredibilis Budæi inprimis
 ex opere ejus sat cognita diligentia dubitari
 vetat, tamen ea, quæ tradita sunt, suspecta
 reddere & infamare voluit. An satis liber
 ab eadem culpa, in contrarium tamen, Cl.
 Salmasius, quum de M. V. cap. vi. statuit
denarii non minus imminutum esse pondus
 apud Romanos, quam *assis* & ipsius etiam
libellæ. nam & *libellam* argenti, quæ olim
 pretio exæquabatur *assi*, sive libræ æris, ubi
 & *denarii* & *assis* pondera imminuta fuerint,
 etiam ab antiquo pondere & æstimatione
 recessisse, & cum antea decima esset *denarii*,
 sub imperatoribus, ut constat ex Volusiano,
 fuisse tantum quadragesimam ejus partem &
 decimam festeritii. Primum non constat ex
 Volusio Mæciano sub imperatoribus hanc
 mutationem accidisse. nam ille *libellam* pro
 decima

decima fextertii, quadragesima denarii cepisse accipi scribit tum, cum denarius sedecim assium factus est, & inventa nova ratio æs excurrens denarii per partes assis significandi. Hoc autem institutum, ut minimum, ducentis viginti annis ante imperatores. Deinde imminuti denarii simul cum asse nec argumentum ullum exstat, nec id siluisset Plinius loco luculento lib. xxxiii. cap. iiii. præsertim cum inter æris & auri pondus in nummis mutatum, de argento interponat. Ad Drusum quidem octavam partem æris argento mixtam refert: Sed nihil hoc juvat Claudium, cum acciderit diu post denarium sedecim assibus æstimatum, diu ante imperatorum tempora. Nec probabile est, simul cum asse imminutum denarium, qui propter imminutum pondus æris pluribus quam antea assibus æstimatus est. Si & ipse deperdidisset de argento, & quidem tantum, ut ex decima fieret quadragesima, retinisset æstimationem in ære pristinam. Apud Sosipatrum sane Varroni *nummus argenteus, quem flatum primum à Servio Tullio dicunt, quatuor scriptulis major, quam tunc esset*, fuisse dicitur: sed (ut alias difficultates horum verborum transeam, quas Scaliger attigit) is nummus siquidem exstitit, fuit extraordinarius, necdum in usum venit, vel Plinio auctore, qui quinto demum ante primum Puni-

cum bellum anno Coss. Q. Ogulnio Gallo Q. Fabio Maximo, ducentis sexaginta post excessum Servii argentum signatum scribit. Sed & Livii xv. epitome tum primum Romanos argento uti cepisse confirmat. Vnicum argumentum Salmasii de *libella* speciem habet, sed adumbratam, non expressam. nam ea, ut fortassis olim nummus fuit, in argento valens assem, cum *sembella*, quæ *semissem*, & *teruncio*, qui *quadrantem*. (nam desierant esse Varronis ætate, cujus verba sunt: *Nummi denarii, decuma libella, quod libram pondo as valebat, & erat ex argento parva. Est, non dicit, sed erat.*) in ratione sestertiarum nomen est tantummodo, non corpus aut forma propria nummi. An *semuncia sicilicus*, an *sestuncia* &c. fuerunt nummi, quorum pretium auctum est, cum denarius sedecim assibus permutatus, quoniam quæ olim sedecima pars assis, in rationibus ad denarium facta est sexta decima denarii? quæ octavâ pars assis, octava denarii? Idem de *libella* sentiendum. Quum denarius esset decem æris, rationes ad denarium ita conficiebantur, ut æs excurrens, quod minimum intra denarium erat, etsi formæ essent in ære, tamen significarentur vocabulis argenti: sic *libella* notabatur pro asse, *sembella* vel *singula* pro *semisse*, *teruncius* pro *quadrante*. Volusius: *Nam quum olim asses libriles essent, & denarius*
decem

decem asses valeret, & decima pars denarii libram, quæ eadem as erat; singula selibram, quæ eadem semis erat; teruncius quadrantem haberet; sive denariaria, sive sestertiaria ratio conficeretur, iisdem notis, id est, libellarum & singularum & terunciorum, præposita nota denarii vel sestertii, ut erat ratio, æra exprimebantur. Postquam denarius sedecim assibus constitit, & æs excurrentes partibus assis exprimi cepit, hæsit illa vetus ratio in sestertiariis rationibus, retenta hætenus vi vocabulorum, ut ibi quoque *libella* esset decuma pars, *sembella* vigesima, *teruncius* quadragesima, ejus nummi cui applicabatur, nimirum *sestertii*. non ut *libella*, quæ antea nummus esset decimam denarii valens in argento partem, ita circumcideretur, ut nunc tantum decimæ sestertii parti par nummus fieret; sed ut ea vox pro decima sestertii acciperetur, quemadmodum antea accepta fuerat pro decima denarii in rationibus conficiendis: & quemadmodum tum significaverat assen vel libram æris quæ erat denarii decuma, sic nunc quoque significaret decimam partem quatuor nummorum vel assium æreorum, ex quibus constabat sestertius. Hoc est, quatuor uncias, tres sicilicos, scriptulum: unde & *sembella* vel *singula* pro duabus unciis, *sicilico*, quatuor scriptulis, & *teruncius* pro uncia quinque scriptulis habebantur. Sic

libella teruncius dicebatur in rationibus ad festertium pro semisse, sic *duæ libellæ singula* ponebantur pro asse, sic *tres libellæ singula teruncius* scribebantur pro asse & semisse, omnibus nummis æreis; & sic deinceps, de quibus inferius. Non aliter accipio apud Ciceronem ad Atticum lib. vii. ep. ii. de testamento Curii: *fecit palam te ex libella, me ex teruncio*. Vbi Bosii *exlibratus & exartuatus* cum *geronibus & tortorii uncis*, cum *Popmæ ex liberatu & ex gravatu* concoquant, quorum dentes vel silicem comesse possunt. Nihil melius vulgata. quam sic interpretatur Manucius: fecit te hæredem omnium bonorum: nam *libellæ* nomine significatur as sive omnis hæreditas. Vnde igitur Ciceroni *teruncium*, si assem habet Atticus? Hoc ita eludit, ut dicat, scriptum fuisse in testamento, ut Atticus ex asse hæres, quadrantem Ciceroni restitueret. Sed hoc ferri non potest, neque ex ejusmodi institutione is sensus elici. Si recte haberent cætera, eo referendum esset, quod testatores interdum in divisione assem excedebant: de quo Iustinianus $\pi.$ vii. Instit. de hæred. instit. & eodem titulo leges xiii. $\pi.$ iv. & xlvii. $\pi.$ i. in Digestis. Qua ratione Ciceroni ex quindecim uncis vel partibus tres, non vero e duodecim, evenirent. Quæ quindecim si reducantur ad duodecim, Atticus novem partes

partes & tres quintas unius, Cicero duas partes & duas quintas unius haberent : hoc est, ille dodrantem semunciam, septem scriptula paulo minus, hic sextantem quinque scriptula paulo amplius. Sed majus incommodum hujus explicationis, quod *libellam* pro asse, *teruncium* pro quadrante ponit, qua notione jam ante duo secula usurpari ea vocabula desierant. Popma profert conjecturam alteram : fecit hæredem te *ex libella* sive sestertii decima parte, me *ex teruncio* parte sestertii tricesima, (quadragesimam voluit dicere) id est, minima pecuniola, è qua hæredem nemo instituit. Accepit pro testamento ridiculo, quo totus as esset sestertius, opinor. Alioqui non diceret ex tantulis partibus hæredes nullos institui. Sed *ex libella* est ex quatuor unciis, tribus sicilicis, scriptulo : *ex teruncio* est ex uncia & quinque scriptulis : quæ partes quia non exhauriunt totum assem, intelligendum ex reliquis partibus alios scriptos, quos nominare non fuit operæ Ciceroni. Nec mirari debemus ex tantillis partibus hæredes scribi. Cicero lib. XIII. ad Attic. ep. XLVIII. *Mortuus est Babullius. Caesar opinor ex uncia : et si nihil adhuc : sed Lepta ex triente.* Vbi similiter tacitos transmittit ex aliis partibus hæredes. Pro Cæcina : *Facit hæc hæredem ex deunce & semuncia Licinium, ex duabus sextulis M. Fulci-*

num; Æbutio sextulam adspersit. Sic hoc ipso libro. epist. VIII. Dolabella cum duobus aliis bares est ex triente, id est paullo plus uncia.

C A P. II.

Quantum Hotomanni argumentum rejectum. Veterum ἀρχαία in concipiendis pecunia summis. Cur non dixerint unum sestertium pro mille nummis. Bina sestertia. Caesar post victoriam civilem pro congiario binis millibus in conducto habitantes Roma annua, in Italia trium mensum mercede dominis soluta liberavit. Suetonius illustratus & cum Dione conciliatus. Caesar idem pro donativo in peditem vicena millia dedit: pro rata centurionibus, equiti, tribunis. Suetonio reddita pristina lectio. Nonii annulus apud Plinium tentatum. Lapidés aliquot veteres explicati. Cyprianus commendatus. Arca Pontificum. Cur decies, vicies, tricies &c. maluerint quam mille sestertia, duo millia sestertium, tria millia sestertium, ea voce sestertia pondera signante. Cur decies maluerint quam millies pro decies centenis millibus nummum. Cur in decies sestertio maluerint centies intelligere quam exprimere.

„ **P**ergit Hotomannus interrogare: Si ses-
 „ tertium uno verbo dici pro mille sester-
 „ tiis potuisset, qua de causa nunquam veteres
 „ verbum illud usurparunt, sed semper mille
 „ sestertos dixerunt, unum sestertium, aut singu-
 „ la sestertia nunquam? Aut vero, quid opus
 „ fuit duas voces pro una frustra consumere?
 „ Hoc posterius præcipitavit oblitus humani-
 tatis

tatis elegantiaque suæ, quæ norat Romanis amata, non in jure modo, sed prope in omnibus rebus solennia verba & formulas, non sæpius compendia loquendi quam circuitiones? Quid opus fuit dicere, *Quod natum est*, pro infante, *Qui consuluntur*, pro jurisperitis, *Qui res judicant*, pro judicibus? Quid opus molesta illa designatione dierum per Calendas, Nonas, Idus, cum simpliciter, ut nos vulgo, numerare possent? Quid opus fuit dicere *semunciam* *scilicet* pro asse denarii? *dupondio & dodrante* *altum sulcum*, pro duobus pedibus & duodecim digitis, seu novem pollicibus? *trientem sextulam* jugeri pro decem millibus pedum? Sed maxime ingeniosos fuisse veteres in supputandis summis pecuniæ, nec fastidio magis quam summa ratione, res ipsa docet. *Sestertios* vel *nummos* eodem casu, quo numerale adjectivum, dicebant usque ad millesimum. *Mille* quidem *nummos* pari modo, sed præterea & sæpius *mille nummum*, *mille sestertium* amabant, ut intelligerent pondus vel pecuniam, sed illud potius, quia fere neutrum adjectivum respondet. In quo male substantivum & singulare *mille* viris doctissimis creditum est. Vnum *sestertium* pro hac summa refugerunt, non quia *pondo*, quod intelligebatur, esset plurale, ut viro maximo placitum, sed ut vitarent ambiguitatem, quæ

quæ exstitisset ex hac voce similiter pronuntiata de sestertio nummo & sestertio pondere. Quod ubi ambiguitatis nullum periculum, & jam consueissent aures τῷ *sestertia*, cum adverbio admiserunt. In quam rem eleganter Varro lib. ix. de L. L. *Vnde autem ratio analogiæ debuit ordiri, utrum ab singulari re in multitudinem, an contra?* Neque enim si natura ab uno ad duo pervenit, idcirco non potest amplius esse in docendo posterius, ut inde incipias, ut, quod sit prius, ostendas. Dicit etsi natura proficiscatur ab uno, tamen evenire interdum, ut posterius sit amplius & promptius ad docendum. Et mox: *Quare in demonstrando, quoniam potius proficisci oportet ab eo quod apertius est, quam ab eo quod prius est &c.* Hinc semper abdicato recto aut alio casu æquo per secundum enuntiabant: *duo millia nummum, duo millia sestertium, duo millia sestertium nummum*: & contractius *duo millia*, vel *bina millia*. Hinc etiam incipiebant dicere *bina sestertia*, nempe pondera argenti in nummis pro eadem summa: hæc apud Suetonium in eadem re quinas minas vertit Appianus. Idem Suetonius in Iulio cap. xxxviii. *Annuam etiam habitationem Romæ usque ad bina millia nummum, in Italia non ultra quingenos sestertios remisit.* Omitto Sabellicum, qui hic facit inauditum *vestigal*, ab iis, qui cives non essent, Romæque aut in
reliqua

reliqua Italia negotiarentur, ærario pendi
 solitum. Immo adfirmare ausim neminem
 nisi cives hoc beneficium Cæsaris sensisse.
 Torrentius ita interpretatur, ut qui cives
 Romæ, sive in Italia, nec plus penderent quam
 bina millia aut quingentos nummos, anno
 uno Cæsaris beneficio a pensione liberaren-
 tur. Quod si voluisset Suetonius, dixisset,
usque ad quingentos sestertios. Nihilominus
 hac sententia imbutus & Casaubonus opti-
 mum Suetonii interpretem Suetonio facit
 contrarium. Is est Dio lib. XLVIII. τὸ ἐνοί-
 κιον τοῖς μὲν ἐν τῷ ἄστυ μέγχι πεντακοσίων δρα-
 χμῶν οἰκῶσι πᾶν, τοῖς δὲ ἐν τῇ λοιπῇ Ἰταλίᾳ καὶ
 τὸ τέταρτον ἐνιαυτῷ εἰς ἀφελῶναι. Putat autem
 falli Dionem : quia caro in urbe constabant
 habitationes, propterea tam diversas pen-
 sionum summas exprimi : mentem autem &
 Cæsaris & Octavii (de quo Dio loquitur re-
 novante post Philippenſe prælium eandem
 largitionem) fuisse, ut non nisi ad tenuiores
 hoc beneficium pertineret : pauperes autem
 adæque, qui in Italia quingenis sestertiis ha-
 bitarent, quique in urbe binis millibus. Sed
 non dissentiunt Dio & Suetonius, si hic recte
 explicetur, nimirum *usque ad bina millia* ha-
 bitantibus, seu qui binis millibus habita-
 rent, sive Romæ, sive in Italia, iis largitum
 aliquid Cæsarem : Romæ quidem iis *remisſiſſe*
 habi-

habitationem annuam, hoc est, pro iis solvisse de suo dominis ædium omnem pensionem anni; qui in Italia, iis remisisse habitationis annuæ *non ultra quingenos sestertios*, hoc est pro iis tantum pependisse *quingenos sestertios*, quæ non nisi trium mensium pensio erat. Quater enim tres menses in anno, & quater quingeni sestertii, bina millia. Non autem nisi tenuiores, qui binis millibus habitarent sive Romæ sive in Italia. Quod amplius urbanis contigit, datum est honori urbis, quæ caput rerum. In eodem Suetonii capite est: *Veteranis legionibus prædæ nomine in pedites singulos super bina sestertia, quæ initio civilis tumultus numeraverat, in equites vicena quaterna millia nummum dedit.* Densæ hic etiamnum viris præstantissimis, inter quos Hotomanus tenebræ: quibus interluxit aliquando quidem veritas, sed oculis caliginosis accepta & repudiata est. Codices scripti, Vaticanus, Memmianus, Viterbiensis, Pithœi non habent τὸ in equites: nec Grossetianus τὸ quaterna. Hæc ipsa Suetonii scriptura est, consentiuntque Appianus & Dio. Ille luculente: ἀφ' ὧν αἱ τοῦ ἐπὶ τῷ θρασυβασίλει δένειμε, τὰ ὑπερχρημύα πάντα ὑπερβάλλον, στρατιώτῃ μὲν ἀνά πεντακισχίλιας δραχμαῖς Ἀθηναῖς λοχαγῷ τὸ ἐπὶ διπλάσιον· ἢ χιλιάρχῳ ἢ ἱππάρχῳ τὸ ἐπὶ διπλάσιον. Dio autem: τοῖς στρατιώταις πεντακισχίλιας ὅλας δένειμε. Quinque autem

millia

millia drachmarum, vicena millia nummum. Tò *in equites* adjecerunt, qui putabant pedites frustra nominari, nisi & equitum mentio fieret. At Suetonius de solis peditibus commemoravit, quum omnibus notum esset, quod peditibus daretur, id duplicari centurionibus, dari triplex equiti, quadruplum tribunis & præfectis equitum. Hoc mihi tam perspicuum videtur, ut palpari possit, & suspicatus hoc ipsum fueram, priusquam scivi tot MSS. eas voces inducere. Iam tò *quaterna* delendum clamant Dio & Appianus. Sed, inquit Casaubonus, quia « plurima & antiquissima exemplaria voces « illas retinent, non est dubitandum, errare illos graviter, qui iis inductis belle a se locum « constitutum censent. Gravis animadversio subscriptione atque argumento perlevi, cum sæpenumero unius exemplaris scriptura contra omnes alios probanda sit. Est enim, « pergit, probabilius multo librarios, homines « ut plurimum literarum rudes verba quædam « legitima omisisse quam de suo alia addidisse. « Sane si soli literarum rudes nec arrogantius de sese sentientes veteres libros tractassent. Nunc audemus in contrarium adfirmare plerisque in antiquis libris potius addendo quam demendo esse peccatum: & testes damus duos duorum optimos codices, Nazarianum Senecæ & Puteanicum Livii, quibus pejores

peiores infinitis locis pleniores sunt sufferioresque, & ut quidque in illis aut parvulam mutationem literæ vel syllabæ, ut quidque explicationem non satis promptam & obviam requirebat, additamentis deformatum habent. Nimirum ita præceperat animo vir, oculatissimus alioqui, conjecturam suam, ut meliores libros agnoscere non posset. Ea est : *in pedites &c. Vicena, in equites quadragera vel quadragera quaterna* : præterquam quod longissime distans a laudatis illis plurimis antiquissimisque exemplaribus, nec Dioni Appianoque consentiens, etiam eo peccans, quod non servat proportionem semper in hujusmodi congiariis servatam, ut quod pedites acciperent, id triplex conferretur equiti. Lapis antiquus de sepulcro C. Lucilii C. F. Vel. Vindicis : *hoc. testamento. fieri. jussit. honoris. pietatisque. causa. sibi. & C. Lucilio. Secundo. Patri. & Luciliae. suae. aviae. ex. HS. ∞ ∞. prælegatis.* Meursius de funere cap. XLIV. explicat *sestertium bis mille*, id est centum millia florenorum. Immo *duo millia nummum*, quæ prælegavit hic beneficiarius tribuni, deinde optio in centuria, non excedunt centum quinquaginta florenos. Apud Plinium legitur lib. XXXVII. cap. VI. Nonii senatoris proscripti ab Antonio annulus *sestertiis viginti millibus æstimatus.* Hinc istius annuli pretium fuisse

fuisse *viginti mille sestertia*, quæ sint decies centena millia florenorum, annotat homo doctus. Mirabar quos florenos intelligeret (sunt enim diversorum populorum diverso pretio) cum vidi bona fide in utratum esse a Meursio cap. v. de luxu Rom. At *viginti mille sestertia* ignorant veteres juxta cum *viginti millibus sestertiis*. *Viginti millia sestertium* sane norunt: ii sunt nostri nummi aurei quingenti, multum ab illa differens summa. Itaque si majus pretium ejus annuli fuisse credibile est, quem fugiens Nonius e fortunis omnibus unum secum abstulit, facias licet vel $\text{hs. } \overline{\text{cc.}}$ *sestertium ducentis millibus*, quæ quinque millia nostrum aureorum: vel $\text{hs. } \overline{\text{xx.}}$ *sestertio vicies*, quæ quinquaginta millia: summa amplissima, sed longe infra Meursianam. Sic cap. xiii. *triginta millia* putat esse amplius *centies sestertio*: & hoc quidem quinquies centena millia florenorum, illa quindecies interpretatur. At *centies* facit septies centena quinquaginta millia florenorum, *triginta sestertia* duo millia ducentos quinquaginta: utrumque autem in loco Lampridii vitiosum, ut alii viri docti monuerunt. Lapis antiquus: L. Porcio. Saturnino. quæ. pro. hon. L. xx. N. P. ut. aes alien. reipubl. Cartimitan. lib. amici. fac. curaverunt. Scaliger interpretatur *sestertia viginti millia nummum pendit*. Debit vel *sestertium*, vel saltem procul habere $\overline{\text{xx}}$ *millia*: ut esset quem-

admodum Horatii , *bis dena super sestertia nummum*. Possis & interpretari : qui , vel quod pro honore septuaginta millia numeravit presentia , ut *as alienum reipublicæ Cartim. liberaret vel liberaretur*. Lapis Tiburs : *Hoc. monument. si. quis. donare. aut. vendere. voluerit. inf. arcae*. PP. Rom. HS. L. M. N. Pet. Servius cap. VI. Miscellan. (quæ servo Romæ donata ab auctore immature defuncto, amoris & doloris mnemosynon) interpretatur : *inferat arcae populi Romani sextertia quinquaginta millia numero*. Dicendum est : *sestertium quinquaginta millia nummum*. Vti expressum in quarto fol. DCVIII. apud Gruterum : nisi quod errore latomi , & ibidem, *sestertios*. Sic & scribendum est apud Cyprianum de redemptione captivorum epist. LIX. *Misimus sestertium centum millia nummum*. non *sestertia* , ut editur , probatque Scaliger. Nec arbitrii nostri est , utrum malimus , nec suspectum vulgatum est , quod summam nimis magnam significet , ut Pamelius dubitat : nullam immo Latine significat , nunquam Romano stylo exiit. *Sestertium centum millia nummum & centum millia nummum vel sestertium* , & *centum millia & centum sestertia* dicebatur : non vero *sestertia centum millia nummum* , quemadmodum nec *centum sestertia millia*. Æque barbara & rejicula sunt, *bina sestertia millia, sestertii bina millia,*

lia, sestertia bina millia nummum. Colligit autem illa Cypriani summa non viginti quinque millia librarum, quæ in Galliis appellantur, sed septem millia quingentos, coronatorum duo millia quingentos. Displicet etiam in Servio nostro: *arca populi Romani*: quamvis haud secus explicet Scaliger cap. x v i i. Indicis. *Ærarium* solent hoc appellare, non *arcam*. Verum est: *arca Pontificum Romanorum.* quæ sæpe nuncupatur in aliis monumentis. Ut in octavo fol. D C L I I. *prius. inferat. arcae. Pontificum. Rom. SS. C. M. DEN.* Videtur fuisse: D C. N. Sestertium centum millia sexcentos nummos. nam denariorum mentio huc non quadrat. Rursum cap. v i i. *Si. quis. in. hac. arca. alium. posuerit. Q. Q. s. s. dabit. coloniae. nostrae. penai. nomine.* * * —. Servius explicat, *quingenta sestertios, vel quingentos sestertios.* Quæ patitur quidem Latinitas, sed nunquam illis notis signabantur. Explicandum cum Scaligero: *quam qui supra scripti.* Summa autem, ad quam damnantur, vitiato & exciso lapide intercidit. Illa igitur, ut dixi, longa serie sic efferebantur. Et nummorum quidem numeratio attollebatur usque ad sestertium nongenta nonaginta novem millia nummum. Quæ sequitur summa, non poterat ab illis, ut nobis, geminato millenario efferri: non enim *mille millia* nec *millies millena* dicebant: sed quoties hic nu-

merus duplicandus esset, priorem efferebant per *decies centena*. Hinc Plinius lib. x x x i i l. cap. x. *Non erat apud antiquos numerus ultra centum millia : itaque & hodie multiplicantur hæc, ut decies centena millia aut sæpius dicantur.* Ergo non $\rho\omega\mu\alpha\iota\zeta\sigma\iota$ viri docti, qui inventa ab Alexandro Persepoli centum & viginti millia talentum aiunt efficere nostrorum aureorum *septuagies bis millena millia*, 72000000 : (Romane pronuntiandum erat, *septingenties vicies centena millia* :) addita Susis exhausta quinquaginta millia talentum, aureorum *bis & centies millena millia*, 102000000 ; (Romane *millies vicies centena millia* :) quibus si adjungantur sex millia talentum, quæ faciunt tricies sexies centena millia 3600000, existere volunt centum & octo milliones, seu *centies octies millena millia* Philippeum sive aureorum. In quo postremo & concipitur & pronuntiatur male summa : dicendum erat *millies octogies centena millia* 108000000: summa autem existit longe minor, nimirum millies quinquagies sexies centena millia aureorum 105600000: qui nostri centum quinque milliones cum sexcentis millibus aureorum. Sic & quingenta millia talentum, quæ Cyrum devicta Asia reportasse testatur Plinius, aureorum nostrorum non *trecenties millena millia*, sed *ter millies centena millia* numerarent Latini. Sic igitur dicebant

cebant *decies centena millia nummum*. Mille *sestertia* num dixerint, ambiguum reddit locus Ciceronis in Verrem de Prætura urbana: *Accepi viciis ducenta triginta quinque millia quadringentos decem & septem nummos*. De stipendio, frumento, legatis, pro quaestore, cohorti prætorie, *sestertia mille sexcenta triginta quinque millia quadringentos decem & septem nummos*. Reliqui Arimini *sestertium sexcenta millia*. Sed verendum, ne quum scriptum esset, HS. \bar{x} . id degeneraverit in HS. ∞ . Nullo certe alio loco reperitur, cum passim *sestertium decies*. Nam quemadmodum proximarum grandium summarum nuncupationem contraxerant, vice nummum modulo argenti, qui duas argenti libras & scilicet libram in nummis complecteretur, usurpato: ita mox his quoque aptum compendium invenerunt per eundem modulum, sed ingeniosa varietate; vocem enim prius plurali numero enuntiatam & multiplicatam per adjectiva numeralia, dehinc singulari positam numero per adverbia amplificaverunt. Vtrumque summa ratione, quam quia nemo dum in lucem protulit, confessione Varronis & insultatione Hotomanni commoti, persecuti quærendo sumus, & aliquid dumtaxat ejus invenimus. Si numerum non mutassent, vix potuissent collectione illa nummorum per sestertia ultra mille uti, quod sem-

per fuisset ambiguum, sestertia ne an sestertii intelligerentur. Etenim, ut res ipsa se oculis ingerat, ut decies sestertium dixerunt pro eo, quod simplicius fuisse videatur *mille sestertia*; ita vices pro eo quod hac ratione pergendo *duo millia sestertium*, pro tricies *tria millia sestertium*, pro quadragies *quatuor millia sestertium*, pro centies *decem millia sestertium*, pro ducenties *viginti millia*, quingenties *quinquaginta millia*, millies *centum millia*, decies millies *decies centena millia sestertium*. Atqui eadem omnia, *duo millia sestertium*, *tria millia sestertium* & reliqua, jam occupaverant in formis nummorum numerandis, & tam certo, ut *duo millia*, *tria millia*, *centum millia*, omisso vocabulo vel *nummum* vel *sestertium*, non de aliis, quam de nummis sestertiis, prius duum semis, dein quatuor assium, intellegerentur. Fœda igitur tum fuisset summarum confusio & ambiguitas quotidie inexplicabilis, nec, quod maxime in nominibus imponendis spectatur, ulli summæ in hoc genere quid proprium relinqueretur. Quis potuisset divinare, si cui legata essent *decem millia sestertium*, decies ne centena millia, an decem millia nummum testator voluisset relicta, cum utraque summa prorsus eodem modo offerretur? Quis jure culpasset Tiberium, si *sestertium quinque millia*, Galbæ præcipua data, non quinquagies, sed totidem nummos.

mos fuisset interpretatus? Profecto cavillationum & litium in contractibus ac testamentis finis fuisset nulla, quum illi, unde peteretur, *tot millia sestertium*, nummostotidem, petitores sestertia totidem significare contenderent. Hæc ratio, justissima mehercule, fuit illi, quisquis fuit, callido in primis homini, qui computandi gradus hos invenit, numerum vocis *sestertia* mutandi, ubi quia *τὸ millia* comparebat, non poterat vox *sestertia* nisi genitivo plurali pronuntiari, & usum singularis vocabuli cum adverbiiis comminiscendi. Mirare nunc tam sero singulare sestertium adverbiiis copulatum, nec, quod indulgebat analogia, properatum in eo genere computandi, antequam decies centena millia nummum procederent. Mirari dignum: ita provide sapienterque factum est. Potuissent enim vel a centum millibus, vel ab decem millibus, vel a mille nummis, qui libram argenti sestertiam, seu duas & dimidiatam libras constituunt, ordiri: hi sunt illi, quorum Varro meminit numerorum gradus, centenarius, denarius, singularis. Quod si pro centum millibus, seu *αὐτὶ τὰς centum sestertia*, dixissent *centies sestertium*, permultæ grandium summarum appellationes, commodissima illa atque indubitata brevitate enuntiandæ, defecissent. Quod enim inter hoc *centies*, significans centum

millia nummum, vel centum sestertia, & decies centies intercedit, id eos numeros, qui sunt inter alterum *centies*, significans centena millia nummum, & millies, impedivisset ambiguitate plus quam Delphica. nam qui sciretur, *relieto, dato, dicto centies*, utrum centum millia, an centies centena millia nummum intelligerentur? Idem existeret incommodum, maneretque latius etiam, si altius exorsi *decies* quoque *sestertium* pro decem millibus dixissent. Cujus enim fuisset ingenii discernere, *decies, vicies, tricies*, quando decem, viginti, triginta millia, quando decies, vicies, tricies, centena millia designarent? Unica erat ratio tantas ambages exundi, si totum illud quantivis pretii inventum de *Decies, Centies, Millies*, pro toties centenis millibus abolerent: & post *nongenties sestertium*, acceptum pro nongentis millibus, statim dicerent *millies* pro decies centenis millibus: quando &, absque illa fuisset ambiguitate, insolens foret in expectatumque post *nongenties* dicere solum *decies*, ut numerum centenarium denarius subsequeretur. Igitur *millies sestertium* fuisset illud, quod nunc est decies. *millies centies*, quod undecies: *millies ducenties*, quod duodecies: *bis millies*, quod vicies. Quo pacto omnibus illis vocibus numerorum, quæ sunt a *decies* (ut nunc est) ad *millies* usque, fraudati fuissent.

sent. At ne ab uno inciperent, in causa fuit, quia ineptum & supervacaneum erat dicere *semel sestertium*, quod nuda vox *sestertium* per se significaret. Qua tamen nuda in hanc significationem uti noluerunt vitandi rursus ambigui gratia, quod maxime ex obliquis casibus ejus vocis oreretur: *sestertii* enim, *sestertio*, *sestertium* cum audiebantur, utrum nummum denotarent an pondus libræ, incertum audientibus relinquebant. Hæc vera & unica ratio est, quare & pro mille nummīs *unum sestertium* dicere timuerint: at *bina sestertia*, & sic ordine, ubi nullus ex ambiguo error restare potest, non timuerunt. *Bis* tamen *sestertium*, *ter sestertium* ἀντὶ τῶν *bina sestertia*, *tria millia*, non admisērunt: quippe ita si dixissent, & *decies sestertium* pro decem millibus, & *centies sestertium* pro centum millibus dicendum habuissent, coque incommoda illa, quæ jam exposuimus, incurrissent. Sed etiam adverbia, *semel*, *bis*, *ter*, *quater*, nominibus adjectivis, inprimis numerorum, sine apposito verbo (quod tamen semper intelligitur) raro junguntur, (rarius substantivis) præterquam apud Technicos & poetas. Ideo nunquam apud Cæsarem, Sallustium, Livium, Curtium invenies *bis mille equitum*, *ter mille militum*, *quater mille sociorum*, sed *duo*, *tria*, *quatuor millia*: nisi forte uno alterove corrupto loco: quod de-

buissent observare homines docti & Latini
 sermonis studiosi, qui in historiarum libris
 passim ista inculcant. Igitur per hanc quo-
 que rationem abstinuerunt *non sesterium* cum
 adverbio numerandi jungere, donec, si non
 necessitas, certe summa commoditas, lo-
 quendi genera alias insolentia & prosæ vi-
 tata illis extorqueret, eaque frequentando
 usitatissima redderet. In quibus etiam novo
 ellipsos ingenio effectum est, ut commo-
 dius & sine ambiguitate ad maximas quas-
 que summas efferendas sufficerent. Potuif-
 sent enim statim dicere, *millies sesterium* pro
 binis millibus quingentis libris argenti in
 nummis, seu decies centenis millibus num-
 mum: sic *bis millies* pro vicies, *ter millies* pro
 tricies. Sed ita, ut modo diximus, omnibus
 illis gradibus, qui sunt a *decies*, ut nunc ac-
 cipimus, ad *millies* usque caruissent, nec tam
 breviter majores summas nuncupare qui-
 vissent. Ipsum enim, quod nunc *millies* est,
 fuisset *centies millies*, quodque nunc ducen-
 tos & quadraginta milliones, ut hodie lo-
 quuntur Itali, & ab illis accepimus, insuper-
 que decem aureorum millia significat, id
 tum duos dimidiatum solummodo millio-
 nes significasset. Tantum profecerunt ad
 commodam & compendiosam amplissima-
 rum summarum appellationem faciendo in
 illo gradu non *millies sesterium*, sed *decies*
centies

centies sestertium. Præterea cum altius escendissent, non potuissent evitare, ne numerum eundem per se nullo alio interjecto multiplicarent: id quod cavisse Latinos vel ex illo simpliciore *decies centena millia nummum* colligitur: sic enim dixerunt, quod ferre non possent *millies mille* aut *millena* aut *millia*, vel etiam *mille millia*: sic pro *bis mille* vel *millies* vel *millena millia* dixerunt *vicies centena millia*. Igitur si dixissent *millies sestertium* pro eo, quod nunc contractum ex *decies centies* est *decies*; etiam pro eo quod nunc *millies* est, erat dicendum *centies millies*: nec hætenus vexantur aures: at pro *decies millies* fuisset *millies millies sestertium*, pro *vicies millies* habuissent *bis millies millies*. Quod quidem sero potuissent mutare in *decies centies millies*, *vicies centies millies*, &c. paucisque gradibus ita processissent: sed hoc mox altero nihilo mollius erat futurum, quum pro eo, quod nunc *centies millies* dicunt, offerendum esset, aut *decies millies millies* aut *centies centies millies*: sic pro *ducenties millies* habuissent *vicies millies millies*, aut *ducenties centies millies*: rursum *tricies millies millies* aut *trecenties centies millies* pro *trecenties millies*: & sic deinceps. Quæ omnia insuavia, ingrata, dura, ut lapides, non voces, sonare videantur, præven-
runt pro *millies sestertium* post nongenta nonaginta novem sestertia fingendo *decies cen-*
ties

ties sestertium. Brevi post & apparuit *τὸ centies* melius reticeri & subaudiri. Quod Scaliger laudat Latinorum elegantiam in reticendo numero millenario, id huc transferre debuit, & centenarium dicere. nam *τὰ decies, vicies, tricies* &c. multiplicant includuntque tacite centenarium. Igitur illud *centies* si expressum, & non intellectum fuisset, primum non tam breviter apteque totum illud genus expeditissent, & ad tadium usque ac ravim iterandum habuissent idem *centies*. Nec levem hanc causam putes, quum & singulas voces eodem fine desinentes & ordine repetendas curtas redderent in computando celerius procedendi gratia: inde apud Volusium Mæcianum: *semis, quatuor, quinques, sexis, septus, octus, nonus, decus*. Deinde postquam ad ipsum *centies* ventum esset, incurrissent in rem, a qua maxime abhorrebant, idem numeri vocabulum per idem amplificando. Itaque qui gravati essent dicere *millies millena* vel *millies millia*, illis fuisset dicendum, *centies centies sestertium, ducenties centies sestertium, trecenties centies sestertium* &c. atque ad eandem nauseam rediissent, ubi post *millies nonagies* veniebat nominandum *millies centies centies sestertium, millies ducenties centies sestertium, millies trecenties centies sestertium* &c. rursum *bis millies centies centies sestertium, bis millies ducenties*

ties centies sestertium &c. Sic in *ter millies*, & cæteris plurimis. Hæc intolerabilia Romanis auribus accidebant, & ideo optimum visum una litura expungere illud toties molestum ac nimium futurum *centies*, quoque uno modo nec obtundere putantem & tamen juvare rationem posset, decrevere semel omissum illud in omni supputatione per adverbia intelligendum esse. Sic exiit tandem pro decies centenis millibus nummum brevissime & ingeniosissime conceptum solum *Decies sestertium*: posteriore voce jam non accepta pro nummo, sed pro pondere argenti sestertio binarum & dimidiatæ librarum: nec genitivo plurali (neque enim ut *adsatim argenti*, sic *decies*, aut *vicies argenti* Latine dicitur, aut ullus existit tam ridiculus magister artis Grammaticæ, ut adverbia numerandi genitivum regere doceret) sed singulari recto: quæ vox significat id pondus, quod summam continens mille nummum adverbio numerandi toties multiplicari intelligitur, iis autem variatur casibus, quos requirunt vicina verba, a quibus regitur. Nunc existat aliquis & nobis impingat Hottomanni interrogationem: Cur nunquam “ duo, tria, quatuor millia, grandiorum ses- “ tertiorum dixerunt, sed ubi ad nongenta “ nonaginta novem perventum erat, tum re- “ pente velut dæmonio Socratico revocati “

„conversa ratione ad minores (nummos voluit
 „dicere, nulli enim sunt minores & majores
 „sestertii) redierunt ac dicere ceperunt *decies*
 „*sestertium*, quod valet decies centena millia
 „sestertium? Facete quidem ludit in re capi-
 tali sua vir gravissimus & literis ornatissi-
 mus: sed, ut ille filius Tylandri apud Calisthe-
 nem, ἀπὸ πρῶτης τοὺς γάμον. Ad priorem par-
 tem hujus quaestionis jam est responsum:
 non enim dixerunt *duo millia sestertium* pro
 vicies, ne periret certus sensus *duobus milli-*
bus pro totidem nummis. Et sic in cæteris.
 In posteriori parte falsum sumit, cum dicunt
decies sestertium, eos reverti ad nummos:
 non enim nummus in eo intelligitur, sed
 pondus argenti: & ut decies centena millia
 nummum succedunt nongentis nonaginta
 novem millibus nummum, ita alio modo
 efferendi easdem summas *decies sestertium* se-
 quitur nongenta nonaginta novem sestertia.

CAP. III.

Τὸ *decies sestertium* & cæteris hujus numerorum a-
 ctus semper adjungitur adjectivum vel verbum
 singulare. Varro correctus. Ciceronis aliquot loca
 vindicata. M. Cælii ad Ciceronem illustratus lo-
 cus. Caesar emendatus. Advectum sexagies. Ad-
 vector. In Plauto veterum codicum scriptura de-
 fensa. Hirtius tentatus, & Asconius Pedianus.
 Plinius adjutus, & Iulius Frontinus. Lapis anti-
 quus explicatus. Duodecies sestertium, quod ad

xl *usuris perduceretur. Usura quadrantes & lina sextula.*

HOc errore plerique omnes literatissimi viri, qui in hac materia elaborarunt, velut visco contacti hæserunt, quum dicitur *decies sestertium*, intelligi *centena millia*, & *sestertia* non dici nisi a binis usque ad nongenta nonaginta novem. Itaque juncturam hanc adverbiorum cum nomine sestertiorum per ellipsin maxime considerandam tradunt, & audent inter vitia sermonis ponere *sestertium* in numero singulari usurpatum, tanquam sine veterum exemplo, etiam ex illis, qui concesserunt *sestertia* esse duas minas semissem. Budæus paullo cautius est loquutus, non tamen melius: Quomodo *sestertius* duos “ & semis asses valet, & *sestertia* singula duas “ libras & selibram: sic illud genus tertium “ *sestertii* duo millia & quingentos nummos “ valere posse videbatur. At Portius: Adver- “ bia, cum ad multiplicationem alterius nu- “ meri apposita fuerint, suum tantum nume- “ rum referunt, ut *decies centena*, *decies millena*: “ cum vero ad designandam alterius rei quan- “ titatem per se reperiuntur, per centum mil- “ lia multiplicantur, ut *decies sestertium*, *decies “ talentum*. Suspiciatur etiam fortassis, apud “ antiquos hæc adverbia non eadem voce pro- “ lata: sed cum per centum millia multiplicari deberent, non *decies*, *duodecies*, *millies*, sed *deciens*,

decies, duodeciens, milliens, interposita litera
n pronuntiata. Et quum Cicero scribit ex
 vicesima portorii rerum nomine Verris ex-
 portatarum publicanos *sestertia sexaginta per-*
didisse, de maioribus, ait, intelligendum :
 quum inferius argumentando infert res ipsas
 exportatas *duodecies sestertium* valuisse, in-
 telligendum de minoribus. Agricola : Si
 numerale adverbium jungitur in sestertiis,
 significat tot centena millia. Mox loco Cice-
 ronis adducto in quo est, *HS. decies centena*
millia, hæc locutio est, inquit, integra : al-
 terisque duobus, ubi, *HS. decies numeratum*
esse, & *HS. undecies perdidisse* : hæ duæ locu-
 tiones sunt concisæ. Ciacconius : Quam
 orationem sæpe contrahebant, ut dicerent,
decies centena millia, aut *decies centena*, aut *de-*
cies tantum. Sic *centies* & *millies*. nam his
 numeralibus adverbiiis, si *centena millia* non
 apponebantur, subintellecta inerant. Sed
 hæc *centena millia* elidit consensus aucto-
 rum, ubicumque hoc genere loquendi utun-
 tur, adjectivum aut verbum singulare vel
 apponentium vel subjicientium. Quæ huc
 congeremus, ne quis forte uno Velleii, vel
 cujusvis alterius scriptoris uno alterove loco
 eluso viros doctos putet rem factam habe-
 re, & quia credo, si illi tot testimonia in ocu-
 lis habuissent, futurum fuisse, ut ab hac sen-
 tentia deterrentur. Varro lib. VIII. de LL.

Nam ut *deciens*, cum dicatur hoc *deciens*, ut *mille hoc mille*, & sit utrumque sine casibus vocis, dicemus ut hoc *mille*, *hujus mille*, sic hoc *deciens*, *hujus deciens*: nec eo minus in altero, quod est *mille*, praponemus *hei mille*, *horum mille*. Ita Ms. Vossianus. Dixerat, quod minora a *deciens* vocabula imposita. essent numeris in tertio & quarto actu, non esse contra analogiam: esse enim in *decies*, *vicies*, *tricies*, *quadragies* &c. ut in *mille*. Vulgo editur, hoc *deciens*, ut hoc *mille*, *hujus mille*: ubi duo postrema vocabula rescanda esse videramus olim de conjectura: nunc & scripto abesse vidimus, qui habet & repetitum *mille*. *Deciens* ait dici hoc *deciens*, ut *mille* dicitur hoc *mille*. Quæ etsi male comparet, auctor idoneus est ad id quod volumus, nimirum dici hoc *decies*, non *hec decies*: quod exigebant illa intellecta *centena millia*. Sic *hujus decies*, ut *hujus mille*. Hoc sufficere ait ad analogiam demonstrandam. Neque tamen eo minus dici, *hi mille*: supple, quum non dicatur, vel *hi* vel *hec deciens*. id enim manifesto ingerit argumentatio Varronis. Quid dicemus? ignorasse Varronem, quæ esset consuetudo loquendi, & quidem communior, ut illi volunt? Hoc vero ferri non potest. Rationem compositionis & originem ignorare potuit: ipsam locutionem & formulam, cum in ore omnium versaretur, ignorare non

potuit. Cicero lib. II. in Verrem : *de quo vobis priore actione satisfactum est, sestertium undecies numeratum esse. Lib. III. in eundem : Ita in frumentum imperatum sestertium bis & tricies in annos singulos Verri decernebatur, quod aratoribus solveret : in alteras decumas ferme ad nonagies. Sic per triennium ad hanc frumenti emptionem Siciliensem prope centies & vicies erogatum est. In Pisonem : Nonne sestertium centies & octogies, quod quasi vasarii nomine in venditione capitis mei adscripseras, ex aerario tibi attributum Romæ in quaestu reliquisti ? Philippica II : Vbi est septies millies sestertium, quod in tabulis, quæ sunt ad Opis, patebat ? Statimque : Tu autem quadringenties sestertium, quod Idibus Martiis debuisti, quonam modo ante Kalendas Apriles debere desisti ? Philipp. VIII. ut sestertium septies millies recuperetur. Lib. III. de Officiis: quum ei testamento sestertium millies relinquatur. Lib. v. ad Atticum : Sed antequam proficiscare, utique explicatum sit illud sestertium vicies & octingenta. Potuisset vicies octies : sed concepit ut in rationibus Verris: Accepi vicies ducenta: & rursus : quod plus frumenti fecit accepisse istum HS. decies octingenta millia. At ejusdem libri epist. I. quum solorum octingentorum mentionem faceret, subjungit : quæ quidem ego utique vel versura facta solvi volo. Famil. lib. v. epist. xx. neque erat id sestertium tricies, ut scribis,*

bis, sed novies decies. Aut si id ad præcedens nomen referre mavis, lege, *sestertii tricies.* non enim *triginta millium & novendecim millium,* ut voluit Manucius : non enim congruit, *legatum præfectumque meum maxima calamitate levatos.* Eadem epist. me *omnem pecuniam, quæ ad me salvis legibus pervenisset,* Ephesi apud publicanos deposuisse : id fuisse *sestertium bis & vicies :* eam omnem pecuniam Pompeium abstulisse. Lib. XII. epist. XXVIII. Itaque nec de *sestertio vicies,* nec de *sestertio septingenties* quidquam agi nunc per senatum potest. tibi autem ex Sc. imperandum mutuumque sumendum censeo. Dionysius Lambinus ad secundam in Verrem, cum oratio sit præcisa *sestertium undecies,* subintelligendumque *centena millia,* miratur non dici, *numerata esse.* Quid si loci omnes, pergit, in quibus tale loquendi genus usurpatur, corrupti sunt? At dubium non est, quin corrupti sint. Nunquam hoc scripsisset, si omnes semel acervatos contemplatus esset. Gruterus, quia scripti codd. omnes, præter duos, *numeratum,* adhuc, inquit, sustinui me; interim nuto. Matthæus Hostus, in libro de numeratione emendata, cum idem tradidisset de *centum millibus* intellectis, id autem, subjicit, adeo verum est, ut etiam cum singulari numero, quasi *centum millia* non desiderarentur, conjungatur. Allinit deinde duo ex iis, quæ modo advo-

cavimus, exemplis. Vide licet, quanta vis sit insitæ semel opinionis ad perperam argumentandum. Ex eo, quod ubique cum singulari conjunguntur adverbia, contrarium colligere debebat. Ad tot igitur Ciceronis locos quin redigendum sit corrigendumque, quod habetur lib. i. in Verrem cap. xxxix. *Hinc sestertium quaterdecies P. Tadio numeratum Athenis* : ut voluit Scaliger, cum vulgo sit, *numerata* : nobis quidem nulla dubitandi ratio superesse videtur. Sed alium hic scrupulum offendit Manucius : *vicies*, ait, *tricies*, *quadrages*, dixisse veteres pro bis decies, ter decies, quater decies : in Asconio esse xiv, quod fortasse valeat *decies quater centena millia*. Nodum in scirpo quærit : illud quod ille putat non dici nisi *decies quater*, una voce est etiam *quaterdecies* : quod si non aliunde, vel ex Prisciano de ponderibus constaret, ubi ordine referuntur *tredecies*, *quaterdecies*, *quingiesdecies*, *sexiesdecies*. Porro in grandibus illis summis maluisse Ciceronem, ut omnes, computare per sestertia quam per nummos, ne necesse haberet inserere *τὰ centena millia*, ex collatione locorum perspicuum est. M. Cælius epist. viii. lib. viii. Fam. Quo vento proficitur Appius minor, ut indicet pecuniam ex bonis paternis pervenisse ad Servilium, prevaricationisque causa depositum HS. Lxxxvi. hoc est, *sestertium octogies semel vel octogies & centum*

centum millia. nostrorum aureorum ducenta duo millia quingenti. Quod non suboluit P. Manucio, qui prorsus hoc depravatū suspicatur: nam neque satis magnam confici pecuniam ad emendam prævaricationem & perfectum potius numerum in libris veterum notatum animadverti: videri autem ex ignoratione antiquarum notarum fluxisse mendum, factumque LXXXI ex eo quod fuerit fortasse CCCIOOO: quæ sestertium erant centum millia, pecuniæ nostratis tria millia (immo duo millia quingenti) scutatorum. quamquam ne hanc quidem corrupto accusatori mercedem pro rei magnitudine satis amplam videri. Sic ille ἀγωνία, cum sit nihil negotii interpretari, ut dixi. Cæsar lib. I. de bello civili cap. XXI I I. *Sestertium sexagies, quod advexerat Domitius atque in publicum deposuerat, allatum ad se ab duumviris Corfiniensibus Domitio reddit, et si eam pecuniam publicam esse constabat.* Ita namque legendum judicabamus etiam ante, quam MSS. & ex illis Edd. Gryphianam & Stephanicam sic habere docuisset nos libellus Variarum. Vulgo, *quod aurum adduxerat*: Ciacconius pro vero laudat ex Parisiensi: *quod aurum advexerat*: sed utrumque contaminatum. Verbi fuerat idem mendum apud Ciceronem lib. III. in Verr. cap. LXXIX. *Quamobrem enim scriba deducat, ac non potius*

multo, qui adduxerit. Sed recte Lambinus ex MSS. *advexit*. nam & hanc inflexionem verbi requirunt sequentia. Vnde probatur omnium MSS. apud Plautum *Afin. a. 11. sc. 1. Quomodo argentum intervortam & advectorem & Sauream*. Pro quo editi, *adventorem. Vehere* alioqui etiam est portare antiquis. *Hirtius de bello Africano cap. xc. Itaque bis millies sestertio his imposito, ut per triennium sex pensionibus populo Ro. solverent*. Scriptis quibusdam deest *τὸ bis*. Forte fuit: *millies sestertio his (vel bis) imposito, quod per triennium*. *Livius lib. xlv. sestertium ducenties ex ea praeda redactum esse auctor est Antias*. *Cornelius Nepos: in sestertio vicies, quod a patre acceperat*. *Horatius lib. 11. Sat. 111. Scilicet ut decies solidum exsorberet*. *Valerius Maximus lib. vii. cap. viii. praelegabaturque ei centies & quinquagies sestertium*. *Lib. ix. cap. 1. Crassus, quanti ipse domum suam aestimaret, interrogavit. Atque, ut respondit, sexagies sestertio: quanto ergo eam, inquit, minoris fore existimas, si decem arbusculas inde succidero? Ipso tricies sestertio, ait Domitius*. *Ibidem: sexcenties sestertium aris alieni contractum famosa injuria nobilium juvenum*. *Velleius Paterculus lib. 11. Id gratis, an accepto centies sestertio fecerit, ut accepimus, in medio relinquemus*. Et rursus: *sestertium septies millies, depositum a Casare ad eadem Opis, occupatum ab Antonio*.

Monumentum Pallantis de SC. factum sub Claudio commemoratum Plinio minori lib. VII. epist. XXI. *sestertium centies quinquagies, cujus honore contentus fuit. SC. ipsum, lib. VIII. epist. VI. Voluisse quidem senatum censere dandum ex arario sestertium centies quinquagies. Et mox : eam partem sententia, quæ pertinebat ad dandum ei ex arario centies quinquagies sestertium. Petronius Arbitrator : Præterea habere in Africa trecenties sestertium fundus nominibusque depositum. Seneca lib. II. de benefic. cap. XXVII. hic quater millies sestertium suum vidit. Ad Helviam : superfuturum sibi centies computavit. Plinius lib. XVIII. cap. XII. circiter millies sestertium liberalitate D. Augusti congestum, usque ad detrectationem heredis exhausit agros in Piceno cœmendo colendoque in gloriam. Lib. XXXVI. cap. XV. incensa villa ab iratis servis concremaretur ad sestertium millies. Et ibidem : Erogatum in id opus sestertium ter millies. Plinius alter lib. III. epist. XIX. Quæris an hoc ipsum tricies facile colligere possimus. Lib. X. epist. III. quia mater Romani liberalitatem sestertii quadringenties, quod conferre se filio codicillis ad patrem scriptis professæ est, nondum peregerat. Vbi Germaniæ lumen Con. Rittershusius : sestertium quadringenties malim in plurali quam in singulari numero. Cur sequitur ergo, quod? Si nimis grandis videtur summa, lege*

cum doctissimo Buchnero (sic enim voluit) quaterdecies. Tacitus annali III. M. Piso exuta dignitate & accepto quinquagies sestertio in decem annos relegaretur. Lib. IV. decretum Corneliae virgini sestertium vicies. Lib. VI. Millies sestertium ea munificentia collocatum, tanto acceptius in vulgus quanto modicus privatis adificationibus. Eodem: donec tulit opem Caesar disposito per mensas millies sestertio. Lib. XII. Ita quinquagies sestertium ex opibus immensis exsuli relictum. Lib. XIII. & sestertium quadringenties arario illatum est ad retinendam populi fidem. Lib. XV. se annum sexcenties sestertium reipublica largiri. Lib. IV. Histor. actum in senatu ut sexcenties sestertium a privatis mutuum acciperetur. Epitome Livii LXXXIX. redactum est sestertium millies quingenties. Auctor dialogi de corruptæ eloquentiæ causis: nec hoc illis alterive ter millies sestertium præstat. Vt legendum monuit etiam C. Barthius. Suetonius Augusto: quamvis proximis annis quaterdecies millies ex testamentis amicorum percepisset, quod pene omne in rempublicam absunisset. Tiberio: Publice munificentiam bis omnino exercuit, proposito millies sestertio gratuito in triennii tempus. Caligula: adjecit & fructum omnem vectigaliorum & reddituum mediæ temporis, ut Antiocho Comageno sestertium millies confiscatum. Eodem: totum illud Tiberii vicies ac septies millies sestertium.

Galba:

Galba : *Sestertium namque quinquagies cum
 prapcipuum inter legatarios habuisset. Asconius
 Pedianus in Act. 1. Verr. Nam quamvis ses-
 tertium octingenties dupli nomine exigi jus esset,
 sestertium tamen quadringenties tantummodo
 repetitum est. Ita flagitat scribi sententia: vul-
 go : exigi usus esset. Martialis lib. 1. epigr. LIX.
 cum sestertiolum bis decies dixisset , subiicit :*

Hoc da tu mihi, pluris emam.

Epigr. XCIX.

Non plenum modo vicies habebas.

Ibidemque :

*Quasi non foret relictum , sed raptum tibi
 centies.*

Statimque :

Optamus tibi millies, Calene ;

Hoc si contigerit , fame peribis.

Lib. III. Epigr. XXII.

Sed adhuc supererat centies tibi laxum.

Lib. IV. epigr. LXVI.

Dic, ubi sit decies, mater quod avara reliquit.

Nusquam est.

Lib. IX. epigr. LXXXII.

Bisque tuum decies non toto tabuit anno.

Frontinus de aquæductibus : *Legimus apud
 Fenestellam in hac opera Marco decretum sester-
 tium IV. & octingenta. id est, quater millies &
 octingenta. Grandis summa, centies cente-
 num decem millium nostrorum aureorum.*
 In margine ponitur alias legi *quater & octin-*

genties : quæ sunt vices centena decem millia. Lapis vetus : *quod. unus. omnium. principum. & solus. remittendo. sestertium. novies. millies. debitum. fisco. non. presentes. modo. sed. & posteros. suos. præsstitit. hac. liberalitate. securos.* Vt restituit egregie Salmasius ad Spartianum. cuius verba libet apponere : Qui locutionem illam , *novies millies sestertium debitum fisco* , minime intelligebant, mirifice locum illum conturbaverunt, reponendo : *novies millies centena millia debitum fisci* : quæ est mera balbuties. In eam summam, quam reposuimus, consentiunt etiam veteres Hadriani nummi ab cruditis hominibus prolati : *Reliqua vetera HS. novies millies abolita* : hoc est, *sestertii novies millies*. Sic enim loquebantur. Vbi & recte contra Scaligerum observat, summam eam esse nostrorum aureorum ducenties vices quinquies centenum millium, seu viginti duorum millionum & quingentorum millium. Appuleius in Apologia : *profiteor, mihi ac fratri meo relictum a patre sestertium vices paullo secus : idque a me longa peregrinatione & diutinis studiis & crebris liberalitatibus modice imminutum.* Et rursus : *Avus modicum reliquerat, mater sestertium quadragies possidebat, ex quo sane aliquantam pecuniam, nullis tabulis, sed, ut aquum erat, mera fide acceptam, filiis debebat.* Iterumque : *reliquit Rufino huic, non mentior, sestertium*

*tium tricies devorandum. Denique : totum Pudentilla quadragies presumptione cassa devorandum. Tertullianus de habitu muliebri : Brevissimis oculis patrimonium grande proferatur. Vno lino decies sestertium inseritur. Spartianus Hadriano : In caducum parietem nos inclinavimus, & perdidimus ter millies sestertium ; quod populo & militibus pro adoptione Commodi dedimus. Idem in Vero : collatumque militibus ter millies. Vbi & ista repetit : ter millies perdidimus, quod exercitui populoque dependimus. Eutropius lib. vi. Gallia autem tributum nomine annum imperavit sestertium quadringenties. Macrobius lib. ii. Saturn. cap. iv. *Æs alienum exsolverat, numerato quadragies. Et ibidem : priori alterum centies sua manu junxit. Lapis Vasioe Vocontiorum. C. Appio. C. F. Vol. Flavo. Praefect. Iulienfium. Tribun. militum. leg. xxi. Rapacis. Praef. alae. Thracum. Herculaniae. Praef. ripae. fluminis. Euphratis. qui. HS. xii. reipublicae. Iulienfium. quod. ad. HS. xxx. usuris. perduceretur. testamento. reliquit.* Hæc ita interpretatur Scalliger, ut voluerit testator, penes rempublicam legatum consistere, quoad ex usuris fors, quæ erat xii sestertia, perveniret ad xl sestertia. Ponamus, inquit, xii sestertia “ unciario fœnori locata. xii millia sestertium “ sunt tria millia denarium, & xl millia sestertium sunt decem millia denarium. Ita respu-
blica*

„ blica lucrabitur hoc casu VII millia dena-
 „ rium. Usura vero annua centesima duode-
 „ cim millium sestertium sunt denarii CCCLX.
 Hic locus est, in quo vir summus *unciarium*
fœnus & centesimas usuras ingenti errore con-
 fudit : quæm cum aliquoties jure carpat il-
 lius successor, ipsum tamen hunc titulum
 non attigit. Mihi vero intolerabile genus
 est loquendi : *duodecim sestertia, quod perdu-*
ceretur : ejusque exemplum vehementer de-
 sidero. Atque interim malim explicare : *ses-*
tertium duodecies : collocatum scilicet sub u-
 suris annuis quadraginta millium. Habes
 apud ipsum Scaligerum adductum ex mo-
 numento veteri : *Huic. monumento. ex. testa-*
mento. legata. sunt. HS. VII. a. Sempronio.
 „ Severo. Est simpla summa : subjicit, *sestertia*
 „ *septem.* Quodsi *legatum* scriptum fuisset, ea
 „ esset ampla summa, nempe *sestertium septies.*
 Vides quam vim fateatur esse singularis nu-
 meri in talibus : sed fallitur cum putat ad-
 verbiis citius esse usos veteres, quam dicen-
 dum esset, *decies sestertium.* Sic igitur & in
 lapide Vasionensi verius *sestertium duodecies.*
 Reliquus sermo qualis apud Tacitum de
 mor. Germ. *Fœnus agitare & in usuras exten-*
dere ignotum. Nimirum *fœnus extendere in*
 „ *usuras & perducere usuris ad tot millia* videntur
 „ eodem modo dici. Cicero lib. XIV. ad Att.
 „ ep. XI. De Cluviano, quoniam in re mea me-
 ipsum

ipsum diligentia vincis, res ad centena perducitur. De quo ep. præcedenti : *Quod quæris, jamne ad centena Cluvianum; adventare videtur: sed primo anno octoginta deterfimus.* Voluit testator legatum suum non modo prodesse reipublicæ; sed etiam privatis usurarum commoditate: atque ideo constituit in centum nummos usurarum nomine tres nummos & trientem nummi, in centum denarios pariter tres denarios binosque obolos. Si tres tantummodo essent, usuræ quadrantes forent. Centesima pars centum nummum est sestertius: ejus quadrans est as. Nam sestertium nummum si per assem divides, uncia erit triens: duodecim enim trientes quatuor faciunt asses, quot habet sestertius: sextans, duo trientes; quadrans, as; triens, as cum triente; quincunx, as duo trientes; semis, dupondius; septunx, dupondius triens; bes, dupondius duo trientes; dodrans, tressis; dextans, tres asses triens; deunx, tres asses duo trientes; restat triens unus ad complendum assem, qui erat nummus sestertius. As igitur usura mensurua facit annuos asses duodecim, qui tres sestertii. Terni in centenos annui, in millenos faciunt triginta, in decem millia trecentos, in centum millia tria millia, in decies triginta millia, in duodecies triginta sex millia. Superfunt quatuor millia usurarum nomi-

nomine, quæ annuis ternis nummis addunt trientem nummi festerii. Nam ubi centum nummi pariunt unum trientem, mille festerii pariunt decem trientes, qui festerii tres cum triente; decem millia centum trientes, qui triginta tres festerii cum triente; centum millia mille trientes, qui CCCXXXIII nummi triens; decies centena millia tria millia trecentos triginta tres festerios trientem: quibus si addideris ex ducentis millibus nummum nata duo millia trientum, hoc est sexcentos sexaginta sex festerios & duos trientes, ipsa quatuor millia nummum confeceris. Hunc assem menstruum cum triente, annuos tres festerios & trientem in centenos, dices *usuras quadrantes & binas sextulas*. Nam duodecim binæ sextulæ, singulis quippe mensibus binæ, faciunt trientem sive quatuor uncias annuas. Sesterii autem triens, uti dictum, as cum triente. Vncia festerii erat triens: ergo binæ sextulæ festerii sunt uncia binæ sextulæ, sive uncia & triens unciae. Hoc menstruum quadranti centesimæ accedit. Duodecim unciae assem faciunt, duodecim binæ sextulæ trientem. Habes annum assem trientemque, qui triens erat festerii. Non aliter se res habebit, si ad denarium computes. Duodecies festerium, *τεράκοντα μυριάδες*, trecenta millia denarium. Quadrantibus usuris reddunt annua

nua novem millia. Defunt mille denarii ad
 æquanda quadraginta millia sestertium. Id
 faciet triens, denarii adjectus in annuos cen-
 tenos. Nam in centum millia denarium,
 mille trientes denarii, trecentos triginta tres
 denarios trientem ; in ducenta millia dena-
 rium, duo millia trientum, sexcentos sexa-
 ginta duos trientes ; trecentorum deni-
 que millium denarium tria millia triens, de-
 narios nongentos nonaginta novem trien-
 tem conficiunt: qui tres trientes denari : ad-
 dunt millesimum denarium : & ita τεράκιον
 μνερᾶδες, annua reddunt decem millia de-
 narium, ut duodecies quadraginta millia
 nummum, usuris quadrantibus & binis sex-
 tulis. Triens denarii, quinque asses triens,
 sive LXIV uncia. Vncia denarii, as cum
 triente, sive XVI uncia. Binæ sextulæ de-
 narii, quincunx binæ sextulæ, seu quinque
 uncia & tertia pars uncia. Hoc menstruum
 facit annum denarii trientem. nam duo-
 decim quincunces sunt LX uncia, sive quin-
 que asses ; duodecim binæ sextulæ triens,
 unus sive quatuor uncia. Ita existit annuus
 denarii triens, puta quinque asses triens, vel
 LXIV uncia. Hæc nos, quod ad computa-
 tionem, ut solemus, rudiori Minerva : cæ-
 terum brevius faciunt artifices. Centum
 ducta per quadraginta millia faciunt qua-
 dragies centena millia : in quæ si divides
 duode-

duodecies centena millia, habebis tria trientem. Rursus, ubi centum pariunt tres & trientem, duodecies centena millia necessario faciunt quadraginta millia: nam tria & triens ducta per duodecies centena millia efficiunt quadragies centena millia, in quæ divisus centum existunt quadraginta millia. Nec nimia est summa legati in homine tot locupletibus militiis perfuncto. Plinius de suo se patriæ undecies contulisse ait lib. v. epist. vii. Possis & Scaligeri interpretationem *duodecies sestertio* applicare: ut id legatum tamdiu penes rempublicam esse voluerit testator, donec ad quadragies perducetur. Ita, si centesimis usuris ea pecunia collocata esset, respublica intra paullo minus viginti annos lucratura erat vicies octies sestertium.

C A P. I V.

Decies acceptum, numeratum & similia non dicuntur intellectu triū centenorum millium pretium. In quatuordecim, in septem, ex septem. Marcianus Capella emendatus & illustratus. Decies acceptum, numeratum non dicitur per syllepsin numeri. In Livio Scaligeri correctio probata. Syllepsis numeri qua ratione constet. Exempla quædam ejus restituta quatuor Livii, duobus Silii locis. Multitudo urbana iere. Pars avidi certaminis. Omnis atas obvii. Castulo socii Romanorum. Vulgus jacent, Vos Gatule, Vos Calliope.
Falso

Falso credita syllepses : inimicos meos dicturum : delecti nobilissimus quisque mittitur : amantium ira amoris integratio est. Seneca defenssus. Mille drachmarum redditæ.

HÆc igitur universa, sic una &, ut ita dixerim, continenti contemplatione, oculis subjecta, doctissimorum hominum animos percutere & a centenis istis millibus suppressis eos abstertere, atque ad aliam rationem quærendam excitare potuerunt: quemadmodum Budæum, Cenalem, ipsum Hotomannum, Scaligerum, Salmasium sane quam commoverunt, ut in diversos errores distracti omnes tamen agnoscerent aliquid veri. Alii pauca ex istis, cunctis minus præsentibus, velut in strepitu audita atque aliud agendo memoria repetentes, & his unum alterumve locum corruptum, ubi cum plurali junguntur adverbia, pro integris & nihilo levioris auctoritatis opposcentes, eo reciderunt, ut ex sermone non Latino simplicem & regularem, ex ordinario & simplice figuratum facerent. Legitimum enim, *numerata decies*, quod solæcum, non Latinum est; figura excusandum, *numeratum decies*, quod solum semper receptum fuit; eamque figuram modo novam ellipsin τῷ pretium aut negotium, modo syllepsin numeri esse statuunt. Sic *accepto centies HS.* apud Velleium interpretantur accepto centies centenorum

L millium

millium pretio : & *sestertium decies numeratum* esse negotium decies centenorum millium sestertiorum numeratum sciscit Scioppius. Hic quia impediunt eos exempla veterum in quibus *sestertium* variatur casibus, *sestertii*, *sestertio*, in aliam temeritatem labuntur omnia illa corrigendi. Sic Agricola : *Sestertium* copulatum cum adverbis, scriptores nullo alio casu efferunt, sed his duobus conjunctis utuntur, ut aliquo neutrius generis nomine indeclinabili. Etsi autem per ea, quæ superius pro veriore sententia prolixè disputavimus, harum opinionum falsitas facile convincitur : tamen, ut omnem etiam imbecillioris ingenii lectori scrupulum tollamus, propriis eas quoque argumentis urgebimus. Nimirum si potuerunt Latini dicere, *accepto centies sestertium*, ut intelligatur *centenorum millium nummorum pretio*, num qua causa est, quin & dixerint, *accepto centum vel centenum sestertium*, ut pariter intelligatur *millium nummorum pretio* ? Nihil proferri potest, quare hæc locutio sit illa durior. Immo mollior multo est, præsertim cum dicerent, *illo mille nummum, uno mille nummum* : quum solum numerale interdum cum præpositione ponrent, intellectu substantivi, ut *sedere in quatuordecim*, *sessum in quatuordecim transire*, *scriptum in duodecim*, & similia. Cicero I. parad. *sapientem illum*

illum Biantem, qui numeratur in septem. Martianus Capella lib. 1. Item ex septem residui, qui inter duodecim non vocantur, item post hos complures alii pro suis gradibus cœlites. Ita MS. Vulgo, ex his septem : cum non sit cui relativum respondeat : sed interposuerunt, quibus insolens erat ex septem. Planetas intelligit septem ; ex quibus vocari vult illos, qui non erant nominati inter duodecim versiculis istis comprehensos :

Iuno, Vesta, Minerva, Ceres, Diana, Venus, Mars, Mercurius, Iovis, Neptunus, Vulcanus, Apollo.

Residuus erat solus Saturnus, sex enim reliqui jam erant nominati : sed utitur numero plurali pro singulari. Proferant, age, exemplum vel unum, quo probent dici, *accepto binum, denum, centenum &c. sestertium*, pro binum nummum pretio, vel binum millium pretio, vel ducentorum millium pretio &c. atque ita progrediantur à duobus nummis usque ad decies ; proferant, & vicerint. Sin agnoscunt necessario, solis adverbii apponi singularia, nec rationem reddere possunt, quare his potius quam numeralibus adjectivis, ne pigeat etiam fateri aliud quid subesse, & sua *pretia* atque *negotia* ad alias opportunitates reservent. Per syllepsin numeri dici *decies sestertium* cum singulari, proprium est commentum Scioppii, productum in Grammatica Philosophica & Paradoxis literariis

sub nomine Pascaſii Groſſippi publicatis. Qui quamvis admittat *ſeſtertia* pro mille nummis, & ita *ſeſtertium* cum dicitur, ſtatuat intelligi ſeſtertium minæ pondus, ducentos quinquaginta denarios, ſeſtertios nummos mille continens: tamen & ipſe decernit, in τῶν *decies ſeſtertium* poſteriore vocem eſſe genitivo plurali poſitam, qui regatur a ſubauditis *centena millia*: ſtuporem eorum non poſſe rideri ſatis, qui *HS.* uſpiam *ſeſtertii*, vel *ſeſtertio* reddiderint, & *ſeſtertium* pro nominativo & accuſativo ſingulari acceperint: *decies numeratum eſſe* & *decies numerata eſſe*, accepto *decies* & *acceptis decies*, recte dici; hoc per ellipſin *centenum millium*, illud per ſyllepſin numeri. Quum ingens ſit numerus locorum, in quibus *ſeſtertii*, *ſeſtertio*, ſervant codices antiquiſſimi, favore potius digna Budæi & Hotomanni modeltia, cum phraſin, cujus rationem ignorabant, tolerarunt tamen, & Scaligeri contentio in ratione quærenda, quam accuſandus in tantis viris ſtupor. At qui numerant viginti quatuor auctorum loca a Scaligero, ut aiunt, interpolata, atque ideo ſtulticiæ dant ei priores, ita quidem, ut ellebori jugere & omni Anticyra perſanari nequeat: quid in ſe ſtatuent tanto pluribus vitiatis. Criminatur Scaligerum noluiſſe a Ciacconio doceri. Ipſe autem Scioppius noluit a Ciacconio doceri,

recte

recte Charisium monuisse, non dici *centies nummum*, sed *centies sestertium*, nec *quingenta sestertium*, sed *quingenta sestertia*. Ille vero vel hac sola auctoritate Agricolaë sententiam abunde confutatam existimat, & inde colligit, si nominibus numeralibus “ apponatur *M. nummum*, item & *sestertium* “ addi posse: si non apponatur, *nummum* non “ posse, *sestertium* nempe, si per adverbia lo- “ quamur, alioqui *sestertia*: verbi causa, dici- “ mus, *decem millia sestertium* & *decem millia* “ *nummum*; non autem *decem millia sestertia*. “ item dicimus *decies sestertium*, non *decies* “ *nummum* aut *decies sestertia*: præterea *decem* “ *sestertia*, non autem *decem sestertium* aut *de-* “ *cem nummum*, sed *decem sestertia nummum*. “ Hæc optime. Scioppius non correctione (ut Hotomannus, qui concessa observatione de *centies nummum* male appellato, postrema sic mutat: *nec quingenta nummum, sed quingenta sestertium dicimus*) Charisium tentat; damnat aperte & inculatæ toties Grammaticorum stoliditatis compertum pronunciat: quia erravit alibi, potuisse hic quoque labi. Sed eo verum dicere non potuisse minime colligitur. Illud videamus, an Charisii observatio consuetudini veterum congruat. Iam negari nequit, ubicumque *sestertium* genitivo plurali ponitur, ibi vicem ejus posse poni *nummum*: quum utrumque

idem significet, & hoc omiffum licet in illo subaudiatur: nisi appareat id *sestertium* pro *sestertiorum* a *sestertia*, non *sestertii* descendere. quo tamen dubitare quis potest an veteres sint usi, quum uti possent, sed non sine aliqua ambiguitate. Quid igitur causæ veteribus, quum *duo millia sestertium*, & *duo millia nummum*, similiaque longo agmine promiscue habeant, cur numquam dixerint, ut *decies sestertium*, ita & *decies nummum*, si *sestertium* erat genitivus pluralis? Non dicere adfirmat Charisius: nec est λέξις γλωττημαλική, ut forte *hospita terra*, & *paupera*, & *pulchras clunes*, & cætera de genere hoc, quæ fefellerunt interdum & ἡ χαμμαλικήμασις: sed si latina erat, vulgaris erat & quam mille occasionibus quotidie oporteret in ore omnium esse. Præterea dixisse ex tot antiquis nullo potest exemplo probari. Vnum videtur esse. Livii lib. XL. cap. XLVII. *Sestertium nummum quater & vicies ab iis est exactum*. Vbi ridicule ait Scaligerum tollere τὸ *nummum*, nec esse causam, cur Charisio potius quam Livio credatur. Atqui cum Charisii præceptum ex auctoribus & usu vulgari istius ævi petatum sit, reperiaturque cum cæteris omnibus, quorum scripta exstant, consentire: utrum probabilius, scholio imperito vocis turpatum Livium, idque delendum, an tot auctores & plebem Latinam & Chari-

Charisium jus suum ignorasse? cumque *duo millia nummum & duo millia sestertium*, *tria millia nummum & tria millia sestertium*, quæque sequuntur, libere dicerent, & toties dicendum haberent, stulta superstitione, quum adverbio uterentur, vocem *nummum* vitasse, solum Livium idque unico in loco ausum oculos attollere contra. Sciendum præterea in Mog. quo ex uno cod. libri ea pars edita est, fuisse solum: *Numum quater & vicies*: ut servaverunt Aldus, Saveterius Parisiis, Frobenius: idque credibile est natum ex nota *HS.* quarum literarum posterior quum evanuisset, librarius *H* pro *N* accepit, idque significare putavit, *Nummum*. Numeri syllepsis, quam alioqui synthesein nominant, locum hic non habet. nam ejus hæc est ratio, quod vox, cui diverso numero verbum vel adjectivum respondet, diverso numero prolata significat & exponitur per aliam, quæ ejusdem est, cujus verbum vel adjectivum, numeri. Vt, *pars in frustra secant.* id est nonnulli. Sic *aperite aliquis*, *cæperunt quisque*, & *invalidus quisque obtriti.* nempe *aliquis, quisque*, non sunt nisi plurium. Livius lib. *xxii.* cap. *x.* *supplicatumque iere cum conjugibus ac liberis*, non urbana multitudo tantum, sed *agrestium* etiam quos in aliqua sua fortuna publica quoque contingebat cura. Tum *letisternium per triduum habitum.* Ita legendum

dum est. Vetustissimus codex : *supplicatum* qui *regum conjug.* Vulgo , iit. Sed & male editur : *publica quoque contingebat.* *Curatum lectisternium & per triduum.* Sed τὸ & in nullo scriptorum : satis quoque τὸ *curatum* arguit continenter sequens : *decemviris sacrorum curantibus.* Ab conjectura nostra τὸ *publica* & interpunctio mutata est. Lib. xxiii. cap. xlii. *quamquam utraque pars avidi certaminis erant , eo die tenuerunt se tamen monumentis.* Ita MSS. ubi fecerunt , *avida cert.* erat. Lib. xxvii. cap. liii. *Tum vero omnis ætas currere obvii , primus quisque oculis auribusque haurire tantum gaudium cupientes.* Sic vett. libri , non *obviam.* Nempe urbana multitudo iidem qui urbani magno numero , *pars utraque iidem qui ambo exercitus , omnis ætas iidem omnis ætatis homines.* Sic *Castulo iidem qui Castulonenses* , lib. xxviii. cap. xix. *Castulo cum prosperis rebus socii fuissent , post casus cum exercitibus Scipiones , defecerant ad Pænos.* Sic repertum nobis in membranis minimum duodecim : sic editum Andreæ , Mediol. Tarvis. Venetis , Becchar. nisi quod etiam *defecerat.* Ascensius primus fecit *Castulonenses* , ab eo Moguntini , dein omnes. Quasi non lib. vi. *Sutrium socios populi Romani.* Hoc est , Sutrinis. Lib. ix. *Plistiam ipsi , socios Romanorum , ut parem dolorem hosti redderent , circumfidunt.* Lib. xxvi. *Emporiis urbe*

urbe Græca (oriundi & ipsi a Phocæa sunt) copias exposuit. Lib. x x i x. omni effusa civitate obviam, &c. precantibus, ut volens propitiaque urbem Romanam iniret. Lib. x x x v i i i. quum repente una civitas, incertum quam ob causam, Samæ defecerunt. Cæsar lib. i. civ. Sulmonenses, quod oppidum a Corfinio septem millium intervallo abest. Appuleius in Apol. Neque hoc eo dixi, quod me patriæ meæ pœniteret, etsi adhuc Syphacis oppidum essemus, quo tamen victo ad Masinissam concessimus munere populi Romani: ac deinceps veteranorum militum novo conditu splendidissima colonia sumus. Silius lib. i i i. sic emendandus:

*Vos quoque desertis in castra mapalibus itis,
Misceri gregibus, Gatule, adsuete ferarum
Indomitisque loqui & sedare leonibus iras.*

Vulgo: Gratuli adsueta. Quod conatur defendere Barthius lib. v i. adv. cap. x v. Frustra. nam tertium versum omittit, quem connectere superiori præcipua difficultas. Neque enim indomiti leones in castris, neque illud domandi tempus. Quid est autem, castra loqui leonibus? Vos Gatule, ut alibi: Proдите Calliope: & Virgilius, Vos, o Calliope, precor, adspirate. Et Silius lib. x i i.

Sed vos Calliope nostro donate labori.

Idem lib. v i. jacent portis ululante dolore Dispersum vulgus. Sic MS. ubi editi, jacet. Plurima hujusmodi Livio restituumus. At male

sub Syllepsî numeri censentur : *credo inimicos meos hoc dicturum, omnia ex sententia processurum*. Nam *dicturum, processurum*, ibi ἀπαρεμφάτως & verborum infinitorum more ponuntur, non adjectivorum nominum vel participiorum, pro λέγειν, προχωρήσειν, quæ ista terminatione utrique numero junguntur. Quod recte observat A. Gellius lib. I. Noct. Att. cap. vii. Male : *Poeta suum quisque opus a vulgo considerari vult : delecti nobilissimus quisque Romam mittitur* : verbi enim conjunctio potius ad zeugma pertinet, quod unum diverso numero positis duobus additur congruens propiori : tacite autem bis positum intelligitur : quasi esset, *Poeta volunt & quisque ex illis vult : delecti mittuntur, & quidem nobilissimus quisque mittitur*. Ne illa quidem syllepsis numeri : *mille drachmarum sunt redditæ* : duntaxat, ut explicat Scioppius, *res mille drachmarum est redditæ*. Utrobique enim idein numerus. Sed *mille drachmarum* pro neutro est accipiendum, quippe ubi intelligatur *pondus vel argentum* : ei autem respondet fœmininum plurale, quia *mille drachmarum* perinde est quasi diceretur, *mille drachmæ, vel drachmæ ad mille* : atque ita apparet syllepsis & numeri & generis. Ne ista quidem : *Amantium ira amoris integratio est : Nobile erit Romæ pascua nostra forum : censorium crimen erat paucæ argenti lamellæ*, apud Sene-

Senecam de vita beata cap. xxii. (ubi fugit ratio virum doctum , cum *erant* necessarium putat) ne ista quidem ad syllepsin numeri retulerit Grammaticus subtilis & philosophus , quemadmodum nec quidquam horum , quæ reprehendimus , sub illa figura Minerva Sanctii agnoscit. Quando igitur , ut diximus , vera syllepsis numeri inde profluxit , quod reperiantur vocabula terminatione singulari significationem habentia plurium , seu quæ posita numero singulari repræsentant aliud plurali numero positum , cui proprie verbum subsequens vel adjectivum respondet ; ostendat agendum nobis Scioppius vocem idem quod *centena millia* denotantem numero singulari , ad quam referri possit *acceptum* , *numeratum* , cum dicitur *centies acceptum* vel *numeratum*. Nam *pars* significat quosdam , *quisque* plerisque omnes , *Castulo* Castulonenses , *Calliope* ipsam cum reliquis choro seu novem Musas , *vulgus* homines de plebe. At ubi vocabulum , quod significet singulari numero *centena millia* ? Deinde si syllepsin istam adeo frequentarunt in contracto & brevi *decies sestertium* , cur tantopere refugerunt in integro , *decies centena millia sestertium* ? Cur non dixit Cicero : *septies millies centena millia patebat* ? & alius , *depositum a Cesare & occupatum ab Antonio* ? Minus morosa fuisset oratio syllepsi sola,

sola, quam ubi hæc cum ellipsi conjuncta est. Denique collectivorum hæc ratio est, ut colectivo singulari respondeat verbum vel adjectivum plurale : non ut plurali verbum vel adjectivum singulare apponatur. Et sane hanc numeri syllepsin esse non posse concedit etiam Gerhardus Iohannes Vossius, vir nostra prædicatione major, & sicut aliis de toto disciplinarum orbe, ita hoc Opere de principiis L. L. optime meritus, cap. LXXI I. „ de Constructione. Nemo Grammaticorum „ ita insaniit, ut auderet dicere, quod Sciop- „ pius : Integra oratio secundum regulas est : „ *Quater & vicies centena millia nummum ses-* „ *tertium sunt ab iis exacta est*, & per syllepsin „ *numeri, est ab iis exactum*. Quomodo, cen- „ *tena millia est exactum*? Si qui in Italia, ut in Cilicia, Soli fuerunt, eorum municipem hanc fuisse syllepsin facile crediderim : Romæ quidem lege Penni tenebatur. }

CAP. V.

Decies, Centies & similia de solo sestertio argenti pondere dicuntur. Plutarchus vindicatus a censura viri docti. Decies denarium non dicebant veteres, nec decies aris, sed decies centena millia denarium, decies centena millia aris. Rejēta novo argumento Prisciani in Cicerone lectio. Livii locus tentatus. Centies aurcorum, Latinum non est. Celsus, Paullus, bis in Pandectæ restituti. Aureorum æstimatio sub Caesaribus. Centum aurei, dena sestertia, summum honorarium patronorum. Ulpiani locus

locus defensus. Curtius illustratus. Quinquaginta sestertia. quingenti aurei, non mille. Decies talentum, Latinum non est. Decies centum millia, tam in prosa quam in versa oratione. Millies millies, decies millies millies, centies millies millies, non dicebant Latini.

Quemadmodum igitur, quibus gradibus, quamque docte formatum sit *Decies sestertium*, qui debeat suppleri, satis, opinor, demonstratum est. Nunc, ut eo referamur, unde digressi sumus, postquam usu ipso formula per adverbia explicandi summas sestertiis ab illo numerorum actu jam quasi desponsata & adjudicata esset, omnesque scirent, nec de alio numismatum genere, nec de summa inferiore eam usurpari; pro *decies centies sestertio* argenti pondere actius etiam *Decies* dicere cœperunt, subaudiendo ex prius contracto, *decies sestertium*, posteriorem vocem: & recte Plutarchus in Antonio, πέντε καὶ ἑκατὶ μυριάδας efficere id quod Romani vocant Δέκιες, non plus, non minus, tradit, proprium id compendium sestertiariæ rationis significans, injuria ob id Hotomanno reprehensus. Poterant per analogiam & in denariis adhibere: sed usus repudiavit, nec sine causa, quod unam certam grandes concipiendi summas formulam vulgo valere præstet. Quare non est opus Scalligeri regula: ista, quæ per amplificationem

enun-

enuntiantur, intelligenda de festeritiis esse,
 „ nisi speciatim denarii nomen adjiciatur. Nuf-
 „ piam enim adjicitur, nuspiam legitur *decies*
denarium: si dicere vellent Græcorum com-
 putationem sequentes, *decies centena millia*
drachmum vel *denarium* dicebant. Hoc se-
 cundum est argumentum, quo *septies me-*
dimnum apud Ciceronem contra Priscianum
 & Scioppium revincimus. Eandem ob cau-
 sam admodum falluntur Alciatus, Agricola,
 Hotomannus, (nam quod Budæum in hoc
 sibi suffragari postremus horum existimat,
 μυνημονιζὲν ἀμείλιμα est) Ciacconius, Er. Pu-
 teanus, cum eodem modo *decies æris* olim
 dictum fuisse arbitrantur. Ratio cur id fieri
 non potuerit, ex præcedentibus manife-
 sta est. Et quidem altera ex constructione
 Grammatica: nam adverbium numerandi
 non recipit genitivum casum: alias eadem
 forma, *decies hominum*, *decies equitum* vel *pe-*
ditum diceretur; nec causa est quare in his
 analogia deficiat. Altera, quia vox *æris* non
 multiplicat τὸ *pondus libræ* subauditum, nec
 significat plures libras æris, ut faciunt adje-
 ctivæ voces, *denarium*, *sestertium* in argento:
 ideoque vox illa *æris*, etiamsi intelligatur τὸ
pondus libræ, non potest significare mille æ-
 reos nummos: ut *sestertia* singulos mille se-
 stertios nummos. Hæc enim duas libras &
 selibram argenti denotant in nummis, quo-
 rum

rum quadringenti censebantur in libra : at ex libra æris olim quidem as unus , post sex, inde duodecim , denique viginti quatuor facti. Primorum *decies centena pondo æris* mille , postremorum viginti quatuor millia assium non excederent: & sic immane quantum distarent a *decies centenis* millibus. *Decies* autem in hoc, *decies sestertium*, *centum* tantummodo vel *centies*, non *centum millia* tacite includere evicimus. Ergo quum grandem istam summam in ære significare vel-
lent, *decies centena millia æris* dicebant , ut *decies centena millia nummum* , *quingages centena millia drachmarum*. At uti *decies nummum* (quod iustissime repudiat Charisius) & *quingages drachmarum* non poterant , ita nec *decies æris*. Nec aliud probant auctoritates , quibus magni illi viri sunt decepti. Livius lib. XLIII. C. *Lucretium* , ubi *dies* , quæ dicta erat , venit , tribuni ad populum accusarunt , multamque ei *decies centum millium æris* dixerunt. Sic lib. XXIV. *Coss. ex SC. edixerunt*, ut qui supra trecenta millia usque ad *decies æris* census fuisset , quinque nautas daret ; qui supra *decies*, septem. Quo loco triumphat contra Budæum Alciatus , & similiter abutitur Hostus. Quis autem non videt, ex proximo trecenta millia post *decies* subaudiri *centum millia* , uti ex sequenti *decies æris* ad priora trecenta millia *æris* ? Vt lib. XXI. cap. XLVI.

*Numerus omnium peditum, qui tum steterunt in acie, millium fuit quadraginta, decem equitum. Sic enim ex MSS. restituiamus. Velleius lib. I I. exercitumque quem LXX millium peditum, quatuor equitum fecerat. Curtius lib. I I I. in acie autem cæsa sunt Persarum peditum centum millia, decem equitum. Vt hinc nemo probaverit, decem equitum extra illam viciniam dici pro decem millibus equitum: ita nec inde potest colligi decies æris sine proxime positis centum millibus dici potuisse. Nihil magis juvat lib. x. cap. XLV. Æris gravis magna vis transvecta, vicies centies millies & quingenta triginta tria millia. Subjunguntur enim & hic centena millia, quæ subaudienda essent ad adverbia, si maxime omnia sana essent. Sed non sunt. nam primum *τὰ magna vis* nobis nusquam reperta inseruit Sigonius, & scimus, non optimo illum, immo vix bono, fuisse libro usum: deinde omnem fidem hæc summa excedit. Age ponamus calculos. Centum millia æris gravis nostræ pecuniæ sunt mille scutati: decies centena millia æris sunt decem millia scutatorum: centies centena millia æris, scutatorum centum millia: millies centena millia æris, scutatorum decies centena millia, quem millionem hodie Itali vocant: decies millies centena millia æris, sunt centies centena millia scutatorum, sive decem milliones: centies mil-*

millies centena millia æris, millies centena millia scutatorum, sive centum milliones: decies centies millies centena millia æris sunt decies millies centena millia scutatorum sive mille milliones. Quid *vicies centies millies*? nempe *vicies millies centena millia scutatorum*, sive duo millia millionum, argento Romano *octingenties millies sestertium*. At ingens ille triumphus Paulli de Macedonia, qui finem tributorum attulit, nondum ter millies in ærarium tulit. Itaque suspicor illa, *centies millies* abundare, & scripsisse Livium: *vicies & quingenta triginta tria millia*. Vbi cum annotasset aliquis ad marginem sub illo *vicies* intelligi *centena millia*, quæ sequentibus implicuit Livius, librarius CCCIOOO, quæ significabant *centum millia*, si per notas scripserat, retulit in contextum, reddiditque *centies millies*. Sic quoque pro illius ævi copia satis grandis est summa, scutati viginti quinque millia trecenti triginta: cum in argento essent tredecim millia trecenti. Sp. Carvilius paullo post de Samnitibus triumphans & Etruscis transtulit æris gravis trecenta nonaginta millia, id est scut. tria millia nongentos: qua comparatione ille certe, ut tempora ferebant, insignis triumphus fuit. Video tamen in duobus MSS. esse *vicies C. mille & ad xxxiii. mil.* in tertio, *vicies centum millia & ad triginta tria*

millia. Ex quibus facere possis : *vicies centena & ad triginta tria millia* : qui sunt scut. viginti millia trecenti triginta præterpropter. At frustra *decies aris* inculcat Hottomannus Valerio Maximo lib. IV. cap. III. ubi de Fabricio Lusino : *decem aris, & quinque pondo argenti, totidemque servos sibi missos*. Prudentius ipse : vel, si forte, *decem millia aris* : nam *quingenta* pro *quinque*, tam in argento facto quam in mancipiis refutat frugalitas temporum. Ista igitur, ut dixi, nihil aliud probant, quam *decies centena millia aris* dixisse veteres, ut *decies centena millia nummum sestertium*. Falluntur similiter doctissimi viri Haloander & Ant. Augustinus lib. II. Emend. cap. VI. quum *centies aureorum* apud Celsum Paullumque IC^{tos} interpretantur centies centena millia aureorum. Refugit hoc Latini sermonis ratio : solæcisum vero illum nec jurisconsultis tribuere possum, quorum ævo sermo erat incorruptus ; nec Triboniano velim, cujus ævo jam defecerat adeo, ut nec scriptorum quisquam illius æqualium ad pecuniam tum inter manus versantem hoc compendium adhibuerit : si tamen necesse est alterorum esse, hujus potius quam illorum : librariis tamen imputare malim. Verba sunt Celsi L. LXXXVII de V. S. *Tantum quisque pecuniæ relinquit, quantum ex bonis ejus refici potest. Sic dicimus centies*

*centies aureorum habere, qui tantum in pradiis caterisque similibus rebus habeat. Nos tuto delemus τὸ aureorum, ut de centies sestertio intelligatur. Perinde ut apud Papinianum L. LXXVII. π. III. de condit. & demon. cum uxori mandatum esset, ut moriens filia comuni decies restitueret. Et Paullum L. IV. π. I. de statuliberis, etiam leviter corrigenda: Non est statuliber, cui libertas in tam longum tempus collata est, ut eo tempore is, qui manumissus est, vivere non possit; aut si tam difficilem, immo pene impossibilem conditionem adjecerit, ut illi inde ea libertas obtingere non possit; veluti si heredi millies dedisset. Vulgo sine sensu: ut aliunde ea. Error est Dionys. Gothofredi, in Notis explicantis millies ditissimi hominis patrimonium, continens decies centena millia nummorum: quasi esset idem millies Romanum, quod Italicus millio. Cujacius lib. XXI. Obs. cap. XXXIX. merito carpit interpretes Græcos qui aut *centum myriadas* (nam ἐκατὸν μυριάδες, decies centena millia denarium, quadragies sestertium) aut *chiliadas* (neque enim ita loquebantur prisci Græci, sed pro ἐκατὸν χιλιάδες dicebant δέκα μυριάδες, centum millia denarium, quadringenta sestertia) reddiderunt. At *millies*, inquit, efficiunt, *myria myriadum*, sive decem millia myriadum, quæ vulgus his notis exprimit 100000000, & his verbis, centum*

millones. Confundit vir maximus ratio-
 nem per denarios, & sestertios computandi.
 Nam *millies* Paulli est *millies centena millia*
sestertium, nostrorum *vicies quinquies cen-*
tena millia coronatorum, seu duo *milliones*
 & *dimidiatus*, Græcis διγάλια πεντακόσια μύ-
 ειάδες, seu *ducenties quinquagies centena*
millia denarium: at μυριάς μυριάδων seu μύ-
 εια μυριάδες *millies centena millia dena-*
rium, *sestertium quater millies*, nostrorum
centies centena millia coronatorum, seu *de-*
cem millones. Si nihil interesset, tamen
Florentinæ membranæ, eo quod habent
miles, satis ostenderent, quod Ant. Augusti-
 nus & cæteri recte judicarunt, legendum
 esse *millies*. Nunc & ratio id poscit, & frustra
 Covarruvias alterum tuetur *mille sestertia*
 intelligendo. Non enim ita loquebantur
 veteres, sed pro eo dicebant *decies*, uti di-
 ctum est: nedum ut cum *mille* solum pone-
 rent, *sestertia*, non *nummos* intelligerent: non
 secus ac quum *duo millia*, *tria millia*, & dein-
 cept. Idem Paullus L. xcvii. de legatis
 tertio: *Imperator interrogavit partem legata-*
rii, querendi causa: pone, inquit, in condito cen-
ties aureorum esse, quæ in usum sumi solerent:
diceres, totum, quod relictum esset, deberi? So-
 læcum est *centies aureorum*, solæcum est,
centies aureorum, quæ: sive ad *centies*, sive ad
aureorum referas: non enim *aurea* dicebant
 veteres,

veteres, sed *aurei*; multo minus *sexcenta aurea millia*, ut nunc loqui placet erudit. Sed & hoc cum laudarent docti viri, credo non venisse illis in mentem, ut hanc summam ad nostram pecuniam reducerent. Scimus aureum Romanum illis tempestatibus valuisse viginti quinque denarios, nummos sester-tios centenos: quæque *dena sestertia* effert Tacitus, ea dici Vlpiano *centenos aureos*, maximum patrocinii forensis è legibus honorarium. *Licita autem quantitas intelligitur pro singulis causis usque ad centum aureos*, inquit L. I. π. XII. de extraordin. cognit. Valde festinavit vir maximus, cum in Addendis adversus Heraldum, *centum illos aureos* a Triboniano vel Iustiniano esse scripsit, Vlpianum videri *centenos sestertios* posuisse, unius aurei pretium: nunquam sane tantam mercedem fuisse advocatorum pro causa acta, ut centum aureos acciperent. Oblitus Taciti XI. ann. *Capiendis pecuniis posuit modum usque ad dena sestertia*. Oblitus Plinii, qui lib. v. epist. IV. eandem summam facit ex *sex millibus nummum & mille denariis*, quam Vicentini Tuscullo Nominato dederunt. Apud eundem eodem libro Nepos prætor in edicto peractis negotiis permittebat pecuniam *dumtaxat decem millium dare*. At, inquit, licita hujus honorarii summa fuit aureus unus, quia Iuvenalis Sat. VI. *si contigit*

aureus unus. At hoc nusquam cautum. nam Iuvenalis *Περβολικῶς* imminuit, ut magis efficiat pudenda circi & infamium artium pretia. Alioqui de patrimoniis caufidicorum longe aliter Tacitus & auctor de causis corruptæ eloquentiæ, & qui dicit : *nummos habet arca Minervæ*. Non bene collegerunt etiam summas Scaliger & qui fuerunt illo auctore contenti, cum *quingenta sestertia* lib. VIII Curtii tradunt explicari sequenti libro *mille aureos*. Immo alterum tantum sestertium mille faciunt aurei. Quum enim singuli aurei centenos habeant nummos, porro decem aurei mille, centum autem decem millia; quis non videt quingenta millia nummum, hoc est, *quingenta sestertia*, non facere ultra aureos quingentos. Nec mirum quidquam habet differentia largitionis, cum illa levis officii aulici, ut rex putabat, hi fortiter rei gestæ præmium fuerint. Si bene igitur posuerimus calculos, inveniemus, centies centena millia aureorum, (tot enim illi volunt intelligi, non sola centena millia, nec *ἐκατοντάκις ἐκατὸν χεῦσς*, ut Græci, quæ Latini decem millia aureorum dicerent, non centum centenos, nec faciunt decem millia aureorum nostrorum, ut perperam annotat Dion. Gothofredus, sed viginti quinque millia) fecisse sestertium decies millics, hoc est, *milliones viginti quin-*

quinque, seu ducenties quinquagies centena millia aureorum sive Philippeum. Quam summam quam ridicule imaginemur ad quotidianum usum ab homine privato in condito seruari, neminem fugit. Scribendum igitur : *pone, inquit, in condito centenos aureos esse, qui in usum sumi solerent.* Et solent jurisconsulti hac summa exempli gratia uti; quemadmodum patet ex L. xxxiv. π. iv. de legatis primo : *si non certum corpus nummorum sæpius sit relictum, ut puta centum, quæ in arca habet.* Sic & L. viii. π. ii. L. civ. π. i. L. cviii. π. xiv. L. cix. π. i. L. cxiii. cxiv. π. iii. L. cxxii. π. ii. & innumerabilibus. In eundem errorem incidit Budæus, qui cum retulisset ex Plinio, in ærario populi Romani septem annis ante Punicum bellum tertium fuisse argenti numerati *trecenties & septuagies quinquies* : Quæ pecunia numerata, inquit, utrum ad sestertia, an ad aureos referenda sit, mihi non liquet : quare nihil statuo. Sed frustra hæsitare summum virum ex dictis constat. Maneat igitur, *decies* solum, ut & *centies*, cæteraque hujusmodi, nunquam nisi de sestertio dici, ut recte intelligitur ex Plutarcho : & *decies sestertium* dici tantum, non *decies nummum*, ut bene Charisius, non *decies aris*, non *decies aureorum*, non *decies talentum*, quod Portius addidit. At Valerius Maximus lib. vi.

cap. IV. *Dario filiam in matrimonium cum decies centenis millibus talentum pollicente*. Est enim hic genitivus, uti & *aris*. Optimus Budæus repudiens quod nonnulli scriptores

- » ita *centies talentum* protulerunt, quasi, in-
 » quit, *sestertium* rectus aut accusandi casus
 » sit, & non potius genitivus. Atqui si geni-
 tivus esset, & subintelligerentur *centena mil-
 lia*, poterat tolerari *centies talentum* eadem
 ratione. Nunc quia *sestertium* in hac locu-
 tione genitivus non est, sed vel rectus vel
 accusativus, aliter se res habet. Hirtius de
 bello Africano: *Leptitanos tricies centenis mil-
 libus pondo olei in annos singulos mulctat*. Hoc
 Latinum: ad *trices olei* solæcum. Vo-
 piscus: *Inter omnes constat, eum imperii sui
 tempore bis millies quinquagies centena millia
 drachmarum in cœnas insumpsisse*. Valerii Ma-
 ximi præterea verba confutant, quod ait
 Scaliger Martialem propter versum licentia
 Poëtica dixisse *decies centum millia*. Quasi in
 soluta oratione non liceret dicere nisi *decies
 centena*. Atqui monumentum Ancyranum
 bis: *Civium. Romanorum. censita. sunt. capita.
 quadragens. centum. millia*. Livius lib. XLIII.
*Legati Carthaginiensium tritici decies centum
 millia & hordei quingenta* indicantes se ad mare
 devecta habere. Sic igitur per *decies centies*, &
 posteriore omisso & subintellecto per solum
decies gradibus inde factis multiplicatum cir-
 cum-

eumscribebant, quod simplicius ac sine arte post nongenta nonaginta novem sestertia habebant dicendum *millies* usque ad id, quod nisi rationem illam invenissent, fuisset pronuntiandum, *nonagies millies millia HS. nummum*, vel *nonagies millies sestertium* : pro quo longe commodius apparet, quod ex instituto placuit, *nongenties centena millia nummum* vel *nongenties sestertium* : sicuti pro *decies millies millia* vel *decies millies sestertium* sine intellectu alterius numeri dixerunt antea *centies*, pro vicies millies millena *ducenties*. Postea pro centies millies millena aut centies millena millia dixerunt *millies centena millia nummum* vel *sestertium*, vel *sestertium nummum*, & *millies sestertium*, & solum *millies*. Non opus foret ultra procedere, nisi esset notandus Aldi Manucii lapsus : is enim in Quæsitis per epistolam post nongenties millies nobis format *Millies millies*, & deinde *Decies millies millies*, denique *Centies millies millies* : quæ Romana nunquam fuisse satis acceptum habeo. Est quidem immanis summa, & raro pronuntianda fuit, Græcis *Ἀρξίσται πενήκοντα μυριάδες μυριάδων*, talenta quadragies ter centena sexaginta millia, sexcenta sexaginta sex cum minis quadraginta, millionum nostrorum duo millia quingenti. Cæterum analogia monstrat, post nongenties millies dicturos fuisse aut dixisse *decies*

centies millies, ut post nongenta dixerant *decies*. Hoc cum promovissent pergendo, *vicies centies millies*, *tricies centies millies*, usque ad *nonagies centies millies*, pro eo quod ille vult *decies millies millies* maluissent *Millies decies millies*: quod denique Aldus, *Centies millies millies*, pariter transpositis vocibus, ne continenter bis idem numerus poneretur, *Millies centies millies*. Atque hæc ad quartam interrogationem Hotomanni. Vnde manifestum est, pleraque omnia hujus generis, si quidquam in universa Latina lingua, accuratissima ratione, etsi alicubi sit obscurior, ita esse descripta: tantum abest, ut ab imperitia vulgi & Opica Pelasgave consuetudine inducta debeant existimari.

CAP. VI.

Argumentum speciosissimum Hotomanni, petitum a differentia ponderis drachmarum & denariorum, diversoque numero, quo illa in minam, hæc in libram Romanam incurrebant, inventum ab G. Agricola, & non ipsos modo, sed etiam Cenalem, Scalligerum, Ciacconium, Snellium, Rualdum, Smithum & Thomassium abduxit. Probatur contra multis auctoribus, pro drachma denarium, proque denario drachmam ambulavisse, & centum denarios conjectos in libram argenti Romanam, ut centum drachma putabantur in Attica. Denarius pro drachma, Victoriatus pro tribus obolis, sexta denarii pro obolo, Plinio, qui ter emendatur. Huius & aureus denarius. Cleopatra verba ab conjectura prohibita. Drachma octava pars uncia, non

non sexta. In uncia duo stateres, quatuor sicli, οὐκὸ
 λεπτά siue drachma. Δραχμαὶ, ὀλκαὶ, ὀβολοί,
 δλωάκια interdum σικλάκια. Ἀργυρεῖς, argen-
 teus, pro mina. & centum denariorum. Follis ccl.
 denarium, ut Sestertium, quod veteres dixere,
 pondus argenti, denarium totidem, mille sester-
 tium nummum. Omnes Græci denarium δραχμῶν,
 omnes Latini δραχμῶν denarium verterunt. Dif-
 ferentia inter denarium & δραχμῶν, quæ subtili
 examine, illam septimam, hanc octavam uncia
 partem facit, non impedit, quin & vulgo hi num-
 mi pro se invicem valerent; multo minus, quin
 Romani, Græcos in omni sermone, suo tamen quo-
 dam proprio more imitati, centum denarios in li-
 bra cogitarent, ut elegans formarent suum sester-
 tium pro mille nummis sestertiis. Denarios quos
 Agricola leves & non legitimos vocat, quos modo
 Claudii, modo Vespasiani moneta adsignat, quosque
 fatetur centum e libra signari potuisse, eosdem esse,
 quos Polybius, Livius, Strabo, Valerius Maximus,
 M. Seneca, Augustus, Cicero noverunt. Non vi-
 deri de aliis drachmis loqui auctores, qui xcvi
 in libra, quam qui centum in ea ducunt. Mos Ro-
 manorum rotundandi numeros & abutendi voca-
 bulis a certo numero formatis ad majoris vel mi-
 noris numeri copiam. Denarii pondus idem quod
 drachma experti Agricola, Scaliger, Snellius, Ca-
 pellus. Nummi, in honorem Marii facti. titulus
 illustratus. Libra triplex, communis, medica,
 nummaria. Denarii unciales, semunciales &c.
 victoriati didrachmi, sestertii denario majores,
 commentum Savori portentosum. Mina pro lxxv
 drachmis non dicitur Appiano.

SEquitur falarica in speciem terribilis, qua
 unica Budæanorum, omnium phalanges
 se pro-

„ se profligaturum promittit Hotomannus. Si
 „ *sestertium* mille sestertios continebat, simul-
 „ que duas argenti libras & selibram valebat,
 „ necesse est duas illas summas inter se conve-
 „ nisse : hoc est, duas argenti libras & selibram
 „ mille sestertiis valuisse. Atqui duæ argenti
 „ libræ & selibra valebant octingentos tan-
 „ tum & quadraginta sestertios. Nam Plinius
 „ scribit lib. xxxi. cap. ix. ex argenti libra
 „ denarios conflare solitos quatuor & octo-
 „ ginta, & proinde ex duabus & selibra du-
 „ centos & decem denarios. Quæ summa si
 „ ad sestertios redigatur, quorum quatuor de-
 „ narium conficiunt, quadruplicato numero
 „ non plures sestertii reperientur quam octin-
 „ genti & quadraginta. Iuvat Cornelius Cel-
 „ sus Lib. v. cap. xvi. *Sed & antea sciri volo,*
in uncia pondus denariorum septem esse. Et ad
 P. Natalem : *Græci medici pondera medicamen-*
torum ad drachmas redigunt : quæ quia ad dena-
rium conveniunt, (octoginta enim quatuor in li-
bram incurrunt) pro nota Græcæ drachmæ, no-
tam denarii posui, & ad ejus pondus drachmas
redegi. Scribonius Largus ad Callistum :
Erit nota denarii unius pro Græcæ drachmæ :
æque enim in libra denarii octoginta quatuor
apud nos, quot drachmæ apud Græcos incurrunt.
 Denique Livius lib. xxxiv. *Argenti signati*
octoginta millia fuere Atticorum. Tetradrachma
vocant. trium fere denariorum in singulis est pon-
dus.

dius. Hoc argumentum est inventum a viro maximi & meritissimi nominis, Georgio Agricola. Sed, inquit, neque denarius legitimus ejusdem est ponderis, cujus drachma, neque libra ex centum drachmis, sicut minima, constat. Itaque cum Budæus res non concessas sumpserit, quod ex illis efficit, nullo modo concedimus: verum quia ex argenti libra quatuor & octoginta denarii legitimi, trecenti vero triginta sex sestertii signantur, sequitur, ut si mille nummis sestertiis addideris octo, argenti libras tres efficias. Hoc argumentum Rob. Cenalem devium egit: Denarius nummus argenteus erat, inquit, septima pars unciae, ideoque drachma Attica septima parte gravior: uncia enim octo drachmas, denarios vero septem comprehendit: quod (addit alibi) abunde probavit G. Agricola. Hoc Scaligerum commovit, ut omissa Budæi ratione *millia sestertia sua* & substantivum *decies* comminisceretur. Hoc Willibrordum Snellium, ut contra sua ipsius experimenta malle se expressis Plinii verbis quam obscuris & incertis, ut vocat, conjecturis fidem habere testaretur: quasi quæ mox adducemus Plinii, expressa non essent. Hoc P. Ciacconium Hispanum pervertit: Sed quærat aliquis, inquit, quæ ratione factum, ut *sestertia* singula mille sestertios continerint? Et Budæus eam rationem

,, tionem adfert , quod quemadmodum *sester-*
,, *tius* duas libras æris & semissem valebat , ita
,, *sestertia* duas libras & selibram argenti , hoc
,, est ducentos quinquaginta denarios , quasi
,, libra centenos denarios penderet. Sed id re-
,, prehendit Agricola ea potissimum ratione ,
,, quod ex libra argenti justum fuit Romæ
,, octoginta quatuor denarios signari , non
,, centum. Et videri potest id non ratione, sed
,, consuetudine inductum , ut mutato genere
,, e masculino in neutrum multiplicatio per
,, millenarium fieret : ut apud Castellanos et-
,, iam fit : nam cum dicunt *quinientos* , *seiscien-*
,, *tos* , intelligunt semper *maravedis* : cum di-
,, cunt *quinientas* , *seyscientas* , intelligunt sem-
,, per *mil maravedis*. Idem Rualdum abduxit,
ut de Plutarcho & Budæo graviter existima-
,, ret. Denarii Romani consularis (i. ætate
,, M. Antonii & M. Tullii Ciceronis) pondus
,, fuit momentorum sive granorum duum &
,, septuagenum. quod est dicere , Attica dra-
,, chma quaterni sestertii, sive Romanus dena-
,, rius , novem granis , i. septima illius dra-
,, chmæ , vel octava sua parte omnino ponde-
,, rosiores fuerunt. Denarii hujus generis se-
,, pteni in unciam adsignati sunt , quæ fuit
,, octo drachmarum ; in libram Romanam
,, octoginta quatuor, quæ x c v i drachmis fuit
,, repensilis , libra Græca sive mina Attica,
,, quatuor solum drachmis levior : ita ut dena-
rius

rius ad drachmam & fere ad Hispanicum re-
 galem fuerit, ut octo ad septem, ut xcvi. "
 drachmæ ad lxxxiv. denarios. Idem de- "
 linivit Anglos doctos viros Thomam Smi- "
 thum & Thomam Thomasium. Illius qui- "
 dem ex opere scripto excerpta mecum com- "
 municavit G. Boswellus, Regis magnæ Bri- "
 tanniæ ad Ordines legatus: & ex vernaculo "
 translata sic habent: Omnium ultimus de "
 hac materia scripsit G. Agricola Saxo. (laude "
 enim debita fraudabo neminem, cujus be- "
 neficio profeci, sed suum cuique libens tri- "
 buam.) qui tantum in hoc argumento vicit "
 reliquos omnes, quantum jubar solis stellas "
 exsuperat. Rem ille totam adeo explanavit, "
 ut neque Budæus neque Alciatus, Portiusve, "
 qui omnes edito ejus libro superstites fue- "
 runt, eum vel junctim vel separatim oppu- "
 gnare aut etiam sua propugnare ausi fue- "
 rint. Budæus interim non exiguam erran- "
 di occasionem habuit: neque enim e facie "
 doctorum erant, qui in avia ipsum abduxe- "
 re; Plutarchus, Dionysius Halicarnassensis, "
 A. Gellius, & tales e Græcis & Latinis, qui "
 interiore cura neglecta, & sumto, quod erat "
 proximum, vertunt *μῶαν libram*, & *δραχμὴν* "
denarium, & contra, ubi Romani scribebant "
denarium, Græci vertebant *δραχμὴν*: quod "
 sane proximum, at non idem est: item ubi "
 Latini habebant *libram*, Græci ponebant "

„ *μνᾶν*. Thomasi autem de sestertio edita
 „ sunt : Adhæc *sestertium* non ponitur pro
 „ mille sestertiis , ea ratione , qua *sestertius* pro
 „ æris duabus libris & semisse , ut Budæus pu-
 „ tat. Nam quod libram dicit centum consta-
 „ re denariis , nullis auctoribus dicit. Et Pli-
 „ nius lib. xx x i i i . cap. i x . diserte quatuor &
 „ octoginta e libris signari asserit . Ex quo
 „ colligitur , mille sestertios tres libras minus
 „ duobus denariis pendere , & fieri non posse,
 „ ut *sestertium* Budæanum a duabus libris ar-
 „ genti & semisse dicatur, quemadmodum *ses-*
 „ *tertius* a duobus assibus & semisse , tanquam
 „ semitertius , dictus est. Hæc igitur est *πάλυ-*
 „ *δαμ* illa Gorgo,

Horribili super adspectu mortalibus instans,
 adversus quam diligentius intentiusque vel-
 ut Orci galea nos munire veram sententiam
 oportet. Primum *sestertia* mille sestertios
 nummos valuisse , quod Agricola , Hoto-
 mannus , Thomasius , hoc argumento infi-
 ciabantur , post Scaligeri & Ciacconii adser-
 tionem inter doctos jam judicatum est : *ses-*
tertium quoque numero singulari cum ad-
 verbiis eodem sensu dici nos confirmavi-
 mus. Id autem inde provenisse , quod in li-
 bra ducerentur centum denarii , perinde ut
 in mina centum drachmæ , auctore Budæo,
 quem sequimur. Plinius lib. xxi . cap. xxxiv .
Drachma Attica (*fere enim Attica observatione*
medici

medici utuntur) *denarii argentei habet pondus.* Hinc ipse passim, ubi apud Græcos auctores *drachmis* definiri pondera invenit, modo *drachmas* retinet, modo *denarios* subjicit. Lib. xix. cap. iiii. de lasere: *magnificum in usu medicamentisque & ad pondus argentei denarii pensum.* Lib. xiv. cap. xvi. *in congium musti decem denariorum pondere addito.* Pro quo Dioscorides: Βάλε δραχμὰς δέκα εἰς γλῶκκς χῆν. Ex quo non dubito, quin eodem capite reformanda sint, quæ in vulgatis discrepant. Plinius: *E naris fit ii denariorum pondere in sextarios binos musti addito.* Dioscorides: Βενίς δραχμὰς δύο κῆψας κάθες εἰς κούλας γλῶκκς πένταρας. Male vulgo, xi. Κούλη, hemina, dimidiatus sextarius. Rursum Plinius: *Ex rose foliis tuis in linteolo in mustum colatis cum pondusculo, ut fidat, ccl denariorum pondere in sextarios videnos musti, nec ante tres menses vase aperto.* Dioscorides: Ρόδων ξηρῶν κεκομμύων μνᾶν μίαν ἐνδήσας εἰς ὀθόνιον, κάθες εἰς γλῶκκς ἑξέας ἢ, μῆ ὃ τέεις μῆνας διυλίσας μετ' ἀγίζε. Nam minæ sive centum denariorum pondus in sextarios octo, requirit duas minas in sedecim, duas & ἡμίμναιον in videnos. Male vulgo, xl denariorum. Sed nec recte, *colatis.* Alii *collatis.* nihilo melius. Scribe, *chalatis.* id est, demissis: quod verbum apud Vegetium, ut & *chalatorios fūes*, eruit Turnebus. Plinius de

nectarite : radice ponderis v denariorum in sextarios xxxvi musti addita. Dioscorides : Ρίζας ξηρὰς δραχμαὶς πέντε ἐνδύσας εἰς ὀίνιον, καί τις εἰς χόας ἕξ. Nam sex congii, triginta sex sextarii. Vûlgo : x l den. in sextarios sex. Nec pondera prorsus alia sunt Plinio, alia Dioscoridi, in horum nonnullis, ut queritur Dalecampius : sed partim librarii vitiarunt, partim Plinio sunt alia vocabulis, eadem ratione. Sic statim : Hyssopites e Cilicio hyssopo unciiis tribus in duos congios musti conjectis aut tunsis in vinum. Dioscorides : Δεῖ ἢ τῷ κεραμίῳ ἢ γλαύκῃς λίτταν μίαν ἢ ὑσώπῳ κεκομμύων τὴ φύλῳν προδιδόναι. Libra in amphoram, facit proportionem tres uncias in duos congios, sex uncias in quatuor, novem in sex, duodecim in octo. Octo congii, amphora, ut duodecim unciae, libra. Lib. x x. cap. II. semine solo siccato, dein trito triginta denariorum pondere in heminas dato aquae. Eodem, cap. x x I II. de ferula : Radix denarii pondere in vini cyathis duobus bibitur adversus serpentes. Eximius locus eodem libro cap. xxiv. in theriaca Antiochi incisa in æde Æsculapii : Serpilli duum denariorum pondere : opopanax & milii tantundem singulorum : trifolii pondus denarii : anethi & fœniculi seminis & annisi & ammii & apii, denariorum senum singulis generibus, ervi farina duodecim. Hac tusa cribrataque vino, quam possit, excellenti digeruntur

runtur in pastillos victoriati pondere. Vides denarium pro drachma, victoriatum pro tribus obolis. Lib. xxi. cap. xxi. denarii pondus in sextarium aceti & mellis addi oportet. Lib. xxix. cap. i. de Mithridatico : quarundam rerum sexagesima denarii unius imperata. Cap. iiii. cerussa denariorum duum pondere : & pinique corticis duabus sexagesimis denariorum. Sic cap. iv. & vi. & x. & xi. Lib. xxx. cap. xiv. & xv. Sic duæ sextæ denarii pro duobus obolis lib. xxix. cap. vi. ut efficiatur dimidium pondus denarii, promittitur, additis duabus sextis denarii et sibi. Lib. xxx. cap. i. Aspidis cutem pondere sextæ partis denarii. Hinc etiam dicit interdum argenteum denarium, quamvis non esset Romanis nisi argenteus : nempe in arte versatur Græcorum, quibus & aureus denarius. Sic enim vertit illorum ἡμίχρυσον, drachmam auri. Lib. xxxiv. cap. vii. solitum enim (Lysippum) ex immani pretio cujusque signi denarios seponere aureos singulos. Lib. xxxvii. cap. i. indicato in Cypro sex aureis denariis smaragdo. Auctor Galenus lib. viii. de compos. medicam. πρῶτον, ὅτι δραχμὴν λέγουσιν νῦν ἐν τοῖς ποσὶ τοῖς ἅπασιν, ὅπερ Ῥωμαῖοι δλωάριον ὀνομάζουσιν. Auctores, in parte illi ipsi, qui in contrarium adducuntur : Celsus, cum drachmas ad denarios convenire ; Scribonius, cum tot in libra denarios esse quot drachmas adfirmant.

Cleopatra: ἡ δραχμὴ ἔχει γράμματα γ', ὀβολὸς δ' ε', θερμὸς δ', κεράτια ἡ', χαλκὸς μί'. τὸ Ἰταλικὸν δλωάριον ἔχει δραχμὴν α'. Quod perperam invertit Capellus : τὸ δλωάριον ἔχει δραχμὴν Ἰταλικὴν α'. Plinius Valerianus : *Drachma est pondus denarii argentei. Obolus quoque denarii pars est sexta. Auctor Isidorus, qui non ab sese, sed haud dubie ex aliquo veterum optimo lib. xiv. cap. xxiv. Drachma octava pars uncia est, & denarii pondus, argenti tribus constans scriptulis, id est octodecim siliquis. Vbi fuit igitur mens summo viro, cum ad Solinum interpretaturus illud Plinii lib. ix. cap. xxxv. Pondus ad hoc avi semuncia pauci singulis scriptulis excessere : apponit: Tria scripula vel scriptula in drachma: sex drachmæ in uncia : sic decem & octo scriptulorum uncia est : semuncia novem : ut margarita, quæ semunciæ pondus uno scripulo superaret, decem scripulorum esset.* At Fannius :

Uncia fit drachmis bis quatuor. unde putandum Grammata dicta quod hæc viginti quatuor in se Uncia habet.

Et Volusius : *Dividitur uncia in scriptula viginti quatuor. Moxque : Semuncia habet scilicos duos, sextulas tres, dimidias sextulas sex, scriptula duodecim. Denariis aliquis illorum, qui argute voluerunt agere videri, sex unciam terminavit ; drachmis, quod sciam, nemo.*

nemo. Ipse melius hæc norat scripseratque alibi : sed indispenſatus iſte atque irrevocabilis ſtyli curſus hic quoque illi plauſtrum perculit. Igitur hæc condonabitur, ut tanto facilius mutuos det nobis aliquot auctores hujus rei, quam nunc quærimus, ex deſenſione Notarum in Tertullianum. Hero Alexandrinus in fragmento de re nummaria : Τῇ Ἀττικῇ δραχμῇ χρῆσέον πρὸς σαθρὸν καὶ νόμισμα, ἐπειδὴ περὶ ἰσοδυνάμους ἐστὶ τῇ Ἰταλικῇ ἢ καλεῖται δινάριον. Idem Hero in eodem opusculo : Σίκλον ἀπὸ τ' σκελ ἐβορξίδου, ὃ ἐστὶ ροπῆ. ἔχῃ τ' δύο λεπτὰ καλάρμια, ἃ εἰσι δραχμαὶ δύο· δύο δὲ διδραχμαὶ εἰσι δύο σίκλοι καὶ τὸ σίκλον τὸ ἄγιον, οἱ ποιεῖσι σατῆρα ἓνα· ὁ σατῆρ τῇ ὀλκῇ δύο διδραχμῶν ἀπὸ ελεῖ μέτρον· σίκλον τ' καλεῖται κροθίντης· ἐρμηνεύεται τ' ἐκ τ' ἐβορξίδου κροθίντης ἦγεν ἀπὸ δέσμου, δύο τ' δραχμὰς εἶχε. Quicum omnino consentit fragmentum aliud ex codice Budensi prolatum a Ioach. Camerario, repetitum a Scaligero, ab Salmasio correctum : Ἐχῃ ὁ σατῆρ ἡμισυ τ' ἔγκιας, σίκλος δύο· πάλιν τὸ σίκλον, ὃ ἐστὶν ἡμισυ τ' σατῆρος, τέταρτον τ' ἔγκιας, ἔχῃ λεπτὰ δύο· τὸ δὲ λεπτὸν ὀλκήμία, ὄγδοον τ' ἔγκιας, πρὸς ποιεῖ δὲ καὶ ὀβολὸς καλεῖται. Ex horum traditione, uncia duos habet stateres, quatuor siclos, qui & quadrantes, octo λεπτὰ, quæ & drachmæ : stater duos siclos, qui & didrachma duo, quatuor λεπτὰ· siclus duo

λεπτά seu drachmas : λεπτόν sive drachma octava pars uncie. Hæc eadem λεπτά, δραχμαῖς, ὀλκῆς, ὀβολῶς, (idem enim interdum omnia hæc vocabula significant) postea denarios idem Hero vocat : Διωάρια ἢ ἥσαν ἐκεῖνα δύο τὰ ὑπὸ τῷ χήρεος εἰς τὸ γαζοφυλάκιον βεβλημένα, ἃ καὶ δύο λεπτά ἐκαλεῖτο. Hilarius in enarratione Psalmi CXXVIII. duos denarios inopis viduæ acceptiores Dominus ait copiosis divitum nummis. Iidem scriptores μνᾶν, quæ centum drachmarum est, vocant δρυγυρῆν, seu μέγα δρυγύριον, opposito nempe τῷ λεπτῷ, quæ erat drachma : & in isto testantur esse centum denarios. Hero : Μέγα δέ ἐστιν δρυγύριον, ὃ ἐκλήθη δρυγυρῆς, διωαρίων ἑκατὸν· ἑκάστῳ ἢ διωάρειον ἀσασαρίων ἐστὶν ἐξήκοντα. Budensis Camerarii : τὸ κληθὲν νόμισμα παρὰ τοῖς βασιλεύσι (δρυγύρεος ἢ καλέμενος) ἀλλὰ τὸ ἐξ δρυγυρίων τότε τεύχεται εἰκόνα ἔχων βασιλικῶς) μέγα μὲν εἶναι τῷ χαράγματι καὶ τῇ ὀλκῇ, ὃ ἐκλήθη δρυγυρῆς, ὥστε ἔχειν αὐτὸν διωάρια ρ'. ἑκάστῳ ἢ διωάρειον ἔχειν ἀσασάρια ξ'. Idem confirmat Epiphanius : Ρ' ἢ διωαρίων ὑπῆρχεν ὁ δρυγυρῆς, ἐξήκοντα δ' ἀσασαρίων ὑπάρχει τὸ διωάρειον. Ejusdemque vetus interpres : LX vero assaria denarius nominatur : centum autem denaria argyrius, id est, argenteus existebat. Maximus παρὰ πμῆς τῷ τελέοντι δρυγυρίων· Λεπτά καλεῖνται τὰ ἀσασάρια, ἡ γὰρ τὰ νεμμία· ἐξήκοντα ἢ ἀσασαρίων ὑπῆρχε τότε διωάρια

εἰσὶν ἑκατὸν δὲ δλωαρίων ὁ δρυγυρῆς. De istis
 sexagesimis partibus denariorum, quæ *assa-*
ria vocant illi, & Maximus Λεπία, vocabulo
 jam aliter usurpato, adversus Cercoëtium
 Salmasius. Aliud argumentum etiam præ-
 bet Epiphanius, follem καὶ δλωαρισμὸν descri-
 bens: Φόλλις, ὁ καὶ βαλλάνιον διπλὴν δὲ ἐστὶν ὑπὸ
 δύο δρυγυρῶν καὶ ἡμῶν συγκείμενος, οἱ γίνονται σὺν
 δλωαρία. Vetus versio: *Follis, qui ē ballan-*
tium, id est, sacculus, a duplicatione nominatur:
duo namque sunt ac semis argentei, qui faciunt
minutos denarios ccl. Subscribunt Glossæ
 Nomicæ: Φόλλις σαρμός ἐστι λεγόμενον καὶ βαλ-
 λάνιον. ἑλκεῖ ἡ δλωαρία δραχμία πεντήκοντα.
 Aliudque vetus fragmentum περὶ σαθμῶν.
 βαλλάνιον. ὡς τὸ βάλλειν ἐστὶ ἡ σαρμός τι βαλ-
 λάνιον, ὁ καὶ Φόλλις δλωαρίων σὺν. Iam antea di-
 ctum δρυγυρῶν esse idem quod minam seu li-
 bram. Ergo mina centum denarios, duæ se-
 mis, quæ veteres Latini dixere *sestertia*, po-
 steriorēs folles, ducentos quinquaginta de-
 narios habent. Denique probat hoc conspi-
 ratio Græcorum & Romanorum omnium,
 quotquot sunt quibus Latinam pecuniam
 ad Græcam Græcamque ad Latinam redi-
 gere usus fuit: quorum illi *denarium* Lati-
 num semper *δεραχυλῶ*, hi *δεραχυλῶ* semper
 reddiderunt *denarium*: horumque inter se
 comparatio demonstrat, ut pondo bina &
 selibram æstimari drachmis ducentis quin-

quaginta , ita unam libram drachmis cen-
 tum , unam minam denariis centum. Agri-
 cola ut tot auctoribus responset , dicit qui-
 dem aliquid non abhorrens ab illa minuta
 subtilitate , qua in his utitur , sed quod facile
 adversus ipsum inverti , & pro nobis valere
 „ possit. Plinius quidem , ait , in eo ipso loco
 „ Græca nomina non modo mensurarum , sed
 „ etiam ponderum interpretatur. Itaque cum
 „ denarius argenteus ad Atticæ drachmæ pon-
 „ dus proximius accedat , quam vel denarius
 „ aureus vel victoriatus , dicit drachmam At-
 „ ticam denarii argentei habere pondus. Quo-
 „ circa Latini scriptores , cum locos ad ver-
 „ bum de Græcis exprimunt , pro drachma
 „ reddere solent *denarium* , contra Græci cum
 „ locos de Latinis convertunt , pro denario
 „ *drachmam*. Sic Romani scriptores interdum
 „ *μνᾶν* vertunt *libram* , & Græci *libram* *μνᾶν*.
 Habemus quod volumus : neque enim Bu-
 dæus negavit , aut nos negaverimus , subtili
 examine minam a libra , drachmam a dena-
 rio differre aut minus quam centum dena-
 rios ex libra signari. Immo diserte Budæus ,
 cum advocasset verba Herimolai : *mnan* , *li-*
bram , *pondo* , *minam* pro eodem nostri di-
 cunt , ut Græci *μνᾶν* , *λίτραν* , *ὀκτω* , addit :
 „ Quod dictum ut non usquequaque verum
 „ est , ita in re nummaria *libram* & *minam* pro
 „ eodem fere usurpari deprehendimus , vix ut diffe-

differentiam animadvertere possis, quamlibet observes accurate & Latinos & Græcos. Hoc autem quærimus, an quod veteres drachmam denario, libram minæ compararunt, non præbeat idoneam rationem explicandi vocem *sestertia* pro mille nummis, quasi conflatis ex pondere argenti duarum & semis librarum, cum in libram centum denarii, singuli quatuor nummum, ut in minam centum drachmæ imputarentur? Censuit Budæus. Contradixit Agricola, & tanta manus doctorum hoc maxime impulsæ, quod subtilissimo examine pondera denario & drachmæ divortant. At si hoc discrimen non deterruit omnes ad unum veteres, ne *δερχμῶν denarium*, *χίλιας δερχμὰς mille denarium*, *δέκα μυριάδας centum millia* interpretarentur & exprimerent, Latini, Græci, vicissim; neque offecisse judicandum est idem quantulumcumque discrimen, qui minus *ἑκατὸν δερχμὰς* dicerent *denarios centum*, cumque viderent Latini esse Græcis summam significantem centum drachmas, *μνᾶν*, quam propter proximam æqualitatem ponderis etiam in aliis *libram* reddebant, illorum imitatione conciperent libram centum denariorum, & inde *sestertium* pondus argenti, duplicatam libram cum semisse: quod quia ex hac ratione ducentos quinquaginta denarios, etiam mille nummos sestertios valeret.

Agricola comminiscitur tria gēnera denariorum, gravium unum, quales ex libra tres & sexaginta signatos, Livium & Varronem (sed male, ut docuit Hotomannus) demonstrare putat, quos fatetur nunquam sibi visos: mediocrium alterum, quales quatuor & octoginta e libris signari justum esse tradit Plinius, si tradit, tot aliis locis drachmam denario æquans: levium tertium, cujusmodi jam abolita libertate imperatores Claudius & cum secuti, aliquid de pondere detrahentes, e libra fecerint sex & nonaginta. De hoc „ postremo genere sic scribit: Si de isto levi „ & non legitimo denario Plinium scripsisse „ Alciatus dixerit, *drachma Attica denarii habet pondus*, ne videar defensor nimium litigiosus, ab eo non dissentiam: præsertim „ cum tales inveniri soleant, sed maxime percussi a quibusdam imperatoribus, qui Vespasianum sunt secuti. Hos etiam denarios „ leves si Plutarchum aliosque inferioris ætatis scriptores Græcos, qui pro denariis reddunt drachmas, aut Latinos, qui contra „ drachmas convertunt denarios, putavit intellexisse, non repugnabo. Et hic habemus confessionis satis. Concedit enim fuisse & reperiri hodie denarios tales, qui eodem, quo drachma, cum sint pondere, centum potuerint in libra censeri, ut totidem drachmæ in mina. Sed quum eos non legitimos vocat, quum

quum ante Claudii principatum non percussos, (etsi Ciacconio persuaserit, etsi formaverit hinc asses suos, sestertios, victoriatos, denarios, consulares & imperatorios Capellus, in quibus mire lascivit, nec aliunde Savotus ingerat toties Neronem detraxisse argenti & auri ponderi) in eo convincitur erroris manifesti collatis Polybii & Livii locis, cum hic ex illo πεντακοσίας δραχμας quingenos denarios accepit: Strabonis & Valerii Maximi de Prænestino mure, quem ille Αλγακοσίων δραχμῶν, hic ducentis denariis venisse ait: M. Senecæ rhetoris, qui & ipse narrat rem sub principatu Augusti gestam, in qua agnoscit viginti quatuor sestertia esse in talento: Ciceronis denique eadem ratione decem millia talentum bis millies quadringenties reddentis. Vt taceam alia plurima, in quibus Dio, Plutarchus, Dionysius, & Alexandræ historiæ scriptores de temporibus antiquioribus loquuntur: nec credibile est omnes illos scriptores adeo fuisse imprudentes aut negligentes, ut suæ ætatis levem pecuniam cum superiori gravi, ut fingit ille, perpetuo errore confunderent. Quid quod Plinius de Taprobanes rege refert lib. vi. cap. xxi? principatu Claudii, cum Annius Plocamus manceps vectigalium rubri maris, aquilonibus raptus ad insulam necessario applicuisset, admiratum fuisse regem iustitiam

stitiam Romanorum inde, quod pares pondere denarii essent in captiva pecunia, cum diversæ imagines indicarent a pluribus factos. An credibile est omnes hos fuisse graves & consulares, quos imaginantur, nulum Claudianum? tam mehercule quam omnes fuisse leves & Claudianos, ut indicat velle Agricola adversus Alciatum. An Claudium potissimum commisisse, ut interiret illud specimen Romanæ justitiæ, quod tam recentem fecerat admirationem barbaræ ac remotissimæ genti, eamque ad amicitiam Romanam petendam sollicitaverat? Quis autem ille ad portas Hannibal, qui subegit Claudium a bello Punico secundo exemplum repetere, quo publica inopia levaretur? Cur autem Tacitus, Suetonius, Dio, accuratissime omnia persequentes mutationis hujus in pecunia ne verbulo quidem meminerunt? Scaliger etiam testatur, omnes fere, qui hodie reperiuntur, denarios ejusdem esse, cujus drachmam, ponderis, neque Regalem Castilianum excedere. Hæc sufficiunt nobis ad demonstrandum drachmas denariosque Romanis & Græcis eodem pretio taxatos, centumque denariis æstimatam nummariam libram: testimonia, inquam, Plinii, & Galeni, totque aliorum, tum perpetuus usus omnium auctorum, præter experimenta Budæi, ipsius Agricolæ, Scaligeri & cæ-

& cæterorum in appendendis denariis. Si qui alii fuerunt minore numero libram exhaurientes, illos uti non quadrare ad nostrum institutum unicamque illam & veram rationem, qua *sestertia* qui dicta sint, intelligimus, non diffitemur: ita extraordinarios fuisse illos neque in ambulante & versante inter manus pecunia promiscue jactatos, neque rem tot argumentis probatam suspectam reddere posse ulli æquo arbitro confidimus. Quod ad Hotomannum attinet, ille tot partibus Agricolaë diversus, unum ab eo sumpsit imbibitque adeo, ut in Romanam libram centum denarios ac proinde quadringentos sestertios imputandos esse, neque Budæum, cui totus pene mundus adsentitur, neque quemquam Budæo doctiorem, si quis fuerit repertus posthac, unquam veritatis studiosis persuasurum ausit promittere. Quis vanam putet tantam tanti viri fiduciam? Sed si rem penitus inspicias, acumen ejus aut certe memoriam desideres. Hic scilicet tempus erat libræ omnia scriptula & siliquas exsequi subtiliter, ubi de ratione nominis mediocri summæ impositi, qua in re plerumque rotundum potius quam exactum numerum amabant Romani, agitur: hic tantam controversiam, quam *αἰνυµατώδης* & ingenii carnificinam dicit alicubi, subita sententia finire, ut Budæi ex receptissima vulga-

vulgatissimaque ratione positi calculi conturbarentur. An meminit superius scripsisse, *libram & minam* pro eodem ponderis genere interdum ab auctoribus usurpari, interdum pro dispari ac diverso: modo septuaginta duas drachmas in libram sive minam imputari, modo septuaginta quinque, sæpe quatuor & octoginta, nonnunquam nonaginta sex, *PERSÆPE CENTVM*. Sed & sequens caput totum occupat in ampliori recensione locorum apud auctores, quibus drachma & denarius æquantur. Immo eo usque provehitur, ut apud Livium, ubi dicitur: *tetradrachma vocant: trium fere denariorum in singulis argenti est pondus*: post multam disputationem fateatur se vereri, ne nomen *τετραδραχμα* in *πενταδραχμα* degenerarit. Adeo adversantes Budæo cavere non potuerunt, quin sæpe illis exciderent, quæ ipso-
rum proposito adversarentur. Cur Hottomanno, in re juxta dubia, liceat quatuor & octoginta denariis coërcere libram argenti, ut neget mille sestertium nummum imputatum in duas libras & selibram; Budæo, ut rationem det, cur *sestertia* valuerint mille nummum, quod testatissimum & judicatum est, opinionem omnium, qui Græca aut Latina olim transtulerunt, calculo aptam & non minus certis auctoribus probatam sequi non liceat? At etiam nonaginta sex denariorum

riorum in libram mentionem habet ; quia
Fannius Remnius :

Accipe praterea patrio quam nomine Graji

Mnan vocitant, nostrique minam dixere priores:

*Centum hæ sunt drachmæ. Quod si decerpseris
illis*

Quatuor, efficies hanc nostram denique libram.

Dioscorides : Η ἡ λίτρα ἔχει ὀγκίας β', δε-

χμας γς'. Et Galenus : Η μὲν λίτρα δεχμας

ἔξ ἔχει πρὸς ταῖς ἐννεήκοντα· τὸ δ' ἡμίλιτρον ὀκτώ

καὶ πεσάρωντα δηλονότι· καθάπερ καὶ τὰς

παλιν τὸ ἡμισυ πέσας καὶ εἴκοσι. Priscianus :

Italica autem mina drachmas habet nonaginta

sex. Quin & apud Plinium suspicatus est

olim Hermolaus, non LXXXIV, sed LXXXVI

legendum esse. Hinc igitur Hotomannus :

Sumamus alterum legitimum denariorum

numerus in libram, de quo superius suo

loco dictum est, nimirum sex & nonaginta.

Nihil necesse est rationem inire. Verbo isto

solo intelligitur satis, Budæanæ opinioni

nullum omnino locum relinqui. Hocce

non est vineta sua cadere? Etenim si nona-

ginta sex denarii libram implent, cur tanta

adseveratione prius quatuor & octoginta id

præstare statuit. Dein Budæus non ignora-

bat, quatuor illis sententiis, quæ aut LXXII,

aut LXXV, aut LXXXIV, aut XCVI denariis

præcise libram definiebant, id quod volebat,

non convenire. Videbat autem, si centum

denarii

denarii in libram conferrentur, claram se obscurissimæ rei facem accendere, & causam differentiæ tantopere quæsitam inter *sester-tios* & *sestertia*, satis idoneam inferre posse. Sciebat ita quosdam Romanorum & Græcorum tradere, &, quia rotundus erat numerus, recepto & in aliis veterum mori familiarior & convenientior videbatur. Id ergo, quod expositum erat obviumque, secutus est: & quidem tanto moderamine, ut non secus de libra minaque sentientes improbaret, sed eorum subtilitatem veteres secutos in re nummaria negaret. In quo nos ei omnino subscribimus. Dissensum aliorum & diversos calculos, & pro tempore copiaque metalli, forsan & animo regentium monctam, differens denariorum pondus ei obijcere, quid est aliud quam petere τὸ ἐν ἀρχῇ? Æquent illi suos quatuor & octoginta denarios, vel plus vel minus, quot volunt in libra præter centum, æstimationi omnium, quotquot fuere, veterum, qui Græca vel Latina verterunt: æquent ponderi denariorum, quales hodie plurimi reperiuntur: & tum habebunt quod nobis opponant. Vnde probabitur magis consilium Budæi, quam quod insuper habitis cæteris eam æstimationem libræ advocavit, quæ serviret optime proposito? unde magis aliorum infelicitas, quam quod putida diligentia, altum patens fasti-

dientes,

dientes , in brevibus Syrtibusque infinitis hæserunt ? Sit autem pinguior ista ratio & minus respondeat religiose ponderum alibi adhibitorum momentis & subtilissimo denarii & drachmæ ad se invicem examini. An postulare potuit, ut crederemus octo & quadraginta aureorum pondus in libra auri fuisse , numerum vero quinquaginta : in denariis id ferre non potuit , ut numerus formarum & pondus aliquantulum differrent ? Quanto plus præstant in quinquaginta aureis duo quam in centum denariis quatuor ? Immo qui tot loquendi genera in re , in qua ipsi tam subtiles ac circumspecti sunt , sine ulla ratione aut consilio , mera libidine vulgi, etiam contra rationem & regulas, inducta & tolerata veteribus audent statuere : eorumne est negare rationem aliquam secutos, quæ non sit argutissima & puncto laxior ? Sed enim cur non convertimus contradictionem Hotomanni , quod fieri posse vidit Agricola , & propterea de hoc genere concessit potuisse fieri , ut tales centum in libra fuerint. Itaque longe melius constabit hæc ratio : Legitimus numerus denariorum in libra fuerint sex & nonaginta ; igitur quum desiderarent vocabulum , quo grandes summas brevius conciperent, non aliunde id desumpturi quam a numeri & ponderis in argento significatione, optimumque & in rem

visum esset, quod jam alio genere in nummis usurpabant, *Sestertium*, mille nummos eleganter complexurum, si numerus denariorum, qui libram implebant, corrotundaretur; valde, si quid unquam, credibile est pro sex & nonaginta denariis centum denarios in libra cogitasse & finxisse veteres etiam si non essent, constituendi vocabuli istius causa; vel sic pronuntiasse & effinxisse id vocabulum, quasi tot essent: præsertim quum hic rotundus numerus exacto tam vicinus esset. Quis enim hoc Romani moris, communis immo sensus, ignorat, ut populariter & extra subtilem disputationem numeri vel detractis vel adjectis aliquibus rotundius enuntientur. Varro lib. 11 de re rust. cap. 1. *Si, inquam, numerus non est ad amissum, ut non est, cum dicimus mille naves iisse ad Trojam, centumvirale esse iudicium Romæ.* Asconius in Pisonianam: *Possit aliquis credere, lapsum memoria Ciceronem, qui dicit, quadraginta annis ante se consulem factum esse SC. adversus L. Appuleium Saturninum tribunum plebis, cum triginta sex anni a Mario & L. Valerio Flacco coss. numerentur. Sed hic non subtilis computatio annorum facta est, verum summæ tempus comprehensum est: & perinde accipiendum, ac si dixerit, prope XL annis: hac enim consuetudo est ipsius Ciceronis. Itaque idem in ea quoque, quam habuit in Catilinam in senatu,*

quum

quum octavus decimus dies esset, posteaquam factum SC. ut viderent Coss. ne quid resp. detrimenti caperet : vigesimum jam diem patimar hebescere aciem horum auctoritatis. Sic Florus annos CCL regnatum Romæ scribit, & quingentis annis populum Romanum Italiæ subigendæ impendisse usque ad Ap. Claudium M. Fulvium consules. Sic *centurias*, *decurias*, *tribus* dicebant, in quarum aliis infra, aliis longe supra tam brevem numerum homines continebantur. Et sane quum Græci Latinique consentiant, drachmam octavam esse uncix partem, trium scriptulorum, & cum hac drachma vulgo denarium compararint, vix dubitandum videtur, quin hæ sint ipsæ drachmæ, & hi ipsi denarii, qui proprie ac subtiliter sex & nonaginta minam libramve nummariam constituerent, sed non tantum numeri rotundandi causa, verum etiam, quia rarissimi pondus illud exactum referrent, consuetudine fori & tractatione pecuniæ introductum, ut centum pro libra minave ambulant. Willebrordus Snellius denarii pondus ita colligit. Vnciam Romanam ait artifices nostros dispecscere in vicenas partes, quas *anglicos* vocent; hos vicissim anglicos secari in partes tricenabinas, quæ *grana* appellentur: sic singulas uncias Romanas grana pendere sexcenta quadraginta, libram duodecim unciarum granis

septem millibus sexcentis octoginta aestima-
 ri. Quamobrem si uncia Romana habuerit
 denarios octo, libra sex & nonaginta, oport-
 ere, ut singuli denarii appensi octoginta
 granorum inveniantur. Exhibet deinde ty-
 pos & characteras denariorum quatuor &
 viginti, integerrimorum, ut ipse ait, & ve-
 tustissimorum ex purissimo argento: in his
 tantummodo tres octoginta ista grana, sed
 parvo, excedunt, duo complent ipsa, ceteri
 omnes minus habent ponderis, ut fateatur
 (quamquam libram Romanam centenariam
 evasisse, ut centum ex illa denarii SC. signa-
 rentur, nullo auctore confirmari posse pa-
 tet) centum denarios tales e libra signari po-
 tuisse. Libet etiam addere verba viri nobilis
 & doctissimi Iac. Cappelli, qui Agricolaë de
 subtilitate concedere velle non videtur, &
 nummos consulares atque imperatorios &
 ipse loquitur. Quum denarium suum con-
 sularem, constituisset granorum septuaginta
 duorum, qui imminutus sit, & drachmalis
 factus, quo tempore lege Papyria asses se-
 „ munciales, de Agricola subicit: Is tamen
 „ Budæi rationes sane validissimas non satis
 „ commode diluit. Fatendum igitur ingenue,
 „ quod contendit Budæus, Atticam sc. dra-
 „ chmam cum denario commutari solitam:
 „ atque hanc esse causam, cur optimi quique
 „ scriptores pro *drachma denarium* usurpent, &
 vicissim.

vicissim. Et deinde : Cum ergo ex uncia “
 Romana feriebantur septem denarii probæ “
 notæ, tum conficiebantur denarii, quos con- “
 sulares distinctionis causa nuncupamus, hoc “
 est, priscum & legitimum suum pondus re- “
 tinentes. Cum vero ex eadem uncia octo “
 denarii cudebantur probæ itidem monetæ, “
 tum conficiebantur denarii, quos drachma- “
 les & imperiales nuncupare possumus. (Hæc “
 tanti sint, quanti cuique libet.) Iam etiam si “
 ejusdem indicaturæ esset drachmalis dena- “
 rius cum consulari, quotusquisque erat, qui “
 assumpta trutina ponderis inæqualitatem “
 aut adverteret aut pensi haberet ? Quid ? “
 annon in Italia atque adeo in Gallia passim “
 Regales Hispanorum cum Iuliis & Paulis “
 commutantur ? Et tamen certum est, toti- “
 dem granis leviores esse Iulios Regalibus, “
 quot denarii drachmales consularibus. Num “
 ideo dicemus, Iulios multo defæcatoris ar- “
 genti esse quam Regales ? Non ita sollicite “
 populus in nummulos istos argenteos inqui- “
 rit, ut eos sexta vel septima sui parte justo “
 leviores rejiciat. Sic ille, cui tamen adsen- “
 tiri non possum, eos nummos argenteos, “
 qui septuaginta duobus vel quatuor granis “
 amplius pendunt, non esse habendos inter “
 denarios. Quæ res coegit eum propemo- “
 dum *sextulam* facere nummum exemplo cu- “
 jusdam LXXXIV grana pendentis, cujus al-

teri faciei VIC. CIM. alteri COS. VII. inscriptum fuerit. Sed hic quoque denarius fuit, &, ne miretur vir doctus victoriam Cimbricam, quæ quinto consulatu Marii accidit, hic cum septimo conjungi, credibile est factum illum post mortem Marii ab aliquo ex posteris vel studiosis ejus, qui renovarit memoriam vel *victoriae Cimbricae*, quod præcipuum illius viri monumentum in republica erat, vel *Victoris Cimbrorum, consulis septies*. Quod si, ut quidam volunt, nummi denarii, qui supersunt hodie, magnam partem sint extraordinarii & triumphales, minus est mirandum, si quando justum pondus excedunt: potest enim intelligi, comparatum id esse data opera a quibusdam magnanimis ducibus, ut nobilius esset congiarium. Quum vero Celsus & Scribonius Largus dicant cum Plinio, *denarios octoginta in libram incurere*, & tamen adfirmant *tot drachmas esse in libra quot denarios*; mirum est neminem illorum auctoritate persuasum etiam drachmarum in mina numerum in controversiam vocare, omnes vero allidi & offendi ad denariorum in libra numerum. Illi accipiunt quatuor & octoginta denarios esse in libra, septem denarios in uncia; omittunt & transiliunt totidem drachmas poni in libra totidemque in uncia, quum omnes alii tradant octo drachmas in uncia, & pro portione etiam

iam plures drachmas in libra esse ; & res notissima sit. Si licet illis partem dissimulatam transmittere , & acquiescere illi , quæ numerus denariorum in libra coarctatur , unius Plinii testimonio suffultæ : qui minus liceat nobis nihil morari partem nobis diversam , & accipere illam , quæ tot dicuntur esse denarii in libra quot drachmæ , ejusdem Plinii testimonio non uno & tot aliorum comprobatum. Hoc illi non facile excusabunt , quin dicant aliquid rationi nostræ consentaneum. Licet autem , opinor , nobis in re tam intricata & implicita conjicere , dum certius aliquid ab aliis exspectamus. Videtur communis libra ponderalis Romæ habuisse LXXXIV denarios vel drachmas : quippe cujus uncix pars septima esset drachma vel denarius. Hinc Celsus & Scribonius aiunt , in uncia denarios esse septem , & nihilominus in libram incurrere tot drachmas quot denarios : quod fieri non potest , nisi & septimam uncix partem statuamus drachmam. Hinc etiam Plinius lib. XII cap. XIV de thure : *Etiamnum tamen inveniuntur gutta , quæ tertiam partem minæ , hoc est , XXXIII denariorum pondus æquent.* Nam ita sibi inventum in MSS. nonnullis attestatur Budæus : cæsi alii XIX , quod Agricola & Ciacconius arripiunt : vulgati XXIX : Hotomannus , XXXIII scrupuli , adversus sibi ipse. Scaliger probat

lectionem quam posuimus, & recte conjectat, Græcum auctorem, unde hæc Plinius exscripserit, *μνᾶν* dixisse, quod ita retinuisse Plinium, ut ad pondus communis libræ Romanæ accommodarit. Græcus ille Theophrastus est lib. ix *περὶ φυτῶν*. Εἰσὶ δὲ πνευματωτοὶ ἢ μεγάλοι σφόδρα τῷ χόνδρῳ, ὥστε εἶναι τῷ μὲν ὄγκῳ χειροπληθιαῖς, σθεμνῷ δὲ πλεῖον ἢ τρίτον μέρος μναῖς. Alia erat libra medica Græca & Romana: quippe quæ *xcvi* habebat denarios vel drachmas, utpote cujus uncix drachma vel denarius esset octava pars. Hinc Galenus: *ἡ μὲν λίτρα δραχμαῖς ἕξ ἔχει πρὸς τοῖς ἐννεήκοντα*. Et Priscianus, si minæ detraxeris quatuor drachmas, effectum iri *libram nostram*. Id est medicam, quia præmiserat se *Pæoniis libellis memorata pondera* exsequuturum. In utraque denarius, non ut nummus, sed ut pondus consideratur. At præter has alia fuit mina sive libra nummaria, utrisque constans centum denariis vel drachmis. Hinc Livii *argenti pondo bina & selibram* Plutarchus interpretatur *δραχμαῖς πενήκοντα ἢ Ἀλεξισίας*. In omnibus autem pondus idem denarii quod drachmæ. Hæ centum drachmæ ex instituto Solonis non plus habebant argenti, quam ante illum habuerant *lxxv*: inde Priscianus singulas minas habere ait septuaginta quinque drachmas, veteres nimirum. Scaligero me-

moriam

moria imposuit, quum notat Appianum scribere, Cæsarem singulis de populo minam Atticam testamento donasse, quas Plutarchus δραχμας ἑβδομήκοντα πέντε, Suetonius *sestertia trecenta* (*trecentos sestertios* habet Suetonius, & hoc ille voluit) dixerint, id est denarios LXXV, quot drachmas ponat Plutarchus. Nam & Appianus : τῶ δῆμῳ ᾧ ἦσαν οἱ κῆποι ἐνδιαίτημα δεδεμμένοι, καὶ κατ' ἀνδραρῶμαίων τ' ὄντων ἐπὶ ἐν ἅσδε πέντε καὶ ἑβδομήκοντα Ἀττικαὶ δραχμαί. Minæ nulla mentio. Iam & hæc & sequentia digesseram, quum incidi in Ludovici Savoti scripturam, lectione dignissimam, & studii, quod ille in monetam priscam & præsentem intelligendam contulit, testem locupletem. Sestertios tamen pondere denarii majores, quippe quorum quinque unciam compleverint, victoriatos didrachmos, denarios uncialiales primum, hoc est, septem vel octo denariorum pondus æquantes, dein semunciales, postea trientis, hinc quadrantis uncia, tum quintæ partis, rursus sextæ, quin & septimæ, & si diis placeat, septimæ semis, priusquam ad octavam perveniretur; atque hos non singulares & paucos ex libito paucorum, sed vulgares, & usu diversorum temporum receptos, & solos certo tempore receptos, lib. III. cap. VII, cui probabit? Locis Plinii, Varronis, Prisciani nititur, tam dubiis, ut in omnem par-

tem plus offensionis quam certæ doctrinæ præbeant : accedunt duo aut summum tres nummi , ut satis apparet , extraordinarii & singulares : dicitur libellam , sembellam , teruncium ad nimias minutias redigi , si fuerint partes denarii drachmalis : eadem prudentia , qua lib. III. cap. XVIII. negatur chalcum octavam partem oboli, esse potuisse nummum : quasi delirassent omnes Græci, & Pollux inprimis atque Aristophanes, quum ait : πύτοις τοῖς πονηροῖς χαλκίοις χθές πῃ πρῶτω καπέσι τῷ κακίστῳ νόμῳ. Hæc sunt argumenta , quibus rem cum historiarum fide pugnantem , & a Romana , ut recte judicat Villalpandus contra Agricola gravio-rem illum denarium , elegantia alienam , quæque æstimationem omnem pecuniæ Romanæ incertam irritamque reddit, persuadere se postulat. Desiderat in hominibus doctis , qui de re nummaria scripserunt , frequentiore tractationem veterum nummorum : sed est, quam vicissim illi in iudice suo desideraturi sunt , diligentior veterum auctorum tractatio : ut sic quoque verum sit, Τῷ δὲ ἔπερον μὴ ἔδωκε πατήρ.

C A P. VII.

Exempla aliquot , quibus ostenditur veteres denarium drachma æstimasse, etiam ante illos, quos vocant denarios imperatorios. Prisciani locus confirmatus.

matus. Talentum viginti quatuor sestertia M. Seneca, Asinio Pollioni, Augusto. Decem millia talentum, bis millies quadringenties Ciceroni. Centum talenta, sex millia denarium, & sex millia pondo auri ducenties quadragies Livio. Rotundi numeri in summis concipiendis quadam exempla. Cicero emendatus. Talenta quadraginta, nongenta sestertia. Auri ad argentum proportio decupla. Centies laxum. Liberum rei familiaris. Τὼν οἰκείων ἐλαττώρον. Æliano lux. Liberare locum. Cicero illustratus. Impendia liberare laboribus. Scholiastes Arateorum Germanici defensio. Sectari vitam. Iustinus correctione vindicatus. Vti. Habere qui utare. Dare unde utatur. Vtensilia. Cicero, Terentius, Plautus luce perfuncti.

QUamvis autem ipse concedat Hotomannus, persæpe centum denariis libram æstimatam, idque alii multis jam demonstrarint, non pigebit tamen & nos ne quid dubii lectoribus relinquamus, repetere exempla nonnulla æstimationis ab ipsis veteribus Romanæ ad Græcam pecuniam initæ, & quidem ante tempora, quibus ab imperatoribus denarium imminutum volunt. Seneca productus Prisciano ex lib. x. epistolarum ad Novatum : *Viginti quatuor sestertia, id est, talentum Atticum parvum : viginti quatuor enim sestertia sexaginta libras habent.* Non intelligere se ait Hotomannus, quid sit, quod decimum Epistolarum ad Novatum appellat Priscianus. Videtur error memoriæ Prisciani

sciani, aut certe librariorum, qui ex decimo
 epistolarum L. Senecæ petiere, quod peti-
 tum ex lib. x. Controversiarum Marci. Illic
 enim in Controversia, quæ inscribitur, *Par-
 rhæsi Prometheus*, hæc leguntur: *Asinius, qui
 bellum cum omnibus Atticis gerebat, cum dona-
 ret illi Cæsar talentum, in quo viginti quatuor
 sestertia sunt, Atheniensium more, ἡ πεντήκοντα
 δραχμῶν, ἢ ἑξακκισμῶν, ἵνα μὴ Ἀθηναῖον ᾖ.* Nam quod
 additur ad *Novatum*, præfatio libri est ad *Nò-
 vatum*, Senecam, Melam, filios directa. Cæ-
 terum si viginti quatuor sestertia occupant
 sexaginta libras, haud dubie singula sestertia
 duas libras habent & selibram: nam sexa-
 ginta sunt bis viginti quatuor & duodecim
 seu alterius dimidium. Sunt autem & sester-
 tia eadem summa, quæ mille nummum ses-
 tertium: duæ igitur argenti libræ & selibra
 valuerunt mille nummum sestertium. Iam
 viginti quatuor sestertia, sunt sex millia de-
 nariorum: quatuor enim sestertii denarius:
 • atque eandem summam efficere talentum,
 Cæsar, Asinius, Seneca testantur: in quo
 Græci numerant sex millia drachmarum:
 drachmam igitur iidem duxerunt denarium.
 Quid evidentius? Nunc audiamus virum
 præstantissimum ad verba sive Senecæ sive
 „ Prisciani: Hæc Priscianus & recte, dum ta-
 „ men libras intelligamus septuaginta quin-
 „ que drachmarum: quia sicut quatuor sestertii
 dena-

denarium explent, ita viginti quatuor sester-
 tium millia denariorum sex millia confi-
 ciunt : quæ si septuaginta quinque drachmas
 in libram imputemus, sexaginta libras ex-
 plebunt. Sic ille aliud nobis expediens ar-
 gumentum. Sex millia denarium sunt sexa-
 ginta libræ. Ergo mille denarium est decem
 librarum. Ergo una libra centum habet
 nummos denarios : nam mille nihil habet
 decies præter centum. Rursum : Centum
 denarii habent sestertios quadringentos :
 quadringenti igitur sestertii sunt una libra :
 & duæ libræ selibra, sicut ducentos quin-
 quaginta denarios, ita mille sestertios ha-
 bent. Hæc palpari possunt. Hinc & Didy-
 mus apud Priscianum : Τα δὲ χίλια σιστέρλια
 ποιεῖ Ἀραχίσια πεντήκοντα διωάντια ὀρνεῶ.
 Græci enim non observant perpetuo diffe-
 rentiam sestertii masculini & neutrius. Et
 Plutarchus in Sulla χίλις νόμμοις, nominat,
 οἱ, pergit, πεντήκοντα ἢ Ἀραχίσιας δραχμαῖς
 Ἀττικαῖς διώανται. Quid igitur interponit de
 libra septuaginta quinque drachmarum ?
 Etenim, si viginti quatuor millia sestertium
 explent sexaginta libras, libra autem dra-
 chmarum vel denariorum est septuaginta
 quinque ; singula millia nummum oportet
 habeant bis septuaginta quinque & dimi-
 dium eorundem septuaginta quinque, quod
 est triginta septem & dimidiatus. Nam se-
 xagin-

xaginta \bar{v} viginti quatuor duplum & dimidium sunt. Sic singula millia nummum non efficient nisi centum octoginta septem & dimidiatum denarios. Sic viginti quatuor sestertium millia non facient denarium sena millia, quod tamen ipse adfirmat, sed tantummodo quatuor millia quingentos. Sic denique denarius non quatuor, sed quinque circiter, & aliquid ultra, habebit nummos sestertios. Mirificas salebras, ex quibus haud scio quomodo possit evadere. Cicero pro Rabirio Postumo : *Quid vociferabare decem millia talentum Gabinio esse promissa ? Huic videlicet perblandus reperiendus fuit, qui hominem, ut tu vis, avarissimum exoraret, sestertium bis millies & quadringenties ne magnopere contemneret.* Nimirum mille talentum Romana computatione est ducenties quadragies, & facit utrumque nobis sexcenta millia Philippeum : decem millia talentum bis millies quadringenties, & utraque summa nobis sexagies centena millia Philippeum seu sex milliones Italicos conficit. Fac libras septuaginta quinque drachmarum : immaniter errasse aut Ciceronem stulte putabis, aut te deprehendes. Nam mille talentum sic erit centies octogies, seu quadringenta quinquaginta millia Philippeum, decem millia erunt millies octingenties, seu quadragies quinquies centena millia. Ita sexcenties sestertium

tium

tium amplius quam debuit dixerit Cicero. Recte vero ille, si ante imperatores licuit ei *drachmam* reddere *denarium*. Nam decem millia talentum sunt ἑξακίλια μυριάδες δραχμῶν, seu sexcenties centena millia drachmarum: bis millies quadringenties sester-tium, sexcenties centena millia denariorum: quater enim sexcenties est bis millies qua-dringenties. Livius lib. xxxiv. *Multitudi-nis eorum argumentum sit, quod Polybius scribit centum talentis eam rem Achais stetisse, quum quingenos denarios pretium in capita, quod red-deretur dominis, statuissent. Mille enim ducentos ea ratione Achais habuit. Qua ratione osten-ditur, inquit Priscianus, sex millia denariorum habuisse talentum: nam quum quingeni denarii pro mille ducentis captivis dati colligantur, sex-centa millia denariorum, centum ea ostendit fuisse talenta. Centesima autem pars sexcento-rum millium, sex millia inveniuntur. Centum talenta sunt ἑξήκοντα μυριάδες δραχμῶν, sex-centa millia drachmarum. At si in capita sunt expensi quingeni denarii, sequitur ut in decem capita quinque millia denarium; in centum, quinquaginta millia; in ducenta, centum millia; in mille, quingenta millia. In mille igitur ducentos, sexcenta millia de-narium. Idem Livius lib. xxxviii. ex sen-tentia Valerii Antiatis tradit, judicatum Sci-pionem, quo commodior pax Antiocho da-retur,*

retur, sex millia pondo auri, quadringenta octoginta argenti plus accepisse, quam in ærarium retulerit. Eam summam brevius postea complexus *ducenties quadragies* ei licem æstimatam ex Antiat's sententia dicit. Quæ nunquam conciliabis, nisi præstruas libram argenti centum denariis, vel quadringentis sestertiis censuisse. Age, ponamus calculos: libra argenti quadringentos habet nummos sestertios: ergo decem pondo quatuor millia nummum, viginti pondo octo millia, quadraginta pondo sedecim millia, octoginta pondo triginta duo millia, centum pondo quadraginta millia. Ergo etiam quadringenta pondo argenti centum & sexaginta millia nummum. Quibus si addas, quæ in octoginta pondo sunt, triginta duo millia, fient centum & nonaginta duo millia nummum. Iam aurum ad argentum habuisse proportionem decuplam, illis temporibus & Pollux ex Menandro probat, & confirmat ipse Livius hoc libro superius: *pro argento si aurum dare mallet, darent, convenit: dum pro argenteis decem aureus unus valeret*. Una igitur libra auri valebat decem pondo argenti: centum libræ auri conficiunt mille pondo argenti: mille auri decem millia argenti: sena denique millia librarum auri valent sexaginta millia pondo argenti. Porro sexaginta millia pondo argenti æstimantur *ducenties*

centies quadragies centenis millibus num-
 mum. Sena igitur millia pondo auri sunt
 ducenties quadragies. Cui si addas CXCII
 millia fient exacte ducenties quadragies se-
 mel & nonaginta duo millia, nostrorum
 sexcenta & quatuor millia Philippeum &
 præterea octingenti. Hinc Livius, quæ prius
 dixerat *sex millia pondo auri, quadringenta octo-*
ginta, argenti, id postea reddit *ducenties qua-*
drigies, numero rotundo. Sic Plinius solum
 fori Cæsarei constitisse millies ducenties tra-
 dit: Suetonius plus millies, minorem illam
 summam absorbens. Brutus ad Cicero-
 nem: *Cum ad liberandam rempublicam accessi,*
sestertio mihi fuit quadringenties amplius. Id
 est quadringenties semel aut bis. Augustus
 legavit populi & tribubus quadringenties &
 tricies quinquies, teste Tacito: Dio *χιλίας*
μυριάδας, quæ non sunt ultra quadringen-
 ties, legasse ait: sic ad octoginta septem my-
 riadas reticet. Cicero pro Valerio Flacco
 cap. xxxv i. *At Falcidianum crimen est in-*
gens. Talenta quinquaginta se Flacco dicit de-
disse. Hanc summam nongenta sestertia vo-
 cat cap. sequenti: *At fructus isti Trallianorum,*
Globulo pratorum, venierunt; Falcidius emerat HS.
nongentis millibus. Si dat tantam pecuniam Flac-
co, nempe iccirco dat, ut rata sit emptio. Ergo
 Manucius, *Talenta*, inquit, *quinquaginta*, scu-
 tatorum triginta sex millia, id est, sester-

tium nongenta millia, ut infra : statimque : HS. DCCCC. talenta quinquaginta supra nominata. Sed istæ summæ nequaquam conveniunt. Nam talenta quinquaginta sunt sestertium duodecies, scutorum triginta millia : nongenta vero sestertia sunt talenta triginta septem cum triginta minis, scutati viginti duo millia quingenti. Ergo apud Ciceronem scribendum est, *talenta quadraginta*. Ea sestertium sunt nongenta sexaginta millia, scutorum viginti quatuor millia. Sed sexaginta millia silentur, ut summa sit rotunda. Lysias ὑπὲρ τῶν Ἀριστοφάνους χρημάτων, a Conone relictas opes, πεντακισχίλιας σελήρας, & μυρίας δραχμὰς & τρία τάλαντα & ἑπτακαίδεκα τάλαντα, in summam colligens γίνεσθαι ait πρὸς ποσὰ εἶναι τάλαντα. At sunt præcise triginta octo talenta viginti minæ : desunt ad illam summam talentum & quadraginta minæ. Eodem modo Martialis, cum dixisset Apicium nongenties dedisse ventri, superfuisse illi ait *centies laxum*, id est, centies & semel centena millia nummum, lib. III, epig. xxi. Nam Seneca post *millies* absumentum, reliquum fuisse scribit *centies*. Probabile est igitur censum lurconis illius fuisse millies & centies, absumentum ab eo plus nongenties, superfuisse super centies. Nisi tamen *laxum* vocat, quod alias *liberum* dicunt, hoc est, debitis nullis gravatum,

tum, creditoribus non obligatum. Vt Brutus ad Ciceronem : *tantum abest, ut mea rei familiaris liberum sit quicquam, ut meos jam omnes amicos are alieno obstrinxerim.* Quintilianus decl. CCLXXIII. *Bona mea, id est, quod liberum in patrimonio meo est, & quod proprie meum, ad te transire debet.* Plinius lib. IIX. epist. IX. *Io, io, liber ad te venio : jam sestertium quadragies redegi, parte vendita Batitorum.* Appuleius in Apolog. *reliquit Rufinò huic, non mentior, sestertium tricies devorandum.* *Tantum enim ad eum de bonis matris liberum venit.* Ælianus lib. x. cap. xvii. Ομοίως ἢ καὶ Κλέωνα πρὸς τὸ παρελθεῖν ὑπὲρ τὰ κτηνὰ, μηδὲν τῶν οἰκείων ἐλεύθερον εἶναι· μὴ δὲ, πεντήκοντα ταλάντων τὸ οἶκον ἀπέλιπε. Vbi tamen accipiunt vulgo : non habuisse dignam libero homine substantiam. Videtur, nihil domi sive in patrimonio liberum habuisse, dicere. Λείπει ἢ καὶ πρὸς τὸ μηδὲν. Nam ἐλεύθερον καὶ μηδὲν τῶν οἰκείων est, quod ad rem familiarem, nulla parte liber: sive nobiscum, sive cum interprete accipias. Demosthenes adversus Lacritum : ἐκείνόν τε τὸν νεανίσκον τὸν δανείσαντα ἐξήπατησεν ; ὅς ἐστιν ἐλεύθερος τοῖς χρήμασι δανειζόμενος. Adversus Phænippum : εἰάν μοι τιμὴ ἐξαλιαν μόνῳ ἐλευθέρῳ παρὰ δῶ. Sic liberare. Cicero ad Atticum lib. IV. epist. IV. *Mediusfidius, ne tu emisisti locum præclarum. Gladiatores audio pugnare mirifice. si locare voluisses,*

duobus his muneribus liberasset. Vbi Manutius, locum, inquit, Atticus emerat, & simul gladiatores: eos lanistæ in eo loco exercebant: eos pugnasse mirifice, cum exercerentur in ludo: liberasset, tanti locasset quanti emerat: ita eos libertate donare potuisses recepta pecunia in eos impensa. At Bosius vult, *emisti λόχον*: quæ sint octo paria gladiatorum. Popma retinet *locum* pro ludo: & similiter pecuniam in eos impensam recepisses, ut eos sine tuo damno libertate donare potuisses. At non video cur emeret gladiatores Atticus, qui cum honores populi non adfectaret, nec delinire populum muneribus necesse habuit. *Locum* igitur intelligo ad spectandum gladiatoribus. Sic lib. II. epist. I. *num consuesset Siculis locum gladiatoribus dare.* Sic inter honores legatorum *ades libera, loca, lautia.* Talem locum emerat, opinor, Atticus in diem: ideoque nondum liberum eum habebat, sed vel pro omni pecunia, quæ convenerat, quamque pro illo etiam tum debebat, vel pro parte ejus obligatum obnoxiumque venditori. Quum autem proximis diebus à nescio quo muneratore dati essent gladiatores eximii, qui magno concursu & voluptate hominum spectarentur; scribit Attico Cicero, si locum illum locare voluisset, potuisse ex lucrari tantum reficere, quantum pro eo adhuc debebat, quantum

solven-

solvendæ pecuniæ nondum liberum illum Attico esse patiebatur. Sic prima agraria: *Iubet decemviros omnibus agris publicis pergrande vectigal imponere, ut iidem possint & liberare agros, quos commodum sit, & quos ipsis libeat, publicare.* Ne scilicet vectigal pendant. Seneca epist. xxiii. *Hic est locus solvendi aris alieni. Possum enim vocem tibi Epicuri reddere, & hanc epistolam liberare.* Philostratus in Proclo Sophista: *Μαθὼν ὃ αὐτὸν εἶναι τε καὶ ζῆν, ἐκπεσεῖσθαι ὃ αὐτίκα τῇ οἰκίᾳ, Δρακηνυτῆος μύθους ἐπ' ἀγορᾶς πρὸς δραχμαῖς μυρίας, ἃς ἐπ' αὐτῇ ἐδεδάνειστο, ἔπεμψεν αὐτῷ τὰς μυρίας, μηδὲ ἀνελθὼν πῶς ἐς τὸ ἄστυ, εἰπὼν· ἐλθέτωσιν τῷ οἰκίᾳ, ἵνα μὴ σε κατηφῇ ἴδω.* Sic in libris juris *liberare pradia & liberatio legata* debitori. Scholiastes Aratorum Germanici ex Nigidio de Geminis Castore & Polluce: *multis laboribus tempestatibusque conflicti, periculorum atque armorum experti, impendia laboribus liberare studuerunt.* Sic lego, non *animorum*: & videtur elegantissime dictum, *impendia liberare laboribus*, hoc est, vitæ necessaria parare & sibi debere laboribus suscipiendis, non ullius alterius beneficio obnoxia habere: non ad tumidos reges sese applicando, multo minus *in eripiendis alienis accipitris ritu vitam sectari*, ut loquitur Iustinus lib. xxvii. sed opere & labore. Nam, ne quis cum doctissimis viris de sinceritate illorum

verborum dubitet, *vita* ibi ponitur pro vi-
ctu, & *vitam sectari*, ut *vitam querere* Ennio :
nautisque mari quarentibus vitam. Sic Plautus
Sticho de mustela, quæ murem cepit : *ut illa
vitam repperit hodie sibi*. Vt Græcis βίη. Sal-
lustio est *tolerare sumtus* in Catilin. *qua primo
ingentis sumptus stupro corporis toleraverant*.
Suetonius Iulio : *evidentissimis rapinis ac sacri-
legiis & onera bellorum civilium & triumpho-
rum ac munerum sustinuit impendia*. D. Ha-
drianus ad Gabinium L. III. D. de Testi-
bus : *tecum ergo delibera, ut si retinere eos velis,
des eis impendia*. Perperam vir magnus apud
Scholiasten legit : *impendio à laboribus liberari*.
Non absurde hic eodem pertinens, aliud lo-
quendi genus scitum & antiquum, paucis
utique observatum, patefaciemus. Cicero
in Lælio : *Denique cetera res, quæ expetuntur,
opportuna sunt singula rebus fere singulis : divi-
tiæ, ut utare ; opes, ut colare ; honores, ut laude-
re*. Hæc quotusquisque legit adhuc, qui in-
telligeret, quid esset ; *ut utare* : nimirum, ut
sustineas impendia, ut sufficias sumptibus,
ut habeas in sumptum. Hoc me docuit Plau-
tus in Trinummo. a. II. sc. II. ubi æque pa-
rum animadverterunt : *Deum virtute habe-
mus, & qui nosmet utamur, pater, & qui co-
mitati simus benevolentibus*. Hoc est, unde
ipsi vivamus, victum & cultum habeamus.
Terentius Adelphis a. v. sc. ix. *siquidem por-*
ro,

ro, Miſio, Tu tuum officiũ facies, atque huic aliquid paullulum præ manu dederis, unde utatur, reddet tibi cito. Donatus recte: utatur, vivat: unde usura vita dicitur: unius usuram horæ gladiatori isti non dedisset. An unde alatur, de quo usumfructum capiat, & cuius tibi sortem reddat? Et si exemplum de usura parum convenit. Accommodatiora hic habes. Cicero lib. xi. ad Attic. ep. xi. P. Sallustio curanda sunt sestertia octoginta, quæ accepi a Cn. Sallustio. Velim videas, ut sine mora curentur. De ea re scripsi ad Terentiam: atque hoc ipsum jam prope consumptum est. Quare id quoque velim cum illa videas, ut sit qui utamur. Lib. xlii. epist. xxiii. Omni tibi adseveratione confirmo, mihi majori offensione esse quam delectationi possessoriunculas meas. Magis enim doleo, me non habere cui tradam, quam habere qui utar. Lib. xiv. ep. xi. De Cicerone quæ scribis, jucunda mihi sunt: velim sint prospera. Quod vero cura tibi est, ut ei suppeditetur in usum & cultum copiose, per mihi gratum est. Ambrosius de Nabuthe cap. iv. Et pauperes quidem non habent, quo utantur: vos autem nec ipsi utimini, nec alios uti finitis. Idem de Tobia cap. xxi. Sed possessionem meam vendo. Et unde fructus, quibus utaris ad sumptum. Hinc utensilia pro necessariis victui. Varro lib. i. de r. r. cap. ii. Quod in Italia utensile non modo non nascitur, sed etiam non egregium sit? Quod far conferam

Campano? quod triticum Appulo? quod vinum Falerno? quod oleum Venafrano? Cicero lib. I. Oeconom. nec minus reliqua utensilia, quibus aut alitur genus hominum, aut etiam excolitur. Livius lib. III. Castra quoque amissa, exutusque omnibus utensilibus miles Tusculum se fide misericordiaque victurus hospitum contulerat. Quem locum imitatur Tacitus lib. I. annal. cap. LXX. pernoctavere sine utensilibus, sine igni. hoc est, non tam suppellectile quæ admodum circumcisa & æstiva militantibus, quam sine cibo & copiis victus: nam si quid superfuit, aqua haud dubie maritima corruptum fuit. Ut eidem lib. II. initio: vilissima utensilium annulo clausa. Non utique suppellectilis, sed penus. Quasi diceret ex Plauto: allium ob-signatum cum sale. Et idem alibi. Sic Columella lib. I. cap. III. multum conferre ait agris iter commodum ad vehendâ & exportanda utensilia. Idem lib. IX. cap. V. ut vacua cum prodeunt pabulatum apes, facilius editioribus advolent, & collectis utensilibus cum onere per proclivia non agre devolent. Rufinus de bello Iudaico lib. VI. cap. I. ades frumenti plenas omniumque utensilium incendebat. Quod Iosephus dixerat: Τὰς οἰκίας σίτε μετὰς ἢ παντοδαπῶν ὑπὸ τῶν Ἰουδαίων. Ut Græcis τὰ ὑπὸ τῶν Ἰουδαίων pro victu.

CAP. VIII.

Decuplam proportionem inter aurum & argentum Roma, perinde ut Athenis, melioribus temporibus fuisse, uberius disputatum. Nummius Plauti, didrachmum. Χρυσός, aureus didrachmus. Ημίχρυσος, denarius aureus. Livii locus à reprehensione & correctione defensus. Aureus Romanus ex institutio major didrachmo fuit necessario, cum stater Atticus didrachmus viginti, ille xxv denariis mutaretur. Plinii locus expensus. Attica Moneta defensa. Ημίχρυσος, ὁκτὰ δόρατοι. Cratetis Comici apud Pollucem verba illustrata.

QUod superiori capite in auri proportionem ad argentum definienda Livii verbis usi sumus, Car. Molinæus quosdam ait parum caute citare, quod Livius scribit, in conditionibus pacis Ætolis concessum esse, ut si pro argento aurum dare mallerent, id eis liceret, dum pro argenteis decem unus aureus valeret: non enim eum ibi loqui de certa auri vel argenti massa, sed de nummis argenteis & aureis illius temporis, quorum proportio nobis incerta sit, cum multa eorum essent genera. Certe oportet incerta sit illis, quibus curæ non fuit inquirere. Secus constat inter eruditos *nummi* vocabulum apud Plautum, quasi in Græca scena loquentem, ubique fere poni pro didrachmo: hoc olim Turnebus & Ciacconius animadverterunt: hoc nuper in libro de M. Vs.

contra Scaligerum adseruit Salmasius. Sic igitur nummus aureus censetur pondere duarum drachmarum auri; nummus argenteus duarum drachmarum argenti. Vni autem drachmæ auri decem drachmæ respondebant argenti. Hesy chius in *χρυσός*. Πολέμαρχός φησι δλωάσθαι τὸ χρυσὸν ὡς καὶ τοῖς Ἀθηναίοις δραχμαὶς δύο· πλὴν ὃ ὃ χρυσὸν δραχμῶν νομίσματ' ὁ δρῶν δὲ δραχμαὶς δέκα. Ergo nummus aureus sive *διδραχμον* pro argenti valet drachmis viginti: totidem plane drachmas faciunt decem argentei nummi *didrachmi*. At si *ἡμιχρυσός* capias, & sic constabit ratio. illi enim pendebant drachmam auri, valebantque decem argenti drachmas seu decem nummos argenteos drachmæ pondere: quales *denarios aureos* vocat Plinius. Polybius non drachmarum, non nummorum, sed minarum mentionem facit, quod magis confirmat proportionem istam quasi per articulos scandentem: Ἀντὶ τριῖτε μέρους ὃ δρῶν χρυσίον, εἰάν βέλωνται, διδόντες, τὸ δέκα μιν δρῶν χρυσίον, χρυσίον μιν δίδόντες. Potuisset igitur hanc censuram facere compendii Molinæus. In eadem re Hotomanni non unum est peccatum. Primum tanquam rem novam disputat, proportionem & pretium metallorum non a natura, sed a lege & institutis populorum proficisci: neque nos moveri oportere Herodoti, Platonis, Livii & Pollu-

cis auctoritate, qua plerosque omnes abuti.
 At non agitur id, an detur aliqua proportio
 natura: neque quisquam negavit eam va-
 riari ex varietate temporum & locorum.
 Hoc quæritur an aliqua & quænam propor-
 tio inter aurum argentumque sive usu sive
 lege introducta fuerit apud Græcos & Ro-
 manos, melioribus illorum temporibus:
 quæ diversis seculis potuit esse varia; certis
 tamen temporum velut articulis per exo-
 rientes causas statam & unam reddunt con-
 sensus hominum & mutua commercia. Iam
 cujus constantiæ est, apud Platonem, ubi vi-
 detur statui duodecupla, corrigere τὸ δωδε-
 κασάσιον in δεκάσάσιον, statimque auctores il-
 los, quibus ista emendatio nititur, auctori-
 tate privare? Ad Livii locum respondet,
 factum illud imperio arbitrioque victoris
 consulis, cui æque licuerit unum nummum
 aureum pro decem argenteis, ut pro novem
 aut octo, exigere: ut jam absurdissimum sit
 statuere ex eo decuplam fuisse per illa tem-
 pora auri proportionem ad argentum. Quasi
 Brennus Capitolii obsessor leges illas & re-
 gia verba scripserit, & intonuerit simul, væ
 victis. At erat ille imperator populi juris &
 æqui observantissimi, qui etiam tum certe se
 imperatorem quam portitorem orbis terra-
 rum esse malebat: publicoque agebat no-
 mine, & non sibi æruscabat, sed ad ærarium
 defe-

deferendam, jure belli victis hostibus imperatam pecuniam ita exigebat, ut servaret æstimationem, quam victrix victaque gens formis vel nummis jamdudum attribuerat. Immo non cum consule convenerunt hæ pacis condiciones Ætolis, sed Romæ, atque adeo cum universo senatu, quo ablegavit eos consul. An autem Polybius vel Livius erant tacituri, si ulla fuisset illa in re malignitas? In privatorum commerciis accidit plerumque, ut homines cupidine pecuniæ patiantur obtrudi sibi nummos aureos majore pretio quam auctoritate publica taxati sunt, præsertim turbidis temporibus & angusta fide: quin immo jactatur interdum nummus, & immodice crescit pretio, ut necesse sit edictis hanc grassantem tabem refrenari. Id potuit tum quoque evenisse in nonnullis Græciæ urbibus, eoque cautum de illa re voluerunt Romani, & eum modum auri pretio finierunt, qui multis ætatibus & Romæ & in Græcia justus fuerat, & postea fuit. An sena milla pondo auri erunt Antiati Valerio & Livio circa eadem tempora ducenties quadragies alia quam decupla proportionem? Non posse esse agnoscit Budæus, qui etiam si quindecuplam antiquissimis Romanis auri ad argentum proportionem fuisse paullo ante scripsisset tum, cum aureus nummus primum Romæ percussus est, ex dubio Plinii loco

loco collectum ; tamen in lite Scipioni æstimanda iudices fatetur decuplicem æstimationem secutos, quæ communis fuerit. Annon Hotomannus ipse fatetur libram auri quatuor millibus sestertium æstimatam ? Quaterna autem sestertia, an non sunt decem libræ argenti ? Hoc quidem oppugnavit, sed nequicquam, ut satis demonstratum est. *Centenos nummos* Taciti an oblitus est *aureum* dici Suetonio ? Atqui centeni nummi quarta pars libræ argenti, cum quadringenti libram implerent ; aureus quadragesima libræ auri, cum placuisset quadraginta aureos è libra signari, ut ait Plinius. Inter quartam autem & quadragesimam partem quid interest, nisi quod decies tanto plurius in suo genere est quarta, quam in suo quadragesima ? *Decem aureos* nonne *mille nummos* interpretatur Didymus apud Priscianum : illi libræ auri sunt quadrans, hi duarum & semis, hoc est, decem quadrantes librarum argenti. *Dena sestertia* Tacito non sunt *centum aurei* Vlpiano ? At illa viginti quinque libras argenti, hi duas dimidiatam auri implebant. Illud vero quam doctum, Livium illo loco, quem ex Polybio expressit, pro auro argentoque infecto, signatum numeratumque Latine posuisse. Quasi cum apud Græcos scriptores, aut etiam apud Plautum Terentiumque, cum appellantur

mine

mina auri vel argenti, non numeratum signatumque, sed infectum intelligatur. Hæc quidem verba tanto viro indignissima. Melius tamen ac certius multo Polybius, τῶν δέκα μινῶν ἄργυρος, χρυσὸς μινῶν, quam Livius, *pro argenteis decem aureus unus*. Qui quæso? Numquid aliud hic est auri mina quantitate argenti quam centum drachmæ, atque adeo centum ἡμίχρυστοι, quinquaginta χρυστοί, qui aurei erant Græcorum nummi? Argenti vero mina numquid aliud quam centum denarii aut quinquaginta didrachma ex argento? Qui dicit ergo minam auri valere decem minas argenti, idem dicit drachmam auri valere decem drachmas argenti, idem nummum denarium aureum valere decem denarios argenteos, nummum aureum didrachmum decem didrachma argentea, vel viginti denarios argenteos. Et vicissim qui aureum Græcum unum valere dicit argenteos decem, idem dicit drachmam auri & minam unam valere argenti drachmas & minas decem. Hinc intelligas, quo jure suspicetur Livium scripsisse: *dum pro argenteis decem una auri libra valeret*. Sed ne Menandrum quidem & Pollucem relinquit intactos. Non enim, ait, si aurum per id tempus fuit apud Athenienses decuplum ad argentum, continuo ejus proportionis regulam ubique in omnia tempora constituere possu-

possumus. Quis autem hoc desiderat? quis constituit? Hoc agitur, quæ, quo tempore optimi, qui supersunt, Græcarum & Latinarum rerum scriptores vixere, proportio fuerit: & ideo potissimum, ut lectio proficiat, & pecuniæ, cum commemoratur, utriusvis modus altera possit colligi. Itaque ne quidem, quæ sub imperio Constantino-politano fuit, huc pertinet: eam quippe certum est aliam fuisse, & libram auri tum quatuordecim amplius libris argenti æstimatam. Quo si respexit Salmasius in Disq. de M. cum decuplam proportionem olim auri ad argentum apud Græcos servatam, aliam apud Romanos scribit, excusari potest. Secus rectius cap. II. de M. V. ex dicto Livii loco & ipse annotat, auri rationem ad argentum tunc fuisse decuplam. Vnum vehementer his adversatur, quod plerisque omnes consensisse & sumere, non probare, video, aureum Romanum fuisse didrachmum vel pondere duorum denariorum, & hoc Græcorum exemplo: ita Budæus, Agricola, Hotomannus, Scaliger, Ciacconius, Cappel-lus, Snellius, Rualdus, Salmasius: unde colligunt eo tempore apud Romanos auri ad argentum fuisse analogiam, quæ duodecim & dimidiati ad unum, seu unam partem auri partibus argenti duodecim & dimidia æstimatam. Ego vero, ut concedam, qui hodie
repe-

reperiuntur aurei, plerosque pondus illud non excedere, vel monetæ vel aliorum fraudatorum vel temporis vitio: ita his oppono fieri non potuisse, ut stater Atticus didrachmus viginti tantum denariis vel drachmis censeretur, aureus Romanus eodem pondere, nec meliori temperatione, viginti quinque. Nam ita Zonaras: Παρὰ Ῥωμαίοις αἱ εἰκοσι ἢ πέντε δραχμαὶ χρυσὸν νόμισμα ἐν ὧρα ἢ τοῖς Ἑλλήσιν εἰκοσι δραχμῶν, ὡς Δίων φασί, τὸ χρυσὸν ἀλλάττει νόμισμα. Quis dubitet, istud si fuisset, nullum aureum in Græcia mansurum, omnes Romam commeaturos fuisse, ubi in singulis quinque denarii fierent lucri? ut hodieque fieri videmus, imminuto edictis aureæ monetæ pretio mox omnem pecuniam, quæ versatur inter manus, esse argenteam, auream vero transportari in eas regiones, ubi plus valet. Hic illi quidem, qui subtiliter denarium a drachma distinguunt, habent aliquam latebram: Budæus vero & Cappellus, qui promiscuos denarios & drachmas dumtaxat in usu fuisse, nec vultus discrimen illud in permutandis nummis attendisse concedunt, quid dicent? Immo quum tandem sub principibus pondus denarii, ut isti volunt, imminuentibus drachmales ferirentur, potuit tum quoque manere sine insigni injustitia minus pretium statatibus Atticis quam Romanis aureis? & hi

viginti quinque, illi tantum viginti nummis argenteis eodem pondere æstimari? Itaque omnino statuendum videtur, aureum Romanum, ex constituto, pondere duorum denariorum & victoriati non multo minorem fuisse, semper autem graviores Attico statere, quicquid avaritia & malæ artes vel his vel illis detererent. Quærenti autem mihi causam consensus hujus doctorum virorum in aureo Romano didrachmo faciendo & proportionem duodecupla, nihil succurrit præter locum Plinii lib. xix. cap. i. *Proximus byssino, mulierum maxime deliciis circa Elim in Achaia genito: quaternis denariis scriptula ejus permutata quondam, ut auri, reperio.* Etenim ubi scriptulum auri quaternis denariis permutatur, drachmam, quæ tribus scriptulis constat, duodenis, didrachmum aureum vicenis quaternis rependi necesse est. Rursum tamen hic nodus: unde igitur quintus & vicesimus aureo Romano denarius accesserit. Agricola Georgius, Vespasiani temporibus auri portionem non plus minusve duodecim portionibus argenti æstimasse Romanos, probaturum se fuisse ait, si aureus Romanorum nummus, ut Daricus stater, ex auro puro signatus fuisset, ac denarius argenteus, ut Aryandicus argenteus nummus, ex argento puro: verum quia uterque fuerit mixtus, unam auri partem

Othōnis temporibus plus quam duodecim & dimidia argenti portionibus fuisse æstimatam, Vespasiani plusquam duodecim, ariolatur. Hotomannus eo confugit, ut aliud laminæ rudis aureæ, aliud pecuniæ signatæ pretium faciat; mercedis loco propter operarum manupretium accessisse quintum & vicissimum. Cappellus a Neronis dumtaxat temporibus ad Constantinum didrachmales fuisse aureos Romanos, perinde ut Atticos, sciscit: suum Romanos viginti quinque drachmis æstimasse: Græcos suum ejusdem ponderis, sed non ejusdem indicaturæ & minus probum, viginti tantum drachmis commutasse. Adeo inter ipsos quoque male convenit: quum constet interim, & Romanos & Atticos aureos, Atticæ utrosque, hoc est, optimæ fidei, & quantum potuit fieri, sinceræ venæ ex lege fuisse; adeo ut Romæ atque Athenis idem pondus ideinque pretium auri & signati & αὐτῆς haberetur, & nummi, ubi pro nummis valere non poterant, pro merce generis illius optima venirent. Agricola ad monetam Cecropidarum reprehendendam specioso & acuto, ut vir haudquaquam vulgaris, utitur argumento. Locus est apud Pollucem lib. ι κ. Οἱ μάλιστα ὀκτὼ ὀβολοί, ἡμίεκλον ἀνομάζοντο, ὡς Φησιν ἐν Λαμίας Κρατῆς. Ἡμίεκλον ἐστὶ χρυσός, „μανθάνης, ὀκτὼ ὀβολοί. Ergo, inquit ille, in aureis

aureis Atticis aliquando infuisse, ut mini-
 mum, quintam vilioris metalli partem, ex
 Crate Comico Atheniense, qui scripsit, se-
 misextam aurei partem octo obolos esse, vi-
 detur percipi posse. Quia enim octo oboli
 sunt dimidia sextæ pars, sedecim sunt ipsa
 sexta. sex ergo & nonaginta integer aureus.
 tot vero oboli sedecim drachmas efficiunt.
 quoniam autem aureus Atheniensium fuit
 duarum drachmarum, sequitur ut æris quin-
 ta in eo fuerit portio. nam si ex auro puro
 fuisset, valuisset ut Daricus drachmas vigin-
 ti. Et valuit utique, & ejusdem temperaturæ
 fuit. Itaque sane primo adspectu mirum est,
 centum & viginti obolorum (tot enim sunt
 in viginti drachmis) unciam dici obolos
 octo. Veruntamen si consideres, illud tam
 subtile argumentum perinde agit, ac si ex
 eo, quod Romani sedecim asses vocarunt de-
 narium, octo quinarium, quatuor sester-
 tium, colligam in his nummis fuisse plus ter-
 tia parte æris; argentum autem proprie tan-
 tummodo denum, quinum, binum & dimi-
 diati assium semuncialium. Quin potius, ut
 hi nummi inde, quod initio denas, & quinas
 & binas selibram æris pensarent, appellati
 retinuerunt nomina quamvis ære signato
 reciso, ita suspicamur ex hoc ἡμισέξ vocabu-
 lo, fuisse quum aureus Atticus viginti
 octo paullo plus siliquarum esset, (qualis in

argento postea milliarenfis fuit) atque adeo drachmis argenteis sedecim responderet : quarum quia sextans sive ἑκλον sedecim, uncia sive ἡμίεκλον octo erant oboli, quamvis postea statere triginta sex siliquarum (hoc est, duarum auri, vicenum argenti drachmarum) facto, mansisse in usu vulgari, ut tum quoque ἡμίεκλον pro summula octo obolorum diceretur. Secus non sedecim oboli ἑκλον, sed viginti, neque octo ἡμίεκλον, sed decem sunt stateris Attici, quem solum, quos habemus, norunt, & duabus auri drachmis constare, viginti argenteas valere omnes omnino consentiunt scriptores. Hanc nostram de ἡμίεκλω in pecunia (nam aliud est in mensuris) conjecturam veriore puto, quam quod Scaliger fingit, eum qui apud Comicum hæc verba pronunciat, sedecim drachmas habuisse in manu : eas σατῆρα vocasse, quia quatuor tantum drachmis distent a statere : atque ut ὀλοχερῶς, non ἀπαρμιλώως sedecim drachmas vocaverit staterem, ita octo obolos dimidium sextæ partis dixisse, ut solebat in summis, quæ propius abessent a justo modo talenti, minæ, stateris, aut exiguo illum excederent : & errasse Pollucem, qui octo obolos putet esse ἡμίεκλον ἢ σατῆρα, quum ex occasione, non ex usu, pronunciatum sit. Multo tamen hoc tolerabilius quam illud Agricolaë, quod prorsus locum

locum nullum habet. Sed, pergit ille, æs “ cum auro permiscuisse Athenienses signifi- “ cat Aristophanes. Sic breviter jubens sibi “ credi quamvis non interrogatis testibus.

Respicit autem opinor locum in Ranis :

Εἰς τε τῶν χαῖον νόμισμα, καὶ τὸ καινὸν χρυσίον.
 Οὐτε γὰρ τέπεισιν, ὅσιν ἔκεκιβδηλομήροις,
 Ἀλλὰ καὶ λίσσι ἀπάντων, ὡς δοκεῖ, νομισμάτων,
 Καὶ μόνοις ὀρθῶς κατέπεισι, καὶ κεκωνωτισμήροις,
 Ἐν τε τοῖς Ἑλλήσι καὶ τοῖς βαρβάροις παντάχῃς,
 Χρῶμεν ἑδὲν, ἀλλὰ τέτοις τοῖς πονηροῖς χαλκίοις
 Χθές τε καὶ πρῶτον κατέπεισι τῷ κακίστῳ κερματι.

Merito verba omisit, quæ vel sola præclarum & verissimum monetæ Atticæ præbent testimonium, cujus nomismata ἔκεκιβδηλομήρια ὄντα, ἀλλὰ καὶ λίσσι πάντων, καὶ μόνοις ὀρθῶς κατέπειτα, καὶ κεκωνωτισμήρια & inter Græcos & inter barbaros, dicit. Sed quod hæret de illis χθὲς καὶ πρῶτον κατέπεισι, sciendum non Athenarum, sed hujus temporis Athenarum id vitium fuisse. Docuit enim, ut ex Scholiaste ad hunc ipsum locum discimus, hanc fabulam Aristophanes anno tertio Olympiadis xciii, magistratu Calliæ, inter Antigenem, quo rempublicam regente Lacedæmonii duce Callicratide Delphinium in Chiorum agro Atheniensium juris everterant, Teios diripuerant, Methymnam ceperant, & duplici clade ad Methymnam & Mitylenen classem illorum adfecerant, ut est

apud Diodorum lib. XIII, & Alexiam, cujus annum feralem ac funestum Atticæ reddiderunt Lysander & Ægospotami. Eo labantium rerum statu si quid imperavit necessitas, non debet Atheniensibus opprobrari: præsertim quando mox resumptis viribus id emendarunt. Idem Aristophanes Ἐκκλησιάζουσιν:

Ἀνέκοι γ' ὁ κῆρυξ, μὴ δέχεσθαι μηδέν

Χαλκὸν τὸ λοιπὸν δρυῖν γὰρ χρώμεθα.

At Agricolaæ adeo placuit illud ex Cratete extortum commentum, ut abstinere non potuerit, quin sua ipsius vineta caderet. „ Sed, inquit, quia Arpocratio & Aristophanis interpretes scribunt stateres Daricos valere aureos Atticos, intelligimus in eis aliquando, ut in aliis aureis Græcis, qui existant, & item externis, fere fuisse quinquagesimam argenti portionem. Qui paullo ante dixerat, Darium regem Persarum, ut scribit Herodotus, omne argentum, quantum ejus fieri potuit, auro excoxisse; itaque aureos Daricos longe omnibus præstare. Ad Plinii locum duo videntur reponi posse: alterum, non dicere Plinium, *ut nunc auri*, sed, *permutata quondam, ut auri*; & sic videri respicere superiora in utroque tempora, significantem fuisse aliquando, quum hæc ita sese haberent, nempe cum copia minor auri majus ejusdem pretium faceret: quando & Herodo-

rodotus testis Darium in tributis exigendis unum auri talentum tredecim argenti talentis æstimasse. Nam qui conveniet alioquin his, quod alibi Plinius tradit, aliquando scriptulum auri valuisse *sestertios vicanos*, hoc est, denarios quinos? Quod si hoc displiceat, cogitemus Plinium dicere rotunde, *quaternis denariis*, pro ternis, quincunce & quatuor sextulis denarii: tantum enim facit scriptulum, quando libra, ut quatuor millibus nummum, ita mille denariis æstimatur. Sic enim selibra denariis quingentis venit, quadrans ducentis quinquaginta, uncia octoginta tribus triente, semuncia uno & quadraginta besseque, scilicet viginti dextante, drachma denis quincunce, scriptulum denique, ut dicebamus, ternis triente & uncia, sive quincunce, & quatuor sextulis. Vt cumque sit, si quid Græcorum in suo auro imitati sunt Romani, ante omnia censendum est, eos adamavisse, quod aurum illic ad argentum esset decuplum. Ipsum adeo frequens utrorumque commercium necessario id requisivit: aut coacti fuissent Græci, ne omni auro spoliarentur, domi eandem inter duodecim dimidiatumque & unum proportionem introducere. Ne tamen soli sic censere videamur, & Leon. Portius tres partes unciæ, id est, duas drachmas & dimidiatam dimidiatæque trientem, aliquando occupa-

viffe aureum Romanum putat, & Villalpandum plane duas & unius dimidium ei tribuere testis Savotus. Quod quamvis ille improbet, & ex adducto superius Plinii loco duodecuplam tum fuisse proportionem auri ad argentum statuat, concedit tamen decuplam fuisse aliquando & Romanis ex Polybii & Livii locis : & fatetur sese omnes Romanos aureos ante Alexandri Severi tempora percussos multo graviore binis drachmis reperisse. Vellem autem apud Martialem lib. x. epigr. xxiv. legisset : *Sed vite tribus areis peractis : & aureum vite* pro viginti quinque annis, ineptum & κακὸν ζῆλον, jussisset habere auctores suas.

L I B E R III.

C A P. I.

Transitus ad tertiam partem hujus tractationis. Scalligeri quadam definitio probata. Ciceroni & A. Gellio reddita vetus scriptura. Mutuum vicies. Mutua sit pecunia, non eo quod redditur, sed quod datur, ut reddatur. Mutuum aliter alternum, aliter creditum. Non eodem modo pecunia mutua, quo voluntas mutua dicitur. Dare mutuum proprie, qui dat utendum pacto recipiendi; non qui post usum restituit. Mutuum vel mutuam pecuniam dare, sumere, accipere, non mutuo, castiores Latini. Plautus & Paullus IC. vindicati. Mutuum a mutando, non modo quia datur & redditur, sed etiam quia redditur specie mutata. Ut sumere scœnore, ita non possumus dicere sumere mutuo. Auctor visa Persii correctus. Modia, medimna, non dici pro mille modis vel medimnis. Medimna singula jugerum felicium decuma. Septies medimnum rejicitur. Cicero tentatus.

AThla desudavimus, restant parerga; dicta & sententiæ complurium auctorum veterum, in quibus aliqua pecuniæ mentio & adhuc difficultas, si qua possint nostra opera enitescere: quæque alia, tamquam postera & consequentia, huic disputationi solent subnecti. In superioribus aperuimus arcanum illud, quod dudum tanta contentione maximi viri, Budæus, Agricola, Hotoman-

nus, Scaliger, aliique plurimi sunt persequuti: & rationibus, quas illis, quibus aceto cor acre est in pectore, credo satisfacturas, confirmavimus. Nihil mirari subit magis divino ingenio Scaligeri, qui ad veram in præcipua quæstione sententiam, quum per devia & errores, per scrupos, ut sic dicam, muricumque eminentia acumina diu traxisset cruentos pedes, tamen delatus arripuit eam tenuitque constantissime. Certissima hæc ejus regula: numquam genitivum cum solis adverbis, quæ amplificativa vocat, jungi; non enim dicimus, *centies nummum*: præterea, numquam eadem adverbia pluraliter enuntiari; non enim dicimus, *hæc decies, hæc centies*. Rationem primi nos dedimus. Bene igitur consultum omnibus illis locis, in quibus *sestertii* vel *sestertio* apud Ciceronem, Livium, Valerium Maximum, Vellejum, Senecam, Suetonium reponit. Haud ambiguum, scripseritne Cicero lib. I. in Verrem cap. XXI. *Hinc quaterdecies P. Tadio numeratum Athenis*: etsi vulgo habeatur *numerata*: quæ auctoritas omni refutatione major est visa Budæo. Non potuit dicere *numerata*: fuisset enim solœcismus puerilis: & vel cætera, quæ ex eisdem libris advocavimus, id persuadent. Nec parcendum vulgaris A. Gellii codicibus lib. XII. cap. XII. sed scribendum: *mutuum sestertium vicies tacite accepit*.

accepit. In vett. quibusdam libris & apud Saresberiensem lib. v. cap. xxv. legitur *mutuo* : quod in A. Gellio non fero : est enim sequioris ævi. Sanctior vetustas omnis *sumere*, *accipere*, *dare mutuum* vel *mutuam pecuniam* dixit, non *mutuo*. In quo mire philosophatur vir summus in libro de Usuris. Ex parte, inquit, reddentis sic dictum docuimus *mutuum*, ut nisi sit, qui reddat, quod accepit, non fiat mutuum. Vicis igitur habet significationem. Nec enim qui dat aut credit alteri pecuniam suam, ut eam recipiat, *mutuam* eam *dare* proprie dicendus est, sed qui reddit. Mirum sane hoc & novum. Si *datur, quod reddatur, mutuum*, inquit Varro : quam verissimam vocat ipse mutui definitionem. Non dicit, *si redditur, quod datum erat*. Paullus jureconsultus : *Mutuum damus recepturi*. At qui reddit, non dat, quod reddatur, non dat recepturus : non ergo mutuum dat, qui reddit. Hoc & alio loco ingerit ; Nisi reddatur, ait, non fit mutuum, nec mutuum dici potest. Quod perinde est ac si vincere velim, si, qui beneficium accepit, ingratus sit, non esse datum beneficium a datore ; si cui creditur decoxerit, nummos non fuisse creditos. Peccavit ergo Cicero, quum ad Atticum scripsit lib. x. *Q. Axius in hac mea fuga HS. XIII. non reddit, quæ dedi ejus filio mutua, & utitur excusatione temporis.*

Non-

Nondum enim erant mutua, quia nondum reddita. Et Ovidius in remedio amoris:

*Qui puteal lanumque timet celeresq; Calendas,
Torqueat hunc aris mutua summa sui.*

Frustra dicitur torquere illum mutua summa, quæ nondum est mutua. At illi haud dubie sic intellexerunt, mutuum esse, simul numeratum, expensum, admensum est, quicum in creditum itur; simul traditum est hoc fine ut par reddatur. Si non reddit, qui accepit, non facit ille quidem mutuum, sed non officit, quo minus mutuum sit, quod accepit, aut quo minus mutuum dederit, qui illi credidit. Lusus est merus in duplici significatione *mutui*, quas male distinxit ὁ πένον. *Dare mutuum* est inire contractum numerato vel adpenso vel demenso, quod reddatur. Aliter dicitur *facere mutuum*. Sane & *factam mutuam pecuniam* dicit lex XI. D. de reb. cred. quæ redacta est ex re, quam quis alteri dedit vendendam, ut nummis uteretur: sed & *facere mutuum* extra illas causas est reddere vicem: ubi *mutuum* non significat contractum juris civilis, sed redhostimentum. Sic *facere mutuum* Terentio & Plauto dicitur, qui amantem redamat. Sed alia ratio est amoris *mutui*, alia pecuniæ *mutuæ*. In amore, voluntate, officio *mutuum* idem est quod alternum; nec *mutuum* est, nisi par accipitur & redditur; pecunia

mutua est, ex quo utenda data est ea lege, ut reddatur; & in ea *mutuum* idem est quod creditum & collocatum. In amore, in beneficio reddendo novæ incipiunt vices: in pecunia, re soluta, finitur contractus. Qui beneficium reddit aut amorem, non modo sese liberat, sed ultro eum, cui reddit, obligat: at qui pecuniam renumerat, non obligat, neque init gratiam, nisi malis moribus, si quando scilicet eo res rediit, si quis quid reddit, magna ut sit habenda gratia: de quo queritur Terentianus Geta. Pergit: Abusiva itaque illa locutio, qua passim *dari pecuniam mutuam* legimus apud auctores Latinos. Purius ac melius loquutos veteres constat, qui dicebant *mutuo dare pecuniam & sumere*. Ut principia, sic se habent & post principia: sumpsit falsura, falsum igitur & colligit. Si verbo abusi sunt, qui istud dixerunt, numquam hac quidem in re optimi veterum proprie ac recte sunt loquuti: numquam enim purius ac melius locutos aliter dixisse constat. Plautum apponit Asinar. a. r. sc. III. *Nam si mutuo non potero, certum est, sumam favore*. Sed hæc scriptura est Guillemii ex corrupto Nonii codice adnotata, & male ab eodem probata, quasi sic potius pervenisse *mutuum* opponatur *favori*. Nam scripti omnes editique Plauti, nec minus Nonii scripti, quorum unum domi habeo,

atque

atque ex illis editus Ios. Merceri, hi, inquam, omnes consensu *mutuas*. nempe viginti minas, de quibus agitur. Sic alibi advocat ex l. xvi. de reb. cred. *si socius propriam pecuniam mutuo dedit*. Sed editiones *mutuam*: nec aliter jurisconsulti toto illo titulo. Terentius: *huic drachmarum argenti hac mille dedit mutuum*. Cicero ad Brutum: *Tibi ex S.C. imperandum mutuumque sumendum censeo*. Cæsar: *in singulos conventus singulasque civitates certa pecuniæ imperabantur, mutuasque illas ex S.C. exigi dictitabant*. Et quis non? Explicat deinde suum *mutuo dare*: hoc est, ad mutuum, vel ea conditione, ut redderetur *mutua*. Video veriloquium τῷ *mutui*, quod proprium domicilium habet in illis rebus, quibus in creditum imus, ipsi quidem nondum satis explicatum. Est sane a *muto*, quod ab siculo μούρον: ut a *pasco pascuus*, *rigo riguus*, *cado caduus*, *vaco vacuus*, *accubo accubuus*, *ambigo ambiguus*: sed mutatio illa non tantummodo respicit vices dandi & reddendi. nam hæ vices in omnibus pæne contractibus, in permutatione, in emptione, locatione, commodato, deposito, datur & redditur; alibi aliud, alibi idem. Quid igitur amplius? nempe hoc quoque, quod specie mutatum ejusdem materiæ redditur. Mutui enim datio est earum rerum, quarum vice in reddendo aliæ fungantur, quæ functionem

tionem recipiant, quæ speciei mutationem in eodem genere eademque qualitate. *Mutuum damus*, inquit Paullus, *recepturi non eandem speciem quam dedimus (alioqui commodatum erit aut depositum) sed idem genus*. Est ergo *mutuum* ex eo appellatum, quod datur ut recipiatur in eodem genere, parique bonitate, substantia mutata. *Dare mutuum*, quasi dare mutabile, pro quo aliud specie generis ejusdem post certum tempus præstetur. In istis contractibus specie idem aut & genere diversum versatur ac redditur. Ex quo autem convenit, & res tradita est, mutuum est, vel si nunquam reddatur; vel si fraudator sit, qui accipit, & clanculum apud animum suum constituerit ab initio ipso non reddere. Mutuum tamen est, & mutuum dedit alter, etsi hic alia jam verbi significatione mutuum non faciat. Quamvis sortiatur nomen ex fine & eventu sperato, & illo postea careat, infectum tamen non est quod factum est. Nec comparandum huic, quod etiam profert homo doctissimus, *sumere fœnore*. id enim est *sumere* utendum & reddendum cum *fœnore*. At non potes supplere, *sumere* utendum & reddendum cum *mutuo*: quia fœnus est merces sumpti, & super sumptum additur: mutuum ipsum est genere & numero, quod sumpsimus quove tantisper usi sumus alieno, quod-

que

que ideo sine additione redditur. Commodum autem dices plenius : *sumere* utendum atque etiam abutendum & reddendum *mutuum*, hoc est, alia specie, in genere eodem specie mutatum, aliquid ex eodem genere accepti vicarium, quod vice ejus, quo dato contractus est initus mutui, fungatur. Malo igitur & apud Gellium, *mutuum vices*, quippe qui non potuerit ignorare, ut partim Nævius Catoque apud ipsum, partim ipse locutus sit, lib. II. cap. XIX. & lib. XVII. cap. VI. Auctor vitæ Perlii : *Reliquit circa sestertium vices matri & sorori. Scriptis tantum ad matrem codicillis rogavit eam, ut daret Cornuto sestertia, ut quidam dicunt, centies; ut alii volunt, plus, & argenti facti pondera viginti.* Nemo non videt legendum esse *sestertium*, inquit Scaliger. Sane, si res pateretur eam summam. Sed qui universum reliquerat vices, qui potuit rogare hæredem, ut de illo det centies? Scribendum igitur : *sestertia, ut quidam dicunt, centum* : dein, *argenti facti pondo viginti.* Cæterum *millia* illa subintellecta ad vocem *sestertia*, quæ sibi vir illustri finxerat, illum ad aliud gravius offendiculum impegerunt. Putat enim eodem modo *septem modia, triginta sex modia, medimna septingenta*, pro septem & triginta sex & septingentis millibus dici Ciceroni. *Millia* igitur in Frumentaria Verrina ubique delet,

delet, & vice modium, medimnum, scribit modia, medimina. Quod nemo est tam tiro, quin ex dictis facile colligat, cur tolerari non possit. Nec sestertia cum dicuntur, intelligitur vox millia, nec sestertia millia Latinum est. Quum autem modii & modia, medimni & medimna dicantur, ut loci & loca, & similia; non magis modia & medimna significant mille modium aut medimnum, quam loca mille locorum. Evidentissimus est error in his cap. xxii. Is cum pro iugeribus quinquaginta medimna DCC decumæ imperarentur, quod recusabat, domum ad istum in jus adductus est. Medimna septingenta, inquit Scaliger, id est, septingenta millia medimnum. Videamus quæ subicit Cicero: Ibi cum pugnis & calcibus concisus esset, qui DCC medimnis decidere noluerat, mille promisit. An credemus hanc pugnorum & calcium patientiam misero Polemarcho tantum profuisse, ut pro septingentis millibus daret mille? Vix hoc sub clementissimo prætore, desperato prorsus anni proventu, cuiquam evenisse crediderim. Potius acceptum credo apud Verrem, perinde ut narrat Livius ab X viris habitos e plebe Romana: si quis ad collegam appellasset, ab eo, ad quem venerat, ita discedebat, ut pœniteret non prioris decreto stetisse. Plus est ergo mille numero priori, nempe septingentis, non DCC millibus. Nisi & mille millia dici putavit. Cogitemus & summam. Si simpliciter intelligimus, in quin-

quaginta jugera fuisse imperata medimna septingenta, in singula jugera jussus est dare medimna quatuordecim: exactio improba, cum tantum singula plus minus deberet. At si septingenta millia, debuit in singula jugera dare mille quadringenta. Quotus autem quisque ager cum millesimo reficit? Præcudit rem, quod exstat cap. XLVI. *In jugere agri Leontini medimnum fere tritici seritur, perpetua atque æquabili satione: ager reficit cum octavo, ut bene agatur: verum, ut omnes dii adjuvent, cum decimo. Quod si quando accidit, tum fit, ut tantum decuma sit, quantum severis: hoc est, ut quot jugera sunt sata, totidem medimna decumæ debeantur.* Inde graviter increpat, pluribus millibus medimnum venisse decumas istius agri, quam quot millia jugerum sata essent: in beneficio datum esse, ut in singula jugera ternis medimnis decidere liceret. Quæ cum considero, propemodum adigor, ut istic pro quinquaginta jugeribus reponam quingentis. Priscianus, inquit Scaliger, l. VII. agnoscit *medimnum* (cap. XX I. ejusdem orationis) non *medimna*. quare menda est vetustissima. Priscianus legit *septies medimnum*. quod & ipsum est adjectivum. Immo non est mendosum *medimnum*, sed *septies* pro *septem millia*, quod constanter habent editi, & scripti. Scioppius cum insultat Scaligero, quod fateatur subaudiri *centum millia*, & nihilominus *medimnum* adjectivum esse

esse pugnet, aut non cepit mentem ejus, aut invertit. Non enim fatetur Scaliger *centena millia* subaudiri, ut nec in *decies sestertio*, sed *septies medimnum* ait esse septies centena millia medimnum, ut *decies sestertium* est decies centena millia nummum: conceptum autem & formatum utrumque ea ratione, quam ipse diversam a cæteris invenerat, alterius adjectivi, alterius substantivi. At ipse Scioppius egregie fallitur, cum Prisciani vitiosam in Cicerone lectionem amplexatur. Atque ideo videat, quam sententiam in se dixerit, cum, postquam stolidos ac dementes concinnavit Grammaticos, haud dubie majorem ejus esse stulticiam decernit, qui quod alteri stulte in mentem venit, comprobatur, quam qui ipse stulte quid comminiscitur. Septies centena millia medimnum nemo unus aratorum ex agro decumano unquam collegit, si maxime hæc intelligi sermo pateretur. Venibat eo tempore medimnus quindecim nummis. Facerent igitur septies centena millia medimnum, centies & quingenta millia sestertium, quod non erat aratoris decumani patrimonium.

C A P. II.

Aldi Manucii æstimatio pecunia veteris ad nostram examinatur. Denarius nunquam duodecim assium. Ημισιασάειον quomodo τέτρατον μέρϑ οβολῷ Polybio: quomodo quinque asses δύο οβολοὶ. Semissis sextans

quarta pars oboli. Victoriati, sestertii, dupondii, cum obolo & chalcō collatio. De stipendio militum Romanorum excursus. Zonara LXXV drachmas, quas habebant ante Domitianum, videri pensionem quadrimestrem. Domitianus quartum addidisse stipendium qui dicatur Suetonio. Articuli & gradus aucti militibus stipendii. Tres nummi apud Plautum non significant tres asses primi stipendii. Colligitur illud probabiliter ex Livio, as duo trientes in diem. Bina millia aris à Servio Tullio equiti adsignata. Varroni ut equus publicus mille asfarium. Equites plures censu quam equo publico. Livii duo loca, qua pugnare videntur, conciliata. Catonis duo millia arum equestrium qua. Stipendium militare ante Iulium, quini asses in diem: qui videntur primum dati bello Punico secundo, mutato are signato. Ab Iulio deni asses diurni, annui novem aurei, cuius summa pars tertia quarto quoque mense numerabatur. Domitianus fecit aureorum duodecim annuorum diurnos tredecim asses trientem. Augustum non minuisse beneficium Iulii. Stipendiorum formula, quid apud Suetonium. Stipendium pratorianorum. Dio cum Tacito conciliatus. Tribunorum militarium salaria. Sub primis imperatoribus stipendium non nisi in are persolutum.

QUoniam autem tot diversæ atque inter se repugnantes existant à doctis viris initæ pecuniæ veteris æstimationes, non pigebit, ut studiosi tirones minus hac dissensione turbentur, quarundam vitia detegere. Aldus Manucius in Quæstis per epistolam redigit sestertios ad æream pecuniam partemque asfium quadrantes: & ex numero quadrantum, qui sint in scutato, colligit numerum sestertium nummum, qui eundem scutatum adæquent,

quent, mediis & interpretibus quasi quadrantibus. Scutatium facit quadringenum (ita enim voluit, etsi liber, quo utor, quadragenum) quadrantum, ut bajocum Romæ, quæ nunc est, quadrantum quatuor:centum nempe bajoccos habet scutatus: sestertium existimat quadrantum duodenum seu assium trium: ergo sestertiis nummis triginta tribus cum asse definit scutatium. Primum confundit æs grave cum eo, cui postea in pecunia tantum ponderis detractum est. Nam huiusmodi quadrantes, quales putantur quatuor in bajocco, non sunt duodecim in sestertio nummo, sed tantummodo decem: bajoccos enim duos dimidium habet sestertius: itaque tot bajocci hodierni denarium faciunt, quot olim libræ æris, & duo dimidiatus tanquam dupondius semis pro sestertio censentur. Ergo quadringeni isti quadrantes respondent quadraginta sestertiis, non tantum tricenis ternis. Alterius generis asses (quales quatuor, non tantum tres, sestertius valuit) in scutatium incurrunt, haud centeni modo, sed centeni sexageni, & propterea ejusdem generis quadrantes sexceni quadrageni: qui & ipsi tam decem denariis quam quadraginta sestertiis continentur. Iam si quæras, quid spectaverit, quum sestertium nummum fecit trium assium, palam fit tertius error, quia denarium, quamvis de illo sileat, duodecim assibus con-

tra Vitruvii, Plinii, Volusii Maciani, (quos juvat lex ult. Cod. de donationibus) traditio-
nem liquidam & manifestam definivit. At hæc illi suspicio nata est ex Polybii loco, ubi
scribens de commoda Italiæ annona, ἡμιασσα-
ριον ait esse τέταρτον μέρος ὀβολῷ. Lib. 11. Ποι-
εῖν τὰς καταλύσεις οἱ δωδεκάονες τὸ χωρὶς ἐν
τοῖς πανδοχείοις, & συμφωνεῖν περὶ τῷ μέρει
ἐπὶ τῆς δέρας, ἀλλ' ἐρωτῶντες πότε τὸ ἀνδρὶ δέχονται.
ὡς μὲν ἐν τῷ πολὺ παρὲν οὐ καταλύται οἱ
πανδοχεῖς, ὡς ἱκανὰ πάντ' ἔχειν τὰ πρὸς χρεῖαν
ἡμιασσαρίων. τὸ δ' ἐστὶ τέταρτον μέρος ὀβολῷ.
σπανίως δ' ἐπὶ τῷ ὑπερβαίνουσιν. Obolus sexta
pars drachmæ: si semissis quarta pars oboli,
& oboli binorum assium singuli, in sex obo-
lis, qui drachmam seu denarium faciunt, non
possunt esse præter duodecim asses. Budæo
& Hotomanno monstrum videtur, tantillo
sumptu quemquā posse in diversorio se pro-
curare: sed longe magis offensus Hotoman-
nus illa drachmæ seu denarii æstimatione
duodecim assium, reponit, τρεῖς ἡμιασσαρίων,
& dein, τέταρτον μέρος δραχμῆς: quasi non Po-
lybii ævo sestertius quatuor assium jam fuisset.
Sed cum hoc sub titulo se parem compo-
suit Henr. Savilius, vir eruditione & animo
excellens, (quapropter ob unam infelicem
Hotomanni conjecturam derisisse sacram, ut
vocat, Criticorum artem, qui tantus ipse fuit
Criticus, indignor) & probat quidem, non
ab-

abhorrentem a vero, utcumque miram, esse Polybii narrationem: sed ubi ad alterum incommodum de denario duodecim assium ventum est, delinquit, ostentando hæc ipsa verba, de quibus ambigimus. Etiam Snellius de hoc Polybii loco, Budæum imitatus, ἐπέχθῃ, nisi forte quis dicat obolum majorem (qui nunquam fuit) ab eo intelligi ratione talenti Attici majoris minarum octoginta: quæ computatio ad amissim cum denario decussissexi congruat. Verum enimvero Polybius vulgato more rotundandi numerum usus, pro semisse sextante, vel duobus trientibus, qui faciunt octo uncias, ipsam quartam partem oboli, semissem sive ἡμισιὸς ἄριον dixit. Drachmam concepit pro denario sedecim assium. Quum autem drachma sedecim æstimatur assibus, obolus æstimetur oportet duobus assibus cum semisse & sextante, sive octo uncias vel besse: nam bis sex duodecim; restant asses quatuor ad implendos sedecim, qui habent quadraginta octo uncias, quæ in sex partes, ut sex oboli sunt in drachma, dispensatæ, cuique bessem sive octo uncias, in nummis semissem & sextantem, aut duos trientes, relinquunt: ἡμισιὸς ἄριον igitur assen & trientem sive quatuor uncias æquat: quadrans oboli semis sextans, vel duo trientes, octo scilicet uncias. Vel sic. Drachma sex habet obolos, obolus octo chalcos, ergo drachma XLVIII chalcos. Denarius

rius habet duos victoriatos, quatuor fester-
tios, octo dupondios, asses sedecim. Ergo vi-
ctoriatus tres obolos, viginti quatuor chal-
cos; sestertius obolum & hemiobolion, chal-
cos duodecim; dupondius chalcos sex do-
drantem oboli; as tres chalcos, oboli qua-
drantem & fescunciam, quasi sit ipsum τε-
χαινον Græcorum. Ergo semis chalcum &
dimidiatum. At quarta pars oboli duo chalci.
dimidium ergo chalci amplius quam debet
rotundandæ summæ gratia semissi tribuit
Polybius. Idem l. vi. Ο' ψώνιον δ' οἱ μὲν πεζοὶ
λαμβάνουσιν ἡμέρας δύο ὀβολῶς· οἱ ἡ ταξίαρχοι
δὲ πλεον· οἱ ἡ ἵππεις δὲ τετραχμύ. Vbi δύο ὀβολοί,
quinque asses, quod stipendium fuit militum
usq; ad Iulium Cæsarem. Exacte quidem sunt
quinque asses cum triente, sed propius quin-
que assibus Græce nihil potuit rotunde dice-
re: ut τετραχμύον ὀβολῶς dixit ἡμισιαστέον pro
semisse sextante. Nam quod Savilius Lipsium
advocat in stipendii militaris taxatione, συ-
κίνη ὀπικυρία. Queruntur apud Tacitum mi-
lites, *denis in diem assibus animam suam & corpus*
estimari: testatur Plinius decem asses in sti-
pendio militari denarii nomen retinuisse: sed
confidentius quam verius hinc præcipit Li-
psius, sub Augusto aureum seu viginti quin-
que denarios menstruum stipendium militi
fuisse: ad quos viginti quinque denarios de-
nis in diem assibus redactis necesse sit dena-
rium

rium fuisse duodecim assium. Curenim menstruum illud non potest octodecim denariorum, qui singuli sedecim assium essent, cum dodrante seu duodecim assibus fuisse, quos faciunt deni asses in diem triginta diebus? Unde scimus necessario menstruum illis venisse aureum, seu denarios quinque & viginti? Claro quidem, inquit ille ad Tacitum, e loco Suetonii in Domitiano c. vii. *Addidit & quartum stipendium militi, aureos ternos*. At quanto verius de eodem dixerat in Electis: paucis, sed, dii boni, turbulentis verbis. Quid enim ad correctionem decurrendum fuit, si omnia clara erant? Ipse facit, *aureis ternis*; subscribit Torrentius, sed & malit, *militare*: Casaubonus, *ad aureos ternos*, ita tamen, ut rem totam differat. In ipso stipendio definiendo ut nant! ut sparguntur diversi! Fuere, qui duodecim aureos menstruos hinc militi efficerent. Lipsius, Torrentius, Salmasius quatuor cudunt in mensem, quadraginta octo annuos. Vinc. Contarenus ternos menstruos, annuos triginta sex, cujus non leves rationes agnoscit Casaubonus. Puteanus singulos menstruos, annuos duodenos. Lipsius primum sub Augusto vult fuisse mense quovis aureum, adjectum alterum a Caligula vel Claudio, tertium fortasse per bella civilia Othonis & Vitellii, quartum a Domitiano. Contareni primum stipendium sub Augusto de-

narii octonideni, asses duodeni: additum deinde alterum tantum, & tertium à nescio quibus, & quartum tantundem a Domitiano. Puteanus primum facit annum, & sic simplex, dein semestris & sic duplex, mox quadrimestris & sic triplex, tandem trimestris, & sic quadruplex. Tantæ quæstionis pondus excipere his humeris, pæne temerarium, nobis eo, credo, excusatum erit, quod non quæsitam, ultro media via occurrentem, obstantem, procantem, nec honestum mihi declinare nec integrum. Quare absint formidines pueriles: Photis illa tentetur. Ex verbis Zonaræ conjicimus Suetonium voluisse, ad tres aureos, sive septuagenos quinos denarios, quos accipiebant quarto quoque mense milites, adjectum a Domitiano aureum unum, sive quinque ac viginti denarios. Zonaræ verba sunt: *Τοῖς στρατιώταις ἐπιτύξῃσι τὸ μισθοφορεῖν, τὰ χαλκὰ δὲ πλὴν νίκλων πέντε γὰρ ἢ ἐβδομήκοντα δραχμαῖς ἑκάστη λαμβάνοντο, ἑκάτὸν ἐκέλευσε δίδοσθαι.* Hoc stipendium quinque & septuaginta denariorum fuisse quadrimestris satis probabiliter potest colligi. Deni in diem asses faciunt in mensem triginta dierum asses trecenos, denarios (quos non intelligimus nisi sedecim assium) octodecim & denarii dodrantem seu duodecim asses. Binis mensibus fiebant triginta septem denarii, octo asses: ternis quinquaginta sex denarii, quatuor asses: quaternis
igi-

igitur septuaginta quinque denarii ipsi, qui sunt etiam ipsi tres aurei. Quum dicit ergo Zonaras, militem ante Domitianum stipendii accepisse septuaginta quinque denarios, id non potest accipi de stipendio menstruo: nunquam enim tantum menstruum fuit, quod, quia diurni erant asses deni, non excedebat octodecim denarios dodrantem, seu trecentos asses ex instituto Iulii Divi, quod mansit ad Domitianum usque: neque potest esse annuum, quia iidem asses decem diurni faciunt tria millia sexcentos asses annuos, qui sunt ducenti viginti quinque denarii, aurei novem. Restat, ut quia septuaginta illi quinque denarii sunt tertia pars hujus, quam modo expressi, summæ aureorum novem, ea summa tribus pensionibus sit soluta. Quod non potest intelligi aliter factum, quam ut quarto quoque mense unam acceperint pensionem, tres aureos: neque enim annus in tres partes nisi quatuor singulas mensium tribui potest. Atque ita apparet septuaginta illos quinque denarios fuisse stipendium quadrimestre. Illud autem quod addidit Domitianus, Zonaræ viginti quinque drachmas vel denarios aureum complentes unum, si singulis pensionibus sua pars addita putetur, Suetonius vocat *stipendium quartum*. Intelligit ergo militem accepisse antea tria stipendia, quæ nihil aliud sunt quam tres pensiones quadrimestres
unius

unius anni: significat etiam hoc ipso loquendi genere aliam rem, quam, absque illo esset, ex nemine alio sciremus: nimirum, non modo pensionibus illis tribus addidisse aureos singulos Domitianum, sed etiam pro tribus articulis & pensionibus numerandi militibus annui stipendii instituisse pensiones quatuor: quas oportet necessario fuisse trimestres: neque enim annus in quatuor æquas partes nisi trium mensium dividitur. Sic igitur miles sub Domitiano *quartum* accepit *stipendium*, seu quater in anno accepit stipendium singulis vicibus trium aureorum: qui sunt omnes aurei duodecim, seu denarii trecenti, quatuor autem millia octingenti asses: inensem aureus, sive denarii viceni quini, vel asses quadringeni; in diem tredecim asses cum triente. Hoc *quartum stipendium* esse Suetonio, ut & Zonaram de quadrimestri loqui, aliis & suis argumentis, quæ non repetimus, primus animadvertit Ericius Puteanus, vir disertissimus, ejusque perbellæ observationis potissimum gaudio commotus Syntagma de stipendio militari Romanorum conscripsit, quod utiliter legitur. Nec tamen, ut probemus recte *quartum* appellari, numeremus ista tria stipendii genera, necesse est, ut facit Puteanus, neque satis belle procedit. Etenim quum Varro dicit, *quod annuum aut semestre dabatur*; non intelligimus una pensione

sione aut duabus datum, quod toto anno mererent, sed quod pro annua aut semestri militia numerabatur sive quot mensibus, sive quarto quoque vel tertio æquales ejus portiones solutæ fuerint. At trimestre aut quadrimestre est pars tertia vel quarta annui: multoque magis constat annum fuisse stipendium, hoc est, in totum annum meritasse milites æra, dum sive quadrimestres sive trimestres fuerunt ex pensionibus, quam superioribus seculis. Mittamus ista stipendii genera, nec metuamus Suetonio, tanquam, nisi essent ista, non potuerit *quartum* vocare. Sufficit intelligi, præterquam quod *stipendium* significat omne illud, quod annum dabatur, inolevisse usu castrensi, ut quia illud annum tribus numerabatur pensionibus, *stipendium σωκεδοχικῶς* interdum dicatur pro pensione quavis seu tertia parte stipendii: atque ita quum miles hoc sensu vocabuli *tria* quotannis *stipendia* acciperet, singula trium aureorum sive Lxxv drachmarum, seu quum ter in anno ei solverentur singuli trientes stipendii annui, Domitianum instituisse, ut quater hujusmodi *stipendia σωκεδοχικῶς* accepta numerarentur, atque ex triente annui fieret quadrans, totumque annum constaret expenso quater illo quadrante partibus anni trimestribus. At Zonaras tradit tantummodo, in quantum temporis acciperet
prius

prius miles LXXV, in tantundem Domitianum ei assignasse centenos denarios, sine mentione mutatarum pensionum. Sane non dicit mutatas: sed nec negat. Iuxta enim verum est quarto quoque mense accepisse centenos, etsi non expenderentur nisi trimestres terni aurei. Secus & mihi si exhibenda essent tria diversa ante Domitianum stipendii genera, alia via progrediar: etsi magis hoc συσκευία quadam videatur contingere quam ad illa respexisse Suetonium. Zonaræ illud commemoratum pristinum trium aureorum stipendium fuisse quadrimestre non possumus ambigere. Quod quum a Cæsare Iulio introductum sit, duplicante quod prius fuerat, necesse est ante illum fuisse quinos asses in diem, qui menstruos faciunt asses c L, denarios novem cum sex assibus; atque iidem annui sunt asses M^oCCC, denarii cxii & victoriatas, seu octo asses, aurei quatuor & unius dimidium, nostri coronati xi cum quadrante. Hi quini asses diurni sunt, quos τῆς ἡμέρας δύο ὀβολὸς appellat Polybius. Ante hæc omnia tres asses diurnos militantibus datos colligunt Lipsius & Puteanus ex Plauti Mostellariæ verbis: *ferritribaces viri, isti, qui trium nummorum causa subeunt sub falas*. Quod etsi parum certum, satis tamen credibile est alium fuisse modum stipendii, quum assibus libralibus uterentur, alium postquam tanto circum-

cumcisis contenti fuerunt. Asses illos tres Lipsius facit e denis explentibus denarium, a Contareno confutatus ætate Plauti: Puteanus e senis denis, nihilo cautius, quum in toto Plauto nuspiam *nummus* pro asse ponatur. Dein si tales sunt, non possunt esse stipendium primum: illud dico, quod obsidenti Vejos militi decretum est: tunc enim ejusmodi asses nulli fuerunt. Sed nec potest sic probabiliter statui, quando & qui stipendium a tribus assibus ad quinos pervenerit. Dicit quidem Puteanus, crevisse stipendium urgente jam Italiam Hannibale, tanquam majori præmio defendi respublica debuerit, quum discrimen immineret. Fortasse, si modo potuit. At non potuisse arguunt angustiae ærarii temporis illius. Nec tunc mutatum stipendium, ut majore præmio invitaretur miles, sed quia mutatum erat æs signatum. Videamus an aliunde quid plausibilius eruere possimus. Livius lib. 1. *Ad equos emendos dena millia aris ex publico data, & quibus equos alerent, vidua attributa quæ bina millia aris in annos singulos penderent.* Servius igitur Tullius equo publico adsignavit annua bina millia aris, hoc est, viginti coronatos, ducentas drachmas. Sed si hujus initium rei a Servio, “ inquit Salmasius in inchoato de militia Rom. “ opere, quid plus tunc præstitum est, quum “ accepta clade ad Vejos voluntarii equites “ ope- “

„ operam suam gratuitam obtulere reipubli-
 „ cæ? *Placere omnibus* (verba Livii lib.v.) *his vo-*
 „ *luntariam extra ordinem professis militiam æra*
 „ *procedere: & equiti certus numerus aris est adsi-*
 „ *gnatus. tunc primum equis merere equites cœpe-*
 „ *runt.* Hoc falsum si vera sunt, quæ de Servio
 „ scripsit. Nisi quis dicat, ait, non æra ex æra-
 „ rio eos accepisse, quod postea factum, sed vi-
 „ duas eis attributas, quæ summam eam illis
 „ penderent. Quasi vero non hoc quoque a vi-
 „ duis erogaret ærarium: etenim nisi adsigna-
 „ tum equitibus esset, idem ab illis pro censu
 „ & munere militiæ, quam tanquam mulieres
 „ præstare non poterant, ærarium exegisset. Sic
 „ & militi petenda a privatis attributa inter-
 „ dum pecunia, de qua Plautus Aul. a. III. sc.
 „ v. ver. IV, & Varro lib. IV de L. L. alluditque
 „ eodem Plautus Pœn. a. v. sc. v. ver. VII. uti-
 „ que ea ipsa, quam ex ærario consequabatur
 „ miles. Dicendum potius, *bina illa millia*, quæ
 „ Servius adsignavit, non fuisse stipendium,
 „ sed sumptum alendi equi. Itaque id *impendium*
 „ vocat, & a *stipendio* separat Valerius Max.
 „ lib. v cap. VI. *In castris non eques impendium,*
 „ *non centurio stipendium dari sibi desideravit.* Sic
 „ enim in MS. bonæ notæ repertum nobis.
 „ Plerique alii codices: *non eques, non centurio*
 „ *impendium.* Quod poteram firmare L. XVI D.
 „ de re milit. *Ex causa desertionis notatus & re-*
 „ *stitutus, temporis, quo in desertione fuerit, im-*
 „ *pen-*

pendiis expungitur. Sed longe magis alterum placet, quo utrique aliquid proprium ac singulare tribuitur. Eques ita bonus reip. fuit, ut quum & *impendium* & *stipendium* ei deberetur, non modo stipendio, sed & impendio æquo animo caruerit; centuriones, quibus solis stipendium debebatur, ut id quoque postulare cessarint. Ergo a Servio hoc *impendium* est equi publici: bello Vejenti accessit etiam *stipendium*. Solebat eques in stipendiis ac donativis fere accipere triplex, quod pedes accipiebat simplum, centurio duplum. Quod probabiliter censet Lipsius inde originem habuisse, quia simplum equiti daretur pro equo, alterum simplum pro servo equifone, tertium in sumptum ipsius. Hinc videtur explicandus Varro lib. vii de l.l.: *Debet igitur dici, ut Vatiniorum Manliorum, sic denariorum: & non, equum publicum mille assarium esse, sed mille assariorum.* Duo summi viri hæc accipiunt de pecunia ad emendum equum: sed & sic inveniunt difficultatem. Itaque Lipsius scribit immissa numerali nota: *equum publicum x mille assarium esse.* Salmasio nulla suspicio mendi videtur in Varronis verba cadere: Livium potius hinc corrigendum: *Ad equos emendos una millia aris.* Si voluisset hoc Livius, sine *unis* istis, *mille vel millia aris singulis vel singula*, dixisset: ut lib. xxix. cap. xv. *in millia aris asses singulos.* Partitivum requi-

ritur : at *una* non est unum cuique , ut *dena*
 decem cuique. Cui autem non ridiculum
 videatur , Varronis utique seculo , sex coro-
 natis & tribus denariis (tantum enim faciunt
 mille asses , qui sedecim denarium complent)
 emi equum , & quidem , qui conspici deberet
 in transvectione sub sessore trabeato ? At ni-
 hil est pugnae inter Livium & Varronem , si
 statuamus proprie millenos æris contulisse
 ærarium in equi publici impensam , altera
 millia addita ad exhibendum curatorem equi
 servum. Ideo recte notat Livius *bina millia*
 constituisse Tullium ad equos alendos ; non
 possunt enim bene ali sine curatore : recte
 Varro *equum publicum esse mille assarium* , quia
 in solius equi sumptum proprie tantum mil-
 le æris cedebat. Et si autem ætate Varronis
mille assarium minus esset quam Servii *mille*
æris ; tamen non est absurdum , mutata pecu-
 nia inopi ærario & difficili tempore reipubl.
 quamvis stipendia augerentur , hunc modum
 impendii mansisse ; quod creverant interim
 privatorum patrimonia , & militiæ tempore
 tanto largiore stipendio fruebantur equites ,
 in quibus non nisi divites. Et sane oneri e-
 quum publicum , non minus quam honori ,
 fuisse constat ex præmiis decretis P. Æbutio
 apud Livium lib. xxxix. His igitur binis mil-
 libus pro stipendio credibile est accessisse ter-
 tium mille æris. Rursus hic obex Priscus Ca-
 to ,

to, ex quo colligunt, ipsius etiam ætate non ultra bina millia equites in universum cepisse. Priscianus (non enim Charisius) lib. 11. *Cato in oratione, qua in senatu suasis, ut plura æra equestria fierent: Nunc ego arbitror oportere institui, ne quo minus duobus millibus ducentis sit ærum equestrium.* In eadem: *de æribus equestribus, de duobus millibus actum.* Lipsius concordare cum Livio ait Catonem: nisi quis malit ad numerum ipsum equitum referre, ut suaserit, tot æra institui, totidemque capita, qui haberent. Hoc posterius longe rejicit Salmassius, quod non sit credibile, non plus duobus millibus equitum in equestri ordine tum fuisse, quum multo plures ætate Servii fuerint. Ante id tempus, ait, æra equestria duum millium fuere: ducentos asses adjiciendos esse ad stipendium suasis tum Cato. Sed hanc interpretationem contemnit contunditque Polybius, qui seni Catoni ætatis mediæ æqualis fuit: ex eo scimus equitum stipendium annuum longe quina millia æris excessisse, quum denarium diurnum, certe non infra quindecim asses, haberent. Aut detur ratio, qui a binis millibus, quibus jam trecentos per annos continebatur, ut volunt, intra ejusdem hominis, qui pro magna re suasis asses cc adjicii, ætatem ad sena præe millia pervenerit. Sed nec moribus Catonis, viri frugalissimi & severissimi, minimeque

largitoris, minime ambitiosi, convenit huiusmodi suasio, in nullum reipubl usum gravis ærario futura. Præterea, ne sermo quidem istum sensum pati videtur, ut *duo millia sunt ærum equestrium*, significet, æs equestre vel stipendium equitum est duo millia: nam quum *æs equestre* vel *æra equestria* dicimus, non singulos asses intelligimus, sed singula vel singularum personarum stipendia. Hinc in lapide antiquo ille *L. Valerius L. F. Vol. Maternus, Toletanus genere, miles legionis x Gemina, ann. xxxv, ærum duodecim*: hinc *procedere æra, ære diruti*, & similia. Ita, *tot sunt æra equestria*, multo suavius auribus quidem accidit meis hac sententia: tot sunt, qui æs equestre trahant: tot sunt loca vel numeri equum publicum habentium: quam ista: tot sunt asses, qui cuique equiti dantur. Nam numerum Servianum Catonis seculo constituisse cur necessarium sit inter tot varios reipublicæ casus? quum vel Punico secundo bello & ob Cannensem cladem & ob ærarii angustias eum imminutum fuisse, prope certum, non arbitrium sit: eoque non extra fidem, versa in meliorem statum republica primulum ducentis eum augeri voluisse Catonem; sequentibus ætatibus paullatim crevisse adeo, ut sub Augusto Idibus Quintilibus ad quinque millia transyehentium conspicerentur, ut testatur Dionysius. Vult ille recordari, quod non

igno-

ignorabat, multo plures equites fuisse censu quam essent equo publico? *Quum repente*, inquit Livius, *quibus census equestris erat, equi publici non erant adsignati*. Itaque etsi multis partibus plures in equestri ordine fuerint ætate Catonis, non tamen necesse est plus duobus millibus fuisse ærum equestrium, seu plures duobus millibus equo publico fuisse. Mira hic quoque hallucinatio summi viri, qui non nisi ter tradit, *equum publicum* sæpe occurrere in vet. monumentis pro eo, qui equo publico meret: & addit miram quidem, sed Romanis solitam locutionem, ut *ordo* pro ordinis ductore, *cura* pro curatore. Nuspian, quod meminerim, *equus publicus* dicitur, qui habet equum publicum, sed persæpe ea persona dicitur *equo publico*, nempe fruens equies. Vt aliquis dicitur *Proconsule* vel *Propratore*, nempe legatus vel præfectus: ut imperator *tribunitia potestatis* dicitur, nempe consors vel compos: ut denique aliquem dicimus frugi. Sic invenio: *Ti. Claudio. Tib. Fil. Pal. Rufino. Equo. Publico. Praef. fabr.* At si prima nominis forma hunc appellarem, pariter esset *T. Claudius equo publico*. non profecto: *Tib. Claudius equus publicus*. Iterum: *C. Claudio L. F. Fab. Sabiniانو. Equo. Public.* Mulum, credo, appellasset ille Claudius; qui se vocasset *publicum equum*. Sed non ægre ferebat se scribi *C. Claudium equo publico*. nempe fruentem equitem.

Has igitur salebras utcumque eluctati, videmur non incommode posse statuere, equiti post stipendia primum militantibus constituta venisse annua tria millia æris, triginta coronatos: & ex eadem ratione pediti mille æris annum collatum: quod si ad dies revocetur, efficiet diurnos asses duos dodrantem circiter. Etenim externis millibus quarto quoque mense merebat eques mille: ergo singulis mensibus ducentos quinquaginta: ergo diurnos asses octo trientem: nam tricies octo sunt CCXL; triginta trientes, decem asses. Horum octo assium tertia pars, bini asses dodrans. Sic igitur primum stipendium fuit, quod bello Veienti arctis etiam publicis privatisque opibus sive hoc, quod suspicamur, sive qualecumque constitutum est. Secundum obtinuit quinorum assium, quod Polybius agnoscit, & Iulius duplicavit. Hoc in ære multo recisus est priore: binas enim libras & novem uncias æris prius continebat diurnas, sed amplius ratione formatum signatarum, quæ tunc valebant, & argenti, cui exaquabatur: sestertium enim faciebat & assen, quum prius sestertium & quadrantem. Ita nec miles querebatur, qui cum accipere solitus esset undecim quadrantes, denarii partem quartam & quadragessimam; nunc accipiebat quadrantes viginti, denarii propemodum tertiam: & res publica lucrabatur, quæ, quod fuerat stipendium

dium militis unius, eo jam undecim tuebatur, assibus ad semuncias redactis. Tertium quod Iulio debuerunt dominationis auctores, quini alii ad pristinos quinos asses adjecti. *Quartum addidit Domitianus stipendium militi, aureos ternos, super novem, quos habebat annuos, sive singuli sint additi pensionibus quadrimestribus, sive terni fuerunt quater dati trimestres.* Ex his videre est, quanto errore Snellius, quod est apud Suet. c. XLIX, *quidquid ubiq, militum esset, ad certam stipendiorum præmiorumq, formulam adstrinxisse* Octavianum, interpretetur, cum legem, ut loquitur, Iuliam revocasse (quod tamen & Torrentio excidisse video ad Iulii c. XXVI, juxta falsum atque quod subjungit, succēssores Augusti pro sua quemque libidine iterum auxisse) præterquam in cohorte prætoria, quibus binos denarios in diem assignarit. Non pendebat ea res ex libidine cujusque imperantis, neq; in augendum, neque in minuendū: illud ob immanem sumptum, quod expertus Domitianus; hoc ob iram legionum. Non nisi Mutinensis corde Vagelli dignum erat offendere tot caligas, tot millia clavorum. Octavianus ob industriam cavet, ne alios milites tam viles, quam prætorianos tam pretiosos haberet. Allisus ad eundem scopulum Lipsius in Mil. Rom. rem a Iulio motam hic ait non stetisse, sed auxisse Augustum, & e productis Suetonii verbis inter-

pretaturus illam *certam stipendiorum pramiorum formulam*, eum modum, subjicit, fuisse denos asses diurnos ex Tacito liquere. At hi a Iulio sunt, neque ab Augusto aucti, nisi in cohortibus prætoriiis & urbanis, ab ipso institutis. *Stipendia* autem hic Suetonio non sunt militum mercedes, sed ipsæ militiæ sive anni militiæ. Dio eandem rem sic refert l. LIV. per quæstorem recitasse in senatu libellum, in quo *διέταξε τά τε ἔτη* (hæc *stipendia* Suetonio) *ὅσα οἱ πλεῖται στρατεύουσιν, καὶ τὰ χεῖμαλα* (hæc *præmia*) *ὅσα πλουσιώμενοι τῷ στρατείᾳ ἀντὶ τῆς χώρας, ὡς αἰεὶ ποιεῖται, λαμβάνουσιν*. Immo ipse Suetonius sese proximis verbis interpretatur: *definitis, pro gradu cujusq; & temporibus militia* (hæc quam dixerat *formulam stipendiorum*) *& commodis missionum. hæc præmia*. Quo magis mirum, repetere hunc errorem Lips. Admir. l. II. c. IV. At bonus Snellius, qui paullo ante limitaneis militibus assignaverat denarios menstruos vicenos, prætorianis sexagenos, id est tres aureos, quindecim denariis minus, mox immemor superiorum in Domitiano Suetonii sequitur Lipsii correctionem, *aureis ternis*, & nullo discrimine militi ad aureos ternos, quod ante sub imperatoribus sortiti fuerint menstruum, a Domitiano esse quartum additum autumat. Quis ergo medio tempore alteris quindecim, alteris LV menstruos denarios adjecit? An solis prætorianis benignum putavit Domitianum

num fuisse? At ea non tam damnosa largitio, ut referri debéret inter sumptus, quibus exhaustus ad manubias se convertit; quod facit Suetonius. Sed & huic liberalitati longinqua expeditio, ut ex Zonara colligere est, atq; adeo non prætorianus modo, sed vel maxime legionarius, occasionem dedit. De prætorianis nihil eximii Suetonius & Zonaras: & palam est, in omnia militum genera pertinuisse hanc stipendii accessionē. Illorum stipendium eruimus ex Suetonio & Tacito. Alter de legatis Augusti: *Prætorianis militibus singula millia nummorum, cohortibus urbanis quingenos, legionariis trecentos nummos.* Servavit eundem Tiberius modum in suo testamento: *τοῖς δορυφόροις πεντήκοντα ἢ Ἀλκιβιάδης δραχμαὶς, τοῖς ἀσκητοῖς ἀνὰ πέντε ἢ εἰκοσι ἢ ἑκατὲν δραχμαὶς, τοῖς δ' ἄλλοις ἀπασιν πέντε ἢ ἑξομύκοντα*, uti testis Dio l.lix. Hi trecenti sesterterii, quos viritim legionariis legaverunt Octavianus & Tiberius, sunt quinque & septuaginta denarii, velut a Dione redduntur, sive aurei Romani terni, stipendium quadrimestre, uti diximus. Credibile est igitur, mille nummos, hoc est, ducentos quinquaginta denarios, sive decem aureos, fuisse quoque prætoriani militis quadrimestre stipendium. Sane fuerint hi menstrui denarii sexageni bini, cum unius dimidio, in diem bini denarii ac triens: congruuntque mirifice querelæ Pannonicorum apud Tac. l. i ann.

C. XVII: An pratorias cohortes, quæ binos denarios acciperent, plus periculorum suscipere? Vbi, præter aliorum infelicitè tentata, etiam Hotomannus bis denos, ut intelligantur asses. Inductus nimirum verbis Dionis I. LIII, ubi ait in VI Augusti consulatu, τοῖς δορυφορήσασιν αὐτὸν διπλάσιον ἢ μισθὸν ἔχουσιν τοῖς ἄλλοις στρατιώταις διδομένοις ψηφιστάριον. Vnde Lipsius quoque; putavit de duobus denariis invidiosam esse orationem, & augendæ rei, quum tantum viceni asses forent. Sed nihil vetat credi utrumque verum esse, & ipsum Augustum postea triplum fecisse, quem admodum etiam de militiæ annis & præmiis bis constitutum est: prius, ut prætoriis cohortibus duodecim post annos, aliis sedecim emeritum esset, Dionis I. LIV: dein, ut illis sedecim, his viginti, ejusdè I. LV. Iam similiter credibile est urbanarum cohortium militum quadrimestria stipendia habuisse nummos quingentos, qui centeni viceni quini denarii, vel quini aurei; in mensem triginta unus denarii cum quadrante, hæc est, sestertio vel quatuor assibus; diurni denarii singuli biniq; trientes, Græce δραχμὴ δύο χαλκοὶ ἡμερήσιον. Annuos igitur prætoriani ab Augusto triginta aureos, sive tria millia nummum, vel septingentos quinquaginta denarios. coronatos septuaginta quinque; urbani quindecim aureos, sive mille quingentos sestertios, denarios trecentos & quinque supra septuaginta, coronato tri-

triginta septem & dimidiatum habuere. Domitiani augmentū in prætorianis & urbanis dupliciter potest intelligi: ut vel ipsos tres aureos acceperint & illi plus solito, vel proportionē auctum tertia parte perceperint stipendium. Si prius, ad triginta tres aureos, qui sextertii tria millia trecenti, denarii octingenti viginti quinque, coronati octoginta duo cum dimidiato, prætoriani; urbani ad octodecim aureos, qui mille octingenti nummi, denarii quadringenti quinquaginta, coronati quadraginta quinque, provec̃ti sunt: si posterius, ad quadraginta aureos, id est, mille denarios, quatuor millia nummum, coronatos centum, prætoriani; urbani ad viginti aureos, hoc est, denarios quingentos, bina millia nummum, coronatos quinquaginta annuos pervenere. Cl. Salmasius ad Fl. Vopiscum, & ipse Domitianum militaris stipendii modum quaternos in mensem aureos statuissē pro certo habet, ita ut miles octo & quadraginta aureos annuos acciperet: hoc est, quatuor millia & octingentos nummos, vel mille ducentos denarios, nostros scutatos vel coronatos centū viginti. Et hinc corrigit locum, ut ait, vulgo corruptissimum: *Addidit quartum stipendii militi in aureos ternos*: quod sit, addidit militi quartum aureum in ternos aureos stipendii: vel, *Addidit & quartum, stipendium militi, in aureos ternos*: quod sit, quartum, subaudi aureum, addidit

dit in aureos ternos, militi stipendium. quæ posterior illi omnino vera lectio est. Hæc jam collapsa & everfa illis, quæ exsecuti sumus, non est operæ propriis argumentis vel ob numerum stipendii, vel ob genera loquendi dura & a facilitate ac nitore Suetonii abhorrentia, jugulare. XLVIII aurei stipendium tribuni legionarii erat, siquidem quod acciperet pedes, id duplex centurioni, triplex equiti, quadruplex tribuno conferebatur. Itaq; miror, unde hauserint Dalecampius ad Plinii l. xxxiv. c. III. & Meursius de luxu c. VIII. tribunorum militarium salaria fuisse L sestertia: qui sunt aurei D. Peccat uterque amplius, quum sestertia illa L talentum dicit Dalecampius; id enim non ultra xxiv sestertia procedit: quum eadem MMD Carolinos facit Meursius, quæ sint MMM D CC L. Videntur in communi errore decepti narratiuncula proxime sequenti mentionem salarii tribunicii apud Plinium, ubi candelabrum quinquaginta millibus emptum dicitur: sed nihil hæc illo pertinet. Salmasius militem meruisse vult menstruos aureos quaternos, duplum centuriones, hoc est, octonos, triplex equitem, nempe duodenos, quincuplum tribunos, nempe videnos, ducem centenos. Quæ ut fuerint Valeriano imperante (& tamen fuisse parum liquido videtur adfirmari) haudquam possunt porrigi ad frugalitatem, hæc qui-

quidem in re, superiorum temporum. Magis hoc censeas, si memineris, quod ipse scribit c. vi. de M. Vfur. sub primis imperatoribus stipendia soluta in assibus constare: sed & munera data fuisse multis tum in nummis sestertiis, æreistamen, non argenteis, qui *æris gravis* nomine appellarentur. De sestertiis illis & gravi ære videbimus: sed illud haud gravatim admittimus, non nisi in ære istis principibus numerata stipendia, propter auctorem incertum De Rebus bellicis, qui adjungitur Noticiæ Imperii. Ejus hæc sunt verba: *Potentia regalis pro licentia speciem suam tantum in auro argentoque signavit, quæ pro reverentia figuræ, nullis usibus proficiens, ad honorem regium sacrata permansit. Aëris autem materia, quæ jam præ copia vilior erat, ad dona militaria & varia populorum commercia signabatur. Addit deinde, Constantini demum temporibus profusam largitionem aurum pro ære, quod antea magni pretii habebatur, vilibus commerciis adsignasse. Qui locus notabilis ac singularis. Quum igitur tot aureos, tot nummos, tot denarios militibus datos legimus, ut plurimum summam potius in ære, quam formas in auro & argento depensi stipendii & largitionis erogatæ nos jubet intelligere iste auctor. Quo autem major numerus æris quamvis parvo auri & argenti ponderi respondet, eo minoris in auro & argento collectæ summæ fuisse credibile est id, quod in ære dabatur. Et sic*
sti-

stipendio veteri partim renato, partim constituto, decolavit etiam ille $\chi\iota\epsilon\delta\eta\lambda\theta$, quem primus sibi Manucius finxit, duodecim assium denarius. Neve putes oblitteratos dudum errores nos sine necessitate & sero reprehendete, retulit eundem nuper Rualdus, tanti supercilii, ut se Romanam & Græcā pecuniam melius, quam Plutarchus & Budæus nosse postulet, anim. ix. in Plutarchum. Retulit Lud. Savotus l. iii. c. xx. testatus se reperisse veram opinionem Lipsii, paucis licet probatam, de denario duodenum æris. quid ita? quia aureo menstruo stipendio decem asses diurni id volunt: quia Polybius semissem dixit quartam oboli partem. At hæc vetera sunt. Adeo difficile est, quem bonum ducem esse certum habeas, ejus etiam in devium, qui tamen contingunt, flexus & vestigia non sequi. Cæterum Manucius ab hoc principio profectus, non potuit non, quicquid procedit, a recta æstimatione longius deerrare. Sic mille *sestertiū* facit xxx scutatorum quum tantum sint xxv: sic *decem millia* trecentorum, qui sunt ccl: sic *centum millia nummum* tria millia scutatorum, quæ valent duo millia quingentos: & sic deinceps. Videtur autē Aldus Paulli patris abacum secutus: nam hic quoq; doctos suos in Ciceronem commentarios hoc perpetuo calculorum errore deformavit. Ad Divinationem in Q. Cæcilium *bina sestertia* ei sunt scutati lx: in

Cæliana triginta millia nongentos facit, qui sunt DCCCL: in Verrinis decies triginta millia, quod est viginti quinque millium: atque ita passim. Quæ præterea in Manuciana computatione desideramus, alibi locum jã invenere.

CAP. III.

Alexandri Sardi æstimatio veteris pecunia sub censurã revocata. Denarius sedecim assium non fuit gravior eo qui decem valuit. Mille quingenta drachma non magis quindecim millia priscorum assium quam mille quingenti denarii. Denarius argenteus decima pars scutati aurei. Viginti quatuor sestertia, sexaginta libra argenti, & sic talentũ Atticum. Sestertius assium quatuor idem qui duum semis, nec differunt nisi tempore. Festus & Gellius defensi. Achaicum talentum, quod fingunt viri docti, explosum. Talentum Alexandrinum, non duodecim, sed duodecim millium denarium. Polybii, Livii, Prisciani loca ab interpretatione prava vindicata. Talentum sine adjectione, scriptoribus antiquis passim pro Attico. Plauti duo loca illustrata. Mille centum nummi, apud eum, non undecim millia drachmarum, sed duo millia ducenta. Talentũ magnum, trium millium nummorum Plautinorum. Dividuum talentum, mille quingenti nummi. Talentum Syracusanum, trium denarium. Talentum idem Corinthi, quod Ægina, decem millium drachmarum Atticarum, vel denariorum. Δεκάλιτρον Æginaum, Corinthiacum, Syracusanum. Παχέα δραχμή. Hefychius correctus. Stater Corinthius vel decalitron male dicitur δίδραχμον. Decalitron obolarum Atticorum sedecim cum besse, non tricente solo oboli. Obolus Siculis λίτρος, cujus duodecim δραχμοί, qui & ὑγκία, dua & dimidia λίτραι, ὅμιον· decem, oboli δεκάλιτρον. Inde Romanis as cum suis uncis, sestertius nummus, denarius. Δεκάλιτρον non nisi per abusum vocis δρα-

drachma dicitur. Gellius rursū explicatus. Livius tentatus. Prisciano parvum, quod Plauto magnum Atticum talentum. Rhodium & Cistophorū talentū. Patere octoginta pondo. Varro apud Plinium defensus. Talentū Romanum nullum. Talentum magnum quod. non LXXX minarum, non πᾶν non argenti tantum. Livius iterum tentatus. Argentū Atticum. Commodū talentum magnum. Βεῶν, μίκερ, modicum, σὺμμετρον. Virgilius & Xenophon vindicati. Talentū magnum non appellatur Græcis. Neapolitanum, Rheginum, Siculum talenta.

Alexander Sardus splendide quidem ille promittit : Gallos, Italos, Germanos, ut palæstrice spatiasse in hoc xylo (hæc verborum ejus elegantia) neminem ab Olympiis coronam petivisse : quasi id sibi sponderet : sed tanto hiatu nihil dat dignius quam promissor Horatianus. Denarius ei continet drachmam & scriptulum : quum Plinius drachmam Atticam denarii pondus habere dicit, & Gellius *μυριάς δραχμῶν* intrepratur decem millia denarium, intellexisse illos de denario decussis. Quasi denarius decussis majoris ponderis fuerit, in tantis ærarii angustiis introductus : quasi non constet, quod denarius asses senos denos valuit, non eo factum, quia denarius argento gravior, sed quia as ære levior exstitit : quasi denique Plinii & Gellii temporibus denarium in usu quisquam nominarit, quem non sedecim assibus censeri putaret. Drachmam ait assibus decem permutatam disci ex Plutarcho,

cho, quindecim millibus assium mille quingentas æstimante drachmas. At si quis Latinus scriptor per denarios reddere voluisset ea quindecim assium millia, quæ nempe mulcta dicta est Furio Camillo, eodem numero mille quingentos denarios dixisset: nam hujus generis asses, libram pondo nempe, decem omnino valebat denarius, atque exinde nomen sortitus est. Ex proportionem auri ad argentum, quæ apud Romanos temporibus dumtaxat, intra quæ nunc nos sistimus, fuit omnino decupla, quum drachma argentea sit eodem pondere quo scutatus aureus, colligit drachmam esse decimam scutati partem. Placet inventum: certe *ἡμίτερον τῷ κελεύων* verum est, quicquid sit de *τοῖς πέντεσιν*. Hic acquiescendum erat, eaque drachma cum omnibus antiquis denario comparanda: & patuisset illi via facilis & expedita, quam saniores triverunt: sed, dum veretur, ne parum sit subtilis, in spinas & vepres incidit. Ergo drachma, tanquam decima pars scutati, solidis ei censetur septem: sed quia vetus aurum bonitate præstitit, definit esse pars decima scutati, & venit octo solidis, minus tribus ex denis partibus quaterni: itaque ex centum drachmis non decem, sed undecim gignit scutatos, & præterea libram & solidos quinque. Nam scutatatum æstimat libris tribus ac dimidia se-

ptuaginta solidis, quadringentis viginti quatenis ; libram solidis viginti ; solidum sex quatenis. Quid expectemus de denario ? hunc decem solidorum, quatenorum trium, cum senis ex decem partibus quateni futurum fuisse, si libra Attica & Romana fuissent pares : sed quia Latina Atticam excedat sextante semuncia cum drachma, jam duodecim solidorum, duum quatenorum & quatuor quinarum partium quateni esse. Ad nummularios, qui decoloratas collybo manus habent, & monetales atque aurifices ista. Vulgo homines, quum argentum auro, aurum argento permutant, si in singulis nummis tam acerbe materiam æstiment, quis finis erat futurus ? aut quando res conveniret ? Illi vero aurum putant aurum, argentum ducunt pro argento : si nummi pondus justum & notam legitimam habeant, utcumque alius alio sit auro argento-ve excoctiore : prout qui percussere aut percutiendos curavere, fidem adhibuerunt, non morantur, neque receptum consuetudine & constitutione imperantis pretium ea propter variat. Idem in æstimatione, qua veteris pecuniæ modum nostra definimus & deprehendimus, faciendum : secus nihil unquam erit certi aut in universum veri, & singulæ propemodum exercitæ monetæ vices novam requirunt nummorum æstimationem.

Super

Super hæc sæpius dictum est, in re nummaria libram Romanam & minam Atticam pares haberi: idque ipse confitetur, cum inferior talentum Atticum sex millibus drachmarum vel sexaginta minis ait constare, & in eodem collocat quatuor & viginti festeria, quæ Prisciano ipso (qui toties sibi contrarius, illi tamen unus est pro omnibus antiquis) interprete, Romanæ sint libræ sexaginta. Sed addit, ex primo festerio duarum librarum semis: perinde ut superius ingessit de denario decem assium: quasi postquam festerius fuit assium quatuor uncialium aut semuncialium, in argento ejus quidquam fuerit mutatum. Quæ est ergo insania dicere ex quatuor millibus quingentis denariis, quæ sint sex millia drachmarum, Festum constituere Rhodium talentum? Drachmas Atticas utique *denarios* vertit Festus, idemque talentum est quatuor millium quingentarum drachmarum Atticarum: at Rhodiarum sex millium: nam talentum quodvis sex millia drachmarum sui generis habet, quæ ad Atticas reductæ variant. Priscianum ait componere Atticum talentum majus ex centum Atticis minis, quæ sint drachmarum septem millia quingentæ: sed omittit, quod apponit Priscianus: *quarum minarum singula septuaginta quinque drachmas habent*. Sunt igitur illæ minæ, quales fuerunt ante Solonem;

nem ; secus centum minæ facerent decem millia drachmarum. Porro libram & minam hic quoque pares agnoscit Priscianus. Verba ejus : *Talentum Atheniensē parvum minæ sexaginta ; magnum minæ octoginta tres & uncia quatuor.* Deinde : *Hæc igitur computatione octoginta tres libra Romana & quatuor uncia, quod est magnum talentum , centum minas Atticas (puta veteres librarum L x x v) faciunt.* Illud eximium , quod apud Festum , ubi *Atticum talentum* dicitur *sex millium denarium*, & A. Gellium , ubi *tria talenta Attica* explicantur *septuaginta duo millia sestertia* , refingit, *Achaicum*, & *Achaica* : id enim talentum sex millium denariorum esse ex Polybio & Livio liquere. Cur non & corrigit M. Senecam Priscianumque dicentes , talentum Atticum esse viginti quatuor sestertia ? hæc enim sine dubio sunt denarium sex millia, & ter ducta eadem septuaginta duo sestertia. Cur patitur Alexandrinum talentum dici duodecim millium denarium ? quod constat duplum ad Atticum fuisse , & proinde duodecim millium drachmarum. Sed ille corrupto, credo , Festi codice deceptus ingenti errore Alexandrinum talentum facit duodecim denarium, vel quales apud illum sunt, scutorum duum, aut septem librarum, novem solidorum, quatuordecim trium, triumque quinarum, partium unius quaterni. Video

deo in eadem de Achaico isto talento sententia esse Sam. Petitum lib. I Observ. cap. IV: quæ si vera est, frustra ex Livio probat Priscianus Atheniense talentum fuisse senum millium denarium, frustraque nos Polybium Liviumque putamus nobis suffragari. Verba Prisciani: *Livius in xxxiv ab urbe condita: Multitudinis illorum argumentum sit, quod Polybius scribit, centum talentis eam rem Achæis stetisse, quum quingentos denarios pretium in capita, quod redderetur dominis, statuissent. Mille enim ducentos ea ratione Achæia habuit captivos Italicos. Qua ratione ostenditur sex millia denariorum habere talentum. Nam cum quingeni denarii pro mille ducentis captivis dati, colligantur sexcenta millia denariorum, centum ea ostendit fuisse talenta. Achæorum, ait Petrus, intelligi talenta, cum de Achæis agatur: hæc centum talenta facere DC millia denarium, quot millibus denarium non posse censeretur totidem talenta Attica, ex Livii utique calculo, sed multo paucioribus: quandoquidem scribat alibi in tetradrachmo esse fere trium denariorum pondus: Achaicum, quod & Corinthiacum, talentum constare octo millibus trecentis triginta tribus drachmis Atticis & obolis duobus: his paria esse denariorum sex millia. Polybius sæpe numero talenti meminit, quod omnes accepisse adhuc existimo, ut solet fieri, quo-*

tiescumque alia ei finitio deest, pro sexaginta minis, seu sex millibus vel drachmarum vel denariorum. Poetæ Comici, ut Plautus, quando non ex sua loquuntur persona, sed serviunt loco, ubi scenam esse fingunt, mirum non esset, si talenta nominando non intelligerent semper eadem. Historicorum alia ratio est. Sed nequidem in Plauto emolitur, quod molitur Petitus. In Rudente a. v. sc. 11. piscatori offeruntur a lenone *mille centum nummi*, quibus ille spretis, postulat *magnum talentum*. Mille centum nummi, inquit, sunt undecim millia drachmarum Atticarum; desunt centum alteri nummi, id est, drachmæ mille, conficiendo talento: ut *talentum magnum* sit duodecim millium drachmarum, seu centum viginti minarum. Plane sic & Scaliger subduxerat, miraturque Plautum in Mostellaria talentum facere sexaginta minarum, hic cxx, hunc nodum aliis solvendum commendaverat. Petitus solum putat, si cogitemus Mostellarix Athenis, Rudentis scenam esse Cyrenis: itaque Cyrenaicum vel Ptolemaicum hoc talentum esse, quod erat duplex ad Atticum. Sed qui isti *nummi*, qui centum faciunt mille drachmas, mille decem millia drachmarum? Scaliger esse vult *ἡμιχρύς* sive aureos denarios: quod pro indubitato transiit Petitus. At hic error est illustris viri confutatus

Salmasio : nam Plautus *nummum* sine adjec-
 ctione *aurei* nunquam dixit pro aureo : &
 quoties dixit, pro *stater* dixit sive didra-
 chmo. Quare hic quoque *nummos* accipi-
 mus pro argenti didrachmis. Quæ enim ne-
 cessitas ad absolvendum talentum magnum
 solos requiri centum nummos ? Immo quæ
 fides, cui *mille nummi* res tam vana quam *so-*
mnium, cui *mille centum sopor*, cum centum
 additis contentum fore ? *Talentum* vero ma-
 gnum quum appellant illi, intelligunt tria
 millia nummorum, hoc est, sex millia dra-
 chmarum. Nam & illud considerandum est,
 utcumque scena sit Cyrenis, personas ta-
 men esse Atticas. Sic scena sequenti Gry-
 pus ex pacto pro monstrato vidulo petit ab
 lenone talentum : vellet ille abjurare, sed
 videns sibi negotium fore cum hero ejus,
 acquiescit. Senex cupiebat liberare partici-
 pem periculorum filix suæ alteram ancil-
 lam : rogat, quanti emerit illam leno : ut
 audiit, *mille nummis*, homo bonus & liberalis
 de illo quod insperatum evenerat, pari faci-
 litate lenonis facilitatem prosequitur : pro-
 mitt ei *dimidiatum talentum*, hoc est, mille
 quingentos nummos, seu tria millia dra-
 chmarum : ut pro altero dimidio ejusdem
 talenti Grypum emittat manu, cujus ergo
 totum jam talentum illi Grypus promisc-
 rat. Et eodem pretio destinaverat Palæstram

Pleusidippus, videlicet triginta minis, ut est in prologo. Ex ratione Scaligeri & Petiti *dividuum* illud *talentum* essent sexcenti nummi. Quomodo diceret ergo senex : *Vin tibi conditionem luculentam ferre me ?* Quomodo acciperet illam leno quadringentis nummis auri defraudatus ? Iam si Polybius in narratione de Achæis, talento appellato, necessario Achaicum intelligit, sequitur, ut in narratione de regibus Ægypti, si ejusdem occurrat mentio, intelligat Ptolemaicum vel Alexandrinum, de regibus Syriæ Syriacum, de Rhodiis Rhodium, de aliis alia : quod haud scio an cuiquam fieri verisimile possit. Gelonem & Hieronem Siculorum tyrannos Rhodiis testatur dedisse *ἑξομήκοντα ἢ πέντε τάλαντα*. An intelligit Syracusana trium denariorum ? Pulchra & regia donatio ducentorum viginti quinque denarium. At ipse mox deridet reges, qui ubi quatuor aut quinque talenta alterius haud dubie generis civitatibus Græcis donassent, honores sibi ab illis vellent decerni. An potius ubique Achaica intelligit ? Peccavit ergo Livius, cum in pace Philippo data *χίλια τάλαντα* vertit *mille talentum* : debuisset enim adjicere Achaicorum, qualia scilicet intellexerat Polybius. Nam quod in fœderibus nonnullis Euboïcorum meminit, non facit ad distinctionem eorū a suis Achaicis, sed quod

quod in ipsis illorum formulis mutare quidquam religioni duceret. Sed & de Achaico isto talento, octo millium trecentarum triginta trium drachmarum Atticarum trientis sive duorum obolorum, somnium est merum. Gellius clare ostendit Corinthi talentum fuisse idem quod Æginæ, *μυρίων δραχμῶν*. Ille tamen hoc sic probare contendit. Pollux ex Aristotele docet τὸ δεκάλιτρον διώσθαι δέκα ὀβολοὺς, εἶναι ᾧ σατῆρα Κορίνθιον. Hi oboli sunt, inquit, Æginetici, stater vero idem quod didrachmum. Æstimatur igitur didrachmum Corinthiacum sive Achaicum obolis Ægineticis decem. Quare drachma Corinthiaca est obolorum Ægineticorum quinque. Sunt autem oboli Æginetici quinque in Attica pecunia oboli octo, æreus sive chalcus unus & præterea quinque sextæ duorum æreorum: ac proinde tres drachmæ Corinthiacæ faciunt quatuor Attica tetradrachma, & paullo plus. Vnde, pergit, fides veritasque constat iis, quæ dixit Livius, in singulis tetradrachmis Atticis paullo minus trium denariorum argenti esse pondus: nam denarius paria facit cum drachma Achaica sive Corinthiaca. Hæc omnia fucata & adumbrata esse apparebit, si δεκάλιτρον illud, illum σατῆρα Κορίνθιον duarum esse Corinthiacarum drachmarum falso sibi finxisse virum doctissimum

animadverterimus. Vnico nititur Hesychii
 glossmate : Παχείη δραχμή· τὸ διδραχμον·
 Ἀχαιοί. Quid sit παχεῖα δραχμή, quique
 eam dixerint, scimus ex Polluce : Ἀλλὰ μὲν
 τὴν μὲν Αἰγναίαν δραχμὴν μείζω τῆς Ἀττικῆς·
 δέκα γὰρ ὀβολὸς Ἀττικὸς ἴσμεν, ὡς οἱ Ἀθηναῖοι
 παχεῖαν δραχμὴν ἐκάλεον, μισθὸν τῶν Αἰγινήτων
 Αἰγναίαν καλεῖν μὴ θέλοντες. Cui non videre
 liceat hinc apud Hesychium legendum esse :
 Ἀττικῆς. Sed hoc duo magni viri, Scaliger
 & Petitus videre noluerunt : ille, ut hinc ta-
 lentum Achaicum magnum duodecim mil-
 lium drachmarum, alter ut staterem Corin-
 thium didrachmum & deinde talentum octo
 millium cuderet. Hesychius cur παχεῖαν
 δραχμὴν interpretatus sit διδραχμον, ipse vi-
 derit, neque necesse est nos erroris alieni ra-
 tionem reddere. Rursum Hesychius : λεπταὶ
 καὶ παχεῖαι, Ζάλονα ἐν νόμοις, τὰς δραχμὰς·
 λεπταὶ μὲν τὰς ἐξ ὀβολῶν, παχεῖαι δὲ τὰς πλεον
 ἐχούσας. Pollux δεκάλιτρον esse σατῆρα Κορίν-
 θιον dicit : eum staterem Corinthi didra-
 chmum fuisse non dicit. Oboli isti, quos de-
 cem habet δεκάλιτρον, sane videntur esse Æ-
 ginæi. nam idem Pollux lib. i v. πρὸς Ἀττικῆς
 καὶ τὸ λίτρον διώσται ὀβολὸν Αἰγναῖον. Corin-
 thius igitur stater, Æginæum decalitron, At-
 ticorum obolorum est sexdecim cum besse
 seu duobus trientibus ejusdem Attici oboli :
 non solum cum triente uno, ut vult Salma-
 sius

sius cap. VI de M. Vsurarum : quippe cum
 sex oboli Æginæi decem Atticos æquarent,
 unus obolus Æginæus continebat Atticum
 unum & præterea ejus bessem seu duos
 trientes. Excedit igitur Stater Corinthius
 duas drachmas Atticas, quæ duodecim tan-
 tum obolos Atticos haberent. Didrachmon
 habet scriptula sex, siliquas sex & triginta :
 Decalitron scriptula octo & sextam partem
 scriptuli, siliquas quadraginta novem : *πα-
 χεῖα δραχμή*, sive Æginæa, scriptula quin-
 que, siliquas triginta. Itaque hæc misceri
 non possunt. Cæterum hoc ipsum, quod
 Æginæis, non Corinthiorum propriis di-
 versis vel Achaicis, ille stater obolis explica-
 tur a Polluce, indicio est Corinthiis alios
 quam Æginetis obolos non fuisse, ut nec
 drachmæ nec minæ nec talenta fuerunt.
 Quod adeo verum, ut & Syracusani, Corin-
 thiorum coloni, etsi *talenti* vocabulo abute-
 rentur, *δεκάλιτρον* Æginæum tamen decem
 obolorum, (sive *λίτραν*, cujus quarta pars,
τεῖτον ἡμισέλιον, *νῆμμε*, ad quorum imi-
 tationem Romani *denarium* decem librarum
 æris, *sestertium nummum* duarum selibræ fe-
 cerunt : obolus autem sive *λίτρα* duodecim
 habebat *χαλκὸς*, quos iidem *ἐγκίας* dice-
 bant, unde libra & assis partes Romanis :)
 & ipsi habuerint, cujusmodi decalitra Syra-
 cusana & Agrigentina pondere supra di-
 drachmum

drachmum & semidrachmam atque aliquid amplius excurrentia, reperiri hodieque in capsis antiquariorum, testis dicto loco Salmasius. Drachmas autem has vir illustis forsan sine exemplo vocat: certe ego vocare non ausim, mēmor talentum Corinthiacum *παχειῶν* seu sui generis *δραχμῶν* habuisse sex millia, quæ Atticarum *μυριάδ* responderent, quum idem contineret minus quatuor millibus istorum staterum sive decalitrorum. Nam quid potest evidentius esse Gellii verbis, ex Sotione Peripatetico narrantis, Laida Demosthenem *μυρίας δραχμὰς ἢ τάλαντον* poposcisse: *hoc facit*, addit, *nummi nostratis denarium decem millia*, lib. I. c. VIII. Vide tamen, quo acumen præjudicio corruptum non perveniat: tantum abest, inquit argutus Petitus, ut possit inde colligi, talentum Corinthiacum fuisse ejusdem pretii, cujus Æginecticum, hoc est, decem millium drachmarum Atticarum, ut contra inde liqueat, talentum Corinthiacum minus esse decem millibus drachmarum Atticarum. Magna mira. sed quemadmodum? non videtur idem poscere, sed quanto minore pretio sui copiam faciat, indicat: poscit igitur decem millia drachmarum Atticarum, aut, ut minimum, talentum, quod Corinthiacum esse Corinthia Lais nos non finit dubitare. At non accepit ita Gellius, cum una utriusque summæ inter-

interpretatione defungitur. Sed nec accepit ita Demosthenes : nam si talentum ejus loci putasset esse minus decem millibus drachmarum, non respondisset : *σὸκ ὠνῆμαι μυρίων δραχμῶν μετὰ μέλειαν*, sed *σὸκ ὠνῆμαι τάλαντος*. frustra enim majorem summam appellaret, cum ipsa jam pæne duo millia drachmarum remisisset. Quod si hinc interpretandus est Livius, ubi tetradrachmis singularis ait esse trium fere denariorum pondus, frustra apposuit *τὸ fere* : quod juxta sane licet explicare de paullo majore quam paullo minore pondere: nam si exstitisset hujusmodi imaginaria drachma quinque obolorum Æginæorum, quæ denarium Romanum Attica drachma, ut volunt, graviores æquaret; non *fere* istiusmodi trium erat in tetradrachmo pondus, sed *αὐτόταλον* quindecim enim oboli Æginæi, quot nempe constarent istæ bellæ Corinthiæ drachmæ tres, prorsus Attici sunt quatuor & viginti oboli, quod habet tetradrachmum, non plus, non minus, si quidem drachma sex obolorum est. Male igitur subduxit rationem Petitus, cum ait tres drachmas Corinthiacas, quales fingit, puta quinque obolorum Æginæorum, facere quatuor tetradrachma Attica, & paullo plus. Vnum immo tetradrachmum fecissent, si exstitissent. Equidem & ipse in hoc Livii loco scrupulum sentio : & potuit scripsisse,

plisse, *IV fere denariorum*, quod in *III*. degenerarit : potuitque Priscianus corrupto codice, ut alias quoque deceptus esse : sed utcūque maneat cum scrupulo illud *trium*, tamen in illius gratiam universæ antiquitati oppedere & a tam commoda tamque bene constanti æstimatione recedere non possum. Ipsumque adeo Livium neque ab aliis veteribus dissentire probavimus ex loco de L. Scipionis litibus æstimatis, quem superius adduximus. Explosio igitur in commune illo singulari Achaico talento (quod Sardus faciebat drachmarum octo millium, Scaliger duodecim millium, Petitus octo millium trecentarum tringintatium obolorum duorum : adeo fabris ejus male conveniebat) revertamur ad Sardum. Vult Achaicum suum talentum esse drachmarum octo millium, idemque denarium senum millium, & scutatorum nongentorum octo libræ unius. Hoc est capram & hircum & hædum miscere : nam octo millia drachmarum scutati sunt octingenti, sena millia denarium scutati sexcenti, nongenti scutati drachmarum vel denariorum novem millia. Tria ista fictitia talenta Achaica, quæ Gellio impingit, faciunt ei denarium octodecim millia, sesterium septuaginta duo millia : hæc ipsa trium talentorum Atticorum, quæ quocumque jure *parva* vocat Priscianus, minarum sexaginta

ginta singula, summa est. At illa, quæ eidem *magna* dicuntur, Attica octoginta trium minarum in denariis habent viginti quatuor millia nongentos, in sestertiis nonaginta novem millia sexcentos : singula quippe octo millium trecentorum denarium vel drachmum, sestertium triginta trium millium ducentorum, scutatorum octingentorum triginta. Ille singula facit scutatorum DCCCLI, librarum duarum, solidorum quindecim : (nunquam enim rotundam summam facere potest) hæ sunt octoginta quinque minæ & octodecim fere denarii, seu octo millia sexaginta octo denarii vel drachmæ. Tria vero ejusmodi magna talenta Attica in sestertiis ait facere sexaginta sex millia septuaginta tantum nummos : hi sunt scutati mille sexcenti quinquaginta duo fere : cum debuisset secundum suam ipsius æstimationem efficere scutatorum duo millia quadringentos quinquaginta tres, HS. nonaginta octo millia centum decem nummos, & aliquid amplius. Iam tria talenta parva (quæ tamen Plauto *magna*) Attica sexaginta minarum constare ait ex quinquaginta quatuor millibus sestertium, qui sunt mille trecenti quinquaginta scutati : sic igitur ipsum talentum facit octodecim millium ; Senecam & Priscianum, qui viginti quatuor millium HS. fecerant, jubet plorare : & tamen nostra pecunia

cunia idem facit scutatos sexcentos octoginta unum, libram, solidos decem : quæ sunt sestertium viginti septem millia ducenti sexaginta sex nummi. Rhodium & Cistophorum talentum idem vult esse quod Atticum parvum, cum diserte distinguat Festus, & illa singula quatuor millium quingentorum, hoc sex millium denarium faciat. Ægyptium talentum *patere octoginta pondo* ex Varrone refert Plinius lib. x x x i i i . cap. i i i . ubi male *capere* substituit Budæus, & cætera discors statim arripuit Sardus : est enim eleganter dictum, & sæpe apud Senecam, *tantum patere, multum patere*. Quæ octoginta pondo sunt, inquit Sardus, drachmarum septem millia sexcentæ octoginta. Immo drachmarum vel denarium octo millia : nam in libram imputantur centum, in decem libras mille. Quam acute vero talentum nobis facit etiam Romanum ex Plauti Mostellaria ? Sed stupor alicujus, qui Servium interpolavit, (nolim enim Servii ipsius dicere) eum decepit. Aureum Romanum, quem vocat Dionis, scutatorum facit quatuor, libræ, undecim solidorum, octo denariorum: qui tantum duos scutatos dimidiatum habet. Libra auri effecerit ipsi sestertios nongentos, scutatos quadraginta, solidos sedecim, quaterenos quatuor. Pari subtilitate. Romani libram auri æstimabant quatuor millibus sestertium,

tertium, seu mille denariis : nongenti vero sestertii scutatos faciunt viginti duos dimidiatum : quadraginta scutati sestertios mille sexcentos. Cæterum in superioribus *magnum* & *parvum* talentum nuncupavimus de sententia Prisciani, qui cum videret Attico talento minas sexaginta vulgo statui, passim autem *magnum talentum* appellari meminisset, inventum Livii locum lib. & cap. xxxviii, ubi Atticorum talentorum duodecim millia, quæ sint octoginta librarum, Antiocho imperantur, arripuit avide, hoc esse ratus illud talentum Atticum *magnum*, finxitque, quod nusquam apparet, *parvum* talentum minarum sexaginta. Sed hoc eliditur partim eo, quod *parvum* illud talentum omnibus antiquis est ignotum; partim quod *magnum* non octoginta, sed sexaginta minarum facit Plautus. Livius sane turbat, siquidem ita scripsit, ut vulgo habetur. Duæ sunt apud illum formulæ fœderis cum Antiocho, ambæ ex Polybio translatae. Prior utrobique Euboicorum talentorum habet mentionem; minas vel libras non definit. Alterius hæc Polybius : Ἀργυρίαις ἢ δότω Ἀντίοχῳ Ἀττικῇ Ῥωμαίοις δόσεις τάλαντα μύρια διγάλεια ἐν ἑπτασιν ἑβ, διδὼς καθ' ἑκάστην ἑπὶς χίλια· μὴ ἑλαττον δ' ἐλκέτω τὸ τάλαντον λιτῶν Ῥωμαϊκῶν π. Auctor igitur Livii Polybius talenta quidem octoginta librarum facit ;

non tamen ea dicit *Attica*, sed *Attici argenti*.
 Vnde & apud Livium scribendum videtur :
Argenti prohi Attici duodecim millia talentum
dato intra duodecim annos. talentum ne minus
pondo octoginta Romanis ponderibus pendat. Is
 modus non Atticorum, sed Ægyptiorum ta-
 lentorum, ut testatur apud Plinium Varro.
 Scaliger *magnum talentum* dici censet Latinis,
 quod Græcis ἀδρὸν ἢ παχὺ, quum necesse sit,
 si mina quædam fuerit παχεῖα, etiam talen-
 tum fuisse; non ideo tamen consequi, ul-
 lum talentum *parvum* dici debere. Sed illud
 Scaligeri ἀδρὸν ἢ παχὺ talentum item in quæ-
 stione est apud veteres, ut Prisciani *parvum* :
 nec si μισθὸς ἀδρὸς & παχεῖα δραχμή, alicubi
 reperitur, necesse est hæc & talentis tributa
 fuisse. Non enim quævis Atticam excedens
 vocabatur παχεῖα δραχμή, ut vult Scaliger,
 qui & Achivam singularem cudid ex corru-
 pto Hesychii loco, sed καὶ ἐξοχλῶ Æginæa,
 idque Athenis. Præterea destruit hanc in-
 terpretationem Plautus in Rudente : *Talen-*
tum argenti commodum magnum inerat in cru-
mena. Si *magnum παχὺ*, junguntur dissocia-
 bilia : nam *commodum*, ut ipse interpretatur,
 ἄρτιον, justum, modicum, & nihil ultra.
 Sic *commodum* particula, quod aliis *tantum*
quod. Petitus *magnum* putat argenti talen-
 tum, *parvum* auri, quum illud sexaginta mi-
 narum sit, hoc sexaginta drachmarum, tres
 state-

stateras complectens. Huic valide obstat Virgilii

Et tripodas geminos, auri duo magna talenta.
Quicquid autem ille cornicetur, distinctio-
nem mutando, Virgilius expressit Home-
ricum,

Ἐπὶ ἀπύρῃς τρίποδας, δέκα δὲ χρυσῷο τάλαντο.
Nec vero si tripodas aureos voluisset, *auri*,
sed *auro* dixisset: ut lib. I. *Ære trabes*. Præ-
terea cur Virgilius: *argenti magnum dat ferre*
talentum? cur Plautus, *talentum argenti com-*
modum magnum, & *sex talenta magna argenti*,
si nullum erat *magnum*, nisi argenti? Vult
Petitus illud auri talentum *parvum* etiam Di-
philo appellari βραχύ τι τάλαντον, & Xeno-
phonti μικρόν τι τάλαντον. Sed utroque loco,
non necessario auri, sed argenti talentum in-
telligendum est vel cum Scaligero, cui ali-
quid deest, ut *curto centusse* Persio: vel cum
Salmasio ipsum commodum, strictum, cui
si nihil deest, certe nihil superest. Sic μέ-
τριοι Helychio μικροί. Sic idem: Ἡμιδιπλοῦ-
διον, ἱμάτιον μικρόν· οἱ δὲ ἀναβάλοιον γυναικεῖον
σύμμετρον. Idem dicit σύμμετρον & μικρόν.
Sic *modicum* & *mediocre* pro parvo. Virgi-
lius: *laudato ingentia rura*, *Exiguum colito*.
qui Horatio *modus agri non ita magnus*. Ver-
ba Seuthæ apud Xenophontem lib. VII. ἀνα-
βάσις. Ἀργύριον μὴ σὸς ἔχω, αἰὶν' ἢ μικρόν τι,
ἢ τὸ σὺν δίδωμι, τάλαντον. Quæ depravat

vir doctissimus scribendo : *δρμυίς*. quasi ne-
 et se habere argenti talentum , habere tan-
 tum breve quid talentum , scilicet talentum
 auri. Sic potuisset forte loqui , si antea ta-
 lentum argenti rogatus esset : sed quum po-
 scatur stipendiæ generatim , quis non videt
 ineptum esse sermonem : *argenti non habeo*,
sed parvum quid talentum ? Quo illud πὶ , si
μικρὸν τάλαντον est quodvis auri ? Recte vero :
argentum quidem (id est, argenti copiam) *non*
habeo, præter commodum quoddam, quod tibi do-
no, talentum. Emendationem suam putat
 probari responso Xenophontis : Γελάσας ο
 Ξενοφῶν εἶπεν· ἢν, ἔν μὴ ἐξαρκῇ ταῦτα εἰς τὸν
 μισθόν, τίνϙ τάλαντον φήσω ἔχειν ; Iocum, in-
 quit, captat ex eo, quod gignendi casu dixe-
 rat Thrax, *δρμυίς τάλαντον*. Sane frigidum,
 & nullius sententiæ. At τίνϙ dicitur intel-
 lectu ἔνεκα ἢ χάριν. Si boves isti, oves,
 mancipia, obsides, non sufficient in stipen-
 dium, quo prætextu ego dicam me talen-
 tum accepisse ? quomodo egentibus & ira-
 tis militibus purgatus ero talentum mihi au-
 ferens ? Res ipsa clamat quod volumus.
 Quid igitur causæ fingemus justioris, cur
 talentum vocaretur *magnum* ? Hactenus
 quidem nihil probabilius vidi, quam quod
 nunc ipsum mihi nascitur. Advertit me, *ma-*
gna illa talenta solos scriptores Latinos præ-
 ferre ; Græcis enim nec sunt ipsa, nec aliqua
 similis

similis appellatio. Eo propius fidem est, Romanis id discrimen additum vocabulo, quod illis quam interiori & Asiaticæ reliquæque Europæ Græciæ viciniore Græcorum coloni id usurparent pro summa haudquaquam grandi : quibuscum quia frequens erat commercium, & consueissent nominare *talentum* pro pauculis nummis, ad significandam pensioem illam summam, quod solum *talentum* noverant remotiores Græci sive auri sive argenti, *talentum magnum* dixere. Hi populi erant Neapolitani, Rhegini, Syracusani : quod ex Festo didicimus : *Talentum Neapolitanum sex denarium, Syracusanum trium denarium, Rheginum victoriati*. Et ne hoc miremur, accedit de mediis testis locuples Aristoteles apud Pollucem: Τὸ μὲν τοι Σικελικὸν τάλαντον ἐλάχιστον ἴσχυε· τὸ μὲν δὲρχαῖον, ὡς Ἀριστοτέλης λέγει, τέσσαρας ἢ εἴκοσι σκεῦεμάς ἴσχυε, τὸ δ' ὕπερον δυοκαίδεκα. Vnde corrigendus Suidas: Τὸ τοι τάλαντον τὸ νυνὶ λεγόμενον Ἀττικόν. Hic sistit oratio, significans, quod descripserat sexaginta minarum &c. esse, quod dicatur Atticum. Παρὰ Σικελιαῖταις τὸ μὲν δὲρχαῖον ἦν νέμμων καὶ, νυνὶ δὲ ἰσ'. Perperam editur: μνῶν καὶ. Quod & Scaliger vidit. Hoc primo noverunt Romani solum, utpote Italiæ aut proximis Italiæ incolis usitatum. At ubi cum aliis Græcis commercium esse cœpit, inveneruntque tanto

maiores pecuniam ea nuncupatione finire, ad vitandam ambiguitatem sexaginta minas Atticas *talentum magnum argenti*, sexaginta drachmas vel tres stateres *talentum magnum auri* appellarunt. Denique frequens usus horum & in vicinis locis cum potentia Romana recepta etiam pecunia meritis inque desuetudinem egit istam talenti pro minutis usurpationem, mansitque ea vox sine alia adjectione pro amplioribus pecuniarum peregrinarum summis.

CAP. IV.

Onuphrii Panvinii in Romana Græcæque nostra pecunia æquanda calculi dispositi. Denarius male statuitur xxiv siliquarum & sexta pars uncia. Prisciani locus intricatissimus explicatus & multorum errorum convictus. Non potest simul talentum sex millium denariorum & denarius quatuor scriptulorum esse. Tetradrachmum, quatuor, non trium denariorum pondere. Livii duobus corruptis locis deceptus Priscianus. Talentum magnum lxxxiii librarum & trientis explosum. Talentum, talentum Atticum, talentum magnum, eadem res, nempe lx mina vel libra argenti, vi millia drachmarum vel denariorum. Prisciani interpretatio verborum Livii rejecta. Mina tempore Livii non nisi centum drachmis æstimata. Denarius decem, non quatuordecim; sestertius binis & dimidio, non ternis cum dimidio bajocis censendus. Appiani locus illustratus. Onuphrius & Pancirollus, qui narrat Appianus de Ptolemæi Lagi thesauris & copiis, acceperunt de opibus Hadriani

drani imperatoris. Τέσσαρες καὶ ἑβδομήκοντα μυριάδες πελάντων, non septuaginta quatuor millia, sed septingenta quadraginta millia. Aliud Alexandrinum, aliud Ægyptium talentum.

ON. Panvinus, lib. III. Comment. rei-publicæ Romanæ, veteris pecuniæ summas interpretatur per easdem nostras, per quas Manucii. Denarium pependisse vult siliquas quatuor & viginti, hoc est, quatuor scriptula, ita ut sex denarii unciam complerent. Qualis si quando fuit, non fuit certe ex quo aureus primum percussus est Romæ, anno quasi sexagesimo postquam argenteus; atque adeo omni illo tempore, ad quod potissimum veteris nummi, quam tentamus, æstimatio pertinet. Testatur Plinius scriptulum auri tum *sestertius vicenis* esse taxatum. Si denarius ejus ævi quatuor scriptulorum fuit, enorme hoc pretium est auri præ argento, quippe bis decuplum. nam sestertium ea ratione scriptulum argenti habuisse necesse est, quum quatuor sestertiorum pondere esset denarius. At si denarium, ut debemus, facimus trium scriptulorum, sestertio dabimus scriptuli dodrantem. Sic viceni sestertii confecerint quindecim argenti scriptula. Et ita proportio auri ad argentum fuit quindecupla: quæ brevi post majore copia auri Romam translata ad imitationem Græcæ facta est decupla. Panvi-

nus sic tradere Priscianum ait , & semet ipsum expertum esse . Priscianus mirificas tricas nescit : itaque huic & loco ejus & libro jampridem subdiffidere cœpit Budæus . Sed necessarium videtur omnia illius loci vitia denudare , ut in posterum viri docti hoc auctore uti desinant . Primum ex Livio Polybium vertente probat talentum habere sex millia denariorum . Quod Festus , vel potius Verrius Flaccus , *Atticum* esse ostendit , non *Achaicum* , ut alii voluere . *Talentorum* , inquit , *non unum genus . Atticum est sex millium denarium* . Perinde nimirum , ut Atheniensibus dicebatur senum millium drachmarum . Mox subjicit Priscianus , denarium illo tempore fuisse *xxiv siliquarum* . Hoc si verum , concidit prius . nam *xxiv* siliquæ faciunt quatuor scriptula , & sunt sexta pars uncia : at drachma siliquarum octodecim est , trium scriptulorum , & uncia pars octava . Mina ut centum drachmis , ita trecentis scriptulis constat . At si denarius quatuor scriptulorum est , mina septuaginta quinque denariis censeatur oportet ; sexaginta minæ , quot sunt talenti , quatuor millibus quingentis , non sex millibus denarium . Hæc nunquam conciliabit Priscianus ; nunquam qui hæc ejus omnia approbant . Conatur tamen ex Livio confirmare denarium esse quatuor & viginti siliquarum :

hoc

hoc est, Livium sibi contrarium reddere. Verba Livii : *Trium fere denariorum in singulis tetradrachmis argenti est pondus. Vide, inquit Priscianus, quod quatuor drachmæ sunt septuaginta duæ siliquæ. Diximus enim superius, quod tres scrupuli, quorum singuli sex siliquas habeant, drachmam faciunt. tres autem denarii idem habebant, id est, LXXII siliquas.* Sic progreditur. Drachma trium scriptulorum, ergo duodeviginti siliquarum. quater duodeviginti sunt septuaginta duo. Eundem numerum efficiunt ter viginti quatuor. Si ergo denarius quatuor scriptulorum, tres denarii prorsus totidem siliquæ quot quatuor drachmæ. Cur ergo *fere* dixit Livius, ubi nec plus nec minus? Quicquid machinentur, non potuit scripsisse Livius aliter quam, *1 v fere denariorum.* quod jam Budæus monuit. Omnis supputatio veterum hoc jubet, quæ drachmam denario, & sic tetradrachmum quatuor denariis, comparat, negligens, quod nonnulli septimam uncix partem denarium facerent : quorum tamen aliqua cum reverentia Livius addidit hic *fere*. Cæsariensis Grammaticus qui tot tam graves denarios commune talentum (quod Atticum sive sex millium drachmarum semper significant Græci & Latini, quoties nullum ei alterius gentis cognomen apponunt) excedere videbat, confingit nobis talentum omni anti-

quitati ignoratum, octoginta trium libra-
 rum & trientis : quod etiam intelligi vult,
 quoties talentum magnum appellatur. Idem
 Livius, inquit, ostendit magnum talentum Atti-
 cum octoginta habere libras, & paullo plus, quum
 supra dictorum computatio manifestet LXXXIII
 libras & quatuor uncias habere talentum, quod
 est sex millia denariorum. Hanc computatio-
 nem sic accipit Budæus, cum unumquod-
 que talentum sex millia denariorum pende-
 ret, octo quoque millia drachmarum pe-
 pendisse ratione prædicta. Hæc octo millia
 si in centenarios partiatis, LXXX utique li-
 bras centenarias habebis. Atqui cum libra
 antiqua, quam Livius secutus est, drachma-
 rum fuerit VI & XC, supererunt quater
 octoginta drachmæ, id est, trecentæ & vi-
 ginti: ex quibus ratione dicta tres libræ con-
 ficiuntur, & insuper tertia pars libræ, id est,
 duæ & triginta drachmæ. Ita in talenta sin-
 gula ternæ libræ cum triente tribuuntur ul-
 tra LXXX libras. Sed libram illam XCVI
 drachmarum Livium secutum esse, aut id
 velle Priscianum, nullum apud utrumvis ve-
 stigium est: & simplicius sic mens Prisciani
 colligitur. Denarium fecit quatuor scriptu-
 lorum: sunt autem viginti quatuor scriptula
 unius unciz: ergo sex denarii ejusdem un-
 ciz: ergo unciarum duodecim, hoc est, li-
 bræ LXXII denarii. Porro octogies ter se-
 ptua-

ptuaginta duo gignunt quinque millia non-
 genta septuaginta sex : cui numero si addas
 viginti quatuor denarios, qui existunt hac
 ratione ex quatuor unciiis libræ, completur
 numerus sex millium denariorum. Miror
 ingenium ἐξ ἀπορώων invenientis πόρον, & fal-
 sum falso accumulantis, ut ei speciem &
 convenientiam veritatis addat. Primo *ta-*
lentum magnum octoginta librarum & parvum
sexaginta minarum somnium esse Prisciani,
 &, quem ille sibi socium jungit, Dardani,
 ostendimus. Plautus *sexaginta minas* vocat
talentum magnum. Parvum talentum non
 visum est faciundum antiquis ut dicerent.
 Sed illud, quod interdum *talentum*, inter-
 dum *Atticum talentum*, interdum *talentum*
magnum vocant, minarum sexaginta, etiam
 sex millium denariorum esse, manifestat
 non ista nova & insolentissima computatio
 LXXXIII librarum, sed quod idem Græcis
 est sex millium drachmarum. Livius scribit
quingenos denarios in capita liberandorum
 publice qui servitutem in Græcia servirent,
 Romanorum statutos : Plutarchus πέντε
 μνῶν ἑκάστην ἀνδρὸς redemptum : uterque haud
 dubie ex Polybio. Hi ergo sic rationem sub-
 duxerunt, ut in quinque minis numerarent
 denarios quingenos, drachmas quingentas
 in quinque libris Romanis ; atque adeo li-
 bram argenti agnoscerent eandem quam
 minam,

minam, centum denariorum vel drachmarum; non alteram centum aut LXXV drachmarum, alteram LXXII denariorum. *Talentum* quoque quum indefinite & Livio & Polybio appellatum fuerit, finitum sex millibus drachmarum vel denariorum accipere non dubitamus, & *centum talenta* Achæis expensa, sexcenta millia drachmarum vel denariorum. Tamen ad talentum illud octogonarium probandum in subsidium venit Livii lib. XXXVIII locus: sed qui & ipse magis Criticum quam Grammaticum requirebat: ita corruptus Prisciani sententiam corripit. Livius enim Polybii imitator & interpres *Atticum* illic non appellaverat *talentum*, sed *argentum*; talenta autem octoginta librarum intellexit Ægyptia: cum Syris enim agebatur, & horum talentorum usum in Syria tam vicina Ægypto frequentem fuisse omnia suadent. At ecce iterum acumen Cæsariense. Livius: *Talentum ne minus pondo octoginta Romanis ponderibus pendat. Id est, ait, sic decrevit senatus, ut non plus quam ternæ libræ & quaternæ uncie desint singulis talentis.* Quis audivit unquam simile decretum? aut quæ ratio movebat senatum, ut in singula talenta pateretur ternarum librarum trientis, hoc est, mille CCCXXXIII sesterzium nummum, intertrimentum? Concessum hæc conditione Antiocho, quemadmodum

dum iste vult, ut de singulis talentis liceret decerpere tres libras trientem, de binis sex libras bessem, de ternis decem pondo, de senis viginti, de duodenis quadraginta, de vicenis quaternis octoginta, hoc est, talentum ejusmodi unum; de centenis talenta quatuor & tredecim libras cum triente: de millenis igitur quadraginta unum & xxx libras, de duodenis millibus quadringenta decem talenta & trecentas libras, quæ forent viginti libris minus talenta quatuor. Quam difficile erat pro duodenis millibus, cum tanto intertrimento in formula fœderis expresso, justa ponere magna (si diis placet) talenta undecim millia sexcenta? vel quingenta octoginta sex? Pergit insanire: *Et sciendum est, quod secundum Livii computationem, centum mina, quarum singula Lxxv drachmas habent, faciunt talentum magnum.* Quod potuit esse futilius tot nugarum complementum? Evanescit hic, ut video, talentum magnum octoginta minarum, quod hinc acceptum passim inculcant, & fit minarum centum, quæ singulæ constent Lxxv drachmis. At, o bone, *minas* nec Livius nec quisquam Livio æqualis intellexit alias quam drachmarum centum. Præterea si tres denarii faciunt tetradrachmum, triginta denarii facient quadragenas drachmas, trecenti quadringenæ, tria millia denarium quatuor millia

millia drachmarum : ea duplicata, ut sint sex millia denariorum , requirunt octo millia drachmarum. Hæ sunt octoginta minæ, singulæ centenum , non septuagenum quinum drachmarum. At centum minæ, singulæ excurrentes non ultra drachmas LXXV , omnes faciunt septem millia quingentas drachmas. Ita hæc quoq; superioribus repugnant. Hinc manifestum , quam malum hujus rei auctorem, tanquam unice audiendum sibi proposuerit Onuphrius. Quum igitur tam gravem fecisset denarium , quatuordecim illum bajoccis æstimavit, quem denis debuisset , sestertium tribus & dimidiato, quem binis cum dimidiato justum erat : sic sestertios triginta centum bajoccis composuit, qui quadraginta nummos trahunt, decem denarios : sic aureo scutato dat sestertios triginta tres trientem, hoc est , denarios octo & quadrantem paullo plus , qui decem denariis, XL sestertiis æquiparandus : sic centum sestertiis scutatos aureos tres comparat, qui non ultra duos dimidiatum producendi. Et idem tamen mox *sestertium* in neutro genere candem proportionem ad libram Romanam , quæ & *mina* & *pondo* dicatur , habere adfirmat , quam nummus sestertius ad assem seu libram æris gravis : continere enim in se sestertia singula libram Romanam (voluit dicere , duas libras Romanas) & semissem , singulas libras autem

autem drachmas vel denarios centum, sestertios quadringentos : ita ut duæ libræ & dimidia valuerint sestertios nummos mille : quod uno nomine *sestertium* neutro genere dictum sit. Hæc vera sunt : sed quam vera, tam discordantia cum illis, quæ cœperunt institui, ubi denarium sextam uncia, & sic libræ septuagesimam secundam, non centesimam, partem esse decrevit. Thesaurum Romani imperii sub Hadriano Cæsare ait poni ab Appiano Ægyptiorum talentorum quatuor & septuaginta millia. *Talentum Ægyptium* putat idem esse quod *Alexandrinum* apud Festum duodecim millium denarium, (quamquam diversa hæc esse ostendant Varro & Plinius, Ægyptii numerum tertia parte minorem facientes) octo & quadraginta millium nummum sestertium, nostræ pecuniæ mille ducentos aureos sive scutatos. Ille mille CCCCXL facit, summam vero omnem XC I auri milliones, C & LX millia aureos coronatos, ut loquitur. Cujus summæ unum & nonaginta milliones antea reddiderat vices septies millies sestertium, quum sit tricies sexies millies quadringenties. At Alexandrinorum talentorum LXXIV millia, in denariis ὀκτὼ μυριάδες μυριάδων, ὀκτακίχλια ἢ ὀκτακίσαι μυριάδες, octies millies octingenties octogies centena millia denarium, in nummis tricies quinquies millies quin-

quingenties vices sestertium, sunt nostro-
 rum octingenties octogies octies centena
 millia coronatorum, milliones octoginta
 octo cum dimidiato & insuper trecentis mil-
 libus. Peccat hic & alia, quæ quia cum Pan-
 cirollo habet communia, illius sententiam
 referemus, priusquam illa coarguamus. Ap-
 piani verba in proœmio sunt: *χημάτων δ' ἐν*
τοῖς θησαυροῖς τέσσαρες ἢ ἑβδομήκοντα μυριάδες
ταλάντων Αἰγυπτίων. Ex quibus & Pancirol-
 lus ad Noticiam imperii annotat, in thesau-
 ris Hadriani Imp. fuisse talentum Ægyptio-
 rum, quæ sint octogenum pondo, septua-
 ginta quatuor millia: itaque statuendo quin-
 quaginta ejus temporis aureos pro libra,
 colligere hanc summam xxx, ut vocant,
 milliones. Sed error est stupendus & mul-
 tiplex. Primum Appianus non loquitur de
 thesauris Imp. Hadriani, sed Ptolemæi ejus,
 qui princeps hoc nomine post Alexandrum
 in Ægypto regnavit. Nam quum dixisset
 Macedonum imperium sub Philippi filio
 florentissimum fuisse, sed perbreve, ita ta-
 men, ut ejus in plures dominatus distracti
 portiones retinuerint pristinum splendo-
 rem, subjungit: *Καὶ τοῖς ἑμοῖς βασιλεύουσιν μόνοις*
ὡς τετραχί τε πεζῶν μυριάδες εἴκοσι, ἢ μυριάδες
ἱππέων τέσσαρες. Quæ pessime reddidit Onu-
 phrius: *Nostri temporibus, & quidem solis Ro-*
manis, copia ingentes adsunt, peditum ducenta,
equitum

equitum quadraginta millia. Καὶ τοῖς ἑμοῖς βασιλεύσι, dicit Appianus : nam quum esset Alexandrinus, suos vocat, qui habuerant Alexandriam Ægypti regiam. Vnde inferius : Ἐς γὰρ δὴ ποσὸν ὡς βασιλευσῶν τε καὶ στρατιῶν ἐκ τῆ βασιλικῶν ἀναρχαφῶν φαίνεται παραγαγὼν τε καὶ κατὰ λιπὼν ὁ δούτερος Αἰγύπτου βασιλεύς μετ' Ἀλέξανδρον. Quam frigidum autem & inane apud Onuphrium illud, ὅτι quidem *solis*. At μόνοις addidit Appianus, ut illos separaret ab illis, qui Alexandro alibi, in Asia, Thracia, Macedonia successerunt. Hinc mox : φαίνεται ὅτι καὶ πολλὰ τῶν ἄλλων σατραπειῶν καὶ πλὴν τῶν ὑποδόντων. Deinde aurei tempore Hadriani non quinquaginta, sed quadraginta Romani sunt in libra statuendi, longeque alia exoritur summa. Talentum Ægyptium sane LXXX minas Varro facit, octingentos coronatos, ut Atticum est LX minarum, sexcentorum coronatorum. Decem igitur talenta Ægyptia, DCCC minas, octo millia coronatorum. Centum, octo millia minarum, coron. octoginta millia. Mille, LXXX millia minarum, cor. octingenta millia. Decem millia talentum; minarum octingenta, coron. octogies centena millia. Ergo LXX millia talentum Ægyptiorum; quinquagies sexies centena millia minarum, (nam septies octo sunt LVI) quingenties sexagies centena millia coronato-

ram : LXXIV millia , quinquagies novies centena & viginti millia minarum, quingenties nonagies bis centena millia coronatorum. Qui sunt LIX milliones & CC millia coronatorum , fextertium vices sexies millies & octogies, aureorum Romanorum ducenties sexagies centena & octoginta millia. Denique multis partibus majorem summam designat Appianus, quam Panvinus & Pancirollus conceperunt. Septuaginta quatuor millia talentum sunt ἐπὶ τὰ μυριάδες ἡ πεντακίχλια. Ille vero ponit πένταρας ἡ ἑβδομήκοντα μυριάδας hoc est, septingenta quadraginta millia. nam δέκα μυριάδες, centum millia. Hi sunt milliones quingenti nonaginta duo , coronatorum quingies millies nongenties vices centena millia , fextertium ducenties tricies sexies millies & octingenties, aureorum Romanorum bis millies trecenties sexagies & octingenta millia. Illud Onuphrii laudare debeo, quod Varronis locum de quo lib. I cap. III. cum Hotomanno & Ciacconio nobis controversia fuit , recte
 „ accepit. Ita enim scribit : Veteris consue-
 „ tudinis fuit, ut semis in compositione ante-
 „ poneretur, ut semis quartus, semis quintus,
 „ semis tertius , unde sublati duabus literis
 „ dictus est fextertius. Quod tamen ego non
 prius cognovi , quam ipsius libri mihi copia
 fuit, hoc est, quum duo priores libelli nostri
 jam

jam typis descripti, essent. Tum demum & hoc caput raptim interjecimus.

C A P. V.

G. Agricola taxatio veteris nummi subtilitate peccans. Decem millia, decies sestertium, mina, libra Romana, quot unciales siue Thaleri. Stateres aurei in commune didrachmi. Budæus a Rualdi reprehensione defensus. Mina Æginetica CLXVI drachmarum Atticarum. Denarium diurnum numquam habuit stipendii miles Romanus. Decem asses minus tetrobolo. In Ciacconio quadam notata. Neronem imminuisse pondus denarii dicitur confidentius quam probatur. Maravedis Hispanus, quadrans Romani assis, ratione aris, quod in Hispania valet argentum denarii, non quod olim Roma fuit in asse: itaque denarius quadraginta maravedium etiam, cum sedecim assium. Talentum Atticum non xxxi, sed xxiv sestertia.

DE G. Agricola hoc etiam loco dicendum aliquid, & anceps tamen est pronuntiare. Pæne Nemesis vereor: ita nemo istarum rerum peritior: nemo in metallorum, ponderum, mensurarum intellectu iustius sibi regnum vindicavit. In nummis quoque antiquis pensitandis quamvis diligens & exactus est. Sed quo tam exactus? Non amo nimium diligentes, aiebat censor ille. At hujus est dicere cum Menæchmo Plauti: *conditiones, tetuli tortas, confragosas*. Quippe qui nimia subtilitate eam rem perduxerit, ut

in tot summis concipiendis ne unam quidem rotundam facere potuerit. Vbique pompa secutuleja uncialium, dein semuncialium, postea duodenariorum, tum duplorum, atque, ut nihil desit, etiam simplorum: vix uno spiritu enunties: singula æra hoc sÿrma ventilant æris excurrentis. Nolim dicere, hanc ostentationem esse: certe potius deterrire est atque ad desperationem adigere studiosos, ne quisquam, quid velint veteres, intelligere se postulet, quam ad intelligendam illorum pecuniam per nostram cuiquam animum ac disciplinam dare. Neque ad docendum aptæ sunt hæ subtilitates: acerbissimos forte collybistarum & monetarium juvarè possint, ne in permutandis, si contingat, veteribus nummis quis lucri sinus illos effugiat. Nos tamen neminis industriam contemptam aut metis nostris circumscriptam volumus: dummodo hoc ab æquo lectore impetremus, ne specie illa curæ obstupefactus nostram illam simplicem crassamque, sed antiqui moris rationem improbet aut ex suspicione condemnet. Ille quidem, ut hanc viam, ærumnam monstranti, fastidium discenti, insisteret, calumnia sibi imperavit. Vt licuerit, inquit, oratoribus & historicis interdum non accurate, aliquam pecuniæ summam exponere, sed Græcis dicere ἑγίστα, Latinis fere vel ferme,

ad

ad vel circiter ; nobis , qui pretia veterum monetarum æstimamus, non licebit. Quid ita ? aut quis tam duram vobis legem imposuit ? Immo ipse ab sese hoc exegit , quia se assequi posse putabat. An assequutus sit, ignoro : neque explorandi causa in crudissimum pistrinum me conijcere volo : hoc scio , neque in vorsanda mutandaque pecunia quemquam unquam rationem tam sollicitam iniisse , neque in ullo genere nummorum , si descendatur ad has atomos , generatim quid statui posse , quum vix duæ , utique grandiusculæ , ejusdem exempli formæ reperiantur omnibus minimis partibus ita pares. *Decem millia sestertium* taxat uncialibus C C C L X I I I , uno semunciali, tribus duodenariis, uno duplo, uno simpli. At nobis sufficiebat unciales esse trecentos , ut C C L coronatos. *Decies sestertium* est illi triginta sex millium trecentorum sexaginta trium uncialium, semuncialis unius, duodenariorum trium, dupli unius , simpli unius. Illi minor labor, nobis minus tædium, si satis habuisset dicere esse triginta millia uncialium, ut x x v millia coronatorum. *Mina* argenti *Attica* in nostro signato illi facit duodecim unciales , unum semuncialem , octo duodenarios, octo duplos, unum simplum : *libra Romana* æstimatur drachmis Erphurdan-
nis x c v i i , ac quinque & viginti drachmæ

quartis & tricesimis partibus, atque quinque unius quartæ & tricesimæ octavis, qui sint unciales duodecim & duodenarii quinque. At spem proficiendi reliquisset nobis, si dixisset utramque unciales duodecim, coronatos decem accedere. *Vetus stater aureus Atticus*, in quo fuerit argenti pars quinquagesima, illi taxatur auro Hungarico & momentis LX, & quinque momenti octavis & quadragesimis partibus: *vilior stater* item *Atticus*, cum quinta portione argenti, auro Hungarico atque octo & triginta aurei Hungarici momentis, & duabus momenti tertiis: super hoc tertius *stater Græcus & externus*, cum quinquagesima etiam argenti portione, pendens Atticas drachmas duas, obolos duos, siliquas duas, duobus aureis Hungaricis, & duobus ac viginti aurei Hungarici momentis & octava momenti parte. Hæc cuncta veteres ignorant, contenti docuisse nos stateres Atticos, Cræsius, Darios, Philippeos fuisse didrachmos: nituntur autem potissimum fundamento valde lubrico, *ἡμέτερον* puta Cratetis: de quo præcedenti libro egimus. Atque ejusdem modi sunt omnia: quæ singula si cui ad trutinam juxta morosam experiri vacet, nã ille multiplicem dissidendi ansam sit habiturus. Nam si vix error vitatur, quum de his quid *παχυμέτερον* adfirmatur, quantæ est alex tam minutim & circum-

circumscripte per tantam caliginem visa definire? Sed tamen magnis viris indulgendum, ut interdum animo morem gerant, arduis obluſcentur, Isthmos perfodiant, ultra spem conentur : præterea licuit Agricola, ut libero cuivis otio suo & consilio uti. quis autem ferat Rualdum, Plutarcho quidem & Appiano & Dioni e Græcis, e Latinis Q. Curtio & A. Gellio ignoscentem, quod ad alia festinantes denarium & drachmam *ισοδράμους* fecere, Budæo vero apud graves rerum æstimatores nullam spem veniæ relinquentem, quod hoc ab illis discere, quam ob hoc cum illis vitilitigare maluerit? At venia petenda est ipsi, qui neget Plutarchum *sexagies sestertium* recte reddidisse ducenta quinquaginta talenta; qui in aureum solitum conferat duodecim drachmas Atticas, decem paullo minus denarios? quo loco cavere non potuit, quin scriberet ipse leves minutias ad computandi commoditatem negligi oportere. Budæo consilium fuit, quod & nostrum est, ea tradere, quæ facerent ad faciliorem tractationem veterum auctorum, & servirent potius Minervæ & Musarum quam Iunonis Monetæ officinis. Quod quidem illi tam feliciter expetivit, ut nec ante illum quisquam ad hanc summam processerit, & nunc quoque potuisse tantam lucem e spississimis tenebris cujusquam opera exi-

stere sit miraculo. Ergo ille, in quod maximam partem, immo omnes, etiam illos, qui alicubi videbantur intercedere, in his rebus, quibus aut æquales fuerunt aut proximi, consensisse animadvertibat; quod vitam & usum populi Romani totque nationum Romani juris sanxisse cognorat; quod examine diligenti multorum omnis ævi nummorum, hoc est, quoniam in eo maxime exsultant, & ante Cæsares & post illos validiores multis tempestatibus percussorum, deprehenderat; quod denique tot genera loquendi, ab uno illo principio defluentia, eoque sublato omni ratione carentia, requirebant; secundum illud sententiam dedit, haud ignarus minutæ quorundam, & ob id ipsum ab hac ratione remotæ acerbitalis: & cum omnis operæ suæ, tum hujus judicii, non veniam, sed gratiam, apud graves rerum æstimatores vir gravissimus exspectat. Sed ne abeamus ab Agricola, illud quoque ejus probare non possumus, quod *mina Æginetica* pretium facit duodecim unciales, unum semuncialem, quinque duodenarios, duos duplos, unum simplum: quod idem paullo ante Atticæ fecerat: & mox *talento Æginaeo* attribuit unciales M C C L X X II, semuncialem unum, duodenarios quinque, duos duplos, simplum unum. nisi tamen hic librariæ operæ peccaverunt. Etenim mina Æginaea

næa perinde differebat ab Attica, ut drachma & talentum. Itaque quia Æginæa drachma decem habet obolos Atticos, sex Ægineticæ drachmæ decem drachmas Atticas, decem drachmæ sedecim Atticas cum quatuor obolis, sexaginta centum; necesse est minam Æginæam fecisse CLXVI drachmas & quatuor obolos, qui respondent nostris uncialibus viginti: talentum vero decem millia drachmarum, hoc est, mille coronatorum, mille ducentos unciales. Romani peditis stipendium in universum fuisse statuit asses decem. pro quibus quamdiu denarium acceperint, quod ei pondus esset drachmæ Atticæ & dimidiæ primum, dein drachmæ unius & septimæ ejus partis, diurnum militis Romani stipendium longe superavisse ait id, quod vel Persæ vel Græci dederunt. sed ut tunc præstitit aliis omnibus, ita posteaquam asses facti sunt semunciales, & xvi valebant denarium, nec amplius pro decem assibus dabatur denarius, non multum excessisse tetrobolum. At decem asses non fuere stipendium militis ante Iulium Cæsarem. itaque nunquam miles ejusmodi denarium diurnum habuit: non modo quia nunquam denarius eo pondere fuit, sed etiam quia ante Iulium quini tantum asses erant, ab Iulio deni, ab Domitiano xiii triens. Quam verosimile Romanos modica etiam tum & pu-

blica & privata pecunia militi stipendium amplius dedisse quam Græcos & Persas auro circumfluentes ! Quam verosimile opibus publicis & privatis crescentibus soli , per quem maxime creverant , militi stipendium tam notabiliter decrevisse ? Nec vero postquam decem acceperunt asses , illud stipendium non multum excessit tetrobolon : sed tetrobolo etiam minus fuit : nam quatuor oboli sunt decem asses & duo trientes , quum , ut superius demonstratum est , obolus responderet duobus assibus cum semisse & sextante. Porro ex illis , quorum oculos perstrinxit Agricolaῖ ἀρεβολογία , facile princeps P. Ciacconius duo facit genera denarium , unum iusto pondere , qui ex argenti uncia fierent septem , dum stabat respublica ; alterum levius , qui octo fierent ex uncia , drachmis Atticis æquales , imperante Nerone percussos : scriptores autem , ait , quos habemus plures illo vixisse tempore , aut de illo locutos , quo ex puro argento & iusto pondere denarii essent. Sed de mutato denarii pondere sub Nerone suspicio est docti viri nullo veteri auctore nixa , exorta que partim ex Agricolaῖ hariolatione , qui modo sub Claudio , modo sub Vespasiano id accidisse opinabatur , partim ex Budæi conjectura ad verba Plinii lib. xxxiii. cap. iiii. ubi enim vulgo habetur , *minutissimus vero ad* XLV :

Budæus ,

Budæus , *minutissime Nero ad LV.* Mihi omnem illum locum differre tutius visum, donec in eo magis mihi satisfaciam. nam nec ad explicandum aut restituendum eum ab ullo alio veterum subsidia, & quæ nuper viri præstantes sunt conati , libentius rejicias, quam quidquam ex illis eliges. Interim si admitteremus Budæanum *Nero*, de solis aureis egit Plinius : adeoque his ipsis verbis suspecta fit Ciacconii suspicio : neque enim siluisset Plinius, cum pondus aureorum mutatum sub Nerone narraret , de argenteis nummis, si detractum aliquid ejusdem fraude illorum ponderi justo esset. Quod subjicit Ciacconius, qui supersunt complures veterum egisse aut illo aut de illo tempore, quo gravior obtinebat denarius, eo ipso traducit antiquos omnes, tanquam ponderis pretiique pecuniæ suæ ignaros , qui denario uterentur drachmam excedente, & tamen semper δραχμῶν denarium & denarium δραχμῶν reddiderint, & ex hac credita falso, ut ille velit, æquabilitate sestertios etiam male ad Græcorum, talenta ad Latinam pecuniam redegerint. Porro denarii gravioris argentum, quod Romani æstimabant decem libris æris, valere in Hispania maravedes ait quadraginta, quemadmodum ab origine denarius idem quadraginta erat quadrantum gravis æris : sic assi comparat quartonem

Hispa-

Hispanicum continentem quatuor maravedes, dupondio octo, sestertio decem, semissi duos, quadranti unum maravedes. Convenitque quod vulgo maravedem (morapetinum vocat Ciacconius) Italice interpretantur quattrinum: is enim quarta pars bajocci: & hi eodem numero Iulium complent, quo primi asses denarium. At videtur oblitus fui, cum statim addit, postquam imminuere pondus assis Romani, feceruntque illum sextantarium, sic ut denario permutarentur unciæ viginti signati æris; ex eo tempore accrevisse denario maravedes ad sex & quinquaginta, ut assi paullo minus sex maravedes venisse, dupondio quasi duodenos, sestertio quasi quinos denos, semissi tres, trienti duos, quadranti unum cum dimidio, sextanti unum. Quidni enim mirum sit, pecuniam denum æris, quum asses libram penderent, fuisse maravedium quadraginta; rursus eandem pecuniam denum æris, quum duas uncias penderent asses, fuisse maravedium sex & quinquaginta? Si enim propterea denario adsignantur quadraginta maravedes, quod decem libras æris valeret, nunc tantum sex maravedium & bessis erit denarius: tanti enim æstimarentur tum viginti uncia, si singuli maravedes, perinde ut quadrantes, pro tribus uncis valerent. Sin autem non propter decem asses libriles denario conferuntur

runtur quadraginta maravedes, sed quia argentum denarii Romani valet hodie in Castilia maravedes quadraginta, id quod ipse in superioribus proximis adfirmavit; iste numerus, quæcumque demum in assibus mutatio contigerit, denario perpetuus est, neque augeri minuive potest assium pondere aut numero, quo denarium faciebant, variato. Non secus atque decem bajoccos Romanos hodiernos æquiparamus denario, quia totidem habet Iulius, cui denarius congruit: & quicumque denarius, sive denarius sive decem asses sextantarios, sive plus minusve valuit, non ideo bajoccis amplius numero decem censetur. Pergit Ciacconius, postquam Q. Fabius Maximus dictator asses fecit unciales, & senis denis permutatatus denarius, tum exstitisse eandem fere inter æs & argentum proportionem, quæ sit hodie in Castilia: quippe sedecim uncias Romanas, quæ sint Hispanæ quindecim, valuisse ab eo tempore quadraginta quinque maravedes. Atqui ne tum quidem plurimum pauciorumve maravedium factus credi debet denarius: sed maravedis, qui est manetque quadragesima pars denarii, & in asse quadrantis rationem habuerat, dum pro decem assibus ambulat denarius, jam postquam senos denos valet denarius, triente & paullo plus tribus sicilicis est censendus.

Quadra-

Quadraginta enim trientes sunt tredecim asses cum triente: restant octo trientes ad integros sedecim asses, quæ sunt uncia duæ & triginta, semuncia quatuor & sexaginta, sicilici centum viginti octo : nunc adde quadraginta trientibus ter quadragenos sicilicos , habebis octo trientes , & sic sedecim asses , minus octo sicilicis seu duabus unciis. Denique lege Papiria semuncialibus assibus percussis , quum denario tantum octo permutarentur æris uncia in sedecim asses conflata , quæ tamen pecunia tantundem valebat , quam olim decem libræ ; putat Ciacconius æs , quod tum comparabatur denario isti iusto ac legitimo , in Hispania facere viginti duos maravedes cum dimidiato : sic assem fuisse duarum maravedium paullo plus , dupondium quartonem , sestertertium quinque maravedium , semissem unius : si fuerit alterius generis denarius ex illis , qui tantum drachmam penderent , tum triginta quatuor ei maravedes attribuendos . Sed pari ratione asse ad semunciam redacto , ne tum quidem maravedium numerus in denario potest dici mutatus , quia quadraginta maravedes illi olim decem libris æris comparabantur , non quod proprie & perpetuo tantum esset libra æris quantum quatuor maravedes , sed quod quatuor maravedes sint decima pars denarii Romani in Castilia :
eadem

eadem autem decima pars denarii in ære Romæ olim erat libra æris. Denarius igitur est mensura, secundum quam plus aut minus æris Romani signati habet maravedis : non æs Romanum mensura est, juxta quam plures paucioresve maravedes habeat denarius. Maravedis, qui erat quadrans libræ æris, non qua libræ, sed qua assis & decimæ partis denarii, quum as esset libram pondo ; idem mansit quadrans assis sextantarii, siquidem hi quoque decem, ut antea decem libræ, non plures, perfecerunt denarium : at uncialium semuncialiumque quia senos denos hos valebat asses denarius, maravedis tanquam denarii pars quadragesima non potuit manere quadrans, sed factus est triens tres sicilici utriusque generis. Hic illud potest mirum videri, quod denarii dicuntur esse quadraginta maravedes, & idem tamen comparatur Regali Castilienti, qui tantum xxxiv dicitur valere maravedes. Ciacconius quidem duo genera denariorum faciendo alterum xl, alterum xxxiv maravedium rem sibi expedire videtur. Sed nos non nisi unum agnoscimus drachmæ æquale : si qui graviores fuerunt, neque diu id pondus servarunt, neque quo tempore mutatum sit, ullum vestigium in antiquis exstat : eorum denique apud scriptores priscos & λόγος & δ' ἀριθμός. Necesse est igitur aut Regalem Castulonensem

sem aliquando XL maravedium fuisse, idque postea quacumque ratione mutatum, ut minore numero in regalem incurrerent: aut minus accurate facere scriptores, qui maravedem docent ipsam esse denarii quadragesimam partem, ut eorum assium, qui decem denario contra cari erant, quadranti componatur: quippe si triginta quatuor maravedes denario, ut regali pares sunt, paresque decem assibus, quibus olim æstimatus ille, in quinario seu quinque assibus censentur septendecim maravedes, in sestertio octo semis; as tres maravedes trientem habuit, semissis maravedem trientem, quadrans bessiem, seu duas tertias partes maravedis. Sed incertius etiam maravedium pretium reddit An. Schottus nobis, qui fere maravedem quadranti comparat, & subjicit: Dixi, fere, nam decem maravedes stuferum adæquant nostrum, qui octo constat quadrantibus. Hoc si verum est, non quadraginta, non quatuor & triginta, sed quinquaginta vel sexaginta maravedium erit denarius. At idem tamen post paullo denarium Belgis quinque stuferorum, Hispanis regalem & xxxiv maravedium, rotunde ac late XL maravedium facit. Excedit magis Alexander Sardus, denarium faciens maravedium quinque & sexaginta. Sed & Ciacconius testatur, aliis temporibus alio pretio mara-

maravedes in Castilia fuisse, donec desierint esse nummi; & pro summula duas blancas continente sint nuncupati. Illud autem quam novum, quam non decet elegantiam Ciacconii, talentum Atticum subtiliter facere viginti unum sestertia? Profecto id ignoravit Asinius Pollio, cui quum viginti quatuor sestertia Cæsar Augustus pro talento donasset, ἢ πρεσβύτες, φησὶν, ἢ ἀφ' ἐλε, ἵνα μὴ Ἀττικὸν ᾖ. Ignoravit Augustus Cæsar: aut enim respondisset, jam majus esse congiarium suum Attico talento, aut princeps frugalis merito urbanitatem Asinii quatuor millibus nummum detractis ferire potuisset. Denique id ignoravit M. Seneca, qui dictum Asinii, ut facetum, nobis servavit, & ex sua etiam persona explicando ostendit occasionem dedisse joco, quod viginti quatuor sestertia Romanis essent tantum quantum Atheniensibus talentum, Asinius autem bellum cum omnibus Atticis, non hominibus modo, sed rebus quoque & nominibus gereret. Hoc inde, quia æque arguta novitate drachmam Atticam facit trium semis sestertium nummum, minam LXXXVII denarium & victoriati, sestertium CCCL. Has sentes in nemine alio stomachosius fero quam in Ciacconio, uno, si quisquam, subactissimi & amœnissimi ingenii viro, qui nihil solebat inepte moliri, & noverat in plerisque digniorem

æmulatione veterum negligentiam quam horum nimis artificum diligentiam.

CAP. VI.

De Savilii & Thomastii æstimatione antiqua pecunia. Sterlingus vel Esterlingus, denarius prisorum Francorum. Solidus eorundem argenteus, duodecim denariis gentis, tribus Romanis, quales fuerunt, qui milliarienses dicebantur, æstimatus. Frisionum lex illustrata. Libra argenti Francis viginti solidorum πωλιδράχμων. Ejus imago in hodierna Gallica, Britannica & Belgica moneta. Marca, ses libra, tredecim solidi, quatuor sterlingi sive denarii. Matthai Parisii locus explicatus. Libra partitio in solidos & denarios. Aureus Francorum solidus, XL denariorum, trium solidorum & triens. Solidus aureus trium denariorum nullus in Lege Salica, bis defensa & explicata. Solidi aurei Romani & Franci differentia. Solidi aurei in multis & sanctionibus Legis Salica Pipini, & Ludovici clementia in argenteos mutati. Libra sterlingorum, Marca semis, Romana libra triens. Libra vox quomodo a duodecim unciiis ad significandum argentum signatum quatuor unciarum transierit. Ad libram sterlingum revocata complures summa Romana. Martialis, Catulli, Horatii, Iuvenalis loca, ubi sestertia pro mille nummis ponuntur, vindicata. Centum quadrantes non idem quod decem sestertii. Dena sestertia nummum quemadmodum dicantur. Schellingus vel solidus hodiernus Britannicus, drachma πωχεία sive Ægina. Mille millia sestertia, non dicebant veteres. Ut nec, decies aris.

EX Britannis literarum peritis, quos viderimus, nobilissimus Savilius ad lib. 1.
Histor.

Histor. Taciti, *bina millia nummum*, reddit sedecim libras esterlingorum, vel sterlingorum, quas vocant, quibusque omnem fere grandem pecuniam, ut per *sestertia* Romani, numerant. *Esterlingum* sive *Sterlingum* interpretantur denarium. Recte illi: modo intelligant denarium, non Romanum, sed Francorum, qui duodecimus erat in solido argenteo, vicesimus in uncia, CCXL in libra argenti. Nam ad similitudinem aurei solidi, qui sub Constantini Magni successoribus fuit, & duodecim milliariensibus vertebatur, percusserunt Franci & hæ nationes argenteum, quem duodecim æstimabant denariis sive sterlingis. Viginti solidi faciebant libram argenti, ut Romani sexaginta milliarienses: solidus igitur erat milliariensium trium & Romani quadrans solidi. Inde in legibus Frisionum tit. XVI. solidus, *qui tribus denariis constat*: scilicet Romanis, qui proxima ætate fuerant milliarienses. Non, quasi solidus, qui antea duodecim valeretur denarios, ad tres postea sit redactus, ut accepit illustris Scaliger. Etenim Francorum sunt illi duodecim denarii, quos habuisse solidum diximus: hi vero, quibus tribus eum constare dicit lex Frisionum, sunt Romanorum postremorum, iidem qui milliarienses: tres hi & illi duodecim pretio universo nihil differebant. Hinc in præcedente titulo appellantur *de-*

denarii veteres. Quamquam fortasse Frisio-
 num moneta nec Romanæ nec Franco-
 rum omnino par fuerit : quippe quibus in
 Additione Sapientum , ut vocatur , *solidus*
 dicatur *duo denarii dimidius ad novam mo-*
netam ; & alia parte , solidus duo denarii novi.
 Argenteus igitur ille Francorum , Galliarum
 potitorum , *solidus* ad vetustiore pecu-
 niam exactus erat $\pi\epsilon\upsilon\acute{\tau}\epsilon\delta\rho\alpha\chi\mu\omicron$, eoque
 quindecim scriptulorum , nonaginta quasi
 siliquarum : *denarius* vero , qui & *sterlin-*
gus , scriptulum siliquam cum dimidiata si-
 liqua habebat : vel septem siliquas & di-
 midium siliquæ : sic ut duo semis facerent
 drachmam & semisiliquam & siliquæ qua-
 drantem , vel drachmam & dodrantem sili-
 quæ. Vides quam prope convenient hæc
 illi , quod tradit Budæus lib. II. de asse ,
 ubi appellata drachma Attica, quam, inquit,
 „ drachmam nostri *sterlinos* duos & dimidia-
 „ tum esse dicunt. Auctor de limitibus a-
 grorum : *Iuxta Gallos vicesima pars uncia de-*
narius est : & duodecim denarii solidum red-
dunt : ideoque juxta numerum denariorum tres
uncia quinque solidos complent. Sic & quin-
que solidi in tres uncias redeunt : nam duodecim
uncia libram viginti solidos continentem effi-
ciunt. Hic *solidus* nostris potest triginta stu-
 feris censeris, *denarius* vel *sterlingus* duobus se-
 misse. *Uncia* libræ hujus, x x denarii vel *ster-*
 lingi,

lingi, solidus & solidi bes, id est, octo denarii. *Sextans*, denarii XL, tres solidi triens, sive quatuor denarii. Hoc pretium erat aurei Francorum solidi. Lex Salica : *Si quis porcellum furaverit, qui sine matre vivere potest, LX denariis, qui faciunt solidum unum, culpabilis judicetur.* Ita Hincmarus Remensis in testamento B. Remigii *solidorum quantitatem numero quadraginta denariorum computari notat.* Ne quis scilicet intelligat argenteos. Sunt nostri quasi quinque floreni. Lindembrogius ad LI. antiquas, etiam quatuor denariorum solidum fingit ex lege Salica, tit. XXVI. *Si quis foeminam gravidam occiderit, duorum millium octingentorum denariorum, qui faciunt solidos DCC, culpabilis judicetur.* Item : *Si quis puellam ingenuam infra annos, antequam infantes possit habere, occidat, DCCC denariorum, qui faciunt solidos CC, culpabilis judicetur.* Sic enim, inquit, si quis rationem inibit, quilibet solidus quatuor denarios habebit. Credo equidem : sed neutrum caput, ne in ipsius quidem editione illum denariorum numerum repræsentat : prius enim, XXVIII den. posterius, VIII den. Et recte : nam hic octo millia denariorum, illic viginti octo millia intelligenda. Ratio inibitur ad solidum XL denariorum. Quadragies septingenta, viginti octo millia : quadragies ducenta, octo millia. Sic eodem titulo : *Si quis puerum infra*

duodecim annos, sive crinitum, sive incrinitum occiderit, x xiiii den. qui faciunt sol. DC, culpabilis judicetur. Passim ita lex Salica, quotiens denariorum minor est quam solidorum numerus, tamque frequenter, ut difficile sit non animadvertere. Sed & fallitur ibidem homo doctus, quum eundem auri solidum non una ubique aut semper eadem taxatione, sed aliquando xii denariis adpretiatum ait. Nempe hic argenteus, non aureus. Immo nec immunis ab hac culpa Scaliger. Solidum Francorum verum fuisse ipsum Solatum hodiernum ait: mox eundem solidum veterem fuisse denariorum duodecim. At hic argenteus, cujus mentionem nullam facit; non aureus, de quo inceperat loqui. Nec Marquardus Freherus, cum Francis ait libram per xx solidos computatam, solidum autem quadraginta denarios continuisse. Enim libra illa est argenti, hi vero denarii, non argenteorum, sed aureorum solidorum sunt. Carolus Magnus Capit. lib. III. tit. xiv. *triginta solidos libram & dimidiam* vere dicit: quod etiam ingerit Scaliger; sed libram argenti, non auri. Nam cum quinque aurei solidi Romani libram argenti facerent, sex Franci; nec credibile sit auri ad argentum proportionem aliam fuisse penes Francos, quam eodem tempore apud Romanos erat; quando libra auri Romanos habebat

habebat LXXII aureos solidos, Francos necesse est habuerit LXXXVI & tremissem. Romanus aureus solidus scriptulis quatuor, siliquis XXIV sine dubio censebatur: Francus videtur tria scriptula trientem, siliquas XX habuisse. Nam quinquies viginti quatuor & sexies viginti eundem numerum efficiunt, nempe CXX. Aureus igitur solidus XX siliquarum proportionem, qualis tum erat, quatuordecupla respondebat CCLXXX siliquis argenti: vicies enim quatuordecim sunt ducenta octoginta. Idem numerus exit ex siliquis denariorum quadragenum septies ductis: septies enim quadraginta prorsus sunt & CCLXXX. Sed in singulis denariis excurrit semifiliqua: unde siliquæ argenti fiunt viginti. At siliqua auri super quatuordecim argenti siliquas tantummodo valebat siliquæ trientem & quatuor quintas uncix, quæ faciunt octo asses sive siliquas: viginti enim trientes, sex asses duo trientes; vicies quatuor quintæ partes uncix unius sunt uncix sedecim. Sive mavis dicere, siliquam auri super quatuordecim siliquas argenti valuisse duas quintas: quinquies enim duæ quintæ faciunt asses sive siliquas duas: vicies igitur duæ quintæ, siliquas octo: sic aurum solidi faciebat argenti siliquas CCLXXXVIII. At in denariis quadraginta, cujus dixi, ponderis sunt CCC siliquæ, ita ut decem siliquis

amplius sit in argento quam præcise esse debet. quod minime mirandum, cum propter præstantiam auri, tum quia noluerunt imparem denariorum numerum dare solido: denique potuerunt hoc, quicquid est, *μεγαλίσμῳ* æquare, ut fieri solet in solutionibus. Carolus autem de argenti libra ipse se loqui probat Capit. lib. III. tit. xxx: *ut omnia debita, quæ ad partem regis solvi debent, solidis XII den. solvantur*, (id est, argenteis) *excepta freda, quæ in lege Salica conscripta est: illa eodem solido, quo cetera compositiones solvi debent, componatur.* id est, aureo XL denariorum. Hoc ubique designat lex Salica. Pipini clementia constituit, *ne solidi, qui in lege Salica habentur, per XL denarios discurrant*, ut legitur in Synodo Remensi. id est, ut pro aureis satisfacerent argentei. Quod cum parum valuisset, repetivit Ludovicus Caroli filius: *ut omnis solutio atque compositio, quæ in lege Salica continetur, inter Francos per XII denariorum solidos componatur: excepto, ubi contentio inter Saxones & Frisiones exorta fuerit. ibi volumus, ut quadraginta denariorum quantitatem solidus habeat: quem vel Saxo vel Frisio ad partem Salici Franci, cum eo litigantis, solvere debet*, tit. LXXV lib. IV Capitulorum. Hæc hactenus confusissime a doctis, quos vidimus, erant tradita. Nunc revertimur ad libram argenti, secundum Francos, *cujus quadrans,*
IX dena-

LX denarii, quinque solidi. *Triens*, LXXX denarii, sex solidi bes seu octo denarii. Tantum argenti est in illa, quæ vocatur hodie *libra sterlingum*, ut mox patebit. *Quincunx*, denarii centum, octo solidi triens vel quatuor denarii. *Semis*, denarii CXX, decem solidi. *Septunx*, denarii CXL, undecim solidi bes seu octo denarii. *Bes* libræ, CLX denarii, tredecim solidi triens, sive quatuor denarii. Hæc est, quam *Marcam* vocant id genus scriptores. Matthæus Parisius in Henrico III: *centum & quatuor marcas, bonorum & legalium sterlingorum, tredecim solidis & quatuor sterlingis pro marca qualibet computatis*. Agnoscis *denarium* & *sterlingum* eundem esse nummum. *Dodrans*, CLXXX denarii, quindecim solidi. *Dextans*, denarii ducenti, sedecim solidi bes. *Deunx*, CCXX denarii, XVIII solidi triens. *As* sive libra ipsa, CCXL denarii, XX solidi. Hæc origines illius, quæ nunc quoque in Gallia & Anglia versatur, monetæ: hinc hodieque Galli *libram* vocant XX solidos, licet tanto minores, & solidum in duodecim *denariolos* dividunt: hinc Britanni viginti solidos sive schellingos, tertia parte, quam fuerant, recisiores, *libram sterlingorum* vel *sterlingorum* appellant, & schellinum pariter in duodecim penningos pro *denariolis* partiuntur. Vox ipsa utrum formetur ab signo, quod imprimebatur isti

nummo, & *Sterlingus* sit quasi *Stellatus*, an potius *Esterlingus*, denominatus a populis, qui illis *Easterlings*, Belgis *Oosterlingen* dicuntur, (ut *Thalerus* a Valle Ioachimica, ubi natum ferunt) ambiguum faciant scriptores. Huiusmodi sterlingum libras octo censet Savilius fuisse Romanorum *mille nummum*. Thomas Thomasius addit Nobilem sive sex schellingos, penningos octo. Sed potius aliquid demendum quam addendum summæ Savilianæ. Nam libra sterlingum solidos vel schellingos genticos continet viginti, ut olim: sed hic solidus vel schellings illius vetusti Francorum solidi triens: itaque unciam argenti quinque his schellings (quum olim tres uncias quinque solidi occuparent) tam Savilius quam Thomasius æstimant. Ergo libra sterlingum, triens libræ Romanæ, Marcæ barbaricæ semis, quatuor argenti uncias complexa, æquanda est denariis reipublicæ & primorum Cæsarum $xx \times iii$ & tertiæ denarii parti, seu duobus obolis; sestertiis $ccc \times xiii$, assi, trienti: qui nostri sunt decem floreni, quibus etiam vulgo æstimatur: etsi nonnihil addunt alii propter nobilitatem metalli monetæ Anglicanæ: sed numero rotundo contenti erimus: collybistæ neque hinc instrui desiderant, & sine monitore officium faciunt. Tantundem faciebant sex solidi, octo dena-

rii vel sterlingi, Francorum & Anglorum veterum. nam quum solidus florenum & dimidiatum, sex solidi novem florenos; quum denarius duos stuferos semissem, octo denarii stuferos viginti promittebant. Quæris jam, qui vocabulum *libra* a pondere argenti duodecim unciarum revocatum sit ad trientem ejus? Videtur eo valuissè numerus viginti solidorum, ex quibus quondam justa libra constabat. Quemadmodum *quadrantis*, *trientis*, *semissis* vocabula, propter locum & numerum, quem obtinebant in massa æris librali, transierunt ad numismata ærea, referentia eundem locum & numerum in partibus assis minuti, qui & ipse a libra æris rudis, ad sextantem, unciam, semunciam, sicilicet æris signati denotandum translatus est. Quemadmodum denarii partes decima, vicesima, quadragesima, *libella*, *sempella*, *teruncius*, postquam sedecim assium factus denarius, & ejus minutia excurrentes in rationibus æris partibus signari cœperunt, conversæ sunt ad sestertium, & in hoc eadem numero partes imaginarias significarunt. Sic etiam *libra*, quæ olim propriè accipiebatur de viginti solidis, qui, quod singuli quindecim scriptulorum essent, juncti complebant duodecim uncias; propter eundem numerum vicenarium applicata est solidis quinque scriptulorum, ut hi etiam, quanvis priorum

trien-

trientes, viginti appellarentur *libra*, quot scilicet triplo graviores quondam justam argenti libram exhauferant. Et tamen non *solidorum*, sed *sterlingorum* hæc libra vocitata est, quia verisimile est tum illum nummum maxime frequentatum fuisse: qui, ubi in defuetudinem abiit, etsi proprie LXXX sterlingi essent libra sterlingum, quod hi facerent viginti solidos; hoc sui monumentum reliquit, ut xx solidi nominarentur *libra sterlingum*, etiam postquam sterlingus esse desit. Eadem abusio vocis in Gallia Belgioque inolevit: quod illic *libra Turonensis*, hic in syngraphis cautionibusque quot intelliguntur floreni xx solidorum, pars hodie infra tricesimam libræ argenti, tot *ponden* sive *libra* perscriptæ testantur. Tres igitur libræ sterlingum, libra Romana, centum denarii, quadringenti sestertii: septem & dimidiata, ducenti quinquaginta denarii, *mille sestertium*. Sic *bina millia sestertium*, libræ sterlingum quindecim, quinquaginta coronati, centum quinquaginta floreni. Sic *decem millia nummum sestertium*, Thomasio octoginta tres libræ & nobilis, sunt septuaginta quinque libræ, coronati ducenti quinquaginta, floreni septingenti quinquaginta. Sic *quindecim millia*, quæ centum viginti libras (fixe score pound sterling) interpretatur Savilius, sunt centum duodecim libræ cum se-

libra,

libra, coronati CCCLXXV, mille CXXV floreni. *Triginta millia* eidem CCXL libræ, quæ sunt CCXXV, coronati DCCL, florenorum duo millia ducenti quinquaginta. *Centum millia* Thomasio octingentæ triginta tres libræ & nobilis : quæ sunt DCCL libræ, duo millia quingenti coronati, septem millia quingenti floreni. *Decies* Thomasio octo millia CCCXXXIII libræ cum nobili, sunt septem millia quingentæ, viginti quinque millia coronatorum, septuaginta quinque millia florenorum. *Quadrages*, triginta millia librarum sterlingum, centum millia coronatorum, trecenta millia florenorum. *Centies*, LXXV millia librarum, CCL millia coronatorum, DCCL millia florenorum. *Quadringenties*, trecenta millia librarum, decies centena millia coronatorum, tricies centena millia florenorum. *Millies* DCCL millia librarum, vicies quinquies centena millia coronatorum, septuagies quinquies centena millia florenorum. *Novies millies* a Vitellio absumptum interpretatur Savilius *about seven thousand thousand pound*, hoc est, septuagies centena millia librarum : sunt autem sexagies septies centena quinquaginta millia, coronatorum ducenties vicies quinquies, florenorum sexcenties septuagies quinquies centena millia. *Bis & vicies millies* interpretatur septendecim milliones, CLXXXVII mil-

millia quingentas libras. hoc est 17187500;
 Latine centies septuagies semel centena octoginta septem millia quingentas. Ex nostra ratione sunt librarum centies sexagies quinquies, coronatorum quingenties quinquagies, florenorum millies sexcenties quinquagies centena millia. Thomasius quidem omnis ab Agricola pendet, adeo ut singulari disputatione convellere conetur loca, in quibus apud Poetas *sestertia* ponuntur pro mille nummis: quam partem secuti alioquin Agricolam, Cenalis & Hotomannus abjecerunt, Ciacconius præclare oppugnavit. Martialis lib. II epigr. LXIII.

Sola tibi fuerant sestertia, Miliche, centum:

Quæ tulit e Sacra Leda redempta via.

Miliche, luxuria est, si tanti dives amares.

„ Ad hoc Thomasius: Si Milichi *centum sestertia* CC & L libras pondere valebant, erat
 „ dives, non, ut ex Martiale colligitur, pauper.
Centum sestertia sunt duo millia quingenti coronati: hæc ne nunc quidem sunt magnæ divitiæ, nedum Romæ tempore Martialis. Quæ vero luxuria est diviti, *centum nummis*, id est, aureo Romano uno, xxv denariis, redimere delicias suas? Lib. x epigr. LXXV.

Millia viginti quondam me Galla poposcit:

Et, fateor, magni non erat illa nimis.

Annus abit: bis quina dabis sestertia, dixit.

Poscere plus visa est, quam prius, illa mihi.

Iam duo poscenti post sextum millia mensem,

Mille dabam nummos : noluit accipere.

Bis quina, inquit, *sestertia* dicuntur minus esse quam *viginti*, majus quam *duo millia*, quod sensim de sui pretio Galla detraheret. Et sunt certe. At, pergit, a viginti ad decem millia primum, deinde ad duo millia recidisse pernego. Eadem opera perneges meridie lucere. Maximum & minimum pretium, ait, primis quatuor versibus exponi dicam, sequentibus imminutionem sensim factam : quia *decem sestertia* seu *sestertii* idem valent quod *centum quadrantes*, qui pro vilissimo pretio postea ponuntur. Falleris : non enim idem valent *decem sestertii* quod *centum quadrantes* : nam sestertius Martialis ævo non erat decem quadrantum, quot sunt in duobus assibus & semisse, sed sedecim, quot sunt in quatuor assibus : tot enim tum sestertius habebat asses. Itaque decem sestertii sunt CLX quadrantes. Ita non possunt hæ duæ summæ pro una censeri, & acumen Thomælii evanescit. Omnino autem transitus est Martiali a viginti millibus ad decem millia, ab his ad duo millia, inde ad mille, a singulis millibus ad quadringentos, tum centum sestertios, denique xxv asses, seu centum quadrantes. Nescio quid submurmurat, Martiali (qui si vere objectum sit, eam postea mille sestertiis æstimaverit) bre-

„vi temporis curriculo, detracto pretii dimi-
 „dio, carius quam prius videri non debuiffe.
 Puto autem, longe acutius, quid sibi videri
 debuerit, Martialem, quam quid sibi & illi,
 Thomaſium vidiffe. Nam ille, quod ei vi-
 deri non debuiffe ſciſcit Thomaſius, id vel
 præcipue falſum & factum cenſuit. Quod
 autem facile crediderit pauperrimum fuiſſe
 Martialem, eoque ſex ſeſtertios nummos,
 non ſex ſeſtertiorum millia, mutua petiſſe
 credendum, quum ſcriberet lib. VI. epi-
 gram. x x x:

Sex ſeſtertia ſiſtatim dediffes,

Quum dixti mihi: ſume, tolle, dono:

Deberem tibi, Pate, pro ducentis.

ego ut Cræſum non facio, ita nec Irum: *ſex*
 autem *ſeſtertios* cur quemquam rogans mu-
 tuos ſeptem aut novem menſes aſſectaretur,
 cauſæ nihil erat: quippe quos quoties vellet,
 officio mereri poterat: accedunt enim prope
 centum quadrantes, *Anteambulonis congia-
 rium laſſi*. Iam, *ſume, tolle, dono*, verba plena
 liberalitatis, majorem ſummam requirunt.
 Nec mutua accepit illa ſex millia nummum
 Martialis, ita enim nihil perdiderat Pætus,
 ſed donum, ſic tamen, ut beneficii gratiam
 exſpectationis mora exſtinxiſſet. Cujus au-
 tem ingenii eſt Quernos archipoetas, nugæ
 maximas, ingenio Martialis comparare?
 Furio Catulli car. x x x II, ſatis magnum pu-
 tat,

tat *sestertios centum* precari ; ego haudquaquam hos satisfacere voto ejus aut cupiditati existimo. Similiter satis ei probabile *decem sestertios* a Silone lusu & joco repetisse Catullum car. C I V. At lenonum mercedes apud Comicos consideranti, siue iste uxoris suæ, siue prostituerarum leno fuerit, non *decem nummos*, sed *decem millia* esse oportuisse videbitur, quæ sævum & indomitum mitigarent. Horatii loca agnoscit difficiliora. Tamen lib. I epist. VII. quum Philippus Vultejo narratur *septem* donasse *sestertia*, *septem* mutua promississe, interpretatur septem nummos donatos, septem millia mutua data. Donationem egregiam, & dignam quam prædicaret Horatius. At præconem facit Vultejum. At horum quoque quamvis parvæ mercedes & capturæ, non tamen mendicorum stipes. Catonis ævo præconium oleæ pendentis sestertii quinquaginta & olei numerus. Quid quod facit tenui quidem censu, non sine censu tamen ? & quærentem & utentem ? a Philippo ultro adscitum ? inductumque, ut mercaretur agrum his ipsis quatuordecim millibus, in quo ovium, capellarum greges, seges, vitis & ulmi, bos arator, caballus, totque alia, quæ vult intelligi ? Hæc scilicet ille vult omnia comparata, præsertim in suburbano, septenis solis mutuis. *Septem*, inquit, *millia*, quæ sunt an-

„nui vestigalis Ciceroniani, ut e Paradoxis
 „liquet, pars fere decima, majus fuit quam ut
 „daret Philippus, dum requiem sibi, dum ri-
 „sus quærit. Immo minus quarta decima: il-
 lud enim centenum millium est: & quater-
 decies septem sunt nonaginta octo. Nec ni-
 mia summa apparebit, si notas Romanorum
 procerum liberalitates in clientes gratiores
 persequamur. Luculli militem lib. II. epist. II.
 procul dubio viginti quatuor millia fester-
 tium accepisse fatetur. Sed in tam inusitata
 loquendi ratione postulat sibi permitti, ut
 insimulet librarii erratum. Ostendat igitur,
 quod sit illud erratum librarii, qua in voce,
 quomodo corrigendum in loco, qui suspi-
 cionem nullam admittat. Hoc igitur mox
 missum facit: *bis dena super sestertia nummum*
esse hypallagen, & sestertia tanquam adjecti-
 vum fieri, & congruere cum subaudiendo
millia, quod usitate cum τῶν *nummum* con-
 cordare deberet. Hoc non dissidet a sen-
 tentia Scaligeri, quam olim improbavimus:
 nisi quod Scaliger ubicumque *sestertia* oc-
 currunt, iste hoc uno loco sua *millia* intelli-
 gunt. Sed nihil istis opus. *Nummum accipit*
bis dena sestertia, dixit Horatius, ut Livius
 lib. XXVII. *Pecunia in ararium tulerunt ses-*
tertium tricies: ut Gellius lib. I. cap. V. *hoc*
facit nummi nostratis denarium decem millia:
 & lib. V. cap. II. *aris nostri summa est sestertia*
trece-

trecenta duodecim. Sic Plutarchus urbem Tigranocerta, cum eam caperet Lucullus, *καὶ τῶν ἄλλων χρημάτων ὀκτακισθίλια τέλαντα νομισμαλῶς ἔχσων.* Iuvenalis locum de mullo sex millibus empto, & æquante *paribus sestertia libris* cum Agricola sic eludit: non volunt tot sestertia pretium fuisse, quot penderet libras, sed tot libras pependisse, quot pendebant libras sestertii, quibus emptus est: faciunt autem octodecim. At non ita Scholiastes vetus: *sex librarum, qui tantum haberet in pondere, quantum in pretio.* Dein *sex millia quindecim* libras argenti implent. Et si Senecæ & Martiali, quatuor librarum nullus pro raro prædicatur, unde octodecim? nam unicus ille Rubri maris incola LXXX librarum prodigium est. *Staterem Atticum* Thomasius facit tredecim schellingorum, hoc est, viginti unius denariorum, quatuor obolorum: is autem schellingis duodecim æstimandus. Nam Schellingus Britannicus par est denario cum besse seu quatuor obolis: atque adeo ipsa drachma *παχῆα* sive Ægina, quæ decem valebat obolos Atticos, tres schellingi, quinque denarii. *Aureum Romanum* æstimat quindecim schellingis: iustissime: hi enim sunt XXV denarii: sed falsum, eum ex instituto duorum tantum denariorum pondere fuisse, postea duarum drachmarum factum, & æstimandum schellingis

lingis tredecim : semper enim aurei majores & pondere & pretio stateribus fuerunt. *Solidum* tamen Constantini & sequentium recte schellingis octo definit, hoc est, tredecim denariis, dumtaxat ex vetere auri ad argentum proportionem. nam tum plus valuit. *Minam* schellingos facit quinquaginta octo, qui sunt sexaginta, perinde ut libra Romana. *Talentum* vult centum septuaginta tres libras : at sunt CLXXX, coronati nimirum sexcenti, floreni mille octingenti. Illud intolerandum, *mille millia sestertium* reperiri apud Plinium. Vbinam quæso ? Hæc ut temeritas, ita vana trepidatio in illo : *Decies aris*, & forte *decies centena millia aris*. Quod metuit dicere, id solum dicebant : quod adseverat, id metuebant dicere veteres.

CAP. VII.

Willebrordi Snellii supputationum quadam menda.
Oboli, tanquam *assis*, *partitio*. *Centeni aris legis Fannia*. *Denarium quingenties*, *denarium octingenties* ignota antiquis. *Atticus stater aureus* viginti, non xxv *drachmarum argenti*. *Mina auri* idem quod *stater*. *Pollux & Plautus illustrati*. *Octo drachma auri* nunquam dicta *stater*. *Quatuor drachmarum argenti*, *duarum auri nummi*, *stateres*. *Cyrenaicus tetrastater* non quatuor, sed octo *drachmarum*. *Tetragramma* non idem quod *πενταγράμμοι*. *Dimidium stateris* nulla ratione potest dici *tetrastater*. *Pollux emendatus*. *Aurei & argentei veterum nummi ponderis ejusdem*,

dem, quo appellabantur. Hesychius correctus. Daricus non L, sed XX drachmarum argenti, & par stateri Attico, non duobus. Siclus auri apud Hebræos non τετραδραχμοῦ, ut argenti, sed διδραχμοῦ. Iosephi locus declaratus. Heronis Alexandrini de Darico sententia & error. Summa aliquot daricorum, siclorum, aris Romani, ad nostram pecuniam revocata.

Willibrord. Snellius suum literatæ monetæ studium duplici merito testatum voluit, qui & ipse in ea explicanda operam posuerit, & Scaligeri ad eam adversaria publicarit. Hic quoque duplicem facit *denarium*, temporisque rationem, quam tamen, quicquid moliantur, definire nullam possunt, in primis observandam dicat: utrumque tamen non infra stuferos Hollandicos septem taxat, *sestertium* stufero & dodrante, seu tribus quadrantibus stuferei. Postea *sestertia* nummos mille sestertios, denarios CCL. coronatos xxv valuisse adfirmat. Hæc dicta inimicijs inter se dissident inexpiables. Coronatum æstimamus stuferos sexaginta: ejusmodi mille quingenti stuferei complent illos quinque & viginti coronatos. At CCL denarii, septem stufierorum singuli, complectuntur mille DCCCL stufieros. Rursus decem denarios coronato attribuit ipse, quum xxv coronatos denariis æstimat ducenis quinquagenis. Iam si denarius est septem stufierorum, decem denarii

erunt stufierorum septuaginta. Aut igitur tot stufierorum condendus est coronatus, aut *sestertia*, quæ CCL habent denarios, viginti novem erunt coronatorum, & aliquot stufierorum. At, pergit, ex hodierna auri ad argentum analogia, denarius facit sex stufieros, & quinque octavas stufieri. Latini dicerent, *quinque fescuncias*, vel *septuncem semunciam*, hoc est, ne suspendamus lectorem, quinque chalcos vel æreolos sive deutas. Nam si obolum (qui unus omnis veteris pecuniæ stufiero simillimus) dividamus per assis partes, *semuncia* ejus erit chalci triens; *uncia*, chalci bes: *sextans*, chalcus & chalci triens: *quadrans*, duo chalci: *triens*, duo chalci & bes unius: *quincunx*, tres chalci triens: *semis*, quatuor chalci: *septunx*, quatuor chalci bes: *septunx semuncia*, quinque chalci: *bes*, quinque chalci triens: *dodrans*, sex chalci: *dextans*, sex chalci bes: *deunx*, septem chalci triens: addita *uncia*, hoc est, unius chalci besse, fiunt octo chalci, qui nunc *as* nobis, nempe obolus. Ita in denariis decem, sexaginta stufieros, qui tantum inesse debent, excedunt quinquaginta chalci, qui faciunt sex stufieros sive obolos quadrantem. Sic coronatus exit sexaginta sex stufierorum. Hi sex stufieri quadrans, singulis coronatis additi, in vicinis quinis efficiunt duos coronatos, triginta sex stufieros. Sic mille *sestertium* & CCL denarii

narii non vicenum quinum, sed vicenum septenum & dimidiati plus sunt coronatorum. Quin immo alibi *centenos æris* legis, ut puto, Fannix, decem denarios & pondus argenti habere quinque & septuaginta stufierorum ait. Sic centum denarii facient septingentos quinquaginta stufieros : sic c c l, quod & *mille festerium*, mille d c c c l x x v : hoc est, non x x v, sed x x x i coronatos, & quindecim stufieros. Et tamen Fannia lex lata est a. v. c. d x c i i, M. Valerio Messalla C. Fannio Strabone Coss. quum jam denarius sedecimi assium esset : itaque centeni æris tum non ultra sex denarios & festerium procedebant. Idem Snellius ne cum fæce Suburæ Romanæ diceret, populum, quum prius e vectigalibus Asiaticis caperet annum *bis millies* per Pompejum victoria Mithridatica consecutum *ter millies quadringenties* : quæ Græcis πεντακισχίλια μυριάδες, & rursum ὀκτακισχίλια πεντακίσται, ut pronunciantur Plutarcho ; illis ad festerium, his ad drachmam subducta & explicata : ne, inquam, ita cum vulgo Romano diceret, pro altero ponit *denarium quingenties*, pro altero *denarium octingenties*. Vbi præterquam quod discessit ab usu loquendi (diximus *decies*, & quæ deinceps per adverbia computantur, non admissa nisi in festeriis : *denarium decies*, etsi dici posset, singulari tamen nume-

ro, consensu publico repudiatum) ipsa quinquagies centena millia denarium, sive ducenties sestertium, posteriori Plutarchi summa detraxit. Porro illud *denarium quingenties*, vel Latine *bis millies* ait efficere florenos Hollandicos 165 202 10, id est, centies sexagies quinquies centena viginti millia ducentos decem: quum sint 15000000, seu centies quinquagies, coronatorum quinquagies centena millia. *Denarium octingenties*, Latine *ter millies ducenties*, putat florenos 4295 2548, hoc est, quadringenties vices novies centena quinquaginta duo millia quingentos quadraginta octo. At ne quidem alterum tantum hoc esse cuivis liquet: neque enim octingenta sunt duplum quingentorum. Voluit florenorum ducenties quadragies, coronatorum octogies centena millia: quibus si addatur *sestertium ducenties*, quod amplius habet Plutarchus, estque floren. quindecies, coronat. quinquies centenum millium; existunt florenorum ducenties quinquagies quinquies, coronatorum octogies quinquies centena millia, octo scilicet ac dimidiatus milliones, quos vocant Itali. *Atticum staterem* quinque ac viginti drachmis argenti Atticis æstimat. At Dio Cassius, Zonaras, Polemarchus apud Hesychium, viginti. Ille Pollucem putat statuere xxv, lib. ix cap. vi. Ο' δὲ χρυσὸς στήλη
μυαυ

μινᾶν ἡδυνάλο. καὶ γὰρ ἐν ταῖς ἱσαμελίοις πλὴν μινᾶν
 τὸ ῥοπῆς πατήρ οὐνομάζεισι. Quorum ego hanc
 sententiam esse censeo, staterem aureum
 pendere ac dici etiam *aurei minam*. Nam ut
talentum aurei tres stateres, drachmæ argenti
 sexaginta, quum *argenti talentum* sit LX mi-
 narum, sex millium drachmarum: ita &
mina alia aurei, nempe viginti drachmæ sive
 stater, alia *argenti*, quæ centum drachma-
 rum. Hæc est illa *aurei mina*, quam usurpat
 interdum & Plautus: harum sunt eidem ap-
 pellatæ in Rudente a. v. sc. II. *centum minæ*
Philippia in pasceolo seorsus: uti quidem jubent
 legi MSS. optimi & quædam vetustæ edd.
 id est, centum Philippici stateres. Et quo-
 minus mirum videatur, *minam* dici id au-
 rum, quod & *stater* vocatur, addit Pollux, in
 ponderibus etiam *mina* pondus vocari *staterem*.
 Ergo priora ista verba non ad τὰ ἱσα-
 μελῖα, sed ad νομίσματα pertinent. Quod no-
 tandum contra Scaligerum, qui, quasi utro-
 bique de mina ponderali ageretur, delet τὸ
 χρυσός apud Pollucem. Iam expectas, qua
 vi Snellius hinc exprimat staterem viginti
 quinque drachmarum? Id enim dicit Pol-
 lux, inquit, minæ pondus *staterem* etiam di-
 ci, quia aureus stater argenti mina vel cen-
 tum drachmis rependatur. Falsissimum hoc
 & inauditum. Μινᾶν ἢ λέγεσθαι σὺν πέντε χρυ-
 σός, testatur diserte apud Hesychium Pole-

marchus. Ille dictum monstri simile ita con-
 „firmat: Sed hunc aureum staterem jam non
 „unum aliquem nummum intelligas oportet,
 „verum quatuor. nam ut quatuor argenteæ
 „drachmæ *stater* dicuntur: ita hic quatuor au-
 „rei didrachmi pro statere usurpantur: hoc
 „est, pondus auri drachmarum Atticarum
 „octo, sive unciale, taxatur drachmis argenti
 „centum. ideoque duarum drachmarum pon-
 „dus, quo singuli Attici aurei signabantur,
 „drachmis quinque & viginti. *Ἡ ἐξίκασις ἀ-*
λεξίκακε, quid audio? Tetradrachmum ar-
 genteus stater est, ergo quatuor stateres au-
 rei bene dicuntur unus stater aureus. Si te-
 tradrachmum etiam *drachma* nomine venis-
 set, aut auri drachmas quatuor *staterem* ipse
 voluisset dici, esset aliqua similitudo. Sed te-
 tradrachmum nemo appellavit *drachmam*, &
 quatuor illi stateres octo drachmas faciunt.
 Deinde stater ille argenteus erat verus num-
 mus & unus: hic *ἡ τετραδραχμία* quatuor state-
 rum fingitur appellari *stater*. Denique hoc
 ipso differunt argenti & auri stater, quod
 quatuor drachmis argenteus, duabus aureus
 constabant. nam idem ponderis nomen in
 auri minore summa, in argenti maiore pla-
 cuit: ut etiam in talento ac mina evenit.
 Pollux lib. I V. ὁ δὲ χρυσὸς σατῆρ δύο εἶχε δρα-
 χμὰς Ἀθηναίως. Quum tantopere sit halluci-
 natus Snellius, tamen se nihil hallucinatum,
 neque

neque verba Pollucis perperam interpreta-
tum, ex aliis ejusdem verbis probare con-
tendit : Ἦν δὲ ἡ δραχμή ἔ νόμισμα μόνον, ἀλλὰ
ἡ πεντηκοντάδραχμον ὡς καὶ Κυρίως αἰεὶς. Et de-
inde : Ἦν μὲν, ὡς Ἀριστοτέλης φασὶν, ἐν Κυρίῳ
ἡ τετραστάτηρ, καὶ πενταστάτηρον ἡ ἡμιστάτηρον,
χρυσῶ νόμισματά. Hæc ut inter se congluti-
net, & cum isto loco ; quanta audet sine ulla
specie veri adfirmare ? tetraстatera fuisse dra-
chmarum quatuor, quem paullo ante stater-
is nomine drachmarum octo fecit : si Cy-
renis fuerit tetraстater, etiam Athenis fuisse,
quum si fuisset Atticus nummus ille, non
cum Cyrenensibus eximium tribuisset Pol-
lux : staterem Cyrenis fuisse unius drachmæ,
quum sine exceptione idem Pollux τὸ χρυσὸν
στάτηρα didrachmum dicat, talesque fuerint
non Attici modo, sed & Cræsi, Philippei,
Darici: nec intelligatur alius, nisi diserte vo-
cetur ἡμίχρυσος, qui *denarius aureus* Latinis:
πεντηκοντάδραχμον & τετραστάτηρα fuisse eun-
dem nummum, quum τετραστάτηρα ex cætera
proportionem oporteat fuisse octoginta dra-
chmarum argenti, illum quinquaginta. Apud
Pollucem corrupte legebatur : Καὶ τετραστατη-
ρία, ἡμιστάτηρων χρυσῶ νόμισματά. Quis non
videat subesse mendum ? aut quid sensus ha-
bet : tetraстateria sunt aurea nomismata dimi-
diorum staterum ? Vt si dicam denarium esse
argenteum numisma sestertii. Quemadmo-
dum

dum nummus potest dici alterius nummi?

Ille tamen quasi hæc integerrima essent :

„Atqui, subjicit Pollux, ἡμισατήρων χευστῶ νο-

„μίσματα. quomodo tetraštater erit štateris

„dimidium, nisi illud ad numisma, hoc vero

„ad pondus referas, & štaterem hunc uncia-

„lem constituas? Immo nullo modo tetra-

štater esse potest dimidium štateris : non

magis quam quatrussis vel octussis dimi-

dium esse potest assis, aut as quadrantis vel

ficilici. Et vanum est distinguere hic numi-

isma & pondus : nam aurei & argentei num-

mi veterum tantundem sinceræ materiæ ha-

bebant, quantum aurum & argentum pon-

do, cui comparabantur. Sic δραχμὴ χευστὶς

non plus habebat auri quam δραχμὴ χευστή.

Hesychius : Δραχμὴ χευστὶς, ὁλὴ νομίσματα,

eis λόγον δρῦνεις δραχμῶν ἑ. Male scribitur,

διδραχμῶν quod non debebat ferre Scali-

ger, & interpretari σατήρα. nam štaterem

didrachmum nemo dixit δραχμῶν. Iuvat

Suidas, qui ex hoc Hesychii loco deprom-

psit, quod habet sic : Δραχμὴ ἧ ὁλὴ νομί-

σματα eis δρῦνεις δραχμαὶς ἑ. Videtur exci-

disse, χευστὶς. Itaque ἡμισατήρον idem qui ἡμί-

χευστῶ. Quum igitur sine certo auctore

finxerit sibi štaterem Atticum argenti minæ

sive centum drachmis parem, nec magis fidis

testibus tetraštaterem πεντηκοντάδραχμον At-

ticocyrenæum, Oeni funem torquet homo

doctif-

doctissimus, dum colligit inde tetrastaterem signatum pondere dimidiati stateris, qui integer fuerit uncialis, & staterem Atticum valuisse xxv drachmas argenti, & rationem auri ad argentum Athenis fuisse, ut duo ad xxv , & hanc analogiam secutos Romanos & ipsos duorum denariorum pondere aureum viginti quinque argenteis denariis commutasse. *Daricum* ait alios drachmis vicenis Atticis aestimare, alios stateri Attico æquiparare. At nihil inter hos diversum, quum stater Atticus non plus viginti drachmarum fuerit. Ipse daricum facit semuncialem, duos scilicet stateres Atticos æquantem, ἡμίμναιον, &, ut Cyrenaicum, πεντηκοντάδραχμον, quinquaginta denariis argenti taxandum: quia Iosephus cum aureo siclo rependat, testetur autem ipse siclum esse Attico tetradrachmo similem. Modo ex unum significantibus fecit diversa, nunc ex diversa significantibus facit unum: nam duo stateres Attici faciunt quidem semunciam, sed non ἡμίμναιον aut πεντηκοντάδραχμον, quippe qui sint xL drachmarum. Deinde siclus ille, quem cum tetradrachmo confert Iosephus, argenti est, ut & tetradrachmum. Lib. III cap. IX. τότε πλῆθος αἰθροίσας πάλιν εἰσφορὰν αὐτὸ πρὸςτέταξεν εἰσφέρειν σίκλον τὸ ἡμισυ καθ' ἑκάστω· ὃ δὲ σίκλος νόμισμα Ἑβραίων ἂν Ἀθηναῖς δέχεται δραχμὰς πένσαρς. Id argenti

genti esse planum faciunt verba Mosis ipsius
 Exodi cap. xxxvii. versu xxv, & xxvi.
 Siclum autem auri sane comparat darico Io-
 sephus, quum, quam Moses dicit auream
 acerram decem siclis æstimatam, Levit. cap.
 vii. vers. xiv, eam ipse δαρεικὸς δέκα δινα-
 μίῳ pronuntiat. Sed hinc debuerat colli-
 gere Snellius, siclum auri apud Hebræos di-
 drachmum fuisse, & viginti drachmas Atti-
 cas argenti valuisse. nam id pondus & pre-
 tium darici. Xenophon. lib. i. ἀναβάσ. δα-
 ρεικὸς τριγλίσ, quos Cyrus Silano Ambra-
 ciotæ vati dedit, paullo post vocat δέκα τά-
 λαντα. Ergo talenta quinque, mille quin-
 genti darici, singula trecenti. Quod expres-
 sum est Arriano περὶ Ἀλεξάνδρου ἀναβάσ.
 lib. iv. ἐνθα δὲ ἐκήρυξεν Ἀλέξανδρος, τῷ μὲν
 πρῶτῳ ἀναβάνῃ δώδεκα τάλαντα εἶναι τὸ γέρας,
 δευτέρῳ δὲ ὅπῃ τέτῳ τὰ δότερα, ἢ τρίτῳ τὰ
 ἐφεξῆς, ὥστε εἶναι τῷ τελευταίῳ ἀναβάνῃ τριακ-
 σίς δαρεικὸς. Talentum putat, ut appellat
 Curtius. Et quidem Atticum, non Babylo-
 nium, quod duodenaria ratione intelligi
 posse fingit Cappellus. Ergo mina quinque
 darici, perinde ut quinque stateres: nam ta-
 lentum lx minarum: quinquies autem se-
 xaginta, trecenta: Accedit Harpocratio:
 Εἰσὶ μὲν χρυσοὶ σατῆρες οἱ δαρεικοί· ἡ δὲ δυνάμις δ' ὅ-
 εἰς ταῦτο ὅπερ ἢ ὁ χρυσὸς πᾶσι τοῖς Ἀπικαῖς ὀνο-
 μαζόμενον. Et mox: λέγασσι δὲ πνεῖς δυνάσθαι
 τὸ δαρει-

τὸ δαρεικὸν δρᾶχμα δραχμαὶς εἴκοσι, ὡς οὐτὸ πέν-
 τε δαρεικὸς δυνάσται μνᾶν δρᾶχμαίς. Accedit
 ipse etiam Hero, quo maxime nititur Snel-
 lius, quia talentum auri darico taxet, ut Eu-
 stathius duobus aureis Atticis. Verba He-
 ronis: Τὸ παρ' Ομήρῳ τάλαντον ἴσον ἐδυνάσται τῷ
 μὲν ταῦτα δαρεικῶν· ἀλλ' οὐτὸ χρυσὸν τάλαντον
 Ἀθηναίαις δραχμαὶς δύο, γράμματ' εἴς. De auri
 talento apparet variasse sententiis auctores.
 Vera est Pollucis, tres aureos statuentis. Eu-
 stathius duos posuit. Huic vero non asti-
 pulatur Hero, ut putat Snellius, sed novam
 adfert opinionem, unum staterem esse ta-
 lentum auri. Qui error ipsius est *talentum*
 & *minam* confundentis. Talentum auri di-
 cit esse daricum. Atque ex hac ὑποθέσει ta-
 lentum auri dicit habere duas Atticas dra-
 chmas, sex scriptula: nam drachma trium
 scriptulorum est. Ergo & daricus totidem
 drachmarum & scriptulorum est. Ergo da-
 ricus par est Attico stateri, qui & ipse in dua-
 bus auri drachmis respondebat argenteis vi-
 ginti. *Triginta millia daricorum*, quibus ex
 Asia sagittariis expelli se querebatur Agefi-
 laus, explicat drachmarum Atticarum
 3800000, florenorum Hollandicorum
 1056000. Primum hæ summæ male con-
 veniunt. nam tricies octies centena millia
 drachmarum, ὀγδοήκοντα ἢ πεντήκοντα μυριά-
 δες, sunt undecies centena quadraginta mil-

lia florenorum, trecenta octoginta millia coronatorum, centies quinquagies bis sester-
tium. At decies centena quinquaginta sex
millia florenorum sunt tricies quinquies
centena viginti duo millia drachmarum, πεν-
τήκοντα ἢ δύο ἢ τριακῆσαι μυριάδες, centies
quadrages bis sestertertium, trecenta quinquaginta duo millia coronatorum. Deinde ne
ex ipsius quidem computatione tantum na-
scitur. Daricum quinquaginta drachmis ta-
xat. Deni ergo darici necesse est sint illi
drachmæ quingentæ, centeni quinque mil-
lia, milleni quinquaginta millia, decem mil-
lia daricorum quingenta millia drachmarum,
triginta millia daricorum quindecies cente-
na millia drachmarum, πεντήκοντα καὶ ἑκατὸν
μυριάδες, sexagies sestertertium, c L millia co-
ronatorum, quadringenta quinquaginta
millia florenorum. Tertio falsus hic quoque
calculus, quia, ut dixi, daricus non quin-
quaginta, sed viginti drachmis taxandus.
Ergo deni darici drachmis ducentis, centeni
binis millibus, milleni vicenis millibus, dena
millia ducentis millibus, tricena millia dari-
corum sexcentis millibus drachmarum. Ex
sunt ἐξήκοντα μυριάδες, talenta centum, vi-
cies quater sestertertium, coronatorum LX mil-
lia, florenorum c L x x x millia. *Sedecim mil-
lia septingentos quinquaginta siclos auri*, vo-
tum ex manubiis Madianitarum, Numer.

cap. xxxi, ait fuisse 8375 uncias, coronat.
 33500. Hoc ex duplici errore de siclo au-
 reo, quem & tetradrachmum & quinquaginta drachmarum argenti fuisse credidit.
 At erat ille didrachmus & argenti vicenis drachmis censebatur. Sunt igitur unciarum quatuor millia CLXXXVII cum semuncia: nam quatuor sicli faciunt unciam, ut Romani quatuor sicilici: drachmæ autem triginta tria millia quingentæ, *τρισμύρια τετρακίλια ἢ πεντακίστα*, coronati tria millia ccl. *Sexcentos auri siclos*, a rege Davide depensos pro area Oronnæ Paralip. i. cap. xxi. facit uncias trecentas, quæ fuerunt centum quinquaginta, drachmæ auri mille ducentæ, argenti duodecim millia, *μύρια διγίλια*, coronati mille ducenti. Ille facit mille ducentorum Eduardorum Rosatorum, altero tanto & dimidio majore summa. nam Eduardum unum & tres ejus partes quadragesimas comparat coronatis duobus & viginti tricesimis septimis unius: deinde in mina Attica ponit quatuor Eduardos, drachmam vero agnoscit coronati decimam partem, ut plerique omnes: in mina igitur habet decem coronatos, in Eduardo viginti quinque drachmas: denique & minam Syriacam, quam totidem drachmis definit, Eduardo parem facit. Quantus igitur error in taxatione census a Servio Tullio Romæ instituti?

Centum millia æris ait esse Eduardorum duo millia quadringentos. Hæc sunt ex ipsius ratione sexaginta millia drachmarum, minæ sexcentæ, coronatorum sex millia. At Dionysius Halicarnassensis ἐκατὲν μυῶν ponit, hoc est, decem millia drachmarum, ut etiam mox reddit μυριάς δραχμαῖς, mille coronatos, Eduardos Snellianos quadringentos. *Septuaginta quinque millia æris* facit mille octingentos Eduardos, id est, xlv millia drachmarum, coronat. quatuor millia quingentos. Dionysio πέντε καὶ ἑβδομήκοντα μυῶν sunt, drachmarum septem millia quingentæ, coronati DCCCL. Tertiæ classis *quingenta millia æris* Eduardos mille ducentos, id est, triginta millia drachmarum: quæ Dionysio μυῶν πενήκοντα, quinque millia drachmarum, δραχμαὶ πεντακίχλια. Quartæ classis ait fuisse censum *quindecim millium æris*, Eduardos CCC LX. hoc est, novem millia drachmarum. Vbi nova offensio: debuisset xxv ponere pro xv, &, ut ipse subducit, Eduardos DC. Ista vero viginti quinque millia æris Dionysio sunt πέντε καὶ εἴκοσι μυῶν, id est duo millia & quingentæ drachmæ. *Quadrages centena millia Daricorum* Pythii apud Herodotum æstimat octogies centena millia Eduardorum. At illa sunt octingenties centena millia drachmarum, ὀκτακίχλια μυριάδες, ter millies ducenties sestertium, octogies centena mil-
lia

lia coronatorum : hæc vero bis millies centena millia drachmarum, δύο μυριάδες μυριάδων, octies millies. sestertium, coronatorum ducenties centena millia. *Septem millia Darcorum*, quæ isti summæ deerant, facit quatuordecim millia Eduardorum. At illa sunt c x l millia drachmum, τέσσαρες ἢ δέκα μυριάδες, quingenta sexaginta sestertia, quatuordecim millia coronatorum : hæc c c c l millia drachmum, πέντε ἢ τριάνθιλα μυριάδες, duodecies & ducenta sestertia, triginta quinque millia coronatorum.

C A P. VIII.

De l. Meursii interpretatione nummi veteris. Gracchi & Crassi Mentorea. Plinius illustratus. Libra argenti non sex millibus sestertium, sed quadringentis nummis erat. Denario & sestertio plus attribuendum nostri minuti aris, quam quod fuit tempore Budai. Laurembergii utilis admonitio, sed ab ipso parum servata in æstimatione, quam instituit. Coronatus sive aureus sive argenteus decem denariis sive drachmis censendus. Inde colligitur quantum denarius aut sestertius faciant pecunia nostratis. Denarius, schellingus Belgicus. Stufferus vel solidus Lubecensis, non sestertius, sed obolus. Sestertius, stufferus semis. Vncialis sive Thalerus non l, sed x x x i i sestertiorum. Libra Anglica, Gallica, Hollandica, Flandrica, quot sestertii. Salmasii supputatio, peccans eo, quod aureum Romanum didrachmum, proportionem inter aurum & argentum duodecuplam fecerit. Aureus

scutatus noster, nec semis est, nec triens Romani.

NEc prætermittendus hic mihi I. Meursius, qui in libello de luxu Romanorum, propriam æstimationem secutus, postquam semel a via deflexit, in infinitum erroris progressus est. *Ducentos nummos* (hæc enim minima penes illum summa est, quam ceu filum apprehendemus : sunt quinque scutati vel coronati, quindecim floreni) æstimat decem florenis : ergo *centum nummos sestertios* quinque florenis : ergo *quingenta* duobus & dimidiato, seu quingenta stufferis ; atque adeo *sestertium* eundem, qui nobis stufferus. Sic etiam *quingenta denarios* decem florenis, *viginti quinque denarios*, aureum Romanum, quinque florenis, *duodecim dimidiatum* quingenta stufferis, *singulos* denique stufferis quatuor. Quis non putet seculis distare, quis credat, æquales, municipes, collegas fuisse, quorum alteri denarius septem, alteri quatuor stufferis venit ? Sed hinc viro doctissimo accidit, ut opes Romanas, quas augere mirasque reddere cupiebat, plurimum imminueret, ac vehementer turbaret illos, qui quocumque alio auctore ad intelligendam pecuniam Romanam usi, quamquam quamque bona ratione tantopere ab illis, qui novissime in hanc curam incubuerunt, diversus abiret, non assequerentur.

quebantur. *Mille nummum* sunt illi quinquaginta floreni seu Carolini, quum sint septuaginta quinque, qualibus utimur: *decem millia*, quingenti, pro septingentis quinquaginta: *centum millia*, quinque millia, pro septem millibus quingentis: *quadringenta*, census equestris, viginti millia, pro triginta millibus: *octingenta*, senatorius ante Augustum census, quater millia, (sed voluit dicere quadraginta millia: etsi illud *quater* utraque habeat editio) pro sexaginta millibus: *decies*, quinquaginta millia, pro septuaginta quinque millibus: *quadrages*, ducenta millia, pro trecentis millibus: *centies*, quingenta millia, pro DCC L millibus: *millies*, quinque milliones florenorum, seu quinquages centena millia, pro septuages quinquies centenis millibus. Sic *denarios quinquaginta* interpretatur florenos decem, qui sunt quindecim: *quadringentos* vult florenos octoginta, qui sunt centum viginti: *mille ducentos*, qui trecenti: *quinquaginta millia denarium*, decem millia florenorum, quæ quindecim millia. Pariter in ære circumcidit summas; *undecim millia æris*, infimæ classis censum apud Livium, reddit ducentos viginti Carolinos; & sunt trecenti triginta: *centum millia æris*, primæ classis censum, mille florenos; & sunt tria millia florenorum. Sed argentum pondo putes tanto pretiosius reddere voluisse.

quanto vilius numeratum fecit, quum *decem libras argenti facti*, ob quas notatus Rufinus Cornelius, ait fuisse bis mille quingentorum Carolinorum, postea trium millium correxuit: quæ æstimandæ nostris erant trecentis omnino florenis. *Quatuor millia quadringenta septuaginta tria pondo argenti* in Africani triumpho translata efficere supra nonaginta millia florenorum prius quidem scripserat: sed postea errorem longe graviorem, errore mutavit. Si calculo, inquit, Pliniano, in libras singulas trecentos Carolinos computemus, ea summa effectura est tredecies centena & viginti septem millia & nongentos Carolinos. Papæ! hæc quidem gravis est nimis annona argentaria, qua libra taxatur trecentis florenis, centum coronatis, mille denariis, quatuor millibus sestertium. Hæc auri indicatura erat argento decuplo major. Tamen illum mirabilem calculum Plinianum contechnatus est ex lib. x x x i i i. histor. natur. cap. x i, ubi scribitur L. Crassum oratorem *sex millibus sestertium in libras singulas paravisse vasa. Sex millia sestertium* sunt illi trecenti Carolini, quum revera sint quadringenti quinquaginta. Sed ante omnia cogitare debuit, non hoc legitimum & ordinarium pretium argenti, sed luxum fuisse immanem, propter manuspretium & artem operis justam libræ argenti æstimationem.

tanto

tanto transcendendi, atque eo ipso nomine a Plinio memoriæ mandatum & notatum. Verba sunt : *Delphinos quinis millibus Hs. in libras emptos C. Gracchus habuit. L. vero Crassus orator duos scyphos Mentoris manu calatos fester-tiis centum. Constat, eundem sex millibus fester-tium in libras singulas vasaempta habuisse.* In quibus & Ciacconius hæsit. Gracchus igitur, inquit, quatuordecim fere argenti libras manuspretii nomine pro singulis libris argenti dedit : libra enim tunc CCCXXXVI fester-tios habuit : L. vero Crassus adhuc amplius, decem & octo libras : nam Mentoris duos scyphos, hoc est, parva pocula, tribus fere scutatorum millibus æstimes licet. Sic ille de triclinio. Sed Gracchus duodecim & selibram pro suis dedit, Crassus libras quindecim, cujus Mentorea duobus millibus quingentis scutatis æstimanda. Nam libra argenti erat quadringentis nummis fester-tiis, seu centum denariis, hoc est, decem scutatis, triginta Carolinis nostris. Hæc teres atque rotunda erat veterum in usu & sermone quotidiano computatio, aurifabris & nummulariis minutas accessiones & decessiones ducendas relinquentium : quam qui fastidiunt, faciunt intelligendo tandem, ut nihil intelligant. Ea igitur ratione illud argentum a Scipione translatum erit centenum tricenum quaternum millium centum

nonaginta florenorum. Sic Quincti cujusdam luxum carpit Martialis, qui argentum habebat quinque millibus in libras, lib. III, epigr. LXII.

Quod constat decies tibi non spatiosa supellex:

Libra quod argenti millia quinque rapit.

Et hic quidem error homini doctissimo sine magistro est innatus. Cæterum *sestertium* *stufero*, *denarium* quatuor *stuferis* definire video etiam Hadrianum Junium. Quod forte illis temporibus concedendum: erat enim aliud hujus nummuli pretium, & minore numero coronatum implebat. Nunc aliter se res habet. G. Budæo coronatus est triginta quinque solidorum: cui quum decem subsint denarii, singuli non possunt esse nisi trium solidorum & semissis, eoque *sestertius* minor solido. Rob. Cenalis pro coronato mavult solatum quadraginta solidorum ponere: itaque denarium quatuor solidorum facit, *sestertium* eundem quem solidum. Nos coronatum, LX solidorum Hollandicorum, trium florenorum summam, imaginamur: qualis & fuit aliquando, etsi nunc pro pluribus ambulet. Itaque Lipsius, Schottus, Puteanus, Scioppius pro eo ponunt Philippeum argenteum. Et certe *sestertius* denariusque plus habuerunt argenti, quam erat in illis a Budæo & Cenali positis solidis: sed hi comparabantur illis magis ob pretium,

pretium, quo valebant vulgo, quam propter materiam. Præterea minuti nostri nummi conferuntur cum minutis antiquis non propter sese, sed propter illud quod faciunt in eo modulo ponderum nostrorum, qui respondet libræ Romanæ aut Atticæ minæ. Quare miros eruditissimum virum, Ianum Laurembergium, qui nisi hoc probe notetur, magni erroris existere causam prudenter monuerat, mox eidem errori sese implicuisse. Quum ætate nostra, ait, utraque moneta tam aurea quam argentea ad majus pretium excreverit, adeo ut uncialis argenteus, quem Thalerum Imperialem appellare solent, (prius xxxii solidos Lubecenses valebat) nunc L vel xlviii valeat, & scutatus aureus ad Lxiv solidos ascenderit, etiam in æstimii sestertiorum designatione plurimum discrepare calculum nostrum a paullo antiquiore est non mirum. Hoc recte: non item, quod sequitur: ut igitur ad hodiernum pretium sestertios revocemus, scutatus seu coronatus Lxiv sestertiis æstimabitur. Haudquaquam. Nimirum volebat dicere: scutatus quidem sestertiis quadraginta, ut & olim, sed sestertius solido & dimidio solidi, denarius sex solidis æstimandi. Nam Coronatus, sive aureum sumimus, drachma auri censetur, sive argenteum, superat uncialem, quem Thalerum vocitamus, duabus dra-

chmis : & propterea decem habet denarios, proportionem Romæ & Athenis bonis temporibus observata : quotcumque demum stufieri vel solidi sive Gallici sive Lubecenses ei assignentur : hoc stabile sit ac perpetuum necesse est, nisi omnia volumus conturbare & incerta facere. Hi ergo decem denarii si continent sexaginta quatuor sestertios, necessario faciendus est denarius sex sestertiorum : quod inauditum. Quatuor enim sestertios habet denarius : decem denarii sestertios quadraginta. In hos ita dispensandi sunt stufieri vel solidi, ut quo tempore plus valuerunt, & minore numero fecerunt coronatum, eodem & pauciores confecisse denarium dicantur ; ex quo viliores habiti solidi vel stufieri, & majore acervo coronatum confecerunt, plures etiam conferantur in denarium : & pro eadem ratione sestertium modo minus solido, modo ipsum solidum, modo plus solido patuisse statuendum. Sic uncialis argenteus, inquit, quinquaginta sestertii. Falsum : nam uncia argenti octo denarii : hi autem triginta duo sestertii : tot igitur sestertiorum manet uncialis, quot olim fuit & solidorum Lubecensium : sed quia isti solidi Lubecenses hactenus depreciiati, ut XLVIII faciant uncialem, sestertius jam non solido, sed solido & alterius dimidio comparabitur. Libra Anglica, inquit, Sterlingi-

ca,

ca, ducenti f sestertii. At ostendimus eam
 esse trientem libræ Romanæ, itaque cxxxiii
 sestertiis respondere. Libra Gallica sive Hol-
 landica, viginti f sestertii. Immo Gallica paul-
 lo plus undecim f sestertii, Hollandica tredec-
 cim & triens. Libra Flandrica c x x. Immo
 x c i i i triens. Denique stufus vel solidus
 noster obolo conferendus, ut Schellings
 Belgicus denario sive drachmæ: quippe co-
 ronatus vel scutatus, ut decem denariis anti-
 quis, ita decem schellingis sive l x stufis
 Hollandicis præterpropter censetur: sic sex
 obolos habebat drachma vel denarius, ut
 nunc sex stufus schellings Belgicus. Sed
 & obolus habebat octo chalcos, quot stufe-
 rus deutas æreas. Sestertius autem duabus
 nostris blancis sive albis, duodecim chalcis
 sive deutis, hoc est, stufus & stufi dimi-
 dio, commodissime comparabitur. Salma-
 sius in libro posteriore adversus Cercoë-
 tium, omissa Budæi computatione, ut ait,
 hac simpliciore utitur. Solidus aureis, inquit,
 veterum, qualis cudebatur sub primis Impe-
 ratoribus, duplo major fuit quam noster. is
 viginti quinque drachmis Atticis æstimaba-
 tur. Secundum hanc proportionem noster
 duodecim plus minus drachmis æstimandus
 veniret: sic singulæ drachmæ non plus quin-
 que solidis nostratibus valent: binæ dra-
 chmæ decem solidos. Laudo simplicitatem:

modo

obido

oqo opqo

modo recta sit, nec sumat pro concessio & probato, cui contradicitur. Fundamentum hujus constitutionis, est, quod imbibisse summum virum & alibi diximus, aureum Romanum circumscriptum esse drachmis omnino binis auri, & proportionem inter aurum & argentum fuisse duodecuplum. Sed utrumque rationibus, alterum & confessione atque oculis Savoti superius confutavimus. Aureus Romanus nostro duplo & quasi dimidiato major erat. Itaque noster non est semis aurei Romani, sed paullo minus quincunx: est enim quincunx aurei Romani decem denarii sex asses duo trientes, semis autem duodecim denarii octussis sive victoriatys. Adcoque idem ille noster quum sexaginta solidis æstimatur, drachma vel denarius sex solidis venit. Laurembergius aureum scutatum Romani trientem facit: tres enim scutatos tenuisse patrum ætate centum sestertios: tot autem nummi, aureus Romanus. Quia libra Romana, inquit, ut mina Attica, centum denariis vel drachmis constat, denarius autem quatuor sestertiis; in libra sint, oportet, sestertii quadringenti, & ex consequenti in uncia, utpote duodecima parte libræ, sestertii triginta tres triens. Hæc verissima: nam etsi octo denarii, quot scilicet sunt in uncia, tantum colligant triginta duos sestertios: tamen ut ad centenariam

riam libram faciendam, duodecies octonis, hoc est, senis nonagenis, denariis denarii quatuor in libras, ita in uncias tricenis binis sestertiis unus & sestertii triens accedunt, qui duodecim sestertii duodecimque trientes conficiunt sestertios sedecim, hoc est, denarios quatuor. Totidem (pergit Laurembergius) solidis Turonensibus scutatus aureus patrum nostrorum ætate æstimabatur: sic ut tres scutati centum solidos æquarent, & per consequens centum sestertios, atque ita sestertius solido Lubecensi æquivalere existimetur. Hic vero, quod ille consequi vult ex positis, tres scutatos æquasse centum sestertios, & sestertium solido Lubecensi perpetuo parem, id nos inde consequi haudquaquam concedimus. Quid enim hoc est argumenti? Vncia argenti vetus habebat triginta tres sestertios & trientem; Scutatus aureus patrum memoria solidos faciebat pariter triginta tres & partem solidi tertiam: ergo solidus idem qui sestertius, tres scutati centum sestertii. Nihil hic consequentiæ, quia scutatus, auri drachma constans, non uncix modo veteris argenti, quæ octo drachmarum, sed uncix & duabus minimum drachmis supra unciam debet comparari ex proportionem inter aurum & argentum decupla, quæ tum obtinebat Romæ, atque ita decem denariis, x l. sestertiis. Quod autem

scutatus haberet solidos non ultra triginta tres, & uncia argenti similiter triginta tres sestertios, sola hæc numeri æqualitas non potest esse argumentum, ut idem habeatur aurei scutati & argenteæ uncia, idem solidi atque sestertii meritum: quia non auri & argenti proportionem ac pretium ex solido & sestertio, sed horum inter se convenientiam & discordiam ex majoribus auri vel argenti ponderibus quærimus. Tum igitur, quum scutatus xxxiii tantummodo solidis ambulare, quia semper in argento Romano habet habuitque xl sestertios, dicendum est solidum plus valuisse sestertio, & tres scutatos centum quidem solidis, sed Romanis triginta denariis, cxx sestertiis æstimatos fuisse, ut duo scutati cum dimidio respondeant „ aureo Romano centum sestertiorum. Denique ad hoc æstimium ait Manucium aliofque Ciceronis interpretes sestertiorum valorem deduxisse, *centum sestertios* pro tribus „ scutatis, & *centena millia* pro tribus millibus „ scutatorum numerantes. Fecerunt hoc illi quidem, sed conturbatis calculis, uti diximus. non enim nisi duos scutatos semissem in centum nummos sestertios, duo millia quingentos scutatos in centum millia nummum dare debuerunt.

CAP. IX.

P. Gassendi æstimatio denarii laudata. Denarium ab uncia, cujus pondus initio habuerit, ad octavam uncia partem reductum non videri. Non potuisse id silere Plinium, si factum esset, quando de aris & auri signati variato pondere tam diligenter agit. Non absurdam esse proportionem inter as & argentum, quam fuisse necesse est, si denarius semper fuerit aut septima aut octava pars uncia. Confirmari eam a Dionysio Halicarnasseo. Tempus breve, quod fuit inter pecussum primum denarium & as imminutum, tam grandes & crebras mutationes non pati. Sub ultimis regibus non potuisse trientem pondo esse denarium, qui tum etiam nullus fuit. Medica alia, alia nummaria libra. Quamvis ad exemplum Siculi decalitri factus sit denarius, non tamen secutos in eo Romanos decalitri pondus. Sestertium genere neutro pro mille nummis non potuit dici, si denarium habuerunt tam gravem, quam fingitur. Assem imminutum non retinuisse omnes partes, quas habuerat in ære gravi. Denarius post assem imminutum non denos, sed senos denos aris valuit. Centussis Persio non XL, sed XLV sestertii. Terna millia aris Cornelii Nepotis non mille ducenti, sed DCC L sestertii. Centum quadrantes apud Martialem non XLV, sed VI sestertii & as. Census classium Tullianarum quid faciat nostro ære, non potest ex abaco docti viri cognosci. Decies sestertium non effertur posteriore vocabulo masculino & genitivi pluralis. Infra decies hoc genere loquendi non utebantur. Millies millies non dicebant Romani. Aureus Romanus major didrachmo. Proportio inter aurum & argentum melioribus

lioribus temporibus reipublica & Caesarum decupla.

IAm dabam hanc chartam operis, quum accepi symbolam ad has epulas etiam contulisse P. Gassendum, virum omnium, qui nostra memoria philosophati sunt, elegantissimum. Retraxi manum illico, & requisivi utrumque ejus plenum variæ eruditionis scriptum; nec parvulæ moræ pœnituit. Qui enim non jucundum fuerit mihi, in denarii taxatione, ex qua omnis reliqua pendet, tam prope collineasse utrumque nostrum, alterius ignarum? Ego eum sex stufferis vel solidis Belgii Fœderati, ille septem Gallicis & denariolis quinque cum triente unius denarioli æstimat. Viginti Gallici solidi numerantur pro sedecim nostris: ergo quatuor nostri, quinque Gallici: bini nostri, Gallici bini semis seu sex denarioli: unus noster, illorum unus quadrans. Sex igitur Hollandici, septem Gallici & dimidiatus vel sex denarioli. Ita inter nostram & illius æstimationem tantummodo bes unius denarioli interest. Vnciam argenti taxat LXIV solidis Turonicis. Hi sunt quinquaginta nostri, efficientes uncialem sive thalerum. Exacte LII nostri sunt LXV Gallici: hoc discrimen est tam leve, ut attendi non debeat, nisi a mensariis. Sed ut sunt in his complura, in quibus facilius videas, quid huc aut illuc trahat,

trahat, quam certum habeas, secundum utram partem des litem, denarium ex uncia in trientem, dein sextantem, postea septimam, denique octavam partem unciae degeneravisse, statuere non ausim. Nemo veterum istius tantæ tanque notabilis varietatis, non dico mentionem, sed vel suspicionem ullam movit: quum tamen de æris & auri signati pondere mutato tam diligenter agat Plinius eodem loco, ubi nummorum quoque argenteorum genera & mutatum in ære pretium sine ullo vestigio ponderis illorum mutati enarrat. Si factum esset, tam diligens antiquitatis scrutator, & rerum scitu dignarum observator id non ignoraret: si scisset, scriptor adeo indefessus & cupidus propagandi omnia posteritati profutura, tantam occasionem id commemorandi non prætermisisset. Soli, quod sciam, Pancirolus & Savotus id prodiderunt argumentis non firmissimis. Primus Georg. Agricola *graves, leves, levissimos* commentus est diversi ordinis & temporis denarios, ut jurisconsulti *latam, levem, levissimam* culpam. Plerique post illum, una ex tribus speciebus rejecta, *Consulares* finxerunt & *Imperatorios*, Neronem, qui in ultimo etiam discrimine collatione indicta, ingenti fastidio exegit nummum asperum, argentum pustulatum, aurum ad obrussam, quasi non satis aliis re-

bus peccasset, aut hoc tacituri fuissent omnes historici, monetam quoque circumcidisse criminati. Iam, ut video, differentia venit octojugis denariorum. Adeo subtilitatis potius quam simplicis veri certamine suscepto, non sistunt ingenia, priusquam ad intermundia & atomos processerint. Pancirolum, ait Savotus, velle ad servandam antiquam proportionem inter argentum & æs, quæ fuerit ut unum ad centum viginti, necessarium fuisse, ut denarius uncialis esset tum, quum decem libris æris permutaretur. At illa proportio inter argentum & æs non est antiquissima, sed cum follibus & milliarensibus post Constantinum nata, eoque non debet ad superiorem illam ætatem populi Romani referri. Savotus semuncialem denarium negat mirum videri debere consideranti denarium olim valuisse denas libras æris: qua ratione proportio inter argentum & æs statuatur satis grandis, nimirum ut unius ad ducenta quadraginta. At ego contra nego mirum videri debere, quum ære abundarent, in summa raritate argenti, tam enormem fuisse proportionem inter argentum & æs, ut libra argenti pœne millenis æris æstimaretur, quemadmodum auri decies millenis. Quod si nunc longe aliter se res habet, cogitandum longe alia esse tempora, & quanto minus nunc distant æs & argentum

tum æstimatione, tanto magis nos a sapientissimorum senum consilio distare, qui quærimus invidi, quod illi ingestum repudiabant. Sero argentum tam in pecunia, quam in supellectile Romam admiserunt, quum opulentissimis gentibus, Etruscis, Campanis, Samnitibus, Tarentinis jam devictis omnia auri plena esse potuissent, si hæc illis, non gloria, bellandi causa fuisset. Sed duri & severi homines malebant instrumentum luxuriæ & materiam scelerum penes illos, quibus vires ademerant, quam domi videre. Æs, pecunia & pretium rerum, quæ in commercio erant, & ad quotidianos usus desiderabantur, convenientius visum est paupertati bonæ mentis forori, quam quingentorum annorum constantia retinebant, insolentibus divitiis, etiam quum sponte adfluerent, fastiditis & exclusis. Id ipsum gravitate & mole sua parcius irritabat avaritiam, acervare, quas opes putat, gestientem. Quum interim argentum irreperet tamen, nec jam arceri posset, immane pretium supra æs (quod nihilominus ad omnia necessaria tum quoque sufficiebat) ei statuendo morati sunt nonnihil cupiditates, effeceruntq; ut minus & a paucioribus appeteretur, videntibus argentum plus minus trium scriptulorum decem libris æris sibi commutandum. Hoc ipsum utile fuit ad peregrinam negotiatio-

tiationem (quatenus ejus indigebant. non enim ad luxum) alliciendam : quum quæ drachma constabant, pro illis tantum æris rependeretur, quod domum reversis, etiam ubi pro pecunia valere non poterat, pro optima & lucrosa merce valeret. Quodsi prima ista, quam illi volunt, inter æs & argentum proportio fuit, mirifice falsi sunt scriptores rerum Romanarum omnes, qui æs grave ad argentum revocarunt. Ante omnes Dionysius Halicarnassæus in exprimendo censu classium Tullianarum. Nam si libra argenti, non dico CXX sed CXL, libris æris æquabatur, drachma, quæ centesima pars erat libræ argenti, non decem libris æris, sed duabus paulo plus censeretur debebat : ita ut drachma cum quadrante drachmæ tres libras faceret. Item CXX libræ æris respondebant quinquaginta drachmis, sexagenæ vicenis quinis, tricenæ duodenis & tribus obolis, quindenæ senis & quadranti, septenæ duabus & deunci, una libra drachmæ quincunci, id est, duobus obolis, quatuor chalcis. Sic centum libræ æris pares erant XLI drachmis cum besse seu quatuor obolis : mille, quadringentis sedecim bessi : decem millia quatuor millibus centenis sexaginta sex cum besse : centum millia quadraginta uni millibus sexcentis sexaginta sex & bessi. Quantopere igitur exerravit Dionysius, cum cen-

tum millia aris, censum maximum, decem millia drachmarum esse voluit? Sic *septuaginta quinque millia aris* reddidit septem millia quingentas, quæ fuerant facienda triginta unum millia ducentæ quinquaginta. *Quinquaginta millia aris*, quinque millia drachmarum, quum debuisset scilicet viginti millia octingentas triginta tres trientem, seu binos obolos. *Viginti quinque millia*, duo millia quingentas, quæ fuissent decem millia quadringentæ, sedecim & quatuor oboli. *Duodecim millia quingenta pondo aris* mille ducentas quinquaginta drachmas, quas hæc ratio jubet esse quinque millia ducentas octo binos obolos. Qui numerus ubique duplicandus est, si uncialem denarium admittimus. Ignoravit igitur hanc rem quoque Dionysius, aut pudendo calculi errore lapsus est. Nam quod addit Savotus, *teruncium*, quadragesimam denarii partem, fieri non potuisse, si minus argenti uncia haberet denarius, tam facile rejicitur, quam temere profertur. Quid enim prohibet, quo minus in pauca momenta & quantumvis tenues bracteas lentissima materia ducatur? Sed ne tempora quidem Reipublicæ si cogites, locus ullus inconstantiae tantæ datur. Inter denarium primo percussum & asses sextantarios vix viginti quinque anni intersunt: nec medio tempore quidquam intercessit,

quod tam repentinam crebramque desultoriae levitatis mutationem requireret. Vbi ergo mens fuit viri doctissimi, quum bis scripsit, denarium pependisse trientem sub postremis regibus? Qui quæso pependit trientem, quum nec fuit omnino, nec suspicari poterat quisquam aliquando futurum? Argentum signatum est a. v. c. IDLXXXIV, Coss. Q. Ogulnio Gallo, C. Fabio Pictore, quinque ante Punicum bellum annis, ipsis CCLX post reges ejectos. Dum Punicum bellum trahitur, constitutum, ut asses sextantario pondere ferirentur. Nam illum, quem Servius Tullius primus argenteum nummum fuisse dicitur Varroni apud Sospitum septem scriptulorum, unde probabunt fuisse denarium? Et si ille trientem unciae fuit, quum primum flaretur, quando fuit uncialis? Certum est eum nummum non fuisse publici usus, sed temporum, & notam memorabilis alicujus eventus. Sic & tres quatuorve illi, quos ostentat Savotus, non statuta lege monetæ, sed privatorum libidine percussi fuerunt. Quod ne nunc quidem, non modo in imperiis & urbibus, sed etiam in ditibus familiis cessat, si quod hujusmodi monumentum cujuscumque rei apud posteros exstare voluerunt. Hippoiatricos sive veterinarios & Priscianum & Diodorum ex versione Ruellii (credo voluisse Dioscoridem)

dem) scripsisse, denarium fuisse olim sextam partem unciae, sic ut sex facerent unciam, & quisque esset quatuor scriptulorum, ait Savotus. At alia est descriptio ponderum in re medica, alia nummorum in re pecuniaria. Præter illa, quæ Celsus & Largus turbare diximus, quibusdam illorum etiam mina habet uncias sedecim, drachmas CXXIIIS, scriptula CCCXXXVIIIS, obolos DCLXXV: libra drachmas XC, scriptula CCLXX, obolos DXL: uncia drachmas septem & dimidiam, scriptula XXIIIS, obolos XLV: ut videre est apud Agricola lib. V, qui est de ponderibus Græcis. Quæ omnia a re nummaria diversissima: ut si Priscianus ab illis hoc hauserit, auxerit errores suos. Deinde iidem denario utuntur, non qui fuerat sub antiquissima republica, sed illo ipso, qui jactabatur tempore Cæsarum. Quid si viris optimis in mentem venisset, Romanos ad exemplum Siculi decalitri suum formasse denarium? quod cum esset decem obolorum Æginæorum, quas & λίτρας vocabant, sedecim obolorum Atticorum cum besse, ita ut unumquodque duabus drachmis Atticis & quatuor obolis æquaretur, trientem unciae complebat. Triumphassent, opinor. Sed primo longe pretiosius & æs & argentum erat Romæ quam Syraculis, quum illi non nisi ære hætenus in pecunia fuissent usi, ar-

gentum pro gemma ducerent ; hi jamdudum & argenteo & aureo nummo uterentur. Deinde vocabula Siculorum adoptaverunt Romani, non ut eandem omnibus partibus rem significarent, sed ut multum diversas propter quandam analogiam. Siculi obolum, nummum argenteum, dixerunt λίτραν. Romanis libra σάβμους cujusvis rei ponderandæ, sed prima in ære. Οὐγγία Siculis minutus ex ære nummus : Romanis duodecima pars libræ. Siculis decalitron secabatur in decem partes argenti : Romanis denarius appellabatur a decem libris æris, dividebatur autem in quatuor partes argenti. Nam libella, ut ait Varro, erat ex argento parva, adeo non didrachmo major, ut ne obolo quidem Attico, nedum Æginæo par fuerit : quum Atticus obolus sexta pars drachmæ, libella decima foret. Denique, quod supra, ut *sestertii* pro mille nummis originem & rationem obtineremus, solvenda fuit religio ex discrimine drachmæ & denarii objecta ; id nunc invertere licet, postquam de *sestertio* illo nemo paulo humanior dubitat. Si denarius unciam aut semunciam aut trientem &c. pondo fuit, necesse est, ex proportionem & sestertium nummum fuisse aut quadrantem aut octavam aut duodecimam &c. partem uncia. Igitur libra, ut habuit vel duodecim vel xxiv vel xxxvi denarios,

narios, ita etiam habuit vel XLVIII vel XCVI vel CXLIV sestertios. Hoc si verum est, *sestertium* neutro genere, hoc est, sestertia libra, duæ libræ argenti selibra, fuerunt CXX, vel CCXL vel DCX sestertii nummi. At quis unquam *sestertia* dixit nisi pro singulis mille nummis? qui si quando quadrantem uncia aut octavam aut duodecimam fecere, singula sestertia oportet æquasse aut XX libras dextantem, aut decem quincuncem, aut septem minus uncia & duabus sextulis. Hujus argumenti tantam vim esse vidit Agricola, (qui tamen haudquaquam eo processit insolentia, ut denarium, vel quos graves vocavit, unciam vel semunciam vel trientem faceret) ut *sestertia* pro mille nummis uspiam dici negarit. Quod cum jam sit in confesso, quid habent quo se tegant, qui nolunt centenis denariis, quadringenis sestertiis æstimatam argenti nummariam libram? qui denarios drachma multo faciunt pensiores? qui multa alia de auro & ære ex hoc uno vocabulo, si recte intelligatur, dijudicanda implicant & involvunt. Savotus tamen & sestertios generat, qui quinque unciam argenti, LX libram, nongenti libram auri æquarent: quo sestertio usitato ex uncia factus fuerit denarius & ejus quadrans. Enimvero stomachosior aliquis hoc ferendum esse neget, & cum servolo Plautino facessere

jubeat fabrum cudentem plumbeos nummos. Quid plumbeos? si ex cera fuissent, an sæpius fingere & refingere illos potuissent? Plane pueros Romanos faciunt hi subtiles, in denariorum, victoriorum, festeriorum pondere lascivientes & multa odiosa (quid enim molestius crebra mutatione monetæ?) delicate jocosæque facientes, quasi ex arena aut stramine casas struerent & destruerent variarentque, decies in hora hiberna. Homo bonus exsultat Plinii verbo: *festeriorum qui tunc erant*: sed qui tot verba, tot paginas, tot capita in explicando eo loco prodigit, consultius fecisset, si nunquam eum attigisset. non debet enim explicari, priusquam fuerit emendatus, alioqui finis ineptiarum nullus. Revertor ad Gassendum. Ille assem ait, quamvis imminutum, semper suas illas partes, semissem, trientem, quadrantem & cæteras usque ad unciam retinuisse. Si de assario vel asse in pecunia loquitur, nimium dicit: non enim infra illum, nisi semis, triens, quadrans, in usu mansere. Si de asse, quo partiebantur omne solidum, frustra dicit, nam ille nunquam imminutus est. In ipso abaco placuit viro clarissimo rem, ut ait, ad unguem scrupuloseque exigere. Nobis & propter morem veterum & ob commodiorem docendi rationem minus exacto calculo uti potius videtur. Itaque si

inci-

incidissem in eandem sententiam, tamen in abaco denarium sive quatuor sestertios septem solidos semissem fecissem ad rotundandos numeros. Neque enim video, si quis illum abacum scrupulosum vel centies legat, quomodo remoto illo ab oculis de pecunia veterum quidquam pronuntiare possit: ita memoriam turbant istæ minutæ æris excurrentis. Quin citius inter horologia conveniet, quam inter illos, qui hæc adeo exigue persequuntur: semper invenietur, qui alium plus minusve, quam debebat, dixisse criminabitur. Sed quod ibidem *decem æris* ponuntur pro denario, *centum æris* pro decem denariis, *mille æris* pro centum denariis, *decem millia æris* pro mille denariis, *centum millia æris* pro decem millibus denarium; non modo in universum verum non est, sed etiam contra ipsius *ἡρώδης* vel destinationem irrepsit. Præfatus est enim de illo se denario agere, qui fuerit octava pars uncie, utpote sub primis Cæsaribus. At ipse & quos nominavi, denarium, qui decem libras æris penderet, modo octuplo, modo quadruplo, modo triplo, modo duplo volunt fuisse graviores. Illum autem, qui sub primis Cæsaribus viguit (qualem ego semper fuisse contendo, ubi fuit maximus, tria scriptula non magno excedentem; & si quid variavit, id pro animo magis triumvirorum monetarium & Romanorum

norum principum, quam ex decreto senatus aut lege monetæ accidisse, adeo ut nihil de eo adfirmari possit) illum, inquam, nemo negat non denis æris, sed senis denis aestimatum: sic decem denarios centenis sexagenis æris, centenos mille sexcentis, mille denarium sedecim millibus, decem millia denarium centum sexaginta millibus æris. Reperitur hic error, quum annotatur ideo ad quatuor sestertios appositum *decem æris* &c. ut intelligatur singulis quaternis sestertiis seu nummis, totidem denarios seu *decem asses* respondere: & quum in versu Persii:

Et centum Gracos curto centusse licetur:

Centussem dicitur esse idem quod quadraginta sestertios. Dirigitur enim abacus ad illud tempus, quo quaternis sestertiis seu denario non deni, sed sedecim asses respondebant: & quum Persius scriberet, centum asses non quadragenis, sed vicens quinque continebantur sestertiis: etenim sestertius non duos asses & semissem, sed quatuor asses valebat. Sic *terna millia æris*, quæ menstruo sumptui expensa tulisse apud Cornelium Nepotem fertur Atticus, non sunt mille ducenti sestertii: hi enim illo ævo quatuor millia octingentos asses colligebant: sed septingenti quinquaginta, denarii CLXXVIII cum dimidio, nostri coronati octodecim cum didrachmo & hemidrachmo: nam *mille æris*
tum

tum fextertios faciebat CCL, denarios LXXII & victoriatum. Sic ubi Martialem adhibet, ut probet *quadrantes* partes affis, non denarii, fuiſſe, (quaſi quiſquam dubitet, præterquam in rationibus ad denarium, & quoties denarius, ut cætera omnia dividenda, per affis partes dividitur: tum enim *quadrans* pro quatuor affibus, quarta denarii parte, ponitur)

Centum miſelli jam valete quadrantes,
centum quadrantes interpretatur xxv affes, ſextertioſve decem. At hi ſex ſextertii & as unus erant. Statim poſt *tria millia æris* mille ducentis ſextertiis æſtimata, hoc pacto ſub-
 jungit, etiam intelligi, quantus moneta no-
 ſtra fuerit cenſus ſingularum claſſium, quum
 Livius tradat, conſtituiſſe Servium Tullium
 cenſum primæ claſſis tantum centum millia
 æris, ſecundæ Lxxv millia æris, tertiæ L mil-
 lia æris, quartæ xxv millia, quintæ undecim
 millia. Quod cum ſcriberet vir præſtantiffi-
 mus, ruſus oblitus erat, ſe abacum ſuum
 direxiſſe ad illum denarium, qui fuerat octa-
 va pars uncix argenti, octo unciarum æris,
 & adfirmariſſe antea, ſub poſtremis regibus,
 Servio & Superbo, denarium pependiſſe un-
 ciæ argenti trientem: qua ratione ſextertius
 duodecima pars uncix fuit. *Tria millia æris,*
qui & mille ducenti ſextertii nummi, facit pe-
 cunia Gallica Cxi libras Turonicas, xiii ſo-
 lidos,

lidos, IV denarios. At *mille ducenti fester-
tii*, qui duodecim forent in uncia, ex ipsius
ratione essent quidem *tria millia æris*, sed lon-
ge amplius ista summa Gallica extenduntur.
Colligunt enim centum uncias argenti: hæ
sunt octo libræ quatuor uncia. Æstimavit
autem unciam L XIV solidis, seu tribus libris
Turonicis, quatuor solidis. Hæ in libram
Romanam sunt XXXVIII libræ Turonicæ,
octo solidi: in octo libras CCCVII libræ
Turonicæ quatuor solidi, numerus multum
diversus a C XI libris. *Centum millia æris* red-
dit decem millia denarium: quot etiam sub
Servio valebant, si tum, ut illi placet, erat
denarius. Sed quia illum denarium ait fuisse
trientem uncia, ita ut tres constituerent un-
ciam argenti, seu libras Turonicas tres, qua-
tuor solidos, XXXVI denarii libram Roma-
nam, forent (denarium enim æstimabimus
libra Turonica ad vitandam morositatem
minutiarum) decem millia denarium toti-
dem libræ Turonicæ: quum in abaco inve-
niam iis adscripta tria millia septingentas
viginti duas libras Turonic. & quod excur-
rit. Tantundem efficerent *centum millia æris*
istius temporis per se ex illius ratione argen-
to nostro comparata. Nam denarium, qui
decem libras æris valuit, uncia argenti trien-
tem, & sic octo scriptulorum, faciendo, un-
ciam argenti æstimat XXX libris æris seu tre-
centis

centis sexaginta unciis, libram argenti CCCLX libris æris : ut sit proportio inter argentum & æsquæ unius ad CCC LX. Sic *centum libræ æris* comparantur LXXX scriptulis argenti, quæ sunt tres uncia octo scriptula, x libræ Turonicæ, XIII solidi, IV denarioli : *mille æris*, octingentis argenti scriptulis, id est, triginta tribus unciis, octo scriptulis, quæ efficiunt centum libras Turonicas, solidum, quatuor denariolos : *decem millia æris*, octo millibus scriptulorum argenti, hoc est, trecentis triginta tribus unciis, octo scriptulis, quæ mille libræ Turonicæ & paulum æris excurrentis : *centum millia æris*, octoginta millibus scriptulorum, id est, tribus millibus trecentis triginta tribus unciis, octo scriptulis, ea-que decem millia librarum Turonicarum. Sic proportione in cæteris censibus ei descendendum erat. Atque hinc apparet haudquaquam docere abacum istum, quantus ex ipsius utique ratione census fuerit classium. In illo, *decies sestertium*, explicando gregem sequitur : posterius vocabulum esse genitivo plurali & genere masculino usurpatum, dicique per intellectum τὸ *centena millia* : qui tamen genitivus pluralis (monstrum horrendum, ingens,) commutari videatur interdum in genitivum, interdum in ablativum singularem. Nos planum fecimus jam ante decem annos in eo sermone, τὸ *sestertium*

rium singularis numeri esse & generis neutrius : nec intelligi *centum millia* ; sed *decies sestertium* dici pro decies centies sestertio pondere argenti signati, hoc est, pro duobus millibus quingentis argenti signati libris , in quas imputarentur decies centena millia nummum : adeo ut idem significant *decies sestertium* & *decies centena millia nummum* : sed alia sit atque alia utriusque formula : quum illic *sestertium* sit singulare neutrum , intelligens *pondus argenti signati* , & pro imperio vicinæ orationis per casus flectatur ; hic sit genitivus pluralis masculinus , intelligens *nummum*. Rarius quidem esse ait , ut adhibeatur adverbium usque ad *decies* , & dicatur, ut est in abaco : *sestertium semel*, *sestertium bis* &c. Non est rarum quod nunquam fit. Audemus affirmare , neminem unquam ita locutum esse , etsi per analogiam Grammaticam possent, sed fuerunt rationes, quare hæc usus repudiaret , quas primo libello exposuimus. Illud *millies millies* , jam notavimus in Aldo : nam Romani malebant , *decies centies millies*. Similiter multa disputavimus dudum , quare nec aureum Romanum didrachmum ex instituto & lege monetæ, nec proportionem inter aurum & argentum potissimo reipubl. & Cæsarum tempore quindecuplam aut duodecuplam, quæ decupla erat, statuere possimus. Vnum non sine gemitu

gemitu legi, sanctissimum illum & divinum Fabricium Peirescium, auctores omnes & Græcos potissimum, qui de Ponderibus & mensuris scripserunt, per bibliothecas Vaticanam, Regiam, Augustanam, cæteras, exscribi curasse, ut cum hominibus istorum studiosis communicaret. Vbi talem? unde talem? quando talem? quo thesaurus iste devenit? aut quis ejus mihi copiam facturum est?

C A P. X.

L. Volusii Mæciani IC. locus insignis explicatus, defensum & interdum correctus. Æs excurrens. Conficere rationes ad denarium. Denarii partitio secundum assis partes. Elegancia calculorum, hoc est, vocabula & nota aris excurrentis in rationibus ad denarium explicata. Semuncia sicilicus in denaria ratione pro assario. Sescuncia pro dupondio. Sextans sicilicus pro tribus assibus. Quadrans pro quatrussis. Quadrans semuncia sicilicus pro quinquessis. Triens semuncia pro sex assibus. Quincunx sicilicus, id est, septem asses. Semis pro octussis. Semis semuncia sicilicus pro novem assibus. Septunx semuncia idem quod decussis Bessicilicus, undecim aris. Dodrans, duodecim aris. Dodrans semuncia sicilicus, terni deni asses. Dextans semuncia, quatuordecim asses. Deunx sicilicus, quindecim. Heronis Alexandrini locus varie emendatus & illustratus. Chalcæ proprie octo in obolo. Chalcus XLVIII pars drachmæ argenteæ, non aris, est ex ære. Drachma vetustioribus non dicebatur in ære. Pars LXXII, quam Africanus & Hero

Cc

Assi

assis tribuunt, non est assis nummi arei, sed assis divisoris. Duodecim partes denarii Heroni, qua Volusio duodecim uncia. Denarius non dividebatur in partes M C C L I I. Nota Græca ἑκκίδριος, ἢ ἑκκίδριος. Τετρακτὴ, victoriati.

DE rationibus ad denarium, victoriatum, sestertium, conficiendis scite admodum & eleganter a Mœciano jurisconsulto tractatum esse ait Hotomannus, sed nihilo magis ab antiquariis nostris intellectum eum locum quam aliquod Cumææ Sibyllæ folium. Budæum & Agricola quasi prætercunt illum adspexisse, tanquam aut nihil ad eorum institutum pertineret, aut *confici rationes ad denarium, sestertium, quinarium*, idem esset, quod referre in tabulas certum denariorum, sestertiorum, quinariorum, numerum expensum acceptumve. neque ideo ab se culpari, qui post attentissimam aliquot horarum cogitationem ac molestissimum laborem, quem in eo partim emendando, partim explorando consumserit, vix sibi visus sit bonam operam, in re præsertim hoc tempore supervacanea posuisse: nisi quod antiquitatis locum obscurissimum primus omnium illustraverit. Laudo voluntatem, etiam si quando non respondet eventus: nusquam autem melius operam putem collocari, quam in unico ejus generis monumento: tantum abest, ut supervacaneam censeam.

censeam. Sed præfagivit animus viri sæpe di-
 vini, supervacaneam operam fore, quæ illi
 omnium infelicissima cecidit. Verba Volu-
 sii hæc sunt: *Quare si ad denarium rationem*
conficies, assem hac nota scribas, X S, ac voces,
 Semuncia sicilicus. semuncia enim sedecim &
 sicilici sedecim assem efficiunt. Dupondium hac
 nota scribas, X — S, ac voces, Sescuncia. nam
 sedecim sescuncia dupondium efficiunt. Treffis hac
 nota scribas, X = S, ac voces, Sextans sicilicus.
 æque enim sedecim sextantes totidemque sicilici
 tres asses efficiunt. Quatrussis hac nota scribas,
 X = —, vocesque, Quadrans. sedecim enim qua-
 drantes quatrussis efficiunt. Quinques hac nota
 scribas, X = — S, vocesque, Quadrans semun-
 cia sicilicus. nam sedecim quadrantes ac toti-
 dem semuncia sicilicique faciunt quinques. Sexis
 hac nota scribas X = = S, nominesque, Triens
 semuncia. æque enim trientes & semuncia se-
 decies ducti sexis efficiunt. Septus hac nota scri-
 bas, X = = S, ac nomines, Quincunx sicilicus.
 simili enim modo quincunces ac sicilici multipli-
 cati septus efficiunt. Octus hac nota scribas, X S,
 ac nomines, Semis. quibus eodem modo multi-
 plicatis octus reperies. Nonus hac nota scribas,
 X S S, appellesque, Semis semuncia sicilicus.
 sedecies hac quoque nota, quæ vocatur semis se-
 muncia sicilicus, multiplicata nonus invenies.
 Decus hac nota scribas, X S — S, atque nomines,
 Septunx semuncia. septuncem quoque ac se-

munciam totiens si duxeris, decus efficies. Undeciaes hac nota scribas $\times S \overline{\text{D}}$, *appellesque, Bessicilicus. nam bessicilici totiens ducti undeciaes efficiunt. Duodeciaes hac nota scribas,* $\times S \overline{\text{--}}$, *ac voces, Dodrans. dodrantes eodem modo computati duodeciaes efficiunt. Tredeciaes hac nota scribas,* $\times S \overline{\text{--}} \text{L}$, *vocesque, Dodrans semuncia sicilicus. dodrantibus semunciis sicilicis eadem ratione multiplicatis tredecim asses efficies. Quatuordeciaes hac nota scribas,* $\times S \overline{\text{--}} \text{L}$, *ac voces, Dextans semuncia. dextantes enim semunciae sedecim aequae quatuordeciaes efficiunt. Quindeciaes hac nota scribas,* $\times S \overline{\text{--}} \text{D}$, *ac appelles, Deunx sicilicus. deunx quoque ac sicilicu sedecies ducti quindeciaes efficiunt. Ingeniosissime autem, quum ad denarium ratio conficeretur, excurrentis aris nota inventa est, qua sedecies multiplicata id efficeret. namque cum denarii nota praescribatur, eique subjungatur aris excurrentis nota, manifestum est eam sedecies ducendam ex adnotatione denarii. Hic Hotomannus excurrentis aris notam dici vult mire, quae alias praecurrit, illisque praescripta est: eas notas esse X, V, L Ls: quarum prima sedecies, altera octies, tertia quater significet. Dein altero versu legit, incurrentis aris notam, idque explicat, propositi atque in medium adducti, ut apud Celsum & Scribonium, tot denarios vel drachmas in libram incurrere. Vtrumque contra omnem rationem & usum loquen-*

loquendi. nam quid habent simile hæc posteriora? quo incurrit illud æs, ut apud hos in libram tot drachmæ? Præterea non dicitur *nota excurrens*, sed *æs*: atque hæ notæ si tantum sunt, ut vult, multiplicandi, non sunt æris notæ. Dicitur autem, illam notam *sedecies* in ratione ad denarium conficienda *multiplicari*: significat igitur de sententia Hottomanni hæc nota X numerum centenum sexagenum: tantum enim facit denarius sedecies ductus. Quid jam profecimus? nam nota illa ducta sedecies effectum fore æs excurrens scribit Mæcianus. Vbi, aut quod illud? Iam quidem multo magis sum Tiresias quam dudum. Sed audiamus interpretantem: Qui rationes ad denarium conficere volebant, ne necesse haberent notam pecuniæ incurrentis sedecies exarare (quod certe molestissimum fuisset) ingeniosissime sunt commenti certam notam ac figuram, qua præposita & inspecta confestim intelligeretur, subsequentes & in rationis lineam inductas notas sedecies multiplicandas esse: nimirum X, quæ denarium, hoc est, sedecim numerum significaret. Velim aliquem esse tam vatem, ut conjicere ac me docere possit, quare nota pecuniæ incurrentis (patiar enim locutionem, quasi, quod vult, significantem) in rationibus conficiendis fuerit sedecies exaranda? & quæ ex eo molestia? Sane erit

alter Apollo, qui hoc declaraverit. Nam quod ait, istam notam præpositam significare, sequentes esse multiplicandas, Mæcianus ipsam *æris excurrentis notam* tradit sedecies ducendam; tradit etiam eam *notam subjungit, denarium præscribi*: est igitur alia nota æris excurrentis, illa quæ & ingeniosissime excogitata dicitur, alia denarii. Corrigit deinde valde male: *Si ad denariam rationem conficias assem, has notas scribes*. Quid enim *conficere assem*? Quamvis, inquit, pecuniæ summam. Hoc quidem a mente Volusii alienissimum, qui verbis istis ostendit, quomodo in rationibus pecuniarum, quarum summæ per denarios colliguntur, assem redundantem notare ac vocare solerent ratiocinatores. At *ὁ πάλιν*, Finge, ait, me in tabulis scripsisse: Titio, qui mihi assem crediderat (id est, quamlibet pecuniæ summam, quæ in duodecim partes dividebatur) *persolvi primum* XL : *tum sequenti mense persolvi* XD . Quamvis semel tantum illam notam posuerim, tamen denarii nota excurrentis & præscripta indicat sedecim persolutas primo semuncias, deinde sicilicos, & sic me liberatum esse, & paria fecisse. Hoc vult, si bene oculis utor. Finge me mutua accepisse ab illo Titio duodecim millia nummum. Ejus totius summæ tanquam assis semuncia vel quarta & vicesima pars sunt quingenti: sedecies autem quingenti

genti sunt octo millia. Igitur fac me primo solvisse octo millia : ea significabo in tabulis meis ista nota : $\text{X} \text{L}$: quod sit, *sedecies semunciam*. Rursum quadragesima octava, quasi sicilicus, sunt ducenti quinquaginta : sedecies autem CCL sunt quatuor millia. Quum ergo postea persolvi illa quatuor millia, scribo me expensum tulisse $\text{X} \text{D}$, sive *sedecies sicilicum*. Atque ita *conficere rationes ad denarium*, nihil esse aliud statuit quam æra, quocumque genere pecuniæ, post præscriptam denarii notam multiplicare per sedecim; *ad victoriatum*, per octo; *ad sestertium*, per quatuor. Nihil tale nec Volusius unquam nec quisquam veterum somniavit. Scilicet qui sese parte æris alieni liberaverat, non poterat in codice suo id annotare, nisi prius debitum suum instar assis in duodecim partes descripsisset, ac dein subduxisset, quot unciiis, semunciis, sicilicis esset liberatus. Quemadmodum vero hic apparet, nisi ea ratio inventa esset, rem molestissimam faciendam fuisse, nempe notam nescio cujus æris incurrentis oportuisse sedecies exarari? Cur non (nam ipsius interrogationibus multo justius hic utar) scriberet statim *octo millia*? & dein *quatuor millia*? Sed prævertamur ad verum sensum Mæciani eruendum : quo percepto, non possunt, quos implicuit vir doctissimus, errores quemquam morari. *Conficere rationes ad de-*

narium est pecunias in codice rationum vel expensas ferre vel acceptas referre denariis; *ad victoriatum*, victoriatis; *ad sestertium*, sestertiis. Neque vis hic alia præpositionis, quam in illo apud Ciceronem in Quinctiana : *quid iis ad denarium solveretur*. id est, quanta summa denariorum debitum, quod in alio genere nummi contractum erat, expungeretur. *Æs autem excurrens*, id quod est intra denarium, seu minus assibus sedecim, & tamen ad idem caput, cui adscribitur, pertinet : ut in L. xxvi. π. II. D. Depositi : *ex ratione patris vestri decem & quod excurret*. Velut hodie qui ad libras vel florenos vel francos, quos vocamus, rationes conficiunt, æs excurrens habent, quod est intra stuferos vel solidos viginti. Hoc utrumque cum in promptu esset Hotomanno, quod non adsequeretur, quomodo verbis hi sensus aptarentur, utrumque refutavit. Volusius : *Ingeniosissime cum ad denarium ratio conficeretur, excurrentis æris nota inventa est, qua sedecies multiplicata id efficeret*. Delicias vide Romanorum, qui in rationibus conficiendis æs excurrens, non per numeros assium simpliciter, sed per assis partes, quæ sedecies ductæ totidem asses, quot essent in ære excurrenti, efficerent, significarunt. Igitur quoties per denarios acceptorum aut expensorum colligebant summas, inventas u-

surpa-

furpabant *notas* (puta ex illis notis, quibus libræ vel assis partes notabantur) *æris excurrentis* (quibus notarent illud æs, quod ultra denarios & denario vel sedecim assibus minus erat in eadem summa) *quæ notæ sedecies multiplicatæ* (quæ signa vocabulaque partium assis, quia assium sedecim denarius erat, sedecies aucta vel ducta) *id æs excurrentes efficere*, nempe tot asses, quot singulis denariorum summis superfuerant. Fatendum est, paullo obscurius loqui jurisconsultum, quam erat necesse. Rationem ærariam, cui adfuerant ante argentum signatum, transtulerunt ad rationes nummi argentei denarii: & quia singula æra sive accepti sive expensi non finiebantur semper numero denariorum, sed sæpe aliquot assibus super denarios excurrerant, illam summulam denario minorem instituerunt perscribere, non numerando tres, quatuor, aut quot supererant asses, sed conceptam vocabulis, & quo celerius fieret, in tabulis notatam signis partium assis. Denarius sedecim assium erat quasi totum, ergo *as*: quod minus erat sedecim assibus, hujus assis velut *uncia* vel plurium unciarum pars, vel *semuncia*, vel *sciliculus* habebatur. Sic *uncia* denarii sedecim assium est *as* cum triente: *semuncia* duo trientes: *sciliculus* triens: *sextans* seu duæ uncia denarii, asses duo duoque trientes:

quadrans denarii seu tres uncia, quatuor asses: *triens* seu quatuor uncia denarii, quinque asses *triens*: *quincunx*, sex asses duoque trientes: *semis*, octo asses: *septunx*, novem asses *triens*: *bes*, decem asses duo trientes: *dodrans*, duodecim asses: *dextans*, tredecim asses *triens*: *deunx*, quatuordecim asses duo trientes: adde *unciam* unam, nempe *assem* trientem; completus erit *as* denarius, sive solidum, sedecim asses. Hinc ergo quum *as* redundaret super denariorum summam, sic faciebant: *Moxio expensos tuli* X L X L D . hoc est, *denarios sexaginta semunciam scilicium*. *As* denarii sextadecima pars, constans ex quarta & vicesima parte, sive duobus trientibus, & quadragesima octava, sive triente uno. At assis sextadecuma pars est *semuncia scilicis*. nam sedecim *semunciae* sunt octo unciae, sedecim *scilicis* quatuor unciae, quibus duodecim iunctis completur *as*. Est autem *semuncia* pars vicesima quarta, *scilicis* quadragesima octava assis sive solidi cujusque per duodecim uncias divisi. Inde igitur factum, ut pro excurrenti *asse* notarent dicerentque *logistae semunciam scilicium*. Quum duo asses ita scribebant & pronunciabant: *Titio eo nomine erogavi* X L — L . hoc est, *denarios quinquaginta sescunciam*. Scilicet bini asses sunt pars octava denarii: nam bis octo sedecim. At octava pars

pars assis *fescuncia*. etenim octo fescunciæ duodecim faciunt uncias. Sic pro dupondio vel duobus assibus ultra denarium notatur & pronunciatur *fescuncia*. Quum tres asses excurrerent, sic referebant. *Seio dedi XXX=* D. hoc est, *denarios viginti sextantem sicilicum*. Tres asses denarii sunt sexta & quadragesima octava pars. At sexta pars assis est *sextans*, quadragesima octava *sicilicus*. Ergo tres asses denarii *sextans sicilicus*. Sex asses, duo sextantes duo sicilici, sive quatuor uncia & semuncia: novem asses, tres sextantes tres sicilici: duodecim asses, quatuor sextantes quatuor sicilici; hoc est, dodrans sive novem uncia denarii: quindecim asses, quinque sextantes quinque sicilici, hoc est, deunx vel undecim uncia cum sicilico vel quarta parte uncia. Vt assem sive totum denarium habeamus, supplendi tres sicilici, quo numero est assarius in denario sedecim assariorum: qui, ut modo dictum, pronunciatur notaturque *semuncia sicilicus* denarii, sive tres sicilici. Si quatuor asses superfuerant, ita scribebant: *Lucio expensos tuli XX=* -. hoc est, *denarios decem quadrantem*. Quatuor asses quarta pars denarii sedecim assium. As autem quatuor habet quadrantes. Ergo quatuor asses denarii *quadrans*. Si quinque asses excederent denariorum numerum: *Paullo XC=* + *LD*. hoc est, *denarios*

rios centum quadrantem semunciam sicilicum.
 Quinque asses denarii pars quarta & sexta-
 decima. Est autem assis quarta pars qua-
 drans, sexta decima semuncia sicilicus. Ergo
 quinque asses denarii quadrans semuncia sici-
 licus. Sex asses ita significabant: *Sempronio eo*
nomine XCC= L. hoc est, denarios ducen-
 tos trientem semunciam. Sex asses sunt dena-
 rii ex sedecim assibus constantis pars tertia,
 videlicet quinque asses, quatuor unciae, &
 vicesima quarta, nimirum octo unciae. O-
 cties enim viginti quatuor sunt CXCII,
 quot unciae universae sunt sedecim assium.
 Sedecies autem duodecim & octies viginti
 quatuor eundem numerum efficiunt. Iam
 pars tertia assis triens, quarta & vicesima se-
 muncia. Ergo sex asses denarii triens semun-
 cia. Septem assibus hanc dederunt notam:
Caio dedi XCCCC= D. hoc est, denarios
 trecentos quincuncem sicilicum. Sex asses &
 duo trientes denarii sedecim assium sunt
 quincunx. Deest ad septuaginta explendum
 triens unus, seu quatuor unciae, quae est qua-
 dragesima octava pars denarii: nam quadra-
 ges octies quatuor unciae ductae conficiunt
 CXCII. Est autem quadragesima octava
 pars assis sicilicus. Ergo septus quincunx sici-
 licus. Octo asses sic denotabantur: *Titio eo*
nomine XCCCCCS. hoc est, denarios qua-
 dringentos semissem. Octo asses denarius di-
 midia-

mediatus. Assis dimidium *semis*. Sic victoriatu denarii *semis*. Si novem asses restarent: *Quod plus dedi Alfo* X L X S Σ \cap . hoc est, denarios septuaginta *semissem semunciam sicilicum*. Novem asses denarii pars altera, superque pars sextadecima. As autem duos *semis*ses, sedecim *semuncias* sedecimque *sicilicos* habet. Ita novem asses denarii *semis semuncia sicilicus*. Decem asses ita repræsentabant: *Alfeno* X X V S Σ . hoc est, denarios quindecim septuncem *semunciam*. Decem asses denarii *septunx*, id est, novem asses triens, & præterea duo trientes ad decimum *assem* implendum. Ea denarii *semuncia* est. nam uncia denarii *as cum triente*. Asses undecim sic exprimebant: *Illi* X X X V S Σ \cap . hoc est, denarios viginti quinque *bessem sicilicum*. Undecim asses sunt denarii duo trientes, sive octo uncia, & quarta pars uncia sive triens unus. Octo autem uncia assis *bes*, quarta pars uncia *sicilicus*. Ergo undecim asses denarii *bes sicilicus*. Duodecim asses fingebant vocabantque: *Quinto* X X X I V S Σ \cap . vel S Z. hoc est, denarios viginti quatuor *dodrantem*. Duodecim asses denarii novem uncia, qui *dodrans* in *asse*. Tredecim hac nota intelligebantur: *Illi* X X X X S Σ \cap Σ \cap . hoc est, denarios triginta *dodrantem semunciam sicilicum*. Tredecim asses continent denarii novem uncias, sive *dodrantem*, & præterea sextam-

tamdecimam partem, quæ in asse *semuncia*
ficilicus. Igitur tredecim asses superantes de-
 narium in ratione *dodrans semuncia ficilicus*.
 Quatuordecim noscebantur hoc modo :
Sexto X XL S = = L. id est, denarios quadra-
 ginta dextantem *semunciam*. Nam tredecim
 asses & triens sunt denarii sedecim assium
 decem partes duodecimæ : ad implendum
 quartum decimum duobus opus est trienti-
 bus, sive octo unciis, quæ est pars quarta
 & vicesima ejusdem denarii. Sunt autem de-
 cem partes assis *dextans*, quarta & vigesima
semuncia. Hinc quatuordecim asses, denarii
dextans semuncia. Denique asses quindecim
 ita signabant : *Decimo* X XV S = = D. hoc est,
 denarios quindecim deuncem *ficilicum*.
 Sunt enim quindecim asses, denarii undecim
 uncia, hoc est, undecim asses undecimque
 trientes, ex quibus undecim trientibus fiunt
 tres asses duo trientes, & insuper quarta pars
 uncia, triens unus. Undecim autem uncia,
 cujusvis assis *deunx*, quadrans uncia *ficilicus*.
 Sic asses quindecim, denarii *deunx ficilicus*.
 Has duodecim uncias denarii in rationibus
 usitatas agnoscit & Hero Alexandrinus :
 Διαρῆται ἡ ἐκ πεισσίας ἢ τὸ δωάριον ἢ Ρ'ω-
 μαίως εἰς μέρη αὐτῶν. ἔχῃ γὰρ μέρη β, νῆμμος δ,
 αἰσάριαι ις. Οἱ γὰρ νῆμμοι ἔγκλιαν ἔχῃ τῶν σταθμῶν
 τὸ αἰσάριον διαρῆται εἰς τε ς, ἢ γ, ἢ δ, ἢ
 ε, ἢ η, ἢ θ, ἢ ι, ἢ ια, ἢ ιβ, ἢ
 κ

καὶ ις^ς, καὶ ιη^ς, καὶ κδ^ς, καὶ λς^ς, καὶ μ^ς, καὶ ν^ς.
 καὶ τὰςδε μέρη ταῦτα ἰδίᾳς ὀνομασίας ἔχουσιν
 τοῖς Ῥωμαίοις λογισαῖς. Dividitur præterea
 etiam denarius secundum Romanos in partes
 MCCLII. Habet enim partes duodecim, num-
 mos quatuor, asses sedecim. Nummus autem un-
 ciam habet ponderis. As dividitur in partem di-
 midiam, & tertiam, & quartam, & sextam, &
 octavam, & nonam, & decimam, & undeci-
 mam, & duodecimam, & sextam decimam, &
 octavam decimam, & vigesimam quartam, &
 tricesimam sextam, & quadragesimam & quin-
 quagesimam. Atque hæ partes appellationes suas
 habent apud Romanos ratiocinatores. Trans-
 scribimus hunc locum, ut accepimus ab il-
 lustri Scaligero, sed insignite corruptum,
 Quas partes vocet MCCLII, hoc vero quæ-
 rendum est, inquit Scaliger. Video totidem
 partes fere denario ex Africano tribuere Sa-
 votum lib. III. cap. xxv: dixi fere, centum
 enim defunt. Hic voluit homo doctissimus
 ingenii sui acumen tentare. Restat, inquit, “
 explicandum, quid sit, quod apud Africa-
 num legitur, Romanos divisisse denarium “
 in mille centum quinquaginta duas partes. “
 Præstruit sollicitè, hoc intelligendum de de-
 nario sedecim assium & assium quadranta-
 riorum, sive ut loquitur, qui essent duarum
 drachmarum æris. Hunc assen vel assarium, “
 inquit, dividit idem auctor in septuaginta “
 duas

„ duas partes. quæ si multiplicentur per tot
 „ assaria, quot valebat denarius, videlicet sede-
 „ cim, nascuntur MCLII. Ergo quum dicit
 „ denarium dividi in partes MCLII, hæ partes
 „ non debent intelligi partes ponderis, sed
 „ pretii in ære. Et quandoquidem istæ MCLII
 „ partes tantummodo quatuor unciarum erant
 „ (quod sedecim assaria, quibus tum permu-
 „ tabatur denarius, omnia non plus facerent
 „ æris quam trientem libræ, singula duas dra-
 „ chmas) unaquæque harum partium non plus
 „ habebat ponderis, quam sexta & tricesima
 „ drachmæ, hoc est, granum & tres quadran-
 „ tes unius grani æris, si drachmæ attribuun-
 „ tur LXIII grana: ita ut quævis millesima
 „ centesima quinquagesima secunda pars æris,
 „ aut septuagesima secunda assarii, cum habe-
 „ ret pondus tricesimam sextam partem dra-
 „ chmæ, esset pondere chalci: drachma enim
 „ dividitur in sex obolos, obolus in sex chal-
 „ cos. Quamvis ægre intelligas, quid sibi velit,
 „ aut quo juverit quatuor uncias æris in tan-
 „ tillum pulverem dispergi, an disperdi; satis
 „ tamen apparet plus vice simplici a vero illum
 „ deviasse. Chalcos sex in obolum illi remit-
 „ timus, quia dissentiunt auctores. Plinius de-
 „ cem ei tribuit, quas alibi *sexagesimas denarii*
 „ *partes* vocat. Diodorus apud Suidam & quæ-
 „ cumque illa Cleopatra sex. In veteri apud
 „ me membrana statuitur uncix II *semuncia*,

III duella, IV sicilicus, VI sextula, VIII drachma, XII hemisecula, (f. semisextula) XVI tremissis, XXIV scriptulum, XLVIII obolus, LXXII cerates, XCVI filica, CXX chalcus. Isidoro chalcus quarta pars oboli est. Hi omnes de ponderibus loquuntur, non de partibus pretii in ære, de quibus tamen agere instituit Savotus. Pollux octo chalcos in obolo agnoscit: quem sequimur, quia de nummis scimus ibi tractare, quum isti pondera & nummos misceant; dein quia nemo explicatius. Οἱ μὲν τοι ὀβολὸς, inquit, ὀκτὼ χαλκοὺς εἶχε· καὶ οἱ μὲν δύο χαλκοὶ, τεταρτημόριον, καὶ ἕξ ὀβολοὶ, τεταρτημόριον ἐκαλεῖτο. Οὕτω δ' αὖν εἶεν καὶ δίχαλκον, ὅτι ὡς ὁ βολὸς τέταρτον. Οἱ ἥ πένταρες χαλκοὶ, ἡμισόλιον. Οἱ ἥ ἑξ χαλκοὶ, τεταρτημόριον, ὅτι τὰ τεῖτα μέρη ἐστὶ τῷ ὀβολῷ. Quid expressius? Sed & testimonia ex Philemone & Platone adponit. Quæ si legendi operam sumsisset Savotus, nunquam jecisset, quod existat lib. III. cap. XVIII, si τὸ λεπτόν in Evangelio non rependisset nisi octavam oboli partem, non potuisse id esse speciem nummi. Immo potuit esse non modo pondere octava oboli, sed etiam octavæ oboli septima. Septem enim λεπτά chalco adsignantur. Dein chalcus erat drachmæ quidem, non xxxvi, sed xlviii pars, verum drachmæ argenteæ, non autem drachmæ æris, a qua tamen exorsus fuerat Savotus.

Nam & sic loquentem feram, quia video apud Cleopatram: Ἀσάριον ἔχον δραχμὰς β. καὶ διπλόνον ὁμοίως ἄγχι δραχμὰς δ. Secus vetustiores, qui *drachmam* in argento & auro, non in ære, ponebant, ut liquet ex Volusio & Prisciano. Præterea si harum quævis particularum erat xxxvi drachmæ, sive duorum sicilicorum æris, as autem duarum drachmarum sive sicilici ære esset, sequitur assem habuisse partes hujusmodi Lxxii, quod & ipse loquitur. At quis cogitavit unquam assem Romanum, & quidem quadrante uncia, sive sicilico æris constantem, septuaginta duobus chalcis æstimatum? quem supra ostendimus, etiam cum semunciam æris haberet, non valuisse ultra τεῖχ' αλλοῦν. At Lxxii chalci sesquidrachmam conficiebant, id est, denarium & victoriatum: tantum abest, ut as, sexta decima denarii pars, Lxxii chalcos habuerit. Ille vero capitalis error, & qui omnem laborem ingeniosi viri habet frustratui, quod Lxxii illas partes, in quas dividi assarium ab Africano commemoravit, credidit esse partes pretii æris in asse tam minuto, vel partes assarii nummuli; quum sint partes illius assis, per quem omne solidum dividebant. Prorsus enim eadem sunt Africani, quæ Heronis verba, ut possit hic ex illo transcripsisse videri, siquidem est Africanus ille Iulius Eusebio nobilis: quamquam eadem

eadem utriusque res haud multum diversa verba requireret etiam inter sese ignarorum. Ex Africano quoque adducit Savotus : *Denarius apud Romanos habet nummos sestertios quatuor. Nummus vero pondere unciam habet.* quæ verba & hic apud Heronem exstant. Hi auctores igitur quum ponunt denarium sedecim esse assariorum, sane de asse numismate intelligunt : quum vero ipsius assis divisionem peragunt, non assis signati, sed assis divisoris partes enarrant. Sic Hero duodecim primo recenset uncias, in quibus ε & ζ, hoc est, quincunx & septunx, sive ipsius, sive librarii negligentia omissi : nam, ς ϣ, pro ς x, quinto loco nos fecimus, operarum hoc erratum existimantes. Sexta decuma est *semuncia sicilicus*, octava decuma *semuncia sextula*, vicesima quarta *semuncia*, tricesima sexta *duæ sextulæ*. Haftenus verum est assis partes, quas recenset per numeros & numerorum notas, habuisse peculiaria nomina apud ratiocinatores. At quæ duæ ultimæ statuuntur, *quadragesima* & *quingagesima*, nominibus carent, ut ex Volusio constat. Itaque in illis librarii esse lapsum censeo, & restituendum : ς μη, ς οβ. hoc est, & XLVIII & LXXII. Imperat Volusius, qui eodem ordine: *Est autem assis semuncia vicesima & quarta : duæ sextulæ, pars tricesima sexta : sicilicus, quadragesima octava : sextula, septuagesima se-*

cunda. Imperat & Africanus, quantum ex Savoto colligere est: neque enim ipsum illud fragmentum vidimus. Atque in hac parte sistunt Africanus & Hero, quia ipsis libuit; non quasi non sint plures: sunt enim, *dimidia sextula*, CXLIV; *scriptulum* CCLXXXVIII; *simplium* DLXXVI, ut persequitur Volusius. Apparet igitur LXXII partem assis, quam Africanus appellat, non posse esse eandem quam dicere putatur, millesimam centesimam quinquagesimam secundam denarii: nec quod *συχνεΐα* quadam sedecies septuaginta duo colligunt mille centum quinquaginta duo, ideo illa assi numismati, hæc denario, cui sedecies assarius inest, adscribenda, tanquam partes pretii utriusque. Quid ultra tendo? Partes illas mille, sive centum, ut ex Africano recitat Savotus, sive ducentas, ut ex Herone Scaliger, & quinquaginta duæ, neutri videntur notæ fuisse, sed in utrumque additæ a librariis. Quis non videt vitium in hac inæqualitate sermonis: *Denarius dividitur in partes mille CCLII: habet enim partes duodecim*. Hæc *μέρη δώδεκα* sine dubio sunt duodecim uncia, in quas denarium, tanquam assen, in rationibus, æris excurrentis signandi gratia, dividebant οἱ Ρωμαῖοι λογισαί, quod ex Volusio didicimus & proposuimus. An hæ causam afferunt, cur idem denarius comminuatur conteraturque
in

in MCCLII vel MCLII particulas? Et tamen adferre causam possemus dicere, si nugari liberet. Possemus, inquam, dicere, mille centum quinquaginta duas partes attribui denario, ut assi, ut ex duodecim unciiis constanti. Qui hoc? nam tota pars assis est dimidium simplium: bis enim quingenta septuaginta sex reddunt MCLII. Sed ne hæc quidem ultima divisio: quippe de simplio Volusius: *Quam & ipsam partem infinito separare possis.* Dein quis istarum partium usus in ratiocinio? eas autem quærimus, quibus nomina & notæ propriæ sunt, quæque adhibebantur a calculatoribus. Scribe, si sapis, cum Salmasio: Διαρείται ὃ ἐκ πεντήκοντας καὶ τὸ δλωάριον καὶ ῥωμαῖς εἰς μέρη, ἀσ. νξμ. id est, εἰς μέρη, ἀσάριον, νέμμης. quæ deinde ordine exsequitur. Et sic etiam restituendum apud Africanum. Super hæc omnia dicit Heroassem dividi εἰς πζ. id est, ἡμῖσι. Hoc recte: intelligit enim duos habere semisses. Sed quid attinet sequentibus omnibus numeris eandem notam adjicere? nam γζ est τρίτην ἡμῖσι, tertiam & dimidiam: δζ, τέταρτον ἡμῖσι, quartam & dimidiam &c. Aut igitur tollenda est ea nota, aut reformanda. Vnciæ signum Græcis est gamma appositum vel superpositum habens omicron. Vide Agricolam in fine lib. v. Nosque ipsi notavimus in Eusebii Pamphili ἐκλογῇ περὶ σαθμῶν, quam

MS. communicavit mecum pro humanitate sua Isaacus Vossius. In ea invenimus: *Δηνάριον* γο δ. id est, ἑγκία τέσσαρες, *uncia quatuor*. Νῆμμο γο α. id est, *uncia una*. Στατήρ γο τὸ ζ. id est, ἑγκίας τὸ ἥμισυ, *uncia dimidium*: *stater* scilicet argenteus *tetradrachmus*. Σίκλον γο τὸ δ. id est, ἑγκίας τὸ τέταρτον. *uncia quadrans*. Ἀσάριον γο τὸ δ. Κοδράνης γο τὸ δ. Sic igitur apud Heronem potuit fuisse: καὶ γο, καὶ δ γο, καὶ ε γο, καὶ η γο, καὶ θ γο, καὶ ι γο, καὶ ια γο, καὶ ιβ γο. hoc est, & tres uncias, & quatuor uncias, & sex uncias, & octo uncias, & novem uncias, & decem uncias, & undecim uncias, & duodecim uncias. In reliquis omnino delenda est. non enim hæ sunt uncia, quas duodecim tantum as habet. Hæc scripseram, quum ipsum illud Africani fragmentum ex Ἰατρικῆς ejus decerptum, ut editum est, accepi. Verba, quæ huc pertinent, sunt ista: *Denarius autem apud Romanos dividitur in partes millenas centenas duas & quinquaginta. habet etiam tropaica duo quinarioseve duos, nummos sestertioseve quatuor, assaria vero seu asses sex & decem. Nummus vero pondere unciam habet. Assarion autem assise seu as dividitur in dimidium, tertium, quartum, sextum, octavum, nonum, decimum, duodecimum, quartum & vigesimum, sextum & trigesimum, octavum & quadragesimum, secundum & septuagesimum. Partes autem hæ apud Romanos ratiocinantes*

natores suas habent nominationes. Agnoscis, quod suspicabar, eadem dicere Africanum quæ Heronem. Primo idem vitium in numerosis illis partibus, nisi quod auctor versionis æg invenit in Græco exemplari pro ας. Nam illud, ἐχδ' ἃ μέρη δώδεκα, haud scio an omiserit, quia male conveniebat illis, quæ præcedenti membro conceperat. Vnum amplius in Africano est, δύο τετρακτῖς, hoc est, duos victoriatos sive quinaros habere denarium: quod forsan & Heroni traditum culpa describentis intercudit. Cætera omnibus partibus consentiunt: at maxime τὰ, ὀκτάρυμ & quadragesimum, secundum & septuagesimum, confirmant conjecturam nostram. Chalcos autem sex, quod tentat Savotus, adeo sibi non patitur aptari Africanus, ut bis diserte scribat, quod nos volumus. Drachma, inquit, sex obolos, obolus chalcos octo, drachma ergo chalcos octo & quadraginta habet. Et sub finem: Chalcus, qui est oboli pars octava. Fuisse autem tale quid & apud Heronem apparet ex Snellio.

C A P. XI.

Volusius iterum illustratus. Nota ratiocinatorum quomodo sedecies multiplicata as super denarium excurrere efficere dicantur. Qua ratio istius rei, quam mirari Volusius videtur. Non ingenii inventum est, sed necessarius eventus. Pedis parti-

tio simillima partitioni denarii. Βήσαλον. *Besales lateres. Dodrantes inter ordines. Varro illustratus. Pes as mensuris. Arithmetica assē μισάδα* fuisse dictam verisimile est, etsi parum firmis argumentis adhuc probatum. *Columella, Higinus Gromaticus, Auctor incertus, & ex Epaphrodito ac Vitruvio excerpta correctā. Trigonus ductus octies. Accepto asse. Dupondius, sexis, vicesis, pro duobus, sex, viginti. Marcianus Capella ter emendatus. Vicesquaterus. Pondo male dicitur significare pedem. Libra modus agri. Via sedecim millium, Hereditatis octodecim millium nummum, Iugeri partitio. Solidum numeris constans si per assem dividatur, quot numeris constat omne, toties multiplicatas assis partes, quibus singuli numeri nuncupantur, reddere numerum illarum singularum partium, quas designant, late probatur.*

Scribit Volusius notam illam *aris excurrentis sedecies multiplicatam* id efficere : quæ verba vel maxime impedivere Hotomanum. Sed si recte experire, vera deprehendes. De asse, qui denarii *semuncia sicilicus*, jam dictum, sedecim semuncias totidemque sicilicos integrum reddere quemvis assem : sedecim nempe semunciarum bessem dant sive octo uncias, sedecim sicilici trientem seu quatuor uncias : ex quibus duodecim componitur totus as. Sic quod duas asses *fescunciam* dicunt, duæ fescunciarum tres faciunt uncias, quatuor semissem, octo assem, sedecim dupondium. Tres asses *sextans sicilicus* denarii : sedecim enim sextantibus xxxi i continentur

tinentur uncix, seu dupondius & octo un-
 ciæ; sicilicis sedecim triens, uti dictum: sic
 habes tressis. Quatuor asses denarii *quadrans*.
 Tres enim uncix quadrantem, quatuor qua-
 drantes assem faciunt: sic sedecim quadran-
 tes quatrussis. Quinque asses, denarii *qua-*
drans semuncia sicilicus, sedecies multiplicati,
 intelliguntur ex illis, quæ de primo & quar-
 to asse diximus. Sex asses, denarii *triens se-*
muncia. nam sedecim trientes, singuli un-
 ciarum quatuor, efficiunt quinqueßis &
 quatuor uncias; sedecim semuncix bessem;
 quibus junctis exit sexis. Septem asses, de-
 narii *quincunx sicilicus*. nam sedecim quin-
 cunces faciunt octoginta uncias, sedecim si-
 cilici trientem seu quatuor uncias, ex quot
 unciis constat septussis. Octo asses, *semisses*
 utique sedecim. Novem asses facere *semissem*
semunciam sicilicum ductos sedecies, ex octa-
 vo & primo asse intelligis. nam semissibus
 sedecim, qui octo faciunt asses, si addas se-
 muncias sedecim, quæ octo sunt uncix, &
 sicilicos sedecim, qui triens, habueris no-
 nussis. Scribendum autem hic apud Volu-
 sium: *Sedecies hac quoque nota, quæ vocatur se-*
mis semuncia sicilicus, multiplicata, nonus inve-
nies. Vbi vulgo: *Vt semissem hanc quoque no-*
tam, quæ vocatur semissis uncia sicilicus, multi-
plicatum. quæ merum sunt ulcus. Decem
 asses denarii *septunx semuncia*. nam sedecim

septunces centum & duas uncias seu asses novem & quatuor uncias complectuntur: quibus bessem, quem sedecim semunciae componunt, si addas, habebis decussis. Asses undecim denarii *bes sicilicus*. nam sedecim beses habent uncias centum viginti octo, seu asses decem & octo uncias: juncto triente quem sedecim faciunt sicilici, fiunt CXXXII, seu undecim æris. Duodecim *dodrans*: sedecim dodrantes, uncia CXLIV, quot sunt etiam in duodecim æris. Tredecim *dodrans semuncia sicilicus* sedecies intelligitur ex dictis de duodecimo ac primo asse. Quatuordecim *dextans semuncia*. nam dextantes sedecim CLX uncia, tredecim asses puta & uncia quatuor: accedente besse ex sedecim semunciis fiunt quaternideni æris. Denique asses quindecim *deunx sicilicus*. nam sedecim deunces conficiunt uncias CLXXVI, seu quatuordecim asses & duos trientes, quibus applicito triente ex sedecim sicilicis habes quinos denos æris. Quod autem Volusius ait *ingeniosissime inventam notam, qua sedecies multiplicata efficeret as excurrere*; non sumus ex illis, qui detrectare antiquos gaudent, & laudo ingenium elegantiamque hominis, qui hanc rationem denario accommodavit. Veruntamen quod ea nota multiplicata sedecies id efficit, non est ingenii inventum, sed eventus necessarius, nec potest aliter sese habere.

habere per naturam rerum. Neque denario id præcipuum aut eximium, sed omni assi, seu corpori, seu solido ex sedecim minoribus quasi assibus composito, si per uncias dividatur, congruit. Manifestissima res est in pede, cujus quum sint sedecim digiti, *uncia* est pollex, hoc est, digitus cum triente digiti, sicut denarii uncia est as cum triente assis; *sextans* duo digiti duo trientes, *quadrans* quatuor digiti &c. Plinius lib. XIII. cap. xv. Tiberii e citro mensam *quatuor pedes sextante* & *sicilico excessisse* scribit, *crassitudine sescunciali*. *Sextans sicilicus* pedis tres digiti eadem ratione, qua tres asses denarii. Sedecim sextantes, dupondius & octo uncia, id est, duo digiti & bes digiti: sicilici sedecim triens sive quatuor uncia ejusdem digiti: qui juncti tres sunt integri digiti. *Sescuncia* vero duo digiti pedis, perinde ut denarii duo asses. Sescunx octava pars assis, ut duo asses denarii, ut duo digiti pedis. Sedecim igitur sescunces, duo asses in ratione denarii, & duo digiti in mensura pedis. Sic *copula sescunciae* apud Plautum ex restitutione Scaligeri. Huc etiam pertinet *lignum besalterum* apud Festum. Sic digiti undecim *bes sicilicus* dicebantur, perinde ut in rationibus undecim asses. Bes enim octo pollices, id est, undecim digiti minus triente digiti, qui sicilicus, seu quarta pars uncia, nempe polli-

pollicis. Βήσαλον posterior Græcia dixit laterem, βήσαλα laterculos. Vt Theophilum in Institutionibus & alios taceam, Tzetzes Chiliad. ix. Ο'πλιν' ὃ πλίνθιν γίνωσκε, ὃν βήσαλον καλεῖμεν. Ex hoc loco notavit G. Fabricius materiam laterum, quibus Semiramis urbem Babylona circumdedit, dictam Babylonis βήσαλον. Sed non tradit id Tzetzes. Permovit tamen hic error Fabricii doctissimum Rittershusium, ut & ipse Chaldaicam vocabuli originem putaret, decurreretque ad Hebræorum *Baschal*, coxit, assavit, Sac. Lect. lib. iix cap. xii. At Latinis debetur. Erat certum genus laterum, qui quoniam octo pollices sive longitudinis sive latitudinis sive altitudinis habebant, *bessales* appellabantur. Vitruvius lib. v. *superque laterculis bessalibus pila struantur*. Quod cum in usu frequentaretur, factum est generis vocabulum, ut *bessales* & *bessalia* pro lateribus dicerentur. Vnde Charisius inter neutra pluralia refert *brevia*, *bessalia*, *iusta*. Hoc adieceram, cum me primum id observasse putarem: sed inveni postea anticipasse magnum Salmasium ad Solinum. Columella lib. i i i. cap. x i i i. *dupondio & dodrante altum sulcum*. Suetonius Octavio: *quinque pedum & dodrantis*. id est, novem pollicum, vel duodecim digitorum: ut duodecim asses denarii novem sunt uncia, vel dodrans. Varro lib. iii

de

de re rust. cap. VIII. *Pro columbariis in pariete mutulos aut palos in ordinem, supra quos tegeticula cannabina sint impositæ. Infimum ordinem oportet abesse a terra non minus tres pedes: inter reliquos, dodrantes; a summo ad camaram ad semipedem, æque latum ac mutulus a pariete exstare potest: in quibus dies noctesque pascuntur.* Quem locum ineleganter tractavit vel Fulvius vel Ciacconius, scribendo: *inter reliquos ab imo ad camaram ad semipedem æque latum ac mutulus a pariete exstat, in quibus.* id est, inquit, tantum erit latus ordo tegeticularum, quibus mutulus a pariete exstat. Longe plenius Varro: *inter reliquos* mutulorum ordines, qui ab infimo ad summum continuantur & ascendunt, vult interesse *dodrantes*, hoc est, inter singulos spatium novem pollicum vacuum; inter summum gradum & testudinis fornicem, quasi semipedem sive octo digitos. Hic ponenda *πελεία σιγμή*, ut absoluto eo versu. Quod sequitur, offendit jam olim: nam in pristinis edd. invenio: *æque lati mutuli a pariete exstare possunt.* Cujus auctores sane sententiamprehenderunt acutius quam illi: sed non debuerunt mutare verba veterum codicum, eandem sententiam rectius habentia. *Æque latum*, inquit Varro, *ac mutulus a pariete exstare potest.* hoc est, tantundem spatii, nempe ad semipedem, & mutulum exstantem a pariete

lam accepisse : quod , inquit , apud alium me
 legisse , aut ab alio animadversum fuisse non
 memini : dein appositis Columellæ verbis ,
 quæ vox *assis* , inquit , pro uno Italis tesseru-
 lis ludentibus remansit : ii enim punctum
 unum in tesserialis *assum* nominant , ab asse ,
 ut arbitror , litera mutata. Sed angustus est
 Columellæ locus pro tam late patienti obser-
 vatione , neque aliud docet quam *asses* men-
 soribus esse pedes. Salmasius ad Historiam
 Augustam colligit item calculones *assem* pro
 monade , & *adjecto asse* pro adjecta unitate
 dixisse , ex Hygino Gromatico de lateribus
 polygoniorum : *Omnis trigonus ductus octies*
accepto asse facit quadratum. Id est , ait , octies
 accepta unitate. Hic primo *ἀγρομέτερον* ,
 quod *τὸ octies* conjunxit cum *accepto asse* : nam
 octies duci trigonum vult Hyginus , & ei ,
 qui exstitit inde numerus , addi unitatem.
 Vult , inquam , numerum pedum trigoni ,
 qui octava pars est areæ quadratæ , multipli-
 catum per octo , colligere numerum pedum
 universæ areæ , vel efficere tot numeros ,
 quot pedes habet tota quadrati area , uno
 minus , sive ita , ut semper unus pes sit adji-
 ciendus. Verba integra : *Omnis trigonus ,*
ductus octies , accepto asse , facit quadratum : cu-
jus latus , dempto asse , reliqui sumta parte dimi-
dia , facit trigoni latus. *Omnis pentagonus , du-*
ctus vicies quater , accepto asse , facit quadratum :
cujus

cujus latus, cum asse sumpta parte VI, facit pentagoni latus. Ita legendum ex M.S. quod, sicut erat, omnibus vestigiis curavit typis describi Cl. Scriverius. Erat autem illic : *demitto asse relique sumo partem dimidiam.* Nam paullo aliter habetur in exemplari ad Vegetium ejus addito. Deest etiam male utroque octies. Rursum vet. cod. *cujus latus cum asse sumpta parte VI.* ex quo faciendum erat, *cum asse sumpta parte sexta* : non, *latus cum asse, sumpta parte bis.* Fragmenta vetusta incerti scriptoris ab And. Schotto edita : *Omnis trigonus, ductus octies, accepto I, facit quadratum : cuius quadrati latus, dempto I, & dicta parte dimidia, facit trigoni latus.* *Omnis pentagonus, ductus XXIV, accepto I, facit quadratum : cuius quadrati latus, accepto I, & dicta parte VI, facit pentagoni latus.* Vbi male editum, *ductus novies, &, dicta parte 2 facit trigoni latus.* Ex Epaphrodito & Vitruvio Rufo excerpta : *Est itaque trigonus octuplicis figura & mensurae, cuius area colligit p. CCCCVI. Lateris unius quero pedes. S. Q. Facio hujus trigoni semper ductam aream octies : fit MMMCCXLVIII. Huic semper adjicio I : fit 3249. Quero hujus summae quadratum, hoc est, latus : fit LVII : hinc semper deduco I : fit reliquum LVI : sumpta parte dimidia fit XXVIII. Tot pedes sunt per latera singula hujus trigoni isopleuri.* Schottus edidit : *trigonus 8* figura : & deinde : sumpta.*
parte

parte dimidia fit 208. Perperam. Vel ex postremo autem loco agnoscis, etiam si taceam, omnes istos Gromaticos numeros esse pedes. Ita possemus & hinc dicere parum probari *asse* significare quamvis Arithmeticam *μονάδα* nam quod *accepto uno* alterius scriptoris est Hygino *accepto asse*, non ideo fieri quia *as* quævis dicatur *μονάς*, sed quia & *μυάς* & *as* hic accipiuntur pro pede. Nolumus tamen pertinaciter contendere, tum quod *decussis* Vitruvio pro denario numero accipitur, tum quod Marciano Capellæ multo licentius *dupondius*, *sexis*, *viceffis* &c. pro duobus, sex, viginti &c. placuerunt. Ille lib. III. ex singularibus rebus, quæ *μονάδες* Græcis dicuntur, perficitur *decussis*. Capella lib. VII. nam *sexies septuagessis dupondius facit quadringentos viceffis dupondius*. Similiter *octies septuagessis dupondius facit quingentos septuaginta sex*. Ita scribendum. Male & Grotiana: *quadringentos tricies dupondius*. nam *sexies septuaginta duo faciunt cccxxii*: non *triginta duo*. Vulgo etiam, *septuagesies*. Sed *septuagessis* voluisse auctorem liquet ex eo, quod post paucos versus sequitur: *nam quater seni viceffis quatrussis faciunt*. Ita quoque legendum: non *viessis*. Nisi brevius dixit, *viceff-quatrus*. notat enim margo in aliis libris esse, *viesquartis*. Sic autem corripuisse illa vocabula calculones docuit Volusius Mæcianus.

Capella iterum : *Vtque ex duobus triplo sexis invenit : sic senario numero duos adjiciendo supertertium invenit.* Inde & Isidorus lib. II. cap. XIII. *Sex & duodecim multiplicata faciunt septuagies dipondo.* Nisi fuit illic quoque : *septuagessis dipondius.* Mensoribus haud dubie pes *as*. At *pondo* etiam pro pede dici temere Scaligero excidit : non enim *pondo* magis pedem significat quam *pondere* aut *ponderibus* : sed *as* vocabulum, quod in prima pecunia significabat libram *pondo æris*, idem in mensuris intervallorum denotabat pedem. *Libra* sane appellatur & mensoribus inter modos agri. Hyginus : *Alii appellant libram, alii parallelam.* Et, *ita renuntiabimus, jugera tot, versus tot, sive libras tot.* Alius inter finium reg. auctores : *Libra in ponderibus, in mensuris arborum vel spatio terrarum, vel statu hominis per diversas mensuras in duodenario numero comprehendi potest.* De *asse* pro unitate quæstionem dissolvit Balbus mensor : *Quicquid unum est, & quod ex integrorum divisione remanet, Assen* ratiocinatores vocant. Quotquot ergo de integra divisione singulares res unitatesve remanebunt, totidem asses erunt : si unitas una remanebit, unus erit assis *asve* : si dua, duo ; si plures, plures erunt asses. Sic tamen ut magis unum numeratum quam numerans significet. Cæterum quod de denario & pede diximus, deprehendetur etiam in via *se-*
decim

decim millium partienda : nimirum ut qui-
 qui minores asses, id est, singula millia pas-
 suum, appellentur illis vocabulis æris vel li-
 bræ, quæ sedecies multiplicata efficiant tot
 asses, quot millibus significandis adhibentur.
 Via talis munienda describatur illis, qui cir-
 ca prædia possident. Quibus mille passuum
 adsignabitur, ii munient ejus *semunciam sici-
 licum* : quibus duo millia passuum, *sestun-
 ciam* ; quibus tria millia, *sextantem sicilicum* ;
 quibus quatuor millia, *quadrantem* ; quibus
 quinque millia, *quadrantem semunciam sicili-
 cum* : & sic deinceps. Sed & in plurium nu-
 merorum assibus toties multiplicatæ eæ no-
 tæ indicant suum quæque numerum, quot
 numeris as ipse constat. Sumamus hæredi-
 tatem octodecim millium nummum : ejus
uncia erit mille quingenti, *sextans* tria millia,
quadrans quatuor millia quingenti, *triens* sex
 millia, *quincunx* septem millia quingenti,
semis novem millia, *septunx* decem millia
 quingenti, *bes* duodecim millia, *dodrans* tre-
 decim millia quingenti, *dextans* quatuorde-
 cim millia, *deunx* sedecim millia quingenti ;
 quibus si accedat *uncia*, nempe mille quin-
 genti, integer comparet as. Ex hac hæredita-
 te cui relictum erit mille nummum, hæres
 erit *ex semuncia & sextula* : nam hæc octava-
 decuma pars assis, ut milleni octodecim mil-
 lium : octodecim semunciæ novem faciunt

uncias: octodecim sextulæ tres uncias: quæ universæ duodecim: sic octavus decimus as assis octodecim millium, nempe mille, *semuncia sextula*. Cui duo millia, *ex uncia & duabus sextulis*: nam hæc nona pars assis: novies binæ sextulæ constituunt tres uncias, quibus si dodrans vel novem uncia accedant, fit as. At decies octies binæ sextulæ sunt sex uncia, quibus si octodecim uncia addantur, fiunt viginti quatuor, duo asses. Trium millium hæres erit *ex sextante*: nam ea sexta pars assis, quota pars octodecim millium sunt tria millia: decies octies sextans ductus facit xxxvi uncias, qui tres asses. Quatuor millium *ex sextante semuncia sextula*: hæc sexta & octava decima pars assis: octodecim sextantes, tres asses; totidem semuncia sextulæque, as. Quinque millia destinabit testator, si quem scripserit *ex sextante uncia binis sextulis*: quod intelligitur ex proximo & secundo numero. Sex millia cui attribuet, *trientem*: & octodecim trientes, sex asses. Cui adscripsit *trientem semunciam sextulam*, eum voluit capere septem millia: ratio ex præcedenti & primo numero constat. *Ex quincunce binis sextulis* hæres accipiet octo millia: nam octodecim quincunces faciunt xc uncias: hoc est, septem asses & semissem: octodecim binæ sextulæ faciunt sex uncias: quibus completur octavus

as octodecim millium, octo sestertia. *Ex semisse*, novem millia capiet: octodecim semisses, novem asses. Decem millia relinquuntur, cui *semis semuncia sextula*: clamat proximus & primus numerus. Undecim millia, cui *septunx bina sextula*: quippe septunces octodecim CXXVI uncia, asses decem semis: adde sex uncias, quæ sunt in octodecim binis sextulis: constant undecim asses. Duodecim millia auferet hæres *ex besse*: nam besse octodecim faciunt uncias CXLIV, qui sunt xii asses. Tredecim millibus honestabitur *ex besse semuncia sextula* scriptus: e proximo & primo superioribus numeris agnoscis. Quatuordecim *ex dodrante binis sextulis*: sex enim uncia, quas dant octies decies ductæ binæ sextulæ, octodecim dodrantibus, hoc est, CLXII unciis, seu tredecim assibus semissi, adjectæ constituunt quatuordecim asses. *Ex dextante* quindecim millia capiet. nam decies octies dextans uncia CLXXX, qui sunt asses quindecim. Sedecim millia *ex dextante semuncia sextula*, quod & ipsum proximus superior primusque numerus palam facit. Denique cui *deuncem binas sextulas* adscripsit, cum voluit habere septendecim millia nummum. nam octodecim deunces, uncia CXCVIII, quibus adjectæ octodecim binæ sextulæ septimum decimum assen perficiunt. In jugero experti

idem sumus, cujus quot pedes faciant *uncias*,
sicilicos, *sextulas*, *scriptula*, tradit Columella
 lib. v. cap. i. Iugerum habet quadratorum pe-
 dum viginti octo millia & octingentos : qui pedes
 efficiunt *scriptula* CCLXXXVIII. Ut autem a
 minima parte, id est, a dimidio *scriptulo*, inci-
 piam, pars quingentesima septuagesima sexta pe-
 des efficit quinquaginta ; id est, dimidium jugeri
scriptulum. Pars ducentesima octogesima octava
 pedes centum ; hoc est *scriptulum*. Pars centesi-
 ma quadragesima quarta pedes ducentos, hoc est,
scriptula duo. Pars septuagesima secunda pedes
 CCCC, hoc est, *sextula*, in qua sunt *scriptula*
 quatuor. Pars quadragesima octava pedes DC,
 hoc est, *sicilicus*, in quo sunt *scriptula* sex. Pars
 vigesima quarta pedes mille ducentos, hoc est, *se-*
muncia, in qua sunt *scriptula* duodecim. Pars
 duodecima duo millia & quadringentos, hoc est,
uncia, in qua sunt *scriptula* XXIV. Pars sexta
 pedes quatuor millia & octingentos, hoc est, *sex-*
tans, in quo sunt *scripiula* XLVIII. Pars quar-
 ta pedes septem millia & ducentos, hoc est, *qua-*
drans, in quo sunt *scriptula* LXXII. Pars tertia
 pedes novem millia & sexcentos, hoc est, *triens*,
 in quo sunt *scriptula* XCVI. Pars tertia & una
 duodecima pedum duodecim millia, hoc est *quin-*
cunx, in quo sunt *scriptula* CXX. Pars dimidia
 pedes quatuordecim millia & quadringentos, hoc
 est *semis*, in quo sunt *scriptula* CXLIV. Pars di-
 midia & una duodecima pedes sedecim millia &
 octin-

octingentos, hoc est, septunx, in quo sunt scriptula CLXVIII. Partes duæ tertiæ, pedes decemnovem millia & ducentos, hoc est, bes, in quo sunt scriptula CXCI. Partes tres quartæ pedes unum & viginti millia & sexcentos, hoc est, dodrans, in quo sunt scriptula CCXVI. Pars dimidia & tertia pedum viginti quatuor millia, hoc est, dextans, in quo sunt scriptula CCXL. Partes duæ tertiæ & una quarta, pedes viginti sex millia & quadringentos, hoc est, deunx, in quo sunt scriptula CCLXIV. Quia igitur iugerum erat pedum quadratorum viginti octo millium & octingentorum; hujus maximi assis mille pedes dicebantur menforibus *scilicet sextula*, pars XLVIII & LXXII: *scilicet* sexcentos, sextula quadringentos pedes comprehendebat. Viginti octo *scilicet*, septem uncia; xxviii sextulæ, quatuor uncia; quatuor sextulæ: octo *scilicet*, uncia; duæ; octo sextulæ, uncia cum duabus sextulis: ex quibus conjunctis fit as cum tribus unciis. Mille quingentos pedes Columella vocat *semunciam & scriptula tria*: nam semuncia pedes mille ducenti, scriptulum pedes centum. Viginti octo semuncia, quatuordecim uncia; vices octies tria scriptula, tres uncia, tres sextulæ: octo semuncia, quatuor uncia; octies tria scriptula, sex sextulæ: quæ universæ faciunt assem dextantem semunciam: scilicet assis & quadrantis dimidium est septunx

ptunx semuncia, ut quingenti millium. Duo millia pedum erant *semuncia bina sextula*: nam semuncia, uti dictum, pedes M CC, binæ sextulæ octingenti. Viginti octo semunciae, quatuordecim unciae; viginti octo binæ sextulæ, novem unciae cum duabus sextulis, seu unciae triente: octo semunciae, quatuor unciae; octo binæ sextulæ, duæ unciae cum besse unciae: junctim duo asses sex unciae. Tria millia, *uncia sicilicus*. nam uncia duo millia quadringenti, sicilicus sexcenti. Viginti octo unciae, duo asses quatuor unciae; viginti octo sicilici, septem unciae: octo unciae bes, octo sicilici sextans: hi ergo tres asses dodrans seu novem unciae. Quatuor millia *fescuncia sextula*. nam fescuncia pedum tria millia sexcenti, sextula quadringenti. XXVIII fescunciae, tres asses sex unciae; XXVIII sextulæ, quatuor unciae quatuor sextulæ: VIII fescunciae as; octo sextulæ, uncia duæ sextulæ: conflunt quinque asses. Quinque millia *sextans dimidia sextula*. nam sextans quatuor millia octingenti pedes, dimidia sextula ducenti. XXVIII sextantes, LVI unciae; XXVIII dimidia sextulæ, duæ unciae duæ sextulæ: VIII sextantes, XVI unciae; octo dimidia sextulæ, quatuor sextulæ: existunt sex asses tres unciae. Sex millia *sextans semuncia*: nam sextans quatuor millia DCCC, semuncia MCC, uti dictum: LVI un-

ciae

clæ sextantum viginti octo, totidemque se-
 munciarum uncia quatuordecim, rursus
 quatuor trientes sextantum octo, & triens
 unus octo semunciarum, generant septem
 asses semissem. Septem millia *sextans semun-*
cia sicilicus sextula: quippe sextans 4800, se-
 muncia 1200, sicilicus 600, sextula quadrin-
 genti pedes. Septem assibus semissi, qui fiunt
 ex multiplicato toties sextante & semuncia,
 viginti octo sicilici addunt septem uncias,
 viginti octo sextulæ trientem quatuor sextu-
 las, rursusque octo sicilici duas uncias, octo
 sextulæ unciam duas sextulas: ut fiant octo
 asses novem uncia. Octo millia *quadrans si-*
cilicus dimidia sextula. nam quadrans p. 7200,
 sicilicus 600, dimidia sextula 200. Viginti
 octo quadrantes, septem asses; viginti octo
 sicilici, septem uncia; viginti octo dimidia
 sextulæ, duæ uncia duæ sextulæ: octo qua-
 drantes, duo asses; octo sicilici, duæ uncia,
 octo dimidia sextulæ, quatuor sextulæ: unde
 decem asses. Novem millia *quadrans semun-*
cia sicilicus: quadrans enim p. 7200, semun-
 cia 1200, sicilicus 600. xxviii quadran-
 tes, septem asses; viginti octo semuncia,
 quatuordecim uncia; viginti octo sicilici se-
 ptem uncia: octo quadrantes, asses duo;
 octo semuncia triens, octo sicilici sextans:
 qui asses undecim quadrans vel tres uncia.
 Decem millia pedum iugeri, *trienis sextula*.

nam triens 9600 pedes, sextula 400. Trientes autem viginti octo, asses novem triens; viginti octo sextulæ quatuor uncia quatuor sextulæ: octo trientes, duo asses bes; octo sextulæ, uncia duæ sextulæ: hi duodecim asses semis. Columella: *Dicemus igitur eum locum habere decem millia pedum quadratorum, quæ efficiunt jugeri trientem & sextulam.* Undecim millia triens semuncia dimidia sextula: nam triens 9600, semuncia 1200, dimidia sextula 200. Vicies octies triens, novem asses quatuor uncia; toties semuncia, quatuordecim uncia, toties dimidia sextula, duæ uncia, duæ sextulæ: octo trientes dupondius bes; octo semuncia triens; octo dimidia sextulæ quatuor sextulæ: unde tredecim asses dodrans. Duodecim millia, triens uncia, cum triens 9600 p. uncia 2400. Rursus viginti octo trientes, novem asses triens; viginti octo uncia dupondius triens; octo trientes duo asses octo uncia; additis in super aliis octo unciis confiunt asses quindecim. Tredecim millia, quincunx sicilicus sextula: erat enim quincunx p. 12000, sicilicus 600, sextula 400: & viginti octo quincunces, asses undecim bes; viginti octo sicilici septunx; viginti octo sextulæ quatuor uncia quatuor sextulæ: octo quincunces tres asses triens; octo sicilici sextans; octo sextulæ, uncia duæ sextulæ:

12 : hi sedecim asses quadrans. Quatuordecim millia , *quincunx semuncia bina sextula*. nam quincunx 12000. semuncia 1200, binæ sextulæ 800. Iterum viginti octo quincunces , undecim asses bes ; viginti octo semunciæ septem sextantes ; viginti octo binæ sextulæ , novem unciaæ duæ sextulæ : octo quincunces tres asses quatuor unciaæ, octo semunciæ duo sextantes, octo binæ sextulæ, sextans quatuor sextulæ : in univ-
 sum septendecim asses semis. Quindecim millia *semis sicilicus*. nam semis 14400 p. sicilicus sexcenti. Hæ partes similiter multiplicatæ conficiunt octodecim asses dodran-
 tem. Sedecim millia *semis semuncia sextula* : ex quibus item ductis existunt viginti asses. Septendecim millia *septunx dimidia sextula* : nam septunx 16800 p. dimidia sextula 200. Hæ notæ vicies octies & rursus octies mul-
 tiplicatæ viginti unum asses quadrantem ef-
 ficiunt. Octodecim millia *septunx semuncia* : quippe quibus dupliciter , uti dictum est, multiplicatis eveniunt asses viginti duo se-
 mis. Novendecim millia *septunx semuncia si-
 cilicus sextula* : quibus similiter ductis asses
 conficiuntur viginti tres dodrans. Viginti
 millia pedum jugeri *bes sicilicus dimidia sextu-
 la* : bes enim p. 19200, sicilicus 600 , dimi-
 dia sextula 200 continent. Viginti autem
 octo besles, octodecim asses octo unciaæ ; vi-
 ginti

ginti octo sicilici septem uncia; viginti octo dimidia sextula, duæ uncia; duæ sextula: octo beses insuper quinque asses triens; octo sicilici, duæ uncia; octo dimidia sextula, quatuor sextula: unde quintus & vicemus as. Viginti unum millia *bes semuncia sicilicus*: quæ vices octies & iterum octies geminatae integrant viginti sex asses quadrantem. Viginti duo millia *dodrans sextula*. nam dodrans p. 21600. sextula 400. Dodrantes viginti octo, asses viginti unus; sextulae viginti octo, quatuor uncia, quatuor sextula: dodrantes octo, sex asses; octo sextula, uncia duæ sextula: e quibus viginti septem asses semis. Viginti tria millia *dodrans semuncia dimidia sextula*: totiesque multiplicata viginti octo asses dodrantem complent. Viginti quatuor millia *dextans*: viginti octo dextantes, in quibus viginti tres asses triens, rursumque octo dextantes, assium nempe sex besis, trigessimum assem solidant. Viginti quinque millia *dextans sicilicus sextula*. nam dextans 24000. pedum, sicilicus sexcenti, sextula 400. Ex his autem notis toties ductis triginta unus asses quadrans existunt. Viginti sex millia *dextans semuncia bina sextula*, & vices octies iterumque octies ductæ dant asses triginta duos semissem. Viginti septem millia *deunx sicilicus*: nam deunx 26400 p. sicilicus sexcenti. Octo autem & viginti

viginti deunces, viginti quinque asses bes;
 octo & viginti sicilici, septem unciz: octo
 deunces septem asses triens; octo sicilici sex-
 tans: qui conjuncti reddunt asses triginta
 tres dodrantem. Viginti octo millia *deunx*
semuncia sextula: eæque notæ vices octies
 iterumque octies multiplicatæ efficiunt asses
 triginta quinque. Desunt ad assem consti-
 tuendum binæ sextulæ: ii sunt octingenti
 pedes. Septunx autem iste cum binis sextu-
 lis supra viginti octo asses excurrens existit
 ex tribus unciis, quas singula millia supra
 assem repræsentant: vices enim octies ter
 sunt octoginta quatuor: quot uncias habent
 septem asses. Iam vero partes illæ perinde
 sunt subsecivum jugeri, ut sic loquar, ut asses
 usque ad quintumdecimum sunt æs excur-
 rens denarii. Sic Livius: *terna jugera & se-*
ptunces diviserunt: & alibi: *бина in Latio jüge-*
ra, ita ut dodrantem ex Privernati complerent,
data; terna in Falerno, quadrantibus etiam pro
longinquitate adjectis. Atque ita liquet, quo-
 tiescumque per partes assis dividitur totum
 numeris constans, quasi minoribus assibus,
 posterum & consequens esse, ut quot nume-
 ri sunt in toto, toties multiplicatæ partes
 assis, quæ singulis minoribus assibus appli-
 cantur, reddant illum numerum singularum
 partium, quas designant.

CAP. XII.

Protinus opera Volusio data in rationibus ad sestertium & victoriatum. In illis ara excurrentia explicabantur per libellas, sembellas vel singulas, teruncios. Libella olim decima, sembella vicecima, teruncius quadragesima pars denarii, & nummuli argentei: post vocabula earundem partium sestertii areos nummos significantia in rationibus ad sestertium & victoriatum. Volusius correctus. Rationum ad sestertium specimen. Semissis octava pars sestertii. Volusius defensus. Rationes ad Victoriatum duplicis forma, aut ut ad denarium, aut ut ad sestertium. Viriusque specimen. Iterum emendatus Volusius. Horatius leviter correctus. Libella, sembella, teruncius, apud Volusium non sunt veri nummi. Varronis locus defensus correctione superflua rejecta. Teruncius non a dodrante uncia, sed a tribus uncis appellatus. Sembella non area, non fescuncia respondens. Ratio denarii & sestertii male ad assem & libram; Ratio sestertii male ad denarium confici dicitur.

AD victoriatum etiam seu quinarium & sestertium summaria fiebant: sed in his minutæ æris libella, sembella vel singula, teruncii: quas olim denarius cum utroque habuit communes. Varro lib. IV de L. L. Nummi denarii decuma libella, quod libram pondo as valebat, & erat ex argento parva. Sembella, quod sit libelle dimidium, quod semis assis. Teruncius a tribus uncis, sembella quod valet dimidium, & est quarta pars sicut quadrans assis. Videntur fuisse

fuisse a primo nummuli argentei : postea cum frangi argentum in exiguitatem tantam displicuisset, vocabula sunt retenta in rationibus argenteæ pecuniæ, ne quid ibi scilicet nominaretur præter argentum, etsi res esset ex ære. Vt hodieque passim nummos imaginarios in ore habemus : quos fuisse olim credibile est, nunc cum formetur nusquam, ad summulas, quas valuerunt, in ea, qua utimur, pecunia compendio velut enuntiandas revocantur & retinentur. Nec desinunt in hac urbe appellare *Carolinum* viginti stuferos, *Aureum* viginti octo, *Aureum cruciatum* decem florenos, & quod mirum, *Equitem* sive *Riderum* viginti quatuor stuferos in cæspitibus siccatis ac duratis ad focos emendis, in conducendis annuis mercenariis seu operis agrestes circa, & pauculis, si forte, aliis causis, qui nullo alio in mercimonio aut negotio commemoratus : etsi primus ille sicubi habetur, loco mercis, & aliquanto majoris pretii sit ; secundus argenteus, tertius & postremus in auro & ipsi longe aliam habeant æstimationem. Sic summarum auctoribus Romæ æs excurrens ultra denarium, victoriatum, sestertium, *libella*, *sembella*, vel *singula*, *teruncius*, dicebatur, ita ut pro asse *libellam*, pro semisse *sembellam*, pro quadrante *teruncium* ponerent, quamdiu denarius decem, victoriatu quinque,

que,

que, sestertius duobus & dimidiato assibus æstimatus. Postquam vero denarius sedecim, victoriatu octo, sestertius quatuor assium facti, & ad æs excurrens denarii denotandum transtulerunt vocabula & notas ærariæ rationis, hæserunt in rationibus ad sestertium *libella*, *seimbella*, *teruncii*; sed artificiosius: Quæ enim pro decima, vicesima, quadragesima denarii parte in æreis nummis fuerant, easdem partes sestertii in ære sustinere jam jubentur. Volusius: *Libella dicta creditur, quasi pusilla libra. Nam quum olim asses libriles essent, & denarius decem asses valeret, & decima pars denarii libram, quæ eadem as erat; singula selibram, quæ eadem semis erat; teruncius quadrantem haberet; sive denariaria, sive sestertiaria ratio conficeretur, iisdem notis, id est, libellarum & singularum & terunciorum, præposita nota denarii vel sestertii, ut erat ratio, ara exprimebantur. Posteaquam in sedecim asses denarius distributus est, denariaria ratio expeditius confici cœpit, ut supra dictum est; sestertiaria mansit sub iisdem notis, aucta tamen computatione. Hac quoque libella, exemplo majorum, in duos velut semisses, quæ singula vocantur, & quatuor velut quadrantes, qui teruncii vocantur, dividitur. Ita distinximus, ut finis periodi præcedentis sit, non initium subsequæ, illud aucta tamen computatione: quippe quæ antea sistebat cum dupondio semisse, nunc progredie-*

grediebatur ad tressis semis, quia sestertius quatuor erat assium. Nec profecto durior erat abusus vocum, a nummis argenteis significandis eas transferre ad æreos, hoc est, e veris facere imaginarios, quam a decuma, vigesima, quadragesima, parte gravioris nummi significanda traducere ad easdem partes levioris. Veluti, decima pars sestertii est triens, tres sicilici, scriptulum præter propter: decem enim trientes sunt uncia quadraginta, decies tres sicilici septem uncia duo sicilici, duodecim scriptulis, qui duos faciunt sicilicos, additis, quadraginta octo existunt uncia, quot scilicet in quatuor assibus habet sestertius. Hæc ergo *libella*. Vice-sima pars sestertii est sextans sicilicus quatuor scriptula: nam viginti sextantes, quadraginta uncia; viginti sicilici quinque uncia; vicies quatuor scriptula paullo plus tribus unciis, quot opus est ad quatuor asses sestertii complendos. Hæc igitur *sembella* vel *singula*. Quadragesima pars sestertii uncia est & quinque scriptula: nam quadraginta unciis addenda CXCII scriptula; ut fiant XLVIII uncia quatuor assium: quadragesies autem quinque scriptula ad centum excurrunt. Pro illa igitur parte sestertii *teruncius*. Atque ita sestertius habet decem *libellas*, viginti *sembellas* vel *singulas*, quadraginta *teruncios*: & his vocabulis æs excur-

rens, quod scilicet sestertio nummo minus erat, in rationibus ad eum nummum facien-
dis significabant. De his ita Volusius: *Ad ses-*
tertium ratio si conficiatur, semis hac nota scri-
bitur, T: vocatur, Libella teruncius. est au-
tem libella sestertii decima pars, teruncius qua-
dragesima: quæ duæ partes junctæ octavam ses-
tertii, id est, semissem, efficiunt. Nam octo libel-
lis, id est octo decimis, teruncii octo, id est, octo
quadragesimæ (quæ sunt quatuor vicesimæ, hoc
est, duæ decimæ,) adjunctæ complent sestertium.
Sunt enim in sestertio libellæ decem, singula vi-
ginti, teruncii quadraginta. Infra semissem ne-
mo rationem temere sestertiariam ducit. potest
tamen. nam quadrans, qui est pars sextadecima
sestertii, poterit notari singula, quæ est vicesima
sestertii, & dimidio teruncio, qui est octogesi-
ma sestertii. nam utraque hæc pars junctæ efficit
sextadecimam. As notari debet S: hæc ad
sestertium nota vocatur Duæ libellæ singula:
fiunt duo decimæ & vicesima, hoc est, quarta pars
sestertii. nam quater binæ libellæ, octo fiunt de-
cimæ: quatuor singula, quatuor fiunt vicesimæ,
hoc est, duæ decimæ, quæ superioribus junctæ ses-
tertium complent. As semis notari debet S—T:
vocatur Tres libellæ singula teruncius: &
sunt tres decimæ, una vicesima, una quadragesi-
ma, hoc est, quarta & octava sestertii. Super-
sunt octava quinque, id est, semisses quinque, ut
compleant sestertium. Da pondus hac nota S:
vocan-

vocantur Quinque libellæ, quæ sunt quinque decimæ. hæ duplicatæ sestertium implent. Dupondius semis hac nota S—T : vocatur Sex libellæ teruncius. sunt autem sex decimæ & quadragesima, id est, dimidia & octava totius. Super sunt octava tres, id est, semisses tres, ut sestertium compleant. Treffis hac nota S—L : vocatur Septem libellæ singula. sunt autem pars dimidia & duæ decimæ & vicesima, hoc est, pars dimidia & quarta. Desunt duæ octava, id est, quarta, quæ iuncta impleat sestertium. Treffis semis hac nota S—L T : vocatur Octo libellæ singula teruncius. Sunt pars dimidia & tres decimæ & vicesima & quadragesima : hoc est, pars dimidia & quarta & octava. Superest octava, quæ adjecta sestertium compleat. Dicit Volulus infra semissem non temere duci sestertiarum rationem, posse tamen, si quis velit, Veluti, cum scribendum esset, erogasse me decem nummos & quadrantem, poteram scribere : L. Titio H S. X. L T. hoc est, sestertios decem singulam dimidium teruncium. Nam sestertius habet sedecim quadrantes : at sedecim singulis si addas totidem dimidios teruncios vel octo teruncios, erunt viginti singulæ : quibus expletur sestertius : singula igitur dimidiatusque teruncius faciunt sextamdecimam partem sestertii, quæ est quadrans æreus. Nota dimidiati teruncii hic quidem in Mæciano non comparet, sed vi-

detur ea esse quam posuimus, infra in vulgatis male posita pro libella. Semissem autem excurrentem ita notabant : *Mævio HS. XV. = T.* hoc est, *sestertios quindecim libellam teruncium*. Nam semissis octava pars est sestertii quatuor assium : ut autem habet octo semisses sestertius, ita & octo libellas cum octo terunciis : octo namque teruncii faciunt duas libellas, quas si octo prædictis libellis addas, fiunt decem. Sic igitur *libella teruncius* octava pars sestertii, perinde, ut semissis. Sic quoque demonstres licet. Libella, quatuor uncix, tres sicilici, scriptulum : teruncius, uncia, quinque scriptula : hæ sunt sex uncix : ergo semis. Habes sole clarius, quod numeris Platonicis obscurius dicebat Hotomannus. Non libet singula ejus extutere : multo enim sunt ipsis Mæciani verbis obscuriora : sed quid ei mentis fuit, cum perspicue falsum diceret, semissem esse octavam sestertii partem ? Itaque substituit ; *iterum juncta quartam, tertium juncta semissem efficiunt*. Nimirum semissem accepit pro dupondio seu dimidio sestertii ; quasi assis, cum Mæcianus extulerit semissem pro dimidiato asse nummo : & quidem hoc toties hic ingerat, ut difficile sit non animadvertere. Assem excurrentem ita notabant : *Illi HS. XX. = S.* hoc est, *sestertios viginti duas libellas singulam*. Nempe as est quarta pars selter-

sestertii : qui cum habeat libellas decem, duæ & dimidiata, quam singulam vel sembellam dicunt, quarta pars sunt ejus, perinde ut as. Præterea duæ libellæ sunt octo uncia, sex sicilici, duo scriptula : singula vero duæ uncia sicilicus quatuor scriptula : in universum uncia duodecim sive as. Si as cum semisse excederet sestertiorum summam, ita faciebant : *Lyconi HS. XXV — — — T.* hoc est, *sestertios viginti quinque tres libellas singulam teruncium.* Nam as & semis quarta sunt atque octava pars sestertii ; duæ autem libellæ ac singula formant quartam ; una præterea libella cum teruncio octavam, nempe semissem : quod utrumque jam supra dictum. Tum tres libellæ tres trientes, novem sicilici, tria scriptula : singula duæ uncia, sicilicus quatuor scriptula : teruncius uncia, quinque scriptula : hæ universæ octodecim uncia, sive as semis. Si dupondius esset, ita notabatur : *Illi eo nomine HS. XXXS.* pronuntiabantque : *sestertios triginta libellas quinque.* Decem namque libellas habet sestertius, ut quatuor asses : earum quinque sunt dimidium ut dupondius quatuor assium. Itaque & nota hic eadem, quæ semissis. Dupondius semis excurrentis hac dignoscebatur nota : *Sempronio HS. V. S — T.* hoc erat, *sestertios quinque sex libellas teruncium.* Vt enim libellas quinque duobus assibus, ita libellam ter-

uncium semissi parem esse ex superioribus constat. Si tressis excederet, hæc nota in promptu erat : *Ex ærambo* HS. XL. S = L . hoc est, *sestertios quadraginta, septem libellas singulam*. Meministi, ut quinque libellas dupondium, ita duas libellas singulam significare & implere æsem. Denique tressis semis ita describebant : *Lucrioni* HS. XII. S = L T. hoc est, *sestertios duodecim octo libellas singulam teruncium*. As enim cum semisse per tres libellas singulam teruncium conficitur : quibus si addas libellas quinque, hoc est, dupondium, habes tressis semis. Ultra progredi non solebant : nam si, ut in cæteris, alius semis addatur, sestertius integer est, atque adeo non potest is semis referri ad æs excurrent. In hac re adeo toto genere deerravit Hotomannus, ut, quod Mæcianus docet de sestertiaria ratione, ipse ad eam neget pertinere, sed ad victoriatum, seu quinarium : id eoque ista, *nam octo libellis, id est, octo decimis*, &c. non putat tolerari posse, nisi rescribas, *jam* : quod non probare proxima Mæcianus voluerit, quippe quod hoc modo non potuerit, sed redeat ad demonstrandam ad quinarium rationem. Sed omnino probare illum proxima, & recte, constat ex illis, quæ ad notam semissis diximus : & quia modus alter ad quinarium conficiendi rationes intelligi non poterat, antequam noscerentur fester-

sestertiariæ, ad has avertitur. Nunc igitur de illis etiam videamus : quæ fiunt duobus modis : aut enim dimidiam partem æris excurrentis ejus quod in denario putatur, ita prorsus, ut in ratione denariaria, iisdemque notis, octies ducebant, ut illic sedecies : aut imitabantur sestertiariam rationem, eamque duplicabant : nam ut victoriatum dimidium denarii, ita sestertius dimidium victoriatum. Volusius : *Ad quinarium & victoriatum rationem Romæ confici nescio : quemadmodum tamen, si velis, conficias, facilius apparebit, si prius inspexeris, ad quem modum sestertiaria ratio conficiatur. Tunc enim vel excurrentis æris (licet exemplum denariariae rationis) dimidiam duces, vel sestertiariam duplicabis. Laborat hic locus. Hotomannus : scilicet exemplo : & interpretatur, si excurrentis æris, id est, X, dimidium duces, & pro illa scribes V. Quasi ipse denarius aut denarii nota sit æs excurrentis. Legge : excurrentis æris, si placet exemplum denariariae rationis. Excurrentis, inquit, ad denarium æris rationem, si eam vis imitari, dimidiam duces, aut ad sestertium, si mavis, rationem duplicabis. Si placebat prior, victoriatum considerabunt ; ut assem : ejus uncia erant duo trientes : sextans, as triens : quadrans, duo asses : triens, duo asses duo trientes : quincunx, tres asses triens : semis quatuor asses : septunx, quatuor asses duo trientes : bes,*

quinque asses triens : *do drans*, sex asses : *dex-
tans*, sex asses duo trientes : *deunx*, septem
 asses triens : addita una uncia, nempe duo-
 bus trientibus, complebatur *as*, victoriatu-
 sive quinarius. Super victoriatos igitur ex-
 currentem assem ita significabant : *Illi*
 $\text{VXX} - \underline{\text{S}}$. hoc est, *victoriatos viginti, sescun-*
ciam. Sescuncia octava pars assis : duæ ses-
 cunciae quadrantem, seu tres uncias, octo
 assem implent : est autem *as* octava pars vi-
 ctoriati. Dupondius sic monstrabatur : *Illi*
 $\text{VX} = -$. hoc est, *victoriatos decem quadran-*
tem. Quadrans quarta pars assis : octo qua-
 drantes tantum habent unciarum quantum
 duo asses; duo autem asses quarta pars victo-
 riati. Tressis ita fiebat : *Mavio* $\text{VXXX} = = \underline{\text{S}}$.
 hoc est, *victoriatos triginta trientem semun-*
ciam. Triens tertia pars assis, semuncia quar-
 ta & vicesima : Victoriatu pars tertia sunt
 duo asses, duo trientes : & in octo assibus
 sunt viginti quatuor trientes : triens igitur
 octo assium semuncia. Porro octo trientes
 habent uncias triginta duas, vel dipondium
 cum besse ; octo semunciae quatuor uncias
 sive trientem : quæ junctæ constituunt tres-
 sis. Quatrussis hac destinabatur nota : *Sem-*
pronio $\text{VXL} \cdot \text{S}$. hoc est, *victoriatos quadra-*
ginta semissem. Octo enim semisses, quatuor
 asses : id dimidium victoriatu, ut semis assis.
 Quinquessis ista : *Illi* $\text{VL} \cdot \text{S} - \underline{\text{S}}$. id est, *vi-*
ctoriates

etoriatos quinquaginta septuncem semunciam. Septunx septem uncia assis : at victoriati septem uncia sunt quatuor asses duo trientes : ad quinque assis complendum requiritur triens : eam autem diximus esse quartam & vicesimam partem victoriati , quota pars assis semuncia. Quinque igitur asses victoriati septunx semuncia. Iam octo septunces habent LVI uncias : octo semuncia trientem seu quatuor uncias : quæ junctæ conficiunt sexaginta , quot sunt in quinque assibus. Sexis ita perscribebant : *illi VXLV. S=* . hoc est, *quinarios quadraginta quinque dodrantem.* Sic enim novem appellabant uncias. Octo autem dodrantes habent uncias duas & septuaginta : totidemque sex asses. Septu assis ita indicabatur : *illi VC. S== S.* id est, *quinarios centum dextantem semunciam.* Dextans decem duodecimæ assis : sunt autem decem uncia victoriati sex asses duo trientes : deest pars quarta & vicesima, triens : ea igitur semuncia. Iam octo dextantes unciis absolvuntur LXXX , quibus si quatuor addes, quæ sunt in octo semunciis , fient septem asses. Sic ad victoriatum sive quinarium conficiebant rationes denariaria dimidiata utentes. Quod si placeret sesterteriariam sequi, ea erat duplicanda : hoc est, primo quidem prorsus ita , ut in sesterteriorum ære excurrenti , procedendum ; dein a quatuor

assibus, quot habet sestertius, ascendendum
 ad octo, quot sunt in quinario, per easdem
 partes, puta *libellas, singulas, teruncios*. Quem-
 admodum duplicaretur, non adjecit Volu-
 sius, quod ad quinarium rationes conficere
 parum in usu esset. Possunt tamen & figu-
 ræ & vocabula reperiri, si quis in eo inge-
 nium exercere velit. Sic sestertium sive qua-
 tuor asses ita potuerunt exprimere: *Titio*
V X V. S. S. id est, *victoriatos quindecim de-*
cem libellas: nam ut quinque libellas dupon-
 dius, ita decem quatrussis habet. Quatrussis
 semis ita: *Mævio V X X V. S S - T.* hoc est,
victoriatos quinque & viginti, undecim libellas
teruncium: nam quum decem libellæ faciant
 asses quatuor, sive sestertium nummum, li-
 bella autem teruncius octavam partem ses-
 tertii sive semissem, junctis utrisque fiunt
 quatuor asses semis. Asses quinque sic de-
 signare potuerunt: *Illi V X X. S. S = S.* hoc
 est, *victoriatos viginti duodecim libellas singu-*
lam: nam duas libellas cum singula consti-
 tuere assem supra dictum est, qui si addatur
 libellis decem, fit quinqueffis. Asses quin-
 que cum dimidiato sic describere licet: *Illi*
V X X X. S S = - S T. hoc est, *victoriatos*
triginta tresdecim libellas singulam teruncium:
 & intelligitur ex præcedentibus: nam tres
 libellas singulam teruncium valere assem &
 semissem jam collectum est: quæ si decem
 libellis,

libellis, hoc est, quatuor assibus, addantur, fit quinqueffis semis. Sex asses ita notare quiverunt: *Illi V XL. SSS.* hoc est, *viñtoriatos quadraginta quindecim libellas* : ut dupondius libellarum quinque, sestertius sive quadruffis decem. Sexis semis ita fingere licuit: *Illi V VII. SSS - T.* hoc est, *viñtoriatos septem, sedecim libellas teruncium* : nam ad proximam superiorem summam libella teruncius semissem addunt. Septuffis ita : *Numerio V IX. SSS = L.* hoc est, *viñtoriatos novem, septendecim libellas singulam* : nam quindecim libellæ sex asses ; duæ libellæ singula, as unus ; hæ igitur junctæ septem. Septuffis semis sic fieri potuit : *Illi V XX. SSS = - LT.* hoc est, *quinarios viginti octodecim libellas singulam teruncium*. nam tres libellæ singula teruncius assem & semissem faciunt : quindecim libellæ sex asses : hæ igitur conjuncta septem asses cum semisse. Summas autem æris excurrentis simul cum præposito colligebant sicilicos ad semuncias, semuncias ad uncias, has ad *δωδεκάδρα*, qui denarius vel viñtoriatatus in altera ratione, teruncios ad singulas vel sembellas, singulas ad libellas, has ad *δραχμά*, qui sestertius in altera, redigendo. Vel sic poterant, ut quatuor ultima æra ex illis, quæ superius posita sunt, in exemplum sumamus. Erat in postremo *deunx sicilicus* pro quindecim assibus; ad implendum assem,

assem, nempe denarium, defunt tres sicilici: eos petebant a summula proxima æris excurrentis, quæ erat *dextans semuncia*: sic habebant denarium. Restabat in eadem summula superiore dodrans & tres sicilici, in quibus defunt ad perficiendum assem sextans sicilicus: eos rursus detrahebant de proximo præcedente, nempe *dodrante semuncia sicilico*: sic iterum fiebat as, nempe denarius. Supererat huic summulæ septunx semuncia, cui ex proximo *dodrante* adjungebant trientem semunciam, & restabat quadrans semuncia. His igitur ex ære excurrenti denariis ad cæteros adjectis finiebant: *Summa summarum* \times tot $= - \text{S}$. seu, *quadrans semuncia*: qui quatuor asses & semis sextans vel duo trientes. Hæc negotiatores, numularii, dispensatores, immo omnes libere educati tam parata habebant ac prompta, ut etiam multo citius, quam nos forte simplices assium numeros vel scriberent vel computarent. Didicerant pueri. Horatius de arte:

Romani pueri longis rationibus assem

Discunt in partes centum diducere. Dicat

Filius Albin, si de quincunce remota est

Vncia, quid superest? poteris dixisse, triens. En,

Rem poteris servare tuam. Redit uncia, quid sit?

Semis.

Vbi scribendum videtur: *poteris dixisse, triens;*

eu, *Rem poteris servare tuam*, & a principio intelligendam *ῥῆμα* Si, quam sic eleganter deficere ad Livium & alibi notavimus. Nisi malis etiam *poterit*, pro *poteras*. Si tu puer prompte responderis, audies: vel, si filius Albini prompte responderit ad interrogationem istam, *triens*, audiet, *Euge, rem tuam servare poteris*. Et Tertullianus cum primo informatore literarum & primo enodatore vocis conjungit *primum numerorum arenarium*. Hæc meditata jam conscriptaque habebam, quum vidi a Ciacconio Mæciani locum non infeliciter tractari. Quod si animadvertissem prius, refugissem sane laborem, quem instare non parvum in omnibus istis exputandis satis intelligebam: neque opus erat hinc peti, quæ apud illum bene legerentur. Nunc quum illius docta brevitatis vix etiam mystis pateat, nostra autem tanto clariora quanto ampliora, multis etiam interjectis, quæ ille prætermisit, videantur; nihil causæ fuit, cur industriæ hujus nos pœniteret. Cæterum & superiora satis arguunt sententiam doctissimorum hominum, *libellas, sembellas, teruncios*, apud Volusium, veros esse nummos ratorum: quorum agmen ducunt Salmasius, Cappellus, Ciacconius. Varonem etiam Cappellus tentat scribendo: *Teruncius a tribus uncie partibus*. Teruncium enim esse quadragesimam partem sestertii: ergo

ergo uncia dodrantem esse. Sed imponit sibi, dum existimat teruncium, quamdiu nummus fuit, non nisi quadragesimam sestertii exhaustisse, qui denarii quadragesimæ tum temporis æquipararetur. Varro demonstrat fuisse hos ex argento nummulos, dum as erat libram pondo: tum æris libræ in argento respondit libella; semissi, quæ sex uncia æris vel selibra, sembella; quadrant, quæ tres uncia gravis æris, teruncius. At ex Volusio super hæc discimus æris pecuniarii pondere allevato desisse hos feriri & currere nummulos, vocabula tamen retenta in rationibus argenteæ pecuniæ, ut significarent eas portiones excurrentis æris, quibuscum quondam commutabantur. Sic *libella* denarii erat pars decima, *sembella* vel *singula* vicesima, *teruncius* quadragesima: rursus quinarium *libella* erat pars quinta, *sembella* decima, *teruncius* vicesima: sestertii *libella*, pars altera minus quadrante, *sembella* quinta, *teruncius* decima. In rationibus per denarios, quinariorum, sestertios explicatis quot asses supererant, totidem ponebant *libellas*; quum semis, *sembellam*; quum quadrans, *teruncium*: quæ nomina quidem erant argenteorum nummorum olim usitatorum, jam tamen non ipsos, sed æreos omnino, asses videlicet, semissem, quadrantem significabant. Quadrans tres uncia, & a tribus unciis *ter-*

uncius vel *triuncis*, non a novem unciiis unius uncix. At ubi denarius sedecim, quinarium octo, sestertius quatuor assium factus, alia ratio æris excurrentis signandi inita est. Tum ad id, quod in summulis præter denarium aut certum numerum denariorum, minus denario, seu assibus sedecim, acceptum vel expensum erat, exprimendum advocaverunt assem cum suis partibus, non quatenus est pecuniæ forma, sed quatenus est finitor ac divisor: assesque super denarium redundantes ab uno ad quintumdecimum & semissem designarunt illis vocabulis æris, quibus oportuit illos nominari, cum denarius sedecim assium, tanquam as seu solidum, in duodecim uncias secatur. Eodem ab tempore & *libella*, *sembella*, *teruncii* nomina usurpare cœperunt in rationibus ad sestertium nova & elegantiore figura, qua relinquebatur illis significatio partis illius, quam denotaverant in denario: nempe *libella* pro decima, *sembella* pro vicesima, *teruncio* pro quadragesima. Hæ partes in sestertio erant imaginariæ, neque proprias habebant formas aut corpora: perinde ut in denario uncia æris, semuncia, sicilicus, semuncia: sed his partibus imaginariis varie inter se compositis explicabantur veræ formæ & exstantes; velut asses, semisses, quadrantes. Victoriatus inter denarium & sestertium

tertium medius copiam dedit summarum actoribus, quas ad eum facerent, rationum juxta commodum sive a denario sive a sestertio exemplar capiendi. Quod ergo *teruncium* Cappellus unciae dodrantem facit, id tempus utrumque refutat, quo binis æris semisse, & quo quaternis æris sestertius valuit. Non potest dodrans unciae dici quadragesima sestertii, nisi ejus, qui semissem tertium pretii habuit: quadraginta enim dodrantes unciae sunt triginta unciae, hoc est, duo asses semis. At ea tempestate teruncius non quadragesima, sed decima pars sestertii fuit, perinde ut quadrans: decem enim quadrantes triginta unciae. Iam postquam sestertius quatuor assium esse cepit, & teruncius ejus quadragesima; dodrans unciae fuit pars quarta & sexagesima sestertii: LXIV enim dodrantes unciae faciunt uncias octo & quadraginta, quot sunt in quatuor assibus. Repugnat etiam Cappello ipsa vocabuli compositio: neque enim *teruncius* aliter quam *nonuncius* apud Festum, *decunx* pro dextante, *septunx*, *quincunx*, *sexcunx*: quam Græcis *πεμπέγκιον* & *ἑξούγκιον*. quæ omnia a tot unciiis, non a tot partibus unciae sunt denominata. Ergo & quæ inde colligit, teruncium valere denariolos novem Gallicos, & CL teruncios incurrere in Atticam drachmam, & teruncium esse sextamdecimam partem

partem assis, somnia sunt mera. Pari solertia *sembellam* facit nummulum æreum Romanorum sescunciæ ut plurimum respondentem. At olim argentea *sembella* sex par habebatur unciiis, ut *libella* duodecim : post, ut as fuit semuncialis, *sembellam* vicissimam sestertii partem imaginamur, id est, sextantem scilicet quatuor scriptula : quæ pars composita cum duabus decimis, sive libellis, significet assem, cum tribus decimis sive libellis & quadragesima vel teruncio sesquassem, cum septem decimis tres asses, cum octo decimis & quadragesima tres asses & semissem. Ærearum igitur sembellarum genera plura redacta ad asses & sestertios consulares, imperatoriós, iudaicos, folles & venti. Plauti tempore numquid *libella*, *sembella*, *teruncii* adhuc nummi fuerint, incertum : Ciceronis quidem ætate, *non unam libellam dare*, genus erat loquendi reliquum ex eo tempore, quo nummulus fuit, per figuram ponendi certi pro incerto vel quovis ejusdem numeri : velut si *assem* pro quacumque pecuniola diceres : velut *expensum* & *dependere* de numerato dicebant. Notandus hic & Scaligeri sermo incautus, denarium & sestertium dividi in duodecim uncias apud ratiocinatores solitum, quando *ratio denarii & sestertii ad assem & libram exigebatur* : ut contra *rationem sestertii ad denarium confici*,

dixerit Mæcianus. In denario verum est, eum ab istis in duodecim uncias dividi, nec reprehendendum: non item de sestertio, etsi fieri possit. Sed *rationem denarii & sestertii confici ad assem & libram*, tum *rationem sestertii confici ad denarium*, nec dixit, nec quid esset, scivit Mæcianus. *Rationes confici ad denarium* dicebant, & in illis æs excurrens partibus assis notabant & appellabant. *Rationes confici ad sestertium* etiam aliquando mos erat, & ibi æs excurrens vocabulis minutorum quondam argenteorum nummorum circumscribebant. Erat, ubi *ad victoriatum conficerent rationes*: in his nunc æris partibus, ut ad denarium, nunc argentolorum nominibus, ut ad sestertium, æs excurrens, nuncupabant. Rob. quoque Cenalis hæc *παρέτρωγε*, sed ita ut ipsum potius parum concoxisse, quam aliorum stomacho quidquam conciliasse existimes. Scribit denarium sedecim, victoriatum octo, sestertium quatuor assium factum in causa fuisse, cur alia ineunda fuerit partitio, non cuivis facile obvia. Quæ quæso ista necessitas? aut cui fini? nam de rationibus expeditius conficiendis verbum nullum. Secandus enim primum, inquit, est denarius in semuncias sedecim totidemque siciliquos, qui junctim assem reddant, qui merito appellabitur *semuncia siciliquus*. At quid est totum vel solidum

dum secare in partem unam, & quidem sextamdecimam? Denarius secabatur in duodecim uncias: sic eveniebat, ut as unus, æreum nomisma & sextadecuma pars denarii, in divisione denarii, tanquam assis vel totius dividendi, rationem haberet semuncie sicilici. Ita igitur (pergit) denarium secare conveniet, ut *semuncia sicilicus*, sedecies repetita, assem denarii constituat. Hæc longe aliud sonant quam priora: dicebatur enim in sedecim semuncias sedecimque sicilicos partiendum esse denarium; nunc ait ita partiendum esse, ut sedecim semuncie sedecimque sicilici assem constituent. Nisi forte per *assem* intellexit integrum denarium, non sextamdecimam denarii partem. Nam quomodo hoc fiat, ut assarius dicatur *semuncia sicilicus*, quæque sit illa divisio, per quam *sicilicus* & *semuncia* habentur pro asse uno, cujus denique ergo id fiat, fideliter tacet. Post ut assis multiplicationem per dupondium, tressis, quatrussis, &c. percensuit ad sedecim æris usque, Ex his collige, ait, ex *semuncia* & *sicilico* minore sedecies repetito assem componi; toties repetitam *semunciam* dupondium, *sextantem sicilicum* tressim, *quadrantem* vero quatrussim reddere. Qui aut quis quæso hoc inde collegerit? quis autem ille *sicilicus minor*? Nihilo magis commode scienterque de sestertii partitione: Sester-

,, tius, eodem Volusio auctore, in decem li-
 ,, bellas scatur. Est autem *libella* decima ses-
 ,, tertii, cujus vicesima *singula* dicitur, libellæ
 ,, medietas; *teruncius* vero quadragesima, cu-
 ,, jus teruncii medietas *octogesima* censebitur.
 Hoc est verba dare. Non subest tamen fraus
 ulla religiosissimi viri, qui, quod habuit, bo-
 na fide dedit. Vocabula autem hic, non rem,
 habuit.

CAP. XIII.

Volusius Macianus illustratus. Centesima plures, non
ἀναλογισμὸς, nec tantummodo pecunia trajecticia.
Quinquagesima male dicuntur pro usuris semissi-
bis. Dosithei locus elegans correctus & explica-
tus. Ars quaternis centesimis fœnerantium quum
centesimas tantum haberent in syngrapha. Χεῦσ-
τοι ἑκατὸν, χίλια δλωάγια. Centesima cum dicitur,
non intelligitur usura, non uncia, non δραχμή, sed
pars sortis. Vnciarium fœnus cum centesimis male
confusum. Quia centesima reddit singulis mensi-
bis centesimam sortis partem, in anno duodecim
hujusmodi partes, ideo assium usurarum nomen ac-
cepit, & inde minores ea assis partibus vocata. As
ibi consideratur, ut divisor, non ut pecuniola. Vo-
cabula vectigalium formata e parte summa, qua
pendebatur in publicum. Lex vicesima heredita-
tum. Pandectes correctus. Menstruum fœnus non
insolens Romanis. Nomina usurarum omnia Ro-
manis ex fœnore menstruo. Hotomanni definitio
fœnoris unciarii, non confundit illud cum centesi-
mis usuris. Vnciarium fœnus male viris doctis usu-
ra æquans sortem; male negatur ex menstrua ra-
tione

*tionem definiendum; male confunditur cum usuris
bessibus. Vncia in fœnore unciario, non sortis est,
sed centesima. Centesimas, uncias, sextantes, qua-
drantes usuras, cur potius dixerint, quam numero
singulari. Ε'ν'α'ς' Græcis ab Latinorum Centesi-
ma; non hac ab illa denominata. Centesima non
introducenda primum cum Asiatica negotiatione, nec
inuisitata Romanis ante ingressum Græciæ. Cente-
sima usura breviter dicitur pro integro, centesima
pars sortis usura. Cicero ad Atticum illustratus.
Non minore centesimis nummum movere.*

PRiusquam Volusium depono, justum est,
ut quamvis toto illo libello nihil scitius,
præter cætera ex vetusto diligenter legen-
tium more Χηρῶν vel Laudabilium notam
adfigam his verbis: *Centesima, quæ commodi
aut usurarum nomine ad sortem applicaretur, si-
cilico, id est, Caverso, [puta C] eo notabatur,
quod cum C centum significaret, convertebatur
ad eam summam, cujus centesima futura erat:
& sive una convenerat, unus sicilicus; sive plu-
res, tot sicilici ponebantur. Dabunt enim no-
bis occasionem disputandi nonnulla adver-
sus duos viros claritudine studiorum omne
seculum suum supergressos. Sive una conve-
nerat, sive plures, inquit Volusius cum vulgo
Romano, non hodie Latine balbutientium:
hoc est, sive unam pactus erat creditor a de-
bitore, sive plures: sive de una, sive de binis,
ternis, quaternis centesimis convenerat in-
ter contrahentes. Ut Livius lib. xxi. sicut*

pax convenisset : & lib. xxvii. ratio agenda rei & tempus convenit. Iustinus ex Trogo lib. ix. servitutem , non pacem rati , quæ non ipsis civitatibus conveniret, sed a victore ferretur. Convenerunt ergo plures centesimæ, quum fœnerator, ut ait Horatius, plures mercedes capiti exsecat : & evidens est error Scaligeri, qui, quod scribit Volusius , sive una convenerat, unum \odot aut sicilicum , sive plures , tot sicilicos poni solere , id intelligendum de centesima centesimæ , qui est τόκ & τόκων & ἀνατοκισμός, statuit. Quasi binæ aut ternæ centesimæ sint idem quod ἀνατοκισμός & τόκ & τόκων. At ἀνατοκισμός erat, quum usura non soluta adponebatur ad sortem, & in sequentem annum vel mensem, velut sortis portio, & ipsa usuras pariebat : binæ vero centesimæ, cum quinquagesimam partem sortis menstruam usurarum loco, vel in quinquaginta nummos unum, in centum binos, quoque mense stipulabantur creditores, qui annuos efficiebant quatuor & viginti : sic ternæ centesimæ, quum tricesimam tertiam partem sortis menstruam, sive in triginta tres asses trientem, assem unum, tres in centenos inque dies triginta lucrabantur, qui annui triginta sex : quaterne, quum quintam & vicesimam sortis partem menstruam, in viginti quinque unum, in centum quatuor menstrui, qui annui xlviii. Errat igitur Q. Marius Corradus,

radus, cum lib. III de copia sermonis Latini, postquam *centesimam* dixit, unde pro singulis centenis duodecim capiunt negotiatores, idque fœnus duplicari *binis centesimis*, & idem iudicium esse de *ternis*, *quaternis*, pluribusve, subjungit, sequi ex his, solitum dici *quingagesimis* esse fœnus, quum sena tantum persolvi de centenis debent. Nam nec ejus sermonis exemplum exstat, nec, si exstaret, pro semissibus usuris, quod mox repetit, sed pro binis centesimis id accipiendum foret. Vt enim *centesima* unus in centenos menstruus, ita *quingagesima* esset unus in quinquagenos, & duo in centenos menstrui. Sed *plures centesimas* apud Volusium pro anatocismo acceptas in Scaligero jam castigavit Salmasius cap. VIII. de M. V. neque tamen necesse est ad trajectitiam pecuniam ea verba pertinere, quasi tantummodo nauticum fœnus aut una aut pluribus centesimis exercuerint Romani. Et si enim *centesimam* terrestrem maximam & in jure reddendo optimi quique e magistratibus observarent, & leges præfinirent: tamen probabile est non modo acerbitate fœnerantium, sed & necessitate indigentium aliena pecunia finem illum sæpe migrasse privatos, utique qui in provinciis negotiabantur. Sufficiunt in utrumque verba Ciceronis lib. v. ad Attic. epist. ult. *Interim quum ego in edicto transla-*

ticio centesimas me observaturum haberem cum anatocismo anniversario, ille ex syngrapha postulabat quaternas. Hic anatocisimum concedit Cicero, plures centesimas negat: aliud ergo ἀνατοκισμός, aliud plures centesima. Dein Scaptius & Matrinius Bruti familiares, vel potius Brutus ipse Salaminii locaverat pecuniam quaternis centesimis: neque fœnus hoc nauticum: Romæ quippe sumtum, ibidemque, ut credibile est, abusum erat: & si fuisset maritimum, in eo dumtaxat, quam diu navigasset, centesimas nequisset observare Cicero, utpote in quo propter periculum creditoris infinitæ usuræ licitæ essent. Non igitur necesse est, ubi plurium centesimarum mentio fit, ibi statim trajecticiam pecuniam intelligi. Cicero de Verre lib. III. In hac pecunia publica, judices, hæc insunt tria genera furtorum. Primum enim, cum posita esset apud eas societates, unde erat attributa, binis centesimis fœneratus est. Namque etli hoc merito magnopere improbet Cicero, fatis tamen ostendit, quid sæpe fieret. Pecuniam, qua Verris ornabatur provincia, numerare jussi erant publicani. Quum ille minus ea indigeret, hi maxime; aut si non indigebant, læti posse sic sese prætoris emergari gratiam, convenere utrimque, ut publicani eam retinerent, quasi a Verre acceptam fœnore. Sic multi pecuniam, ex ærario attributam Romæ in quæsture relin-

relinquebant, ut loquitur pro L. Manilia & in Pisonem. Et si his licuit tam improbas usuras pacisci, quid illis, qui sua pecunia negotiabantur? Dositheus in sententiis D. Hadriani:

Κωδικίῳ τις Ἀδριανῷ παρέδωκεν, δι' ᾧ ἔφασκε πλείονας εἶναι δανείσας, οἷπνες ἀδίκως τόκους ἀπῆ-
την, ἐν οἷς πινὰς εἰς δινάρια χίλια ἐξ αὐτῆς ἡμε-
ρῶν ἑκατὸν ἢ παρεκτὸς ἑκατοσῶν λαβεῖν, ἢ τὰ αὐτὰ
χρήματα πάλιν δανείζειν. Sic ediderunt Ste-
phanus & Vulcanius. At membranæ Vossia-
næ, ut & MS. Fanogallensis: οἷπνες ἀπὸ τῶν τό-
κων ἐξεπείσασον. Lege: ἐξέπείσασον, vel ἐξέπείσσαν.

Posses &, ἀπὸ τῶν τόκων τόκους. Sed videtur qua-
situs auctori lepos, τόκος ἀπὸ τῶν, ut βίβλος
ἀπὸ βίβλων, πόλις ἀπὸ πόλεως, γόνος ἀπὸ γόνων. Vetus
versio: qui in usuras usuras exigebant. Quasi
usuras non usuras, hoc est, iniquas, injustas,
non debitas. nam mutuum ἀπὸ τῶν, pro quo
non debentur usuræ. Dein Cujacius: εἰς
δινάρια χίλια ἐξ αὐτῆς ἡμέρας δινάρια ἑκατὸν
ὑποσεῖλαιν & interpretatur, danistas credi-
tis mille aureis ex ea summa eodem mo-
mento subduxisse centum, & nihilominus
in aureos mille cautione concepta, ejus sum-
mæ usuras legitimas in singulos annos sti-
pulatos, lib. x x i. Observ. ix. Goldastus
ex Ms. adfert: εἰς χρυσίνους ἐξ αὐτῆς ἡμερῶν
ὑποσεῖλαιν emendat autem: εἰς χρυσίνους χι-
λίους ἐξ αὐτῆς χρυσίνους ἑκατὸν ὑποσεῖλαιν. Neu-
ter ad sententiam pervenit. Quid autem

ὑποσειλῆν; Membranæ quas nominavi: εἰς
 χευσίνης ῥ ἐξ αὐτῆς ἡμερῶν ῥ δλωαρίων ῥ ὑπο-
 σείλαι, καὶ παρεκλὸς ἐκαλοῦσας λαμβάνειν, καὶ τὸ
 αὐτὸ πάλιν δανείζειν. Translatio: in denarios
 centum ex ipsis dierum centum denarios centum
 subducere, & extrinsecus centesimas accipere. Τὸ
 χίλια δλωαρία explicatio est τῷ χευσίνης ἐκα-
 τὸν, sive adposuerit eam ipse Dositheus, sive
 alius magister: nam centum ἡμίχευσι sive
 aurei denarii reddunt mille denarios argen-
 teos. His mille denariis vel centum ἡμιχρύ-
 σις in dies centum utendis datis, statim,
 quum numerarentur, detrahebant (hoc est
 enim ἐξ αὐτῆς ὑποσειλαι) improbi isti mer-
 cedem præsentem denarios in singulos dies,
 centum omnes vel decem ἡμιχρύσας. & ta-
 men deinde syngrapha in summam mille de-
 narium vel centum aureorum denariorum
 centesimas usuras cum anatocismis sibi ca-
 yebant. hoc est, quaternis centesimis fœne-
 rabantur, quum centesimis tantum fœnera-
 tos appareret. Nam mille denarii diurno de-
 nario collocati menstruos faciunt triginta
 denarios: ex his centeni quique tres: quæ
 ternæ centesimæ. Annui forent CCC LX:
 hunc enim numerum efficiunt duodecies
 triginta. At uti centum denarii centesimis
 annuos reddunt duodecim, binis viginti
 quatuor, ternis triginta sex: ita mille dena-
 rii centesimis annuos centenos videnos, bi-
 nis

nis ducentos quadraginta, ternis trecentos sexaginta pariunt. Accedebant aliæ centesima in syngrapha perscriptæ. Denique & anatocismi, quos significant illa verba : Καὶ τὸ αὐτὸ πάλιν δανείζειν. Hi sunt de quibus Plutarchus. τὰ ἑὶ μασιγῶν τέτων ἢ βαρβαύρων χρεᾶ πρὶν, ἢ συλλαβεῖν, τίηδ'· διδόντες γὰρ αὐτοῖς ἀπαιτῶσι, ἢ πηθέντες αἶψασι, ἢ δανείζουσιν ὁ λαμβάνουσιν ὑπὲρ τῆς δανείσεως. Locus autem iste Volusii etiam eo notabilis est, quia solvit quæstionem, quam sibi posuit inexplicabilem vir maximus in libro de M. V. cap. vi. quum dicta est *centesima* de duodecim in centum annuis, quod substantivum fuerit ab initio in ea voce intellectum. *Centesima*, inquit, Latine cum dicitur, palam est subintelligi vocem *usura*, ut integrum sit *centesima usura*, quod & plerumque plene enuntiatur. Sed & *centesimas* singulas numero multitudinis quum iidem Latini pronuntiant, utique subaudiendas *usuras* liquet, & sæpe hanc vocem numero plurium efferunt etiam in designando singulari *usuræ* genere. Quod modo palam esse adfirmavit, id palam faciemus erroneum esse, & ipse paullo post de eodem dubitat. Quum enim disputasset multis de Græcorum ἐκατοστῇ, utrum ea ex Latina *centesima* formata sit, an centesimæ originem dederit, Quid si, inquit, igitur Latini veteres, cum *centesimam* dixere, non

ad

„ ad *usuram*, sed ad *unciam* respexerunt, quia
 „ centesima uncia menstruatim usuræ nomine
 „ soluta centesimam usuram efficit? At sic po-
 „ tius esset dicenda *centesima usura* quam *cen-
 „ tesima*. Ita sane & Græcis bene procederet
 „ sua ἐκατοστή, subintelligendo δραχμή, ut Latini
 „ *centesima*, subaudiendo *uncia*. Sic iidem
 „ Græci ἐκατοστής τόκον appellant, ut Latini vo-
 „ care debuerunt *centesima usuram*. Postea
 „ per abusum *centesimam usuram* vocarunt pro
 „ centesimali vel centesimaria, hoc est ἐκατο-
 „ σταίῳ τόκῳ. Sic *Stertinius acumen*, *Sulpicia*
 „ *horrea*, pro Sulpicii horreis & Stertini ac-
 „ mine. *Centesima* vero *usura*, quæ Romanis
 „ maxima, respectum habuit ad menstruam
 „ pensionem, non ad annuam, qua nimirum
 „ *uncia centesima* singulis penditur mensibus,
 „ ut Græcis ἐκατοστή, quæ quotquot mensibus
 „ ἐκατοστή δραχμή pendi solet. Atque inde no-
 „ men. Sic ille, quod tamen ferri non potest.
 „ *Centesima uncia*, assis puta centum denario-
 „ rum, non est denarius, quem tamen in men-
 „ sem significat centesima usura, sed ipsius de-
 „ narii uncia: est enim partis centesimæ duo-
 „ decima pars: quam si qua in re quærimus,
 „ eam rem dividamus oportet in asses mino-
 „ res centum, & cujusque assis minoris pars
 „ duodecima est totius *uncia centesima*. Sic ex
 „ centum denariis faciendi sunt centum asses,
 „ & uncia unius denarii demum est uncia cen-
 „ tesima

tesima assis centum denariorum : ea est as cum triente: forentque in annum duodecim asses duodecim trientes, seu denarius unus. Eo pacto *centesima* & *unciarium fœnus* foret idem : & sic progressi videntur nonnulli, qui magno errore hæc duo tam distantia miscuerunt. Sensit hoc ipse cap. sequenti. Quamquam enim in principio dixerat, asses “
 usuras Romanorum, *centesimam*, hoc est, “
 ἐκατοστὴν Græcorum, reddere, quia, duode- “
 cim quum sint uncia in asse, ubi *centesima* “
uncia singulis mensibus penditur, *usura* pro- “
 prie *centesima* vocetur, ut Græcis ἐκατοστὴν sub- “
 intelligendo δραχμῇ (quæ verba repetunt errorem modo nobis notatum) tamen post paullo intentior sanius loquitur : Asses itaque “
usura dant assem in centum annum, ut τὸ “
 κτθὶ δὴν δραχμῇ Græcis dat drachmam, in “
 mensem : & hac in re differunt Græci a Ro- “
 manis, quod illi in ea loquendi formula de “
 mensuris usuris intelligunt, Romani de an- “
 nuis. At *centesima* Romanorum si ab ipsis “
 id nominis inventum esset, & non a Græcis “
 sumptum, de uncia centesima in singulos “
 menses solvenda de centum acciperetur. “
 Tunc vero *unciarum fœnus* eis esset idem cum “
centesima. Quamvis hic quoque falsa inter-
 ponat de differentia Græcarum & Romana-
 rum nuncupationum, de *centesima* non a
 Romanis inventa, sed a Græcis sumpta : de
 quibus

quibus mox. Et si autem, ut dixi, viderit,
 hac interpretatione *centesima* misceri centesi-
 mas & uncias usuras, nihilo tamen magis in
 „ luto hærare desinit. Itaque subjicit : cum
 „ vero verius sit *unciarium fœnus* vel *uncias usu-*
 „ *ras*, non unciam dare menstruam in centum,
 „ sed annuam. (hoc vero verius non longe est,
 „ quum falsum deprehendetur.) Ex quo col-
 „ ligi datur, *centesima* nomen Latinis ex Græ-
 „ co ἐκατοστή ad verbum fuisse redditum & con-
 „ versum : cum nullum Latine fingere possi-
 „ mus substantivum, quo referri queat. Nam
 „ *centesima uncia* faceret quidem centesimam
 „ usuram menstrua die solvendam, sed ab un-
 „ ciario fœnore (voluit dicere, a centesimis
 „ usuris : nam *centesimam unciam* exprimere
 „ ipsum *unciarium fœnus* jam confessus est) in
 „ totum distat. *Partem* quidem subaudiendam
 „ quis posset hariolari, ut quia pars centesima
 „ de centum menstruatim præstatur, duode-
 „ cim centesimas annuatim præstandas dicere-
 „ mus. Verum melius est opinari ex Græco
 „ ἐκατοστή id nominis esse factum &c. Vides in
 „ quantam fluctuationem conjecerit tantum
 „ virum sua impatientia & festinatio. Qui
 „ *partem* subaudiendam censebit, is plane ha-
 „ riolabitur, si hariolari est profari, quod so-
 „ lum verum est. Atque is auctorem habebit
 „ Volusium Mæcianum : qui postquam ali-
 „ quot versibus de partibus assis disseruit, tan-
 „ dem

dem ait : *Post has, inferiores partes (excepta semuncia, duabus sextulis, sicilico, sextula, dimidia sextula, scriptulo) neque vocabula propria neque notas habent. Centesima, quæ commodi &c.* Ergo intelligit *centesimam* dici, quæ centesima est pars assis, hoc est, cujuscumque crediti vel fœnoris. Quam cur Græci Romanis imputent, causæ nihil habent. Sed quum collatæ centesimis contractiores usuræ sic sese habeant, ut suæ partes ad assem, atque inde nomina fortiantur, ita ut *centesimas* quoque dictas fuisse *asses usuras* valde probabile sit; hujus duplicis appellationis rationem invertit vir omni doctrina spectatissimus, & ex fonte rivulum, ex rivo fontem facit. *Asses usuras* vult esse propriæ Romanæ figuræ & primæ nuncupationis, quæ deinde Græcæ consuetudinis vocabulo dictæ sunt *centesima*. At contra est: quum *centesimas* dixissent usuras menstruas, quod quoquo mense pars centesima fortis commodi nomine daretur, & vidissent eas generare duodecim ejusmodi partes in anno; propter numerum duodenum easdem *asses*, & minores assium partibus nominaverunt: & utrumque vocabulum mere Romanum. Vult Græcos ad usurarum gênera significanda usurpasse nummi argentei vocabulum, qui illis usu frequentissimus, τὸν τε ἐπὶ δραχμῇ, ἐπὶ δυοῖ δραχμαῖς, formando: Romanis quia

prior

prior signatus nummus æreus, *assem* in id adsumptum, usu his celeberrimum. Quam speciosum, tam fucatum vanumque hoc quoque. nam *as* nummus nihil ad centesimam, nihil ad alias usuras. Quod autem usuræ centesima minores explicitæ sunt vocabulis partium assis, in eo considerarunt *assem*, non tanquam nummum, sed tanquam commune instrumentum omnis integri, quod duodecim constat vel commodè secatur partibus, dividendi. Multa enim antiqui duodenario numero finiebant, ut duodecim decuriis actum, ait Varro lib. iv. de L. L. Centesima autem nomen nihil morati Græcos Romani domi invenerunt & formarunt apud sese, eo more, quo cætera vectigalium vocabula. Centesimam rerum venalium & auctiionum dixere, quod centesima pars pretii promercalium rerum, de centum nummis unus, inferretur ærario. Apud Ciceronem ad Brutum, tributum ex centesima collatum. lib. III in Verr. Scriba nomine de tota pecunia binæ quinquagesimæ detrahebantur. Sic vicesima eorum, qui manumitterentur, patronis dependenda, apud Livium lib. vii. vicesima hereditatum, quas externi cernerent, Plinio in Paneg. & passim in lapid. antiquis: quadragesimæ publicum & quadragesima litium apud Suetonium: quadragesimæ quinquagesimæque exactio apud Tacitum: quadragesima ferarum apud Sym-

Symmachum. Hoc quidem non alienum a Græco more. Sic πενήκιστή, τέλϞ· πενήκιστο-
 λόγοι, οἱ τῷτο ἐκλέγοντες· πενήκιστούεσσι, τὸ
 πριάττεσσι τῷ πενήκιστῷ· πενήκιστολόγον, lo-
 cus ubi pendebatur. Sic & Demosthenes in
 Neæram appellat τῷ πενήκιστῷ σίτῃ, & τὰς
 δεκάτας τῷ θεῷ, ἢ τῷ ἄλλων θεῶν πενήκιστῇ. Sic
 ἐπωνία, τέλϞ τὸ ὅπῃ τῇ ὥνῃ διδόμενον· εἷν δ' ἂν
 ἴσως ἡ πέμπτη. Etymologicon magnum. Per-
 peram in libris Legum advocantur Æmilii
 Macri libri *ad legem vicesimam hereditatum* :
 ut in l. xiii de transactionibus, l. xx xii. de
 religiosis, alibique : etsi non aliter appellent
 magni Iurisconsulti, Cujacius & Ant. Au-
 gustinus, qui, quod mirum, ut legem Vale-
 riam, Vatiniam, Vellejam, Voconiam, sic
 etiam legem *Vicesimam* subjicit. At nulla
 fuit *lex vicesima*, sed *vicesima hereditatum*. Ut
lex locationis dicitur, & *leges publici* cujusque
 Tacito lib. xiii. edixit princeps, ut *leges cu-*
jusque publici, occultæ ad id tempus, proscribe-
rentur. Suetonius Caligula : *Hujusmodi vecti-*
galibus indictis neque propositis, cum per igno-
rantiam scriptura multa commissa fierent, tan-
dem flagitante populo Romano proposuit quidem
legem. Itaque fecit Macer indicem scripto-
 rum istorum *Ad legem vicesimæ hereditatum*.
 Capitolinus Marco : *Leges etiam addidit de*
vicesima hereditatum. Vlura est vectigal pri-
 vatum. Itaque sic *centesimam* usurarum vel

commodi nomine (Scævola l. XLVIII. de
 admin. & peric. tut. *uncias usurarum nomine*)
 quoque dixere, huc respicientes, quod men-
 se quovis pars centesima assis, seu unus in
 centum, decem in mille, pro usu pecuniæ
 alienæ merces præstaretur. Vehementer
 enim falsus vir tantus, quum toties ingerit,
 eo diversos abisse Romanos a Græcis, quod
 horum vocabula menstruas, illorum annuas
 usuras significarent. Quasi Romanis, quem-
 admodum & honestioribus Græcis, ut alibi
 loquitur, ignotum aut vitatum fuerit men-
 struum fœnus. Etenim si & rem habuerunt,
 cur ex rei natura non posuerint nomina?
 Honestum, credo, patietur esse Cn. Pom-
 pejum Magnum. At de hoc Cicero lib. v ad
 Attic. epist. i. *post (Ariobarzanes Cappa-*
dox) a Pompeji procuratoribus sexcentis premi
cæptus est. Ei tamen sic nunc solvitur, tricesimo
quoque die talenta Attica triginta tria, & hoc ex
tributis: nec id satis efficitur in usuram men-
struam. Sed Cn. noster clementer id fert. sorte
carer; usura, nec ea solida, contentus est. Quid
 ille in l. *Lectæ*, in dies triginta, inque denarios
 centenos, denarios singulos dari? Et ille alter, in
 l. *xxvi. Depositi*, in singulos menses singula-
 que libras *usurarum nomine quaternos obolos.*
 Cur *Calendarium* vocabatur? unde *celeres*,
 unde *tristes Calenda*, Ovidio? Ausim contra
 statuere, menstruum longe fuisse frequen-
 tius.

tius. Ut res, sic quoque voces. Non enim centesimæ modo, perinde ut istarum suarum Græci, ab eo quod menstruum pendebatur vel debebatur, petiere appellationem, non ab eo quod annuum: sed etiam ab eodem menstruo omnes alias hac inferiores usurarum formas denominaverunt. Nam cum ad publicorum vectigalium modum concepissent nomen fructus pecuniæ privatæ, *centesimam*, statuerunt eam velut fontem & caput, unde omnia, quibus tot commodorum pecuniæ fœneraticiæ minora genera intelligerentur, vocabula velut rivuli emanarent: & quod viderent eam annuas hujusmodi partes duodecim, qui numerus unciarum assis est, parere, jussērunt illam ad inferiora sese habere tanquam assē, in quem omne solidum partiebantur; ut quod usuræ nomine promissum distaret tantum a centesima, quantum uncia, sextantes, quadrantes, &c. ab asse, id his assis partibus vocitaretur: ad superiora, tanquam assē unum ad plures: sic pro dupondio *bina centesima*, pro tressis *terne*, ac deinceps: omnia ex eo quod menstruum redibat. At ο δὲ τριμῶσι etiam cap. VII. Certe & usurarum apud Romanos denominationes, non menstruam, sed annuam solutionem notant. nam quod *unciarium fœnus* dictum est, non in singulos menses unciam promittit, hoc est, duodeci-

nam sortis partem, sed in annum. Vbi nova
 rursus offensio. nam ne in annum quidem
 duodecimam sortis partem *unciarium fœnus*
 promittit. Sit, age, fors centum denarii: fœ-
 nore unciario annum reddunt unum. At
 hujus sortis duodecima pars non unus est
 denarius, sed octo denarii & triens vel duo
 oboli: nam duodecies octo, nonaginta sex:
 quibus si accedant duodecim trientes, hoc
 est, quatuor denarii integri, complentur
 centum. *Vnciarium* igitur, si diis placet, *fœ-
 nus & usura besses* idem. Vncia in fœnore un-
 ciario non est capitis sive sortis, sed censi-
 mæ: & in singulos menses utique fœnus
 hoc promittit ejusdem centesimæ partis un-
 ciam: ut toto anno existat una pars integra
 centesima. *Centesima* est denarius menstruus
 in denarios centum. Vncia denarii sedecim
 assium est as cum triente: tantum igitur in
 mensem parit unciarium fœnus: hi annui
 sunt duodecim asses, duodecim trientes, hoc
 est, denarius unus sedecim assium. Sic de-
 narius unus ad centum annuos accedit *uncius
 usuris*, a parte duodecima centesimæ, quæ &
 ipsa menstrua est, appellatis. Sic *sextantes
 usura*, ubi sextantes centesimæ penduntur in
 mensem. Denarii sextans, asses duo duoque
 trientes: hi in annum sunt viginti quatuor
 asses & totidem trientes: qui triginta duo
 asses, hoc est, duo denarii. Quadrans dena-
 rii

rii in mensem quatuor sunt asses, in annum
 XLVIII asses, sive tres denarii: hinc igitur
usura quadrantes, quæ tres annuos denarios
 centenis addunt. Triens denarii menstruus,
 quinque asses triens: duodecim quinquestes
 sunt asses LX: duodecim trientes, quatuor
 asses: at LXIV assibus constant quatuor de-
 narii: sic *usura trientes* quatuor in centum
 annui denarii. Quincunx denarii sex asses
 duo trientes: duodecies sexis, asses LXXII:
 duodecies duo trientes, octo asses: at LXXX
 asses, quinque denarii: hæ *usura quincunces*.
 Semis denarii octo asses, qui quot mensibus
 accedentes forti generant XCVI asses, sex de-
 narios: tot ergo *usura semisses*. Septunx de-
 narii, novem asses triens: duodecies no-
 nussis, asses CVIII; duodecim trientes, qua-
 tuor asses: at CXII asses computantur in se-
 ptem denariis: tot igitur annui *septunces usu-*
ra menstrix. Bes denarii, centesimæ partis
 menstrix, decem asses duo trientes: duode-
 cies decem sunt CXX: viginti quatuor trien-
 tes, octo asses: at CXXVIII asses habent
 octo denarii: sic *beses usura* octo reddunt an-
 nuos denarios. Dodrans in mensem denarii,
 duodecim asses: hi annui CXLIV asses, quot
 scilicet habent novem denarii: novem igitur
 in centum annui *usura dodrantes*. Dextans
 denarii, tredecim asses triens: duodecies
 tredecim sunt CLVI: duodecim trientes,

quatuor asses : hi CLX asses , decem conficiunt denarios : tot ergo nummi annui *usura dextantes*. Deunx denarii in mensem facit quatuordecim asses duo trientes : duodecies quatuordecim sunt CLXVIII : viginti quatuor trientes, octo asses : at CLXXVI asses, undecim denarii : tot igitur *deuncium usurarum* annui. Sic denique as menstruus, hoc est, denarius, eademque *centesima*, gignit annuos duodecim denarios. Alia divisio est decem assium prisca denarii : sed nihilo pejus res procedit : ne quis putet ante bellum Punicum secundum Romæ non fuisse centesimas. Hujus *uncia* sunt semis & triens : *sextans* as duo trientes : *quadrans* duo asses semis : *triens* tres asses triens : *quincunx* quatuor asses sextans : *semis* quinque asses : *septunx* quinque asses semis triens : *bes* sex asses duo trientes : *dodrans* septem asses semis : *dextans* octo asses triens : *deunx* novem asses sextans : addito semisse & triente, quam *unciam* diximus, fiunt decem asses, ipse denarius *as*. Ergo fors centum denarii, *unciis usuris* menstruos pariebat semissem & trientem : duodecim semisses sex asses; duodecim trientes quatuordecim asses : hi decem asses sive denarius annuus. *Sextantibus* asssem duos trientes : ex his duodecim assibus & XXV trientibus, qui complent octo, existunt annui viginti asses, duo denarii. *Quadrantibus* festertertium anti-

quum :

quum: duodecim autem sestertii, tres denarii. *Trientibus* tres asses trientem : ter duodecim sunt xxxvi, trientes duodecim quatrullis: junctim xl asses, quatuor denarii annui. *Quincuncibus* quatuor asses sextantem : quater duodecim xlviii, duodecim sextantes duo asses : hi quinquaginta asses vel quinque denarii. *Semissibus* quinarium vel victoriatum: duodecim autem victoriati, sex denarii. *Septuncibus* super victoriatum semissem & trientem : qui duodecies iterati constituunt lxx asses, vel septem denarios. *Bessibus* sex asses binos trientes: duodecies sex sunt lxxii: octullis, quod dant xxiv trientes, appposito lxxx asses vel octo denarii annui. *Dodrantibus* septem asses semissem : septies duodecim sunt octoginta quatuor, semis duodecies, sex asses: hi ergo annui xc denarii novem. *Dextantibus* octullis trientem : octo duodecies faciunt nonaginta sex : quatrullis addito asses sunt centum, decem denarii. *Deuncibus* novem asses sextantem : duodecies novem sunt cviii: duodecim sextantes additi faciunt cx asses, id est, undecim denarios. Idem longe mollius & planissime invenies in libris æris, prorsus ut appareat in ære gravi, nec signato demum, ut censebat Salmasius, cœptas centesimas acquisivisse nomina, quæ dein etiam in argento tenuerunt. Nam centum libræ æris, fors, *centesimæ usuris* menstruam libram, annuas duodecim libras

gignebant: *deuncibus*, deunces æris menstruos, sive undecim uncias, annuas CXXXII, hoc est, libras undecim: *dextantibus*, dextantes æris menstruos, uncias CXX annuas, quæ decem libræ: *dodrantibus*, dodrantes æris quot mensibus, anno uncias CVIII, libras novem: *beffibus*, beffes æris menstruos, uncias XCVI annuas, libras octo: *septuncibus*, septunces æris menstruos, quæ annuæ LXXXIV uncia, septem libræ: *semiffibus*, selibras æris, uncias LXXII sive sex libras annuas: *quincuncibus*, quincunces æris, annuas LX uncias, quinque libras: *trientibus*, trientes æris, annuas XLVIII uncias, libras quatuor: *quadrantibus*, quadrantes æris menstruos, uncias XXXVI annuas, tres libras: *sextantibus*, sextantes æris quoquo mense, anno XXIV uncias, binas libras: *unciis*, uncias æris menstruas, annuas duodecim, libram unam. Ille, tamen, ne quid semel dixisse videatur: At contra Romanis as in centum promissus, aut in assem centum mutuo data, quamvis centesimam usuram designent, non tamen de asse menstruo accipienda sunt, sed de annuo, hoc est, de duodecim unciis in centum annuatim solvendis, vel de uncia una singulis mensibus præstanda. Hoc vero ipsum est *unciarium fœnus*, tantum distans a centesima, quantum uncia ab asse. Non produco verba Imperatorum, ubi *trientem* tertiam, *quadrantem* quartam centesimæ partem interpretantur: fecit

id

id Ant. Augustin. l. II. Emend. cap. x. Et ipse
interdum oblitus sui sic loquitur, interdum
ut vera falsis adspingat. Vti cum scribit: *Sextantes usurae* Latinorum ut sextam partem
centesimæ denotant, ita duas uncias in cen-
tum in annum præstandas declarant. Viti-
sum posterius membrum: non enim duas
uncias in annum, sed viginti quatuor: duo
denarii pro assibus singuli tot habent uncias:
sed in mensem plane duas, quæ, quia duo-
decim in anno menses, sunt xxiv annuæ.
Sic igitur *usura uncia, sextantes, quadrantes &c.*
promittunt quidem unam, sextam, quar-
tam &c. partes ex duodecim in annum: ut
uncia denarium unum, *sextantes* denarios bi-
nos, *quadrantes* denarios ternos: non tamen
inde vocitantur: sed quod usurarum cente-
simarum, quasi assis, duodecimam, sextam,
quartam &c. quot mensibus polliceantur.
Hinc etiam intelligitur, injuria Hotoman-
num dari socium illis, qui *unciarium fœnus &c.*
centesimas confuderunt, dumtaxat eo, quod
in verborum juris commentario, *Vsuram un-*
ciariam interpretetur, quum pars centesimæ
duodecima singulis mensibus solvitur, hoc
est, unus in centenos. Vera hæc definitio:
nam pars centesimæ duodecima singulis
mensibus depensa facit annuam partem for-
tis integram centesimam: ut as cum triente,
pars duodecima centesimæ denarium cente-

num (nam centesima pars hujus sortis est denarius) in singulos menses, facit in duodecim mensibus unum denarium, partem sortis centesimam, uti diximus. Is autem
 „ unciarii fœnoris proventus. Atqui, inquit,
 „ non animadvertit Hotomannus, hac interpretatione *unciariam usuram*, ut vocat, (nimirum hoc quoque improbat in eo, quod
 „ *unciariam usuram*, non *fœnus unciarium* vel *uncias usuras* cum veteribus dixerit; at hoc,
 „ opinor, justius) eandem cum *centesima* constitui. Quemadmodum vero? nam, ait, in
 „ centesima usura pars duodecima ejus singulis mensibus penditur, & duodecim duodecimæ singulis annis. Hic vero gravissimus reprehensor, quod in aliis culpat, imprudens ipse in sese admittit: hoc est, ex unciario fœnore facit centesimas, & ex centesimis uncias usuras. Nam si in centesima usura pars duodecima ejus singulis mensibus penditur, quid fiet toto anno præter duodecim uncias centesimæ? atque adeo una tantum integra centesima pars sortis? veluti unus denarius accessio centenum? Hæ ergo quæ sunt, si non sunt *uncia usura*? In centesimis usuris, quod adfirmasti toties *ὡς τὰν*, non pars duodecima centesimæ, sed pars centesima sortis integra singulis mensibus penditur, ut fiant centesimæ partes sortis duodecim in anno. Sic centum denarii centesimis usuris merent dena-

denarios duodecim, singulis mensibus singulos. Sed quomodo, pergit, quæso te, ea usura, quæ duodecim uncias annuas pendit, potest dici *unciaria*? At ego, quæso te, dicam, quod aliud *ſœnus unciarium*, quam quod menstruam unciam, annuas duodecim uncias centesimæ partis, & sic unam centesimam sortis partem annuam reficit? ut quum centum denarii mensurnum assem cum triente, annuos duodecim asses duodecimque trientes, id est, denarium unum annum progignunt. Haud sane magis, subjicit, quam appellari mereatur *semissium usurarum* nomine, quæ duodecim semisses in annum penderet. Non fallitur, ita est enim, gemina sunt hæc & germana, sed & (quod fallitur ille quum secus existimat) juxta vera & sana. Sunt enim *semisses usura*, quæ unum semissem menstruum, duodecim semisses annuos centesimæ pendunt. Vt quum centum denarii quot mensibus semissem unum centesimæ partis (quæ denarius) nempe tres obolos siue victoriatum, annuos duodecim semisses centesimæ partis, hoc est, duodecim victoriatos, qui sex sunt denarii, acquirunt. At, urget, *unciarium* intelligunt, quod unciam singulis mensibus præstat. Cur non pariter intelligendæ sic & sunt *usura semisses* aut *trientes*, quæ in singulos menses semisses pendant aut trientes? Ius postulat. sunt enim

enim istæ pariter intelligendæ *trientes*, ut *uncia* & *semisses*, usuræ, quum triens menstruus, duodecim trientes annui centesimæ partis proveniunt. Vnde centenis denariis quolibet mense quinque asses triens annuos faciunt quatuor denarios trientali fœnore. Num aliis dictis hujus erroris Hotomannus sese alligaverit, ignoro, qui libro isto carcam; his quidem nihil peccatum est. Non desunt tamen alii viri præstantes imprudentius in
 „ eadem re loquuti. Hadriano Junio *συνώνυ-*
 „ *μα*, *Unciaria usura*, *centesima* Cic. *fœnus un-*
 „ *ciarum* Corn. Tacito, quæ centesimam sor-

„ tis partem singulis mensibus capit : quando
 „ nimirum quotannis duodecim penduntur
 „ usuræ nomine. ibi enim, apponit, *assis* no-

„ mine censetur annus, ut *unciarum* vicem ge-
 „ rant menses. Vides, ut ita dicam, colosso-
 ta, puerum mixtum cum gigante, duodeci-
 mam partem pro toto ex duodecim partibus
 constante. Secutus tamen est illum Tho-
 masius. Ridendum vero, *assis* nomine cen-
 feri annum, menses *uncias*. Sane ubi annus
 as, mensis uncia, bimestre sextans, tres men-
 ses quadrans, & deinceps, sed quid hoc ad
 usuras? nihilo magis quam ad cyathos sex-
 tarii, aut ad pedes jugeri, aut hæreditatis
 consortia. An usuræ sunt partes anni? Re-
 ditus pecuniæ sunt currentibus anni articu-
 lis multiplicati : dicuntur autem *uncia*, *sex-*
antes,

tantes, quadrantes. non anni, sed centesima ratione. P. Manucius ad lib.v. famil. Ciceronis epist. vi. testatur se dissentire cogi a doctis hominibus, qui affirmant *unciarium fœnus* levissimum fuisse, quod, ut ipse arbitretur, gravissimum fuerit, idemque cum *centesima*. Quæ vero illa Diomedea necessitas tantum cogens? Usurarum, enim, inquit, “quædam nomina menstruam solutionem, “quædam annuam significant: menstruam, ut “*centesima, unciaria, semunciaria*; annuam, ut “*semis, bes, triens*. Hic novus error, nec admodum speciosus: nam *centesima* appellandæ propriam & differentem ab aliis rationem fuisse facile concedas: *uncias* vero & *semuncias* usuras aliter vocatas quam *semisses, beses, trientes*, & illas quidem a menstrua, has ab annua accessione, cui verisimile videbitur? Quid *semisses*, nisi sex unciarum? quid *beses*, nisi octo? quid *trientes*, nisi quatuor? Ergo cujus temporis intervallo nascentes sex & octo & quatuor unciarum dictæ sunt, ejusdem prorsus & unius uncix & semuncix. Sed, inquit, si *centesima* vel *unciaria* vel *semunciaria* semel in anno solventur, quis tantulo quæstu pecuniam suam collocasset? Hæc interrogatio adhibetur ad probandam rem veram, quam minime probat. Verum est, *centesimas, uncias, semuncias* usuras dictas a menstruo lucro: nec tamen
absur-

absurdum, semel quandoque in anno solvi, ut hodie fere ubique, etsi singulis mensibus novum augmentum per illas debeatur: multo minus dubitandum, homines tanto quantum pecuniam collocare voluisse. Quid enim facerent, quum legibus aliam quam unciam aut semunciam vetitam essent? Nam centesimis parum congruit illud, *tantulo questu*. *Centesimas* explicat ipse duodecim annuos pro centenis, quas perperam voluit esse easdem quas *uncias* usuras. Vbi inter bonos agitur, quid refert, duodecies singuli, an semel duodecim in anno solvantur? *Semuncias* facit easdem quas *semisses*. Perperam hoc quoque: sed quid refert duodecies dimidiati singuli nummi, an semel duodecim dimidiati, vel sex integri numerentur? Alio igitur argumento hic opus erat. At si bes, ait, vel semis, vel etiam triens usura menstrua esset, quis tanta rei familiaris jactura scenebrem pecuniam accipere voluisset? Hic & falsum colligit, nempe non fuisse menstruos *semisses*, *beses*, *trientes*, & falsum ponit, nempe eam esse nimiam jacturam rei familiaris. Velim scire, quos *trientes*, *semisses*, *beses*, sibi finxerit Manucius. Nam si intellexisset, eos esse *centesima trientes*, *semisses*, *beses*, non statuisset hos graviores rei familiari quam *centesimam*: nec alterius temporis intuitu illos quam hanc nominari putasset. Concludit, se opinari,

uncia-

unciarium fœnus & centesimam idem esse, ut
 tio habeatur menstruæ solutionis, non an-
 nuæ : *semunciarium* autem idem cum *semissi-*
bus, ut in his annua solutio spectetur, in illo
 menstrua. Insanum male : nam *centesima*
 sunt, cum centesima pars fortis, *uncia* cum
 duodecima pars centesimæ, *semuncia* cum
 vicesima quarta pars centesimæ, *trientes* cum
 tertia pars ejusdem centesimæ, *semisses* cum
 dimidia, *besses* cum duæ tertiæ usurarum no-
 mine singulis mensibus debentur : hoc est,
 in centenos annui vel duodecim, vel unus,
 vel dimidiatus, vel quatuor, vel sex, vel octo
 nummi. Iac. Gothofredus ad L. XII. tabb.
Fœnus unciarium est, inquit, quod unciam
 unam menstruam in assem pendit. Quis in-
 telliget *unciam*, nisi *assis*, in quem penditur ?
 At eam nequaquam præbet *unciarium fœnus*,
 nec eo respectu dicitur. Ponamus denuo
 sortem vel assem centum denariorum : ejus
 uncia sunt octo denarii triens : tantum si
 penditur menstruum, usura annua æquabit
 sortem : nam uncia illa duodecies conficitur
 in anno pro mensibus duodecim : duode-
 cies autem octo denarii sunt *xcvi* : & duo-
 decim trientes denarii quatuor faciunt reli-
 quos, qui juncti sunt centum. Debuit igi-
 tur dicere : *quod unciam centesimæ menstruam*
in assem vel sortem pendit. Sic alius ad eandem
 XII tabb. *Vнциarium fœnus* negat ex menstrua
 ratio-

ratione definiri, quum scilicet singulis mensibus duodecima pars assis pendatur : neque enim *assem in usuris* esse menstruum, sed annuum dumtaxat. Falsum est *unciarium fœnus* non ex menstrua ratione dici : nam inde dicitur, quod unciam centesimæ quovis mense reddit, conficitque annuam partem centesimam, qui est nummus unus in centum. Frustra putat, si ex menstrua ratione ducatur *unciarium fœnus*, futurum ut duodecima pars assis pendatur : non enim assis sive sortis, sed centesimæ ea duodecima est. Male & re & verbis, quum *assem in usuris* menstruum esse inficiatur, annuum confirmat. Nemini Latinorum appellatur *as in usuris* aut *as usurarius*, ut mox loquitur. Talia sunt summi viri, *as in centum promissus*, & *centum in assem mutua data* : quæ genera loquendi veteribus ignota mirificas tenebras auctoribus suis offudere. *Centesima* respectu clementiorum usurarum consideratur ut *as*, quia illæ a centesima tantum distant, quantum ab asse deunces, dextantes, dodrantes &c. & proinde illis partibus appellantur. Hæ asses usuræ omnino menstruæ : nam *centesima* est, ubi centesima pars sortis quoquo mense fit lucri : & sic etiam usuræ inferiores appellantur ab ea parte centesimæ, quam lucrifaciunt : nam *deunces usuræ*, cum centesimæ deunces menstrui penduntur, qui in anno denarii sunt

sunt undecim ; *dextantes*, cum centesimæ dextantes, qui in anno decem : & ita deinceps. Sethus quoque Calvisius in opere Chronologico ad A. ante C. N. CCCLII. per occasionem rogationis tribunicie, Est autem, inquit, *unciarium fœnus*, quando annuo spatîo sortis uncia, sive duodecima pars solvitur, in duodecim unus, in centum octo. Differt igitur, addit, *unciarium fœnus* a *centesima*. Sane differt : sed & differunt ab unciario fœnore *usura besse*, per quas illud describit vir doctissimus : hoc est, utrumque genus confundit, eadem offensione, quam modo in cap. VII. de M. V. notavimus. Sic ad A. ante C. N. CCCXL. *semunciarium fœnus* dicit, quum de XXI V aureis unus annuo spatîo solvitur. At hæ sunt *usura trientes*. Semunciarium fœnus in centenos dimidiatum adsciscit annum. Observat Salmasius Ciceronem & optimos veterum sæpius *centesimas* quam *centesimam* dixisse ; nec has tantum, sed & *uncias*, *sextantes*, *quadrantes* &c. *usuras* potius quam *unciam*, *sextantem*, *quadrantem* &c. *usuram* : sed hujus accurationis causam aut non indagavit aut non edidit, quod meminerim. Ego duplicem suspicor : alteram, quia fors plerumque plurium erat centenum, & sic plures centesimæ, aut plures centesimarum unciæ, sextantes, quadrantes &c. quæquæ convenerant, mense

quolibet maturabantur : alteram, quia et si
 singulæ quot mensibus debitæ & accrescen-
 tes (unde nomen habuerunt) plurimum ta-
 men plures simul, atque adeo sæpe an-
 nua die duodenæ omnes solvebantur. At-
 que ex his etiam colligas, haud dubie re-
 ctius traditum cap. v i. de M. V. *ἐκατοστῶν*,
 quia neque apud veteres Atticos sive histo-
 ricos sive oratores, neque in scriptis Gram-
 maticorum, qui eorum vocabula sunt inter-
 pretati, reperitur, sed tantummodo apud il-
 los, qui sub Romano imperio scripsere, di-
 ctam esse a *Centesima* Latina; quam cap. vii,
 in quo spretis melioribus cogitationibus suis
 acquiescit auctor, *centesimam* ex Græcorum
ἐκατοστῆν ad verbum fuisse conversam. Falsum
 quoque, ad eum fœnoris modum venisse
 Romanos illo demum tempore, quo nego-
 tiatores Romani generis & publicani in Asia
 Græciaque fœnus exercentes appellatione
ἐκατοστῶν in illis locis magis pervulgata li-
 bentius eam rem exprimere soliti sint. Ipsi
 enim Romani nomen *centesimæ*, Græciæ
 Asiæque incognitum, primi eo intulerunt.
 Præterea de unciario fœnore lex est perlata
 anno V. C. cccxcvi C. Maroio Rutilo
 Cn. Manlio iterum Coss. centum prope-
 modum annis, antequam bello Punico pri-
 mo in Siciliam transcenderunt. At quomo-
 do *unciarium fœnus* potuit appellari, si igno-
 rabatur

rabatur *centesima* ? Neque enim intelligimus *usuras uncias* nisi *centesimarum*. Quod nullum fuit in univ^{er}sum, quomodo ejus uncia^e dici potuerunt ? Falsum, antequam Græcia & Asia potirentur Romani, præter *unciarium* & *semunciarium* fœnus, vix aliud Romæ cognitum fuisse. Scilicet hoc erat, propter quod tam graves seditiones toties ortæ sunt, ut in ultimum discrimen venerit res summa publica : quum nullæ leges essent tam sanctæ, quas non libido quæstus perumperet. Scilicet *unciarium fœnus* erat, quo *multiplici jam sorte exsoluta*, *mergentibus semper sortem usuris*, quis obrueretur, ut queritur addictus ille apud Livium lib. vi. Ego vero non dubito, quin & ante Sacrum montem Meneniumque Agrippam sanguinolentæ centesimæ tenuiores agris paternis & avitis exsuerint. Cur enim bonorum virorum ingratiis, prævalente plebis potentia, leges de unciario & semunciario fœnore sunt rogatæ, si hæc genera tantum in usu fuerunt ? Falsum, *binas*, *ternas*, *quaternas centesimas* maluisse Græcis quam suis nominibus Romanos appellare. Sunt enim hæc mere Romana nomina, nec ad ullam similitudinem Græcorum formata. At *ἐναλοσὰς* magno suo malo ab Romanis didicerunt Græci. Nam *assarium*, *dipondiarium*, *tripondiarium*, *sestertiarium*, *sesquassarium* fœnus

cum *treffibus*, *quadruffibus*, *seffertiis*, *seffquaffibus* usuris fingere prorsus est lascivire, & Romanos docere Latine loqui. Illi vero si hæc dicere potuerunt, noluerunt tamen meliore sane aurium in sua lingua iudicio præditi quam nos sumus in aliena & deperdita. Quod autem *tripondium* ait dixisse quosdam pro tribus assibus, quod meminerim, nemo dixit: sed obversabatur τῷ πέννυ prava Hottomanni conjectura, *trepondo* apud Quintilianum mutans in *tripondium*: quam olim rejecimus. Observandum illud quoque, non parum, opinor, lucis toti huic negotio præbiturum, quum cœperunt dicere *centesimam usuram* vel *centesimas usuras*, non posuisse veteres has duas voces, ut structum fixum cum mobili vel substantivum cum adjectivo, sed instar duorum substantivorum καὶ ἐπεξήγησιν. Erant enim integra: *centesima pars sortis usura*, vel *centesimæ partes sortis usura*, id est, usurarum vel commodi nomine ductæ atque accedentes, aut pro usura statutæ & condictæ. Sic etiam *sextantes*, *quadrantes*, *trientes* &c. usuræ, intelligendæ, sextantes, quadrantes, trientes, centesimarum partium sortis, usuræ, vel usus mercedes. Quodque Persius, *modesto quincunce*, supplemus, centesimarum sortis partium pro usuris stipulato: & *pergant avidos sudare deunces*, intelligimus, deunces centesimarum sortis partium, usurarum

rarum nomine, elaborare : ut Iustinus vel Trogus, *elaborato a parentibus imperio*. Nec vero ab his, in quibus sumus, alienum videbitur illustrari Ciceronis locum lib. I ad Atticum epist. XI. *Opinor, ad Censidum, Axiu, Selicium confugiendum est : nam a Cæcilio propinqui minore centesimis nummum movere non possunt*. Apud Senecam hæc de Cæcilio repetentem epist. CXVIII. *minoris centesimis* legitur, ex quo quidam emendandum Ciceronem censuere. Malaspina Sosipatrum docuisse observat, vetustissimis ipsique Ciceroni dictum, *plure & minore emptum*, pro pluris & minoris. Atque ab eo accepit Popma. Sed aliter hic loquitur Cicero : cujus brevitatis ita ex ipso explicanda est : *minore fœnore quam centesimis* usuris ductis. Hoc non mihi, sed ipsi credas, licet, qui soleat istas voces sic conjungere. Lib. IV ad Att. epist. XVI. *Fœnus ex triente idibus Quintilibus factum erat bessibus*. Intelligis, usuris. lib. V. epist. ult. *quum SC. modo factum sit, puto postquam tu es profectus, in creditorum causa, ut centesima perpetuo fœnore ducerentur*. Lib. VI. epist. II. *nisi forte id volumus armis efficere, ut fœnus quaternis centesimis ducant*. Epist. III. *Scaptius centesimis, renovato in singulos annos fœnore, contentus non erat*. Tacitus de moribus Germ. *Fœnus agitare & in usuras extendere*. Restat nonni-

hil hujus materiæ : sed aliquando respirandum est.

C A P. XIV.

Græci alias usuras ab annuo , alias a menstruo proventu appellant. Ε'πίτρεϊλον, ἔφεκλον, ἐπίπεμπλον, ἐπόγδοον, ἐπιδέκαλον τόκον ab annuo : & , ut Latine reddi debeant. Ε'ξακρίσιον δραχμῶν ἐπίτρεϊται. Isaus explicatus. Harpocratio defensus. Apud Aristotelem Macroclis facetum dictum explicatum. Πονηρόσιον ἐπίτρεϊται τόκον ἢ ἐπιδέκαλον. Ε'πικρής, bonus, locuples. Τόκον ἐπὶ δραχμῇ, ἐπ' ὀνεία ὀβολοῖς, ἐπὶ δυοῖ δραχμαῖς, a menstruo , & ut Latine. Nonam partem , qua in octo lucri datur , non dici Latino, sed octavam.

QUod toties commemorat vir primus divortere Romanos a Græcis, dum illi ab annuo fructu denominent usuras, (quod tamen sequi non potuimus) hi a menstruo; non de omnibus usuris Græcis, sed de certo genere accipi voluit. Disputavit enim ipse luculente cap. I & II, τόκον ἐπίτρεϊλον, ἔφεκλον, ἐπίπεμπλον, ἐπόγδοον, ἐπιδέκαλον, vocatos ab eo, quod annum referebant. Eorum nonnulla, quæ ex ipso didici (neque enim meum est hoc diffiteri) libet apponere, ne nihil a tanta nobilitate retulisse videamur, & quando ille quam plerumque fastidit & festinat, tam vehementer fastidientem & festinantem lectorem aspernatur: simul ut appareat inter ἐκατοστώ & alia Græca usurarum vocabula

bula nullam analogiam esse. *Ἐπί τε ἰὸν τόκῳ*, ubi pars tertia sortis usuræ nomine penditur, sive in tres unus nummus annuus accedit: velut in drachmam bini oboli, in tetradrachmum octo oboli, in minam triginta tres drachmæ cum triente seu duobus obolis. Ex menstruæ sunt in minam duæ drachmæ quatuor oboli paullo plus. Latine dicæ *binas centesimas & dodrantes*. Si triginta sex annua in minam darent, *ternæ centesimæ* forent. Sic ex Isæo adducit Harpocratio, *ἐξαχθσίας δραχμαῖς ἑπτεταῖς* quas possumus accipere aut sexcentas drachmas fœnore locatas *ἑπτεταῖς*, quæ in annum ducentas pariant, non tamen mensibus singulis unam & triginta drachmas cum quatuor obolis, ut interpretatur *ὁ πάνυ*, (hæ enim annuæ essent trecentæ octoginta, & sortem requirerent mille centum quadraginta drachmarum: ducentæ autem drachmæ annuæ sunt menstruæ sedecim & dimidiata, seu tres oboli) aut, quod fortasse verius, ut hæ sexcentæ drachmæ sint ipse *τόκῳ ἑπί τε ἰὸν*, vel annua accessio sortis, puta CLXXX minarum vel mille octingentarum drachmarum, fœnore collocatarum *ἑπτεταῖς*, quod vult *ἑπὶ ὀκτώ ὀβολοῖς τὸ πλεονέδραχμον*, ut recte interpretatur Harpocratio. Etenim in drachmam bini annui oboli, tertia pars usuræ, in tetradrachmum reddunt octo obolos, pariter an-

nuos : quum tetradrachmo sint viginti qua-
 tuor oboli. Hunc tamen video reprehendi,
 qui confuderit duas rationes loquendi di-
 versissimas, *δανείζειν τόκῳ ὑπὸ τριτάτῳ* & *δανείζειν*
ὑπὸ ὀκτώ ὀβολοῖς. Et merito, si tetradrachmi
 mentionem nullam fecisset. Nunc injuria
 videtur affici, cui crimini detur, octo obolos
 mensiuos & in minam intelligendos adsi-
 mulasse *τόκῳ ὑπὸ τριτάτῳ*, (quæ revera mirifice
 discrepant) quum octo obolos annuos in te-
 tradrachmum intelligat. Hæc enim verba
 sunt: *Ἐπιτρέπεται, Ἰσαῖς ἐν τῷ καλλιφῶντι*
ἐξακροπταῖς δραχμαῖς ὑπὸ τριτάτῳ. ἀντὶ τῆς ὑπὸ
ὀκτῶ ὀβολοῖς, καὶ τὸ τρίτον εἶναι μέρος τοῦ ὀκτῶ
ὀβολῶν ἢ πέντε δραχμῶν. Ἐφεκλὸν τόκῳ, qui
 sextam partem sortis quotannis fœnoris loco
 præstat, *ὁ ὑπὸ τῷ ἑκτῷ ἢ κεφαλαίῳ*, ut definit
 Harpocratio, (pari iniquitate hic quoque
 reprehensioni obnoxius, tanquam confude-
 rit *ἔφεκλον τόκον* & *τόκον ὑπὸ τῷ ἑκτῷ δραχμῆς* :)
 sic obolum in drachmam annuam, in sex
 drachmas drachmam, in sexagenas decem,
 in minam minæ sextam partem, hoc est, se-
 decim drachmas cum quatuor obolis, lucrifacit.
 Quod quum ipse recte alibi doceat,
 „ qui venit in mentem dicere pag. 54 : At *ἔφε-*
 „ *κλὸν τόκῳ* minæ sextam partem annuam
 „ exsolvit, hoc est, singulis mensibus octo
 „ drachmas & quatuor obolos : & in Erratis,
 „ quasi corrigat, duos obolos. Quod hoc im-
 mane

mane sc̄enoris genus? Obolos siue quatuor siue duos condono. Ipsæ drachmæ octo mensuræ per duodecim ductæ faciunt nonaginta sex annuas. Hæccine sexta pars minæ? nonaginta sex in centum ἑφεκ' τὸκ? Nimirum singulis mensibus drachmam voluit dicere & paullo plus duobus obolis. Latine *centesimas & trientes & quaternas sextulas* possis dicere. Sic tria millia CCC LX drachmæ τὸκω ἑφέκ' Demostheni reddunt quingentas sexaginta, quæ ipsa est sexta pars illarum. Ἐπίπεμπ' τὸκ, qui quintam sortis partem annuam reddit usurarum nomine: in quinque unum, in minam drachmas viginti, quatuor talenta in vicena. Latine appelles, licet, *centesimas & bessees*. Ἐπύγδο' τὸκ, ἧ ἔτω δεδανεισµένος, ὥς τε ἧ κεφαλαίς τὸ ὀγδοὸν μέρ' δοθῆναι τῷ δανειστῇ, οἷον, τετρώβολον ἧ τετραδράχμης, verbis Harpocratonis: cum octava pars sortis annua debetur: chalcus in obolum, sex chalci in drachmam, in drachmas octo drachma, in tetradrachmum tres oboli, in octo minas mina, in centum drachmas duodecim & dimidiata. *Centesimas & semuncias* tutissime voces. nam de xcvī drachmis Ἐπύγδο' τὸκ redeunt annuæ duodecim; de quatuor, quæ restant ad centum, dimidiata. Ἐπιδέκα' τὸκ, minimus annuorum, quum decima pars sortis penditur, usuræ annuæ loco: decem in cen-

tum, in decem obolos unus, in triginta millia drachmarum tria millia. Hæ usuræ Romanis *dextantes*. In hac sola specie rationem loquendi Romanam cum Græca concurrere deprehendi ait ὁ πένυ cap. 1. Cautius sequenti, convenire *dextantes usuras* cum ἑπιδεκάτω τόκῳ, non ex ulla nominis ratione, sed ex rei potius συγκυρίᾳ. Videlicet ἑπιδέκαλ & τόκ & est decima pars sortis, *dextans* non decima pars, sed decem partes centesimæ : ἑπιδέκαλ & τόκ & annuus, *dextantes* usuræ menstruæ. Aristoteles lib. x. Rhetoric. cap. x. refert Mæroclis, ex iis, ut videtur, oratoribus vel demagogis, qui cum Staleno, Gutta, Bulbo, in Cluentiana Ciceronis honoris causa appellatis, sedulo cavebant, ne gratis reipublicæ servirent, facetum dictum : Καὶ Μοιροκλήης, εἰδέν, ἔφη, πονηρότερον εἶναι, ὀνομάσας πινὰ τῶν ἑπικαιῶν. ἐκείνον μὲν γὰρ ἑπὶ τρίτων τόκων πονηρότερον, αὐτὸν δὲ ἑπὶ δεκάτων. Recte monet Salmasius contrahendas duas voces in unam : neque enim τρίτον τόκον aut δέκαλον, sed ἑπὶ τρίτον & ἑπιδέκαλον Atticos dixisse. Quod autem scribit ἑπὶ τρίτῳ τόκῳ & ἑπιδεκάτῳ, ut non reprehenderim, ita putes posse ferri ἑπὶ τρίτων τόκων & ἑπιδεκάτων nam & τόκους ἑπὶ τρίτους & ἑπιδεκάτους, perinde ut singulari numero, dixisse ipse non negat : & genitivi verbo apponi videntur καὶ ἑλλειψιν præpositionis πρὸ vel ἀντὶ, vel etiam

τῷ ἔνεκα, qui defectus non minus frequens. Immo prorsus eodem modo locutum observavimus Demosthenem adversus Phormionem: Φορμίων δέ φησιν, ὅτι δεῖνα Λάμπωνα ἐν Βοσπόρῳ ἑκατὸν καὶ εἴκοσι σατῆρας Κυζικηνῶς, δανεισάμενος ἐγγλείων τόκων ἦσαν ἢ ἑκατοὶ οἱ ἐγγυριοὶ τόκοι. Præterea absurdum esse ac ratione carere, nominatum a Mærocle virum probum, cum quo se conferret ille in nequitia, cum diceret τὸ δεῖνα, quem nominaverat, ad ὀπίσκειν usque fœnus, id est, extremum nequitiae fastigium, improbum esse; sese ὀπίσκειν tantum fœnore malum esse; coque scribendum, τὸ δὲ ὀπίσκειν cras credam forte, hodie in alia omnia, quum in eo ipso consistat non minima urbanitas & τὸ ἄλλοδοξον joci. Atque illud etiam addo, quod animadvertisse non videntur præstantissimi viri, quotquot eum locum tractarunt, priori commate ὀπίσκειν τόκων, sive mavis ὀπίσκειν τόκῳ, proprie ac simpliciter accipi, posteriori ὀπίσκειν vel ὀπίσκειν transferri. O' δεῖνα, quem nominabat Mærocles erat πρὸς τὸ ὀπίσκειν, hoc est, e bonis, locupletibus, rem suam fœnore augmentibus: fœenerator & vir bonus, accepto vocabulo, ut solere accipi lib. iv. observ. monuimus. Illum secum confert Mærocles, tanquam tertias partes civium & reipublicæ carpentem, cum ipse decimis contentus sit. Lepidum est, quod,

quod , postquam dixisset ὀπιτεῖτων τόκων,
 jamque expectarent auditores δανείζειν, sub-
 jicit inexpectatum πονηρόεσθαι , pro *fœnera-
 ri* nimirum *improbe agere*. Scilicet multi
 omne fœnus damnabant : sic Plato sua repu-
 blica illud arcuit: sic discipulus ejus ὡς αὖ φύ-
 σιν ἐργάζεσθαι fœneratores cœnsuit: sic ille, qui
 rogatus, *quid fœnerari? quod hominem occide-
 re*, respondit, & fœneratores furibus peiores
 a majoribus æstimatos tradidit : sic alius ad
 Cæsarem : *quare tollendus fœnerator in poste-
 rum* : sic Romæ vetita aliquando versura.
 Tot præjudiciis gravatus facile potest dici,
 πῶς τὸ ὀπιτεῖν licet, πονηρόεσθαι , dum fœnus
 exercet, præsertim binis centesimis & do-
 drantibus. At posterius ὀπιδεκάτων τόκων
 πονηρόεσθαι, μείωσις est sive λιτότης extenuans
 & subducens invidiam criminum, non pau-
 cis philosophantibus, sed omnibus sanis da-
 minatorum, hominis scilicet, qui sibi con-
 scijs erat se καρπῶσθαι καὶ δεκαλῶειν τὰ τὸ πολι-
 τῶν, ὥσπερ τὸ πολεμίων, *civisne an hostis com-
 edit*, ut ait Plautus, *parvipendere*, & odisse glo-
 riam ἀδεκάσθαι. Sic solent improbi, ut vêtus
 superstitio invidiæ fascinum ridiculo amule-
 to frangebatur, ita turpitudinem & horrorem
 facinorum suorum verborum salibus in ri-
 sum vertere, & ὀνόμασι πεπτεῖν τὴν μοχθη-
 ρίαν. Dionysii cavillationes in sacrilegiis
 habet Cicero lib. III de nat. deor. Brenni
 &

& Alexandri Zabinæ Iustinus lib. xxiv & xxxix. Sic Drusus cum Philippo consuli collum torfisset, ut multus sanguis efflueret e naribus, incivilis facti invidiam vitavit, luxuriam ei opprobrando, *non enim hunc sanguinem, sed turdorum muriam esse*. Non aliter apud Aristotelem, homo palam Gutta, Bulbus, Stalenus, qui sententiam, suffragium, vocem, silentium, quantillo velles, venderet, monstrato viro innoxio, nisi quod instar Cæcilii aut Alfii duro sceneratore, *Me, inquit, mordent homines, culpant, vituperant: istum nihil morantur: at haud quaquam ego peior: ille enim binis centesimis & dodrantibus peccat, ego tantum dextantibus*. Hæc igitur omnia usurarum nomina a pensione annua deducta sunt: etsi persæpe & sic collocatum scenus menstruas partes fructificaret, nonnunquam & intra annum unâ cum usuris medio tempore natis restitueretur. Et ab his si discedere Romanorum rationem sensisset, nihil hic quidem loci dissentiremus. Ille contra in alia significandarum usurarum formula, qua una re similes sunt, quod a parte quot mensibus vel solvenda vel debita sortirentur nuncupationem, ea Romanos & Græcos dissentire voluit. Quemadmodum dixere τὸν ἐν ἑπὶ δραχμῇ, in minam sive centum drachmas menstruam drachmam, hoc est, centesimam sortis partem, atque adeo
illam

illam ipsam, quæ Romanis *centesima*, Græcis ῥωμαϊζουσιν ἐκατοστή & τόκῳ ἐκατοστὸς, ἢ ἐκατοσταῖῳ. Vt τόκον ἐπ' ἐννέα ὀβολοῖς, vel ἐννέα ὀβολὸς τ' μναῖς τόκον, quum in centum drachmas quolibet mense pensitatur drachma cum dimidiata, qui novem oboli, annuæ octodecim drachmæ: hæ Latinorum *centesima* & *semisses*. Εἰπὶ ὁκτώ ὀβολοῖς πλὴν μναῖν & μλωὸς ἐκάστῃ, Demostheni adversus Nicostratum, cum drachma & duo oboli in centum drachmas menstruum datur, annuæ sedecim drachmæ: hæ *centesima* & *trientes*. Εἰπὶ πέντε ὀβολοῖς, eidem priore in Onctorem, *dextantes*. Εἰπὶ δυσὶ δραχμαῖς, quum duæ drachmæ menstruæ, viginti quatuor annuæ in centenas solvuntur, ut Latinorum *binis centesimis*. Sic Εἰπὶ τρισὶ δραχμαῖς, *terna centesima*: Εἰπὶ ἑκτῷ δραχμῆς, quum sexta pars drachmæ, nimirum obolus, menstrua est usura minæ, annuæ drachmæ duæ, ut recte correctum in Erratis pag. 54. quæ Latinis *sextantes*. Reddidimus autem hæc omnia genera Latinis vocabulis ex re comparatione facta: nam ne id quidem viris præstantissimis feliciter cefsit. Vt alios taceam, Scaliger & Petitus Εἰπὶ τεῖτῃς & ἐφέκῃς interpretantur *trientes* & *sextantes*, ὁ πένυ *tertiarias* & *sextarias*. Quid opus ὀνομαλοποιεῖν, ubi verbis usitatis ac receptis uti licet. Εἰπὶ ὀδοον, inquit alibi, in octo drachmas unam, Latini appellant, in frugibus

bus præcipue mutandis, *nonam partem summæ capitis*. Mirum: *nonas & decimas* ego Latinos dixisse putabam decessionem de alterutra summa, non accessionem octo aut novem partium: unde & *decumanum frumentum*, non quum novem partibus una accedit, sed quod de partibus decem una deducitur. Vbi ergo istud? Ita plane, ait, nuncupat lex Visigothorum, quam ex antiqua, id est, Romana, sumptam titulus indicat. Væ nobis, si ab istis Latine discendum est. Verba tamen videamus: *Sed de solidis octo nonum solidum creditori, qui pecuniam ad usuram dedit, exsolvat*. Ecce *nonum solidum* ex octo summæ capitis fœnoris loco dandum censet fœneratori. Quem ἐπὶ ὀγδοὺν μέρος Græci vocant, qui octavam partem sortis dat ea usura, in octo solidos nempe unum. At Latini *nonam* esse partem eam interpretantur. Video, sed etiam cenſeo neminem priscorum & vere Latinorum ita locutum esse. Nam illis, perinde ut Græcis, accessio appellatur ab eo numero, cui additur, non ab eo qui ultra est. Sic *centesimam* Latini dicunt, non quæ in xcix, sed quæ in centum additur. Cato de re rust. cap. cXLVII. *Qui oleam emerit, amplius quanti emerit, omnis pecuniæ centesima accedit*. Non dicit, *una & centesima*. Cicero pro Rabirio: *Ait enim dum Gabinius pecuniam Postumus cogeret, ex decumis impetratorum*

ratorum pecuniam sibi coegisse. Non intelligo hoc quale sit : utrum accessionem decumæ, ut nostri facere coactores solent centesimæ, an decessionem de summa fecerit. Cautius ergo paullo post : quem Latini illius temporis *nonum* dixissent. Qui si Latini sunt appellandi , non tamen antiqui Romani : non Romuli aut Augusti , sed Odoacri aut Theodorici Romani ; lingua quidem Romani non magis quam Solenses Attici. Hos in tam copiosæ & reconditæ eruditionis scripto , ut putamus , nævulos si quis obtrectandi libidine notari suspicatur, eum nos animi ab hac labe puri nobis conscii facile contemnemus. At qui non esse nævos, quos putamus , vicerit, & meliorum nos admonebit, ei tam libenter auscultabimus , quam nunc enixe contendimus , ut obscurarum rerum a tanto auctore tam præclare prolixèque detegi cœptam veritatem penitus eruamus. Mihi immortalis viri, cujus ope vel plurimum profeci, cui vivo cum paucis me meaque studia semper approbata volui, magna manet ac manebit memoria. Et hæc est conditio omnium excellentium ingeniorum, ut fama illorum ac veneratio meritis fundata & inconcussa stet ; quæ improbantur posterorum profectus gratia , tuta sint necessitate humanæ varietatis.

CAP. XV.

Scriptuli nota. Ludus duodecim scriptorum, seu ludus calculorum & tesserarum, a ludo latrunculorum diversus. Petronius Arbiter illustratus & correctus. Omnium scriptorum vel testorum iter lusu consumere. Iter, trames, via, pro scriptis duodecim. Vetus epigramma correctum. Bene jacta. Testum & testa, calculus. Calculis triginta discoloribus, ut utrimque essent quindecim, utebantur; tesseris plurimum binis. Martialis bis emendatus, & iterum Petronius. Hac, Hac, δευτερος. Punctum male explicari lineam vel scriptum. Martialis sententia eruta. Tessera bisseño puncto qui numerari dicatur. Tessera male explicantur linea aut mandra. Victus in tesserarum & calculorum ludo, non cui nulli, sed cui manebant calculi, postquam adversarius sua itinera consumisset. Artemidorus vindicatus & illustratus. Αὐτοί. Calculi Arithmetici. Denarii aurei, nummi ordinarii, non Romani sed Graci. Aureus Romanus sine alio nomine, quia unius forma. Aureus Romanus primus semper xxv denariorum. Appuleio lux. Ut ipse habebat, ὡς εἶχεν. Denarius Romanus non nisi argenteus consulum & primorum Caesarum temporibus. Æreus denarius istis nullus. In Varrone conjectura. Ratiti vel Rates. Didymo lux. Sestertius pariter illis temporibus non nisi ex argento. Quod unus Plinii locus dubium facit, sed cui merito indubitatur. Sesquas. As sub primis imperatoribus non quadrantem uncia, sed semunciam pondo. Ergo nec sestertius æreus uncialis, qui fingitur, τελεγεσσιον. Æs grave, dum asses fuero librarii, ignotum. Non possunt hac nuncupatione venire sestertii ærei.

Scriptulum quarta & vicesima pars unciae. Ejus notam sic formant G. Agricola & Hotomannus ¶ : Ciacconius X : Minutiae Demetrii Alabaldi P. Diaconi notis subjungi solitæ, S^a, quam & nos in membranis antiquis invenimus: vel Θ. Alia est apud Gruterum in Tironis & Senecæ notis pag. cXLVII. Salmasius in Vopiscum, *γεγραμμενα* sive scriptulum dictum ait, quod duabus lineis scriberetur, notareturque ad hunc modum ≡. Ex his omnibus ultima haud dubie mendosa est: quum apud omnes constet eam esse notam *sextantis*: nec credibile sit idem *sextantis* & *scriptuli* signum fuisse. Præterea agnoscit ipse quandam similitudinem inter *scriptulum* æris & *scripta* duodecim tabulæ lusoriæ. At in monumento antiquo singulis lineolis & quidem rectis, non transversis, singula ista scripta explicantur. De hoc ludo veterum, quem præclare illustravit Salmasius, intelligendus est Petronius Arbiter, quum ait: *Sequebatur puer cum tabula terebinthina & crystallinis tesserais: notæque rem omnium delicatissimam. Pro calculis enim albis aut nigris aureos argenteosque habebat denarios. Interim dum ille omnium testorum inter lusum consumit, gustantibus adhuc nobis &c.* Seculum est, ex quo locus hic asterisco notatur. Quum tantus commentantium numerus diligentes sileret,

Burde-

Burdelotius commentus est, *dum ille numerum tesserarum*. Gonsalvus imputavit hoc ex illis esse, de quibus bene se meritum præferret, scribendo : *dum ille omnium agmen testorum* : & interpretando, dum unusquisque calculus a gemino hoste circumventus perit ac tollitur. Sed quum multa ibi peccet homo clarus, tum illud insignite, quod permiscet conturbatque duodecim scriptorum & latrunculorum ludos. Itaque miratur tesseras adhiberi, quod in latrunculis non fiebat : & ita transigit, ut latere adhuc ludi hoc genus tenebris antiquitatis involutum adfirmet, unde & non pauca auctorum loca quasi quadam nocte offundantur : ludum locaque se aliquando luce perfusurum. Sed jam pridem, ut nemo melius, id fecerat ad Augustam historiam Salmasius, & verba Petronii adhibuerat, etsi non sustulerit vitium. Ludus significatur, in quo & tesserae & calculis pugna fit. Is non potest esse latrunculorum,

Vnus cum gemino calculus hoste perit :

nam in hoc nihil committitur fortunæ. Intelligit ergo ludum duodecim scriptorum (non enim *scruporum*, ut ex Opicis libris retinet Gonsalvus) admodum similem illis, qui hodie *Triètrac*, aut *Verkeeren* / aut *Eurtschen* / aut simplicius genus aus und ein / Gallis Germanisque utrisque appellantur. Tesserae mittebantur vel jactabantur per pyrgum seu

fritillum, ut hodieque inter diffidentes col-
lusores; calculi dabantur & movebantur in
eadem tabula vel alveo lusorio, notato duo-
decim lineis, per quas collocabantur & pro-
cedebant calculi, prout illos fortuna jactus
& ars jactum disponentis juvisset. Hinc An-
tigonus Pyrrhum καλείκαζεν κυβούτῃ πολλά
βάλλοντι καὶ καλὰ, χερῶν δὲ ὅσον ὀπισθεμύω τοῖς
παισσι, teste Plutarcho: hoc est, bene jacien-
ti, sed male danti. Arrianus in Epictetum
lib. II. cap. v. Αἱ ψῆφοι ἀδιάφοροι, οἱ κύβοι
ἀδιάφοροι· πόθεν οἶδα τί μέλλει πίπῃν; τῷ περὶν
δὲ ὀπισθεμύω καὶ τεχνικῶς χερῶν δὲ, τὸ τοῦ ἤδη ἐμὸν
ἔργον ἐστίν. Terentius:

Ita vita est hominum, quasi cum ludas tesseris:

Si illud, quod maxime opus est jactu, non cadit,

Illud, quod cecidit forte, id arte ut corrigas.

Petronius autem non spissamento, sed ἀφαί-
ρεσιν curandus est: habet enim duas super-
fluas literas: dum ille omnium testorum iter
lusu consumit. Hoc qui occupasset, vi-
ctor erat. Iter appellat seriem scriptorum,
quia calculi per scripta commeabant, & iter
habebant. Tramitem dicit vetus epigramma:

Discolor ancipiti sub jactu calculus adstat,

Decertantque simul candidus atque rubens.

Et quamvis parili scriptorum tramite currant,

Is capiet palmam, quem bona fata juvant.

Vbi legendum existimo: quem bene jacta ju-
vant. Vt Ovidio: Tu male jactato, tu male
jacta

*jaçta dato. Vias Ilidorus : Calculi, quod per vias ordinales quasi per calles eant. Quod ἐτυ-
 μον etsi ineptum sit, agnoscis tamen vias. Et iterum : sed & ipsas vias senariis locis distinctas propter aetates hominum argumentantur. Fortassis & rectius : omnium scriptorum iter : ut in epigrammate, scriptorum tramite. Sed iter dicitur & loci, per quem itur, & ejus qui iter facit. Testam pro calculo Minucius Felix : testam teretem jaçtatione fluctuum levigatam legere de litore. Testum autem pro testa extulit alibi Petronius. Eidemque restituenda vox eadem videtur & alio loco: quam hora pæne tota per scrupos gastrorumque eminentium fragmenta traxissemus cruentos pedes. Vbi varia moliuntur, sed verum forte: testorumque eminentia fragmenta. Sisenna lib. 111 histor. dissipatis imbricum fragminibus ac testis regularum. Calculis his triginta, quindecim albis, quindecim nigris vel rufis, tesseri plurimum duabus utebantur : interdum & tribus. De calculis cento Virgilianus :*

Triginta magnis adversos orbibus orbes.

De tesseri Seneca in ludo de morte Claudii :

Nam quoties missurus erat resonante fritillo,

Vtraque subducto fugiebat tessera fundo.

Martialis lib. xiv epigr. xvii. quod inscribitur. Tabula lusoria :

Hac mihi bisseño numeratur tessera puncto :

Calculus hac gemino discolor hoste perit.

Ita legimus ex Mss. non *Heic*. *Hac*, intellige tabula. Sic epig. xxxv. *Securicula*:

*Quum fieret tristis solvendis auctio nummis,
Hac quadringentis millibus emptā fuit.*

Et epigram. xlvii. *Harpasta*:

Hac rapit Antai velox in pulvere draucus.

Sic Terentio: *Lucescit hoc jam*. Et in Petronio antiquissimæ membranæ nuper apud amicum scriptum vidimus: *pertrectato vasculo tam rudi, Hac, inquit, belle cras in promulside libidinis nostræ militabit*. Quæ omnino vera scriptura est. Catullus: *rigida mea cecidi*. Sic & legendum ex Ms. apud Martialem lib. i x. epigr. xlvii. *In molli rigidam*. non *rigidum*. nam quod priore versu non ad hoc vocabulum, sed ad totam orationem posterioris refertur. Sed alterius epigrammatis priorem versum de lusoria tabula sic interpretatur Salmasius: in tabula duodecim punctis, notata luditur ad tesseram. Et deinde: *punctum, lineam, scriptum, locum* confundimus: nam hæc omnia *συνώνυμα* sunt. Rursumque: Martialis *duodeno puncto tesseram in tabula numerari* dixit; puncta enim & scripta & *γεγραμμαι* & *linea* idem significant. Hoc, opinor, ei non concedent Porphyrius & Geometræ, idem esse *punctum* & *lineam*, *γεγραμμὴν ἢ στυλὴν*. non hercle magis quam *σῶμα* & *γεγραμμὴν ἢ ἀπὸ φάσεων*. hi enim *ἄρτοι* priorum. Deinde *punctum* semper invenio

nio appellari tesserarum aut talorum, non tabulæ. Suetonius : *quadringenis in punctum millibus aleam lufit*. Ausonius :

Narrantem fido per singula puncta recurfu.

Quod quum possit aliquem fallere, recte tamen explicat ο πέννυ, ad singulos bolos seu tesserarum jactus : secundum puncta dabantur calculi, inquit. Deque quomodo tessera in hoc ludo numeratur duodecim scriptis ? Exercitus numeratur per legiones, cohortes, manipulos, centurias, capita, tanquam partes. An scriptæ tabulæ sunt partes tesserarum ? *Puncta* igitur numeri in ipsis tessera puncti & signati : unde *numeros pro tesserais, in quibus numerantur puncta*, Ovidius : *numerosque manu jactabit eburnos*. Et nihil verius illa vulgi interpretum sententia, quam fastidiunt Souterius & Farnabius male docti a summo viro, in hac tabula binis tesserais ludi, sive exerceri tesserarum & calculorum lusum, quo tessera summum habeant duodecim puncta, nempe si existant duo seniones : in quo per tesseras numerantur usque ad duodecim puncta. Si plura numerari dixisset, plures fore tesseras intellexisset. Gravior vero Farnabii error, qui ne bene quidem exponit alteram interpretationem : quid si dicamus, inquit, alveum hunc distinctum fuisse duodecim ab omni latere tesserais sive spatiis, quas *regiones, urbes seu*

mandras appellabant, ut epigr. lxxi. lib. vii. Merito dicas :

Ludere qui nescit, campestribus abstinet armis.

Quis unquam *tesseras* dixit pro lineis seu scriptis ? quis *mandras* in tesserarum ludo ? sunt enim istæ latrunculorum. Quis pro mandris dixit *tesseras* ? Sed omnino difficile est in istis non aliquid turbare ? Ecce ille, qui omnium optima & plurima in hac re nos docuit, in tesserarum & calculorum, seu duodecim scriptorum lusu victum fuisse ait illum, qui cum paucioribus calculis erat relictus, immo qui omnes ad unum amittebat. Atqui latrunculorum hic exitus est, non duodecim scriptorum, ubi victor ipse omnium testorum iter consumebat, & adversarium cum calculis in sua parte frequentibus, minimum uno, relinquebat. Ut hodieque in plerisque generis ejusdem fit. Artemidorum adhibet lib. iiii. Ο'νειροκ. cap. i. Εἰ δέ τις νοσῶν παίζειν ὑπελάβοι ψήφοις ἢ ἄλλον παίζοντα, κακὸν μάλιστ' ἢ εἰ αὐτὸς λείπειτο· ἐπειδὴ μέϊνας ἔχων ψήφους κατὰλείπεται ὁ νικῶν μὲν αὐτοῖ ἢ οἱ κύβοι ὀρώμενοι σάσεις ἢ ἔχθρας παραγορεύσι. Quæ cum legerem apud Salmasium, statim succurrit, aut priora illa verba non pertinere ad tesserarum & calculorum lusum, (nam & ψήφων παιδιὰ cum dicitur, fere non de hoc, sed de latrunculis intelligitur) aut si proxima id non paterentur, legendum

dum *πλείονας* quod postea inspecto Artemidoro ipso editum vidi, non *μείονας* a Salmasio suppositum. Ad quam interpolationem traxit eum interpres vertendo: *quoniam victus non plures habens calculos relinquitur*: nam negandi particulam de suo interjecit. Vult Artemidorus, si quis ægrotans imaginetur ludere calculis, aut alium ludentem, (ita vertendum, & delendus asteriscus, nec interponendum *ἴδοι* cum Salmasio) semper malum: nam qui ludit, periclitatur perdere: pessimum vero si fuerit victus: is enim plures calculos, qui nondum iter consumpserunt, habens relinquitur: eoque videtur monstrari, quod habet, magna parte longius retenturum, nempe morbum, & nihilominus in fine interiturum. Male quoque interpres: *ipsi autem cubi conspecti*: nam *αὐτὸς* hic idem quod *μόνῳ* ut Aristophani: *Αὐτοὶ γὰρ ἑσμεν*. est igitur sententia: *sola autem tessera conspecta*. Ex his calculis lusoriis, quamvis latrunculorum, volunt esse, quorum meminit Petronius in nobili epigrammate:

Nomen amicitiae si, quatenus expedit, haeret,

Calculus in tabula mobile ducit opus.

Hoc Turnebus ita interpretatur: in ludo tabulae sic divisos esse calculos in duas factiones, ut inter se quidam amici, quidam hostes sint: servare autem inter se istam amicitiam, quatenus utile est ludo: igitur si pro emolu-

mentis amicitiam ponderemus, calculos eam exercere in tabula, & nobile opus tuendæ amicitix ducere. Cui imperitiam ludi impingit Gonsalvus, cum calculi, qui ab initio ludi sint hostes, ad finem usque maneat, & pariter amici, nec pro ludi utilitate miles suæ factionis commilitonibus unquam sit adversarius: ipse autem talem amicitiam vult calculorum ludum imitari, quia hinc & illinc, alio & alio, libere moveantur calculi, nec ulli tabulæ regioni plus temporis inhæreant, quam illis conducat conveniatque. At mihi non lusorios sed numerorum calculos videtur significare Petronium, & respexisse vetus illud de regum amicis dictum. Polybius lib. v. Οὐτως γάρ εἰσιν ἔτοι παρὰ πλείστοι ταῖς ὑπὲρ τῶν ἀδικιών, ψήφοις ἐκείναι τε καὶ καὶ πῶς ἐψηφίζοντο βέλησιν, ἀρὶ χαλκῶν, καὶ παραυλικά πάλαντον ἴσχυσιν· οἵτε παρὰ ταῖς αὐλαῖς καὶ τὸ ἐ βασιλέως νόμα μακάριοι καὶ παρὰ πόδας ἐλεεινοὶ γίνονται. Orontæ tribuit Plutarchus in Apophth. Ορόντης ὁ βασιλέως Ἀρταξέρξεω γαμβρὸς ἀπρὶα παρὰ πεισῶν, καὶ κατὰ γνωθεὶς, ἔφη· Καθάπερ οἱ τῶν δριμυτικῶν δακτύλοι νῦν ἢ μυριάδας, νῦν ἢ μονάδα πηγεῖν διώκονται, τὸ αὐτὸ καὶ οὗτοι τῶν βασιλέων φίλος νῦν μὲν τὸ πᾶν διώκεται, νῦν ἢ τρέλλεται. Aristides secunda Platonica: Τὸτο γάρ μοι δοκεῖ τῶν ῥημάτων τὸ βέλημα εἶναι, ὁ αὐτὸς αἰετὸς τε ἀνὴρ καὶ ἔχρατο, ὁ περ παρὰ τῶν δακτύλων φασὶ πρὶ εἰπεῖν Ορόντι καὶ Πέρσῳ,

Πέρσῳ, ὡς αὐτὸς ὦν τῇ θεῇ ποτὲ μὴ τὰ μύρια
σημαίνει, πρὸς τὴν ὁπλῆον ἢ ἕν. Nam digiti ad
computandum idem usus qui calculi. Sensus
Arbitri : Si amicos appellamus & agnosci-
mus non longius, quam sunt emolumento ;
si non fide sed utilitate amicitias colimus,
non ex amicitia sunt, sed sordida computa-
tiones & mercatura, ut loquitur Cicero, *uti-
litatum suarum* : non amamus, sed computa-
mus, & illis, quos adjungimus, utimur, ut
ratiocinatores calculis, eosdem, dum augere
nos possunt, auro contra; ubi destituti a for-
tuna erunt, non semissis aestimantes. Cicero
Lælio : *Hoc quidem est nimis exigue & exiliter
ad calculos revocare amicitiam, ut par sit ratio
acceptorum & datorum.* Porro denarii isti au-
rei, quos movet pro calculis Trimalcio, in-
telligendi sunt aut ἡμίχρυσσι peregrini, aut
de industria in hunc usum eo pondere for-
mati; neque enim erant ordinarii nummi
Romani. Non potest excusari Hotomanni
trepidatio, quot species Romanis aurcorum
nummorum fuerint, ingenue fatentis se
ignorare, idque pro certo posse adfirmari a
quoquam, & quo nomine appellati fuerint,
pro comperto esse negantis. Quid infeli-
cius? Species non fuit nisi una, quinque &
viginti denariorum pretio : & quia non nisi
una fuit, non nisi *Aureus* vocabatur. *Argentei*
appellari non poterant unum genus argen-
teorum,

teorum, quia tria erant, denarii, victoriati, fectertii: aurei cur nominibus separarentur, causa nulla fuit; quippe omnes unius generis & indicaturæ. Vt verum Deum sufficit *Deum* dici, quia unus est; fictos, quia infiniti sunt, oportuit alios atque alios, Iovem, Neptunum, Plutonem, Apollinem, Belum, &c. nominari. *Denarios*, inquit Hottomannus, *aureos* appellari quibusdam locis animadverto, sed ita, ut perobscura & admodum recondita ejus appellationis causa sit. Ecqua potest alia esse causa, quam quod isti *denarii aurei* drachmam auri penderent? decem vero drachmis argenti æstimarentur? At hoc dici posse non videtur, inquit, *denarium aureum* ex pari argenteorum numero & æstimatione nomen invenisse: quandoquidem *aureis denariis* scriptores uno consensu omnes quinque & viginti denariorum argenteorum pretium attribuunt. Immo ne unus quidem, quot sunt, quotque fuere. *Aureis Romanis* id pretii attribuunt, & quidem constanter omnes: ne quem moveat obnunciatio Gruteri. Apud Appuleium legitur lib. IV. *jubet nobis protinus gaudii sui gerulis decem aureos, ut ipse habebat, e suis loculis adnumerari.* Offensi tōis *ut ipse habebat*, Colvius (neque enim, si non habuisset, iustum fuisse numerari) subjecit, *ut ipse aiebat*; Voverius unius scripti auctoritate spon-

giam

giam imponit. Gruterus adversus Colvium, negat alterum mutari debere : significare enim , adnumeratum ipsis non decem aureorum pretium , sed decem aureos. Non video cur hoc potissimum illis verbis significetur : sed interpretor , *protinus , ut ipse habebat*, quemadmodum Græci dicunt , *ὡς αὐτὸς εἶχεν*, Latini , *sicut erat*. Addit locum ex lib. x. *centumque aureos solidos offerens pretium*. Atque hinc, inquit lib. vii Susp. cap. x. *etiam liquet , aurei permutationem pluris fuisse illo tempore quam xxv denariorum*. Mihi vero id non liquet. Quid enim ? an res adeo vilis istis erant CCL denarii , mille sestertium , viginti quinque coronati ? Neque enim bestię pretium est , sed honorarium collatum , ut videbantur , operis , quæ bestiam adduxerant. Nec *centum aurei* pro duobus millibus quingentis denariis , decem millibus nummum , CCL coronatis , tam parvum est , ut homo improbus ad miscendum toxicum eo corrumpi se posse spem neget. Quot vitæ sunt minoris addictæ ? Romanis igitur *aureis* omnino viginti quinque denarios pretii dant auctores : non *aureis denariis*, qui non sunt Romani , sed peregrini , velut *ἡμιχρυσοὶ* Attici. Sed hæc etiam Scaligeri , Villalpandi , Savoti & quorundam aliorum imprudentia est , ut aureum Romanum vocent *denarium aureum* , qualis Romanis nul-

lus

lus fuit. Vtcumque sit, pergit Hotoman-
 nus, ferri eorum sententia non potest, qui
 scripsere denarios Romæ nullos nisi argen-
 teos fuisse. Varronis hæc quidem sententia
 est, lib. i v. de L.L. nam post æs explicatum,
In argento nummei, ait; id ab Siculeis: denarii,
quod denos aris valebant: quinarii, quod quinos:
sestertius, quod semis tertius. Vel, si mavis, *se-*
missum tertium. Et Plinii, lib. xxxiii. cap. iii,
 quum argentum signatum esse dixisset, pau-
 cis ante primum Punicum bellum annis: *Et*
placuit denarius pro decem libris aris, quinarus
pro quinis, sestertius pro dupondio ac semisse. Et
 Volusii Mæciani: *Eo in numero sunt hi ar-*
gentei nummi, denarius, cujus nota X, quina-
rius, cujus est nota V, sestertius, cujus est no-
ta LLS. Et vera haud dubie est, utique rei-
 publicæ temporibus, diuque sub Cæsaribus.
 At ille persuasit sibi, & ex ære & ex auro
 vulgares fuisse Romanis denarios. In alte-
 rum abutitur Macrobi; Festi, Plutarchi lo-
 cis. Primus ille lib. i. Satur. cap. v i i. *Æs ita*
fuisse signatum hodieque intelligitur in aleæ lusu,
cum pueri denarios in sublime jactantes, capita
aut navim, exclamant. Quasi quia fuerunt
 argentei, capita & navem signa impressa ha-
 bentes, necesse sit & antiquitus æreos fuisse
 cum his signis, neque in alio genere æris ea
 poni potuerint. Quin ex Plinio & Festo di-
 scimus, sextantarii assis notam fuisse ex alte-

ra parte Ianum geminum, ex altera rostrum navis : in triente autem & quadrante ratis fuisse effigiem : *ratitos* etiam *ῥατῖς ἑξοχλῶ* dictos trientes, quod *ratis* appellatio *tertia partis assis sit*, quina aut alius partis nulla sit, sed secundum numerum, ut *sextans*. Nam, quem ille planius etiam de denario æreo loqui putat, idem Festus, dicendo : *Grave as dictum a pondere, quia deni asses, singuli pondo libras, efficiebant denarium ab ipso hoc numero dictum* : τὰ *grave as* & *pondus* non retulit ad denarium, sed ad asses libras pondo. Cæterum ære rudi, & post signato, dum libralis as fuit, habitas massas, quæ denos æris valerent, non negaverim : sed hi non *denarii*, verum *decusses* & *dena aris* vel *deni aris* appellabantur. Et hi in argento efficiebant non plus quam denarium nummum, ab ipso hoc numero, quem faciebat in assibus, dictum. Nihil magis juvat locus Plutarchi in Camillo, cujus verba, utcumque ambigua, hoc tantum volunt, recte ipsum quindecim millia æris Romani reddidisse argenti Græci mille quingentis drachmis : quippe cum assetum vel ærea pecunia uterentur Romani ; hujusmodi autem asses, postquam argento uti cœperunt, decem imputarentur in denarium, qui denarius tantidem ambulet quanti drachma. Eiusdem roboris argumentis probat denarios aureos Romanis in usu fuisse.

Fuerunt

Fuerunt quidem in usu, sed ut peregrini, nec Romæ percussi. Plinii *aurei denarii* sunt ἡμί-
 χεῦροι vel dimidiati stateres Græcorum. Nec
 de aliis Cornutus interpret Persii. Ejusdem
 generis dicerem *centum denaria Philipæa* in
 Rudente Plaúti a. v. sc. II. nisi legendum
 esset ex Cam. codicibus : *centum mna Philip-
 pia*. Suetonius & Plutarchus in Galba diffe-
 rentes omnino summas pronuntiant, nec
 sunt iidem quinque denarii, qui χεῦροί πνες.
 Didymi verba : τὰ ἢ χίλια σιγέρηια ποιεῖ δρα-
 κήσια πενήκοντα δλωάρια δρυγρὰ, δέκα ἢ χε-
 ροῖ, ὅπερ μίλλε νέμμες φασί. non possunt ac-
 cipi de *aureis denariis* : nam *denarii aurei* de-
 cem non ultra centum denarios argenteos,
 sestertios vero quadringentos pertinent.
 Aut ergo scribendum, χεῦροῖς, aut intelli-
 gendum νομίσματα : sed illud potius : nam
 aurei decem Romani, singuli xxv dena-
 rium, centenum sestertium, mille nummos
 conficiunt. Æque probos salva republica &
 primis sub Cæsaribus cudunt ex ære sester-
 tios, non tresviri illi quidem, sed Seviri, Ho-
 tomannus, Freherus, Ciacconius, Snellius,
 Salmasius, Savotus : contra eosdem, quos
 modo appellavi, Varronem, Plinium, Vo-
 lufum : immo contra omnes veteres, qui
 quoties pretium rei cujuscumque per sester-
 tios colligunt, nusquam *argenteos*, nusquam
areos apponunt : quod utique faciendum
 fuisset,

fuiſſet, ſi ex utroque metallo exſtitiffent: ſemper ſeſtertios tantum vocant, & argenteos nummos intelligunt. Varronem ſecum facere putat Hotomannus, ſed fruſtra: verba ſuperius tractavimus. Freherus, Ciaccónius, Snellius Plinium intentant lib. x x x i v cap. ii. *Summa gloriæ æris nunc in Marianum converſa, quod & Cordubenſe dicitur. Hoc a Liviano Cadmiæ maxime ſorbet, & orichalci bonitatem imitatur in ſeſtertiis dupondariisſque, Cyprio ſuo aſſibus contentis.* Vrit me, fateor, hic locus: neque tamen impetrat a me ſeſtertios illos æreos: nam ſi fuiſſent, non ſolum tot auctores mentionem aliquam illorum feciſſent, ubi de pecunia ærea & argentea ex deſtinato agunt, ſed & alicubi exſtaret ſumma hoc genere nummi ſubducta. Vt in Auguſta hiſtoria, ſub inferioribus Principibus, quo tempore haud dubie fuere. Quid dicam? hæreo. niſi forte ſcribendum: *in ſeſquaffibus dupondiisſque.* Meminit ſeſquaffis Didymus: meminērunt Gloſſæ: *Seſquas*, ἐν ἡμῶν αἰείρεον, χαλκὸν ἕξ. Et hi ſoli videntur fuiſſe majores aſſe ærei nummi, ex quo pondus æris minutum eſt. Salmaſius adverſus Cercoetium, quamvis auctorem ei rei det nullum, identidem pro certo ponit ſeſtertios æreos fuiſſe unciales, aſſem quadrantarium. Locus eſt Epiphanii: Ἐξακχιλία λεπτά παλάνη, ἃ λεπτά καλεῖται ἀσάρεα· ἐξήκοντα δὲ ἀσά-

ἀσάριον ὑπάρχει τὸ δλωάριον. ἑ ὃ δλωάριον
ὑπάρχειν ὁ δργυρὸς. Versio vetus: *Sexta mil-*
lesima talenti parres assaria nominantur. Sexa-
ginta vero assaria denarius nominatur. Centum
autem denarii argyrius, id est, argenteus, existit.

„ Asses, ait, intelligendi, qui sub imperatori-
„ bus primis in usu fuere, quorum quaterni
„ unciam efficiebant: unde τετράσκαρον, hoc
„ est, sestertius æreus, qui quatuor assibus va-
„ lebat, uncia pondus habere dicitur apud
„ Cleopatram. Et in posteriori cónfutatione:
„ *Follium æris* meminit historia Augusta, qui
„ iidem sunt cum æreis sestertiis. Sestertius
„ porro æreus uncialis fuit, & quatuor assibus
„ valebat. Asses Romanum sub primis & me-
„ diis imperatoribus quartam uncia appen-
„ disse notius est quam ut pluribus probari
debeat. Certe non ignotum est sub médiis
imperatoribus nummos fuisse æreos, qui
minuta, terunciales, denarii, sestertii, asses, assa-
ria, folles, follerales vel follares, ara, area, pro-
miscue dicerentur, ne in rerum ingenti con-
fusione deesset & chaos verborum, & quos-
dam ex illis æris unciam tenuisse, si velit, fa-
cile concesserim. Sed sub primis imperato-
ribus asses quadrantem modo uncia habentes non patitur Plinius lib. xxxiii cap. iii.
nam quum dixisset: *Mox lege Papiria semun-*
ciales facti: sistit, haudquaquam taciturus, si
qua aliâ mutatio accidisset. Quod si as ad
Plinii

Plinii ævum usque non fuit nisi semuncialis, haud dubie & dupondius uncialis fuit, & sestertius, si quatuor asses valere debuit ipse æreus, sextantarius, sive binarum unciarum. Et quid opus decurrere ad sestertios vel denarios æreos, si vel maxime Epiphanii verba ad veterem pecuniam Romanam aptemus, quam fateatur ipse, λεπτά illa sive assaria, quæ Epiphanius & Hesychius faciunt εξακιχλιο-
 ζόν & τετράντης, posse drachmas vel denarios intelligi? Talentum enim ut LX minas, ita sex millia drachmarum sive denariorum habebat. Quæ vocavit ἀσάρεα more sui ævi, quo aliud ἀσάρεον χαλκῶ, aliud δργύρης faciebant. Hoc ἀσάρεον & δργύρης intelligit priore membro, ipsam nimirum drachmam; alterum proximo, chalcum puta illum, quales decem obolo dat Plinius lib. XXI. cap. ult. & sic sexaginta denario, qui sex habet obolos: nam pondera & nummos miscere his scriptoribus haud novum. Hanc simplicissimam interpretationem quum promptam haberet, maluit tamen alteram sequi, ut sestertios æreos in ævum non suum induceret. In libro de Vfur. cap. XI. post tempora Plinii & Verrii aut Festi, qui tantum semunciariorum asses norunt, certum esse statuit etiam imminutum dimidia parte illorum pondus fuisse, adeo ut XLVIII e libra æris signati fuerint: quod quando institutum sit, non liquere:

a temporibus tamen. Antoninorum auctores de re nummaria assi æreo quadrantem unciae attribuerent, dupondio semunciam, sestertio unciam. Quod utcumque sit, hi jam non sunt primi imperatores. Ac ne hac quidem fini stetit, sed a mediis & primis imperatoribus eosdem sestertios æreos propagavit in media tempora consulum. *Æs grave* Livio, Senecæ, Plinio, Festo commemoratur. Id interpretantes rude atque informe Budæum & Scaligerum rejicit: ipse de Vsur. cap. xix. asses intelligit librales signatos: at de M. VI. cap. vi. extra controversiam esse ait, quamdiu asses fuere librarii, *grave as* non alia notione acceptum fuisse quam de ære signato; ubi vero imminutum assium pondus fuit, & illi lege Papiria ad semunciam redacti, *æris gravis* appellationem non nisi de infecto & rudi usurpatam. At ego maxime controversum existimo, quod illi extra controversiam est. Nam dum as libram pondo fuit, quæ ratio potuerit excogitare aut utilem ac necessariam reddere *gravis æris* appellationem, nullus video: unius enim generis erat, quicquid erat: & quia grave erat omne, ideo nullum, quod *grave* diceretur. Nondum exstiterat nomisma, quod minori pondere accederet ad idem pretium, a quo ut appellando discerneretur, alterum *grave* nuncupandum erat. Tum demum opus fuit hac
distin-

distinctione nominis , postquam aliud æs
 pondere levius eadem æstimatione cœpit u-
 litari. Adeo ut vocabulum pœne non fue-
 rit , nisi ex quo res fuit , hoc est , esse desiit.
 Quemadmodum Tarquinio & Catoni *Priscis*
 nata sunt cognomenta , quum ipsi pridem
 denati essent. Sic recte statuit cap. xix. de
 VI. nullum fuisse dictum *grave argentum* ,
 quia argenteus nummus nunquam in gravi
 & magno pondere percussus est , ut a minuto
 ac levi propterea debuerit distingui. Sed an
 hæc satis congruant illis , quæ ex cap. vi de
 M. Vfur. superius notavimus , denarii non
 minus imminutum esse pondus apud Roma-
 nos quam assis & ipsius etiam libellæ ; ipse
 viderit. Ergo dum libralis as fuit , ignoraba-
 tur discrimen & nomen *æris gravis* : at cir-
 cumscripto asse , *grave as* & de signato & de
 rudi , prout res tulit , pro pecunia accipi faci-
 le concedam. Nam illud prorsus inexpectatum,
 quod postremum placuit τὸ πένν ,
 omnibus auctorum locis , in quibus post im-
 minutos asses ex pondere librali mentio fit
 ejus , *as grave* de sestertiis æreis accipiendum.
 Quod autem rei tam inopinatæ fundamen-
 tum ? Nempe quæ in XII tabb. fuerunt , *si*
quis alteri injuriam faxit , viginti quinque pœne ,
 ii apud Paullum in Receptis sententiis sunt
 xxv *sestertii nummi*. Nihil hic video solidi
 ad conjecturam tam audacem superstruen-

dam. Cur enim necesse est sesterrios illos, quorum meminit Paullus, si jam olim tempore libertatis subrogati assibus fuere, credi fuisse æreos? cur non sint argentei, quales procul dubio fuerunt. Iam si *grave as* sesterrius, quia hic maximus in ære nummus, causa nulla est, cur non & *argentum grave* sit denarius, quippe qui argenteorum maximus. Cur denique non asses potius vel sextantarios vel unciales, si qui superfuerunt, accipit, quos saltem fuisse constat? Quamquam huic quoque interpretationi fides precaria, & parum certorum argumentorum: non tamen fingeretur genus nummi, quod certum est illo tempore incognitum fuisse. Aut cogitemus factum Romæ, quod sit hodieque apud Sueones. Sunt nummi ærei: sunt etiam massæ grandes quadratæ, in quatuor oris & medio alterius lateris signatæ. Ita credi possit usum nummorum non statim sustulisse usum massarum. *Æs grave* tum dixerint Romani & massas hujusmodi signatas, postquam nummi pondus imminutum est. Sed illarum massarum pretium crevit pro ratione nummi. Tanquam asse sextantario facto, massa xx librarum, quæ prius valuerat videnos æris, tum cxx asses valuit: asse unciario, eadem massa cxxl asses valuit: asse semunciario, eadem massa pro cccclxxx assibus appensa est. Quibus igitur

tur legimus donata decem millia aris gravis post levatum pondus nomismatum, eos intelligere possumus accepisse tantum assium in massis huiusmodi.

CAP. XVI.

Ciceronis e Verrinis locus illustratus. Lex Voconia, ne qui census mulierem heredem faceret. Dio explicatus & cum Asconio Pediano conciliatus. Civis ῥοῖος ὑπὲρ δύο ἡμισυ μυριάδας. Quadrantem bonorum licuisse relinqui mulieribus per legem Voconiam caret auctore. Μυριάδης Græcis nunquam vel sestertium vel assium, sed tantummodo drachmum vel denarium. Appianus & Plutarchus illustrati. Χίλια, μύρια dicebantur pro totidem drachmis. Asconius tentatus. Alius Ciceronis locus ex epistolis ad Atticum emendatus. Messalla domus emptā tricies septies sestertio, ut Ciceroni tricies quinquies.

AD Voconia legis interpretationem pertinent verba Ciceronis lib. I in Verrem cap. XL. P. Annius Asellus mortuus est C. Sacerdote pratore. Is cum haberet unicam filiam, neque census esset, quod eum natura hortabatur, lex nulla prohibebat, fecit ut filiam bonis suis heredem institueret. Hic Asconius Pedianus illa, neque census esset, ita exponit: neque centum millia sestertium possideret. nam more veterum Censi dicebantur, inquit, qui centum millia professione detulissent. huiusmodi adeo facultates censos vocabantur. Sequenti capite

addit Cicero Voconium *sanxisse in posterum, qui post eos censores census esset, ne quis hæredem virginem mulieremve faceret.* At Dio lib. LVI de eadem lege sic loquitur : Τῶν ἡ γυναικῶν πρὸς τὴν ὡς τὸ Οὐοκῶνιον νόμον, καθ' ὃν ἑδεμίας αὐτῶν ἑδεμὸς ὑπὲρ δύο ἡμισυ μυριάδας ἑστίας κληρονομεῖν ἐξέω, συνεχώρησε τὴν ποιεῖν. Hinc P. Manucius in libro de legibus Romanis annotat lege Voconia cautum fuisse, ne quis hæredem relinqueret filiam supra H s. viginti quinque millium. At Hotomannus negat Dionem adsecutum esse legis sententiam : voluisse enim significare, legē illa fuisse statutum, ne mulieri capere ex cujusquam hæreditate ultra quartam ejus partem liceret. nam sub μυριάδῃ vocabulo *drachmas* plerumque subaudiri, ac proinde decem sestertium millia significari : ita duas myriades & dimidiatam xxv H s. millia conficere. At eam legem non indistincte de omnium, sed de *censorum* proprie hæreditatibus scriptam fuisse : nec satis considerate Dionem viginti quinque millia posuisse pro quarta parte hæreditatis omnium eorum, qui censi fuerant, quasi qui triplo vel quadruplo plus in bonis professi fuissent, non etiam *censi* dicerentur, aut non ad eorum hæreditates lex illa pertineret. *Quartam* igitur *partem* aut *quadrantem* dicere Dionem debuisse, non certam summam definire : multo vero pejus inter-

pretem

pretem Latinum reddidisse : *ne qua maiorem centum millibus nummum hereditatem posset adire*. Ipse vertit : *hereditatem capere supra summam duarum myriadum & dimidia : & alibi : ex cujusquam hereditate capere plus quam quinque & viginti millia*. Mira profecto hallucinatio in vocabulo μυριάδων. Si enim Græci μυριάδας intelligunt δραχμῶν, qui singulæ decem millia sestertium significant? an δραχμή unquam pro sestertio dicta est? Sane δύο ἡμῖσι μυριάδες sunt viginti quinque millia denarium, eademque sestertium centum millia, siquidem denarius quatuor continet sestertios, ut adhuc credidimus. Itaque nihil hic de quadrante Dio, sed prorsus idem dicit, quod Asconius, non posse mulierem relinqui hæredem illi, qui centum sestertia, puta ut minimum, in censum detulisset. Nam κληρονομεῖν ἑδενός ὑπὲρ δύο ἡμῖσι μυριάδων ἑσίας est hæres esse neminis censu plus viginti quinque millium denarium : seu qui ἑσίαν vel censum haberet maiorem aut non minorem quinque & viginti millibus denarium, seu centum millibus sestertium. Οὐδεὶς ἑσίας τοσούτης, per intellectum participii ὦν vel τελημημέων, perinde Græcè breviter dicitur, ut Latine, *nemo istius censu*, vel *nemo isto censu*. Itaque necesse non est, ut cum Scaligero inseramus vocem, & scribamus : Οὐδενός ὑπὲρ δύο ἡμῖσι μυριάδας τελη-

μημελὺς εἶσιν. Eadem illustris manus ad Hotomanni marginem notaverat, infra centum millia totum assen capere mulieres potuisse; supra eam summam, quadrantem, ex verbis Dionis. Si quod fuit caput de quadrante bonorum, aliud fuit, non hoc, cujus Dio meminit. Videtur eos in errorem egisse Cujacius, qui ad Instit. Justiniani de Lēge Falcidia annotavit, legis Voconia caput fuisse, ne quis census mulierem hæredem faceret ultra quadrantem, sive, ut Dio scribat, ὡς ἐξ δύο ἡμῶν μισθῶν, quod sit, ultra viginti quinque millia sestertium, quæ quarta pars est bonorum ejus, qui census est. Hos tres duces, Cujacium dico, Manucium & Hotomannum, secuti jurisconsulti & antiquarii nostri (inter quos Lipsius ad Panegyri. Plinii & Gothofredus ad Theophilum) passim inculcant de quadrante bonorum: cujus adhuc ego idoneum ex antiquis auctorem quæro. Non enim is hic est Cicero: non lib. II de finibus, ubi invenio *non plus filia dandum, quam posset ad eam lege Voconia pervenire*; nec necesse est hic de quadrante suspicari, quum dos haud dubie intelligatur: non pro Balbo, ubi Voconium tulisse legem *de mulierum hereditatibus*: non in Catone majore, quem Voconiam legem, *magna voce, bonis lateribus suasisse* ait. Non Polybius, quum in illo nobili de Scipionis Æmilianii

incre-

incrementis fragmento, remississe scribit sororibus Scipionem matris hæreditatem, ἡς ἔδ' ἐν αὐταῖς περιεῖχε καὶ τὸ νόμος. Non Asconius, qui & ipse simpliciter : *Voconius legem tulerat, ne quis census, hoc est, pecuniosus, hæredem relinqueret filiam*. Non auctor breviorum Livii, cujus verba sunt : *Q. Voconius Saxa tr. pl. legem tulit, ne quis mulierem hæredem institueret*, lib. xli. Non A. Gellius, qui tantum tribus verbis appellat *plebiscitum Voconium de coercendis mulierum hæreditatibus* lib. xx. cap. i. Non denique Augustinus, qui scribit latum, *ne quis hæredem fœminam faceret, vel unicam filiam*, lib. iii. de civ. Dei cap. xxi. Itaque cautius, hac in re nihil definire certi. Quintilianus declam. cclxiv fraudem legis Voconiaë vocat mulieri plus quam dimidiam partem bonorum dare : sed fortasse licentia declamatoria. Offendit in eodem loco & Ant. Augustinus. Quemadmodum, inquit, quod Dion ait Augustum quibusdam mulieribus concessisse, ut supra xxv millia hæreditatis nomine contra legem Voconiam capere possent : id ita interpretor, ut xxv millia sestertiorum intellexerit. Quod nostram opinionem de sestertio quatuor assibus æstimando, ut lib. ii. Emend. scripsimus, confirmare videtur. At illa opinio tali tibicine non eget. Δύο ἡμῶν μυριάδες Græcis nunquam sunt, nisi xxv millia dra-

drachmarum sive denarium, eoque centum millia sestertium. Pighius ad annum V. C. DLXXXIV hanc legem ita format: *ne quis census, hoc est, pecuniosus, qui centum millia æris professione detulisset, heredem relinqueret mulierem supra xxv millia sestertium.* Quasi Voconii ætate centum millia æris amplius fuerint quinque & viginti millibus sestertium: quasi non tum sestertius quaterni æris. Subjicit deinde D. Augustum derogasse huic legi, quibusdam fœminis tribuendo, ut supra viginti quinque millia hæreditate possent accipere, licet hoc Voconia lex prohibuerit, idque testari Dionem. Quæ jam confutata sunt. At plus condonandum Reinhardo Bachovio, qui ad Instit. de Fideicommiss. hæred. cum viginti quinque millia sestertium, singuli quatuor assium, centum millia efficiant, vult verti apud Dionem *centum mille asses*: deinde ne hoc quidem concedit, sed quum in genere loquatur lex de illo, qui census esset, infimus autem census quartæ classis fuerit viginti quinque assium millia, *μυριάδας* non *sestertium δύο ἡμῶν*, sed *assium* intelligendas esse disputat. Non opus ire per singula: cadunt omnia per hoc unum, quod *μυριάδες* Græcis non assium, non sestertium, sed semper drachmarum intelliguntur. Itaque supervacua etiam providentiæ est apud Hotomannum, sub vocabulo

μυριάδων *plerumque* drachmas a Græcis in-
 telligi. Ponatur metus : nunquam μυριάδες
 simpliciter positæ in re nummaria aliud si-
 gnificant quam decem millia drachmarum
 sive denarium : ut *decies* apud Latinos nun-
 quam aliud quam decies sestertertium. Sed ad-
 fricuit illis hunc timorem Budæus, qui apud
 Appianum debita Cæsaris διχαλίων καὶ πεντα-
 κησίων μυριάδων, quod est *millies sestertii*, of-
 fensus scilicet magnitudine summæ, vertit
ducenties quinquagies, quasi Appianus μυριά-
 δας *nummum*, non *denarium*, expresse-
 rit : & apud Plutarchum de cœna Luculli in Apol-
 line πέντε μυριάδας, quæ sunt *ducenta*, pariter
 miratus grandem summam, *quinquaginta*
millia nummum intelligere maluit. Quibus
 interpretationibus omnis Græcorum con-
 suetudo repugnat. Et tantus vir paucis post
 paginis, quasi oblitus sui æs alienum Cæsaris
 ait fuisse *bis millies quingenties* : quod ipse
 sciebat Latine non aliud explicare quam
 quod Græce dicebatur ἑξαχιχίλιαι ἢ πεντή-
 κωντα ἢ Δεκάςται μυριάδες, *sexcenties vices*
quinquies centena millia denarium : quæ
 summa destinata ab Appiano vincit altero
 tanto & semisse. Quodsi χίλιαι μυριάδας
 vertit *millies* & πεντακησίας *quingenties*, non
 minus vehementer excessit : nam χίλιαι μυ-
 ριάδες, *quadringenties*, πεντακησίας *ducenties*
sestertium. Cæterum ex Plutarcho & Suetonio

nio mox ea de sumptibus Cæsaris colligit, quæ ne istam quidem bis millies quingenties sestertii summam facere possint incredibilem. Nec de Lucullana luxuria ratio est, cur addubitemus, quum præsertim ipse Plutarchus dicat ἐκπληξαι τὸν οὐρανὸν Πομπηίων ἐν τῷ μεγέθει τῆς δαπάνης τὸ τάχος τῆς ὀφθαλμοδότης. Multo minus fero And. Schottum πέντε μυριάδας quinquaginta millia assium interpretantem, lib. I. Observ. cap. xv. ubi cum instar prodigii & miraculi eam fuisse cœnam scribat, addit tamen efficere istam summam ducenta millia quadrantes & aureos quingentos. Recte Amiotus, quem diversum sibi ponit Schottus, quinquaginta millia drachmarum: quæ sunt & ducenta millia sestertium, assium vero, qui tum erant, octingenta millia; aureorum nostrorum sive coronatorum quinque millia. Sane quinquaginta millia assium, qui bini semis sestertium nummum faciebant, respondent coronatis quingentis, viginti millibus sestertium: sed quæ elegantia interponere hic quadrantes? Et tamen perperam μυριάδες explicantur assium; perperam asses minus quatuor in sestertio hujus temporis computantur. Quod si quid aliud numerant myriasin vel pecuniæ vel rei, id nominatim semper exprimunt. Vt Herodotus lib. VII. χρυσὴς τετρακισίας μυριάδας σατάρων δαρεικῶν. Plutarchus in Lucullo: σίτξ δ' ἀπέ-

δ' ἀπέκειντο μυριάδες τριακῆσαι μεδίμνων. Ver-
 tunt: *decies trecenta millia*. Rectius, *tricies*
centena millia medimnum. Appianus in præ-
 fatione: χρημάτων δ' ἐν τοῖς θησαυροῖς πένταρες
 ἢ ἑβδομήκοντα μυριάδες ταλάντων Αἰγυπτίων.
 Quominus mirum sit in his, sic & χιλίας &
 μυρίας simpliciter dicebant pro totidem dra-
 chmis. Plutarchus in Phocione de Demade:
 Νόμος γὰρ οὗτος Αἰθιωῶσι τότε, μὴ χορδύνειν ξενὸν,
 ἢ χιλίας ἀπολύνειν τὴν χορηγόν, ἀπαντὰς εἰσαγωγῶν
 ξένους οὐτὶ χορδύοντας, ἅμα ἢ πλὴν ζημίαν ἀναὶ
 χιλίας ὑπὲρ ἑκάστη εἰσλῶεγκεν εἰς τὸ θάνατον.
 Diogenes Laertius in cognomine Cynico:
 ἀνδριάντα γὰρ τριχίλων πιπράσκεσθαι· χοίνικα
 δ' ἀλφίτων δύο χαλκῶν. Et iterum: τριχί-
 λιαί σοι κεῖνται ὅτι τῇ τετραπέζη. Sic αἱ μύρια
 rhetorum & Philosophorum, de quibus in-
 fra. Quin & Diogenes in Zenone: Ποθέσθαι
 πόσας εἰσπράττειται μισθῷ· ἀκούσαντα ἢ ἑκατὸν,
 Διακροσίας δύναι. Restat monendum, quo-
 niam addit Asconius, alios sic intelligere, τὰ
 neque census esset: neque census ejus in quinqueh-
 nium illud factus esset: fortassis hanc interpre-
 tationem Ciceronis verbis propter proxima
 melius convenire. Ait enim pupillæ Annix
 tutores quum cognoscent Verrem per calu-
 mnam legis Voconix insidiari hæreditati,
 pecuniam prætori si pupillæ nomine dedis-
 sent, grandem præsertim, quemadmodum
 in rationem inducerent, quemadmodum
 sine

sine periculo suo dare possent, non vidisse. Si *censum* esse est habere centum millia; si, *neque census esset*, est, neque centum millia sestertium possideret: quæ tantulæ hæreditati grandis pecunia prætori danda poterat decerpi? Rursum Cicero inferius de Anicia: *Ea de multorum propinquorum sententia, pecuniosa mulier, quod censa non erat, testamento fecit heredem filiam.* Quomodo *pecuniosa mulier*, ista præsertim populi Romani ætate, quæ non habet centum millia sestertium? Hoc facile concesserim, legem illam non tenuisse nisi census maximi cives, quæ olim centum millia æris, postea tot millia sestertium fuisse videntur: fortassis etiam, in formula legis *census* eo significato positum fuisse; ut in eadem materia *classicos* pro primæ classis civibus κατ' ἐξοχὴν dixisse Cætonem scimus ex Gellio: cæterum verbis Ciceronis alia interpretatio quærenda. Verba quoque ultima, quæ apposuimus ex Alio-rio, vitii quidem manifesta sunt, sed sine ope Ms. vix spes curandi. Posses: *Hujusmodi adeo facultates census vocabantur: vel, facultatis censos vocabant: vel, facultates professos censos vocabant.* Libet huic cæntunculo aliena purpura pretium addere. Lib. I ad Atticum epist. XIII. Messalla consul Antronianam domum emit HS. ccccxxxvii. Quid id ad me, inquires? *tantum, quod ea emptione & nos bene emisse ju-*
dicati

dicati sumus, & homines intelligere cœperunt,
 licere amicorum facultatibus in emendo ad digni-
 tatem aliquam pervenire. Ita legitur vulgo :
 & putant constitisse has ædes non amplius
 quadringentis triginta septem millibus num-
 mum, quæ faciunt Philippeum vel coronat.
 nostrorum decem millia nongentos viginti
 quinque. Quod si verum est, frustra Tul-
 lius hoc exemplo tuetur suum : significat
 enim, habere se jam, quo obturet os emtio-
 nem suam duas ob causas reprehendentium,
 primum quod nimis care nec salubri pretio,
 deinde quod aliena & mutua sumpta pecu-
 nia esset facta. Constitisse autem Tullianas
 ædes *sestertio tricies quinquies* scimus ex lib. v
 famil. epist. vi. quam veram lectionem esse
 (nam & hic inculcaverant *millibus nummum*
 xxxv. restituit præclare Budæus, javit Vi-
 ctorius, notando in opt. Florentino *æ mil-*
libus nummum non esse) vel ex eo paret, quod
 ipsius hujus Palatinæ domus ab Clodio di-
 rutæ superficiem Coss. de consilii sententiâ
 æstimarunt vices, qui cætera valde illibera-
 liter cum eo egerant, lib. iv ad Attic. epist. xi,
 ut reliquum pro solo expensum liceat existi-
 mare. A. quoque Gellius testatur, ut eam
 domum emeret, vices mutuam sumpsisse :
 nec verosimile est tum quidem adeo angusta
 in re familiari fuisse Ciceronem, ut eam ad
 emptionem nihil domo & ex arca attulerit.

Hanc igitur summam tricies quinquies sestertii superare debuit pretium domus Autronianæ, ut recte colligat Cicero. Vult enim & carius emisse Messallam quam se, & amicorum opibus non minus ac sese usum. Si tanti licuit emere Messallæ & nominibus factis, cur non minoris mihi, & pariter subfidariis copiis? Atqui longe pluris est *tricies quinquies* quadringentis triginta septem millibus, nempe scutatam octoginta septem millia quingenti. non enim centum millia, ut Manucius. id enim *quadragies*. Scribimus ergo : domum erit H S. xxxvii. quod est, *sestertio tricies septies*. recisis illis cccc, quas notas ab Latini sermonis imperitis, hac dumtaxat in re, provenisse habemus persuasissimum. Et hoc quidem de sententia Isaaci Casauboni, quam in scheda quadam apud humanissimum & dignissimum illo patre filium Mericum, Cantuariæ manu incomparabilis viri notatam intelligenti oculo hausimus & memoriæ mandavimus. Sic ergo Autroniana domus Messallæ emta scutatam xcii millibus quingentis. id est, quatuor millibus quingentis amplius quam Tulliana. Nec est, quod miremur, tantum pecuniæ ab utrovis in singulas ædes contemptum, cum privatorum nostri seculi inopia non debeat cum illis non multis, quibus pœne totus orbis vectigal pendebat, comparari. Alioquin

& mi-

& miremur M. Cœlium adolescentem equestrem, filium familias, & patre, si non parco, at qui multis parum splendidus videbatur, habitasse, postquam ab eo semigrarat, *decem millibus*. hoc est, conductum habuisse ex ædiculis insulæ P. Clodii ac tantum non pauperis cellam annuis C C L Philippeis sive scutatis. Vt quidem adfirmat ipse Cicero. nam adversarii criminabantur, *triginta millibus*, id est, D C C L. Plane autem mendacii arguamus Plinium, qui, quod tum ignorari haud poterat, P. Clodium a Milone occisum, *sestertio centies quadragies octies* emptos lares incoluisse testatur lib. x x x v i. cap. x v. quod est, trecentis septuaginta millibus scutatorum.

C A P. XVII.

Catullo aliquot locis vetus lectio adseritur, sensibus explanatis. Millia quindecim & ducenta, an ducenti. Constare are. Prodesse are. Nihil neque ipsis nec pratoribus esse. Negatio duplicata. Syllepsis, ipsis, cum praecefferit Bithynia. Æs natum in provincia. Referre expensum vel datum lucello. Lucella eorum, qui comitabantur magistratus in provincias. Deferri in beneficiis, emolumentum non erat. Ciceronis loco lux. Ambitione nihil uti. Vulgare crimen magnarum amicitiarum. Symmachus emaculatus. Aurelius Opilius, Rutilii comes. Metrodorus Scepsius, amicus Mitbridatis, & tandem ab eo occisus. Idem non potuit esse familiaris Bruti. Fragmentum ex epistola Bruti ad Casarem

correctum. Scaptius, amicus Bruti. Plinius defensu a correctione. Domus Mamurra clarius, quam Catullus, dixit, habere illum, quicquid habuisset Comata Gallia. Ut res est. Appulejus tentatus. Versatus in provincia quasi emptor legum atque provincia. Lex xvi Cod. si certumpetatur, defensa.

Valerius Catullus carmine **xxiii** ad Furium de suo ære alieno & oppignorata pro eo possessione facetissime jocatur:

*Furi, villula nostra non ad Austri
Flatus opposita est, nec ad Favoni,
Nec sevi Boreæ aut Apeliotæ,
Verum ad millia quindecim & ducenta.*

Veterem scripturam, *ducentos*, esse testatur Scaliger: alioquin immanem fore summam illam, nec videri tam copiosum Catullum, fuisse. *Quindecim millia ducenta sestertia*, (sic loquitur) item *quindecim millia ducenti sestertii* immane quantum discrepant. Priore summa fiunt denarium millia quadringenta viginti quinque: posterior summa conficit tantum denarios quadringentos viginti quinque. At hæ ipsæ quoque summæ denarium & sestertium, quas comparat Scaliger, immane quantum discrepant. Quadringenta millia denarium, τεσσαράκοντα μυριάδες δραχμῶν, sedecies æstimantur sestertio, coronatorum quadraginta millibus: Viginti quinque, si denarios intelligas, centum nummi

mi sunt sestertii, coronati duo & dimidia-
tus; sin millia denarium, *δισμυρίας πενταχίλιας δραχμας*, centum millia nummum, co-
ronatos duo millia quingentos efficiunt. At
ducenta quindecim sestertia, si sic scripsit Ca-
tullus, faciunt LIII millia septingentos
quinguenta denarios, *πέντε μυριάδας, τρις-
χλίας ἢ πενήκοντα ἢ ἑπταχίλιας δραχμας*, co-
ronatorum quinque millia CCCLXXV.
Rursum quadringenti viginti quinque dena-
rii faciunt mille septingentos nummos ses-
tertios, coronatos quadraginta duos dimi-
diatum. At *sestertium quindecim millia & du-
centi*, denarium tria millia septingentos
quinguenta, coronatos CCCLXXV. Non
oportet tamen Catullum nos deponere, pri-
usquam & illi contulerimus aliquid bene-
ficii, præsertim in loco huic materiæ non
alieno. Carm. x.

Sermones varii, in quibus, quid esset

Iam Bithynia, quomodo se haberet,

Et quantum mihi profuisset ere.

Sic Scaliger e veteri libro, quum antea esset :
Et quonam mihi : quod tamen in Mss. suis
omnibus notarunt Achilles Statius & Ianus
Meleager, siue is est Balthasar Venator. Sed
utramque scripturam, tanquam parum La-
tinam, repudiat Scaliger, & ultimam vocem
dividit, conjungitque sequentis versus sen-
sum : *profuisset. Ere Respondi.* Quod neuti-

quam probamus. Commentitia est, inquit, vulgata & barbara: quis Latine dictum putet, *quo ære hoc tibi constat?* Si sensus pateretur, haud magis id mirum putarem quam apud Senecam: *cujus ingenti mihi Mercede constant ora.* Et cum dicimus, *constare magno*, certe intelligimus, *ære, pretio, damno.* Quare non ausim dicere: *Num quo ære hoc tibi constat?* interrogans, an ære pararis. Vereor, addit, ut satis Latinum sit, *quantum mihi ære prodest.* Frustra veretur. *Tantum prodesse, multum prodesse* quis neget recte dici? quis dein, *aliqua re prodesse?* Lucanus lib. III:

*Non tamen auderet pietas humana vel armis
Vel votis prodesse Iovi.*

Utramcumque igitur lectionem probabis, melior erit isto, *Ere.* Placet etiam Achillis: *Ecquonam.* Sequitur in eodem carmine:

*Respondi, id quod erat, nihil neque ipsis,
Nec pratoribus esse, nec cohorti,
Cur quisquam caput unctius referret.*

Primo correxerunt Statius & Scaliger: *mihi nec ipsi*: causæ, inquit hic posterior, nil esse, cur aut mihi aut cohorti melius sit. Quod in optimam Doussæ editionem receptum nunc passim editur. Sed in sequenti versu magis æstuat: nam Meleager, cum scribit, nihil hic cuiquam, quod ipse sciat, suspectum fuisse, fatetur se Muretum non vidisse. Hic enim vacare locum mendo non putavit, cum plu-

res in unam provinciam prætores non mitterentur : & coniecit : *Nec quaestoribus*. Quasi hi mitterentur ordinarie & passim plures. Immo memoriæ vitium fatetur Meleager : vidit enim utique Scaligerum, quosdam non bene *quaestoribus* hic substituentes oblique notantem, & ita explicantem, ut comites & socios datos a republica magistratibus atque ex eorum domestica conviotione, qui quasi *pratoriani* dicerentur, facite *pratores* a Catullo vocatos censeat, quod congerrones & convictores prætoris essent : ut apud Iuvenalem : *Virro sibi & reliquis Virronibus*. Denique Meleager causatus verbum *referret* antecedens aliud quam *esse* requirere (neque enim dicimus, *est unde viverem*, sed, *unde vivam*) refingit : *Nec pratoribus cesse*. Has omnes & correctiones & explicationes valde improbamus. Primam Statii & Scaligeri confutat, quod præcessit : *quid esset iam Bithynia, quomodo se haberet*. Ei enim planissime respondet, *nihil neque ipsis*. puta Bithynis. Legebatur olim : *nihil neque ipsi*. Sed in Mss. omnibus, *nihil neque in ipsis*, inquit Statius. Modus metri facile vincit *tò in* deleri. Homines autem elegantes neque duplicata sic negatione, *nihil neque ipsis*, neque syllepsinumeri, *ipsis*, cum præcesserit *Bithynia*, offendi decet : quam utramque figuram loquendi & Livio frequentem esse ad ipsum ostendimus.

mus. Lib. VI. Eodem anno Setiam, ipsis querentibus penuriam hominum, novi coloni adscripti. Plinius lib. I. epist. x. adfirmat esse hanc philosophia, & quidem pulcherrimam partem, agere negotium publicum, cognoscere, judicare, promovere & exercere justitiam, quaque ipsi doceant, in usu habere. Nempe, philosophi: nec necesse fuit Plinio scribere: quaque ipse doceat. Deinde miror Scaligero in mentem venire potuisse rem tam ridiculam, ut prætores explicaret cohortem prætoris, & aliam deinde cohortem præter hanc interiorem cohortem fingeret. Scio veteres in propriis nominibus eleganter sic ludere solere, ut fecit Iuvenalis. Livius lib. VI. *Obsecro vos Tarquinii tribuni plebis. lib. XXI. nunc omnes centuriones militesque vestros Pleminius fecit.* Sic Macedo de Hephæstione: *non errasti, mater, nam & hic Alexander est.* Et Pœnus de Fabio: *ὡς ἄγε καὶ Ρωμαίοις Ἀντίστας τις ἔτερον.* Et sic apud Augustinum lib. III. de civ. Dei cap. XXVII de Sullano furore in Mss. notavimus: *In urbe autem tota, quem vellet, Sulla unusquisque feriebat.* Si cui hoc placere potest præ vulgato: *Sullanus quisque.* Sed Catullus hic quidem prætores pro comitibus prætoris sine κακὸς ζηλία intolerabili, quo vitio minime alioqui laborat, dicere potuisse non videtur. Quid lectorem moror? simplicissimus est sensus, ita vexatam, spoliatam exhaustam-

haustamque a tot sanguisugis prioribus esse Bithyniam, ut nec ipsis provincialibus quidquam supersit, nec prætoribus, qui volventibus annis in eam mittantur, cohortive illorum obveniat, quo contacto calidiores, ut cum Quinctio apud Macrobius amicus iocabatur, e provincia manus domum referant. Meleagro autem respondemus, aliam esse rationem $\tau\tilde{\alpha}$ est, aliam $\tau\tilde{\alpha}$ esse: illud præsens est, hoc & præsentis & imperfecti vices præstat: ne ingeram ei $\tau\tilde{\omega}$ Respondi: quod ipsum etiam liberius facit, malisne non esse cur referret, an, cur referat. Sequitur statim:

Præsertim quibus esset irrumator.

Prætor, nec faceret pili cohortem.

Scriptus Scaligeri, & edd. veteres, quas inspeximus: *non facerent*. Quod ille probat explicatque: præsertim provinciales, quibus esset prætor homo nihili, ipsi nos pili non facerent. Nihilo minus impedita est oratio. Itaque si placeret istam interpretationem sequi, scriberem: *num facerent pili cohortem?* ut interrogantis existimetur. Nisi quis malit, quando non tam provincialium quam prætoris id arbitrium: *non faciens pili cohortem*. Etenim qualiscumque, quam inutilis & frivolus homo, prætor esset, si cohorti indulgeret, neque illam coerceret, non licebat provincialibus eos contemnere. Vide Ci-

554 GRONOVII LIB. III.
ceronem lib. v. ad Attic. epist. xi. Sequitur
apud Catullum :

*At certe tamen, inquiunt, quod illic
Natum dicitur, are comparasti
Ad lecticam homines.*

Achilles : Sententia postulare videtur & dialogi ratio, ut Turnebi conjecturam sequamur : *inquit, id quod illic.* Scaliger : *Lege, inquit, non inquiunt :* quod & placuit Doufæ. Pudet de re tam levi disputare. Sed annon minimum duo erant Varus & Scortillum, qui cum Catullo confabulabantur ? annon evenit naturaliter in congressibus & in circulis, ut plures eandem rem percontentur, vel omnem, vel in partibus ? idque postea si narremus aliis, annon omnium etiam vulgarium linguarum mos fert, ut ita referamus : *Dicebant, vel, tum ajunt :* interdum licet unus mentionem fecerit. Itaque hic idiotismus non debet eripi Catullo. Nam quod infra de commodandis lecticariis, est id quidem proprium scortilli, sed non est necesse propterea omnes alios sermones priores inter eam modo & Catullum fuisse. Porro annotat Achilles in Mss. omnibus legi *esse*, non *are*, quasi sit, quod illic natum esse dicitur, nisi quis *esse* in *asse* mutandum existimet. Quod autem genus hoc commercii, *asse* uno octo servos ? Sed & lepide : *Quod natum,* genere neutro sic dixit, cum de homine loquatur :

quatur : ut Plautus : *quod erit natum , tollito*.
 Quid simile hoc dicitur de infante recens orto : Catullus vel scortillum loquitur de compluribus hominibus emptis in provincia. Immo pertinet hoc totum ad verbum *comparasti* : ut si maxime reciperemus scriptum *esse*, intelligeretur, eo ære, quod illic natum esse dicitur, comparasti : τῷ ære repetito ex præcedentibus : *Ecquonam mihi profuisset ære?* Sed τῷ ære postea confirmat ipse ex Sallustio & Columella. Scaliger monet, diligenter considerata esse quæ subjunguntur : diversum enim *as natum* in provincia, & quod dixit, *profuisset ære* : comites magistratum provincialium duplicia commoda percepisse; altera ex negotiatione sua, quod Græcis τὸ νέμελον ἀγύειον & eorum more hic *natum* dicatur; altera, opera magistratus ipsius, quod *lucellum* vocaretur. Hæc somnia sunt. *Natum* generatim ponitur, quod quacumque ex causa provenit. Aut dicatur, quam negotiationem exercuerit Catullus cum sacculo araneorum pleno. Verum est multiplicem quæstum exercuisse Romanos in provinciis, atque ut facilius provinciales ad conditiones suas perducerent, appetivisse contubernia prætorum vel proconsulum & præfecturas, quas tamen negotiantibus boni & frugi magistratus negabant, exemplo Ciceronis. Sed ex horum negotiis paratum argentum

gentum potius *natum* dici, quam aliud undecunque proveniens, falsum est. Itaque quo *ære* Bithynia Catullo profuit, & quod illic ei *natum* dicitur, ejusdem generis est. Eo itaque *ære*, quo provinciam Catullo profuisse, quodque ibidem illi *natum* esse ac provenisse rumor erat, (neque placet *τὸ ἀρε* mutari in *esse*, quod in alium errorem induxit Meleagrum, ut *τὸ Νατὺμ* verteret in *Notum*) ajunt illum comparasse lectuarios. *Natum*, ut apud Plautum Trinummo: *Nisi tu immortale vere esse argentum tibi*. Seneca epist. xxviii: *Ex sacrilegio enim & furto pecunia nascitur*. Et *redivivus* vel *recidivus* nummus, qui renascitur, apud Juvenalem Sat. vi.

Ac velut exhausta recidivus pullulat arca

Nummus.

De eadem Catulli provincia duo sunt carmina vulgo, xxviii & xxix: quæ in unum contrahenda esse recte vidit Scaliger. Pulchre ab eodem observatum, & in his & in isto verba flagitiosa sensu nihil obscœnum significare. Qui etiam vernacularum hodie linguarum aliquot idiotismus. Quo pertinet etiam illud Trebonii ad Ciceronem lib. xii famil. epist. xvi. *In quibus versiculis si tibi quibusdam verbis* ὁ ὑποκρινόμενος & videbor, turpitudine personæ ejus, in quam liberius invehimur, nos vindicabit. At ista, *Ecquidnam in tabulis*, ita explicanda videntur: Numquid (quum

(quum in suis æris accepti & expensi tabulis redeuntes e provincia magistratuū contubernales soleant habere accepta relata lucello, seu notatas non parvas summas lucelli nomine a prætore concessas) in vestris tabulis, ubi lucellum patere debebat, ubi acceptum, nihil apparet, sed utramque paginam facit expensum? ut mihi accidit infelici, qui contubernalis Memmii in *lucello refero datum*: hoc est, quum & ipse in meis tabellis aliquid accepti lucello referre deberem, nihil in illis habeo, nisi quod dedi vel expendi de meo: in illis tabulis, in ea parte rationum, ubi patere debebat lucellum, quam dicaveram referendis acceptis lucello, refero & scriptum habeo etiam datum & expensum. Exclamationem, quæ subjungitur, videtur ei exprimere recordatio præteriti doloris, quasi diceret: Cujus infelicitatis cum in mentem venit, non possum non irasci tibi, Memmi, & jure exprobrare, quod me patientem hominem & usque obdurantem spe meliorum impudenti mora circumduxisti, & lactasti, tandemque inanem & inhonoratum dimisisti. Sequitur: *Sed quantum video*: id est, solatio tamen est socios malorum habuisse, nihilo felicius vobis accidit. Illud Scalligeri: *refero datum lucello*, & pro summa in tabulis scribo, O Memmi, bene me; vereor ne sit facetius quam verius. Nam *datum* (quod
per

per Memmium Catullo donatum atque adeo Catullo acceptum intelligit Scaliger) videtur potius positum pro ipso expenso Catulli: ita enim in suis tabulis ponit *datum*, ut in Pisonis comitum tabulis *expensum*: *datum* igitur & *expensum* idem. Similiter Pisonis comitum in tabulis *lucelli* quærit an *pateat expensum*, quemadmodum sibi *referantur lucello data*. Ergo *tabula lucelli* & *lucellum* hic idem, sensusque sunt unius, *pateri in tabulis lucelli* & *referri lucello*. Quamvis non negem satis molliter accipi posse Scaligeri sententiam: adeo inanis a Memmio discessi, ut ei nihil acceptum referre possim præter querimonias hominis destituti & illusi: his me beavit. Sed de *lucello* vir summus miris officiis cum ingenti eruditionis specie os nobis oblinuit. Comites magistratuum & adjuutores publicorum negotiorum duplex ait emolumentum percipere solitos, alterum in provincia, quod *lucellum* vocabatur; alterum in urbe post reditum e provincia, quum eorum nomina a magistratibus in ærarium referebantur, & in beneficiariis proconsulis sive prætoris vocabantur. Hic lapsus est & in verbis & in re. Primum genera illa loquendi, *nomen in ærarium referri*, & *vocari in beneficiariis*, nullo sunt sensu, & omni antiquitati ignorantur. Dicebat illa, *deferri in beneficiis ad ærarium*: sed & hoc non erat emolumentum,

verum

verum merus honor & commendatio illarum personarum apud populum Romanum, profutura illis vel ad maiora ornamenta ab republica consequenda, vel ad pericula, si quæ exstitissent, sublevanda, tamquam olim meritis, ut iudicio & beneficio principum honestarentur. Sic Archiam in beneficiis ad ærarium delatum ab Lucullo prætor & consule, sic L. Cornelium Balbum a Pompeio in illorum defensione jactat Cicero. Et erat ea in re ambitio ipsorum magistratuum. Cicero lib. v. famil. epist. xx. *Quod scribis de beneficiis, scito a me & tribunos militares & præfectos & contubernales dumtaxat meos delatos esse &c. Sane moleste tuli, non illa beneficia tuæ potius ambitioni reservata esse, quam meæ, qui ambitione nihil uterer. Quam ambitionem non recte interpretatur Manucius, quasi ostendere voluerint cohortem apud se fuisse lectissimorum hominum, qui beneficia in rempublicam contulissent. Non quidem de nihilo est, & potuerunt hoc quoque nonnulli respicere: sed non id intelligit Cicero, cui ambitio est gratia & demonstratio studii in clientes. Significat se facile pati potuisse, ut hanc apud delatos gratiam iniret Rufus, quum ipse deferendo non sit secutus gratiam, sed morem & veritatem & merita. Illud haud protritum: qui ambitione nihil uteretur. Sic Plautus Trinummus; Apage te, amor,*

non places, nihil te utor. Cæsar lib. III. Civ. si vero alteri paullum modo tribuisset fortuna, non esse usurum conditionibus pacis eum, qui superior videretur, neque fore aqua parte contentum, qui se omnia habiturum consideret. Livius lib. IX. tum pacem petentes, quod uti ea, quum daretur, noluissent, aspernatus. Lib. XLIV. Remittitur Antigonus, qui nuntiaret: quinque millium equitum opera tantum uti regem, contemnere multitudinem aliam. Est accipere, admittere. Valerius Maximus lib. IV. cap. III. cum ad eum magnum auri pondus publice missum attulissent, benignis verbis invitatus, ut eo uti vellet. id est, illud accipere. Idem lib. III. cap. VIII. Mihi uti ista conditione vitæ non est opus. Repudiat vitam & salutem sub conditione gravi donatam. Vt in formula repudii: *conditione tua non utor.* Porro certum est, qui sectabantur magistratus in provincias, id fecisse, ut caput unctius referrent: quod satis docent epistolæ Ciceronis ad Trebatium, & locus insignis ad Atticum lib. VII. epist. I. *Quum enim hoc rectum & gloriosum putarem, ex annuo sumptu, qui mihi decretus esset, me C. Cælio quaestori relinquere annuum, referre in ararium ad sestertium centies; ingemuit nostra cohors, omne illud putans distribui sibi oportere.* Atque hoc indulgere Cicero contubernali-
bus suis potuisset sine cujusquam reprehensione. At id lucellum, quod ex Frumentaria nobis

nobis ingerit ὁ πένυ, plane improbum fuit ac Verrinum. Gloriatur emendatione loci e lib. v. famil. ep. xx. *Sed ego putavi esse viri boni, quum populus suum servaret, consulere fortunis tot vel amicorum vel civium.* Nam de Luceio ita est actum, ut auctore Cn. Pompeio ista pecunia in fano poneretur. Vbi satis constat vitiosum esse τὸ Luceio : sed multo constat magis alienissimum esse *lucello* quod ille substituit. Vides, inquit, privatam pecuniam amicorum ac civium vocari *lucellum*. Ego vero non video. nam duo genera diversissima sunt, hoc quod in fano positum est, & istæ fortunæ vel amicorum vel civium. Fortunæ istæ sunt ipsum patrimonium vel bona Volusii & prædium Valerianorum & Marii : at illa pecuniæ publicæ pars : neutra ullam *lucelli* hujus, quo de agitur, habet imaginem. Nam cur ponebatur in fano, si distribuenda erat prætoris cohorti ? Atque adeo quum, si quis, *lucellum* quid sit, scire capit, cum Scaliger ad hanc epistolam Ciceronis rejicit ; in eo tantum indulget sibi, ut si maxime pro Luceio vel Logeo recipiamus *lucello*, tamen in tota illa epistola ne verbulum quidem sit unum, quo significetur, quid illud *lucellum* sibi velit. *Pete nobiles amicos*, recte accepit Scaliger : neque enim fragmentum est avulsum aliunde, ut Ach. Statio placet. Vulgaris hæc criminatio magnarum amicitiarum,

quas quibus colere literis datum, raro non experti sunt aut crudeles aut ingratas. Vide Lucianum de mercede conductis. Porcius de Terentio :

*Dum lasciviam nobilium & fucosas laudes
petit,*

*Dum Africani vocem divinam inhiat avidis au-
ribus,*

*Dum ad Furium se cœnitare & Lælium pul-
chrum putat,*

*Dum se amari ab hisce credit, ad summam ino-
piam redactus est.*

*Nihil Publius Scipio profuit, nihil ei Lælius,
nihil Furius,*

*Tres per idem tempus qui agitabant nobiles fa-
cillime,*

*Eorum ille opera ne domum quidem habuit con-
ducticiam,*

*Saltem ut esset, quo referret obitum domini
servulus.*

Symmachus lib. i. epist. xxi. Sed cui eveniet aut tam felix discipulus, aut tam memor debitor? Nisi ignoramus Magnum illum, cui supra votum fortuna fluxit, Stagirita suo nihilum commodasse. nisi quod Ennio ex Ætolicis manubiis captiva chlamys tantum muneri data Fulvium decolorat. Enimvero neque Punatio Africanorum secun- dus, neque Opilio Rutilius, neque Cineas Pyrrhus, aut Metrodoro suo Mithridates Ponticus libera- lium disciplinarum pretia solverunt. Ita scri- bendum.

bendum. Vulgo : *An ignoramus* : ferendum, si pateretur sequens : *nisi quod Ennio*. Lectius igitur in hoc impetum facit, questus perversam & sine sensu lectionem : quasi melius quadret quod subjicit : *nisi Q. Ennio*. Scioppius locum ait haud dubie mutilum, quem sine auctore aliquo frustra quis supplere se postulet. Nimirum non vidit, *quod si ignoramus*, quot erat in Mss. formandum esse, ut fecimus : *nisi ignoramus*. Posses putare, me hanc interrogationem injuria posuisse, si nesciremus, quam parum liberaliter Aristotelem Alexander ; si, quam maligne Fulvius Ennium tractaverit. *Nisi quod Ennio*, intelligimus repetendo verbum superius : *nisi ignoramus quod Ennio*. Nam cur huic addat prænomen, Fulvio, Africanis, Opilio, Rutilio, Aufonio, ad quem scribit, sibi met ipsi denique negatum, causa nulla est. Elegantius tamen Latiniusque & *quod* absit. Credemus sane discipulum fuisse memorem, aut summates viros illis, quos circa habuerunt ob studia & literas, concessisse census, si ignoramus quam Aristotelem non ditaverit Alexander ; si Fulvium non dehonestat ex Ambraciæ spoliis nihil præter chlamydem Ennio comiti donatum. Male etiam vulgo, *Opillo & Cynea*. Est enim *Aurelius Opilius*, de quo Suetonius in illustribus Grammaticis : *Dimissa autem schola, Rutilium Rufum damna-*

tum in Asiam secutus, ibidem Smyrna simulque consenuit. Et Græcis Κινέας. Metrodorum autem Scepsium apud Mithridatem Magnum sive Eupatora polluisse gratia usque eo, ut πατήρ ἔ βασιλέως diceretur, sed ad postremum in amicitia ejus afflictum proditione Tigranis, testes Strabo lib. XIII & Plutarchus in Lucullo. Quod factum est circa annum V. C. DCLXXII plus minus: tum enim victus a Lucullo Mithridates regnoque profugus ad Tigranem concessit. Vnde revincitur error Scaligeri, Scepsium hunc Metrodorum Bruti familiarem facientis, non longe hinc ad Catullum. At Brutum hoc tempore necesse est valde puerum fuisse, si duodecim demum annis post, comes avunculo Catoni in Cyprum, fuit ἐπὶ μετράκιον, ut appellat eum Plutarchus. Sed tamen ex epistola Bruti ad Cæsarem producit Charisius: *a Scepsio familiari meo.* Sic advocat Scaliger, cum in editis sit, *a Sceptio*: in quo est sane literæ mendum, sed non ejus quam tollere voluit ὁ πένυ. scribendum enim, *Scaptio*, quem Bruto familiarem fuisse scimus ex Ciceronis lib. V & VI ad Atticum. Expectas ut saltem Plinio feliciter eundem Metrodorum ibidem inculcarit Scaliger? Lib. XXXVI. cap. VIII. *Hic namque est Mamurra Catulli Veronensis carminibus profectus, quem, ut res est, domus ipsius clarius, quam Catullus,*

tullus, dixit habere, quicquid habuisset Comata Gallia. namque adjecit idem Nepos, cum primum totis adibus nullam nisi e marmore columnnam habuisse. Vtinam in toto Plinio non esset locus corruptior, quod adfirmat vir illustris. Haberemus unius auctoris invidendam sortem. Nam hic quidem, quid non scitum & facetum? Domum ipsius clarius quam Catullum dicere, didicit ab ipso Catullo, Nequidquam tacitum cubile clamat. At miratur Scaliger de hac domo tacuisse Catullum, & si res ita se haberet, non tacitum auguratur. At molestum hoc est præscribi Catullo, quid dicere debuerit, quum possimus eo contenti esse, quod dixisse videmus. Quamvis autem tollatur domus mentio hoc loco, tamen ita se rem habuisse constat ex eo quod sequitur: totis adibus nullam nisi e marmore columnnam. Hoc certe testimonium domus lulentum. Ut vulgatam magis absurdam faciat, & suam correctionem literis congruentiorem, adducit, ut res, non, ut res est: deinde ait: quid sibi volunt illa, UT RES. Quid, nisi suffragari correctioni ipsius? nam Plinio nulli editi negant: ut res est: idque dictum, ut Plauto in Captivis: Pol, ego ut rem video, tu inventus, vera vanitudine qui convincas. Martialis lib. VIII. ep. XLIX.

Plus ergo, ut res est, quam videt, Aspar amat.

Appuleius de Socratis dæmonio: nequeo sa-

ris mecum reputare, & perinde ut res est, admirari. In Apologia : quoniam, ut res est, majus piaculum decernis, speculum philosopho, quam Cereris mundum profano videre. Videturque hæc formula eidem restituenda. Lib. II extremo: Dumque jam in vicum proximamus, ecce tres quidam vegetis & vastulis corporibus fores nostras ex summis viribus irruentes. Adjutus est hic locus a Ms. Bertiniano : sed in quo etiam fuisse dissimulant: tres quidam utres & vastulis: quod scimus ex Schoppii Suspect. III. ep. VI. Non potuit tamen hic Appulejus illos utres nominare, nam nec ipse jam tum scisse vult videri, alios quam latrones fuisse, nec lectorem suum, ut expectationem ejus suspendat. Scribe: tres quidam, ut res est, vastulis corporibus. Ex curtato igitur suo, ut res domus ipsius, conficit Scaliger: quem Metrodorus Scepsius clarius quam Catullus: sed & delet, idem Nepos, quasi interjectum, quia superius mentionem Nepotis Cornelii fecerat Plinius. Et eam verissimam & præclarissimam emendationem vocat, & dolet indignaturque ad stomachum quorundam Criticorum non facere. Illi vero, quicumque fuerint, stomachum habuerunt, si meminerant, quum Metrodorus a Mithridate occideretur, pertenues etiam Cæsaris fuisse opes: utique si conferantur illis, quæ postea fuerunt, & tum, quum tam lautum præfectum

ctum fabrorum habuit : accidit enim istud biennio , antequam præturam caperet. Itaque vatem esse oportuit Metrodorum , si prævidere potuit futurum post mortem suam, ut Galliarum potens Cæsar Mamurræ Comatam pro congiario donaret. Cæterum provincialia illa lucra Catulli jamdudum in memoriam redigunt mihi aliud genus in provincia lucello referentium data & expensa : quibus minatur lex xvi Cod. Si certum petatur : *Quisquis judici scænebrem pecuniam mutuaverit, si in provincia fuerit versatus, quasi emptor legum atque provinciae, vel si quis collectarius honoris pretium dederit ambienti; exsilii pœna cum ipso iudice plectatur.* Cui repugnare putat Salmasius de Vfur. cap. v. legem xxxiv. D. eodem, qua conceditur præsidibus provinciarum mutuam pecuniam scænebrem sumere : & si simpliciter utriusque legis mentem interpretemur, nihil magis contrarium, quam altera est alteri, posse fingi existimat. Vitium igitur censet esse in illis : *si in provincia fuerit versatus* : quorum quam nonnulli dent interpretationem, rejicit hoc argumento, quod allegetur causa, præsidem illum quasi emptorem haberi provinciae atque legum: substituitque : *si in provincia fuerit servatus* : quod sit, si prorogatum ei tempus regendæ provinciae fuerit. Sed perperam applicuit judici; quod Imperatores efferunt

de fœneratore vel creditore judicis. Vidit hoc Sam. Petitus lib. II. Observ. cap. XII. quo magis mirum non temperare corrigendo : *si in provincia fuerit vexatus* : ut is qui vexetur litibus aut aliqua molestia , prohibeatur conciliare sibi judicem fœnore. Ne hic quidem vel sermo vel res quadrat. Ponitur immo Augustis ille , qui provinciæ præfidi dedit in fœnus , ita *versatus in provincia quasi emptor legum atque provinciæ* : hoc est , pecunia illa mutua judici data ita obnoxium atque obsequentem sibi hominem fecisse , ut illo connivente grassatus sit in provinciales avaritia aut libidine aut crudelitate , aut omnibus , quasi addictos sibi & mancipatos , neque illis adversus injurias & contumelias apud præsidem in legibus ullum præsidium fuerit. Tantum abest , ut ipse vexatus sit ab aliis , vexator omnium. *Emptor legum atque provinciæ* , qui pecunia numerata effecit , ut leges & provinciam in potestate haberet , sic ut nihil adversus eum leges , ipse in provinciam omnia potuerit. Cicero lib. I in Verrem : *Quum edictum totum eorum arbitratu componeret , qui ab isto jus ad suam utilitatem nundinarentur*. Et mox : *quæ varietas decretorum ? quæ nundinatio ?* Lib. II. *An hoc dubitabit quisquam omnium , quin is venalem in Sicilia jurisdictionem habuerit , qui Romæ totum edictum atque omnia decreta vendiderit*. Statimque :

timque : *Ecqua res apud civitates Siculas expetitur, in qua aut honos aliquis sit, aut potestas aut procuratio, quin eam tu ad tuum questum nundinationemque hominum traduxeris?* Et mox Timarchidem, quem omnia decreta Verris, imperia, literas, peritissime & callidissime venditasse dixerat, omnibus oppidis per triennium regnasse ait. Quid hic minus quam emtor legum atque provincia? Lib. III de Apronio : *hujus audacia, nequitia, crudelitati, fidelissimos socios optimosque cives scitote hoc pratore traditos atque addictos fuisse. In Pisonem : non consules, sed mercatores provinciarum & venditores vestra dignitatis. Nec melioris notæ M. Antonii domestica nundina, quibus non vectigalia solum, sed etiam imperium populi Romani deminutum queritur Philipp. II. Quem locum cum appingeret Torrentius Suetoniani Claudii cap. XII, alias res agebat. Tacitus annali III. de criminibus Pisonis : neque ambitionem militarem, neque provinciam pessimo cuique obnoxiam inficiari poterat. Non pugnant igitur hæ leges, neque mutuum sumere iudices vel præfides, sed hac conditione, hoc eventu, ut sese & leges & provinciam fœneratori addicant, sumere vetantur. Cicero pro Flacco : Negavit a privato pecuniam in provincia prætorem petere oportere. Cur tandem, M. Lurco, non oportet? Eripere, extorquere, accipere contra leges non oportet : petere non*

oportere nunquam ostendes , nisi docueris non licere.

L • I B E R IV.

CAP. I.

De censura M. Porcii Catonis Livii locus insignis mendo & obscuritate , ipse Cato injusticia crimine liberatus. Referre in censum & deferre in censum differunt. Iurati profitebantur. Censui , οὐκ ἐστὶν ἄνευ , tabula censoria. Valerio Maximo vetus scriptura reddita. Dedicare in censum. In Ulpiani IC. locum suspicio. Decies tanto plurius. Esse autem & emptum aut venale esse. Ornamenta , vestis , vehicula , non solita in censum deferri , delata sub Catonem , si plurius quindecim millium aris essent. Mancipia solebant deferri ; ex quibus luxuriosa decies tanto plurius , quam quanti erant , censa. Multa censoria ex eo , quod ex censu pendebant tributum , appellata. Octuplicato censu ararius. Livio item lux. In ararios relati tam senatores & equites Romani quam plebii. Asconius Pedianus illustratus. Censu , ludis , comitiis , gladiatoribus. Varro defensus. Asinii Pollionis ad Ciceronem epistola locus adfertur.



D *Taliam sequimur fugientem , ait ille. Sic nos quo propius finem accedimus , eo plus viæ , & plerumque arduum , restare animadvertimus , & crescit opus sub manu. Sed tamen temperandum est , ut nec odio simus lectori omnia*

omnia consecrando , nec tædio laboris expectationem ejus destituamus . Catonis quoque censura in hoc argumento sub censuram venit. Livius lib. xxxix. cap. xlv. *Ornamenta & vestem muliebrem & vehicula, quæ pluris quam quindecim millium aris essent, in censum referre viatores jussit. item mancipia minora annis viginti, quæ post proximum lustrum decem millibus aris, aut eo pluris venissent, uti ea quoque decem tanto pluris, quam quanti essent, aestimarentur : & his rebus omnibus terni in millia aris attribuerentur.* Hic primo nulum ego agnosco viatorum officium : sed ipsos puto harum rerum dominos eas in censum deferre juratos a censoribus jussos. Scio Flori de Servio Tullio : *Ab hoc populus Romanus relatus in censum.* Hoc censorum munus, vel scribarum, qui illis apparebant, ex censorum auctoritate. Nam *census*, in his loquendi figuris, ut eleganter interpretatur Theophilus, lib. i. institut. tit. v. *συνὴς ἤτοι χάρις, ἐνθα Ῥωμαῖοι ἀπεγεγράφοντο τὰς οἰκείας περιουσίας, ὅτι τὸ ἐν καιρῷ πολέμου καὶ τὸ μέτερον τῆς ἰδίας ὑποστάσεως, ἔκαστον εἰσφέρειν.* Itaque mox Florus idem dicit *referri in tabulas.* Vlpianus in l. iv. D. de censibus : *Formula censuali cavetur, ut agri sic in censum referantur.* Tacitus dicit *censibus adscribi*, lib. xiii. Et ne censibus negotiatorum naves adscriberentur, tributumque pro illis penderent, *constitutum.* At illud

illud quod Livius vult, non censentium est, sed profitentium. Valerius Maximus lib. iv. cap. iv. *Cujus ut superstitis nullum fuit, quod in censum deferretur, ita extincti hodieque amplissimum est patrimonium, Romana concordia.* Ita scribendum: nam vitiavit interjecto τῶ & maleque distinguendo Pighius. Ait, ut vivum Menenium nullam, ita mortuum æternam rem & bona inconsumpta habere. Quæ illa? memoriam reductæ in exitiali dissidio civilis concordix: ea quantovis patrimonio lautior & durabilior. Seneca lib. i. de benefic. cap. iii. *Nec illis fraudi est, si aliud quid in censum detulerunt.* Idem epist. xc v. *Hec omnia æstimatorem desiderant, quanti quidque in censum deferendum sit.* Fabius declam. cclxxviii. *Iam illa profecto citra interrogationem sunt: cujus tulerit nomen: in cujus censum delatus sit.* Gellius lib. xvi. cap. x. *neque amplius quam mille quingentum æris in censum deferrebant.* Vlpianus l. iv. π. vi. & vii. d. t. *Lacus quoque piscatorios & portus in censum dominus debet deferre. Salina quoque, si quæ sunt in pradiis, & ipsæ in censum deferenda sunt.* Impp. in l. viii. Cod. de donat. *filiorum tuorum nomine pradia in censum detulisse te.* Cives igitur deferunt, quæ censores referunt in censum. Sic dedicare in censum dicebant. Africanus apud Gellium lib. vii. cap. xii. *in uno scorto majorem pecuniam ab-*
sum-

sumpsisti, quam quanti omne instrumentum fundi Sabini in censum dedicavisti. Cicero pro Flacco : At hac pradia etiam in censum dedicavisti. Mitto, quod aliena ; mitto, quod possessa per vim. Ad quem perperam deferre & referre confundit Manucius. Sed isto genere loquendi vix est, ut non fraudaverint Vlpianum vel librarii vel Tribonianus in l. l x i v. D. de adquir. rer. dom. Quæ quisque aliena in censum deducit, nihilo magis ejus sunt. Ajo, dedicat, scripsisse Vlpianum, veteris elegantiae non ignarum. Deferre censum interdum dixerunt : & tum census ipsum patrimonium. Livius lib. x x i x. censumque in iis coloniis agi ex formula ab Romanis censoribus data, deferrique Romam ab juratis censoribus coloniarum, priusquam magistratu abirent. Habes & hic juratos deferentes. Tacitus v i annal. quia nostrum in modum deferre census, pati tributa adigebantur. Appulejus in Apolog. Quod si hac exempla nihili putas, & me non ad causam dicendam, verum ad censum deferendum vocasti. Hoc transierunt viri docti in Livii verbis : hæserunt autem ad illa : uti ea quoque decem tanto pluri, quam quanti essent, aestimarentur. Io. Andreas & eum secuti : uti ea quoque X tanto pluri. Badius, Mog. Savet. decuplo tanto pl. Gelenius, decem, ut intelligatur milibus. Id Sigonius ait non procedere : esse enim dictum decem tanto, ut apud Livium alterum

alterum tantum, apud Plautum *sexcenta tanta & tribus tantis*. At ex adductis exemplis potuit animadvertere, multo minus hoc procedere, nisi scriberet : *decem tantis*. Illud verius, quod conjectat : *decies tanto pluris*. Cicerolib. III. in Verrem : *sexies tantum, quam quantum satum sit, ablatum esse ab aratoribus*. Et rursus : *reperietis quinquies tanto amplius istum, quam quantum ei in cellam sumere licitum sit, civitatibus imperasse*. Plinius lib. XIV. cap. IV. *Maroneum viciis tanto addito aque miscendum* Homerus prodidit. Plutarchus : *ἡ ἀγκυρὰ ἐστὶν ἡ τῆς ὀρχήματι, ἡ δὲ γυναικεία, σκεδὼν τὸ πρὸς δαίτην, ὡς ἐκαστὸν τὸ τίμημα δραχμαὶς χιλίας ἢ πεντακοσίας ὑπερέβαινον, ὑπολήμασιν τὴν ἀξίαν εἰς τὸ δεκαπλάσιον βυλόμην. ὁ δὲ μείζωνων τιμημάτων αὐτοῖς μείζονας ἢ τὰς εἰσφορὰς εἶναι, ἢ προσηλύνησε τρεῖς χαλκὸς πρὸς τοῖς χιλίοις*. Vtrique dicam scribit Hotomannus. Quærit, utrum tandem illa laudabilis censoria severitas videatur, an vituperabilis acerbitas : utrum justitia, an injustitia, decies tanto pluris servos æstimari, quam quanti empti fuerant? Et, licueritne censori, nulla lege, nullo crimine nominato, tanto damno, tantaque multa, tot cives Romanos adficere, ut non modo res eas, quæ cenferi antea non solebant, in censum deferrent, verum etiam decuplo pluris, quam, quanti essent, æstimarent. Ad priorē

rem interrogationem respondeo, fuisse iustissimam laudatissimamque animadversionem coercionemque luxuriæ. Ad posteriorem, licuisse: neque enim lege opus erat aut crimine legibus obligato ad commercendum opus censorium: sufficebat officium imminutum aut mos majorum violatus. Lege nulla cavebatur de modo argenti facti, quod quis haberet: propter decem pondo libras tamen notatus dictatorius Rufinus. At Hotomannus, dum istis quæstionibus respondeatur, corrigit: *uti ea quoque decem aut pluris, quanti quanti empti essent, æstimarentur, & ex his rebus omnibus &c.* At quid opus iterare quanti? deinde interjici empti? Ipsum esse sic pro venale esse usurpant. Cicero lib. III in Verr. *Quum in Sicilia sestertiis binis tritici modius esset.* Et mox: *ut sibi pro frumento, quanti frumentum esset, dare liceret.* Rursumque: *quanti Ephesi sit frumentum: & cum esset sestertiis binis aut etiam ternis, quibusvis in locis provinciæ duodenos sestertios exegisti.* Livius lib. XXIX. *Sextante sal & Roma & per totam Italiam erat.* Explicat deinde suam correctionem: Quemadmodum Cato in veste & mundo muliebri & vehiculis censendis eam æstimationem secutus erat, quam emptores in emendo tenuerant, ita in servis fecisse intelligitur, ut qui servi immenso pretio, decem millibus æris, emti fuerant, tanti-

„tantidem, hoc est, denis millibus æris æsti-
 „marentur: qui pluris, etiam pluris: nimirum
 „quanti quanti empti fuerint. Primum quare
 immensum pretium servi dicit decem millia
 æris? At Columellæ octo millibus H s. hoc
 est, triginta duobus millibus æris, non carus
 vinitor. Sed Cato magnum id pretium du-
 xit servi infra vicesimum annum: quorum
 magna pars non ad opus, sed ad delicias, im-
 mo contumelias cubiculi, parabantur. Dein
 quid triste & asperum in hac parte censuræ?
 An censorum quisquam unquam aliter fe-
 cit? nisi docere forsitan emptor potuit se in-
 genti fraude circumventum. Nec Catonis
 nec Livii consilium percepit vir doctissimus.
 Luxuriæ fuit hæc castigatio, si quis veste &
 mundo muliebri & vehiculis (τῷ ᾧ τὸ σῶ-
 μα καὶ τῷ ἀπώλωτός μιν, ut vocat Polybius
 in excerpto de Scipione, satis indicans & ipse
 crevisse illa in re sumptum circa illa tem-
 pora) tum servitiis teneris & delicatis civi-
 lem modum ac frugalitatem habendis & pa-
 randis egrederetur. Animadversio in hæc
 comparatur a Livio in ternis æris: cætera
 valde dispar. Ornamenta ista & vestis &
 carpenta censibus adscribi non solebant:
 iussit adscribi quæ horum pluris quam quin-
 decim millium æris essent, & quidem a jura-
 tis delata, & eo nomine in millia ternos æris
 in publicum pendii. Mancipia adscribeban-
 tur.

tur. leg. IV. π. IV. D. de censibus : *In servis deferendis observandum est, ut & nationes eorum & etates & officia & artificia specialiter deferantur.* Lege IV. Cod. Theod. de Excusat. artificum ; *pictura professoribus datur, ne servos quidem barbaros in censuali adscriptione profiteri.* In his igitur mentio deferendi nulla, quippe quod fieret semper. Sed qui mancipiis parvi usus, tamen ingenti pretio parandis, prodigi essent, in eos graviolem, justam tamen vel ob rei turpissimæ suspicionem, statuit mulctam : nempe ternos in millia decuplicatos : hoc est, in millia singula tricenos, ita ut qui decem millibus emptum haberet minus viginti annorum mancipium, eo nomine in publicum daret trecenos æris, qui quindecim millibus, quadringenos quinquagenos æris. Gravitationem rei mitigaverunt verbis, quasi non mulcta hæc esset, sed tributum ex censu, quum tantum terni essent in millia statuti : & centum millibus æstimaretur in bonis servus decem millibus emptus. Videtur hoc quoque Romanæ elegantiae fuisse, ut mulctæ censorum in eo, quod quisque conferre debebat ex censu, auctor, quasi majorem censum mulctandus haberet, destinentur, atque ex eo appellationem sortirentur. Livius lib. IV. cap. XXIV, qui locus singularis : *Censores agre passi, Mamercum, quod magistratum populi Romani mi-*

nuisset, tribu moverunt, octuplicatoque censu ararium fecerunt. Observant hic, recte igitur Festo censes dictos, quod tanti rem suam quisque æstimare solitus sit, quantum (vel quanti) illi censuerint: cum sæpius censum multiplicarent: illa tamen æquitate admissa, ut relevaretur is, qui in tabulis publicis delato modo ex certis causis frui non possit, verbis Vlpiani I. IV. de Censibus. Honestæ oratio: sed quæ ad id, quod maxime hoc in loco explicandum est, nihil pertinet. Delatus sive relatus ille modus est ultro profitentis; multiplicatus vero census est mulctæ sive coercionis, nec fiebat nisi notæ causa. Marcellus Donatus ad eundem Livii locum: id est, inquit, ut pro sui capite octo plus ærario solveret, quam capite censi pendere tenebantur. Pro suo capite octuplum quod capitecensi, vel octies tantum quantum capitecensi, dicere voluit. Sed & sic errat: non enim dicit Livius octuplicatam capitationem, aut octuplicato ære capitecensum, sed *octuplicato censu ararium*. Cujus censu? ipsius utique Mamerci. Ergo *octuplicato censu ararius*, qui, ubi pro censu pendere deberet assem unum, damnas erat pendere octo. Eodem modo *decuplicato censu ararius*, qui, ubi in millia ex censu conferebant alii cives non notati unum, animadversionis censoriæ causa pendebat decem. Sic consti-

constituit Cato, ut qui hujusmodi mancipium haberet post lustrum proximum emptum, ea pars patrimonii pœnæ ergo censeretur ei centum millibus, & in singula millia penderet asses ternos: quod est revera, multa nomine in caput servi decem millium æris trecenos, de duobus millibus quingentis nummis, qui pretium servi fuerint, septuagenos quinos; de sexaginta duobus coronatis & dimidiato pretii binos minus denario & asse. Et sic proportionem, si pluris quam decem millium æris foret. Grandis multa, sed iusta crescentis indies luxuriæ. Quid enim opus erat tanti emere, quod nihil esset profuturum? Dignum immo, qui sic traherent, vexarent pecuniam, potius compelli reipublicæ servire. Si sequuti censores hanc severitatem obtinere potuissent per depravatiores indies tempora, non meruissent notas famæ & ingeniorum, quibus agmina familiarum, ut prædatorios globos, post tergum tracta, & paedagogia diligentius quam in tralatu vestita, & spadonum exercitus, ἡ πόλις ἐρώμενον ἢ πολεμικόν τι λαόντι, antiqui scriptores inurunt. Plutarchum forte iustius velligat Hotomannus, qui, quod de solis mancipiis edidit Livius, ad vehicula etiam, vestem, mundum, supellectilem retulit: & omnium pretium, quod censores notabant, facit χιλίας ἢ πεντήκοντίας δραχμάς, quæ sunt quin-

decim millia æris, quum Mancipia, in quibus proprie statutum erat decuplum tributum, & de quibus silet Plutarchus a decem millibus procederent. Ne dicam, quindecim millia æris esse χιλίας ἡ πεντήκοντίας drachmas in illis assibus, qui decem faciebant denarium sive drachmam, non qui sedecim; quales tamen hoc tempore Romæ obtinebant. Priusquam dimitto ærarios Catonianos, retexendum est, quod imprudenti excidit Manucio ad lib. i. in Verrem: Scribas postremi ordinis, sive de plebe fuisse, tanquam dubium sit, mendoso probat argumento. Id, inquit, ex iis verbis, quæ sunt in Cluentiana, licet conjicere: *Persuasi, ut scribam jurati legerent eum, quem iidem isti censores ærarium reliquissent.* Nam inter ærarios nec senatores nec equites Romani, sed homines de plebe referebantur, ut Asconius aliique docent. Falsissimum est in ærarios non fuisse relatos, qui essent senatorii aut equestris ordinis. Quid? Mamercus Æmilius non erat senator? M. Livius Salinator, a Nerone Claudio inter ærarios relictus, senator non erat? Et quum M. idem Livius, præter Mæciam tribum, populum Romanum omnem, quatuor & triginta tribus, ærarios reliquisset, in populo scilicet Romano, in quatuor & triginta tribubus, nullus fuit nec eques nec senator? Ille apud Gel-
lium

lium uberrimus & habitissimus eques cum equo strigoso & male habito, non erat eques Romanus? tamen *relatus in ararios*, ut mos est, inquit ille lib. IV Noct. cap. XX. Qui illi apud Livium lib. XXIV. *His superioribusque illis equi adempti, qui publicum equum habebant, tribuque moti, ararii omnes facti.* Plura volens omitto. Nam Asconio frustra denunciat Manucius, qui testatur quidem, cives sic notatos, ut qui senator esset, ejiceretur senatu; qui eques Romanus, equum publicum perderet; qui plebejus, in Caritum tabulas referretur & ararius fieret: sed hoc non est negare, senatorem aut equitem potuisse fieri ærarium. Hominum de plebe dicitur hæc nota, non quasi isti ab ea immunes, sed quia plebei priorum immunes, nec poterant aut senatu moveri aut equum publicum perdere: sed senatores moti senatu, equites equo publico adempto, poterant & ærarii relinqui, (ut aliquo modo juvemus Manucium) vel quia jam plebs erant, jam carebant ordinibus suis, & in plebem redacti, eoque jam obnoxii erant isti quoque plebeie notæ. Nec injustum est, ut altiores ordines, quo magis eos decet sine labe esse, in conspicuo positos & dignatione præcellentes, eo graviore succumbant infamie, eo pluribus notis, si quid peccaverint. Cicero pro Cluentio egregie: *Quis unquam hoc senator recusavit,*

vit, ut cum altiore gradum dignitatis beneficio populi Romani esset consecutus, eo se putaret durioribus legum conditionibus uti non oportere? Et mox: Convertite nunc ad equestrem ordinem atque in ceteros ordines easdem vitæ conditiones: non perferent. Putant enim minus multos sibi laqueos legum & conditionum & judiciorum propositos esse oportere, qui in summum locum civitatis aut non potuerunt adscendere aut non petiverunt. Denique & Varroni profit, quod de censu agere cœpimus. Is lib. III de re rust. cap. II. loquens de villa publica: ubi cohortes ad delectum consuli adductæ considant, ubi arma ostendant; ubi censores censu admittant populum. Vel Fulvio vel Ciacconio videtur legendum, censum, hoc est, inquit, ut censeatur. At ego illud oppido elegantius, itaque positum puto, ut significet, quando census agitur, perinde ut comitiis, ludis, gladiatoribus vel munere, Circensibus, dicebant: dum comitia haberentur, quum ludi fierent, quum gladiatores aut Circenses darentur. Cicero pro Milone: Quid? comitiis in campo quoties potestas fuit? nempe Miloni occidendi Clodium, si voluisset. Suetonius Iulio: Munere, in foro depugnavit Furius Leptinus, &c. Ludis, Dec. Laberius eques Romanus mimum suum egit &c. Circensibus quadrigas bigasque agitavere nobilissimi juvenes. Asinius Pollio ad Ciceronem lib. x. famil. xxxii.

Gladi-

Gladiatoribus autem ob Fadum quendam, militem Pompeianum (quia, cum depressus in ludum bis gratis depugnasset, auctore sese nolebat, & ad populum confugerat) primum Gallos equites immisit in populum. Ita legendum: nam & optimæ vulgatæ male expunctum habent to ob, sine quo non constat sensus. Pessime autem cum suo vet. cod. Titus Popma: Gladiatoribus autem Fadum quendam, militem Pompeianum, objecit. Homines quod non intelligerent tò gladiatoribus (Titus a Victorio discere potuisset) intruso verbo alieno Pollionem nescio quid faciunt barbarissimam. Neque enim ut bestiis obijci, ita & gladiatoribus obijci dicebant.

C A P. II.

Plutarchus partim defensus, partim notatus in loco de ludis Q. Fabii Maximi Contatoris. Sestertia Plutarcho singula millia nummum. Eandem summam interdum partim sestertiis, partim denariis colligebant. Varro explicatus. Plutarchi, quare hoc feceris, singularis ratio. Ternarii numeri religio. Triens non aris tantum, sed cujuscumque rei tertia pars ex duodecim. In Livio Scaligeri conjectura probata, in Plutarcho improbata. Summa Livii tota are concepta, non in parte denariis. In eadem aliquot errores Rualdi.

QUæ proxime in Livio & Plutarcho comparavimus, non sinunt nos oblivisci alterius apud eundem Chæroneæ loci, qui &

ipse in hac materia solet cum Livio comparari. Refert in Fabio Maximo post cladem ad Thrasimenum lacum ludos magnos votos factosque ἀπὸ σιτηρίων τριακοντίων τριάκοντα τριῶν καὶ δλωαρίων τριακοντίων τριάκοντα τριῶν, ἐπὶ τριτημορίῳ προσόντι : seu impensa in eos ludos *sestertia trecenta triginta tria*, *denarios trecentos triginta tres trientem*. Quam summam mox ad Græcam pecuniam revocans ait conficere ὀκτώ μυριάδας δραχμῶν ἢ δραχμαὶς τετρακλίας πεντακισίας ὀγδοήκοντα τεῖς καὶ δύο ὀβολοίς. Hinc eleganter demonstrarunt Budæus, Ciacconius, Scaliger, *sestertia* complecti mille nummos sestertios, perinde ut *CC L* denarios, *drachmamque & denarium* eodem pretio esse. Nempe *trecenta sestertia*, coronati fuerunt septem millia quingenti; *triginta tria sestertia*, octingenti viginti quinque : *trecenti denarii*, coronati seu scutati triginta; *triginta tres denarii*, coronati tres, paullulum æris excurrentis. Rursum *octoginta millia denarium* sive ὀκτώ μυριάδες δραχμῶν æstimantur coronatorum octo millibus, *tria millia denarium* sive τετρακλίας δραχμαὶ trecentis, *quingenti denarii* sive πεντακισίας δραχμαὶ quinquagenis, *tres & octoginta denarii*, δραχμαὶ ὀγδοήκοντα τεῖς octo coronatis & prorsus tantodem excurrenti ære. Summæ conveniunt : nimirum coronatorum octo millia *CCCLVIII*, & excurrentis æris

æris utrobique triginta asses cum triente denarii, qui sunt oboli duo. Quid hic Hottomannus? multa machinatur, ut inepte locutum Plutarchum demonstret, & hanc ejus auctoritatem confringat. Fingit, quia Livianæ hæc summa non converit, interpretem Plutarchi τὸ *æris*, quo vocabulo omne nummorum genus interdum explicatur, veritisse *σησερτίων ἢ δλωαρίων* id accepisse illum, quasi dictum esset, καὶ *δλωαρίων* quando hæc sestertiorum & denariorum conjunctio sit a Romanis alienissima, & ejusdem prudentiæ, cujus hordeum simul cum tritico ferere: tum quod verosimile non sit in tanto luctu civitatis senatum vel pontifices toties illo ternario numero inculcando pueriliter ludere voluisse: tertio quoniam ea tempestate rationes potius ad assen quam ad sestertium aut denarium conferrentur: postremo quia *trientem*, quem *τρίτημόριον* Plutarchus appellat, more Romano neque ad sestertium neque ad denarium referre liceat, sed ad asses dumtaxat. nam in voce *σησερτίων* Romano more locutum, & vocem *millium* tacite subaudiendam reliquisse. Habeat tantisper, quæcumque optat: quamvis inepte sestertios & denarios commiscuerit Plutarchus: hoc non potest nobis auferri, eum *sestertia* pro mille nummis posuisse, planeque ostendisse *trecenta triginta tria sestertia*

facere ὁκλῶ μυριάδας τετρακλίας πεντήκοντα καὶ
 ὀκτακλίας δραχμαῖς. has enim si summæ po-
 sterius conceptæ detraxeris, supersunt τετρα-
 κίσται τετράκοντα τετρεῖς δραχμαί, quas etiam vi-
 des totidem denariis censerari. Quod non so-
 lerent in iisdem rationibus ducere denarios
 & sestertios, quod ea tempestate potius ad
 assem quam ad denarium aut sestertium ra-
 tiones confecerint, verum sit: at Plutarchus,
 sive alium auctorem secutus, sive Livio male
 intellecto, quum eam summam, quam in
 drachmis definivit, mente concepisset, nec
 per sestertios solos, nec per denarios, nec
 per asses eam potuit exprimere, ut ternari-
 um ubique numerum servaret, in quo ali-
 quid arcanæ religionis posuisse Romanos vel
 cæcus videat. In assibus fuissent octingenta
 triginta quinque millia octingenti: in sester-
 tiis trecenta triginta quatuor millia trecenti
 viginti. Nec tamen tam insolens est in com-
 putando denarios sestertiis interponi, quam
 id videri vult Hotomannus. Varro lib. III
 de re rust. cap. II. *Atque in hac villa qui est or-
 nithon, ex eo uno quinque millia scio venisse tur-
 dorum denariis ternis, ut sexaginta millia ea pars
 reddiderit eo anno villa. Ea sexaginta millia uti-
 que sestertium sunt: nam denarium quindecim
 millia fuissent.* Cap. VI de pavonibus: *Quem cito secuti multi extulerunt eorum pretia,
 ut ova eorum denariis veneant quinis, ipsi facile*
 quin-

quinguagenis ; grex centenarius facile quadrage-
na millia sestertium ut reddat ; ut quidem Albu-
cius ajebat , si in singulos ternos exigeret pullos ,
perfici sexagena posse. Fulvius Vrsinus malit :
facile vicena : recte , si ipse grex vendatur : sed
eum servari vult Varro , & reddere , id est ,
foetu suo efficere quadragena millia. Intel-
lexit igitur unumquemque binos quotan-
nis minimum reddere pullos , qui singuli
quinguagenis denariis venditi tantum refi-
ciunt. Ideo sequitur si in singulos terni exi-
gantur pulli , perfici sexagena posse. Ergo e bi-
nis quadragena. Plinius lib. xvii. cap. i.
Cn. Domitius graviter increpuit tanti censorem
habitare , pro domo ejus sestertium sexagies iden-
tidem promittens. Et Crassus , addicere se , re-
spondit , exceptis sex arboribus. Ac ne uno quidem
denario , si adimerentur , emptam volente Domi-
tio &c. Lapis vetus : Item. Appius. Eutychia-
nus. maritus. ejusdem. Valerianae. scholae. vexil-
lariorum. largitus. est. HS. xxxxx. N. ex. cujus.
summae. redditu. quotannis. die. superscripto.
natalis. ejus. ante. statuam. lectisternium. ex. X.
ccl. ponant. X. ccl. inter. praesentes. sibi.
dividant. Illud vero indignum tanto viro ,
incredibilem & puerilem esse lusum in nu-
mero ternario. Quid enim manifestius ex
Livio ipso , quam religionis nescio quid in
ternario toties repetito & pontifices & se-
natum posuisse ? Plutarchus : Δόλον ἢ τὸ εἰς

τῷτο δὲ πλήθους ἀκραιβείας καὶ Ἀφροδιτῆος χαλεπὸν
 εἶναι εἰπεῖν· εἰ μὴ πρὸς ἄρᾳ βέλοισι τὸ τριάδ
 ὑμνεῖν τὴν δυνάμιν, ὅτι καὶ φύσις τέλειται, καὶ περὶ
 τῷ τὸ πᾶσι τῶν, ἀρχὴ τε πλήθους ἐν αὐτῷ, τὰς τε
 πρώτας Ἀφροδιτῆος, καὶ τὰ πάντες ἀφροδιτῆος
 μίξας καὶ συναρμύσας εἰς ταῦτόν ἀνείληφε. Pleni
 veterum libri sunt hujus superstitionis. Quis
 ignorat, *numero deus impare gaudet*? Quis
 autem unquam colendorum superum ritus
 fuit, in quo diverso ritu imbutis non aliqua
 ridicula & puerilia apparerent? Ne unicum
 quidem & solum nunc divinum Christia-
 num excipio. Annon fatetur Apostolus na-
 tionum Χριστὸν ἐσαυρωμένον Ἰουδαίοις καὶ σκάν-
 δαλον, Ἑλλήσι δὲ μωρίαν; & placuisse Deo δὲ
 τὴν μωρίαν δὲ κηρύγματι τὸ σωσθαι τὸν πιστόντας;
 Quid de illis dicemus, quæ mera sunt homi-
 num commenta & ludibria? De *triente*, si
triens non potest intelligi nisi assis nomi-
 smatis, quomodo oblitus est adeo hujus præ-
 cepti, & sui ipsius, ut in rationibus ad fester-
 tium conficiendis *semissem*, quem Mæcianus
 simpliciter dixerat pro dimidiato assis, acce-
 perit pro dimidiato festerzio, & propterea
 falsus sit se non intelligere, qui Mæcianus
semissem vocaverit *octavam festerzii partem*?
 Ita ne *semissts festerzii* potest esse pars dimidia
 festerzii, *triens denarii* non potest esse pars
 tertia denarii? Immo utrumque bene dici
 suo loco, non tantum ex illis constat, quæ
 ad

ad Volusii locum disputavimus, sed etiam inde quod veteres omnia alia per partes assis partiri solerent. Nam quod *sestertia* dixisse illum ait more Romano; nisi Romano more locutus fuisset, nec nos nec qui ante nos, hac auctoritate usi fuisset. Abit tamen a Livio Plutarchus, & hic ejus vix excusabilis error. Verba Livii lib. xxi. cap. x. *Ejus rei causa ludi magni voti æris trecentis triginta tribus millibus trecentis triginta tribus triente*. Sic enim omnino scribendum adsentimus Budæo & Scaligero, satisque monstrat etiam in illa diversitate Plutarchus, quicquid occen- tet Hotomannus. Hæc summa est trium millium trecentorum triginta trium coronatorum nostrorum & aliquantuli æris excurrentis. *Trecenta millia æris*, nummum sestertium centum viginti millia, tria millia coronatorum : *triginta tria millia æris*, sestertium tredecim millia ducenti, coron. vel Philippei nostri trecenti triginta : CCCXXXIII *asses cum triente*, nummi CXXXIII præterpropter, coronati tres, & illud quod dixi æris excurrentis. Quam summam ita liceret Græce reddere: ὑπὸ ἀσσαρίων τριακοντίων τριάκοντα τριῶν χιλίων τριακοντίων τριάκοντα τριῶν. Sed hoc totum ῥωμαϊζέ. Paulo ἐκλίμικώπερον ὑπὸ ἀσσαρίων τριάκοντα τριῶν μυριάδων, τριακλίων τριακοντίων τριάκοντα τριῶν. In drachmis servata religione ternarii commodius &

omnino

omnino Græce concepisset, quod efficitur, nempe *τρεῖς μυριάδες τριγίλιας τριακσίας τριάκοντα τρεῖς δραχμαί*. Itaque si non alio usus est auctore Plutarchus, qui, studio præpostero laudandi magnificentiam Romanam, summam auxerit, (quales non semel carpit ipse Livius) aut in valde corruptum Livii codicem incidit, satis mirari non possum, quod glaucoma oculis ejus obstiterit, ut priorem summam trecentorum triginta trium millium de sestertiis, posteriorem trecentorum triginta trium de denariis acciperet. Scaliger in Plutarcho librarii vitium esse contendit, refingitque : ὑπὸ σησερλίων τριακσίων τριάκοντα τριῶν χιλιάδων καὶ τριακσίων τριάκοντα τριῶν. Sed & sic peccat. Primo interjiciendo *χιλιάδων* tollit nobis sibi que ipse præclarum argumentum, quo *sestertia* mille nummis æstimari & ipse collegerat, inque eo contrarius est sibi : etsi videatur hic voluisse sancire exemplum *χιλιάδων* illius *σησερλίαις*, quam somniaverat, quamque omni exemplo veterum destitui olim diximus. Deinde non convenit hæc summa sestertium CCCXXXIII millium trecentorum triginta trium, isti summæ, quam in drachmis concipit Plutarchus : quippe conficiens coronatorum octo millia trecentos triginta tres : *ὅκτω μυριάδας τριγίλιας τριακσίας τριάκοντα δραχμαί*. Aut igitur hæc quoque sic emendanda

danda erat, aut utraque summa intacta relinquenda. Deinde quod ridiculum censet, postquam sestertiorum meminisset, totidem denarios pro minore summa subicere, profecto faceret ridicule, qui faceret ignarus denarium quatuor sestertios complecti. Sed non id fecit Plutarchus, qui, quod ipse non negat, *sestertia* intellexit pondera argenti, mille nummis singula constantia, *denarios* autem nummos. Rualdus ait optime vidisse Scaligerum, vulgatis Livii codicibus addendum: CCCXXXIII *denarius triente*. Atqui non vidit hoc Scaliger: sed nec voluit nec debuit videre. Nam nihil hic per *denarios* Livius, qui omnem summam ære computaverat. CCCXXXIII (scilicet, *aris*) *triente*, voluit interponi Scaliger: & recte. *Denarios* hic finxit Plutarchus, si auctorem alium non habuit, ut prius *sestertios* finxerat, per quos servata religione ternarii numeri exprimere totum non poterat. Plutarchi summam ait Rualdus facere vicies mille octingentas nonaginta sex libras Turonias: & scutatum facit trium librarum Turoniarum. Erunt igitur harum viginti quinque millia septuaginta quatuor, hac ipsius computatione: hic enim numerus fit ter ductis octo millibus trecentis quinquaginta octo: qui scutatorum numerus fuerat. Falsam illam, quam concepit, Livii summam CCCXXXIII *millium*

lium aris, CCCXXXIII *denariorum*, facit respondere libris Turoniis non pluribus quam centenis nonagenis, & quidem iuxta & argyrognomica computatione. At *trecenta triginta tria millia aris* faciunt, ut diximus, scutatorum tria millia trecentos triginta tres, librarum Tur. (ut tres dentur scutato) novem millia nongentos nonaginta novem: *trecenti triginta tres denarii* scutatos triginta tres & tres denarios, libras Tur. quasi centum. Quæ conjunctæ summæ faciunt librarum Tur. decem millia & nonaginta novem. Denique summæ Plutarchicæ & Livianæ discrimen addit esse decies mille octingentas sex libras Turonias, vel scutatos ter millenos sexcenos binos. Immo est scutatorum quinque millium & viginti quinque. nam si huic summæ addas tria millia trecentos triginta tres, quæ summa Livii est, habebis summam Plutarchi octo millium trecentorum quinquaginta octo. Hæc peccavit homo eruditus eopse loco, ubi Sigonio non intellectæ rei nummaricæ suspicionem movet. Tanto proclivius est alios accusare, quam quæ alii in nobis accusent, cavere.

C A P. III.

Liberalitas quorundam principum in remittendis veteribus ararii debitis. Ausonius tentatus. Immanis

nis trepidatio. Posse legi & lituras. Monumenta. Tacitus restitutus. Obliterata ararii nomina. Cognitores mollius, qui alias delatores & quadruplatores. Manilii vexatissimus locus ad limam revocatus. Cognitor defensor aliena litis, praesentium fere, & ultro. Noscere, docere, discere causam. Asconio & Festo lux. Noscere causam, pro, excipere accusationem. Plautus & Cicero explicati. Auctor. Auctor civitatis pro Syndico vel defensore. Horatius correctione prohibitus. Hasta pratoris. Pratores ararii. Lucrum infame & quandoque suppuraturum. Seneca & Tacitus insignibus locis aduti. Cognitura. Suetonius illustratus. Cognitores & sectores interdum iidem, certe manubiarum socii. Exdixit. Glossarium vetus expositum. Cognitor urbis. Falciferi defendere templa Tonantis, an Sonantis, quid Martiali. Lucrari pœnam. Digito juvare hastam. Iuvare versura. Cicero tentatus. Patria fraudati debitor aris. Ponere forum. Gaudere Lyao.

L Argitionem & coitiones, nummos pronuntiatos, empta suffragia, nummarios judices, conviviis gratiam quæsitam & propinationibus summum jus nundinantes, & inopi ærario divites quæstores, trahentes, vexantes pecuniam, furentesque in damna, denique venales populos, venales curias, & quicquid de ambitu, peculatu, residuis, repetundarum & Cincia legibus, quicquid sumptuariis prohibetur, ne nostra quidem ætas inter cætera probra ferre desiit. At justæ piæque liberalitatis & animi munifi-

centiæ, qua in publicum, qua in privatos bonos, maxima quæque & laudatissima, quibus cœlotenus extollit caput antiquitas, exempla exoleverunt. Vnum tantummodo genus saluberrimæ popularitatis jam antea memoratum repetam, quum Hadrianus Augustus *sestertium novies millies* (sunt nummi nostri ducenties & vicies quinquies centena millia coronatorum, viginti duo & dimidiatus milliones) debitum fisco remisit, syngraphis in foro D. Trajani, quo magis securitas omnibus roboraretur, incensis, ut attestatur Spartianus. Cui animi magnitudini quid nostra aut avorum memoria, non summa, sed titulo tantum muneris habet comparandum? At non ille solus ex priscis tot hominum millibus σωτήρ ἢ ἀγαθὸς πατριάρχης. Præiverat primus Augusti nominis, de quo Suetonius: *Tabulas veterum ararii debitorum, vel præcipuam calumniandi materiam, exussit*. Secutus est Marcus. Dio: Καὶ τοῖς ὀφειλοσὶ π τῷ βασιλικῷ ἢ τῷ δημοσίῳ πᾶσι πάντα τὰ ὀφειλόμενα ἀφῆκεν, ὅπο ἐτῶν ἕξ ἢ τεσσαρὲν ἔχοντα, χωρὶς τῶν ἐκκαίδεκα ἔ Λ' ἡδρανῶ· καὶ πάντα τὰ πρὸ αὐτῶν γράμματα ἐν τῇ ἀγορᾷ καυθίσαι ἐκέλευσε. Meruit eundem titulum Aurelianus. Vopiscus: *Item quadruplatores ac delatores ingenti severitate persecutus est: tabulas publicas ad privatorum securitatem exuri in foro Trajani semel iussit*. Aurelius Victor:

Dele-

Deletæque fiscales & quadruplatorum calumnia, consumtis igni tabulis monumentisque hujusmodi negotiorum. Meruit Constantinus, ad quem Eumenius rhetor Flavienſium nomine : Septem millia capitum remiſiſti, quartam amplius partem noſtrorum cenſuum : & tamen, utrum ſufficeret hoc nobis, ſæpius requiſiſti. Remiſſione iſta ſeptem millium capitum viginti quinque milibus dediſti vires, dediſti opem. Meruit & Iulianus, cujus eſt lex III. Cod. Theod. de indulgentiis debitorum : Omnium titulorum, ſive qui ad inluſtres viros præfectos prætorio, ſive qui ad largitiones noſtras pertinent, uſque in conſulatum primum clementia noſtræ, reliqua univerſa concedimus. Atque ut ipſa memoria reliquorum intercidaſt, chartas omnes, ſive quas tabularii civitatum, ſive officia judicum, ſive officium palatinum, ſive diſcuſſores habent, quibus tamen ejus temporis & debitorum nomina & debita continentur, undique in medium congregata palam flammis jubemus aboleri. Nec Gratianus hujus laudis immunis. Auſonius : Vel unum illud cujuſmodi eſt de condonandis reſiduis tributorum ? quod tu quam cumulata bonitate feciſti ? Quis unquam imperatorum hoc provinciis ſuis aut uberiore te indulgentia dedit, aut certiore ſecuritate proſpexit, aut prudentia conſultiore munivit ? &c. Tu argumenta omnia flagitandi publicitus ardere juſſiſti. Videre in ſuis quæque foris civitates conflagrationem ſalubris

incendii : ardebant stirpes fraudum veterum , ardebant seminaria futurorum. Iam se cum pulvere favilla miscuerat , jam nubibus fumus involverat : & adhuc obnoxii in paginis concrematibus ductus apicum & sestertiorum notas cum juventia de ratione cernebant , quod meminerant legi posse & veteres. In postremis mendum manifestarium. Hotomannus : cum denariaria ratione cernebant quas. Conjiciebam : cum immani trepidatione : sive ingenti vel insana majoris. Dein vidi & Scaligerum voluisse : cum titubantia & trepidatione. Finem Acidalius ita concinnabat : quod meminerant lectum , legi posse etiam verentes : vel , legi id posse veteras. Veniebat in mentem : legi posse & lituras : taciteque carpi aliquem maligniorum principum , qui quod decessor ejus remiserat , & in tabulis publicis cancellaverat induxeratque , recognitum e fugientibus literis exegit. Aut habuit ante oculos Claudii censorium dictum , cum orantibus familiaribus demisset cuidam appositam notam : Litura tamen exstat : Suetonius cap. xvi. Nec silendus Majorianus , extremum lumen occidentis imperii : cujus superest Novella de indulgentiis reliquorum , & in ea : Sancimus universorum fiscalium titularum , vel ad arcam magnificentiae tuae vel ad utrumque ararium pertinentium , reliqua usque ad praesentis undecimae indictionis initium a possessoribus non petenda , quae sub generalis indulgentiae

dulgentia beneficio relaxamus obnoxii. Etiamne Nero in hunc annulum conscribendus? Tacitus lib. xiii annal. cap. x xiii. Ejus accusationis auctor exstirpit Patus quidam, exercendis apud ararium sectionibus famosus, & tum vanitatis manifestus, &c. Exiliumque accusatori irrogatum, & tabula exusta sunt, quibus oblitterata ararii monumenta retrahebat. Scio monumenta dici literas etiam publicas. Sed quid sit tabulis retrahere oblitterata monumenta, non intelligo, etsi transeant eruditi, ceu nemini obscurum. Eodem jure dicam monumentis retrahere tabulas, & libris codices, codicibusque libros. nam hæc monumenta & tabulae res eadem. Cicero pro domo de scriptis pontificum: quos a libidinosa sententia certum & definitum jus religionum, vetustas exemplorum, auctoritas literarum monumentorumque deterret. Livius lib. x xvi. de fœdere Ætolico: Hæc convenerunt, conscriptaque biennio post, Olympiæ ab Ætolis, in Capitolio ab Romanis, ut testata sacratis monumentis essent, sunt posita. Nihil hæc juvant fatuam illam scripturam. Suspicio autem Taciti fuisse: quibus oblitterata ararii nomina retrahebat. Quæ non sunt aliæ quam ex Suetonio commemoratæ tabulae veterum ararii debitorum, quarum ille prætextu calumnias struebat. Ammianus Marcellinus lib. x xvi de Petronio: debita jam inde a temporibus principis Aureliani

perscrutans, & impendio mærens, si quem absol-
visset indemnem. Et inferius: qui sepulta jam-
dudum negotia & redivivas tabulas debitorum in
diversos ordines excitabant. Symmachus lib. x.
epist. l. Amicus & Castor, quaestus publicos eru-
entes, inter cætera nomina, quæ judicio perse-
quuntur. Vide eundem epist. l. v. Duplicem
Cæsareæ liberalitatis causam ponit Procopius in arcana historia: Πρῶτα μὲν εἰδοσιμὸν
ὃν ἐκ παλαιῶ ἑκάστον πλὴν Ῥωμαίων ἀρχὴν ἔ-
χοντα, ὃς ἅπασι μόνον, αἰτιά ἢ πολλὰς τοῖς τῶν
δημοσίων ὀφλημάτων λειψάνοις σὺν κατηγόροις
δωρεῖσθαι πένιας, τὸ μὴτε σὺν ἀπορριμμένοις τε, καὶ
ὅθεν ἂν ἐκλίνοιεν τὰ λείψανα ταῦτα ἐδάμῃ ἔχον-
τας διωκὲς ἀποπνίγεσθαι, μὴτε τοῖς φορολόγοις
σκήψεις παρέχεσθαι συσφανεῖν ἐγχειρᾶσι τῶν
φόρων ὑποτελῶν σὺν ἐδὲν ὀφείλοντας. Erat ge-
nus hominum specie commodorum ætarii
vel fisci sua commoda comparantium, (quip-
pe & præmiis invitatorum, quasi essent le-
gum custodes ærario augendo inventarum,
ut de Papia Poppæa loquitur Tacitus) qui
præfectis subiciebant obnoxios multatis aut
debitorum vel veteres vel latentes. Alii dela-
tors & quadruplatores; qui mollius, aut ipsi
se cōgnitores appellabant: quorum nonnulli
quia damnatorum subhastatorumque etiam
bona coëmebant, iidem & sectores erant &
dicebantur. Ex hac nota fuit Pætus iste,
exercendis idem apud ærarium sectionibus famo-
sus

sus & veterum ærarii debitorum persecutor.
De his pervagatus est Manilii locus, quem
viri summates, quorum etiam lusus seria du-
cere solent, quasi pilam datatim exercendo
hoc consecuti sunt, ut ipsi ab eo pro pilis ha-
berentur. lib. v :

*Non ullo careat digito, quaque iverit hasta
Desueritque bonis sector, prædamque lucretur
Noxius, & patriam frandarit debitor æris.
Cognitor est urbis. Nec non lascivit amores
In varios, ponitque forum, se datque Lyæo.*

Sic Scaliger, cum legeretur : *Non ullos curant
digitos : &, Cognitor est. Verbis nec non : &
madetque Lyæo.* Quamdiu, inquit, sub hoc
signo natus supererit, nunquam decrit, qui
in sectionibus tollat digitum : nunquam illo
vivente peculatum quisquam fecerit, aut re-
petundarum reus evaserit. *Cognitorem & se-
ctorem* esse pœne eundem : nempe qui se-
ctionibus præsit, cujus munus *cognitura* : est
ergo proprie, inquit, qui compendii sui cau-
sa nullum non genus manubiarum experi-
tur. Negari nequit, duo egregie hic anim-
advertisse Scaligerum : alterum, cum ritum
licendi elato digito in auctionibus usitatum
huc accommodavit : alterum cum *cognitorem*
fecit *urbis*. Attamen Salmasio de M. V. cap.
xviii. versus hos Scaliger magis corrupisse
videtur, legenti : *Non ullos curans digitos : &
Adfueritque.* Sic autem interpretatur : Qua-

„rumque iverit hasta proscriptionum & au-
 „ctionum, & bonis sector adfuerit; non ullos
 „curans digitos, eorum nempe, qui sublati
 „digitis profitentur se redemptores esse ac se-
 „ctores bonorum hastæ subjectorum; *cogni-*
 „*toris* officio fungitur ad eum defendendum,
 „cujus bona publice veneunt. Item *cognito-*
 „*rem* se & illi præbet, qui criminis alicujus
 „reus bonorum confiscatione pœnam lucra-
 „tur aut redimit, & pro eo, qui peculatus aut
 „pecuniarum repetundarum tenetur aut de
 „residuis ob administratam pecuniam publi-
 „cam. In hisce sunt quædam, quæ nullo modo
 tolerari possunt. Primo *cognitorem* ponit ad-
 versarium hastæ & sectori. Sed nec ipse, nec
 Turnebus, nec Scaliger, nec Heraldus (pace
 tantorum hominum dixerim) quidquam de
 illo sani attulere. Turnebus, qui primus
 pro *consuturis* apud Suetonium e libris anti-
 quis *cognituris* restituit, interpretatur procu-
 rationes, cum hominum in foro esset cog-
 nitor & procurator. Scaliger nullum non ei
 manubiarum genustribuendo, certum ali-
 quod tribuere scisse negat: & *cognitura* Sue-
 tonii non est ejus *cognitoris*, cujus meminit
 Ovidius, quum canit:

Aptius hæc capiant vadimonia garrula cera,

Quas aliquis duro cognitor ore legat.

Heraldo *cognitores* sunt sectorum prædes.
 Quod idem notaverat Salmasius cap. xvi.

Qui

Qui sectionem , ait , bonorum redimebant , *notores* sive *cognitores* dabant , qui pro se publico sponderent atque intercederent : qui *cognitores* plerumque & participes lucri , ut *socii* , cum sectoribuserant. Sed eam significationem a Manilio arcuerat. Nunc Bonum Factum , ut nos quid probabilius. Alconio Pediano , qui defendit alterum in iudicio , *cognitor* dicitur , si *presentis causam* novit , ac sic tuetur , ut suam. Latet aliquid Romani in illo , *causam* novit. Quis enim nostrum in ea re sic locutus fuisset ? Novit igitur *causam* forte , qui , ut alioqui loquuntur , didicit. Nam docet *causam* , cuja res agitur , quum pro se acturum instruit : discit , qui defensus est. Cicero lib. VII. famil. ep. xx. *Silii causam te docui*. Seneca in nobili fragmento apud Augustinum lib. VI de Civ. Dei cap. x. *Sunt qui ad vadimonia sua deos advocent : sunt qui libellos offerant , & illos causam suam doceant*. Plinius lib. III. epist. IX. *legatos interrogabam , docuissentne me aliquid , quod re probari posse considerent*. Sic discere. Cicero lib. II. de orat. *Nihil est negotii huiusmodi causam cognoscere*. Recte igitur de causa discenda nihil precipitur. Et rursum : nisi forte existimatis a Manio Curio causam didicisse L. Crassum. Lib. x. famil. epist. xxvi. *O mi Furni , quam tu causam tuam non nosti , qui alienas tam facile discas*. Plinius dicta epistola :

Indicavimus senatui, ex Norbano didicisse nos publicam causam, rursusque debere ex integro discere, si ille pravaricator probaretur. Sic iudex quoque, cum audit & cognoscit, discere dicitur. Seneca in ludo de morte Claudii: Quo non alius Potuit citius Discere causas, Vna tantum Parte audita. Sape & neutra. Gellius lib. II. cap. IV. in aliis quidem causis iudex ea quæ didicit, quæque argumentis vel testibus demonstrata sunt, sequi solet. Ita enim legendum est ex optimo Ms. idque ex vet. editione jam monuit Guil. Ranchinus. Potes & interpretari, causam accipit, ut aliter noscere causam, nec minus eleganter, est accipere vel admittere excusationem. Plautus Truculento a. II. sc. I:

Nunquam amatoris meretricem oportet causam noscere,

Quin, ubi nihil det, pro infrequentē eum mittat militia domum.

Vbi dormiunt explicatores. Causas noscere dicebantur magistratus populi Romani in delectu, scilicet illorum, qui se a militia immunes esse dicerent: tum enim accipiebant excusationes, non accipiebant nomina illorum, qui justam vacationis causam proferrent: qui non justam, eos cogeant nomina dare. At in re atroci & subita pronuntiabant se non vacare noscendis causis immunitatum, sed facturos id bello perfecto cum

gravi-

gravibus minis in eos, qui justam non habuisse judicarentur. Livius lib. III. *Consensu omnium delectus decernitur, habeturque. Quum Coss. pronunciaissent, tempus non esse causas cognoscendi: omnes juniores postero die prima luce in campo Martio adessent: cognoscendis causis eorum, qui nomina non dedissent, bello perfecto se daturus tempus: pro desertore futurum cujus non probassent causam: omnis juvenus adsuit postero die. Eodem pertinet hoc lib. IV. Simul edicitur & justitium: neque aliud tota urbe agi quam bellum apparari: cognitio vacantium militie munere post bellum differtur. Quod libro VII dicit delectum sine vacationibus habere. Hujus generis sunt & quæ lib. XXVII. cap. XXXVI II: narrantur. Sic & eorum, qui militantes missionem honestam aut causariam petebant, causæ noscebantur. Livius lib. XXXIV. Quum milites, qui in legionibus urbanis erant, frequentes tribunos plebis adiissent, uti causas cognoscerent eorum, quibus aut emerita stipendia, aut morbus causa essent. Cælius lib. VIII. famil. Ciceronis epist. VII II. de militibus, qui in exercitu Cæsaris sunt, qui eorum stipendia emerita causas, quibus de causis missi fieri debeant, habeant, ad hunc ordinem referri, ut eorum ratio habeatur, causæque cognoscantur. Ita & victores illorum, qui ambigui fuissent socii, aut plane in hostium partibus, ita tamen, ut haberent, cur clementiam sperarent, causas noscebant.*

Livius lib. xxx. Dictator Sulpicius reliquum
 annicum M. Servilio magistro equitum, circum-
 eundis Italiae urbibus, quae bello alienatae fuerant,
 noscendisque singularum causis consumpsit. Cice-
 ro lib. xi. ad Attic. epist. vii. se audivisse Ca-
 ronem & L. Metellum in Italiam venisse, Roma-
 ut essent palam: id sibi non placere, ne qui motus
 ex eo fierent: prohiberique omnes Italia, nisi quo-
 rum ipse causam cognovisset. At in hac cogni-
 tione, etsi haud dubie non omnium valerent
 causae, sed etiam quaedam rejicerentur, ta-
 men, quia plures valerent, in benigniorem
 partem coepit hic sermo usitari, ut noscere
 causam & plerisque istis locis sit probare, ac-
 cipere excusationem, & ante omnia Plauto.
 Cui simillima sunt Ciceronis lib. i. de legi-
 bus. Ego vero atatis potius vacationi confide-
 bam: cum praesertim non recusarem, quo minus
 more patrio sedens in solio, consulentibus respon-
 derem, senectutisque non inertis grato atque
 honesto fungerer munere &c. Atqui vereor, ne
 istam causam nemo noscat, tibi que semper dicen-
 dum sit. Et appellata ad Atticum epistola:
 Quod te excusas, ego vero & tuas causas nosco,
 & mea interesse puto te istic esse. Haec ad Asco-
 nii & tot aliorum lucem. Festus: Cognitor
 est, qui litem alterius suscipit coram eo, cui datus
 est: procurator autem absentis nomine auctor sit.
 Ut Asconius praesentis, ita Festus coram eo.
 In membr. Basil. legi rem & nō tē litem &
 actor

auctor αὐτὸς τὸς *auctor*, testatur Barthius. Prius speciem habet. Sed *auctor* interdum qui pro alio gerit atque agit, ut *pupilli auctor* tutor. Cicero pro Flacco : Nam ut *signum publicum* inspexit *præclarus iste auctor suæ civitatis*, solere suos cives *caterosque Græcos ex tempore*, quod opus sit, *obsignare ait*. Et mox : si hunc habent *auctorem Tralliani doloris sui*, si hunc *custodem literarum*, si hunc *testem injuriæ*, si hunc *auctorem querelarum*. De quo superius : *Trallianos Mæandrio causam commisisse*. Quasi *Syndico* aut *Defensori*. *Cognitor* igitur, qui præsentis in urbe vel conventu, ubi *judicium agitur*, partes suscipit, & quidem sponte se offerens. Horatius lib. II. Sat. v.

*Magna minorve foro si res certabitur olim,
Vivet uter locuples sine gnatis, improbus ultro
Qui meliorem audax vocet in jus, illius esto
Defensor. ——— ire domum, atque
Pelliculam curare jube. si cognitor ipse.*

Vbi pervertit sententiam Gifanius legendo : Si cogitor ipse? Persta atque obdura. At si, ut apud Plautum : *sitæ ludii barbari*. His discriminibus a *procuratore*, qui absentis, nec sine mandato ; aliis a *patrono* & *advocato* distinguitur. Asconius alibi & Donatus in *Adelphos Terentii* addunt, potissimum in *causa status*, quum quis patitur *controversiam*, an sit *ex civibus*. Et interdum a prætore dabatur. Sufficit nunc nobis *defensorem* esse vel suscepto-

ceptorem alienæ litis, plerumque præsentis & voluntarium. Nam a Verre, libro in eum secundo, *datum* Sthenio absenti *cognitorem* scribit Cicero, & Ovidio *duro cognitor ore* laxius dicitur. Cicero pro Cæcina: *mulierum adfentatoris, cognitoris viduarum, defensoris nimium litigiosi, conciti ad rixam*. Pro Roscio: *Quid interest inter eum, qui per se litigat, & qui cognitor est datus? Qui per se litem contestatur, sibi soli petit; alteri nemo potest, nisi qui cognitor est factus*. Divinatione: *me ultorem injuriarum, me cognitorem juris sui, me actorem causæ totius esse voluerunt*. Livius lib. xxxix, ut solet, elegantissime: *ne suas quidem simultates pro magistratu exercere boni exempli esse; alienarum vero simultatum tribunum plebis cognitorem fieri, turpe & indignum collegii ejus potestate & sacratis legibus esse*. Ab hac significatione sumptum est, ut delatores & quadruplatores & ἐνδείκται honestiore vocabulo dicerentur *cognitores*, tanquam qui causas ærarii & fisci, atque ita populi & principis, susciperent sponte ac tuerentur, cujus operæ pretium partes de proscriptorum bonis consequebantur. Atque huic lucro quia adjungebant ex illis plurimi, ut & ab hasta, quam crexerant, emerent, ideo persæpe iidem *cognitores* qui *sectores*: quod etsi non facerent, tamen erant cognati & socii participesque manubiarum & lucri ex aliena calamitate.

Sunt-

Suntque hi proprie, quos hasta pratoris infami lucro, & quandoque suppurato, exercebat, ut loquitur Seneca de brev. vitæ cap. xi. Recte pratoris: nam ab his tum curabatur ærarium. Tacitus lib. xiii annal. Dein princeps curam tabularum publicarum a quæstoribus, ad præfectos transtulit. Varie habita ac sæpe immutata ejus rei forma. Nam Augustus permisit senatui deligere præfectos. dein ambitu suffragiorum suspecto, sorte ducebantur, ex numero pratorum qui præessent. neque id diu mansit, quia fors deerrabat ad parum idoneos. Tunc Claudius quæstores rursus imposuit, iisque, ne metu offensio- num segnius consularent, extra ordinem honores permisit. Sed decrat robur ætatis eum primum magistratum capeffentibus. Igitur Nero prætura perfunctos & experientia probatos delegit. Hi ipsi sunt, de quibus Tacitus lib. i v. histor. Prætores æarii (nam tum a pratoribus tractabatur ærarium) publicam paupertatem quæsti. Neque necesse est suspicari cum Lipsio, per bella civilia, & Principe nullo Romæ, iterum prætores esse præfectos, diversos a prætura perfunctis. Quam diu enim Princeps nullus Romæ per ista bella civilia? Prætores autem æarii dicuntur, quamvis relatione ad alteram præturam prætorii vel proprætores, ut omnes, qui provinciis præfuere post judicia publica constituta. neque enim in provinciam ibant, nisi post præturam in urbe gestam.

ed be
com
pe eq pe
be ed be

gestam. itaque pro prætoribus aut prætorii
erant proprie, & tamen *pratores* hujus vel
illius provinciæ vocabantur. Frustra igitur
& P. Faber, vir summus, apud Senecam,
hasta præconis, lib. 11. Semestrium. Porro il-
lud genus hominum, quod significare An-
næum dixi, circa prætoris hastam districto-
rum, invisum erat omnibus: unde data oc-
casione patiebantur sine cujusquam miseri-
cordia, quæ aliis fecerant. Hinc elegantissi-
me Seneca illorum lucrum vocat *infame &*
quandoque suppuraturum. Parum feliciter
hunc locum viri docti tractarunt. Rævardus
missos in bona decreto prætoris intellexit:
Gothofredus centumviros & judices, quasi
avaros & venalem habentes sententiam:
Gruterus captatores testamentorum, quia
hæreditatum causæ apud centumviros age-
bantur. Lipsius cautius ille quidem nullos
destinando, & aliquid dicit conveniens sup-
puraturo lucro: quia, interdum, inquit, mu-
tatio rerum, & rescinduntur quæ sic gesta.
Sed anguste nimis. Immo nihil frequentius,
quam sub eodem Principe, nulla mutatione
rerum, nullo judicio infirmato, delatores &
sectores alienorum bonorum sua exempla
passos, hoc est, delatos & sub hastam ivisse.
Acervi exemplorum apud unum Tacitum.
Quod igitur persæpe, qui accusaverant, per-
mixti essent redemptorum societatibus, ea
ratio

ratio est, cur *cognituras* & *sectiones* conjunxerit Suetonius in Vitellio cap. II. *cujus filius cognituris & sectionibus uberius compendium nactus. Cognituris*, id est, delationibus ad ærarium aut fiscum. In Domitiano cap. IX. *Fiscales calumnias, magna calumniantium pœna, repressit: ferebaturque vox ejus: Princeps, qui delatores non castigat, invitat. Capitolinus de Marco: Delationes, quibus fiscus augetur, contempsit. Quam explicationem tam commodam & obsequentem & expeditam omnes adhuc eruditi ad illum Suetonii locum magis circumierunt quam attigerunt. Hinc etiam Tacitus, quem sectionibus apud ærarium famosum dicit, eundem obliterated ærarii nomina retraxisse ait, quod prorsus cognitoris est hac significatione. Hinc intelligas licet eruditam Glossarum veterum annotationem: Cognitor, *ἐκδικῶ*. Nam hi *Ecdici* & defensores civitatum erant, & in primis etiam publicas pecunias curabant & persequabantur. Plinius lib. X. epist. CXI. *Ecdicus, domine, Amisenorum civitatis petebat apud me a Iulio Pisonē denariorum circiter quadraginta millia, donata ei publice ante viginti annos & bule & ecclesia consentiente; nitebaturque mandatis suis, quibus ejusmodi donationes vetantur. Qui locus & ad plura, quorum mentionem fecimus hoc capite, est opportuus. Habes enim plane nomen vetus & obliterated persequen-**

quentem. Cicero lib. xiii. famil. epist. lvi. *Mylasi & Alabandenses pecuniam Cluvio debent. Dixerat mihi Euthydemus, cum Ephesi essem, securaturum, ut ecclici Mylasi Romam mitterentur. Id factum non est: legatos audio missos esse: sed malo ecclicos, ut aliquid confici possit. Agnosceis hinc denique, quam bene copularit sectorem & cognitorem Manilius, quam non potuerit defensorem huius rei facere cognitorem, qui custos legum & defensor ærarii audire vellet, quam denique scite dixerit cognitorem urbis. Nam hoc quoque accidit humanitus viro maximo, ut rejiceret Scaligeri: *Cognitor est urbis*. At verius hoc doctiusque profectum a Scaligero, quam ipse scivit. Quid enim: *verbis nec non lascivit amoris In varios?* Cur potius *verbis* facere dicitur, quod multo gravius exercet factis? Certe non est mica falsis in eo vocabulo. Tamen hoc tuetur Salmasius, & permovet Heraldum, ut & ipse periodum sic abrumperet: *Cognitor est*: & eidem insultat, tanquam ingratis aliquid suum approbanti, fraudemque non ferendam appellat nomen auctoris in ea re dissimulatum. Immo *cognitor* hac notione plane est *cognitor urbis*, seu defensor juris populi, cujus est ærarium: cujus commoda qui persequitur, urbis causam sustinet. Sic Horatius: *Si queret, Pater Urbium, Subscribi statuis*. Sic Lucanus de Catone: *urbi pater est, urbique**

*urbique maritus. Hos ærarium defendere ait
Martialis lib. v. Epigr. xvi.*

*Nam si falciferi defendere templa Tonantis,
Sollicitisque velim vendere verba reis,
Plurimus Hispanas mittet mihi nauta metretas,
Ac vario fiet sordidus ære sinus.*

Explicant : si velim patronus causas defendere in foro , ubi Saturni falcem ferentis ædes. Nimis laxè. Certum enim genus causarum , & maxime fœcundum pecuniæ tractantibus designat Martialis. Si *velim defendere ærarium Saturni*, id est, causas agere, quæ locupletant ærarium ; accusare illos , a quibus multa vel alio nomine petitur ærario debitum : aut iisdem patrocinari. Fortassis etiam *falciferi non Tonantis*, sed *Sonantis* fecit Martialis, ob æs ibidem numerari solitum. Hoc tunc promiscuum erat, & licebat occupanti , quum nullus esset fisci advocatus, quem primus Hadrianus instituit, teste Spartiano. Quis præterea, *pœnamque lucretur Noxius*, intelliget, criminis reus bonorum confiscatione pœnam lucratur ac redimit ? Quid audio ? *lucrari pœnam*, est confiscari ? At nullam ego hujus criminis graviolem pœnam putabam. Certe pœna est confiscatio , non modus lucrandi pœnam : neque hasta quidquam aliud persequitur. Hostibus hæc pœnarum lucra , quibus qui potitur , *huic acerbissimum vivo videntique funus ducitur : si funus*.

*id habendum sit, quo non amici conveniunt ad exsequias cohonestandas, sed bonorum emptores, ut carnifices, ad reliquias vitæ lacerandas & distrabendas, ut præclare Cicero in Quintianæ. Super hoc cognitoris officio dicit fungi aliquem ad eum defendendum, cujus bona publice veneunt. At hasta jam fixa, jam digito sectoris sublato, serum eoque nullum est defensoris officium: necesse est enim præcessisse condemnationem & rem judicatam esse: itaque talem cognitorem potius nihil moraretur, qui digitum sustulisset, quam sublato digito nihil curaret cognitor. Ne dicam de compositione tota orationis & illo minime molli flexu pluralis in singularem; ubi post *feruntur*, sequitur *cursans & est*. Ergo non miror Heraldum Scalligeri prætulisse sententiam, nisi quod de suo *cognitores* fecit sectorum prædes. Reliquus sensus est omnino melior, modo ex verbis sic conceptis colligeretur: quod recte reponit Heraldus Salmasius, & in ea retractatione vidit, *pœnam lucrari* non posse dici confiscatum: itaque nunc eum facit absolutum. Cognitor, inquit, erit, sive reus pœnam lucretur, id est, absolvatur, sive patriam fraudarit æris debitor: &, Cognitor erit, qui causam defendat rei lege Julia de residuis, sive condemnabitur & bona ejus hastæ subijcientur, & sectionem eorum manceps redimet;*

dimet ; sive pœnam lucrabitur. & absolvetur, & sic revera debitor æris publici patriam ea pecunia fraudaverit. Sed primò descriptio illa sive condemnati sive absoluti rei, prorsus est inanis & superflua. Deinde ne hoc quidem elici potest ex verbis Manilii, neque particulæ, ET, QUE, significant idem quod *Sive*. Quis enim ita loquentem ferat : *Cognitor tuus ero, & condemnaberis & absolveris* : ut indicet, sive condemnaberis, sive absolveris. Omitto aliorum & Barthii lib. VI. Advers. cap. XXIII. molitiones. Sed illis, quæ diximus, sententia Poetæ sic satis interlucet : de verbis nimium promittere nolumus. Scripserim tamen :

Non illi, crudam digito qui juverit hastam

Defueritque bonis sector, pœnamque lucretur

Noxius, & patriam fraudarit debitor æris.

Cognitor est urbis.

Hoc est, Illi signo, Hædo nimirum, non defuerit aliquis sub eo natus, qui digito tolli parato crudæ ac severæ hastæ adsit, & bonis vendendis emtor vel sector sit : non illi quifquam noxius, vel per illud signum nemo noxius & obligatus reipublicæ fraudati æris nomine pœnam lucratus fuerit atq; evadet : nam & *urbis cognitor*, urbis causarum defensor, accusator delatorque est, qui fisci & ærarii atque ita populi causas persequatur, est eidem illi signo, sive ille ipse qui sector, sive

aliquis sub hoc signo natus. In optimis Mss. habebatur :

Non ullo curam digito qui juverit hastam.

Si *duram* , i. immisericordem , sive *diram* , i. detestandam facere hastam malis , nihil interduim. Sed illud *juverit* haudquaquam debuit mutari. Suetonius Calig. cap. xli. *præbita advenientibus pecunia scænebris , appositique qui nomina palam subnotent quasi adjuvantium Cæsaris redditus*. Vespasiano cap. xix. *Convivabatur assidue , ac sæpius rectæ ac dapfili , ut macellarios adjuvaret*. Plinius lib. viii. epist. ii. *Itaque omnibus quidem partem octavam pretii , quo quisque emerat , concessi ; deinde iis , qui amplissimas summas emptionibus occupaverant , separatim consului. nam & me magis juverant , & ipsi majus fecerant damnum*. Le. v. π. iii. De jure immunit , *Negotiatores , qui annonam urbis adjuvant*. Vides verbum opportunum esse. Cicero lib. iiii. in Verr. cap. lxxxi. *ut cum senatus publicanos usura sæpe juvisset , magistratus a publicanis pecuniam pro usuris auderent auferre*. Vbi cum nihili sit illud *juvare usura* , scribendum puto : *versura sæpe juvisset*. id est , mutuo , & quidem gratuito. nam *versura* mutuum sive gratuitum sive scænebre. Fortassis etiam scripsit Manilius : *& patriæ fraudati debitor aris*. Certe sic rotundior foret sententia. Sequitur :

nec non lascivit amores

In varios, ponitque forum suadetque Lyæo,

Mobilis in saltus & scena mollior arte.

Semper illud, *ponitque forum*, parum commode interferi mihi visum est, vulgari quidem & recepta explicatione. Scaliger, *fori* appellatione quadruplaturam, sectionem & cognituram intelligit: itaque, *ponitque forum*, est illi, abjicit curam *fori*, sectionis & quadruplaturæ. Barthius addit *ponere* esse seponere, ut *ludicra pono*. Salmasius: pro cognitore scenicus existit & foro renunciat: *verbis*, hoc est, diverbiis fabularum in varios amores lascivit & histrionem proficitur. Conjungit, quæ conjungenda non sunt, quasi totum hoc ad histrionem pertineat. In *verbis* interpretandis, quæ male retinet, eruditus nimis est; in *foro* securior. Quis enim melius docere nos poterat, *ponere forum*, esse, in mensa statuere alveum sive tabulam lusoriam, quam qui primus docuit, quid Augusto apud Suetonium sit *forum aleatorium calefacere*? *Ponere* autem, ut *Copa* in *Catallectis*:

Pone merum & talos: pereat, qui crastina curat.

Ovidius lib. 11. *Fast. posito pervigilare mero.*

Æschines contra Timarchum: ἀλλὰ δημέρθεον ἐν τῷ κυβείῳ, ὃ ἡ τηλία τίθεται, καὶ σὺν ἀλεκτρύνας συμβάλλεσσι, ἢ κυβόεσσι. Quam

bene autem amoribus & vino interveniant vel tali vel tessera doceant Plauti *Asinaria* &

Curculio. Denique, *sua detque Lyao*, fecit Scaliger ex Gemblacensis, *suadetque*: antea erat, *madetque*. Barthius, *ponatque forum*, *madeatque*. Salmasius, *sudatque*. Possis: *ponique forum suadetque Lyæum*. Sed simplicissimum puto: *ponitque forum gaudetque Lyao*. Nec difficilis mutatio τῷ *gaudet* in *suadet*. nam S & G facile confudisse veteres librariorum, ad Livium, ubi *senes ἀντὶ τῷ genus*, monstravimus: & Langobardicus character quia primi elementi superiorem angulum habet apertum, (hoc modo, *u*) persæpe inter A & V vix ullam agnoscas differentiam. Manilius infra: *scelerum facie rerumque tumultu Gaudebunt*.

C A P. IV.

Auctor de bello Alexandrino correctus. Pacisci sestertio sexagies. Si ἀντὶ τῷ Et si. Seneca bis defensa vetus lectio, bis restituta. Dare sestertium, pro mille nummum, vel dare sestertia, sine appposito numero non dicebant veteres. Spartianus tentatus. Dare Linguarium. Sestertio centies objurgatus. Dare beneficium Mida. Sestertii millies servus. Hirrii villa, intra modicum, seu modici spatii, quadragies sestertio vendita ob priscinas. Plinio, Varroni, Macrobio subsidium. Infusa culinis arca. Valerio Maximo reddita scriptura sua. Opes, lactura, pro sumptu & donationibus. Martialis, Casar, Cicero prohibiti a corrigendi conatu. Conditiones.

Cassium Longinum, Hispaniæ ulterioris prætorum, cum post omnium contra-

tracta odia etiam passus insidias fuisset eva-
fissetque, refert Alexandrini belli auctor in-
fidiatores captos, nisi qui pecunia se redime-
rent, interfecisse. Nam palam Hs. x. cum Cal-
purnio paciscitur, & cum Q. Sextio quinquaginta. qui etsi maxime nocentes sunt multati,
tamen periculum vita dolorque vulnerum pecu-
nia remissus crudelitatem cum avaritia certasse
significabat, cap. LV. Priorem summam Ho-
tomannus facit CCCICCC, hoc est, cen-
tum millium: quia edebatur antea: CCCICCC:
pro quo tamen Mss. habent x vel decem.
Ciacconius ambiguum relinquit, fuerintne
decem millia, an decies centena millia. Ful-
vius plane facit decies. Narrat eandem rem
Valerius Maximus lib. IX cap. IV, etsi variet
in personis & pro Q. Sextio M. Silium nomi-
net: quinquagies autem sestertium ab illo, ab
hoc sexagies pactus, inquit. Neque aliter Sa-
resberiensis lib. VIII. Policr. cap. xv. apud
quem pro Albino Purnio restituendum Cal-
purnii nomen. In auctore de bello Alexan-
drino deest *et* L ante x, scribendumque:
Nam palam sestertio sexagies cum Calpurnio pa-
ciscitur, & cum Q. Sextio quinquagies. Auctor
declamat. in Sallustium: ne causam diceret,
sestertio duodecies cum Casare paciscitur. Sta-
tim reponit: qui si maxime: ex Mss. & eo-
dem sensu. Florus lib. II. cap. XIX. quae si
iuncta inter se sunt omnia atque confusa, tamen

quo melius appareant, simul & ne scelera virtutibus obstrepant, separatim proferentur. Ita Naz. codex, & audiri debuerunt eruditi, qui probarunt. L. Annæus Seneca lib. IV de beneficiis cap. XXXVI. de illo; qui quid temere & ingrato promiserit: *Si exiguum est, dabo; non quia dignus est, sed quia promisi; non tanquam munus dabo, sed verba mea redimam: ut aurem mihi pervellam, damno castigabo promittentis temeritatem. Ecce, ut doceat tibi, ut postea consideravi loquaris, quod dicere solemus, linguarium dabo. Si majus erit, non committam, quemadmodum Macenas ait, ut sestertio centies objurgatus sim. Ita libri veteres. promittentis, scilicet meam ipsius: nam & mox secum, ut cum alio loquitur: itaque non necesse est, subrogari promittendi. At quod sequitur, irritum habuit eruditissimum P. Scriverium. Tò loquaris ei suspectum vitii est, & magnum illi verbo mendum putat subesse. Quid ita? non potuit auctor exigere secum, seque tanquam alium appellare, ut congruant loquaris & dabo. Sic in Epidico Plauti:*

Nequam homo es, Epidice, qui tibi libido est male loqui?

Quia tute tete deseris. quid faciam? men tu rogas?

Et sæpe sic Comici. Nec infrequentius declamatores. Ut ille: *anime obdura, heri fortior*

tior

tior eras. Dubitat de *linguario*, quia codex unus discerpta voce, *linguari juri*. Ergo conjectura: *ut postea consideratius loquar*, H. S. *quod dicere solemus, linguari juri dabo*. Atqui *sestertium*, si nummum significat, quod est illud beneficium, quod sestertio redimitur? si pondus argenti, non ita loquebantur veteres, *dare sestertium*, sed, *dare mille nummum*. Non nisi *bina sestertia* dicebant, nec in singulari usurpabant, nisi cum adverbiiis. Vult quidem apud Spartianum in Septimio Severo Salmasius: *multis hortantibus repugnans imperator est appellatus apud Carnuntum idibus Augustis: qui etiam sestertia, quod nemo unquam principum, militibus dedit*. Et, *sestertia*, inquit, sunt deni aurei, quos militibus distribuit Severus. Dio sane decennialibus, sive *ἑπταδεκαετίᾳ* & *ἑξήκοντα*, frumentariæ plebi & prætorianis dedisse denos aureos Severum scribit: sed ea largitio cum hac nihil habuit commune, ut præmonuit Casaubonus. Dein falsissimum, neminem principum dedisse militibus aditalia singula millia nummum. Iam Claudius quina dena, an vicena sestertia dedit, primus fidem militum etiam præmio pigneratus. Nero donativum promisit ad exemplum paternæ largitionis. Quum autem Galba tanta mercede didicisset, cmi jam militem ab imperatoribus, non legi; quid insequentes fecisse putamus? Marcus quidem

quidem adsumto Vero vicena millia num-
 mum singulis prætorianis dedit, & cæteris
 pro rata. Pertinax τετραλίας δραχμὰς κατ'
 ἄνδρα, quæ sunt duodena sestertia, aurei
 centum viginti. Didius Iulianus cum vice-
 na quina promississet, tricena dedit. Hæc re-
 pugnant Salmasii sententiæ præter eam,
 quam dixi, rationem, *sestertia* sine adjectivo
 numerali appposito non adhiberi a veteribus.
 Aut igitur Casauboni, *quingenta*, ex *quin-*
genta, quod tamen libri etiam Mss. habue-
 runt, admittendum, aut scribendum: *qui*
etiam sestertia quot nemo. Porro in Seneca
 quid est *sestertium dare juri*, non *linguari*
 modo, si ullum est, sed cuicumque? Equi-
 dem *jus* illud *linguare*, quod divisis apicibus
 selectior ille liber Lipsii (qui tamen nihil ad
 Nazarianum Gruteri) condidit conditve,
 Verrino nequius puto. *Linguarium* autem,
 ut *vestiarium*, *calcearium* & similia, recte di-
 ctum, alii dudum monuerunt. Fuitque vel
 proverbium, ut apparet, vulgare, de illis qui
 suo damno procacem & intemperantem lin-
 guam habuissent, qui quod obesset, locuti
 essent, *linguarium dare*, puta *æs*, *aurum*, *ar-*
gentum, *supplicium*. Elegantior erat, quam
 ut hoc omnino non caperet: itaque admit-
 tit, addito tamen isto *sestertio*: ut *postea con-*
sideratius loquar, Hs. q. d. f. *linguarium dabo*.
Sestertium, inquit, si exiguum est, dabo:
 sed

sed si majus est, majore damno redimam, & castigabo promittendi temeritatem: sestertio centies luam. Hic vero linguarium debet vir humanissimus explicatione tam diversa menti auctoris. Plane contrarium dicit Seneca: *si majus erit, non committam, ut sestertio centies objurgatus sim.* hoc est, non dabo, nec a quo liberare me possum obfirmata paullulum fronte adversus expostulationem ejus, quasi destituti, aut aliorum inculantium imprudentiam verborum meorum, patiar ut is a me auferat sestertium centies, ne is vel alius mecum rixetur & fidem desertam exprobret. *Sestertio centies objurgatus*, qui dedit tantum, vel aliam magnam pecuniam, ne objurgaretur: qui pro eo, pro quo satisfacere poterat toleratis amaris verbis, timens inepte aut ob intempestivum pudorem satisfacit magno damno: qui metu parvæ simultatis magnam sibi plagam imponit. Dictum duriusculum, ut Mæcenatis, argutum tamen. *Objurgatio* proprie verbis fit: tamen ad facta transfertur, ut *objurgare colaphis & flagris*. Itaque possis & accipere simplicius, ut apud Terentium: *Geta ferietur munere: ut tangere talento, tactus triginta minis: strategemate hominem percussit.* Cicero lib. v. ad Atticum. Sic, *ut centies sestertio objurgatus sim*, erit, ut ingenti pecunia tactus, percussus, fraudatus sim.

Pergit

Pergit Seneca : *Inter sese utrumque compara-
bo. Est aliquid, in eo, quod promiseris, perseve-
rare : est rursus multum in eo, ne indigno bene-
ficio des.* Naz. & meliores, quas inter,
quas vidimus, membranæ : *ne inde beneficium
des.* Fortassis : *ne Mide.* cui inutile, quod
dedit Liber pater, datori fuit erubescendum.
Apud eundem Senecam lib. i. Nat. quæst.
cap. xv i. de Hostio : *Hunc divitem avarum,
sestertii millies servum, D. Augustus indignum
vindicta judicavit, quum a servis occisus esset.*
Perperam An. Schottus corrigit, *sester-
tium*, perperam delet *avarum & servum*,
lib. v. Observat. Human. Quid potuit me-
lius de homine possessio magis ab divitiis suis
quam eas possidente? Plinius lib. ix. cap. lv.
*Muranarum vivarium privatum excogitavit
C. Hirrius ante alios, qui cœnis triumphalibus
Cæsaris dictatoris sex millia numero muranarum
mutua appendit. nam permutare quidem pretio
noluit aliave merce. Hujus villam (intra quam
modicum?) quadragies piscina vendiderunt. Ita
recte Budæus, & summa est centenum mil-
lium Philippeum vel scutatorum. Sed acri-
ter ei repugnat Pincianus, legique vult con-
tra omnes libros, pisces, non piscinae : potuit
enim, inquit, unica piscina villam tanti ven-
dere, & possunt in una tantum piscina multi
esse & magnæ taxationis pisces. Auctorem
dat Varronem lib. iii. de re rust. cap. ult.*

Hirrius circum piscinas suas ex ædificiis duodena millia sestertium capiebat. eam omnem mercedem escu, quas dabat piscibus, consumebat. Nec mirum: uno tempore enim memini hunc Casari sex millia muranarum mutua dedisse in pondus, & propter piscium multitudinem quadragies sestertio villam venisse. Ex cuius verbis colligit, ob pisces numerosos, non piscinas, villam Hirrii venisse tanti. Quasi vero cum piscina appellantur Plinio, intelligamus necesse sit alveos nudos & aquas sine piscibus: quum piscinarum, immo & villarum, quibus adjecta piscatio, pretia ex piscium tum numero tum opinione maxime crevisse norimus vel ex Canii, quod lib. III. de officiis Cicero refert, exemplo. Et quid opus suspicari de una piscina, cum diserte Varro, circum piscinas suas? Plures ergo fuerunt, & in pluribus tanta & multitudo & æstimatio singulorum piscium effecit, ut tanti villa venderetur. Sed aperiamus originem erroris, cui se implicuit vir magnus, ex dictis ipsius: Si ex ædificiis, quæ circum piscinas erant, duodecim millia sestertium capiebat, insumebatque pascendo egregio illo pecore, qua ratione piscinæ illæ tantæ æstimationis simul cum villa mediocri pretio quadragies sestertii, hoc est, mille aureorum, venire poterunt? Vides confusisse illum quadragies & quadraginta millia nummum: hæc enim mille faciunt

faciunt aureos sive scutatos ; illud centum aureorum millia, quod non mediocre, opinor , pretium diceret Pincianus. Simili errore magni viri ad Plinium calamus quamcumque mitellitam Neronis amico constitisse ait quadraginta millibus sestertium nummum , quum cogitaret animus quadragies centena millia, ex Suetonio cap. x x v i i. quod non monerem, nisi ex illo jam repetitum neque correctum esset. Perperam igitur & Macrobius reprehendit Pincianus, cujus verba corrigere difficilius erat , lib. i i. Saturn. cap. x i. *Hujus Hirrii villam , quamvis non amplam aut latam , constat propter vivaria, quæ habuit , quadragies sestertio venundatam.* Vbi destituit auctorem suum Isacius : adeo Pinciani temeritas in dubio cum posuit. Scribendum autem apud hunc quoque , uti fecimus, *sestertio* , non *sestertium*. Tantum abest , ut audiendus sit Fulvius, cum apud Varronem in hac historiola jubet legi : *quadragies sestertium*. Iuxta mendose Meursius de luxu Rom. cap. x i v. *quadragies* ait esse exiguum, quum tanti vendita sit sola piscina Luculli. Atqui nec quanti piscina Luculli, sed quanti pisces e piscinis venditi fuerint, Varro, Columella, Plinius, Macrobius commemorant : nec *quadragies* illud fuit aut *quadraginta*, sed *quadringenta* millia : nostrorum decem millia Philippeum. non duodecim,

ut putat doctissimus Nonnius de piscium
 esu cap. v. qui, quod *tricies sestertio* in vul-
 gatis legitur apud Plinium lib. ix. cap. liv,
 jure castigat: recte namque Pincianus sensit
 ex Columella corrigendos in hac narratione
 ceteros. Sed & mirum, Meursium ibidem
duodena millia sestertium, quæ non excedunt
 trecentos scutatos, sive Philippos, nongen-
 tos florenos, æstimare sexcentis millibus flo-
 renorum. Nam ut maxime Latinum esset
duodena millia sestertia (quod habet ille, quod-
 que non esse Latinum satis ostensum est)
 non posset tamen ampliorem summam si-
 gnificare bis & vicies sestertio: quod est
 quinquaginta quinque millium Philippo-
 rum, seu CLXV millium florenorum. Illud
 autem, seu summam quam ille concipit, sex-
 centorum millium florenorum, *octogies* La-
 tini dicunt. Sed toto illo libro in pecunia
 veteri ad nostram reducenda vix ullus est
 recte positus calculus. Quia vagari cœpi,
 juvetur hic & Valerii Maximi conquestio
 de obsoniorum luxuria lib. ix. cap. i. *Inde*
ab oceani litoribus attracti pisces, inde infusa cu-
linis arca, censibusque edendi atque bibendi vol-
uptas reperta est. Sic editiones ante Pighium,
 qui ex corrupto codice: *infusa culinis ostrea.*
Arte censibusque: luxata oratione & extincto
 genere loquendi, quo cœu lumine splende-
 scere sua verba Valerius voluerat. Seneca

epist. LXXXI. *Sape enim hoc non potuere divitiæ in domum infusæ, quod opportune dari mille denarii. Idem epist. CXV. Colitur autem non taurorum opimis corporibus contrucidatis, nec auro argentoque suspensio, nec in thesauros stipe infusa, sed pia & recta voluntate. Plinius lib. XXIX. cap. I. Par & fratri ejus merces a Claudio Casare infusa est. Martial. lib. VI. epigr. LXX:*

Infusum sibi nuper a patrono

Plenum, Maxime, centies Syriacus

In sellariolis vagus popinis

Circa balnea quatuor peregit.

Quorum si meminisset & Lipsius, non fecisset cum sententia, quam jactat, egregia: *infusæ in culinas artes, censibusque.* Nos in tribus Mss. bonæ notæ invenimus, quam probamus vet. editionum scripturam. Et probavit eam Salmasius ad Solinum. Sed & ante illum Colerus. Nec illud moneri, credo, supervacuum fuerit, *ad opibus* interdum poni pro sumptu, impenſa. Ut Iuvenali Sat. III. *magnis opibus dormitur in urbe.* i. somnus Romæ constat magno sumptu: non licet gratis dormire. Florus lib. III. cap. I. *populum Romanum armis invictum, opibus aggressus est.* Quod si cogitassent Scaliger ad Feltum, Lipsius in Epistolicis, Aus. Popma ad Varro-nem, non ita præcipientes fuissent ad corrigendum Martialis lib. III. Epigr. LXXV:

Cœpisti puras opibus corrumpere buccas.

Volunt

Volunt enim contra omnes codd. *Opicus*.
 At illud præter reliqua carminis firmat ipse
 lib. v. epigr. LXXI.

Impius infando miles corrumpitur auro,

Et tantis opibus vox tacet una tibi.

Iacturas etiam vocant. Sed has *pacturas* dici
 pugnat $\delta\ \pi\acute{\epsilon}\nu\upsilon$ ad jus Atticum & Romanum.
 Apud Cæsarem, inquit, aliquot locis *pactu-*
ras & pollicitationes junctas reperire est. Ut,
 (lib. vi. Gall. xii.) *pacturis pollicitationibus-*
que aliquem ad se perducere. Sic enim scriben-
 dum, pro quo hodie scribitur, *jacturis*. Quod
 est ineptum scioli alicujus commentum, qui
pacturam pro *pactione* Latinum non puta-
 vit. Alio loco (lib. iii. de civ. extremo) idem
 mendum occurrit sic corrigendum :
magnis pacturis sibi quisque eorum animos concili-
abat. Vulgo est *jacturis*. Apud Hirtium de
 bello Alexandrino : *Nemo erat, qui modo ali-*
quam jacturam facere posset, quin aut vadimo-
nio teneretur aut in reos referretur. Cæcus est
 aut imperitus, qui non videt ibi legi oportere,
pacturam, id est, *pactionem*. Sic ille, ut
 erat in omnibus incitatus. At Ciceroni ni-
 hil frequentius quam hoc sensu *jactura*. Pro
 Cluentio : *primum illum indicem pecunia cor-*
rupit, deinde ipsum Aurium, non magna jactura
facta, tollendum curavit. Pro Flacco : *quæ ja-*
cturæ ? quanta largitio ? Pro Milone : *qui an-*
nona levanda, jacturisque rei familiaris, quia

nimis amplecti plebem putabatur, in suspicionem incidit regni appetendi. id est, largiendi de suo. Pro Rabirio: non libidine, non turpibus impensis cupiditatum atque jacturis, sed experientia amplificandi patrimonii labentem. Pro Cælio: nulli sumptus, nulla jactura, nulla versura. Habes & lib. II ad Attic. epist. I. lib. XII. epist. XXIX. lib. III. ad Quintum ep. VIII. Lib. II. de officiis bis. Sic & pro l. Manilia, qui prolixius adscribendus locus, quia scopulus eruditorum fuit. Cap. XXIII. Ora maritima, Quirites, Cn. Pompeium non solum propter rei militaris gloriam, sed etiam propter animi continentiam requisivit. Videbat enim populus Romanus non locupletari quotannis pecunia publica præter paucos: neque eos quidquam aliud assequi classium nomine, nisi ut detrimentis accipiendis majori turpitudine affici videremur. Nunc quæ cupiditate homines in provincias, quibus jacturis, quibus conditionibus profiscantur, ignorant videlicet isti, qui ad unum deferenda esse omnia non arbitrantur. De mendo, inquit P. Manucius convenit inter omnes: correctio non eadem omnibus arripdet. Ipse velit: Videbat enim po. Romani nomine locupletari quot. pec. publica prætores paucos. Vel, videbat enim prætores nostros locupletari quotannis. ut tò videbat, ad oram maritimam referatur. Hotomannus: Videbat enim populum Romanum. Pantagatho quoque, præto-

pratores paucos, & deletum *non* & *prater* Ant. Augustino adscribit Fulvius Ursinus. Barthius lib. xxxiv. advers. cap. xii. ita tuetur vulgatum. Subaudiendam censet particulam *se*. Populus Romanus videbat se non locupletari inde (quasi debuisset) paucos de corpore ipsius pratores si excipias. Genus loquendi par esse Catulliano: *Ait fuisse navium celerrimus*. Nihil in his simile video, neque desidero istam particulam, & tamen vulgatam pisce saniozem judico, & si usquam, doctos viros in scirpo nodum quæsisisse. Particula *prater* idem valet quod *nisi*, vel *praterquam*. Vt apud Sallustium: *cetera multitudini diem statuit, ante quam liceret sine fraude ab armis discedere, prater rerum capitalium condemnatis*. Varro libro i. de re rust. cap. xli. *prater si aliter nequeas*. Suetonius Claudio: *reliquerit eum nullo prater auguralis sacerdotii honore impertitum*. Habet & Iustinus. Omnium hæc est sententia: Oportuit omnino bello piratico præfici & oram maritimam provinciam habere Pompejum, non modo, quod dux optimus, sed etiam quod sanctus & innocens esset. Nam videbamus omnes, pecuniam publicam, quæ in classium tutelam quotannis ex ærario decernebatur (pro Flacco in mare superum & inferum testatur *croгатum ter & quadragies*, id est, centum & septem millia quingentos corona-

tos) qua milites, focii navales, fabricatores navium, & qui his circa portus & stationes necessaria præbuisſent, frui deberent; eam videbamus intercipi a paucis, inter paucos quali prædones ſtrangulari: prætorem forte, quæſtorem, unum alterumve legatum & horum miniſtros: hos autem nomine & ſpecie ornandarum claſſium nihil aliud efficiere, quam ut novis quotannis cladibus, identidem ſemiplenis & male inſtructis navibus per piratas direptis & abductis, pudor imperii augeretur. Porro doctorem hominum ſenſus merguntur *jaçturis* iſtis, quarum meminit Cicero. Schottus lib. I. Nodor. cap. III. legit, *vaſariis*: non *jaçturis*, inquit, quæ nondum factæ erant profectis nondum in provinciam mercatoribus. Barthius intelligit jaçturas populi Romani in tantis apparatibus provincias petentium: qui ſane ſumtus jaçtura publica fierent: vel corrigit: *quibus vecturis, quibus conductionibus*. Sed *jaçture* ſunt largitiones, pecuniæ datæ, pronuntiati per tribus nummi, aut, ut ipſe ſupra dixit, diviſi magiſtratibus & hominibus gratioſis, quorum ſuffragatione poteſtates & provincias acceperant. Seneca quoque de vita beata cap. XXI. *Donabit ex recta & probabili cauſa: nam inter turpes jaçturas malum munus eſt. Videtur ſcripſiſſe: ob malum. Cælius ad Ciceronem epiſt. IV de Cæſare: qui ſolet*

solet infimorum hominum amicitias sibi qualibet impensa adjungere. Potuisset dicere: quantislibet jacturis. Conditiones autem sunt pactio- nes cautionibus & syngraphis factæ, promissa pecunia vel gratia. Suctonius Cæsare cap. xxiii. Ad securitatem ergo posteritatis, in magno negotio habuit obligare semper annuos magistratus, & e petitoribus non alios adjuvare, aut ad honorem pati pervenire, quam qui sibi receperant propugnatos absentiam suam: cujus pacti non dubitavit a quibusdam ius- jurandum atque etiam syngrapham exigere. Sic vocabulum conditio sæpe Ciceroni accipitur. Lib. ii. de inventione: Cum omnes perituri milites essent, nisi ad hanc pactiorem venissent, utrum satius fuerit amittere milites, an ad hanc conditionem venire. Actione i in Verrem: mansit in conditione atque pacto, usque ad eum finem, dum iudices reiecti sunt: posteaquam re- jectio iudicum facta est, renuntiata est tota con- ditio. Neque enim ibi admiserim, conductio, quod habent quidam libri.

CAP. V.

Sallustio de Vellejo, & hujus vicissim de illius loco fax accensa. Valeria lex de argento ære solvendo, seu quadrante creditoribus solvendo. Semisse credi- tum solvere in dies. Casaris & Livii verba resti- tuta. Sorte creditum solvere. Plinii minoris locus obscurissimus declaratus. Quincuntem agri addi- cere ex septingentis aut nongentis millibus. Acci- pere pretium quincuncis agrorum ex nongentis

millibus. Vicesimam quincuncis agrorum emere ex nongentis millibus. Ad l. XL. D. de hæredibus instit. aliquid disputatum. Altera tertia, non sunt duæ tertia partes, sed e tribus secunda pars tertia. Manilius fortean restitutus. Inter cælum & terram intervallum binorum Zodiaci signorum. Dime-tiens, tertia pars ambitus præterpropter. Alter unus de duobus, non duo. Unus & item alter. Denarius alter pro uno & altero. Alter semis.

A Pud Sallustium pridem vitiatum erat, & ne nunc quidem satis explicatum est, quod legitur in bello Catilinario cap. xxxiii. *Sæpe majores vestrum, miseriti plebis Romana; decretis suis inopiæ ejus opitulati sunt: ac novissime, memoria nostra, propter magnitudinem æris alieni, volentibus omnibus bonis, argentum ære solutum est.* Horum ultima, quibus obscura & imperfecta videbantur, addiderunt: *ære communi solutum est.* Scio illud Cornelii Nepotis in Aristide: *quo factum est, ut filia ejus publice alerentur, & de communi ærario dotibus datis collocarentur.* Verum nihil juvit hæc in-rempestiva audacia. Quare enim *argentum* potius quam *æs* solutum dicitur *ære* illo *com-muni*? Et quod vestigium illius rei in cætera historia? Tum auctoritate Nonii Marcelli & Ms. codicis olim *ad communi* rejecit Aldus Manucius, qui & sententiam alterius patere ait. Non ita patet tamen, ut non necesse sit illam referari, multosque adeuntes factum pati jussit, qui se primæ admissionis esse opina-bantur.

bantur. Hotomannus pro argenteis, puta denariis, æreos vel certe subæratos denarios acceptos interpretatur. Auf. Popma suspicatur Mallium respicere ad legem Liviam, quæ octavam æris partem argento miscuit, latam M. Livio Druso in seditioso tribunatu, quod lucrum fuerit æri alieno dissolvendo. At doctus ille Ciacconius etiam accuratius hoc perpendendum censet, & Glareanus adhuc dubius quærit, cur plerique libri *τὸ communi* abstulerint. Castilioneus & Colerus viderunt respici legem Valeriam, *ut debitoribus quadrans solveretur*, Vellejo commemoratam : & ille quidem, Ære igitur, inquit, argentum solutum est, id est, quadrante ; Colerus ut repudiavit *τὸ communi* etiam hoc argumento, quod nusquam lectum, circa illud quidem tempus, ex ærario debita soluta, sed *ære*, inquit, sive *quadrantibus* solutum est argentum, hoc est, pro denario assis : lex Valeria fuit, ut debitoribus quadrans solveretur. Recte admonent Velleji Paterculi : nam is unus ex omni, quæ nobis superest, antiquitate Sallustio lucem hac in re scænerat, & ab eodem mutuam accipit. Lib. II. cap. XXIII. *In hujus locum susceptus Valerius Flaccus, turpissima legis auctor, qua creditoribus quadrantem solvi jusserat.* Vbi nemo pejus optimo Aldo : ut usura annua quadrante solveretur : fuisse autem qua-

drantem centesimæ, tres : igitur ternos nummos ex centenīs pendī usuræ nomine Flaccum voluisse. Quem jam Popma confutavit. Sed & Colerus, quum hunc *quadrantem* interpretatur pro denario assem, fallitur vehementer. Hic enim non *quadrans*, sed minus etiam *uncia* : *semuncia* quippe *sicilius*, seu sextadecima pars, atque adeo pro senisdenis unus, pro centenīs senī & quarta pars unius : cum quadrans requirat pro senisdenis quatuor, pro duodenīs tres, pro quatuor unum, pro centenīs vīcenos quīnos. Ergo, pro sestertio assem, dicere voluit, debuit certe Colerus : & ea interpretatio cum Sallustio tum Vellejo apte congruit. Sallustio, quia *sestertius* argenteus, non minus quam denarius ; ac ex ære : Vellejo, quia sestertii pars quarta sive *quadrans* est as : unde pro portione, qui pro sestertio assem, idem pro asse quadrantem, pro dupondio semissem, pro victoriato dupondium, pro denario sestertium, pro aureo Romano sex denarios & sestertium, pro mille nummis ducētos quinquaginta ; denique pro omni debito quartani ejus partem solvit, ac tres (haud dubie totius crediti, non usurarum tantum, quia dubitari video) pereunt creditori. Mitior illa Cæsaris *σεισάχδεα*, de qua Suetonius : *deducto summæ æris alieni, si quid usuræ nomine numeratum aut perscriptum fuisset : quā*
condi-

conditione quarta pars fere crediti deperibat.
 Hinc etiam liquet, quam ἀπεσδιονύσας Velleji locum adscripserit, ubi auctores, qui nummuli ærei *quadrantis* mentionem faciunt, colligit Hotomannus. Nam *quadrans* ille, non nomisma est, sed quarta pars cujuscunque summæ, tres uncix assis cujuscunque crediti: & hic adhibetur, ut Martiali *dodrans* lib. I IX. epigr. I X.

Solvere dodrantem nuper tibi, Quinte, volebat
Lippus Hylas: nunc vult solvere dimidium.

Et uncia lib. I X. epigr. I V.

Grandis in ætherio licet auctio fiat Olympo,
Coganturque dei vendere, quicquid habent,
Conturbabit Atlas, & non erit uncia tota,
Decidat tecum qua pater ipse deum.

Vt Cæsaris æstimationes possessionum & solutiones per arbitrum irritas faceret, M. Cælius Rufus prætor, causa debitorum suscepta legem promulgavit, ut *sexies seni dies sine usuris creditæ pecuniæ solverentur*. Hæc verba sunt Cæsaris lib. III de bello civili cap. x x: sed in quibus Cæsar quæritur. Glaucæanus monet, *seni dies* abesse plerisque libris; reliqui sensum esse, ut sine usuris per sex partes solverentur. Sed non fert sermo Latinus, *sexiesolvere debitum* pro sex æquis partibus. Camerarius suspicatur, *sexies, senos in dies*: ut habuerint sex tempora solutionis, & singulis intervalli sex dierum spatia. Nihil

hilo Latinius. Paullus Manucius, *sexenni die* : filius ejus Aldus, *sex pensionibus* : Hotomanus, *sexies senis Idibus*, quod sit triennio mensuris pensionibus. Præter illud, quod in duabus primis conjecturis notavimus, & istæ & omnes labuntur in idem vitium, ut parum juvent debitores : minus certe quam Cæsaris ratio, quæ dodrante creditores jubebat esse contentos. Ms. Læv. quondam Torrentii : *ut se exissen dies*. Vnde horum, quæ proxime diximus, memori facile est facere : *ut senisse in dies sine usuris credita pecunia solverentur*. Hoc est, ut dimidio crediti restituto sine usuris (iis, quæ solutæ essent, sorti imputatis) satisfacerent debitores, eo-que non præsentis, sed *in dies*, id est, pensionibus, quæ convenissent illis quorum res agebatur; vel potius, annua, bima, trima die, sive triennio æquis pensionibus. Quoniam enim multis in contractibus utebantur illa triplici die, seu solutione per tres pensiones, breviter dixit, *in dies*, eos scilicet, quos nemo ignorabat plurimum celebrari & destinari in solutione, quæ partibus sive pensionibus fieret. Cæterum Torrentiani codicis varietates communicavit mecum Nic. Heinsius, non hac occasione modo, non admonitione perpetua consociatissimæ voluntatis cum maxime animo præsens meo, sed etiam quia justissimum dolorem partimur.

quando,

quando, dum ille in Suconibus est publice, ego hæc meditor, accipimus ambo juxta amaros nuncios, decessisse illi patrem, mihi hospitum incomparabilem; nomen ingens & sanctum, qua patet eruditio; suauitate carminis, facundia in utroque sermone, rerum divinarum & humanarum scientia, genio & indole scriptorum, elegantia vitæ, neminem infra suorum temporum, paucis æquatum; quamvis maturum annis, & omnibus quæ munerum, quæ honorum, quæ ingenio procedunt, emeritis stipendiis; felicem in primis, quum claræ successionem inclitorum studiorum servavit abeunti domus, lugens intestinum funus pietate. nam orbitas literarum est. nisi tamen hæc quoque tristis ei accessit gloria, quod, ubi illas, perque illas sese, sideribus intulit, cum sequiore sui parte sepulcro conditas invitus & hoc unum (si qua relictorum Manibus cura) mœrens abstulit. Eadem excerpta mihi concessit David de Willem, trium Arausionis Principum judicio in consiliis probatus, facta manu Iusti Lipsii, qui in eandem conjecturam incidit: addiditque explicationis vice: ut dimidiatis “ duabus partibus, idque die dato solverent. “ Quæ verba haud facilia intellectu excusat ejus festinatio, & quod illa sibi, non aliis, scripsit. Non puto in illo sensu, quem nos dedimus, esse quod quemquam offendat. Ut

semisse

semisse creditas pecunias solvere, sic sorte creditum solvere dixit Livius, si licuisset per librarios, lib. VI cap. XXXVI. *An placeret fœnore circumventam plebem, ni potius quam sortem creditum solvat, corpus in nervum ac supplicia dare?* Vbi non minus anhelant docti viri. Glareanus delet *ni*, carpente Sigonio, quum sensus sit, ni prius usuram quam sortem solvat. Sed neque sensus hic Livii est, nec video quomodo eum sensum ex sic conceptis verbis exsculpamus. An *creditum* est sola usura, & aliud *fœrs* est, aliud *creditum*? Gab. Faernus apud Vrsinum: *ni plus quam sortem creditam*. Salmasius de Usuris cap. I. *ni totius sortem crediti*. Non enim, adjicit, propter usuras non solutas, quæ tunc admodum leves erant, utpote uno in centenos annuo pendendo taxatæ, sed propter sortem ipsam, si ei solvendæ impares essent, in nervum & compedes abducebantur. Immo & propter hanc & propter illas: nam qui usuris tam levibus non erat solvendis, multo minus sortem reddere poterat. Sed utcumque se habeant ista, certe quod tribunos dicere Salmasius negat, id eos dicentes facere omnino Livius voluit. Non enim lege sua sortem imminuebant tribuni: salvam illam fœeneratoribus præstabant: usuris tantum eos carere jubebant, & quod usurarum nomine accepissent, id forti adscribere. Itaque

que non possunt exprobrare divitibus, quod totius sortem crediti poscant, quam nemo illis negabat : sed hoc exprobrant, quod sorte non sint contenti, mercedes addi velint, quas solas illis rogatio tribunicia detrahebat. Duo Mss. *ni potius quam sorte creditum*. Vnus : *plebem potius quam sortem creditam*. Campanus quoque τῶν *ni caret*. Scribimus ergo : *An placeret fœnore circumventam plebem potius, quam sorte creditum solvet, corpus in nervum ac supplicia dare ?* Cogitandum qualescumque fuerint usuræ, (non enim necessario ad legem fuerunt, quam necessitas sumentium & potentia dantium fœnus & dissimulatio magistratuum, qui ipsi e fœneratoribus, subinde tacito consensu tollebat) plurium annorum debitas fuisse, quasdam sorti appositas nova progenie usurarum pululasse ; denique quacumque ratione ita excrevisse, ut si reciderentur a credito & condonarentur, potuerit finis inveniri æris alieni. Hæc causa plebisciti tribunicii. Rogantque latores : sustinerentur divites esse tam crudeles, ut mallent cives obæratos tenere in vinculis & cruciatu, quam crediti (quod duabus partibus constabat, sorte & usuris) majore & præcipua parte recepta liberare : quam fœnus recipere sine usuris. Creditum fœnus non luitur sola sorte restituta : usuræ accedant ; oportet. Id autem volebat lex,

quam

quam tribuni ferebant, ut sorte contenti essent sceneratores : si nempe de capite deducto eo, quod usuris pernumeratum esset, & in partem sortis cedente, reliquum triennio æquis portionibus redderetur. *A quadrante & semisse proficiscimur ad quincuncem*, non magis intellectum hactenus. Egregium & commemoratione dignum exemplum duorum mutua humanitate & liberalitate certantium, quum possent, uter esset malignior, alterius animo salvo pudore suo acquiescere, est apud Plinium lib. VII. epistola XI. Hi Plinius ipse & Corellia : vicit, qui debuit, quia incepit, vir ; nec minor palma matronæ, vel quia repugnavit & vinci indignata est. Verba ad Fabatum proscerum scribentis : *Miraris, quod Hermes libertus meus hereditarios agros, quos ego jusseram proscribi, non expectata auctione, pro meo quincuncē ex septingentis millibus Corellia addixerit ; adjicis, posse eos nongentis millibus venire, ac tanto magis quæris, an quod gesserit ratum servem.* Ad idem negotium pertinet ejusdem libri epist. XIV. *Tu quidem honestissime, quod tam impense & rogas & exigis, ut accipi jubeam a te pretium agrorum, non ex septingentis millibus, quanti illos a liberto meo, sed ex nongentis, quanti a publicanis partem vicesimam emisti.* Præscribitur passim in argumentis posterioris epistolæ ex Maria Catanæo, ducenta sestertia Corellia

Plinium

Plinium remisisse. Neque sensit aliter Budæus, qui in tertio de assē scribit Plinium ducenta millia nummum pro accessione pretii contempsisse, emptrice etiam hoc petente, ne ratum non habere videretur, quod a liberto suo gestum erat. Accedit tertius: Publicani, inquit, cum viderent contractum “ Hermetis damnosum fisco, interveniunt, “ eoque deducunt rem, ut pro septingentis “ millibus, quibus Hermes addixerat, non- “ genta daturam Corellia promitteret. Sed “ cum *viceſimam partem* tanti emisſe Corellia “ dicitur, non ita intelligendum est, ac si tota “ summa fisco ac vectigali cedere debuerit, “ sed quia viceſima pars illius summæ eo redi- “ genda esset. Nongenta millia sestertium sive “ nongenta sestertia faciunt xxi millia quin- “ gentos coronatos nostros. Tanti igitur Co- “ rellia emerat quincuncem Plinii. Vigesima “ hujus summæ ex mille cxxxv cor. (num- “ mum xlv millibus) constabat. hanc vindi- “ cabant publicani sive procuratores. Relin- “ quebantur adhuc solvenda a Corellia xxi “ millia ccclxxv coronati, (dcccclv mil- “ lia nummum:) hanc summam offerebat illa “ Plinio: sed Plinius recusabat, ratum servans, “ quod libertus Hermes ante contraxerat. “ Contentus itaque septingentis millibus (quæ “ xvii millia d cor. efficiunt) quod erat ad “ nongentorum summam reliquum, hoc est, “

tria millia DCCCLXXV coronatos remisit. Hæc hominis elegantissimi ac viri singularis quo largiora sunt, eo plus in illis corrigendum. Neque enim sive septingenta sive nongenta Plinius accepit vel accipere debuit: neque quincuncem Plinii tanti emit Corellia: neque vicesima quincuncis Pliniani fuit tam grandis: neque sive ducenta sive CLV millia Corellia Plinius remisit. Cur autem laborat in explicando sermone, qui per imprudentiam Catanæ excidit? non enim Plinius dicit *nongentis* emisit a publicanis Corelliam, sed *ex nongentis*, quæ multum differunt. Sed rem, ut sese habet, exponamus. Quum Plinio hæreditarii agri venissent circa Larium, ibique Corellia possidere optasset, *quincuncem* suum (tantum enim illi venerat) per Hermam libertum suum Corellia statim adscripsit, non expectata auctione cum cohæredibus. As vel hæ possessiones universæ æstimabantur *nongentis millibus*: quo asse in suas uncias diviso, singulæ fuerunt LXXV millium, nostrorum mille octingentorum septuaginta quinque coronatorum. Sic *quincunx* Plinii valuit CCCLXXV millibus: hoc est, novem millibus CCCLXX coronatis. At ille pro solita sua liberalitate ducentis nonaginta uno millibus sexcentis sexaginta quinque nummis, hoc est, septem millibus ducentis nonaginta uno coronatis semisse,

semisse, suam illi partem addixit: quasi as
 fuisset septingentorum millium, hoc est, se-
 ptendecim millium quingentorum corona-
 torum, & singulæ unciaë quinquaginta octo
 millia CCCXXXIII (hæc enim duodecies
 insunt septingentis millibus, nisi quod ad-
 dendi sunt quatuor) hoc est, mille CCCCLVIII
 coronatos quadrantem efficerent. Hoc signi-
 ficat Plinius, quum scribit agros *pro suo quin-*
cunce ex septingentis millibus addictos, & *pre-*
tium accipi ex septingentis, non *ex nongentis*.
 Ex alienis hæreditatibus vicesima pars fisco
 vindicabatur: eam exigebant publicani: &
 sic quoque ex his agris hæreditariis vicesi-
 mam partem. Id onus quando cum emtio-
 ne simul sustinebat Corellia, publicanis non
 fuit satis visum, pretio agrorum omnibus
 noto, recipere vicesimam istorum duceno-
 rum nonaginta unius millium sexcentorum
 LXV nummum sestertium, velut *quincuncis e*
septingentis millibus: quæ vicesima faciebat
 quatuordecim millia quingentos octoginta
 tres nummos, seu trecentos sexaginta qua-
 tuor dimidiatum coronatos. Non enim ex
 liberalitate Plinii, sed ex rei pretio agros æ-
 stimantes exegerunt *vicesimam quincuncis ex*
nongentis millibus, velut asse, decerpti: quæ
 vicesima erat HS. octodecim millium septin-
 gentorum quinquaginta, coronatorum qua-
 dringentorum sexaginta octo dodrantis.

Corellia, magni animi fœmina, ut pretium agrorum didicit a publicanis, intellexit se nobili calliditate, an callida liberalitate, Plinii esse circumventam. Itaque datis ad illum literis impense rogavit postulavitque, ut pateretur justum sibi pretium solvi velut *quincuncis ex nongentis millibus*. Quod ille tenax honesti propositi se concessurum negavit, & quidem eo animo, quo matronæ summa cum reverentia dilectæ nihil negare consueffet. Remisit igitur illi octoginta tria millia trecentos triginta quinque nummos, hoc est, duo millia octoginta tres coronatos trientem. Hæc nisi mens Plinii est, ne Latinus quidem sermo est: non enim dicimus, *addicere aliquid ex mille nummis, addicere ex nummo sestertio, addicere ex septingentis aut nongentis*, quod sit, tanti venditum tradere; sed *addicere mille nummis, addicere nummo sestertio, addicere septingentis aut nongentis*. In quibus præpositio quidem, sed non *Ex*, verum *Pro* desideratur. Agri igitur *pro quincuncē ex septingentis millibus addicti* sunt, quorum quinque partes ita venierunt, ut as vel universi æstimentur millibus septingentis. *Vicesimam quincuncis emere ex nongentis millibus*, est, ita pendere quinque partium vicesimarium vectigal, quasi duodecim partes vel as sit pretio nongentorum millium. Quod ipsum genus est loquendi non protritum.

Emi enim viceſima videtur eo, quod pro viceſima ſolvitur. Sic apud Ciceronem, emere & vendere decumas: illud eſt publicanorum conducentium, hoc ærarii locantis. Lib. III in Verrem: Dixiſſet hæc, quæ vulgo dicere ſolebant, non ſe decumas emiſſe, ſed bona fortunaſque aratorum. Et ruruſ: ſed ne legem quidem venditionis decumarum, neve vendundis aut tempuſ aut locum commutarent. Item: ut vini & olei decumas & frugum minutarum, quas ante te quaſtores in Sicilia vendere conſueſſent, Romæ venderent. Demotheſenes in Neæram: ἐὼν ἡμῶν τὴν πεντηκῆς τὴν σίτην. A quincunce libet redire ad ſemiſſem, qui non minus homines doctos vexavit in l. x l. d. de hæred. Inſt. Igitur in hoc caſu ſemiſſes ſient, ita, ut alter ſemis inter eum, qui dominuſ inſtituti hæredis fuerit, & ſubſtitutum æquiſ portionibuſ dividatur. Poſtremum explicari cœpit: alter ſemis, id eſt, duo ſemiſſes. Nec de re fortalliſ ambigendum: ſed quæ pro illa interpretatione quaſi domo numerant, quæ tamen verſura facta clamat ab ſe ſumpta Scaliger ad Maniliuſ, non ſunt in aſpero & probo. Iactatur in primis Maniliuſ lib. I.

Nam quantum a terris atque æquore ſigna recedunt,

Tantum bina patent, quantumque inciditur orbis

Per medium, pars efficitur tum tertia gyri

Exiguo dirimens solidam discrimine summam.

*Summum igitur cœlum bis bina recedit ab imo,
Altera bis senis ut sit pars tertia signis.*

Quantum est intervalli, inquit, inter terram & signa, tantum est spatium binorum signorum, tantum spatii bina signa occupant. Iam quanta est diametros circuli, tanta & parum ultra (hinc enim *Exiguo dirimens*) est pars tertia peripheriæ, seu tantæ tres partes constituunt peripheriam. Plinius lib. II. cap. XXIII: *Nam cum CCCLX & fere sex partibus orbis solis ex circuitu ejus patere appareat circulum, per quem meat, semperque dimetiens tertiam partem ambitus & tertia paullo minus septimam colligat, apparet demta ejus dimidia (quoniam terra centralis interveniat) sextam fere partem hujus immensi spatii, quod circa terram circuli solaris animo comprehenditur, inesse altitudinis spatium.* Ergo summum cœlum ab imo abest quatuor signorum spatium, pergit Manilius, (etsi hoc abruptum, & interponendum erat, in medio sitam esse terram)

Altera bis senis ut sit pars tertia signis.

Interpretatur Scaliger & ejus discipuli, inter quos professus ad Martialem Scriverius: *altera tertia*, hoc est, duæ tertiæ. Quo sensu autem? ut sint duæ tertiæ bis senis signis. Falsum: tres enim hujusmodi tertiæ sunt signis bis senis, quarum singulæ signa complectuntur quatuor. Scaliger quidem: Accedat

cedat altera tertia, id est, duæ tertiæ, nimirum octo : fient bis sena signa. Sed qua arte ex Manilio eliciet illud *accedat* ? qua vi ? An, *ut sit*, est, *accedat* ? Frustra jaçtatur prisca Latinitas. Ea quo sensu *alteram tertiam* dixerit, docet Cæsar lib. I Gall. *propterea quod Ariovistus rex Germanorum in eorum finibus consedisset, tertiamque partem agri Sequani occupavisset, & nunc de altera parte tertia Sequanos decedere juberet.* Eum tamen huc applicare non possum : nisi alter sumas pro quovis uno, sitque : ut ita diametros hexagoni orbis, vel intervallum, quod inter summum & imum cælum est, sit una pars tertia duodecim signorum. Durum hoc : & luxati aliquid esse suspicatus & Scaliger est : itaque duos sequentes versus inter duos, quos adduximus ultimos, interponit, hoc modo :

Summum igitur cælum bis bina resurgit ab imo.

Sed quia per medium est tellus suspensa profundum :

Binis a summe signis discedit & imo,

Alter a bis senis ut sit pars tertia signis.

Sed præter illud postremi versus dubium ne sic quidem bene transit oratio. A summo, ait interpretans Scaliger, ad imum sunt quatuor signa. Sed quia tantum est hinc ad summum cælum, quantum ad imum, propterea hinc ad summum bina, & ad imum totidem. Quo illud, *Sed* ? vel *Nam* vel *Ideo* ex-

spectabam: Equidem Manilium hic non agnosco, nisi scribamus:

Nam quantum a terris atque aquore signa recedunt,

Tantum bina patent : quantumque incidit orbis

*Per medium, pars efficitur tum tertia gyri
Exiguo dirimens solidam discrimine summam.*

Sed quia per medium est tellus suspensa profundum,

Binis a summo signis discedit & imo.

*Summum igitur cœlum bis bina resurgit ab imo
Æthere, bisseis quæ fit pars tertia signis.*

Habes rectam & naturalem orationem, & sententiam, quam auctor voluit. Quantum inter cœlum & terram spatii est, tantundem est binorum signorum. Estque regula generalis, ut dimetiens occupet tertiam partem circuli. Sed quia terra centralis est, & in medio inani pendet, necesse est eam, ut binis a summo cœlo signis distat, ita etiam binis distare ab imo. Ergo summum cœlum ab imo cœlo vel æthere quatuor signis distat: & sic collecta est tertia pars circuli duodecim signorum. *Quæ fit pars tertia*, ut dixerat, *pars efficitur tum tertia*. Vbi tamen dubito, annon scripserit: *tanto efficitur pars tertia*. Nihilo magis juvant, Virgilii alter ab undecimo annus, & Livii altero & vicesimo anno: utrobique enim unus & certus annus signatur,

signatur, & alter ibi secundus, non duo junctim. Ecce tibi, qui e Servio proferat ad Ecl. III. *Alter de duobus dicitur.* Sed videamus verba: *Male quidam privignum accipiunt: alter enim de duobus dicimus, non de tribus: unde Alter de noverca intelligemus.* Illudit igitur Merillius nobis hoc exemplo: nec enim vult Servius alter esse idem quod duo, sed alterum intelligi unum de duobus, non de tribus. Nec accipiendum, aliter Capri: *Alter de duobus, Unus de pluribus.* Eugraphius cum suo arguto intellectu, *unus & item alter*, tres accipiendo nugatur. Livius lib. xli. *Exitu prope anni diem unum supplicatio fuit ob res prospere gestas in Hispania &c. & alterum diem supplicatio fuit ad Cereris.* Universum utique non nisi biduum intelligit. Curtius lib. v. *Ebrio scorto de tanta re ferente sententiam, unus & alter, & ipsi mero onerati, adsentiunt.* Quasi esset, *unus aut summum duo.* Majorem speciem habent, quæ notavit Scriverius, Martialis lib. ix. epigr. xxxii. *quam totam redimit denarius alter: & Juvenalis Sat. vi. de quo sextarius alter Ducitur ante cibum.* Nam quod addit, *quis Lentulus alter?* ἀπεροδιόνυσον. Si tamen attentius consideres, nondum ista Julianum excusant: intelligitur enim *denarius alter* post unum datum, *sextarius alter* post unum ante ductum: at qui hic intelliges unum semissem jam divisum? Volusius qui-

dem Mæcianus, & ipse IC, alterum semissem non dicit nisi pro parte dimidia assis: In semisse sunt uncia sex, sextantes tres, quadrantes duo, triens & sextans, quincunx & uncia: deest assi alter semis. Denique si sic locutus est Iulianus, morosa καυζηλία & sine exemplo boni ævi locutus est: Cujacii contra conjectura tam est arguta, ut facile jurisconsultorum elegantissimum probeat. voluit enim, AS una voce Iuliano prolatum, quasi siglis scriptum, reddidisse librariorum, alter semis.

CAP. VI.

Septies millies Cæsaris male aestimatum Scaligero. Idem amplius quatuor millibus talentum. Ut & ducenties quinquagies centenis millibus denarium. Scaliger confudit septingenties & septies millies. Non felicior idem in aestimando vicies septies millies Tiberii. Ἐξηκονταπενταχιλίας μυριάδας non dicebant Græci: ut nec πεντακισταχιλίας δραχμὰς sed has πέντε μυριάδας δραχμῶν, illas ἕξ μυριάδας μυριάδων πενταχιλίας μυριάδας. Dio defensus, alibi correctus. Novies millies a Vitellio paucis diebus absumptum δύο μυριάδες μυριάδων διχίλιαι καὶ πεντακισταχιλίας. Dio & Zonaras emendati. In eodem lapsus Hotomanni & Scaligeri. Suetonius tentatus. Favor archimimus. Funus Vespasiani centies sestertii.

Septies millies a Cæsare depositum ad Opis abstulisse & intervertisse M. Antonium ex Cicerone & Vellejo notum est. Plutarchus

chus ait Calpurniam τὰ πλείστα τῶν χρημάτων
 ab se transtulisse ad Antonium εἰς λόγον τὰ
 σύμπαντα τετρακισχίλιων τάλαντων, in Anto-
 nio : in Cicerone ait fuisse διγυλίας ἢ πεντα-
 κήσας μυριάδας. Ridicule interpretatur eam
 summam, inquit Scaliger : ridicule certe, si
 eandem intellexit. Sed quare ? utraque, in-
 quit, immane quantum *septies millies* exce-
 dit. Plane aliorum fuit vir maximus, cum
 hæc scriberet. Prior summa in nummis est
 nongenties sexagies ; (non nongenties se-
 xies, ut vult Rualdus) in drachmis διγυλίας
 ἢ τετρακίσαι μυριάδες, ducenties quadra-
 gies centena millia denarium : desunt ἑκατὸν
 μυριάδες, Latine *quadrages sestertium*, ad in-
 tegrum millies. Posterior in nummis est
 millies, τάλαντα ἢ τετρακισχίλια ἑκατὸν ἕξ καὶ
 ἑξήκοντα, μυῶν πέντε ἢ τριακόντα. Minorem
 filuit Plutarchus, ut rotundaret majorem.
 Ita septies millies alteram septuplo, alteram
 paulo amplius excedit. Sed quid Scaligero
septies millies ? quæ sunt, inquit, tantum
 drachmæ 17500000 : hoc est, διγυλίας ἑνεα-
 κήσαι ἑκκαίδεκα τάλαντα, μυῶν εἴκοσι. Plane
 occupatissimus fuit, cum hæc in chartam
 subito conjiceret. Centies septuagies quin-
 quies centena millia denarium, Græce χίλια
 ἢ πενήκοντα ἢ ἑπτακίσαι μυριάδες, non fa-
 ciunt ultra septingenties sestertium, nostro-
 rum decies septies CL millia aureorum vel
 coro-

coronatorum. Ne talentorum quidem ratio respondet. Nam *δραχμία ἐννεακῆσια ἑκκαίδεκα τάλαντα μναῖ εἶησι* faciunt sexcenties nonagies novies *CXCII* millia sestertium nummum, 69992000, in nostro ære 1749800, decies septies centena quadraginta novem millia octingentos aureos. Desunt igitur *μναῖ εἶησι* ad explendum numerum, quem dedit in drachmis, octo millia in sestertiis, ducenti aurei in nostris. Voluit dicere *μναῖ πεσσεύηεντα*. Sic erit ipsum septingenties. Iamque vides, nescio qua fraude *septingenties* pro *septies millies* districto gravioribus obrepisse. At septies millies ipsum in drachmis facit *μυριάδα μυριάδων (ἡ μυρίας) ἐπικισχίλιας ἢ πεντακῆσιας μυριάδας*, Latine millies septingenties quinquagies centena millia denarium, 175000000 : in talentis viginti novem millia *CLXVI*, minas *XL* : in nostris aureis centies septuagies quinquies centena millia, seu milliones septendecim cum dimidio. Pecunia, quam Tiberius confiscatam repositamque reliquit, & Cajus non toto vertente anno helluatus est ac profudit, Suetonio dicitur *vicies septies millies sestertii*, Caligula cap. xxxvii. Sunt sestertiorum 2700000000, denarium 675000000. Hactenus bene Scaliger : sed subjicit, hoc est, *ἐξηκονταεπικισχίλια πεντακῆσια μυριάδες*. Perperam : & hoc genus efferendi numeri

Græcis

Græcis inauditum. Neque enim ultra *ἐννεα-
 χιλίαι* progrediuntur : nam pro *δεκαχιλί-
 αι μυριάδες* dicunt *μυριάς μυριάδων* : & sic
 deinceps δύο μυριάδες μυριάδων pro *εἴκοσα-
 χιλίαι* τρεῖς μυριάδες μυριάδων pro *τρια-
 κονταχιλίαι μυριάδες*. Qui postremus nu-
 merus respondet duodecies millies sesterzio,
 talentis quinquaginta millibus, millionibus
 coronatorum triginta. Quis crederet hel-
 lenismi tam perito viro tam absurdam nu-
 merationem excidisse ? Par error est Meur-
 sii, qui cap. i. de Luxu apud Dionem lib. xli.
ἀντὶ δὲ πενταχιλίων ἢ μυρίων δραχμῶν, cor-
 rigit, *πεντακοσταχιλίων*. At ex Græcis *πεν-
 τήνθια μυριάδες*. Millions, pergit Scaliger, “
 quinque sexcenta viginti quinque millia “
 scutatorum Franciæ solatorum. Quid hoc “
 leve & nugatorium Caligulæ audio, in quo
 Suetonius, tanquam in simpulo, fluctus mo-
 vet ? Immo designavit ille summam, quæ
 continet coronatorum milliones septem &
 sexaginta cum dimidio. Vel, inquit, *πέντε
 μυριάδες μυριάδων ἐπὶ αχιλίαι πεντακῆσαι*.
 Hoc quidem *ἐπιλωκώπερον*, sed non convenit
 notis barbaris numerorum : sunt enim
 575000000 : hoc est, quinquies millies se-
 ptingenties quinquagies centena millia de-
 narium. Itaque deest una *μυριάς μυριάδων*.
 Apud Dionem (rursus Scaliger) lib. lvi. ii. “
πέντε γὰρ μυριάδας μυριάδων ἢ πεντακοσίας ἢ “
πεντα-

„ πεντακισχίλιας ὡς ὁ ἕτεροι, ὀκτώ τε ἢ δις χίλιας ἢ
 „ πεντακισχίλιας. Prior summa concordaret cum
 „ Suetonio, si pro πεντακισχίλιας legeretur ἑπτα-
 „ κισχίλιας. Ita nunc quidem apud Dionem le-
 gitur : sed idem est error, qui proxime nota-
 tus : deest enim μυριάς μυριάδων. nam πέντε
 μυριάδες μυριάδων πεντακισχίλια καὶ ἑπτακισ-
 χίλια, vicies ter millies sestertium ; μυριάς
 μυριάδων, quater millies sestertium : quæ
 conjuncta faciunt vicies septies millies. In
 Xiphilino est ἑπτακισχίλιας ἢ ἑπτακισχίλιας. Sed
 ne hæc quidem summa quadrat. Notis be-
 ne expressit denariorum numerum : isque
 pronunciandus, sexies millies septingenties
 quinquagies centena millia denarium, Græ-
 ce ἐξ μυριάδες μυριάδων ἢ πεντακισχίλιας ἢ ἑπτα-
 κισχίλιας μυριάδες δραχμῶν. Itaque si pro
 πέντε scribatur apud Dionem ἐξ, erit illa ipsa
 summa, quam Suetonius nuncupat. Snellius
 florenos Hollandicos facit 223022847, hoc
 est, bis & vicies millies trecenta viginti duo
 millia octingentos quadraginta septem. At
 alibi reddit Coronatorum 67500000, hoc
 est, sexcenties septuagies & quinquies cen-
 tena millia. Hoc recte : sed ea summa tripli-
 cata florenorum efficit bis millies vicies
 quinquies centena millia. A. Vitellium no-
 vies millies sestertium paucis mensibus inter-
 vertisse testis est Tacitus lib. 2. Historia-
 rum Xiphilinus dicit δύο μυριάδας μυριάδων

ἢ διχαλίαις ἢ πενταχυσίαις, hoc est, bis millies
 ducenties quinquagies centena millia dena-
 rium, 225000000. Summæ conveniunt,
 conficiunturque coronatorum ducenties vi-
 cies quinquies centena millia, seu duo & vi-
 ginti milliones semis. Hinc igitur emendan-
 di Dion & Zonaras, apud quos utrumque,
 δύο μυριάδας μυριάδων, καὶ χιλίας ἢ πεντα-
 χυσίας: quod non potuit aliter vertere Wol-
 fius quam bis millies centies quinquagies
 centena millia denarium. Sed hæc summa
 vehementer ab illa Taciti discrepat, inquit
 Hotomannus: si διχαλίαις legeremus & vo-
 cem μυριάδας repeteremus, tum vero pro-
 xime ad eam accederet: nam illa summa qua-
 druplicata sestertium efficit decies millies
 centena millia. Sic Hotomannus, ubi tamen
 frustra dubitat, an vox μυριάδες sit repeten-
 da: semper enim utique repetendâ est in hu-
 jusmodi locutionibus: & sunt hi gradus, μυ-
 ριάδες μυριάδων, μυριάδες δραχμῶν, δραχμαί.
 Deinde male subducit: nam διχαλίαις legendo
 non tantum prope acceditur ad summam Ta-
 citi, sed ipsa ad assem exprimitur. Tertio ob-
 scurum est illud, & tamen etiam erroneum,
 summam Dionis, si legatur διχαλίαις, qua-
 druplicatam sestertium decies millies effice-
 re. Dubium enim potest alicui fieri, utrum
 significet ὀκτὼ μυριάδας μυριάδων, ὀκταχιλ-
 λίας, & iterum ὀκτάκις πενταχυσίας (quæ essent

πετρακίλιαι , & quia Græci non sic lo-
 quuntur , sed ita summam hanc concipiunt ,
 ἐννέα μυριάδες μυριάδων , διγίλιαι μυριάδες ,
 hanc , inquam , summam) efficere sestertium
 decies millies : quod nec voluit , & longissi-
 me distat ; an vero , quod voluit dicere , istos
 numeros quibus denariorum summa expli-
 catur , quadruplicatos in sestertiis (quatuor
 enim sestertios continet denarius) efficere
 dictam decies millies sestertii summam . Hoc
 eum voluisse non ambigo , quod tamen est
 falsum , ut experimento apparebit . Δύο istæ
 quidem μυριάδες μυριάδων quater ductæ
 reddunt octies millies : sed διγίλιαι μυριάδες ,
 cum χίλια sint Latine centies centena millia
 denarium , quadruplicatæ non reddunt nisi
 octingenties in sestertiis , nec πεντάκισσι μυ-
 ριάδες , cum ipsæ sint quinquagies centena
 millia denarium , quadruplicatæ plus effi-
 ciunt quam ducenties : hoc ergo ducenties
 illoque octingenties additis ad octies millies
 fit tantum *novies millies* , uti fieri debet , non
decies millies , uti computarat Hotomannus .
 Si decies millies efficeret , propior erat Sue-
 tonii summæ altera , quam Wolfius expres-
 sit : efficit enim octies millies sexcenties ses-
 tertium : & sic ab illa distaret tantummodo
 quadringenties sestertio , cum Hotomanni
 „ summa toto millies distet . Iam Scaliger , Zo-
 „ naræ locus , inquit , est luculentus , sed in-
 signiter

signiter mutilus: nam Zonaras ita scriptum,
 reliquerat; ὡμολόγηται εἶναι δύο μυριάδας
 μυριάδων ἢ χιλιάδας πενταχόσιας &c. δεδα-
 πανηέναι. Vbi vulgo; ὡμολόγηται δύο μυ-
 ειάδας μυριάδων ἢ χιλίας πενταχόσιας. Novies
 millies sestertium, sunt denarium, vel, ut ipse
 loquitur, drachmum 225000000: quæ sane
 sunt εἶναι δύο μυριάδες μυριάδων ἢ χιλιάδες
 πενταχόσια μυριάδων. Sic Scaliger, iterum
 quæ recte notis expressit denariorum, seu
 drachmarum numerum: sed in pronuntian-
 do immanem in modum erravit. Μυριάς
 μυριάδων, sive μύρια μυριάδες Græcis, quæ
 Latinis millies centena millia denarium, ses-
 tertium quater millies, talentum sedecim
 millibus amplius, aurcorum nostrorum seu
 coronatorum centies centena millia, seu de-
 cem milliones. Quid igitur εἶναι δύο μυ-
 ειάδες μυριάδων; quid nisi vicies bis millies
 centena millia denarium, sestertium octo-
 gies octies millies, CCCCLIV millia talen-
 tum, & quod excurrit, coronatorum mil-
 liones ducenti viginti? At non hic sistit, sed
 pro minore summa & excurrenti ære appo-
 nuntur πενταχόσια χιλιάδες μυριάδων. Nun-
 quam gravio rem calculi errorem vidj. Vbi
 legit unquam istas χιλιάδας μυριάδων? Cur
 non & postea fecit εκατοντάδας χιλιάδων μύ-
 ειάδων? & istarum deinde εκατοντάδων rursus
 πεντηκοντάδας? & sic in infinitum? Eodem

fane jure potuisset. Sed patiamur genus lo-
quendi, & summam subducamus : appare-
bitque ; ut eam dicere soliti sint Græci. Χι-
λιάς μυριάδων, quam comminiscitur præter
usum veterum, esset ; quas illi dicunt χιλιάς
μυριάδας, centies centena millia denarium,
100000000. Δέκα χιλιάδες μυριάδων forent
δεκαχιλία μυριάδες, quomodo non dice-
bant Græci, sed pro illis erat ipsa μυριάς μυ-
ριάδων, vel μύρια μυριάδες, millies centena
millia denarium, 1000000000. Εκατόν χι-
λιάδες μυριάδων forent δέκα μυριάδες μυριά-
δων, decies millies centena millia denarium,
10000000000 : sic Δεκάσιαι χιλιάδες μυριάδων
forent εἴησι μυριάδες μυριάδων, vicies millies
centena millia denarium 20000000000 : &
sic deinceps : Denique πεντήσιαι χιλιάδες
μυριάδων Scaligeri Græcis dictæ fuissent πεν-
τήθοντι μύριαδες μυριάδων, quinquagies mil-
lies centena millia denarium, 50000000000 :
quod idem ducenties millies sestertium, in
talentis octies millies centena tria millia tre-
centa triginta tria cum minis viginti, coro-
natorum milliones quingenti, seu quinquies
millies centena millia. Vides æs excurrans
immensum quantum excedens principalem
summam. Iam si hæ summæ conjungeren-
tur, Græcis erant pronunciandæ non isto
syrmate, quo facit vir illustris, sed multo
brevius, ἑβδομήκοντα δύο μυριάδες μυριάδων,
septua-

septuagies bis millies centena millia denarium, 7200000000, in sestertiis ducenties millies octogies octies, talenta duodecies centena millia, milliones septingenti viginti, seu coronatorum septies millies & vicies centena millia. Hoc est de magnis majora loqui. Nunquam contigisset divinum virum tantopere *καταλογίζεσθαι*, nisi aut stans pede in uno, jamque instantium, non præsentium totus, aut dum sopor calculos calvitur, & manibus nitidum doctis opus effluit, nimius animi rem imperfectam relinquere, & sibi ipsi, alio die, dicere recusasset. Suetonius Vespasiano cap. xix. *Sed & in funere Favo archimimus personam ejus ferens, imitansque, ut mos est, facta ac dicta vivi, interrogatis palam procuratoribus, quanti funus & pompa constaret, ut audiret H s. centies, exclamavit, centum sibi sestertia darent, ac se vel in Tiberim projicerent.* Duo sunt hic animadvertenda, quæ sospitatores magnos Suetonii, Torrentium & Casaubonum, fecellerunt. Nomen archimimi omnino cum Turnebo & melioribus scriptis putamus esse *Favor*, non *Favo*: sive ex omine popularis studii, sive ex eventu id histrio ille adsciverit. Et certe quod refertur, ingenium & elegantiam mimicam sapit. Sic *Amor* nomen est viri in marmore Romano:

Conditus hic Amor est dictus de nomine patris:

Heu miseri patris conditus hic amor est.

In alia inscriptione idem est fœminæ nomen. *Favor* quoque vocabulum hominis in quarta fol. CCCCLXXIX. *Appio. Nigrino. Favori. Hermine. Helpidi. Cale. Iucunda. Iucundina. Libertis. Suis.* Immo a neutris finxerunt masculina. Vt *Auxilius* Grammaticus apud Aufonium: *Obsidius* apud Florum. Sic *Corculus*, *Desiderius*, *Tympanus*. *Prasidius* apud Procopium. Deinde refingendum omnino, ut in parte vidit Budæus: *ut audivit sestertio centies*, exclamavit, *centies sibi sestertium darent*, ac se vel in Tiberim projicerent. Repetit ipsam prœcuratorum vocem, quam miratur & dolet mimicus ille Flavius. Magnitudo contumeliæ, quam pro pecunia suscepturum se ostendit, requirit summam non mediocrem. Nam si *centum sestertia* ideo contendimus stare oportere, quod sic magis appareat avaritia, videamus, ne impulsus eadem ratione alius obtrudat nobis *centum sestertios*. Principem merere centies velle, ut sepultura careat, satis magna & detestabilis avaritia est. Nullum est certius argumentum sordium in avaro, quam perinde ei deesse, quod habet, quam quod non habet. Adeo naturalem & insitam fuisse significat illi Principi pecuniæ cupiditatem, ut etiam mortuus, si quis manium sensus, si intelligeret tantum impendii factum in funus suum, id ægre fuerit habiturus; malletque

in thesauris argentum conditum relinquere, nunquam usus, quam extremi muneris honorem recipere: quin immo putaret tanto dono quamvis ignominiam cadaveri suo oblatam abunde compensari. Sic ille, de quo Lar familiaris in Aulularia:

Is quoniam moritur, (ita avido ingenio fuit,)

Nunquam indicare filio id voluit suo,

Inopemque optavit cum potius relinquere,

Quam eum thesaurum demonstraret filio.

Placet igitur magis summa grandior, *centies sestertium*: videlicet ducentorum quinquaginta millium Philippeum nostrorum: non *centum sestertia*, quæ tantum faciunt duo millia quingentos. Scaliger: Quis dubitare possit ibi legendum: *ut audivit sestertiis centum*. Recte quod utramque summam congruere debere existimavit: sed majorem requiri jamdudum bene collegit Budæus: quod verosimile non sit, Neronem, damnata memoria, hostem publicum judicatum, ducentorum millium impensa funeratum esse: Vespasianum laudatissima memoria, relicto successore filio optimo & piissimo, centum millibus. Neque enim fingunt procuratores, sed, quod factum est, respondent.

CAP. VII.

Senes ab jureconsultis reperti ad coemptiones faciendas interimendorum sacrorum causa, apud Ciceronem. De illis Hotomanni, Manucii, Scaligeri, Marcilii, Gutherii, Salmasii sententia confutata. Venditiones imaginaria sesterzio uno nummo, sed non necessario ter dato, ut in emancipationibus filiorum. Cur ibi ter? Jus patrie potestatis ab Romulo institutum. Partitio, genus legati; non modus interimendorum sacrorum. Caput partitionis. Cicero de legibus alio loco illustratus, alio de conjectura forte sanatus. Partitiones, ut regula, definitiones, praecepta. Testamentum per as & libram male dicitur modus interimendorum sacrorum. Non fiebat curiatis comitiis, sed privatim, signatoribus & testibus advocatis. Hares, qui a sacris liberari cupiebat, comparato ad id seni mancipabat hereditatem per as & libram venditione imaginaria, a IC. reperta. Eam velut nactus ille titulo mancipationis, non ut hereditatem, sed ut rem emptam, sacris liberam, interveniente stipulatione, reddebat heredi.

NON abhorret a tractatione pecuniae veteris quaestio de senibus coemptionalibus apud Plautum & Ciceronem: de quibus cum veteris conjecturae poenitere nos non debeat, eam non paucis locupletatam & confirmatam hic quoque reponemus. Quod antequam facimus, separandum ab illis aliud genus senum, de quo Cicero in oratione pro L. Muræna cap. XII. *Sacra interire illi noluerunt:*

luerunt : horum ingenio senes ad coemptiones faciendas interimendorum sacrorum causa reperti sunt. Hos senes plerique omnes confundunt cum senibus coemptionalibus, qui apud Plautum & eundem Ciceronem appellantur. Non poterant autem hos cum illis conglutinare, nisi interveniret tertium genus coemptionis, qua matrimonium contrahabatur : scilicet ut vara vibiam sequeretur. Dicamus, ait Hotomannus, senes orbos matrimonium per coemptionem contraxisse : qua ratione accidebat, ut eorum uxores sacrorum sociæ suæque illis hæredes essent. At hæ simul atque alteri nubebant, in ejus sacra transibant : atque ita senis illius sacra interibant. Senes repertos ait Cicero ad coemptionem faciendam : non igitur erant ipsi testatores. Repertos ait ab his, qui consuluntur : erat igitur imaginaria, umbratica, defunctoria, ista coemptio, non vera, solida, seria : qui per lulum uxorem ducit, & eodem tempore de ultima sua voluntate decidit, non ludit. Denique repertos ingenio istorum : non igitur accidebat naturaliter, & ipsa occasione sic ferente, ut in illo casu, quem format Hotomannus, qui nullis etiam IC. intervenientibus sacra abolebat. Præterea non universale hoc beneficium redditur ista explicatione, sed tantummodo indulgetur orbis. At vero cujus acuminis est,

contra destinationem testatoris, & expectationem justî hæredis, ingenti calliditate ad ignotum & extraneum hæreditatem averti? Saltém addidisset, hanc mulierem, post mortem testatoris hæredi legitimo ut nubat, damnari. Sacra onerabant hæreditatem: parcus quidam deorum cultor, qui sacra interire patiebatur, gratificabatur hæredi: quomodo igitur capularis & acheronticus duceret uxorem, eaque relicta hærede illum spe sua & jure interverteret? Adeone quisquam esset iratus diis, ut, dum illis cum lenone Plautino manum adiret, ad extraneos transferri patrimonium suum gauderet, & agnatos forte benemeritos (nusquam enim major reverentia orborum quam Romæ) fraudaret? Subtilius Paulus Manucius ad orationem pro Muræna comminiscitur certum genus bonorum sacris obnoxiorum, & senes coemisse illa bona, quæ qui haberent, sacris adstringerentur. Quod ut alicubi contigisse possit videri, ita plurimum sacra erant totius hæreditatis, quod vel ex proverbio constat, *Sine sacris hæreditas*. Itaque hic etiam in subsidium arcessit coemptionem matrimonii causa. Coemtio autem, inquit, actio illa tota dicebatur, cum senibus illis eam partem bonorum, quæ sacris obnoxia esset, coementibus reliqua omnia mulieris in marito potestatem dotis nomine transibant.

Pro Flacco. *In manum*, inquit, *convenerat.* “
nunc audio : sed quæro , usu an coemptione. Et “
 mox ad verbum *interimendorum* : tollendo- “
 rum, ut ea interimerent, neque iis mulieres “
 adstringerentur. Quæ verba Manucii ipso “
 illo ritu vetere sunt obscuriora, certe vix ad-
 sequi potui quid vellet. Sane facit alios se-
 nes quam testatorem, quod non fecerat Ho-
 tomannus. Interim hisce bona, quæ onera-
 ta sunt sacris, concedendo tamen fraudat hæ-
 redem : neque enim tam profusi erant in re-
 ligionem, ut bona illa, quibus sacra adhære-
 bant, & ex quorum fructibus fiebat impen-
 sa, sumptu essent minora, nec ei sufficerent :
 quæ profecto causa idonea fuisset, cur citius
 & religio & testatoris voluntas negligere-
 tur. Quin etiam nimis angustam speciem
 hæc interpretatio fingit : nam hæredem non
 aliam patitur quam uxorem & orbos, aut
 certe filiam unicam : quæ postea cum mari-
 tum nolit obligare sumptui in bona dotalia
 sacrorum nomine præstando, hac illusione
 utatur : cum profecto, si bonorum ipsorum
 partem alienet, illusio non sit. Sed mitta-
 mus ænigmata : neque enim Sphingem do-
 mi habemus. Idem ille ad lib. VII. Famil.
 Quod si quis roget, inquit, quinam sint hi “
 senes, quos ait Cicero *coemptionum facienda-* “
rum causa Iurisconsultorum ingenio repertos ; “
 dicam esse tutores illos, quibus patresfami- “

„lias eam potestatem reliquerunt, ut filiæ
 „suæ, cum nubarent, coemptionem sine co-
 „rum auctoritate facere non possent. Sed sic
 „quoque totum hoc subsidium ICtorum, ad
 „solas restringitur mulieres, quæ coemptio-
 „nem fecissent: quibus nullo erat peritorum
 „juris ingenio opus: sed de more & instituto
 „venientes in potestatem viri amittebant pa-
 „terna & priora sacra. Præterea quod essent
 „sub tutoribus mulieres, non est inventum
 „Iurisconsultorum, quos in contrarium inve-
 „nisse ait Cicero genera tutorum, quæ pote-
 „state mulierum continerentur. Cur autem
 „tutores illos necesse erat omnes esse senes?
 „Neque ex oratione pro Flacco quicquam ta-
 „le colligitur, sed tantummodo coemptionem
 „facere non potuisse mulieres, nisi tuto-
 „ribus auctoribus. Nulla ibi mentio *senum*,
 „nulla *sacrorum interimendorum*. Scaliger ad
 „Festi: *Puri, probi, profani, sui auri*: ubi agit
 „de modis sacrorum abolendorum, ita cen-
 „set: Aut fiebat alio genere imaginariæ ven-
 „ditionis, quæ vocabatur *coemptio*, adhibitis
 „*senibus coemptionalibus*, qui assē Cajano, hoc
 „est, nummo sestertio dicis causa ter accepto
 „& rursus reddito hæredem absolverent. Cau-
 „tius sane quam priores; & de matrimonio
 „filet. Sed istos senes nemo dixit *coemptiona-*
 „*les*. Neque explicat, quare in his senibus sa-
 „cra interierint, curque non transferre ipsi ea
 in

in hæredes suos aut caput obligare piaculo viderentur, sumptis sacris, quæ erant neglecturi. Quod addit, ter potissimum accepto & reddito sestertio, (repetitum & Auf. Pomæ ad Lib. v. Varronis de L.L.) id hausit ex ritu emancipationis filiorum, de quo Cæjus lib. i. Instit. tit. vi. & Theophilus lib. i. tit. xii. Sed illa cur tribus mancipationibus, eoque ter dato nummo, duabusque manumissionibus, & denique remancipatione ac manumissione fieret, causam video. Nam Romulus adeo sanctum jus patriæ potestatis fecerat, ut ter vendendi filii facultatem daret patri: post primam & secundam mancipationem, si quo casu liber esset factus, in patris potestatem recidebat. Dionysius: Καὶ τὸ το σὺνεχώρησε τῷ πατρὶ, μέχρι τῆ τρίτης πωρώσεως ἀφ' ἧς χρηματίζοιτο, μείζονα δὲς ἐξουσίαν πατρὶ καὶ πατρὸς ἢ δεσπότῃ καὶ δούλῳ. Θεραπείων μὲν γὰρ ὁ πατὴρ ἀπαξ, ἐπειδὴ τὴν ἐλευθερίαν διέρχεται, αὐτὰ τὸ λοιπὸν κύριός ἐστιν. ἢ δ' ὁ πατὴρ ὑπὸ τῷ πατρὸς, εἰ γένωτο ἐλεύθερος, ὑπὸ τῷ πατρὶ πάλιν ἐγίγνετο. Καὶ τὸ δεύτερον ἀπεμποληθεὶς καὶ ἐλευθερωθεὶς, δούλος, ὥσπερ ἐξ ἀρχῆς, τῷ πατρὸς ἔστω. καὶ ὅ τινι τρίτῳ πρᾶσιν ἀπὸ πατρὸς τῷ πατρὸς. Id igitur jus ut solveretur imaginaria mancipatione, ter illam repeti necesse erat, & sic ter nummum appendi, vel dari & accipi. Eapropter & adoptio non erat iusta, nisi naturalis parens

tertia mancipatione filium in jure cessisset, ut est
apud Gellium lib. v. c. xix. Sed hinc ne-
quaquam colligendum, in omni negotio,
quod per æs & libram gereretur, ter datum
nummum. Cumque non possit afferre cau-
sam Scaliger, cur trina mancipatione opus
esset in sacris abolendis, frustra nobis vendi-
„tat ternarium illum numerum. Marcilius
„ad L. L. XIII. Tabb. Si hæreditas sacris ad-
„stricta esset, vendebat illam fiducia interpo-
„sita hæres seni capulari Acherontico, ut eo
„cis paucos dies mortuo reciperetur hæredi-
„tas jam ut emptæ res, non ut legata aut reli-
„cta, eoque sacris adstricta. Solet hic, perin-
de ut Africa, semper aliquid parere novi, &
fere monstrosum. Primum, si expectanda
hæredi mors erat illius capularis senis, non
perfecto negotium erat imaginarium, sed
vere & cum summo periculo hæredis senex
ille possidebat. Quid si autem senem illum
diu etiam dilatum Orcus recipere nollet?
An interea rebus hæreditariis abstinendum
erat hæredi? Majori hoc fraudi esse poterat,
quam ipsa molestia sacrorum. Denique non
hæres, celebrata hac imaginaria venditione,
interposita fiducia habiturus erat rem de-
functi velut emptam, sed seniculus ille: cu-
jus quia mortem expectat hæres, utique de-
novo recipit rem ut relictam, non ut emptam.
Nemo confidentius quam Gutherius de
jure

jure Pont. lib. II. cap. VI. tres ait inventos
 esse modos, quibus hæredi liberatio quære-
 retur, Partitionem scilicet, Testamentum
 per æs & libram, coemptionem. Hæc omnia
 ὑπερλα, & quantamcunque speciem habeant,
 ἡ δὲ ἐν ὕμνῳ. *Partitionem* ego memineram esse
 legati genus, quo legatarius accipiebat tan-
 tundem quantum hæres seu dimidiatam hæ-
 reditatem, vel si plures hæredes essent, tan-
 tum quantum omnes hæredes. Theophilus
 lib. II. tit. XXXIII. Τὸ γὰρ παλαιὸν ὡς πέμπτον
 γένος Ληγάτης, ἢ ἐλέγχο παρλήτιων, ἢ τοι μερικὸν
 κατελιμπάνειο ὃ τῶτον τ' τρόπον. *Titius mihi hæ-*
res esto, & cum Seio dividito in dimidia portio-
ne. Hinc scribendum in Glossis Nomicis:
 Παρλήτιων, μερικὸν. non Παρτίπων. Ea adeo
 non erat causa liberandi quemquam sacris,
 ut definiat apud Ciceronem lib. II. de legi-
 bus Scævola, proxime hæredes adstringi sa-
 cris, *qui morte testamentove defuncti tantun-*
dem capiat, quantum omnes hæredes: & iterum
 Scævola & Coruncanus, *qui tantundem cape-*
ret quantum omnes hæredes, sacris alligari. At
 Gutherius, partitionem, inquit, voco divi-
 sionem pecuniæ a testatore factam testa-
 mento inter hæredes legatariumque secun-
 dum tabulas testamenti. Nihil subtilius: &
 aliud, ut video, est testamentum, aliud ta-
 bulæ testamenti: nam divisionem istam fa-
 cit testator testamento secundum tabulas
 testa-

„ testamenti, si diis placet. Ab hac, inquit,
 „ cohæredes *particulones* dicti sunt, quod par-
 „ tes illis invicem factæ. Hic rursus, quid
 partes factæ invicem? Si cohæredes invi-
 cem sibi fecerunt, non ergo testator testa-
 mento secundum tabulas testamenti. Deni-
 que falsum est ab hac partitione cohæredes
 dictos *particulones*: nam ista *partitio* non est
 inter cohæredes, sed inter hæredem & lega-
 tarium, aut si plures sunt, inter cohæredes,
 „ & legatarium. Ad *partitionem* tamen, inquit,
 „ decursum est, ut legatariis consuleretur, ne
 „ tantundem caperent, quantum omnes hæ-
 „ redes, sacrisque hoc modo alligarentur. Fal-
 sum hoc quoque: nam qui *partitionem* facie-
 bat, hoc est, legatario tantum relinquebat,
 quantum hæredi vel omnibus hæredibus, is
 legatarium adstringebat sacris. Qui nollet
 adstringere sacris legatarium, is minus ei re-
 linquebat quam hæredi vel omnibus hære-
 dibus. Hoc juris pontificii ait esse Cicero,
 sed huic accessisse ex jure civili inventum,
 quo pecunia sacrorum molestia liberaretur:
 nempe *ut centum nummi deducerentur*. Ita
 enim minus erat futurum. Ergo *partitione*
 facta, hoc est, si legatario uni erat relicta
 pars dimidia hæreditatis, is legatarius par-
 tiarius deductis centum nummis necessita-
 tem quidem sacrorum evitabat: non ideo
 tamen *partitio* est modus solvendi sacris, ma-

gis quam hæredis institutio ; neque ideo fiebat , ut sacris solveretur legatarius . Nec vero cum Cicero ait cap. xxi. *partitionis caput scriptum caute* ; vocabulum *partitionis* accipiendum pro illo genere legati , de quo diximus : sed est *περὶ τὸν*, ut cum *regula*, *definitiones*, *casus*, *questiones*, *theoremata* dicuntur : ut cum Cicero *partitiones oratorias* scripsit . Dixerat superius : *iureconsulti scpe, quod positum est in una cognitione*, id in infinita *dispartuntur*. Et mox : *Hæc nos a Scævola didicimus*, non ita *descripta ab antiquis*. Lib. i. de orat. *Ut primum omne jus civile in genera digerat, quæ per pauca sunt : deinde eorum generum quasi quedam membra dispartiat*. Has ergo Scævola *partitiones* intelligit Cicero, & *caput partitionis*, ut ad Trebatium lib. vii. ep. xxi. *tamen id caput, ubi hæc controversia est, notavi*. Asconius ad primum in Verrem cap. xli. ubi Cicero : *in illo capite Annejano de mulierum hæreditatibus* : *Proprie, inquit, juris capita dicuntur*. Pro quo nobis Gutherius facit de partitionis capite deducentem testatorem , & de partitionis capite centum nummos deberi . Sed eo facilius hoc ei condonamus , quod & Scaliger dicto loco inter modos perimendorum sacrorum esse ait *caput partitionis in deducendis centum nummis*. Hæ sunt verborum præstigiæ , ne ipsi quidem, qui ea protulit, intellectæ, quæ nos barones

rones olim stupebamus. Quodsi omnino *partitionem* in verbis Ciceronis accipere libeat genus legati, *in caput* tamen aliter, quam diximus, accipi non potest: & *caput partitionis* erit definitio vel exceptio de partitione. De deductione, in qua insolescit Gutherius contra Fr. Balduinum, nihil habeo dicere: manifesto enim corrupta sunt Ciceronis verba, neque potest inde quicquam bene colligi, antequam corrigantur. Cogitabam: *Atque etiam dat hoc Scævola caput partitionis, ut si in testamento deducta sacra non sint, ipsique minus ceperint, quam omnibus hæredibus relinquatur, sacris ne alligentur.* Sed hoc est in tenebris. Alius deinde Gutherio modus perimendorum sacrorum, ut per æs & libram hæredes testamenti legatariis solverent. Quod quis intelligit? nisi voluit, legatarios. At quod continenter subjicitur, quam intelligo, tam falsum esse scio.

„ Quod genus testamentorum fiebat curiatis
 „ comitiis pro collegio pontificum. Omnia
 jura confundit hic coquus. Quid audio?
 testamentum per æs & libram factum esse
 calatis comitiis? Atqui didiceram ex Iustini-
 niano tertium hoc, separatum a Comitiali
 & procincto, genus fuisse testamenti: & ex-
 pressius ex Theophilo, quum multi præci-
 piti morbo correpti morentur intestati,
 quod neque comitia instarent (bis enim
 tantum-

tantummodo in anno ea comitia calabantur) neque bellum esset, inventum tertium genus testandi per æs & libram, quod citra comitia, citra procinctum, fieret. Neque abit ab illis Gellius lib. x v. cap. xxvii. quem contrarium sibi testem dat Gutherius. Hic interponit, ut cæteri, *senes coemptionales*, homines de trivio ociosos, qui omnes auctiones sectarentur, ut quæ venalia proscribentur, pretio modico conducti licitarentur, quo emptoribus calorem adderent, resque pluris veniret. Mirum ergo Ciceroni lib. vii. Famil. ep. ii. *licitatorem potius apponam, quam illud minoris veneat.* & lib. iii. de officiis: *non licitorem venditor, non qui contra se liceatur, emptor apponet*: mirum non libuisse illi potius *coemptionalem*, quam *licitatorem* dicere. Hos *senes coemptionales*, ut familiæ emptores, tradit certis conditionibus emisse hæreditatem, ut scilicet pecuniam hæredi legatariisque solverent, quam testator illos habere volebat: quo pacto pecuniam ex stipulatu debitam, nec legatarios solum, sed & filios, qui emancipatione sui hæredes esse desierint, nec in familia testatoris fuerint, sacrorum onere sublevatos. Sed Cicero ait: *per æs & libram hæredes testamenti solvant*: non dicit: *hæredibus testamenti pecuniam solvant*: quæ immane quantum discrepant. Sed eosdem senes, quos significat

Cicero ; esse familiæ emptores ; non verosimile . : Secus in omni testamento per æs & libram eo ipso , quod res inter testatorem & familiæ emptorem agebatur , hæres sacris solutus fuisset . Emebant , inquit , hæreditatem , ut pecuniam solverent . Si eandem intelligit hic hæreditatem quam pecuniam , cur tanquam duas res ponit ? si diversas res intelligit , non erat negotium imaginarium , & senes illos non homines de trivio , sed bene locupletes oportebat esse . Quorsum autem hic illa mentio filiorum emancipatorum ? Salmasius ad Plautum & ipse , quos sacrorum interimendorum causa Iurisperiti adhibuerunt , proprie dictos esse vult *coemptionales* , nec in aliis emptionibus locum habuisse . Cur ? nisi quia sic placet . Eos res aliquot hæreditatis , velut mancipia , coemisse , & sic cum viderentur hæreditatem ipsam coemisse , sacris etiam illis , quæ cum hæreditate conjuncta erant , obnoxios factos : sed cum capulares essent , ipsis mortuis sacra illa etiam extincta fuisse & interempta , nec ad eorum hæredes transisse . Sed qua simulatione mancipia illa poterant repræsentare totam hæreditatem , cum suis sibi adjunctis sacris ? Novo hic ingenio opus est ad hæc mancipia toti hæreditati subdenda & substituenda piacularia . Unde coementes hujusmodi mancipia sacris obnoxii fiebant ?

Sextum ergo genus Scævolæ constitutum fuit sacris allegatorum, qui hæreditariæ quidquam rei coemissent. Cur denique ad illos, ad quos morte capularium ejusmodi fenum redibat mancipiorum proprietas, non propagabantur eadem sacra, cum quibus accepissent ea isti sènes? Cur ad hæredes eorum non transibant, sed ipsis mortuis interimebantur? Si integra exstaret pars illa libri secundi de legibus Ciceronis, qua de sacris perpetuis tractat, res, credo, declarata foret satis: nunc facilius aliorum opiniones rejicere, quam ipsi certiore proderere possumus. Tentemus tamen & nos aliquid, ne simus asymboli. Præbebunt occasionem verba Ciceronis. lib. II de Legibus cap. xx. *Quin etiam cavent, ut cui plus legatum sit, quam sine religione. capere liceat, is per æs & libram hæredes testamenti solvat: propterea quod eo loco res est ita soluta hereditate quasi ea pecunia legata non esset. Et sequenti: Rursus sacris liberantur. Hoc vero nihil ad Pontificum jus, & e medio est jure civili, ut per æs & libram hæredes testamenti solvant: & eodem loco res sit, quasi ea pecunia legata non esset, si is cui legatum est, stipulatus est id ipsum, quod legatum est, ut ea pecunia ex stipulatione debeatur.* Hæc quidem de certo genere solvendi sacris loquuntur, similitudine tamen in universum juvare nos possunt. Æs & libra, cujus hic mentio, non

est ea, qua testamentum fit, nec quæ inter testatorem & familiæ emptorem adhibetur, (nam hic emptor, ut hæreditatem, & pro hærede emebat, eoque adstringebat illum sacris) sed alia inter hæredes legatariumque. Sic nos cum per æs & libram sacris hæredem solvere volumus, non accipimus eam, quæ testando interveniebat, sed quæ post testatoris mortem hæreditatemque aditam usitabatur inter hæredem & comparatum hominem senem, qui hæredem solveret. Itaque poterat post quodvis testamentum, & in hæreditate etiam intestati, atque adeo in quinque illis generibus, quæ Scævola facit eorum, qui sacris alligarentur, adhiberi. Subornabat hæres hominem senem, tanquam graviores auctores: (*interest enim nonnunquam a sene potius aliquid fieri, quam a juvene.* Modestinus l. x v. de fideicomm. libert.) ei ut in legitima mancipatione, advocato libripende ac testibus, vendeat hæreditatem non ut hæredi, nec pro hærede, ut testator familiæ emptori, sed ut possessori alieno: senex dato dicis causâ nummo sestertio eam coemebat, & non secus ac sectionis emptor & possessor liberam eam nullis adstrictus sacris quasi suam faciebat: postea res in stipulatum deducebatur, & emptor ac dominus fiduciarius stipulato hæredi quasi ex sponsu eandem tradebat; communi jure,
quo

quo nihil tam naturali æquitati conveniens esse sancitur, quam voluntatem domini rem suam in alium transferre volentis ratam haberi. Sic exstinguebatur nomen hæredis & hæreditatis, & sic etiam sacrorum hæreditati adnexorum, & lucrosiore titulo possidebat, qui graviore prius, ut hæres, possederat. Coemptio autem illa imaginaria vim eandem obtinebat, quam in emancipationibus liberorum. Ibi enim pater uno aut duobus nummis, ut loquitur Cajus, in similitudinem pretii acceptis, filium fiduciario patri vendebat, isque mox illum manumittebat: quod cum iterum factum esset, tertio rursus emptum a patre naturali juvenem fiduciarius pater non manumittebat, sed velut suum naturali patri remancipabat, a quo tum denique manumissus fiebat sui juris. Sed & donationibus interdum hujusmodi venditiones imaginariæ interponebantur, ut ea non donatio, sed emptio venditio videretur. Vt cum Serviliæ amplissima prædia ex auctionibus hastæ nummo Cæsar addixit, teste Suetonio. Hi porro senes ad coemptiones faciendas adhibiti sacrorum interimendorum causa cum *senibus coemptionalibus* nihil habent commune, nisi partem vocabuli, quo alterorum opera, alterorum status significatur. De quibus aliquid certius, opinor, aut verius licebit pronunciare.

CAP. VIII.

*Præceptum ad tutelam rei familiaris pertinens : quæ
 supersint , uti veneant. Virgilii versuum notissi-
 morum , sed adhuc non intellectorum , sententia.
 Abdere domo , exigere , excludere. Iumenta reji-
 cula ob valetudinem & atatem , ut & mancipia
 trita & veterana alienata , sed & vendibilia. Ca-
 tonis monitum exemplo ipsius confirmatum. Senes
 coemptionales qui Plauto & Curio in epistola ad
 Ciceronem. Venales. Decuria servorum venalium.
 Decuria turdorum. Quæ singula parum vendibi-
 lia , in cumulum data veniunt. Accessio candelabri
 Corinthii Clesippus. Plinii locus eximius illustra-
 tus. Impudentia libidinis. Improbius natus. Im-
 probus color. Improba planta tegmina. Suetonius,
 Seneca , Valerius Flaccus explicati. Natura. De
 senibus coemptionalibus Victorii , Manucii , Came-
 rarii , Turnebi , Marcilii , Salmasii opiniones re-
 jectæ.*

INter prima Oeconomices monita est , ἀφ' ὧν τις ὠφελεῖσθαι δυνάται , χρήματα εἶναι ἀ-
 ξιῶσθαι, verbis Xenophontis lib. I v. ἀπομνημ.
 hoc est , eas res facultatum numero ducere,
 ex quibus utilitatem percipere possis. Cujus
 autem nec possessio est emolumento nec da-
 mno penuria , eo se credere opulentiores
 non decet homines frugi. Quid de illo di-
 cemus , quod non modo proventu nullo
 possidentem auget, sed etiam sumptu macer-
 atque impendiis? *Proprie bona dici non pos-
 sunt, quæ plus incommodi quam commodi habent,*
 inquit

inquit Iavolenus. Ejusmodi igitur aut nihil habendum, aut primo mercatu alienandum censent sapientes. Cato de re rustica cap. III. *Quæ supersint, uti veneant. Et mox: vendat boves vetulos, armenta rejicula, oves rejiculas, lanam, pelles, plaustrum vetus, serraamenta vetera, servum senem, morbosum, & si quid aliud supersit, vendat. Patremfamilias vendacem, non emacem esse oportet.* Hinc verum sensum indagabimus documenti Virgiliani lib. III. Georg. de equo generoso:

*Hunc quoque ubi aut morbo gravis, aut jam se-
gnior annis*

Deficit, abde domo, nec turpi ignosce senectæ.

Guilielmus Canterus lib. VI Novar. Lect. cap. VIII. posteriorem hujus sententiæ partem cum priore ait pugnare, nisi scribatur auctore Io. Aurato: *abde domo, & turpi.* Quod placuit etiam Ob. Giffanio, non aliam, credo, ob causam, quam quod fractorum versuum, quales ille multos nimis veterum Poetarum constituit, (adeo in summa eruditione malum se Poetam dissimulare non potuit) numerum augeret. Cæteri omnes fere commentatores, & complures alii docti viri Servium secuti nec dividunt, ut sit: *& ignosce senectæ non turpi*: sensu duplici: ut aut commendetur patrifamilias etiam in bruta benignitas, quam equum senio confectum alendo otiosum domi ostendat,

dat, aut significetur tales operibus domesti-
cis adhibendos esse. Sed enim *abdere* passim
quidem abscondere significat, ut hic quoque
acceperunt: quamquam sic *domi* legendum
fuisset: interim non est hæc princeps vocis
notio, in qua opponitur τῶν *addere*, & notat
excludere, amovere, a se abjungere. Sic Ti-
bullus lib. II. Eleg. I.

Sancte veni dapibus festis, sed pone sagittas,

Et procul arduentes hinc, precor, abde faces.

Hinc amove, amotas habe. Silius lib. VI. de
Brutio aquilifero:

*Tenuis opum, nec gente nitens linguare, sed
asper*

Ense, nec e Volscæ quisquam vir gente redemit

Plus ævi. nec magna anima puer abdere sese

Pubescente gena castris optaverat.

Quod nihil aliud est, quam exesse castris. Et
apertissime imitatus Virgilium Nemesianus
in Cynegetico:

Sin vero hæc cura est, melior ne forte necetur,

Abdaturve domo.

Dixerat antea: *primos contemnere partus: &
non omnes nutrire minores.* Sententia igitur
Virgilii est: Hunc quoque optimum equum
signisque & re probatum, postquam senio
aut morbo incurabili utilis tibi esse desiit,
exclde domo, aliena, nec te misereat impo-
tentis ejus senectæ. Idem Varro instillat in
re pecuaria lib. II. de re rustica cap. I. *Pro-*
terea

terea scire oportet in grege, quot fœminas habeat, quæ parere possint, quot arietes, quot utriusque generis suboles, quot rejicula sint alienanda. Et inferius de bubus & vaccis: Item ut in reliquis gregibus pecuariis, delectus quotannis habendus, & rejicula rejicienda, quo locum occupent earum, quæ ferre possunt fructus. Quin & de gallinis Columella lib. VIII. cap. V. Sicut in cæteris pecoribus eligenda optima & deteriora vendenda. Servetur etiam in hoc genere, ut per autumnii tempus omnibus annis, cum fructus earum cessat, numerus quoque minuat. Et fuisse hujus quoque tritæ & veteranæ mercis pretium quodcunque, discimus ex verbis Varronis l. II. In emptione alias stipulandum statim esse e valetudinario, alias e sano pecore, alias e neutro. Equidem principes & nobiles viros, qui selectis plurimis equis gaudent alendis, sensum illum de equo vetulo aut morbofo domi coercendo, & misericordia erga eum, nisi forte unicus sit quasi Bucephalus aut Cyllarus, omnino repudiaturos puto. Facile enim valetudinarium & senum jumentorum veluti prytaneum, majus ipso stabulo, quo boni continentur, acquirerent. Ego regiis inultos insignibus onera trahendo, aquam portando, immunditias domuum & viarum publicarum avehendo vilissimis de plebe hominibus diurna æra merere sæpe conspexi. Juvenal. Sat. VIII.

*Sed venale pecus Corithæ posteritas &
Hirpini, si rara jugo victoria sedit,
Nil ibi majorum respectus, gratia nulla
Umbrarum. Dominos pretiis mutare jubentur
Exiguïs, tritoque trahunt epiredia collo.*

Quod autem aliis præcipit Cato, id ipsum servasse testis idoneus Plutarchus: nam cum dixisset, nunquam eum mancipium plus mille quingentis emisse denariis (faciunt sex millia nummum, scutatos CL) quod nec molles nec formosos desideraret, sed valentes ac laboriosos, ut equifones bubulcos, & hujusmodi, subjungit: καὶ τὰς πρεσβυτέρους γλουμένους ὥς οὐ δεῖν ἀποδίδοσθαι ἢ μὴ βόσκειν ἀχρήστους· ὅπως δὲ μηδὲν ὄνων εἶναι τῶν φεικτῶν, ἀλλ' ὅτις εὖ δεῖται, καὶν ἀσασίς πιπράσκειται, πολλὰ νομίζειν. Vides *abdere* Virgilii Plutarcho esse ἀποδίδοσθαι: utque ostendat in servis id quidem durius, vulgare vero in jumentis: Πλὴν τὸ τοῖς οἰκέταις ὡς ὑποζυγίοις ἀποχρησάμενον ἐπὶ γήρως ἐλαύνειν ἢ πιπράσκειν. Et sane Chæronensis Philosophus cum ea in re disputat, lautorum magis hominum delicias, quam diligentis & attenti patrisfamilias institutum ob oculos habuit. Ejusmodi vero mancipia rejicula & veterana, quod non ita facile emptorem invenirent aut minimo æstimarentur, solebant vel plura in cumulum vendere, vel quasi mantissam & appendicem dare melioribus, ut qui bene habitum

bitum bene conciliare cuperet, imparem contubernalem simul acciperet. Vnde *senes coemptionales* dicebantur, hoc est, simul venales. Plautus Bacchid. a. i v. sc. ix.

Nunc Priamo nostro, si quis est emptor, coemptionalem senem

Vendam ego, venalem quem habeo, extemplo, ubi oppidum expugna-vero.

Habeo venalem senem coemptionalem, hoc est, ex eo genere, in quibus singulis vix quisquam facit pretium, sed qui auctiori aliorum accedunt. Vendam, inquit, ubi oppidum expugna-vero. Nempe fructus victoriæ est captivos sub corona vendere. Tota allegoria de Ilio expugnando, & Priamo capi-endo venumque dando, nihil significat aliud quam *captum*, hoc est, deceptum, iri senem. *Capitur* urbs, cum expugnatur: *capuntur* homines ejus incolæ, simulque mancipantur aut venum eunt: *capitur* denique, qui parum cavit aut fraudari se patitur. Ista dicit, hoc intellectum vult servus. Ne dubitetis *captum* iri, jam promitto veno positurum. Quod autem certius captivitatis argumentum, quam liberum hominem ita venisse in potestatem insidiantis, ut vendi possit? Lib viii. famil. epist. xxi. quæ est Curii ad Ciceronem: *Sum enim ἡρώδης ἑμέου τῆς* Attici nostri. ergo fructus est tuus, mancipium illius: quod quidem si inter senes coem-

coemptionales venale proscrisperit, egerit non multum. hoc est, si mihi inter rejicula istiusmodi mancipia titulum in venalitio pinxerit, vendideritque me, parum rei fecerit. Quare? quia inutiles sumus & nullius pretii. Ita de se modeste. Recordare nunc, venales κατ' ἐξοχλῶ dici de mancipiis venui. Grex venalium, Plautus Aulul. III, III. Cistell. II, VII. Rudente: Venales illic ductitavit, quisquis est: non est misericors. Trinummo: Mercaturamne an venales habuit? Cic. lib. v. in Verr. Illi ad deprecandum periculum proferebant alii purpuram Tyriam, vina nonnulli Græca venalesque Asiaticos. Lib. 1. de Orat. Manilianas venalium vendendorum leges ediscere. Quæ si extarent, nunc opinor juvarent nos. Seneca epist. LXXX. Detrahis vestimenta venalibus, ne qua vitia corporis lateant. Ita & coemptionales senes. In venalibus autem quantumvis viles, mutilos, effætos, locum invenisse indicat Seneca Epist. XLVII. Stare ante limen Callisti dominum suum vidi, & eum, qui illi impegerat titulum, qui inter rejicula mancipia produxerat, aliis intrantibus excludi. Retulit illi gratiam servus ille in primam decuriam conjectus, in qua vocem præco experitur. Decuriam dicit illum gregem, ut Columella lib. 1. cap. ult. Classēs vero non majores quam decem hominum faciendæ, quas decurias appellaverunt antiqui. Sic Turdorum decuria vel coro-

na apud Martialem in Xenii lemma est epigrammatis xlix, ita conjunctis duobus vocabulis, quæ singula habent alii, in Ms. quondam Pircheimeri, nunc Arondelliano. Sed de isto etiam inter servos infimo genere, ne quis putet eorum pretium non esse, audiamus Aug. Busbequium epist. i i i. Captum usu membrorum servum nihilominus herus alit, nec est ita debilitatus quisquam, quin operæ ejus sit aliquod pretium. Memini me redimere non ignobilem militem Hispanum, qui ordines apud suos duxerat: quem cum membris omnibus ex vulneribus debilitatum Turca emisset, rationem tamen iniit, qua fructum ex eo caperet. Trajecit eum in Asiam, ubi anserum greges aluntur: quibus pascendis operas ejus locabat, ex quo non contemnendum lucellum faciebat. Et mox: Herus servi labore vivit. Turcæ maxima, qua publica, qua privatim, e servitiis emolumenta capiunt. rem familiarem servorum operis præclare tuentur. ideoque proverbio negant eum pauperem videri, cui vel unicus servus sit. Denique, quæ singula liceri aspernantur homines, ea plura in unum pretium missa aut addita desiderationibus sive mancipiis sive rebus, haudquaquam mirari par est: quum quotidie videas & in auctionibus, majoris pretii quæ sunt, singula, viliora acervatim protrudi. Sed servi pla-

ne coemptionalis exemplum lepidissimum præbet Plinius lib. xxxiv. cap. iiii. *Accessio candelabri talis fuit Theonis jussu præconis Clesippus fullo, gibber, & alio præterea fœdus aspectu, emente id Gegania Hs. quinquaginta millibus, eademque ostentante convivio emptum, ludibrii causa nudatus, atque impudentia libidinis receptus in torum, mox testamentum, prædives numinum vice illud candelabrum coluit, & hanc Corinthiis fabulam adjecit, vindicatis tamen moribus nobili sepulcro, per quod æterna super terras Geganiæ dedecoris memoria duraret.* Hæc Cimmeriis tenebris involuta & fatetur ultro & conatu ipso illustrandi probat egregius ille Hermolaus Barbarus: edit autem hunc sensum: Clesippum illum aspectu fœdum & candelabri Hs. l. comparati fabrum, a Gegania emptore primo ludibrii causa, mox etiam libidinis receptum: hæredem quoque ab eo scriptum, numinis & dei vice candelabrum illud a se factum habuisse, ut cujus occasione prædives factus esset, & hanc fabulam Corinthiis adjecisse, acceptum videlicet id omne referendo æri Corinthio. Addit & Græcum hominem *Geganiam* credi posse. Vir præstantissimus præter alia, quæ ibi peccat, ex fullone fabrum, ex Gegania muliere Romana Grajum facit virum Geganian. Quin cujuscuque auctio fieret, præco Theon candelabro Corinthio pretioso

tioso coemptionalem dedit servum nihili, pravissimo corpore, fullonem Clesippum. Iussu ait *præconis*, nam apud dominam hastam illorum imperium est & moderamen theatri auctionarii. Id candelabrum cum appendice homuncionis comparavit quinquaginta millibus Gegania, vidua nobilis & locuples. Eam emptionem dum frequenti convivio ostentat, productus quoque, &, ut vitia corporis manifestiora jocos præberent, nudari jussus Clesippus præter expectationem non modo candelabri accessio, sed pars suæ partis & Hellepontiaci dei insignibus pulcer apparuit: atque ita putres oculos dominæ fregit, ut propter nescio quos metus nocturnos timida mulier sola cubare non sustinens, adsciverit illud amuletum in lectum, dein & in tabulis primæ ceræ secundo versu notaverit. Manumisit, maritum, hæredem sumpsit. Ille Corinthium, cui nisi adhæsisset adplicitus impar a domino præcone, nunquam ad res tam opimas pervenisset, non secus ac fatum suum veneratus, obtinuit inter posteros, ut mentione hujus generis vasorum orta, Clesippea quoque commemoraretur *ἀποθέωσις*. Ut plaustrum, quo vehenti regnum delatum fuerat, in templo Iovis positum, majestati regiæ consecravit Gordius, teste Iustino, lib. xi. & de nodo jugi fabulam in posteritatem impetravit. *Impudentia*
libi-

libidinis significat draucum, *improbius natus*, ut eleganter σχολίζῃ Suetonius, & pudore tam facto tecto, ut in hunc diem viros literarum principes eluserit. Verba sunt in Vespasiano cap. xxiii. *Vtebatur & versibus Græcis tempestive satis, ut de quodam procera statura improbiusque nato*: μακρὸς βιβᾶς. κερδαίων δολιχόσκιον ἔγχθ. Torrentius corrigit, *improbiusque irato*. Casaubonus interpretatur τὸ κακῶς πεφυγῆτα, hominem deformi proceritate corporis. Duo alii summi viri hactenus sagaciores, quod sententiam viderunt, cum latere sub his verbis nescii, alter *vasato*, alter *mutoniato* rescribentes. Salmasius ad Spartianum observat, *improbum colorem* vocari purpureum: id inde, quod quicquid nimium est, modumque & normam excedit, *improbum* Latinis: ita *improbius natus* Suetonio, qui proceræ staturæ fuit, & justam excedentis: nam etiam *naturam* veteres pro statura ponere. Hic vera mixta falsis. Verum est *improbum* pro immodico, nimio, magno dici: & sic *improbam* Tyron apud Martialem, *improbi coloris lacernas* apud Senecam accipio non purpurei modo, sed inter purpuras eximii, saturi, præstantioris illa quam Cicero dicit pro Sextio *plebejam purpuram*. Nam illud Lipsii dilutum, qui censet *improbum* appellari *colorem*, qui nondum fuerit tritus, & impudentiæ vel audaciæ

cix aliquid haberet. Quasi non luxus jam
 tum nimis fecisset tritum. At *improba tegmi-
 na* pedum pro calceis purpureis apud Vale-
 rium Flaccum non patior mihi venditari.
 Libi VI. de homine Partho :

Insignis manicis, insignis acinace dextro,

Improba barbarica procurrunt tegmina plantæ.

Nihil aliud videtur dicere, quam modum
 pedum longe excedentia ; quæ magis dece-
 re nunc quoque nobis aula Gallica persua-
 sit. Sic alibi dicit *improba arva* invidendæ
 fertilitatis & cæli : *non improba legi Divitis ar-
 va plage.* Quam prope scopum deflexit Sal-
 matus, quum cogitavit *improbius natus* esse,
 quem diceres aliter *improba naturæ* ? Prorsus
 enim Suetonio, figura loquendi verècundis-
 sima, *improbius natus* est homo *improba natu-
 ra.* Ut tamen *naturam* accipias non pro sta-
 tura (ita enim bis idem diceret Suetonius,
 & præcipuum dicti salem non tangeret) sed
 ut in Priapejo : *Natura est quoniam semper
 aperta mihi :* ut apud Ciceronem lib. III de
 natura deorum, cap. XXII : ut apud Minu-
 cium Felicem : *parentis sui adorare naturam.*
 Hoc est illud *δολιχόσκιον ἔγχθ.* Diogenes
 Laertius in Diogene Cynico : *Μεγέθειον δὲ-
 μορφον ἀφυλάκτως ἰδὼν κραιώμενον, νύξας, ἐπέ-
 γειραι, ἔφη,*

Μή τίς σοι δῶδον ἢ μεταφρένω ἐν δόρυ πήξῃ.

Hoc exemplum unicum inter omnia dicta,

ne pretextatis quidem abstinnisse Vespasianum. Sic igitur quoque hastatus fuit Clesippus ille accessio candelabri, coemptionalis, cui cum soli venundando irraucescere nollet præco, Corinthio, facile lautiorum aliquem sollicitaturo, hominem mantissam posuit. Πρόσδομα vocat Maximus Planudes in vita Æsopi: Κερτομητή μὲν πᾶσι τὴν ἐμπορίαν, ὅτι τῶν ἀξίως οὐ παίδας ἀφείς τὴν αἰχρὸν τῶτον εἴλη. Ἰάπερον τὴν λοιπῶν ὠνήσας, τῶτον δὲ πρόσδομα λάβε. Curius se vix ait prodesse Attico, cujus sit κλήσι, posse, nisi proscribatur ab eo venalis, inter mancipia veterana, quæ plerumque in cumulum venduntur, aut aliis rebus vel mancipiis melioribus accessiones dantur: & sic quoque non multum. Facit huc in pecore vendundo conventio, cujus meminit Varro lib. II. de re rustica cap. II. In emptione jure utimur eo, quod lex præscripsit. in ea enim alii plura, alii pauciora excipiunt. Quidam enim pretio factō in singulas oves, ut agni chordi duo pro una ove adnumerentur, & si cui vetustate dentes absunt, item binæ pro singulis ut procedant. Facit constitutio Imp̃p. in Cod. Theodosii de tironibus: Qui spurca amputatione digitorum, declinat usum armorum, non evadat illa, quæ vitat, sed insignitus macula ferat impositum militia laborem, qui declinaverit dignitatem. Ipsis quinetiam provincialibus, qui ex horum ausis juniorum sæpe patiuntur penuriam

pra-

*præbendorum, hac optio immobilis decernatur, ut tempore delectus agitandi, ubi commune cæperit conveniri, duos mutilos juniores pro uno integro eminentiæ tuæ dispositionibus offerant. Vt-
 cunque autem, unum tantum prædicet coemptionalem venalem, tanquam Sardum venalem, Chrysalus Plautinus, tamen venditori, si modo nihil ei esset subiti, si fastidia ferre posset, ne sic quidem desperandum fuisse, exoriturum, qui vel unum talem reciperet in frivola sua, attestatur mihi Busbequius. Comparentur & aliorum sententiæ. P. Victorius perbelle se defunctum putavit, si nos differret ad Calendas Græcas: quæ sint coemptiones, & qui coemptionales senes, verba propria juris, nunc pœne obsoleta minute pertractare animum sibi non esse: cum opus fuerit, declaraturum: Ciceronis tantum locum in orat. pro Muræna appositurum. Paulus Manucius: Non opinor hoc dici: si me Atticus, mancipium suum, venale pro-
 scripserit, inter senes qui coemant, sed inter senes, qui coemptiones faciant. Aliud est enim coemere, aliud coemptionem facere: coemere notam habet significationem: coemptionem facere est, cum mulier in manum viri convenit solenni quadam stipulatione, qua se invicem coemebant. Dicit ergo Curius: si venale proposuerit mancipium senibus coemptione uxores ducentibus. Quod autem*

genus auctionis concipere animo vel fingere possumus, quo mancipia venalia distrahebantur inter senes potissimum, & eos matrimonium coemptione ineuntes? Et quid cum istis senibus Curio? Post multa, quibus & coemptionem sacrorum causa inter-

» miscet: In eam igitur coemptionem tutorum omnium consensu & auctoritate fieri solitamolari Curius voluit, cum de se tanquam de mancipio vendendo loqueretur: ad verbum autem potius quam ad sententiam respexit. Tu potius immo, vir optime, quam Curius: nam ille quid scriberet, scivit, nec verbum posuit, quod non egregie ad sententiam pertineret: tu multa huc attulisti, quibus cum vocabulis *coemptionalium senum* aliqua adfinitas soni & litterarum, sententiæ nulla prorsus. Ioac. Camerarius: Venetam lectionem nos sequimur, *senes coemptionales*, id est, qui facerent coemptiones. Turnebo videtur *proscribere venale inter senes coemptionales*, esse, in tabula auctionis proponere rem hac conditione venalem, ut proprietatem tantum penes emptorem sit, nec res tota proscribatur & alienetur. Nimia mira, sed quare? Scilicet κτήσιος καὶ χηρῶν meminuit Curius: Attici ait sese esse κτήσιος, Ciceronis χηρῶν: Atticum, si hoc mancipium inter senes coemptionales proscribat, acturum non multum. Ergo

proscri-

proscribere inter senes coemptionales est tantum proprietatem vendere. Vides quam male hoc colligatur. Si maxime is esset eventus, & vendendo Atticus inter istos senes nil nisi proprietatem transferret, id evenire judicandum esset, non quia isti essent senes aut coemptionales, aut mancipium inter senes coemptionales, ut volunt, proscriptum; sed quod ipse tantum κτήσας, non χεῖρος possideret. Sive inter senes, sive inter juvenes, sive hominibus inter senem juvenemque auctio-
netur, qui nil nisi proprietatem habet, nil nisi proprietatem vendit. Sed maximum hujus & priorum interpretationum vitium est, quod in hac phrasi, *proscribere inter aliquos*, putant τὸ inter alligare verbo *emptores*, cum omnino alliget vendendos & emptioni sub-
jectos. Nam ipsum *proscribere* tam generale est, ut nullum certum & definitum genus emptorum admittat: palam, publice omnibus, qui velint & possint emere, venum exponere significat. Iuvat Ulpianus l. xi. §. iiii. D. de institor. act. etsi de alio proscribendi genere illic agatur. *Proscribere inter paucos* definitos non est proscribere. *Senes coemptionales* ait esse, qui ad coemptiones libenter accedunt, & libenter emunt. Quæ vero istorum societas & conjuratio, ut soli exclusis aliis obsiderent hastam? Quæ illa hasta, ad quam aliis accedere non licuit? ubi juve-

ni, ubi viro nemini digitum tollere? Vnde autem bonorum hominum emacitas tantum contraxit mali, ut non possint emere nisi proprietatem? Quæ est illa proprietatis sine fructu, sine spe fructus coemptio, ad quam libenter homines & quidem senes accedant? Ariolatur deinde, jurisconsultos forsan ad perimendum in servitiis usumfructum coemptionem quandam invenisse: & causas ejus, quod nusquam est nec fuit, inquirendo gnauiter χαλκῶ μῦαν θηροζῆ, lib. i. Advers. cap. xxviii. Hotomannus Curium ita interpretatur: Si inter eos senes, qui multos servos coemunt, venale hoc mancipium proscripseris. Sed præter illa, quæ diximus, hi quoque quod genus senes, qui multos servos coemunt? Cur senes potius quam viri? Aut ubi forum illud, in quo solis senibus venalia proponebantur? Marcilius hanc Plauto sententiam affingit: Herum meum faciam ego, ut sit hodie tanquam senex coemptionalis, quia ut seni coemptionali non manet hæreditas, ita nec herō meo manebit pecunia. Sed senibus his coemptionalibus nihil cum hæreditate. Qui ad coemptiones hæreditatum adhibebantur, etsi nihil acquirebant alienum, non tamen fraudabantur suo, nec decipiebantur, quippe qui scirent, quid agerent. Non potest igitur dici *facere aliquem senem coemptionalem pro fraudare*

dare pecunia. Nec vero Plautus dicit : *faciam senem coemptionalem* : sed *vendam* : oportet igitur esse similitudinem aliquam hujus senis & illorum qui venduntur : non qui emunt. *Venire* autem pro decipi, dixit hac fabula : *O stulte, stulte, nescis nunc venire te : Atque in eo ipso adstas lapide, ubi præco predicat. Milite : una hic & Palastrio me habent venalem*. Item, pergit Marcilius, *senex coemptionalis* emit hæreditatem : at ego hunc senem coemptionalem ipsum venalem habebō & vendam profecto. Acumen egregium ! Quid doctius ? nam vendere senem, frigidum ; vendere autem senem, qui solet emere, ac præsertim hæreditatem, quamvis falsum atque facetum. Nihilo melior tertia observatio, usurpatam in coemptionibus illis imaginariis proscriptionem quoque imaginariam : quod sit in epistolis familiaribus, *inter senes coemptionales proscribere*. Hæc revera imaginaria sunt : hoc est dicere quod nescias, ut scire aliquid imperitis videre. Salmasius quoque de his senibus ad coemptiones adhibitis sacrorum causa censet capiendum locum Curii. Mancipia enim si forte hæreditaria ab illis senibus coemebantur, qui proprietatem tantum eorum emebant, cum usus maneret pænes ipsum hæredem. Per fictionem enim celebrabatur hæc venditio, quo hæres sacris testatoris posset

liberari. Primum illa distinctio hic proprietatis & usus est Turnebi, cui jam respondimus. Deinde si proprietas erat senum, usus hæredis, non erat fictio, non imaginaria venditio: vere enim aliquid consequerentur: & qui proprietatem habent, profecto non habent nihil, quum possint intervenire casus, quibus ususfructus ad proprietarium redeat: At in imaginaria coemptione, qualis hæc quidem fuit, qualis cum pater filium emancipandum vendebat, nihil consequeretur emptor, quod rem ejus augeret: omnia erant mimica, defunctoria, in speciem. Infelices vero Iustinianum & jurisconsultos, qui inter modos constituendi ususfructus & separandæ proprietatis ab usu non posuerint *coemptionem sacrorum perimendorum causa*, quum præsertim, ut credibile est, tam frequenter fieret. Adfert tamen vir ingeniosus & rem novam, *senem coemptionalem* poni pro decrepito, quia senes in extrema tegula ætatis constituti eligerentur ad coemptiones faciendas. Multo ergo minus egerit, opinor, Atticus, si non senibus potius decrepitis quam crudis & validis mancipium suum licitandum offerat? Quid refert, quæso? Aut quid juvat sic refrigerare optimos veterum sensus? Nec necesse est adeo decrepitem statui Nicobulum, qui, quamvis hoc ætatis, destinet navigare, possit amare. Denique
joca-

jocatur, inquit, Comicus, cum senem se venalem habere servus pronuntiat, cum inter senes coemptionales servi hæreditarii proscriberentur: at servus hic nequam dominum suum coemptionalem proscribit venalem. locus hic Marcilii, non Plauti. Totum hoc malo fundamento innititur: *senes* nimirum *coemptionales* esse eosdem, quos *ad coemptionem faciendam* adhibitos *senes* ait Cicero: eos fuisse decrepitos: eos emisse mancipia hæreditaria, *inter senes proscribi* esse senibus venale proponi: quæ omnia vaticinantis, non conjectura aliqua probabili aut ratione agentis sunt, ut tamen nihil sani sensus efficiatur. Unus est omnium, qui paulo propius ad verum accessit Theodorus Adamus Siberus. ei *senex coemptionalis* γέρον συμ-
 πλάσιμῳ, σωωνήσιμῳ, nihil aliud quam
 emptionalis vel venalis, πλάσιμῳ ἢ ὠνήσιμος,
 & *inter senes coemptionales proscribere*, in foro
 aut in loco, ubi senes coemuntur aut veneunt. Vere vidit, hos *senes* esse *servos*: ipsum genus *servorum* definire non potuit. Oportet autem *coemptionales* esse aliquid angustius quam *venales*: alioqui hæc vox & Plauto & Ciceroni, tam superflua, adhibita non fuisset.

CAP. IX.

Livius correctus & illustratus. Senex concionalis. Humiles urbani. Iterum restitutus Livius. Urbani adsidui cives. Plauto lux. Assiduitas. Urbanus pro Scurra & vicissim. Suetonius a corrigendi conatu prohibitus. Per jocos testandi gratia signatum. Libellorum, quibus vitia & acta Principum traducebantur, varia forma. Epistola nomine exercituum. Tacito lux. Rustici Romani. Adsignare, condonare, dedere. Cedere unius testimonio. Valerius Maximus emendatus. Clarus imagine.

SED ut appareat nihil adhuc fani de coem-
ptionalibus illis senibus protulisse viros do-
ctos, considerata sunt & quæ apud Livium
leguntur lib. III. extremo, ubi eosdem mala
ave inducere conantur: *Scaptione hic concio-
nali seni adsignaturos putarent finitimos popu-
los? clarum hac fore imagine Scaptium nomen?
populum Romanum quadruplatoris & interce-
ptoris litis alienæ personam laturum?* Aricini
& Ardeates cum de proprietate finitimi u-
trisque agri sæpe armis dimicassent, præpo-
stero ordine juris via rem componere tenta-
runt, & disceptatorem sumpserunt popu-
lum Romanum. Perorata causa & tribu-
bus jam ad suffragia ferenda citatis, P. Sca-
ptius de plebe homo octogenarius prodit,
& impetrato per tribunos, ut ad populum
agere liceret, adfirmat agrum controversum
fuisse

fuisse aliquando finium Coriolanorum, cap-
 tis Coriolis jure belli populi Romani fa-
 ctum; non decere populum rem suam præ-
 donibus, sive Aricinis sive Ardeatibus, adju-
 dicare. Cum Scaptio hæc edifferenti plebs
 aures daret, ægre tulerunt Patres, tantam
 Romanæ justitiæ labem inuri, & inter cæte-
 ram indignationem verba, quæ citavimus,
 jâciunt. Quæ parum sana dudum visa sunt
 cruditis: ego nihil ibi mendi esse censeo, ubi
 maxime illi suspicantur, binas tamen voces
 ex scholio adjectas recidendas. *Concionalis*
 Glareanus mutat in *concionanti*: Sigonius,
 P. Manutius, Marcilius, & Gutherius in
coemptionali. Verum exstat ea vox integre
 tum in aliis Mss. tum in uno ex Pall. & sane
 mutanda non est. Liv. lib. I. ubi descriptio-
 nem classium centuriarumque ex censu ab
 Servio Tullo factam enarrat: *Ex iis, qui cen-*
tum millium æris aut majorem censum haberent,
Lxxx fecit centurias, quadragenas seniorum ac
juniorum: prima classis omnes appellati: senio-
res ad urbis custodiam ut præsto essent; juniores,
ut foris bella gererent. Erat autem Romæ ge-
 nus hominum otiosum, qui omiſſis rebus
 aliis id fere solum curabant, ut concionibus
 interessent, atque ibi turbas darent. Quales
 describunt Athenis Apostolorum Acta cap.
 xvii. Ἀθηναῖοι ὃ πάντες καὶ οἱ ὑποδημῶντες
 ξένοι εἰς ὃδὲν ἕτερον ἀκαίρην ἢ λέγειν πῇ ἀκρίειν
 καινό-

VET

VET

VET

καὶ νώτερον. Li merito *concionales*, quodque id emeritis aut quibus ætas serior agendi molliendique segnitiam imposuerat, proclivius esset, *concionales senes*. Livius lib. III. in oratione T. Quinctii: *At Hercules cum stipendia nobis consulibus, non tribunis ducibus, & in castris, non in foro, faciebatis, & in acie vestrum clamorem hostes, non in concione Patres Romani horrebant; præda parta, agro ex hoste capto, pleni fortunarum gloriaque simul publicæ, simul privata, triumphantes domum ad penates redibatis: nunc oneratum vestris fortunis hostem abire sinitis. Hærete adfixi concionibus, & in foro vivite.* Lib. VI. *Cæpere a fame mala, sive adversus annus frugibus fuit, seu dulcedine concionum & urbis neglecto agrorum cultu.* Hos otiosos urbanos vocat Appius Claudius lib. V, ubi disputatur de præda Vejorum; utrum ea publicanda, an in stipendium militi servanda esset. Atque ex his sunt illa *forensis factio*, homines humiles & nullius negotii, quibus per tribus divisis campum corripit Appius Cæcus, lib. IX extremo. Et inde appellat *humiles urbanos* Livius: *Flavium dixerat Ædilem forensis factio, Ap. Claudii censura vires nata, qui senatum primus libertinorum filiis lectis inquinaverat: & posteaquam eam lectionem nemo ratam habuit, nec in curia adeptus erat, quas petierat, opes; urbanis humilibus per omnes tribus divis, forum & campum corripit.* Sic enim scribendum:

bendum : non , ut editur , *opes urbanas*. Ex hac nota circumforanei , subrostrani , subbasilicani , canalicolæ , umbratici , qui pœne toto die *ἀλλήθρου ἀγορῇ* faciebant , adeoque assidue forum terebant & urbem tenebant , ut nec ruri nec militiæ unquam agerent : Quos *urbanos assiduos cives* vocat Plautus Trinummio a. I. Sc. II.

Nihil est profecto stultius , neque stolidius ,

Neque mendaciloquius , neque perjurius &c.

Quam urbani assidui cives , quos scurras vocant.

Frustra hiæ nos docent *assiduos* dici pro locupletibus & facile munus facientibus , ab assibus duendis vel dandis , aut ab assidendo in conciliabulis aut desidiabulis , in quibus hoc hominum genus assidue garriendo & traducendo absentes bonas horas conterat. *Assiduitas* dicitur illorum , qui quotidie comparent , & ob oculos versantur. Cic. lib. I. in Verrem : *Homo scilicet aut industria aut opera probata , aut frugalitatis existimatione præclara , aut denique id quod levissimum est , assiduitate*. Inter vias , quibus ad honores pervenitur Romæ , ponit *assiduitatem* : quod ipse interpretatur optime in orat. pro Plancio , cap. xxvi & xxvii. & Quintus de petitione , ubi inter alia : *Iam assiduitatis nullum est præceptum , verbumque ipsum docet , quæ res sit : prodest quidem vehementer nusquam deesse :*
sed

sed tamen hæc fructus est assiduitatis, non solum esse Romæ atque in foro, &c. Pro Muræna: agit rem militarem, insectatur totam hanc legationem, assiduitatis & operarum harum quotidianarum putat esse consulatum. Suetonius Tiberio: ut vitato assiduitatis fastidio, auctoritatem absentia tueretur. Cato de re rustic. cap. 145. Assiduos homines quinquaginta præbeto: qui assidue præsto sint ad opus. Sed proximum Plauto illud Ciceronis pro Sex. Roscio: Quasi vero mihi difficile sit, quamvis multos nominatim proferre vel tribules vel vicinos meos, qui suos liberos, quos plurimi faciunt, agricolas assiduos esse cupiunt. Sic Plautus urbanos assiduos dicit, qui perpetuo in urbe degunt, operis expertes, rumorum appetentes. L. Æmilius apud Livium lib. XLIV. Si quem id facere piget, & otium urbanum militia laboribus præoptat, e terra ne gubernaverit: sermonum satis ipsa præbet urbs, loquacitatem suam contineat. Ex hoc genere advocati illi Pænuli Plautini & advocati nocturni Petronianæ scenæ, & divisoires sequestresque apud Ciceronem, & operæ Clodianæ & præcones & salutigeruli anteambulonesque, cœnarum & sportularum sectatores, tum parasiti, omne denique genus otiosorum. Erant inter hos homines natura dicaces, & ad quævis dictæriis prompti, non in tempore & cum causa, & ut proficerent aliquid in suscepto nego-

nego-

negotio (quibus rebus oratorem facetum a scurra separat Cicero) sed ut ridiculi viderentur, & totum diem & sine causa: quidam, quod ingenio deerat, imprudentia & consuetudine supplebant: clientes regibus supparasitari & vel testimonium falsum perjuriumque præstare sueti, quosvis alios probis inuerecunde laceffere: inter sese & alios risum tam præbere quam captare: apud sordidam plebem, quia quotidie occurrebant, & admiratione ingenii & insectatione bonorum conspecti & grati, eoque miscere cætus gnari. & faciles. Mostellaria a. i. sc. i. *Tu urbanus vero scurra, delicia populi.* Talis & ille lib. iv. ad Herennium: *Scurra exhausto rubore.* Phædro *scurra notus urbano sale.* Vnde *Urbanus* pro *scurra*. Suetonius Iulio cap. xx. *ut nonnulli urbanorum, cum quid per jocum testandi gratia signarent, non Casare & Bibulo, sed Iulio & Casare Coss. actum scriberent.* Læv. Torrentius monet inuërsa esse verba, legendumque: *cum quid testandi gratia signarent, per jocum non &c.* Ego vero testationem illam omnem jocosam, non seriam, fuisse existimo. Atenim si quid habuisset gravis & serii negotii, non pateretur is, qui advocasset, instrumentum veritatis & fidei causa conscriptum ejusmodi ludibriis auctoritatem perdere. Ergo illud *per jocum testandi gratia signatum* fuisse censeo genus libelli, quo publica

blica vitia traducebantur. Quorum libellorum crebra mentio apud Suetonium : ut & variarum formarum , quibus concipiebantur. Interdum carmina erant : interdum edicta, ut Iulio cap. LXXX & Vitellio cap. XIV: interdum tituli statuarum, ut Iulio cap. LXXX, Nerone XLV : interdum epistolæ , ut illa Agrippæ juvenis nomine, Octavio LI, & communi nomine legionum , ut legatis consularibus simul cum exercitu triumphalia darentur , Claudio cap. XXIV. Cujus & meminit Tacitus lib. XI. Annal. cap. XX , non intellectus Cluverio lib. III. Germo antiquæ cap. VII. Curtium Rufum ei occasionem dedisse ait Tacitus opere militari *in agro Mattiaco* recludentem specus quærendis venis argenti. Lipsius *Mazyacum* Africæ illum agrum facit : Cluverius pugnat pro *Mattiaco* Germaniæ : in cujus argumentis unum modo perspicue falsum notare libet , literas Curtium occultas composuisse nomine exercituum. Non enim Curtius illas composuit, quem illæ invidia maxime onerabant, sed aliquis urbanus : neque illius proprie militis nomine , qui Curtio suberat , ut necesse fuerit plures quam duas legiones fuisse, quæ nomine *exercituum* venirent : sed *communi nomine legionum* , ut ait Suetonius, quæ scilicet ubicunque essent. ita ut auctor ejus haberet ob oculos & Corbulonis fossam &

Curtii

Curtii metalla, & quæ plures per provincias similia tolerabantur, quod non siluit Tacitus. Sic nihil impedit, quo minus credamus urbanos quosdam fecisse instar instrumenti vel testationis, qua acta illius anni, larga materia, vel aliquid eorum, tanquam interesset scriptam hanc extare memoriam, nec crederentur, nisi plane confirmata subscriptione testium & signatorum, mixtis jocis seriisque specie joci, notarentur. Sic certe *urbani* eidem Suetonio in Vespasiano : *Vnde quidam urbanorum non infacete : siquidem petenti, ut & in se aliquid diceret, dicam, inquit, cum ventrem exonerare desieris.* Et vicissim *scurra* pro urbano vel pagano. Plautus Epidico : *Scurra es.* Ep. *Scio te esse quidem hominem militarem.* Truculento : *quem scurræ laudant, manipulares mussitant.* Hi saniori parti civium merito contemnebantur, ex prisco instituto, quum vera Romuli proles, ut ait Columella, assiduis venatibus, nec minus agrestibus operibus exercitabatur, & rusticam plebem præponebat urbanæ : quum procures civitatis in agris morarentur, & ubi consilium publicum desiderabatur, e villis arcesserentur in senatum : unde qui eos evocabant, *viatores* nominati. Inde honestum nomen plebei ordinis *rustici Romani.* Cic. pro Sextio in *Optimatum*, hoc est, qui consilia sua optimo cuique probari vellent, secta col-

locat *municipales rusticosque Romanos*. De sectute : *Possum nominare ex agro Sabino rusticos Romanos , vicinos & familiares meos*. Lib. I. de divinatione : *Exin cuidam rustico Romano dormienti visus est venire qui diceret, presultorem sibi non placuisse ludis*. Tib. Atin-
nium de plebe hominem appellat Livius. Marcus filius ad Tironem : *Habes ubi deponenda tibi sunt urbanitates; rusticus Romanus factus es*.
Mennit & Varro apud Festum in *Prærogativa*. & lib. III. de re rustic. c. I. Et hinc conquerebatur Varro patresfamilias falce & aratro relictis intra murum correplisse. Cæ-
terum ejusmodi concionalem hominem depingit Cicero in orat. pro Cluentio : *homo maxime popularis , qui omnes rumorum & concionum ventos colligere consuevisset*. Lib. II. ad Q. Fratrem ep. III. *Concionario illo populo a se prope alienato*. Et de iisdem lib. I. ad Atticum : *illa concionalis hirudo ararii , misera & jejuna plebecula*. Ex hoc numero Scaptius ille *concionalis senex* , non *coemptionalis* , quod longe aliud genus est. Nunc novus oboritur scrupulus, quomodo dicantur *adsignaturi Scaptio finitimos populos* : non enim Scaptio, sed sibi , id est , populo Romano, id facturi erant : nec populos, sed unum agrum inter duos populos finitimos controversum. Ea de causa Andreas Schottus locum lacerum scilicet ita putat integrandum : *Scaptione con-*
cionali

*cionali sene iudice agrum sibi assignaturos putarent ; apud finitimos populos clarum hac fore imagine Scaptium nomen ? lib. III. Observ. Hum. cap. xxxviii. Nos facili brachio hanc difficultatem amolimus. Interrogatio est ad invidiam composita : itaque finitimos populos *ὑπερβολικῶς* dicit pro aliquanta possessione finitimorum populorum. Scaptio autem tribui , quod illo suadente & perferente , in illius ferentis gratiam , tribuitur cuicunque , recte nec minus invidiose censemus. Sic apud Tacitum l. III. annalium : ut effusi in lacrimas *sæva & detestanda Quirinio clamitarent : cujus senectæ atque orbitati & obscurissimæ domui destinata quondam L. Cæsari uxor ac D. Augusto nurus dederetur. Lepida nimirum , quam ille adulterii beneficiique & quæsiuisset in domum Cæsaris per mathematicos detulerat , videbaturque damnaturus. Lib. xvi. audiret infontem , neve consulatus sui quondam collegam dederet liberto. Cicero pro Cælio : in ea civitate ne patiamini illum absolutum muliebri gratia , M. Cælium libidini muliebri condonatum. Pro Scauro : ut M. Æmilius cum sua dignitate omni , cum patris memoria , cum avi gloria , sordidissimæ , levissimæ , vanissimæ genti , & , prope dicam , pellitis testibus , condonetur. Seneca ad Marciam cap. xxii. Propone illud acerbissimum tibi tempus , quo Sertorius patrem tuum clienti suo Satrio secundo**

*congiarium dedit. Talis exaggeratio lib. II. Livii : fame jam se sicut hostes peti &c. nisi C. Marcio vincti dedantur tribuni, nisi de tergo plebis Romana satisfiat. Quia ille auctor erat premendæ plebis, donec præsidium tribuniciū ipsa sibi abrogaret. Sic Valerius Maximus l. IV. c. I. discedens adjecit, ita sibi credi oportere, si & alii idem adseverassent, quoniam unius testimonio aliquem cedere pessimi esse exempli. hoc est, ut Tacitus, dedi, per unius testimonium damnari. Ita autem scribendum ex Ms. bibliothecæ S. Victoris : etsi repugnet Colerus. Vulgo male, credere, & esset. Phrasis, ut in cedere premio. Valerius Flaccus lib. V. gregis cessit cui regia. Statius : queis regni cessit fortuna secundi. Iam vero apud Livium vocem putarent scholion esse, atque omnino extirpandam certum habeo. Scimus orationibus illis infinitivis frequentissime insubidos corruptores intempestiva hujusmodi sufflamina subtrinxisse, atque ad Livium ipsum multis exemplis docuimus. Eodem numero habemus *to nomen*, quod neque in illis scriptis Codd. quos consulimus ipsi, neque in Pall. exstare cognovimus. *Clarum hac fore imagine Scaptium*, decentissima tralatione est, hac actione nobilem & celebrem Scaptium fore. Notum est *imagines* fuisse insigne nobilitatis apud Romanos. Quod igitur accidit hominibus novis, qui
ad*

ad honores curules admissi jus imaginis accipiunt, aut quod nobilibus sunt imagines, argumentum ingens gloriæ, id Scaptio hanc actionem quasi aucto agro publico dolent fore apud populum : qui tamen ipse populus eadem actione invidiosum quadruplatoris & interceptoris litis alienæ nomen sibi quærat. Ergo oppositio est inter populum Romanum & solam Scaptii personam, non nomen vel gentem Scaptii. Salustius in orat. Marii : *Non possum fidei causa imagines, neque triumphos aut consulatus majorum meorum ostentare : at, si res postulet, hastas, vexillum, phaleras, alia dona militaria, præterea cicatrices adverso corpore : hæ sunt meæ imagines, hæ nobilitas.* Agnoscimus ergo nitorem Livianum : *Scaptione hic concionalis seni adsignaturos finitimos populos ? clarum hac fore imagine Scaptium ? populum Romanum quadruplatoris & interceptoris litis alienæ personam laturum ?*

CAP. X.

Proverbium: Sardi venales, alius alio nequior. Festus a duplici conjectura defensio. Verna, optimum genus servorum. Vernilis dicacitas. Vernaculi. Suetonius illustratus. Tacitus correctus. Vernacule urbanitas. Petronius emaculatus. Sardi Sardinia, non Sardium cultores. Sardorum contumacia & detrectatio serviendi. Corsi optimi servi. Ludorum Capitolinorum mos. Praconum diacitas. Ciceronis locus illustratus & vocibus

subditis exoneratus. Hipponacteo praconio additus.

COntulimus superius *senes coemptionales* cum *Sardibus venalibus* proverbio & ipsis appellatis : de quo quia olim nos dicturos aliquid promissimus , libet fidem liberare . Notum est proverbium : *Sardi venales , alius alio nequior* : auctoribus Festo & Plutarcho in quaestionibus Romanis ortum ex ritu in ludis Capitolinis usitato , in quibus auctio simulabatur Vejentium , & novissimus producebatur senecio cum toga praetexta bullaque aurea , praefante atque incinente pracone : *Sardi venales , alius alio nequior*. At in Romulo Plutarchus ab ultimo regis hujus mortalium operum cum Vejentibus praelio accessit originem: traductum eorum ducem in triumpho , provectae ætatis , sed visum imprudenter nec pro ætate rem-gessisse : inde *ῥοῦλος ἡνίκωτα*, senem per forum in Capitolium trahere praetextatum cum bulla puerili, & hoc carmine praconis. Vejentes nempe Etrusci, at Etrusci Lydorum coloni, Lydorum caput aliquando Sardes. Sed praeterquam quod a Sardibus *ἡνίκωτα* non est *Sardi*, nimis longe petita est hæc denominatio Vejentium , & vix Poetae permittenda : nedum ut Romanum vulgus in Vejentibus illudendis ex ultimis Tuscorum antiquitatibus appellationem illorum eruerit. Alia refertur
senten-

sententia Capitonis apud Festum : Tib. Gracchum , collegam P. Valerii Faltonis in consulatu Sardiniam Corsicamque subegisse, nec prædæ quicquam præter mancipia, quorum vilissimam multitudinem fuisse. At Io. Meursius, tanquam duplici ignominia vocabulo homines nequissimos *Vernales* & *Sardos* appellatos scribit, & ut nugacissimam nec unius assis utramvis interpretationem Festi proscribit, lib. III. Miscell. At enim quare *vernales* nequissimi homines? aut ubi vernæ omnium nequissimi? in lenonum, credo, aut cauponum ædibus. Alioqui vernas optimum fuisse putabam servorum genus, utpote, qui herili domui eam, quam ingenuus quisque patriæ, caritatem & curam præstarent, atque adeo transmarinis & advectitiis, aut ex hoste captis, de lapide emptis, longe anteponerentur. Dicacitas sane vernilis, nempe ab indulgentia dominorum profecta, adagio jactatur. Vnde & in urbe homines viles, dicaces & procaces, plerique libertinæ conditionis & vernilem lasciviam etiam exsuta servitute retinentes, *vernaculi*. Sic Martiali *vernaculorum dicta* & *probra lingue circulatoris* eadem. Suëtonius in Vitellio cap. XIV. *Nullis offensior quam vernaculis & mathematicis, ut quisque deferretur, inauditum capite puniebat*. Vbi sollicitarunt insignes viri, *veraculis, vericolis, divinaculis*, sub-

stitutis. Tandem interpretati sunt γήτας, ψηφοπαίκτας, θαυμαλοποιὺς, Casaubonus & Salmasius ad histor. Augustam. Sane Zonaras in hac ipsa re referenda conjungit ἀσπολόγους & γήτας. Sed nimis anguste speciem pro genere ponit. Et hi *vernaculi*, sed non soli, nec præ aliis, nec potissimum hic intellecti: omnes enim scurras, intemperantia oris notos, includit hoc vocabulum; omnes qui sordidas capturas ridiculis dictis otiosam aut transeuntem plebem allicientes & lactantes adjuvabant: quo ex numero complures recenset Martialis lib. i. epigr. xli. Vitellius cur præstigiatores potissimum odisset, causa nulla erat; sed erat, cur illos, quos fatentur Martiali *vernaculos* dici, ὄρεα-πέλεις, dicaces & scurriles & mimicos homines, quia in illum larga dictorum materia, & minus parcebant principi repentino. Nota Suetonii ars & subtilitas, maxime notabilia in quoque genere breviter complecti, dein singula exemplis adfirmare. Hic quæ duo dixerat, & *vernaculis* & *mathematicis* infensum fuisse Vitellium, uno exemplo, sed in utrumque sufficiente, comprobat: *exacerbatus, quod post edictum suum, quo jubebat, intra Kal. Octobris urbe Italiaque excederent, statim libellus est propositus, & Chaldaeos edicere, bonum factum, ne Vitellius Germanicus intra eundem Kalendarum diem usquam esset.* Nam prædictum

dictum de morte Vitellii est mathematicorum : at id proponi formula edicti, non præstigiatoris est nec *ἰαμαλοποιῶ*, sed hominis faceti, quales in isto ordine scurræ, urbani, aretalogi, *vernaculi*. Illud recte, quod ibidem correctionem Salmasius advocat Tacitum sine mentione correctionis, unde non advertit editores. lib. III. histor. cap. LXXXIX. *Incuriosos milites, vernacula urbanitate, quidam spoliavere, abscissis furtim baltheis, an accincti forent, rogantes. Quum legerem apud Pichenam, aliquod vitium hic latere, quod Flor. & Ven. verbo essent auctiores : vernacula utebantur urbanitate : & viderem sic impressum in Frobeniano exemplari : non dubitavi scribere : vernacula, ut rebantur, urbanitate. Idemque Salmasio in mentem fuisse apparet, quia non aliter adducit Taciti verba. Locum Taciti habuit in mente auctor Queroli, cum scriberet : Vbi illi sunt, qui urbane fibulas subducunt, quique curtant baltheos ? Vernaculi tamen & inde potuerunt appellari, quod urbanitatem propria nota vernaculam dicebant genuinam & intra Romana pomæria natam. Cicero lib. IX. ep. XV. Moriar, si præter te quemquam reliquum habeo, in quo possim imaginem antiquæ & vernacula festivitatis agnoscere. Bruto : Tincam, non minus multa ridicule dicentem, Granius obruerat, nescio quo, sapore vernaculo. Lib. VII. ad Att. ep. II.*

Mehercule est, quam facile diligas, αὐτίχθων in homine urbanitas. Cornelius Nepos Attico: *Tanta autem suavitas erat sermonis latini, ut appareret, in eo nativum quendam leporem esse, non adscitum.* Vtrumque alludens Petronius: *o hominem acutum atque urbanitatis vernaculæ fontem!* Ita enim scribendum: non *vernulam*, neque enim a verna *vernulus*: neque *verniliam*, quod Scaligero placuit, juxta decens ac si quis *pueriliam*, *juveniliam*, *seniliam* diceret: denique utramque vocem analogia respuit. Nec *frontem* subjecissent memores Plautini Trucul. a. II. sc. VII. *fons vitii & perjurii.* Sed *vernarum* præter cæteros servos scelera, & inde *vernales* pro omnium nequissimis nuspiam reperire est. Nihilo melius, *Sardos*, vetustissimis dictos versipelles & callidos, quia *sardare* apud Nævium *intelligere* explicat Festus. Conjectura tippula levior. De Nævii *Sardare* nihil statuere possumus: est enim ἐν τῷ ἀπαξ εἰρημύων. etsi ut *Gallare*, *Gracari*, dictum videatur: sed si *Sardus* intelligens & callidus, quomodo statim *Sardi* omnium nequissimi? Astutum hominem cum dico, nondum vincere illum astutia servos omnes Comicos adfirmo. *Syros* ergo potius *venales* faceret, ex dicto Ciceronis, de quo est apud filium lib. I I. de oratore, solitum dicere, *Italos homines similes esse Syrorum venalium*; ut quisque optime *Græce* sciret,

*sciret, ita esse nequissimum. Sed, inquit, nec a Sardibus nec a Sardinia populi possunt Sardi cognominari. Nimirum quia Sárdes Σαρδιαὶός, Σαρδῶν autem vel Σαρδῶν Σαρδόνις ἢ Σαρδῶν ἰθὺνὰ faciunt. Ægre fero excidisse homini doctissimo, Sardiniae cultores non posse dici Sardos. Cicero igitur, Livius, Silius, totque alii nesciverunt gentile a Sardinia formare. Tigelliusque non a patria Sardus Horatio dicitur, nec cum pestilentiorum cum patria sua dixit, respexit ad gravitatem cœli Sardiniae Cicero. Sed quis melior hujus proverbii auctor ipso Tullio, lib. VII. Famil. epist. XXI V. *Habes Sardos venales, alium alio nequiores.* Nempe Phameam, & M. Tigellium Hermogenem, nepotem illius, modulatorem optimum, in Sardinia natum, ut notat Acron. Ex quo apparet non recte Scaligerum in Festo constituere: *Sardi venales, id est, alius alio nequior.* Nam ista, *alius alio nequior*, pars sunt proverbii, non explicatio Festi. Apparet etiam Vejentium auctionem non dedisse principium isti dicto: a Sardibus enim non *Sardi*, sed *Sardiani* dicuntur: ut & format per errorem Plutarchus: Σαρδιαὶός ὀνίς. Aurelius Victor: Tib. Sempronius Gracchus Prætor Galliam domuit, consul Hispaniam, altero consulatu Sardiniam, tantumque captivorum advexit, ut longa venditione res in proverbium veniret: *Sardi**

VENA-

venales. Imo prætor Hispaniam domuit, consul Sardiniam, hostium cæsis aut captis octoginta millibus : quam quidem etiam in altero consulatu provinciam habuit, sed nullis magnopere celebratis rebus in ea gestis. Testis Livius lib. xli. Fuit autem consul cum C. Claudio Pulchro, qui ex Istria & Liguribus triumphum meruit ab V. C. anno 101xxvi. Capito autem altius arcessit, nempe ab V. C. 101xv, quo consules fuere hujus avus Tib. Sepronius Gracchus, P. Valerius Falto. Quo sane anno Sardinia Pænos sine pugna cecidisse Romanis, testis Zonaras, quod ipsi bello mercenariorum laborarent : inde autem triumphatum fuisse vix credibile est, certe non constat. Ex alterutro horum sine dubio natum est illud proverbium. Pessime servisse Sardos testatur Eustathius Dionysii Scholiastes : Καὶ οἱ κατέχοντες αὐτὴν τῶν θηρίων εἰσὶν ἀρχειώτεροι, ἢ ἔτω βοσκημαλιώδεις, ὥστε καὶ ἀνδραποδιθέντες ἢ σὸς ἀνέχονται ζῆν ἢ ζῶντες ἀπειδίαι καὶ ἀνασθησίαι σὺν ἔχοντι ἐπιτρέψαι καὶ οἱ αὐτὰς κτώμενοι δεσπότῃ, εἰ καὶ τὸ τυχὸν πῆμα κατὰβάλλουσιν ὑπὲρ αὐτῶν, ὅπως μέγας αὐτοῖς ὕπερον. Quæ verba apud Strabonem lib. v. (ἀπαθείαι ibi legitur ἀντὶ τῆ ἀπειδίαι) referuntur de Corsis ; apud advocantem inde Eustathium ita, ut & de Sardis & de Corsis possint accipi : sed de Sardis, non de Corsis, vera sunt, sive hic error fue-

rit Strabonis, sive aliquid habeant navi
 exemplaria. Casaubonus quoque miratur
 infamari servos Corsos a Strabone, quos
 contra laudaverit Diodorus Siculus, testa-
 tus mancipia Corsica *Ἀφ' ἑρὲν δοκεῖν τ' ἄλλων*
δύλων εἰς τὰς κτ' τ' βίον χρείας, φυσικῆς ταύτης
ιδιότητος ὡς ἀρχαῖα λυθείσης. Causam præterea
 indomitæ hujus contumaciæ in Sardis pro-
 babilem suppeditat Diodorus lib. iv. & v.
 Iolao coloniam Thespiadarum in Sardi-
 niam deducendi oraculum datum, *ὅτι πῶς τ'*
ἀπειρίας ταύτης κρινωνήσασι Ἀχαιὸί τε ἐλθ-
ομένης ἀπαντᾷ τ' αἰῶνα. atque ideo nec Car-
 thaginienses nec Romanos quantiscumque
 cladibus ita universam insulam subigere po-
 tuisse, ut non plurimi repudiata omni juris-
 dictionis externæ patientia in montes illos
 Infanos refugerint, & per antra & specus
 sylvasque ferarum quam hominum imperan-
 tium consortia ferre maluerint. Et Livius
 Ilienses Sardinia gentem ne sua quidem æta-
 te omnem perpacatam fatetur lib. xl. Ta-
 citus, quatuor millia libertini generis, Iudai-
 ca Ægyptiave superstitione infectos, in Sar-
 diniam, coercendis illis latrociniis, ablega-
 tos sub Tiberio scribit. Hinc & Floro gen-
 tium illius insulæ *feritas & gens contumax vi-*
lisque morti, memoratur. Eo autem procli-
 vior Strabonis error, quod Pausanias lib. x.
 refert ex Cyrno insula non parvam manum
 sedi-

seditione pulforum in Sardiniam transfre-
 tasse, montibusque occupatis sibi oppida
 muniisse, & ab Sardis patrio ipsorum nomi-
 ne Corfos appellatos: hos, ut & Ilienses,
 qui in montanam insulæ regionem item
 profugerant, cum jam omnia tenerent Li-
 byes, nunquam in illorum potestatem ve-
 nisse: Græcos fere prope omnes (intellige,
 qui non simul refugientes se barbaris illis
 miscuerunt) ab iisdem deletos: quod non
 tam crudelitate fecisse crediderim, quam
 quod unquam bona fide toleraturos Pœni
 eos imperium suum desperarent. Satis jam
 constat de Sardinia Sardis: sed quid hi ad
 ludos Capitolinos? Negari non potest ri-
 tum fuisse in istis ludis, ut imaginaria auctio
 Vejentium celebraretur, quorum agmen
 claudebat seniculus bis puer cum prætexta
 & bulla: quem morem adhuc suo tempore,
 ἐν νῦν, frequentatum clare adfirmat Plutar-
 chus. Præcones in illis mancipiis jumentisve,
 quæ non promptos invenirent emptores,
 dicacitatem suam exercuisse, vel ex Apuleii
 lib. VIII. Miles. notum est. Postquam igitur
 Sardi non semel rebellantes devicti, qui de
 captivis sub corona venierant, nequiter ser-
 viendo dederunt occasionem proverbio de
 suæ nationis mancipiis, ex eo tempore præ-
 cones in ludis Capitolinis cæteris jocus in
 mancipia minimi pretii hanc quoque adje-
 cerunt

cerunt præfationem : *Sardi venales, alius alio
 nequior*. Vfus autem Proverbii tutissimus
 non in negotio infinitæ prolixitatis atque
 inexplicabili (ut, respiciens solum illud *longa
 venditione* apud Victorem, statuit Erasmus)
 sed vel in mercimoniis nihili & fastidiendæ
 abundantix vel in duobus pluribusve ex ea
 nota mortalibus, ut cui palmam improbita-
 tis & nequitix tribuas justius, conteris &
 dubites, præsertim si vel ipsi sese vel alii illos
 venditant. Quales Octavium, Lepidum,
 Plancum, Asinium post Mutinense prælium
 Cicero & senatus experti. Qualis Græcis
 ἀργὸν κερκώπων. Est autem in eadem Cice-
 ronis epistola, quod nec sanum mihi esse vi-
 detur, nec satis intellectum : *Olim cum regna-
 re existimabamur, non tam ab ullis quam hoc
 tempore observor a familiarissimis Caesaris omni-
 bus, præter istum*. Id ego in lucris pono non fer-
 re hominem pestilentiorē patriā suā, eumque
 addictum jam tum puto esse Calvi Licinii Hippo-
 naæteo præconio. Postrema sic interpretatur
 Manucius, studiosum esse cepisse eorum ver-
 suum, quos Calvus Hipponactis more scri-
 pserit in Ciceronem, quod hic Prætor pa-
 trem illius Licinium Macrum condemnave-
 rat. Ego vero Hipponaæteum carmen ab
 Licinio Calvo in ipsum Tigellium strictum
 fuisse censeo. Nam quid est studiosum esse
 versuum? num libenter eos legere? Si quia
 docti

docti & disertī erant, auctoris ingenio, non odio ejus, in quem facti erant, placebant: sin, quia Ciceronem oderat, & gaudebat ejus contumelia, alia gravior præcesserat causa simultatum, neque pro magno putaret Cicero non coli ab homine carmina in ipsum scripta legente. Calvus immo Tigellium olim probroso carmine infamaverat, & meritis, opinor, inusserat turpitudinis notis. Hoc dicit ἁδελφολικῶς Cicero addictum Hipponacteō praconio. Praconum est proclamare venales eorumque prædicare virtutes & artes, ut citius emptorem inveniānt: iidem addicebant emptori, seu jubebant emptorem ducere emptum, ubi de pretio convenerat: Cicero pro Rabirio Postumo repetundarum reo: *tua, Postume, nummo sestertio a me addicuntur. O meum miserum acerbumque praconium!* Ita proscripsit proclamavitque Hipponacteō carmine Tigellium, & prædicavit publicavitque illius scelera & vitia, & hominem duraturæ in æternum infamiæ quasi addixit Calvus. Suspicio autem supervacanea esse duo verba: *puto esse*: ut fuerit, *non ferre hominem pestilentiorē patria sua, eumque addictum jam tum Calvi Licinii Hipponacteō praconio.* Eum præsertim, inquit, quem jam ante tot annos ita prædicavit Calvus, ut Hipponax Anthermum & Bupalum: quasi præco venalem exposuit cum orna-

mentis

DE PECUNIA VETERE. 721
mentis omnibus, tradiditque infamiae velut
proprium & addictum.

C A P. XI.

Mercedes Grammaticorum & Rhetorum. Ovidius emendatus. Censum fraudare iure. Honores habiti & salaria e fisco constituta. Tentata lex vi. d. de excusationibus. Σταθμοί. Sacerdotiis quatenus immunes sophista. Philostratus defensio. Αἰ μύρια ἐκ βασιλείας. Οὐχ αἱ μύρια τ' ἀνδρά. Philostrato iterum lux. Sexcenti aurei μύρια τῶ πενταχίλια δραχμαί. non tantum διχίλια. Tentata & lex X de Pollicitationibus. Τρεῖς μυριάδες usuris semissibus pariunt M D C C C denarios. Δις χίλια πνικτοῖα μυριάδες, millies sestertium. Roscii sexagies binis millibus emptum. Quum dicuntur tot millia nummum, sestertios intelligi, non denarios. Eoque male duo millia reddidisse Plutarchum διχίλια δραχμαί, & frustra defendi. Plautus tentatus. Appulejo in Apologia vetus scriptura firmata. Cato qui dicatur in stipe Apollinis accepisse denarium? Cato quindecimvir. Quindecimviri sacerdotes Apollinis. eoque domi cortinas habebant. Vnde Valerio Flacco lux.

PRimus e Sophistis Protagoras mercede docuit, πρῶτος ὃ παρέδωκεν Ἑλλησι περὶ μαθήματα, inquit Philostratus: & idoneam rationem subjicit: ἃ γὰρ σὺ δαπάνη πωδάζομεν, μάλλον ἀπαζόμεθα τ' ποῖκα. Ab eo tempore grammaticis & rhetoribus, modo disciplina & assiduitate scholas tuerentur, ampla emolumenta non defuerunt. M. Antonius

nus Gniphio de mercedibus non pacifcebat-
 tur, eoque plura ex liberalitate discentium
 conſequebatur. Remmius Palæmon ex
 ſchola quadragenā annua capiebat. Tanti-
 dem docendum conduxit Calvinum Eſi-
 cium equitem Romanum L. Appulejus.
 Verrius Flaccus habitationem in palatio &
 centena ſeſtertia in annum ab Auguſto me-
 ruit. Taceo ſervos literatores immanibus
 pretiis emptos, dein manumiffos. Iulius Cæ-
 ſar addidit honorem, omnes liberalium ar-
 tium doctores, quo libentius & ipſi urbem
 colerent & cæteri appeterent, civitate do-
 nando. Tamen eos extra claſſem projeciſſe
 & non niſi capite cenſos feciſſe volunt Ovi-
 dium lib. III. Faſtorum:

Nec vos turba feri cenſu fraudata magiſtri

Spernite. diſcipulos attrahit illa novos.

Olim legebatur ſenſu, quod quidam ex his,
 quos interpretantur, juvare ſe crediderunt
 loco Perſii, Sat. III. *non ſano laudanda magi-
 ſtro*; Sc. Gentilis in Parergis loco Platonis,
 ubi paedagogos *παῖδαγωγούς* nominat,
 quod ſint ingenio illiberali & aſpero. Nuper
cenſu placuit. Sed non huic generi, quam
 cuivis alii, magis hoc conveniens: cum ſint
 & in illis tam qui habeant cenſum, quam
 qui careant, prout quiſque frugi aut quæſtus
 contemptor eſt. Orbilii quidam & Valerii:
 quid qui quadragena, qui centena annua ca-
 perent?

perent? At alii, non hoc vult, inquiunt, Ovidius, sed fraudatos Minervali, quod hoc die solvebatur. Quare autem hi quoque magis, quam omnes mercedem merentes, ubi in fraudatores inciderunt? Quid vulgarius & nunc & olim, quam milites fraudari stipendio a centurionibus? Quis ideo milites dixit *turbam censu fraudatam*? Tamen, ut hi præter cæteros fraudarentur, bene sibi explicuisse visus illustris adolescens: fraudis causam dedisse ferias, quum a parentibus data in magistrorum stipendium ludis & bel-lariis destinarent pueri, metu postea & pudore ad scholas accedere non ausos, reli-quisse didascalos sine mercede, sine discipu-lis: ideo potissimum, *novos attrahit*, dici, quia veteres emanerent. Sed cur necesse fuit minerval istud pueris committi, quo-rum inter manus strangulabatur? non po-terant in jure petere, ut Protagoras ab Eua-thlo? Iam emanendi & itandi omne arbi-trium penes pueros erat ipsos? Denique scio illud: *Ars illi sua census erat*: non solent tamen veteres *censum* pro salario aut dubio redditu dicere, quum sit ipsum statum, ut sic loquar, & fundatum patrimonium. In quo valde improbandus sermo disertis hoc seculo scriptoris: *militare munus annuumque muneris censum offert Caprio: offerendum censum an-nuum duorum millium florenorum: non solven-*

dum autem hunc censum &c. quæ nunquam Roma vetus audiit. Quid ergo est? nempe graviore morbo laborare hunc Ovidii versum, haud scio, an ita curandum:

*Nec vos thure, feri, censum fraudare, magistri,
Spernite. discipulos attrahit illa novos.*

In Mss. invenimus *fraudante & fraudate*. Nec pœniteat vos; duri magistri, detrahete aliquantum patrimonio, quod in thus deæ libandum impendatis. *Censum fraudare*, ut *fraudare genium*. Statius in Lacrimis Etrusci:

Quam dives in usus

Natorum totoque volens excedere censu.

Spernite fraudare, ut, *Sperne repugnando tibi tu contrarius esse*. Idem, quod *noli*. Sic Grammatici. Rhetoribus Vespasianus quum ingenia & artes maxime foveret, primus ex fisco annua centena constituit: & M. Fabium Quintilianum ex Hispania Romæ inquilinum stipendium e fisco accepisse testis Eusebius. Ab Trajano honor & dignatio tanta dicendi magistris & sapientiæ professoribus, ut per eum spiritum & sanguinem & patriam recepisse studia prædicent Plinius & Iuvenalis. Hadrianus omnes professores honoravit & divites fecit: in summa familiaritate Epictetum & Heliodorum philosophos, tum grammaticos & rehtoras habuit: doctores, qui professioni suæ inhabiles videbantur, ditatos honoratosque a professio-

ne dimisit. Antoninus Pius grammaticis & rhetoribus & philosophis per omnes etiam provincias & honores & salaria detulit. Finivitque numerum, quot quibus in civitatibus exhiberi publice deberent: metropoles gentium quinque ut tuerentur rhetores, grammaticos totidem: iuridici conventus (sic enim Plinius vocat, quos Lex dicit *habere forum causarum, vel loca iudiciorum*, dictos inde, quod magistratus provinciales ibi iurisdicendi causa conventus & fora agere solerent, & vicini populi eodem disceptandi ergo concurrere) quatuor qui docerent utramque doctrinam: reliquæ minores civitates tres sophistas & grammaticos totidem. In philosophis numerum non terminavit, quia rariore reperiebantur, sed hæreses sive disciplinas elegit, e quibus, si daretur, omnibus aliquos probarent atque alerent, Stoicos, Platonicos, Epicureos, Peripateticos. Honorum loco præcipuas immunitates & vacationes munerum ducò: *immunes esse gymnasiis, sacerdotii stantes, & neque ad frumenti & vini & olei emptiones & prepositiones, & neque iudicare, neque legatos esse neque in militia numerari nolentes, neque ad alium famulatum cogi.* quæ verba sunt L. vñ. π. viii. D. de excusationibus. Sed haud dubie corrupta: quid enim est *sacerdotii stantes*? Cujacius ἀτελείς γυμνασῶν, ἀγορευομένων,

debebat. Legit ergo : καὶ τὰς ἀτελείας καὶ τὰ
 ἱερῶσιν. Immo immunes erant, si vellent.
 Quando enim privilegiariis non licuit favo-
 ri pro se introducto renuntiare? Nam etsi
 quædam erant sacerdotia, in quæ *delecti spe-*
cie religionis omnes fortunas effundebant, ut lo-
 quitur Tacitus xiv. ann. tamen alia erant
 lauta & non recusanda. Vnde Philostratus,
 ubi Scopeliani patrem δρχερέα τῆς Ἀσίας fuisse
 ait : ὁ δὲ σέφαν οὐτὶ πολὺς ἢ ὑπὲρ πολλῶν
 χρημάτων. Sic Smyrnæi πάντας οὐτὶ οἴκοι σε-
 φάνους ἔπιν τῶν Πολέμων κεφαλῶν σωλῶν ἐγ-
 καν. Quod si factum est ante rescriptum An-
 tonini, at non illud quod Euodianum pro-
 vexisse notat τὰς μὲν οἴκοι πμὰς ἐς οὐτὶ δρχε-
 ρέας περὶ σέφαν μόνους τῶν ἔπιν τῶν ὀπλων, τὰ δὲ τῶν
 φωνῆς τῶν λαῶν ἐς τὴν Ρώμην ἢ τὴν ἐκείθεν θρόνον.
 Sic complures & annonam procurasse & le-
 gationes obiisse, & aliis, quæ excusare po-
 terant, muneribus ultro functos legimus.
 Neque enim aliud voluit Antoninus, quam
 quod exprimit Constantinus l. i. Cod.
 Theod. de Medicis & Profess. *Fungi eos ho-*
noribus volentes permittimus, invitos non cogi-
mus. Salaria quæ e fisco grammaticis, rhe-
 toribus & philosophis decreta, μνείας δρα-
 χμὰς statuunt Lucianus in Eunuchō : καὶ τὰ
 ἀθλα οὐ βοεῖν τις ἴω χεῖρ ποιητῆν, οὐδ' ἱερεῖον,
 ἀλλὰ μύεσθαι χεῖρ τὸ ἐνιαυτὸν ἐφ' ὅτῳ σωεῖναι τοῖς
 νέοις. iterumque : ἀξιόπιστον ἢ πρέποντα ταῖς

μυρίαις, αἷς χρητὰ βασιλέως ἀποφένεσθαι : &
 Philostratus in Theodoto : Προέφη ἡ καὶ τῆς
 Ἀθηνάϊων νεότητι ὅτι ταῖς ἐκ βασιλέως μυ-
 ρίαις, rursus in Chresto : Ἀδριανὸς ἡ καὶ δι-
 δρυμένη ὅτι εἰς τὴν Ρώμην, εἰληφίζοντο μὲν οἱ Ἀ-
 θηνάϊοι πρὸς βόσκειν ὑπὲρ Χρήστος, τὸ Ἀθηνῶν-
 σιν ἀπὸ φρόνον ἐκ βασιλέως αἰτέσεις. Οἱ ἡπαρ-
 ελθὼν εἰς αὐτὰς ἐκκλησιαζόντας διέλυσε τὴν
 πρὸς βόσκειν, ἀλλὰ τε ἀγαλῆχθαι αἰξιολόγα ; καὶ
 ὅτι πᾶσιν εἰπὼν, ἔχαι μύρια τὸ ἀνδρά. Qui-
 bus Philostrati locis indiligentem interpre-
 tem fuisse recte monuit ad Pium Capitolini
 Salmasius : & prior quidem facile intelli-
 gitur : posterioris animanda interrogatione
 putem illa : Οὐχ αἱ μύρια τὸ ἀνδρά ; ut intelli-
 gas, αἰτέσι vel ζητέσι. Sensum autem nobis
 oportet esse ambiguum, qui nihil proximo-
 rum istis verbis divinare possimus. Sunt au-
 tem ita concepta, ut & Sophistæ modestiam
 præferre possint, quasi diceret, annon αἱ μύ-
 ριαι virum quærunt, ut ait Lucianus, αὐταῖς
 πέποντα ; se talem esse dissimulans : & arro-
 gantiam dicam an fiduciam superbiamque
 meritis quæsitam, ceu non ille τὰς μυρίας,
 sed αἱ μύρια ipsum ambirent. Vt in Armo-
 rum Iudicio vir ille militaris :

queritur istis

*Quam mihi major honos, conjunctaque gloria
 nostra est,*

Atque Ajax armis, non Ajaci arma petuntur.

Cæte-

Cæterum *μνείαι δραχμαί*, sive Pius, ut Capitolinus, sive Marcus, ut Philostratus videntur velle, eas grammaticis, rhetoribus & philosophis primus contulerit, efficiunt Romanæ mōnetæ sestertia quadraginta, aureos quadingentos; at nostræ coronatos mille. Sic recte Salmasius ad Augustam historiam. Pergit: Tatianus rhetor ἐπιστὶς χρυσῶς ἑξα-
 κστὶς eos in stipendium accepisse dicit, quæ
 sexcentorum aureorum summa, non *μνείας*
δραχμας, sed *μνείας διγυλίας* continet. Hic
 passus est ἀνδρώπινόν π. debuit enim dicere
μνείας ἢ πεντακισυλίας. Centum aurei Ro-
 mani sunt decem millia nummum, duo mil-
 lia quingenti denarii. Ergo sexcenti, sexa-
 ginta millia nummum, quindecim millia de-
 narium, nostri coronati mille quingenti.
 Deinde Tatianum cum Luciano & Philo-
 strato in concordiam ita redigit vir summus,
 ut hos breviter ac rotunde *μνείας* dixisse pu-
 tet, quamvis darentur *μνείαι ἢ διγυλίας*: &
 ideo scribendum esse apud Eumenium de
 scholis restaurandis, *sexagena millia nummum*,
 (non *sexcenta*) quæ summa reddat *μνείας ἢ*
διγυλίας δραχμας. At *μνείαι ἢ διγυλίας δρα-*
χμαί, duodecim millia denarium, sunt XLVIII
 millia nummum sestertium, CCCC LXXX
 aurei Romani, CIOCC coronati. Voluit
 igitur utroque loco *μνείας ἢ πεντακισυλίας*
 scribere. *Sexagena* pro *sexcentis* legendum
 Zz 5 apud

apud Eumenium præcepit Casaubonus ad Suetonii Othonem : contra quod ipse fateatur eruditissime a doctis viris disputatum : sed se illis non moveri. Si tamen diligenter inspicias Eumenium , & quæ ad illum Livinejus, (nam hic, opinor, est, qui contra Casaubonum disputavit) fortassis movere : omnino enim Eumenii erat singularis & extra communia ponenda persona. Vindicat & Eumenio *sexcenta* sua Petitus, sed ejusdem erroris se alligat in aureis ad denarios reducendis. Adducto enim Tatiani loco , Aurei sexcenti, inquit, sunt *μύρια καὶ διγίλια δραχμαί*, sive sexagena millia nummum. Immo, *καὶ πεντακίγλια*. Sed nec Tatiani cum Philostrato conciliatio, quam facit Salmasius , accipienda est. Ille enim : *Ὡς περὶ τῶν Ῥωμαίων βασιλέως ἐτήσιος χρυσῶς ἑξακιστὺς λαμβάνειν πνᾶς*. Dicit *πνᾶς*, ergo non omnes : & , ut rem exaggeraret , quod maximum paucis eximiis concessum , nominat ; non ordinarium & promiscuum. Hanc vim particulæ *πνᾶς* agnoscit etiam Casaubonus. Nunc ad alia. Modestinus IC. in l. x. d. de Pollicitationibus : *Septicia certamen patriæ suæ pollicendo , sub hac conditione pollicita est , ut fors (τρεῖς μύρια δὲ δὲν) apud eam remaneat , & ipsa usurus semissales ad præmia certantium resolvat*. Valde vellem , satis mihi esset anitmi ad exstirpandum τὸ pollicendo , tanquam librario-

rum,

rum, non auctorum Iuris additamentum : certe sic convenientior veteri Latio flucret oratio. *πρεῖς* autem *μυριάδες*, inquit ὁ πᾶν, “ cap. vii. de M. V. in illa lege sunt *triginta millia denariorum*, quæ semissibus usuris reddunt annua *decem & octo millia denariorum*. “ Ita passim loquuntur auctores Græci, qui “ sub imperio Romano scripserunt : ut apud “ Dionem in Nerone, *δράχλαι πενταχόσαι μυριάδες* de denariis intelligendæ, quæ summa “ *ter millies sestertium*, ut mos erat Romanis “ loqui, efficiebat. Duo hic errores immanes. “ Semisses usuræ sortis centum denariorum sunt annui denarii sex, mille denarium sexaginta, decem millium sive *μυρίων δραχμῶν* sexcenti : ergo triginta millium sive *τρίων μυριάδων* mille octingenti. At octodecim millia semissibus usuris quotannis solvenda sortem requirunt trecentorum millium. Qui vero octodecim millia in triginta stipulatus est, idem sex millia in decem millia, sexcentos in mille, sexaginta in centum pactus est, atque adeo quinas, ut ait Horatius, mercedes capiti exsecuit. Ita ex quinis centesimis semisses fecit usuras vir illustris. Nihilominus peccatum in loco Dionis. Nam quum *μυριάς* sive decem millia denariorum sint quadraginta millia sestertium ; *πενταχόσαι μυριάδες*, quinquagies centena millia denarium, ducenties sestertium ; *χίλαι μυριάδες* centies

centies centena millia denarium, quadringenties sestertertium; necessario διγίλια πεντάκισαι μυριάδες, ducenties quinquagies centena millia denarium, sunt *millies sestertertium*, non amplius. Et tamen quasi emendaturus quod hic fuerat offensum, in Erratis substitui jussit: summa *sexies millies*. Hic tertius error haudquaquam decedens prioribus. Sexies millies sestertertium Græce dicitur μυριάς μυριάδων πεντάκιγίλια μυριάδες, millies quingenties centena millia denarium. At ter millies sestertertium ἐπιακίγίλια ἢ πεντὰνθίσαι μυριάδες. Atque ita prorsus apud Dionem legitur, quem inspicere non permisit sibi ὁ πᾶν, ut Lamias turres & pectines solis loqueretur. De Seneca: ἕσταν ἐπιακίγίλιων ἢ πεντὰνθίστων μυριάδων ἐκτῆσσι. Quod *ter millies* apud Tacitum dici, nemo ignorat.

Roscii bona, quæ erant sexagies, *duobus millibus nummum* emisse Chrysogonum Sullæ libertum, commemorat Cicero. Plutarchus διγίλιων δραχμῶν, notatus ob id a Scaligero, quando *nummus* & *sestertius* apud omnes utriusque linguæ auctores passim ἀντιστρέφονται. Rualdus, qui Plutarchum accusat, tanquam in summis pecuniæ Romanorum Græco nomismate declarandis nunquam satis accuratum, quod sibi tam laxè permittit, hoc saltem in loco non concedit Scaligero, & satis prolixè *nummum* aliquando Latinis pro

pro denario usurpatum esse probare contendit. Quod, opinor, haud ignoravit Scaliger: sed censuit, quod verissimum est, quoties dicunt Latini, *mille nummum*, *duo millia* & deinceps *nummum*, tum eos non alios quam sestertios, ut erat in formulis, *nummi unius*, *assium quatuor*, intelligere. Plauti ex Pseudolo & Truculento verbis exsultat. Sed ne huic quidem tacuit Scaliger, *nummum*, quippe palliatos introducenti, aliter accipi, tantum in eo lapsus, quod drachmam statuit pro didrachmo. Caterum quia Plautus illis locis pro didrachmo ponit, frustra istis utitur Rualdus ad faciendum *nummum* drachmam. Nihilo verecundius, quod Theophilum *χίλις νύμμοις* reddere *mille asses* obtestatur. Quid? tam ineptum putavit Scaligerum, ut nesciret laxè vocabulum *nummus* dici de quavis pecunia ex ære, auro, argento, ferro, corio? Hoc voluit, *nummum κατ' ἐξοχῶν* esse sestertium, & quum Latini vetustiores certum appellant numerum nummorum, tum eos intelligere non aliud genus, quam sestertios. In loco Pseudoli, et si parum intersit, componit disjungenda. nam *nummus ille argenti a. i. sc. i. v. x cv. & sc. iiii. v. lxvi.* non proprie est illa drachma, qua restim se velle dixerat emere Callidorus, sed simpliciter quodvis argenteum nomisma: neque enim tetradrachmum aut obolum

aut

aut triobolum facilius reperiebat quam drachmam. Quod si esset, tamen in palliata foret is nummus Græcus: ut etiam apud Terentium in Heautontim. ubi sine dubio *mille nummum* sunt, quas antea *mille drachmarum argenti*, post *decem minas* dicit. Ego si auferre possem, Plautum quoque, ut Terentium, *nummum* pro drachma dixisse ita acciperem in loco vexatæ interpretationis, Mostellar. a. II. sc. I. *qui hastis trium nummorum causa subeunt sub falas*. Lipsius & Puteanus tres asses intelligunt: Scaliger & Petitus ad Ll. Att. tres ἡμιχρύσας triginta drachmas argenti: quibus supra responsum. Hotomanus tres obolos facit, qui sint seni asses. At obolus binos asses habet cum semisse & sextante, octo nimirum chalcos, cum tribus chalcis as respondeat. Nam drachma vel denarius sex obolos, sedecim continet asses, obolus octo chalcos. Ergo drachma XLVIII chalcos: quos si dispenses per sedecim asses, cuique assi veniunt tres chalci: ter enim sedecim sunt XLVIII. Ita chalci octo, bini asses & octo duodecimæ assis, hoc est semis & sextans. Sed si mihi concedatur, Plautum dixisse *nummum* pro drachma, vincam depromptum hoc ex Aristophanis Acharnensibus:

Ὅρων πολὺς μὲν ἄνδρας ἐν ταῖς ταῖς ἐστι.

Νεανίας δ', οἷος σὺ, δεδραχμένος.

Τὸς μὲν ὅτι Θράκης μισθοφορῶντας τρεῖς δραχμαίς.

Eoque

Eoque nihil pertinere ad militem Romanum, sed ejus loci, ubi scena est. De mure Casilini vendito non est quod miseretur Casaubonum, cui hæc bella observatio non venerit in mentem. Non statueret ille nunc aliter quam olim, si tam corpore quam per gloriam viveret. Verissimum enim est quod statuit, auctores, qui *ducentis nummis*, qui-
 que *ducentis denariis* vel *drachmis* ajunt venditum, dissentire: neque unquam vel Plinius vel quisquam in pretio rei non Græcæ describendo *nummum* pro drachma posuit. Cicero claudit agmen lib. III. in Verrem: ubi, quum Verrem induxisset dicentem: *mihi frumento non opus est, nummos volo*: fingit ex-
 cipientem aratorem Siculum: *non speraveram me ad denarios perventurum*. Quid si dixisset, *pecuniam volo, argentum volo, as volo*: colligeret inde, *pecuniam, argentum, as*, necessario esse denarium? At hoc sonant verba illa personati Verris: non enim præcise denarios poscit, sed pro frumento pecuniam. Sic mox: *Senatus te voluit mihi nummos dare, me tibi frumentum metiri*: Tu eos nummos, quos mihi Senatus dari voluit, ipse habebis; a me cui singulos denarios dari oportuit, binos auferis? Ne denarii quidem præcise hic sunt formæ denariorum, sed quaterni sestertii, sive in quatuor formis, sive in una. Sic paullo ante: *Quid ergo a me tibi nummorum dari potest, quum*

senatus

senatus tibi quaternos nummos dederit ? Vbi
quaterni isti procul dubio sunt sestertii : sed
priore membrò nummi quævis pecunia. Nam
 „ *illa interrogatio : quum bona Roscii fuerint*
 „ *sexagies, qui potuit vel ausus est ea usque*
 „ *adeo elevare Chrysogonus, ut solum bis mil-*
 „ *le sestertios in eorum pretium offerre non*
 „ *erubuërit ? hæc, inquam, interrogatio vix*
debet eruditum hominem. Quasi non pa-
ris impudentiæ sit duo millia denarium of-
ferre pro eo, quod est sexagies, & bina ses-
tertia ? Quasi non amplissima prædia in istis
auctionibus sestertio nummo addicta sint ?
Appulejus in Apologia refert, apud Varro-
nem lectum sibi Q. Fabium, cum quingentos
denarios perdidisset, ad Nigidium consultum ve-
nisse : ab eo pueros carmine instinctos indicasse, ubi
locorum defossa esset crumena cum parte eorum,
cateri ut forent distributi : unum etiam dena-
rium ex eo numero habere M. Catonem Philoso-
phum, quem se a pedissequo in stipe Apollinis acce-
pisse Cato confessus est. Casaubonus hic sensit
aliquid esse moræ, ideoque legit : in stipem.
 „ *hoc est, inquit, cum vellet stipem Apollini*
 „ *conferre : quod tamen apparet eum non fe-*
 „ *cisse, negotiis, credo, præter expectationem*
 „ *impeditum. Quærit etiam cur a pedissequo*
acceperit pecuniam Cato ? Et respondet,
quia olim moris non fuerit, ut viri honesti
per urbem incedentes pecuniam secum ge-
starent ;

starent ; pedissequorum illos comitantium id munus & onus fuisse. Et adfert elegantia, ut solet, sed, quod ipse ominatus est sibi, præter institutum. Hæc tamen certatim secuti Voverius, Gentilis, Elmenhorstius. At Flor. *in stipe*, ut editum olim. Et, si quid video, verius est. Non conferre illam stipem Apollini Cato voluit : in quo novum sibi nodum fecit vir summus, & satis perfunctorie solvit : sed ut famulus Apollinis, si quis unquam, castus & sanctus, dei sui nomine accepit. Quindecimvir erat libris Sibyllinis. Plutarchus : Ο ὃ Κάτων ἐπειδὴ τῷ ἱεροσώλῳ ἔλαβεν Ἀπόλλωνος. Stipes diis infundi solitas, atque adeo etiam Apollini, notius est, quam ut debeat probari. Has, ni fallor, sacerdotes accipiebant, & inter se partiebantur. Intelligo igitur pedissequum illum nescio cujus aut suæ aut domini religionis causa denarium illum stipem Apollini solenni die dedisse, & Catonem sacerdotem cava manu accepisse. Neque enim soli Augusto usitatum, quod scribit Suetonius cap. xii. *ex nocturno visu etiam stipem quotannis die certo emendicabat a populo, cavam manum asses porrigentibus præbens*. Ergo *in stipe*, est dum stipem nomine Apollinis accipit, inter cæteras stipes. Quindecimviros autem fuisse sacerdotes Apollinis adeo certum est, ut & insigne sacerdotii, tripodis instar, domi habe-

rent. Vnde intelligendum illud Valerii Flacci in principio: *si Cymæ mihi conscia vatis Stat casta cortina domo*. In quo mire laborarunt interpretes, & inter alios Barthius tribus locis Adversariorum. Significat autem Valerius, se Quindecimvirum esse, & Phœbum ita sibi propitium optat, ut ipse domi cortinam ejus religiose castus sacerdos habeat. Servius ad III. Æneidos: *patriasque obtruncat ad aras*: Hinc ergo & Delphinum ajunt inter *sacrata Apollinis receptum*: *cujus rei vestigium est*, quod hodieque Quindecimvirorum cortinis Delphinus in summo honore ponitur: & pridie quam sacrificium faciunt, velut symbolum, Delphinus circumfertur, ob hoc scilicet, quia Quindecimviri librorum Sibyllinorum sunt antistites: Sibylla autem Apollinis vates & Delphinus Apollini sacer est. Nihil ad Flaccum interpretandum accommodatius.

CAP. XII.

Petronius emendatus. Sicel, vox nihili. Dipondius pro didrachmo non dicitur Latine. Lupini aurum comicum, non veri nummi. Cicer lupinusque tenuiorum esca. Quadrans minima ærea pecunia Romanis. Lex Sempronia cur semissis & trientis mentionem faciat. Septunx, bes, dextans, æunx &c. non fuerunt nummuli. Quadrans ultimus, ὁ ἑξάτατος κοδράντης, non fuit nummus a quovis alio quadrante diversus. Locus Evangelistæ Matthæi. Κοδράντης τὸ πένν, quomodo Hesychio. Male dicuntur ærea moneta duo genera fuisse, quorum alterius

rius maximus libra, alterius uncia aris constiterit. Assarius dictus as non tantum, cum scilico aris constitit, sed etiam, cum semuncia.

PETRONIUS ARBITER: Mihi plane placet emere, quamvis nostrum sit, quod agnoscimus, & parvo ære recuperare thesaurum, quam in ambiguum litem descendere. Sed præter unum dipondium *sciel* lupinosque quibus destinaveramus mercari, nihil ad manum erat. Tentaverunt horum verborum medicinam principes in literis viri, Turnebus, Cujacius, Scaliger. Turnebus legit, unum dipondium scilicet lupinosque: constare autem lupinos adsimulasse veros nummos. Cujacius interpretatur dipondium *sciel* a vilitate, quod penderet drachmas duas: esse enim *sciel* apud Latinos & Græcos quartam partem uncie & stateris medietatem drachmas appendentem duas, apud Hebræos autem uncie esse pondus. Scaliger probat: præter unum dipondium *scilicum*, quibus lupinos: vel dipondium *scilicum*que: quod nunc editiones perambulat. Nos vero cur non acquiescamus Turnebo, in causa est, quod lupinos, quamvis aurum esset comicum, tamen nemo erat tam insipiens, ut in foro iustaque emptione eos pro ære, nedum pro auro, sibi pateretur obtrudi. Cur Cujacio, quod illud *sciel* est sine exemplo auctorum melioris ævi dumtaxat; quod *scielus* non debet cum *scilico* confundi, quod

illa ἀκυρολογία *dipondii* pro didrachmo est intolerabilis. Cur Scaligero, quod *sicilicus* apud Romanos ponderis numero aut divisoris, nunquam nummi, fuit; vixque infra quadrantem, certe non infra sextantem nummus percussus. In rationibus ad denarium *sicilicus* quidem varie componitur cum assis partibus ad partes æris explicandas: sed nunquam cum asse, nedum cum *dipondio*. Neque in vulgari sermone istis ratiocinatorum formulis utebantur. Post hos Barthius quoque quasi exploratum tradit, *dipondium* bidrachmam dicere, *sicel* enim *dipondium* duas drachmas valere, quia sive Priscianus sive Remmius:

Drachmam si gemines, erit is quem dicier audis Sicilicus.

Patere autem *lupinos*, aurum illud comicum, monetam tamen alicujus pretii fuisse ex auctore carminis de ponderibus:

*Semioboli duplum est obolus: quem pondere duplo
Gramma vocant, scriptum nostri dixeret priores.
Semina sex alii filiquis latrantia curvis
Attribuunt scripto, lentes veraciter octo,
Aut totidem speltas numerant triste sive lupinos
Bis duo.*

Ergo repositum voluit: unum *dipondium sicel*, *lupinos* quinque, quibus destinatum quiremus mercari, lib. XXI. Advers. cap. vi. Hæc quoque jam confutata sunt; nam & *bidrachme*

chma & illius *dipondii* pro ista *bidrachma* eodem habet auctores, id est, nullos. Ne autem Prisciano vel Remmio abuteretur, ipse titulus libri monere illum poterat, qui est de ponderibus, non de nummis. An *scriptula*, *lentes*, *spelta* fuerunt nummi? Iuxta profecto ac lupini. Nos Hebræos siclos & imaginarium *sicel* *sicilicumque* nummum ex Petronio relegamus: *lupinos* autem cum Scaligero mercem, non nummum, accipimus: & scriptum ab auctore censemus: *præter unum dipondium, quo cicer lupinosque destinaueramus mercari*. In cœnam puta pauperculam & Cynicam. Conjungit eadem Horatius lib. II. Sat. III.

In ciceræ atque faba bona tu perdasque lupinis.
 Apud eundem de Arte: *fracti ciceris & nucis emptor*. Et ipse de sua pertenui cœna lib. I. Sat. VI.

Inde domum me

Ad porri & ciceris refero laganique catinum.
 Sic & in Martialis cœnula lib. V. epigrammat. LXXVIII,

Et fervens cicer & tepens lupinus.
 Hic me admonet Savoti & recte notatum contra Turnebum, Muretum, Lambinum, *lupinum* nummum non fuisse (etsi propterea non necesse erat corrigi apud Horatium: *quid distent erva lupinis*: nec docendi eramus, *erva* dissyllabon esse) & perperam traditum,

multo plura fuisse æra pecuniaria, quam adhuc credidimus. Plutarchus in Cicerone scribit τὸ λεπτότερον χαλκῆ νομίσματα καὶ δράντων dixisse Romanos. Id Savotus non tantum negat, verum & *scriptulum*, & *sextulam*, & quascunque partes æris facit Volusius Mæcianus, formas fuisse signatæ pecuniæ existimat. Quod si quis obstrepat, ponderum potius illa vocabula quam æris esse, ei putat silentium impositum verbis Volusii : *Ponderis eadem divisio, quæ æris*. At enim illa *divisio* æris haudquaquam significat totidem esse formas pecuniæ æræ, quæ tum utebantur : sed has fuisse quondam partes æris rudis, & ut multum concedamus, etiam signati gravis; post assem sextantarium, certe uncialem factum tantummodo nomina adhibita ad omne solidum dividendum, ad pondera & mensuras explicandas; ad pecuniam extra illam communem causam non adhibita, nisi in rationibus ad denarium & victoriatum, excurrenti æri exprimendo. Formæ autem nummi ærei publicæ non fuerunt bonis temporibus præter dipondium, sesquassem, assem, semissem, trientem, quadrantem. Cujus rei argumentum evidens & elegans præbet lex Sempronia : *ut semisse & triente plebi frumentum daretur*, ut est in epit. Livii lx. Quid enim opus dicere *semisse & triente*, si *dextans* nummus fuisset?

Semis & triens conjuncti in partibus æris efficiunt dextantem vel decuncem. Volu-
sius : *In dextante sunt uncia decem &c. Semis & triens.* Peccant similia Hotomannus, qui *septuncem, bessem, dextantem, deuncem, fescun-
ciam, unciam, semunciam, sextulam* ; Snellius, qui *sembellam, unciam, sextulam* ; Capellus, qui *unciam, sembellam, libellam, lupinum, sici-
licum*, nummos æreos faciunt. Plutarchus autem quemadmodum ignorare potuit, quod suo tempore λεπτότατον esset æs in pe-
cunia ? Respondet lepide Savotus, ambi-
guum esse vocabulum *quadrantis* ; significa-
re enim & quartam partem cujusvis sum-
mæ, & formam nummi, & si qui veterum *quadrantem* dicant minimum æreorum num-
morum, eos intelligere *novissimum quadran-
tem*, qui diversis seculis diverso pondere fue-
rit. At distinctio illa significationum vocis *Quadrans* hic perfrigida est, quum dubitet
nemo, quin Plutarchus quadrantes illos, a
quibus Clodia *Quadrantaria* dicta est, non
partem quartam summæ cujusvis, sed num-
mulus veros intelligi voluerit. Deinde fal-
sum est *novissimum quadrantem* esse proprium
genus minuti æris, separatum ac distans vel
pretio vel pondere a quolibet alio quadran-
te. Origo erroris verba sacrata apud Matth.
cap. v. Οὐ μὲν ἐξέλθης ἐκείθεν ἕως ἀν' ἀποδῶς τ'
ἕχαλον καθ' ἅπαντα. Hic ego quidem scio Græ-

cos nonnullos τ' ἔχαιον καθράντων peculia-
rem nummum interpretari : scio etiam &
miror Iac. Cappellum eos sequutum, cui hic
nummulus est æreus tantilli pretii, ut vix
duodecimam Attici grani argentei partem
æquaret : adeo ut DCCCLIX istiusmodi
quadrantes pretium Atticæ drachmæ non
superarent. Salmasius quoque magnam in-
scitiam vocat dicere, a Marco non aliter u-
surpatam vocem καθράντης atque a Matthæo,
nec *quadrantem* dici posse *ultimum*, qui in
species ultiores & minores nummos divi-
,, datur. Matthæo καθράντης nummus est, in-
,, quit, & quidem ultimus minimusque, quod
,, convenit cum significatione quadrantis Ro-
,, mani, qui λεπτότατος fuit Romanæ pecu-
,, niæ. At apud Marcum δύο λεπτά dicuntur
,, quadrantem efficere. Ergo Marco καθράντης
,, non est ultimus nummus, sed τὸ λεπτόν.
,, idemque cum Luca magis convenit, qui
,, λεπτόν ἔχαιον facit, quam cum Matthæo. Hæc
omnia miror magis, quam sequor. Quid est
enim verbis sacratis vim facere, si hoc non
est. Ἔως ἂν ὑποδῷς τὸν ἔχαιον καθράντων, ait,
hoc est, donec ita satisfacias, ut ne quadrans
quidem unicus apud te subsideat, tibi remit-
tatur, mihi exigendus restet. Pro eodem
potuisset *trientem*, *semissem*, *assem*, *dupondium*,
obolum ponere. Itaque Lucas iusta libertate
usus λεπτόν ἔχαιον, nihil a Matthæo sensu di-
versus

versus dixit. *Planti diobolare scortum, & homotrioboli, & Vatinii simius non semissis, & M. Senecæ dipondii lenonis*, pretio non differunt, non quasi bini oboli sint Græcis proprie tantumdem, quantum Romanis nummus dipondius, quod falso inculcant ad Pœnolum Plautinam, quum bini oboli sint drachmæ pars tertia, dipondius octava, sed quod hi omnes, qui istis æstimantur, pretii sunt unius, hoc est, aut nullius aut vilissimi. Genera hæc loquendi sunt translata, certum & parvum pro quovis minimo vel nullo designantia: & omnia juxta minimum vel nullum pronunciant hoc usu, etsi proprie & aliquid nec omnium minimum dicant. Sic igitur *ultimum quadrantem* solvere cogitur, non qui dat nummum tam minutum, ut in alios minores dividi non possit (ita enim & *quadrantem ultimum* solveret, qui nihil daret præter hunc nummum) sed qui tanta acerbitate debitum exigitur, ut ne quadrans quidem illi condonetur. Sic Horatius lib. II. epist. II.

collecta viatica, multis

*Ærumnis lassus dum noctu stertit, ad assem
Perdiderat.*

Eodem sensu, *ad extremum assem, ad teruncium, ad quadrantem* potuisset dicere, si libuisset, aut versus pateretur. Idem lib. I. Sat. I.

Quod si comminuas, vilem redigatur ad assem.

hoc est, totum consumatur, ad nihilum veniat. Cicero pro Roscio: *Hic nisi planum facit* Η ΣΙΩΩΩ *ad libellam sibi deberi, causam perdit.* Hoc est, sic ut ne libella quidem una desit. Nihil igitur differt ille *quadrans ultimus* valore ac pretio a primo & medio. Nec alius quadrans Matthæi, alius Marci: nec quamvis ultimus, ideo nequit habere infra se minores formas, λεπτά vocitata Marco, quæcumque demum illa fuerint: non enim Romana fuerunt, tum utique. Vt si *obolum ultimum* dixisset, non propterea huic alius esset obolus, octo vel decem chalcis æstimatus. Hinc etiam intelligendus Hesychius, quum ait: Κεδράντης, τὸ πᾶν, ἢ τέτταρον τῷ φόλλεως. Scaliger accipit, quasi diceret, quadrantem ab aliis pro toto folle, ab aliis pro quarta parte poni. Et mox ad eadem verba: „Deest, τῷ φόλλεως. τὸ πᾶν τῷ φόλλεως. id est, „sumitur pro tota stipe, quæ follem constituit. At Hesychius respexit verba Evangelistæ, apud quem qui ultimum quadrantem jubetur solvere, ab eo petitur omne debitum ne minima quidem parte deducta. Salmasius adversus Cercoetium hoc vidit: sed addit, id ad significationem *assis* etiam referendum esse: nam *as* τὸ πᾶν, τὸ ὁλόκληρον, unde *ex asse*, ex solido, & *ad assem solvere* dicitur, qui totum solvit; dein quia *as* sub primis & mediis imperatoribus quadrantem æris habuit.

buit. Prior ratio rursus confundit *assem* divisorem & pecuniam : nam aliter dicitur *hæres ex asse*, aliter *ad assem solvere* vel *perdere* : ibi *as* tota est hæreditas, hic minimus numerus : est enim ita solvere vel perdere, ut ne quidem, qui solvi debeat, vel perdi possit, *as* unicus supersit. *Assem* autem sub primis imperatoribus quadrante æris constituisse Plinius credi non patitur. Scribit alibi Savius, videri usque ad tempora Volusii duo tantum differentia pondera æræ monetæ Romanis habita : alterum per libram, alterum per unciam divisæ : prius maximam formam fuisse *assem* libram pondo, postea maximam fuisse *assem* uncialem : ut quemadmodum quarta pars libræ fuerit prior quadrans, ita quarta pars unciz fuerit posterior, & sic duarum drachmarum. His in paucis quot peccata ? sesterios & victoriatos & denarios octies vult mutasse pondus, de quo silentium apud omnes veteres altissimum : æream pecuniam bis tantum usque ad ætatem Volusii Mæciani, quum palam testetur Plinius, & nemo ignoret asses signatos a libris pondo ad sextantes æris, ab sextantibus ad uncias, ab unciis ad semuncias devenisse. Rursum maximam formam æræ pecuniz gravis fuisse ait *assem* libram pondo : quid ergo sesquas ? quid dupondius ? Maximam formam æris imminuti fuisse uncialem, verum

rum quidem est, si de dupondio intelligas, sed repugnat aliis ejus opinionibus. Didicit enim a Salmasio sestertium illum æreum, qui bonis temporibus nunquam fuit; dein pugnat contra Salmasium, assem non fuisse infra semunciae pondus. Hoc recte. Quando ergo semuncialis as, uncialis dupondius, quis locus unciali æreo sestertio? Aut igitur hic non fuit, aut fuit dupondio major, & nisi binas pependit uncias, non potuit esse τετρασάριον, ut volunt. Denique Volusii tempore ait fuisse posteriorem quadrantem, & quidem duarum drachmarum pondere. Hoc qui potest, quum as non fuerit alius tempore Volusii quam qui tempore Plinii fuit, nimirum semuncialis, hoc est, quatuor drachmarum? Ergo semis constabat sicilico, hoc est, duabus octavis unciae, quadrans dimidiato sicilico seu octava una vel tribus scriptulis. Ut quum asses librales essent, semisses erant sex unciarum, quadrantes trium: postquam asses sextantarii facti, semisses unciales, quadrantes semunciam æris habuere: ex quo asses unciales, hoc est quatuor sicilicorum, semisses semunciales, seu binorum sicilicorum, quadrantes sicilicum, seu duas octavas unciae retinuerunt. Hoc enim analogia requirit. Itaque mira & inexcusabilis inconstantia est Savoti, pag. 185 adfirmantis experientia ponderandi nummos comper-

tum

tum sibi, priscos Romanos etiam ante Volusii ævum habuisse nomismata scriptulum unum pendentia, & p. 186 subjicientis probabile esse, primis Imperatorum temporibus minimas ex ære formas non descendisse infra duas drachmas seu sicilicum ponderis. At hæc sex scriptula ponderis sunt : & utrumque falsum. Non ergo nec prior nec posterior quadrans nominatus ab ea, qua volunt, causa : & tamen salva est Plutarchi auctoritas, quadrantem nummorum æreorum fuisse minimum. Vnum ei potest objici de sextante, idque ex dicto Granii præconis apud Tullium, & Livio lib. xxix. *Sextante sal & Romæ & per totam Italiam erat.* Nam qui Menenio dicuntur *sextantes collati*, palam est æris gravis fuisse. Varro autem non nummos tantum, quod subinde ingerit Hottomannus, sed etiam partes æris sive libræ exsequitur, qui non fuerunt nummuli. Pro Plutarcho dicere possumus, fuisse olim prima atque altera mutatione, post abundantiore pecunia, majoribus rerum pretiis, feriri desiisse, ut libellæ, sembellæ, teruncii. Notandâ & Agricolæ falsa subtilitas. Quum lege Papiria asses semunciales factos dixisset, Istiusmodi autem, inquit, assis dimidium a Græcis dicitur ἀσάριον, a M. Terentio Varone *assarius*, apud quem est l. i. analogiæ, *equum publicum mille assarium esse*: ejus autem assarii

, assarii duplum, id est, assem ipsum semuncialem, Græci *δυσωπώνιον* nominavere. Quasi semuncialis as non fuerit dictus *assarius*. Quare autem *assarius* sit dimidium assis? aut quis diminutivum dixit idem esse quod dimidiatum? Ergo *sestertiolum bis decies* Martiali erit decies sestertium: *centum aureoli* eidem quinquaginta aurei. Græci sane assem, qui sicilicum æris sub senioribus Principibus habuit, dixerunt & *ἀσάριον*, non quia dimidium esset assis semuncialis, sed quia verus & usitatus illius temporis as erat, non minus quam antea verus as fuerat, qui semunciam æris habuit: etsi fuissent & sextantarii & unciales. Itaque & tum, cum semuncia constitit, Latinis *assarius*, Græcis *ἀσάριον* dicebatur. Testes Polybius, Plutarchus, Varro. Quid igitur hunc postremum contra se adducit? illius ævo dimidium assis semuncialis, non *assarius*, sed *semissis* dicebatur: non enim erat as, nisi semuncialis: & eum tamen *assarium* vocat. An mille *assarium* interpretabitur quinquaginta assium? Nihilo acutior est in τῷ *δυσωπώνιῳ*. Græci nunquam assem appellavere *δυσωπώνιον*, ut nec Latini *dupondium*: sed quod æris olim assem constituebat, id postea factum est binorum assium: idque tum dictum est *dupondii* nomine, non quasi as semuncialis fuerit Græcis *δυσωπώνιον*, sed quia id ipsum duos asses valebat. Nec dubi-

dubitandum, si quis Græcorum Latinam pecuniam verbis in suum sermonem flexis exposuit tum, cum semunciales erant asses, eum tales duos dixisse *δύπονύον*, perinde atque idem æris Latinis erat *dupondius*.

C A P. XIII.

Ad l. 11. Cod. de vet. numism. potest. observata.

Constantinus auctor solidi quatuor scriptulorum.

Ergo non potuit VII in uncia, LXXXIV in libra

putare. Scriptulum CCLXXXVIII pars libra.

Legis 1. Cod. Theod. de ponderat. emendatio probata.

Vncia nunquam XXVIII scriptulorum. Cur

leg. 1. Cod. de ponderat. truncaverit Tribonianus.

Nummus argenteus Servii Tullii non fuit quatuor

scriptulorum. Valentinianum non imminuisse li-

bram auri, cum pretium idem relinqueret. Qui

circumforanei metalli aestimatione aucta succurre-

runt angustiis publicis aut ari alieno, nummos, non

libram, mutare soliti. Constantinus, ut auream,

argenteam, aream pecuniam mutarit. Pro aureo

plus septem scriptulorum fecit solidum scriptulorum

quatuor: pro denario trium scriptulorum fecit

miliarensem scriptulorum quinque amplius: pro

sestertio argenteo follem areum. Proportio auri ad

argentum & utriusque ad as qualis inde fuerit.

LXXII solidi libra auri, LX miliarenfes libra ar-

genti, XII folles libra aris. Constantinus gaudens

mutationibus veterum institutorum. Libra muta-

ta, ut volunt, maxime noxia arario. Valentinia-

nus fisci studiosus. Libra occidua quid in actis

Marcellini Papa. Non bene dicitur hereditas pon-

do libra comprehensa, pro assis vel aris partibus di-

visa. Occiduum non idem est quod minutum.

IAm de tabula manus. nam & admonue-
 rat *ultimus ille quadrans* aliquem huic ope-
 ræ modum esse debere; & satis erat Romam
 ære vel nummis divitem juvisse. illam quan-
 to magis libras auri crepantem, tanto mori-
 bus & sermone subærationem pauperiorem-
 que libebat differre. Revoçavit ab ipsa calce
 nos ænigma illud legis 11. Codice de veteris
 numismatis potestate, Pylco, Accursio &
 Andrea, Iohanne de Platea, Luca de Penna,
 Bartolo, Spinello, Angelo & Purpurato &
 Covarruvia, Cujacio, Ant. Fabro, Dyno,
 Hotomanno, Balduino, rejectis & valere
 iussis, agitatum nuper a viro meritis & ho-
 noribus amplissimo Iac. Gothofredo. Ver-
 ba hæc sunt: *Pro imminutione, qua in æsti-*
matione solidi forte tractatur, omnium quoque pre-
tia specierum decrescere oportet. Vbi pæne
 vocabulum nullum esse non obscurum in-
 „tellectu ait interpretes novissimus. Quænam
 „enim *imminutio* illa est? quænam *solidi æsti-*
 „*matio*? quid est *imminutionem tractari*? &
 „quidem *in æstimatione solidi*? quæ sunt *species*
 „*illæ omnes*? quid sibi vult vox *forte*? quis in-
 „telligat illam definitionem, pretia specierum
 „decrescere oportere pro imminutione, quæ
 „tractata fuit in æstimatione solidi? Sic diffi-
 cultatis lenocinio sententiæ suæ favorem
 quærit. Prima est *imminutio*. Vult Constan-
 tinum,

tinum, quum aureos XLVIII in libram, quaternos in unciam cudi mos esset, statam LXXXIV solidorum libram effecisse, qui singuli quatuor scriptulorum essent: Valentinianum seniore, non pondere aureorum deminuto, verum extrinseca, ut loquitur, tantum aureæ monetæ mutatione facta, ejusque æstimatione & potestate seu valore impositicio aucto, LXXII solidos in libram, & sic sex in unciam accepto ferri jussisse. eam *libram Occiduam* dictam in actis Marcellini Papæ. & hanc *immunitioem* intelligi. Videamus, quæ possint his contradici. Constantinum audio libram effecisse LXXXIV solidorum, qui singuli quatuor scriptulorum essent. Hæc monstra sunt & simul stare non possunt. Octoginta quatuor nummi, scriptulorum quatuor singuli, conficiunt omnia trecenta triginta sex scriptula. Atqui totius libræ non sunt nisi CCLXXXVIII scriptula. nam *scriptulum* sive scripulum *assis ducentesima octogesima octava pars*, ut inquit Volusius. Cuditor igitur nobis libra quatuordecim unciarum, quippe in qua sint ipsa XLVIII scriptula ultra justum numerum, qui in uncia est quatuor & viginti. Additur, proinde solidos septem, quatuor scripulorum, in singulas uncias a Constantino Magno taxari. Hoc æque injustum est. Si septem solidi putantur in uncia, hi non possunt esse quatuor

scriptulorum, sed trium sunt & paullo plus quinta parte scrupuli vel paullo minus sextante : si sunt quatuor scriptulorum solidi, non possunt in uncia, nisi sex, in libra nisi LXXII, putari. Hic intentatur nobis lex i. Cod. Theod. de Ponderatoribus : *Si quis solidos appendere voluerit, auri cocti septem solidos, quaternorum scriptulorum, nostris vultibus figuratos, adpendat pro singulis uncis; quatuordecim vero pro duabus : eadem ratione servanda & si materiam quis inferat, ut solidos dedisse videatur.* Quæ verba rescæta esse ait in Cod. Iustiniani, quia postea imminutus aureorum in libram numerus, a Valentiniano scilicet, LXXII. Cod. Theod. de Susceptoribus : *Illud etiam cautionis adjicimus, ut quotiescumque certa summa solidorum pro tituli quantitate debetur, & auri massa transmittitur, in LXXII solidos libra feratur accepto.* quæ in Cod. Iustiniani eodem titulo quinta est. Hic quantum providentiæ Triboniano, tantum sollicitudinis Theodosio & ejus amicis adscribitur. si enim hæc sub Valentiniano mutatio contigit, perinde facta erat Theodosio codicem suum promulgante, atque Iustiniano suum postea : & sic superflua, quippe abrogata, illa constitutio Constantini. Sed verba illius mendosa coarguit hoc ipsum, quod diximus, septem nummos scriptulorum quatuor ex uncia, & quatuordecim ex sextante

sextante confici non posse, quia uncia nunquam habuit supra quatuor & viginti scriptula; septem autem nummi quaternorum scriptulorum ad viginti octo scriptula excedunt. Hæc ratio fuit Guid. Pancirollo, & diligenti nummorum spectatori Savoto, cur VI pro VII, & XII pro XIV, qui numeri facile confunduntur, censerent in rescripto Constantini corrigendum esse: quorum confidentiam & gravem errorem appellari audio; sed & rationem invictam, quæ illos ad hanc conjecturam perduxit, quasi nulla foret, dissimulari video. Nimirum acquievit illustrium virorum Cæsaris Baronii & Ios. Scaligeri suspicioni, qui, ut istud tam confragosum complacent, sub Constantino imaginantur unciam viginti octo scriptulorum. Sic vero & dimidia sextula non mansisset duorum, non drachma trium, non sextula quaternum, non sicilicus senum, non binæ sextulæ octonum, non semuncia duodenum scriptulorum, non scriptulum sex siliquarum: sed hæc quoque proportionem augeri oportuit. Tantam mutationem accidisse in ponderibus, cujus nulla excogitari causa possit, præter meram libidinem, fidem non habet. Deinde quid fuit necesse Theodosium, quid postea Alaricum, Constantini, si talis fuit, constitutionem repetere;

quam dudum, ut volunt, Valentinianus antiquaverat? & sic pugnantibus inter se tam manifeste legibus turbare subiectos? & exactoribus vexandi censuales, magnam partem imperitos & fraudi obnoxios, fenestram aperire? quum ipsi, quod Valentiniano scilicet placuit, secuturi essent. Propius vero est, utrumque divale rescriptum verbis diversis ad eundem intellectum tendere & Tribonianum legi l. Cod. Iustin. de ponderat. partem detraxisse, quia non aliud significabat, quam traditum præcedente titulo de Susceptoribus lege v. nempe libram auri acceptam referri debere LXXII solidis numeratis: non enim hi plurium nec pauciorum singuli quam quatuor scriptulorum, nec nisi sex in uncia, duodecim in duabus esse poterant. Eoque priusquam unciam XXVIII scriptulorum, rem inauditam & incredibilem, fingam, cum Savoto in Pancirolli sententiam discedere malo. Sed nec illud sincerum, quum denarii LXXXIV signarentur e libra, denarium quatuor scriptulorum fuisse prodi a Varrone annali tertio, apud Charisium: etsi sit e Scaligeri conditis. Verba fragmenti hæc sunt: *Nummum argenteum conflatum primum a Servio Tullio dicunt: is quatuor scriptulis major fuit quam nunc est.* Diximus illum nummum, etsi certatim a Scaligero, Salmasio, Savoto, *denarius* vocetur.

tur, fuisse extraordinarium, & monum-
 tum potius quam pecuniam; nec in usum
 venisse, quum altero demum post seculo ar-
 gentum signare cœperint Romani. Præter-
 ea non *quatuor scriptulorum* ille nummus, sed
quatuor scriptulis major quam Varronis tem-
 pore dicitur. A Valentiniano audio immi-
 nutam libram auri $\sigma\alpha\theta\mu\omega\ \kappa\ \delta\epsilon\iota\theta\mu\omega$, sic ut ea
 non $\iota\sigma\sigma\alpha\sigma\iota$ Ⓞ esset veteri Constantinianæ;
 sed $\iota\sigma\delta\omega\acute{\alpha}\mu$ Ⓞ, utpote LXXXI solidorum
 ejusdem ponderis, cujus fuerant solidi Con-
 stantini, libra effecta, cujus eadem æstima-
 tio esset, quæ antea, quum LXXXIV solidos
 complecteretur. Hic insolens auribus acci-
 dit meis, septuaginta duos solidos aureos
 tantundem valere, quantum octoginta qua-
 tuor ejusdem omnino ponderis ac materiæ:
 nec per naturam rerum, in eodem imperio,
 nullo magno a Constantino ad Valentinia-
 num usque interveniente casu, cui res tam
 peregrina feratur accepta, fieri potest. Mu-
 tationes monetæ solent fieri, ut respublica
 lucretur. Nullum autem lucrum reipublicæ
 potest obvenire in auro, argento, ære pecu-
 niario, nisi per ipsos nummos, sive imminu-
 tos, quibus tamen eadem maneat potestas,
 quæ gravioribus aut sincerioribus fuit; sive
 patiendo crescere illorum pretium supra ju-
 stum, dum erogantur, & revocando edictis
 ad verum modum, quum vacuum est æra-

rium & colligit. Sic processit Solonis *σείρα-
χθρα*, dum e mina non nisi LXXII vel LXXV
 antea denariis vel drachmis sufficiente, cen-
 tum fiunt ejusdem pretii in usu publico. Sic
 æs contractum profuit Romanis, dum assis
 unius materia in senos, tum duodenos, de-
 nique vicos quaternos procuditur. Libra
 quidem tam argenti quam æris utrisque fuit
 quæ fuerat. Itaque ad omnes omnino cives
 tam locupletes quam pauperes hoc pertine-
 bat auxilium; non parti civitatis gratifica-
 batur aliorum bona, quod perniciosarum
 largitionum proprium est. Adsecutus est si-
 milia & longe majora commoda Constanti-
 nus, non libram auri, sed nummos novando.
Aureus Romanus priscus erat septem scriptu-
 lorum & quintæ scriptuli. Quadraginta fe-
 riebantur e libra. Septies quadraginta sunt
 CCLXXX: quadraginta quintæ partes scrip-
 tuli faciunt octo scriptula integra: ita fiunt
 CCLXXXVIII scriptula libræ. Pretium ta-
 men aureo erat XXV denariorum, quasi se-
 ptem scriptulis & simplio vel dimidiato scrip-
 tulo constaret, ut imputarentur in libram
 nummariam trecenta scriptula: quæ respon-
 dent tribus millibus scriptulorum argenti;
 hoc est, mille denariis, quaternis millibus
 sestertium nummum. Raris, opinor, utique
 sub Imperatoribus, inerat accessio illa super
 septimum scriptulum: ut solent officinæ mi-
 nimum

nimum lucrum non contemnendum putare. Itaque canescente imperio pondus illud paullatim recisius, vix ut staterem didrachmum veterem Atticum æquaret, quum tamen xxv denariorum ei pretium maneret, molliorem occasionem dedit Constantino, ut pleraque alia, sic & nummos & proportionem inter aurum, argentum, æs, consuetudine jam latenter mutatam, decreto mutandi. *Solidum* itaque pro aureo fecit, quaternorum scriptulorum, seu quatuor & viginti filiquarum; quales Lxxii libræ, sex uncia auri attribuebantur; pretio nummi prioris ex proportionem, quæ olim inter aurum & argentum fuerat, quasi tredecim denariorum & duorum obolorum. Sed hos denarios etiam abolevit Constantinus, & pro illis introduxit *milliarenfes*, graviores denario, xxviii filiquarum & quatuor quintarum filiquæ: quum denarius octodecim tantum filiquarum fuisset. Hi sexaginta libram argenti faciebant, quinque unciam; duodecim solido taxati. L. I. Co. Theod. de expensis ludorum: *Cum publica celebrantur officia, sit sportulis nummus argenteus, alia materia diptychis: nec maiorem argenteum nummum fas sit expendere, quam qui formari solet, cum argenti libra una in argenteas sexaginta dividitur: minorem dare volentibus non solum liberum, sed etiam honestum esse permittimus.* Sic

aurum ex proportionē ad argentum decupla, quæ sub consulibus & prioribus principibus obtinuerat, crevit eo, ut una pars auri quatuordecim & amplius commutaretur paribus partibus argenti; libra argenti, continens milliarenſes ſexaginta, æſtimaretur quinſ ſolidis; & ita quatuordecim argenti libræ reſponderent ſeptuaginta ſolidis, hoc eſt minus duobus ſolidis quam libræ: quum prius decem argenti libræ unam auri, & quatuor aurei tanto gravioreſ libram argenti æquaffent. L. un. utroque Cod. de argenti pretio q. theſ. inf. *Iubemus ut pro argenti ſumma quam quiſ theſauris fuerit illaturus, inferendi auri accipiat facultatem, ita ut pro ſingulis libris argenti quinoſ ſolidoſ inferat.* Cæterum ut olim denarius ſenoſ denoſ æriſ, ſeſtertioſ quaternoſ complectebatur, ita milliarenſiſ jam ſolleſ vicoſ quaternoſ, qui non aſſibuſ, ſed priſciſ ſeſtertiis comparabantur. nam *follem* quatuor aſſeſ interpretatur Suidas. Intellige aſſeſ, non ſemuncia, ut aliquanto etiam poſt Plinii ævum fuerunt, ſed ſicilico ſeu duabuſ octaviſ uncia æriſ conſtanteſ. unde Heſychiuſ: Κοδράντης, τὸ πᾶν, ἢ τέταρτον τῆς φόλλεωſ. Nimirum aſ eſt iſte quadrans, quadrante uncia æriſ conſtans, & quartuſ in folle. Etenim folliſ unciaſ: duodecim folleſ, libra æriſ: cxx folleſ, decem libræ: ducenti quadraginta folleſ, libræ viginti.

ginti. Hi *folles* & ante fuerant, & pro *sester-*
tiis aut paullo minus ambulaverant, sic ut
 quinque denarium facerent. Est & alia *folli-*
interpretatio in *Glossis Nomicis*, ut & *millia-*
rensis : sed de his nunc non agimus. Quo-
 niam igitur *milliarenfis* viginti quatuor fol-
 les pensabat, libra argenti *milliarenfes* sexa-
 ginta ; eadem argenti libra mille quadrin-
 gentis quadraginta *follibus*, hoc est, CXX
 libris æris æstimetur, oportet : ut argentum
 ad æs tum sese habuerit, quemadmodum
 pars una ad pares partes centum & viginti.
 quum vetustissimis temporibus libra argen-
 ti millenis æris æstimaretur ; at ex quo sede-
 cim assibus semuncialibus censebatur dena-
 rius, hoc est, octo æris unciis ; libra argenti,
 quæ centum habebat denarios, comparaba-
 tur mille sexcentis assibus, hoc est, libris æris
 LXVII, detractis octo assibus. Adeo quo
 plus auri argentique Romam venit, crevit
 pretium æris. *Solidus* vero, quia duodecim
milliarenfis vertebatur, singulis quatuor
 & viginti *follium* ; tantundem faciebat,
 quantum CCLXXXVIII *folles*, & sic XXIV
 libræ æris : nam viginti quatuor duodecies
 ducta constant istum numerum. Pro vice-
 nis quinis tamen libris æris sibi patiebatur
 fiscus solido satisfieri ab illis, qui æris colla-
 tione tenebantur, ut hoc lucello invitati mal-
 lent aurum quam ipsum æs inferre. Hinc

L. II. Cod. Theod. de collat. æris : *Æris pretia, quæ a provincialibus postulantur, ita exigimus, ut pro viginti quinque libris æris solidus a possessore reddatur.* Quem numerum mutari non est necesse. Vncia igitur auri ut senis solidis, ita follibus mille septingentis viginti octo, quæ sunt CXLV libræ, constabat : libra viginti millibus septingentis triginta sex follibus, hoc est, mille septingentis viginti octo libris : eratque aurum ad æs, ut unum ad mille septingenta viginti octo. At vetustissima auri libra ad decem millia librarum æris extollebatur : assibus semuncialibus factis, libra auri ut mille denariis vel quaternis millibus sestertium nummum censebatur, quibus pares erant XL aurei, singuli viginti quinque denarium aut centenum sestertium, ita assium faciebat sedecim millia, hoc est, æris libras sexcentas septuaginta, demptis octoginta assibus seu tribus libris triente : aureus ipse quadringentis assibus, hoc est, sedecim libris & besse vel sedecim assibus contentus erat. Falsus igitur Ant. Augustinus lib. II. Emend. cap. IX. quum ait, aliis constitutionibus singulos solidos viginti libris æris æstimatos, argenti libram solidis quinque : itaque libram auri æstimatam argenti libris XLV fescuncia sicilico; æris vero libris MCCCXL : argenti libram æris libris centum, hoc est, sestertiis sexcen-

sexcentis, denariis CL. Quadruplex, ni qui-
 tuplex, hic error. Pro viginti libris vicens
 quinas vel quaternas ponere debuit. Sescun-
 cia sicilicus argenti libræ sunt octo millia-
 renses & unius dodrans, sive folles octode-
 cim. Nam libra argenti, ut *as*, milliaren-
 ses habet LX: ejus *deunx*, milliaren-
 ses LV: *dex-*
tans, milliaren-
 ses L: *dodrans*, quadraginta
 quinque: *bes*, quadraginta: *septunx*, triginta
 quinque: *femis*, triginta: *quincunx*, viginti
 quinque: *triens*, xx: *quadrans*, xv: *sextans*, x:
fescuncia, septem milliaren-
 ses & dimidiatus,
 hoc est, folles duodecim: *uncia*, quinque:
sicilicus, milliaren-
 sis & unius quadrans. At
 libra auri, LXXII solidis constans, quia
 quinque solidi faciunt argenti libram, com-
 plectitur argenti libras XVI, quæ respondent
 LXX solidis, & milliaren-
 ses LXXI, qui pro
 duobus solidis sunt, & duas quintas partes
 libræ argenti constituunt, quippe quæ quin-
 que solidis, sexaginta milliaren-
 sibus absol-
 vitur. De auri & argenti ad æs proportionem
 jam dictum est. Sane fescunciam illam sici-
 licumque supra XVI libras reprehendit olim
 & Car. Molinæus quæst. C. de usuris: re-
 cteque ait fuisse quatuor uncias, id est, trien-
 tem sive milliaren-
 ses xx, & quatuor quintas
 uncie partes, hoc est, quatuor milliaren-
 ses: quinque enim milliaren-
 ses habet uncia. Sed
 ibidem dupliciter peccat: primum, quum
 argen-

argentum ad αs , perinde ut Augustinus, proprie centuplum fuisse ait, hoc est, unam libram argenti valuisse centum libras æris tum temporis adfirmat, quum valuerit cxx : dein quum hanc proportionem fuisse jam vult a seculo Aurelii Alexandri, cujus existimat esse l. *Quotiescumque*. v. Co. de Susceptoribus. Id quod & inscriptio & subscriptio refutat. Illa sic habet: *Iidem AA. ad Germanianum C. S. L.* hoc est, non *Aurelius Alexander*; ut ille accepit, sed *Iidem Augusti*. nempe Valentinianus & Valens, a quibus & profectæ præcedentes duæ constitutiones. Hæc ita: *Datum Romæ v l. Id. Ianuar. Lupicino & Iovino coss.* Hi sub istis Augustis tertii fuere consules, non sub Alexandro. Ex superioribus igitur liquet, immensum quantum profecisse arcas imperatorias, postquam aurum tanto minutius tanto majus argenti pretium, argentum paullo gravius tanto plures æreos nummos, libra utraque tanto plures quam proxime libras æris, ære interim & ipso in usu fori manente, valuit. Eaque omnia sunt comparata mutatis nummis, libra ubique eadem manente. Hæ res novæ in signata pecunia Romana tantæ sunt, prorsus ut deceant non alium quam Constantinum: qui, ut cærimonias & religiones pie probeque sine controversia, ita cæterorum domi militiæque institutorum quædam

quædam dubium an salutariter, omnia certe callide & astute commutavit, adeo ut tum cognomini suo parem se credidisse videatur, si nihil reliquisset, quale acceperat. Quem impetum viri Deus arcana vi ad bonum Christiani sacramenti convertit. Nec offendere, quod advocatis e Codice Theodosii & Iustiniani locis præfixa fere sunt seriorum principum nomina: solent namque statuta prioribus sæpe pro occasione renovare principes & magistratus, nonnunquam sua; quod in pecunia necessarium in primis reddit aviditas negotiantium: & Codicis utriusque conditores, quum plurimum eadem de re a pluribus principibus eodem modo rescriptorum copiam haberent, usi libertate sua, remotioribus omissis ætati suæ proxima adamaverunt. Solidum quaternorum scriptulorum Constantini esse nemo dubitat, qui septuagies bis formatus libræ convenit unice: & hæc mutatio in auro alias traxit. Sic Leucon & Dionysius tyranni, ut apud Polyænum & Aristotelem est, sed in pecuniæ penuria, nummum alia forma percussum, duplum valere jussere, salva & illi libra. Valentiniani autem, quam fingunt, curta & trunca libra, quid argumenti aut utilitatis habuit? quid foret, nisi largitio exhauriens ærarium, & possessores latifundiorum pauperans, cum lucro, non tenuiorum, sed opulen-

opulentiorum e conductoribus? Quum enim vectigalia & tributa fere omnia auro æstimarentur, & ad aurum redigerentur, astutissime consequuntur, ut pro LXXXIV solidis, quos adhuc pendebant, quibus libra auri erat adscripta, in posterum septuaginta duos, nulla parte meliores, numerarent. Quis non videt, neminem hoc juvisse illorum, qui maxime remissione indigebant, nempe, qui minus auri libra penderent? illos vero, qui amplissima prædia tenebant, & ex illis multas auri libras sive fisco sive privatis conferebant, aurum reipublicæ & dominis agrorum detractum gessisse corbibus? Non tam bonus fuit Valentinianus, nec tam inconsultum ejus consilium, ut tanto fisci damno provincialium ditioribus potius quam egentioribus subvenirent. Ammiani de illo elogium est lib. xxx. *Aviditas plus habendi sine honesti pravique differentia & indagandi questus varios per alienæ vitæ naufragia, exundavit in hoc principe flagrantius adolescens.* Et Io. Antiochenus eum facit *Φρονιζοντα ἢ τὸ Ἰσοαυτῶν Ἐπιδόχης*, etsi addat *δικαίας*. Itaque miror quomodo laudet Ammianus postea tributorum sarcinas mollientem. Mollierit autem? non tamen hoc est publicas & privatas optimorum civium fortunas censualium & mancipum locupletissimis condonare. Denique habemus hac parte consen-

consentientem Salmasium de Vsuris cap. xvi.
 Libra auri semper fuit *ισοστάσις* & *ισοδύνα-*
μος, etsi non fuerit omni tempore *ισότι-*
μος. Ergo libra Augustea XLVIII aureo-
 rum æqualis erat pretii (nempe quod ad
 pondus) cum Iustiniane LXII solidorum.
 Vbi quod quadraginta octo aureos ponit in
 libra Augustea, ortum ex eo, quod aureum
 Romanum præcise didrachmum sive sex scri-
 ptulorum statuit; diximus legem monetæ
 quadraginta ex ea formari voluisse: quem
 numerum ut avaritiani & malos mores sæpe
 superasse credibile est, (neque aliud vult Pli-
 nius) ita bonos principes censendum iden-
 tidem reduxisse & servandum mandasse, do-
 nec solidum suum introduxit Constantinus
 & totam rationem monetæ immutavit. Et
 hoc sensit ipse Salmasius, quum ad Solinum
 pag. 988. scripsit: Aureliano imperante in
 auri libram non plures quam quadraginta
 aureos cudi legitimum fuit. Nam idem au-
 reus, nisi aliquanto pejor, fuit tempore Au-
 reliani, qui Augusti. Petavius quoque, quem
 in subsidiis collocat Gothofredus, etsi Con-
 stantini seculo libram ad LXXXIV perve-
 nisse statuatur aureos, eodem corrupto nume-
 ro legis i. de Ponderat. inductus, tamen id
 ponderi aureorum mutato, non libræ, attri-
 buit. Hoc certum & indubitatum est, æris,
 argenti, auri, infecti, facti, signati, unam
 eandem-

candemque libram, atque illam duodecim unciarum fuisse Romanis, quamdiu fuerunt sui; non Vandalorum aut Gothorum aut Francorum aut Saxonum provincia. Quin immo & sub istis, donec marca barbarica ubique introduceretur. Hic me cupientem absolvere, quod institui, lacinia reprehendunt & morantur Martialis interpretes ad lib. VIII. epigr. LXXI:

Libra fuit quinto Septiciana quidem.

Mirabar quid in mentem venisset ei, qui scriberet hic intelligi libram octo unciarum cum semuncia, quæ Romanis bello attritis defluerit ab unciis duodecim: quum vidi bonum hominem *ἀνθ' ἑκάστας τῆς δραχμῆς* nobis apposuisse e penu Raderi. Is ample ac fidenter, ita ut apud illos, qui veteres non,, bene legerunt, fidem mereri possit. Est, inquit, libra octo unciarum cum semuncia,, ratione primæ libræ & maximæ. Nam primum libram Romanam, sive pondo, sive assem, duodecim uncias complexam; bello Punico primo propter reipublicæ difficultates sextantem de justa libra detractum, ita ut dextans remaneret & haberet idem partium cum integra libra: unde apud Plinium legi, *percussos asses dextantario pondere*, quod sit, detracto sextante e justa & prima libra. dein Annibale infesto de sextante rursus detractam unciam, ita ut libra Romana do-
dran-

drantem seu novem uncias contineret. denique Papiria lege unciales asses sive dodrantes rursus imminutos percussio assis semunciali : quam libram octo unciis & semuncia constituisse : eamque esse Septicianam : aut certe non justum primæ libræ pondus XII unciarum ; sed vel dextantem vel dodrantem. Hæc falsissima. Locum Plinii notissimum , qui de pondere æris signati reciso agit, ad libram, qua omnia, quæ pondere censentur, examinantur, nunquam mutatam transtulit. nec illum, ut in omnibus libris legitur, sed ut corruptus est infelici manu Alciati & Philandri. Ne verba perdamus, ipse se Plinius vindicet. Lib. xxxiii cap. iii. *Libræ autem pondus æris imminutum bello Punico primo, cum impensis respublica non sufficeret, constitutumque ut asses sextantario pondere fererentur. ita quinque partes factæ lucri, dissolutumque as alienum. Postea Annibale urgente, Q. Fabio Maximo dictatore, asses unciales facti. Mox lege Papiria semunciales facti.* Serpunt peccata doctorum virorum. Alciatus sextantarios asses interpretabatur, quibus sextans detractus, & legebat : *quinta pars facta lucri.* Philander & hoc, & jam *dextantario pondere,* scribi jubet, & secum ait sentire Alciatum. Neuter de omni libra hæc accepit, sed de asse librali. Raderus *libram, pondo, assem,* rem prorsus eandem putavit, & quod de uno diceretur,

cēretur, idē de omnibus posse dici : ex quo fonte manavit etiam , quod Scaliger & Philander pedem appellari *pondo* , Baronius *hereditatem*, ut mox dicemus, *libra pondo comprehensam* scripserunt : sed nemo descendit quousque Raderus : & tamen invenit , cui errorem tantum probaret. *Libra pendus aris imminutum*, accepit, quasi esset, pondus aris & cujuscumque rei imminutum in libra: sed satis ostendunt proxima scripsisse Plinium : *Libra autem pondus ari imminutum* : id est, assi, vel in asse. Quam absurdum autem *unciale* & *semunciale* esse , cui uncta & semuncia detracta est ? *unciale* esse idem quod dodrantibus, le ? Attamen, inquit, ita convenit huic loco, quum Poeta a quatuor libris descendat ad dupondium seu binas , tertio anno ad libram, quarto ad dextantem , quinto ad *septicianam*, id est, dodrantem, vel dodrantem cum semuncia. At quis illi vaticinatus est de libra tertio, de dextante quarto anno ? Nam Martialis nil nisi :

Tertius & quartus multo inferiora tulerunt.

An *multo inferiora* necessario sunt libra & dextans ? Cur utroque anno non libram & aliquot uncias intelligi licet ? puta & selibram, dein & trientem vel quadrantem. Ut sine dubio capienda ista *inferiora*, cum quinto fuerit minus, & tamen libra, quæ unica fuit harum rerum duodecim unciis constans.

stans. Brodæus in contrarium majorem & antiquam facit *Septicianam*, forte a Septis appellatam, quasi negotiatoriam; alteram aliquot unciiis minorem, medicinalem. Sed nec a Septis belle *Septicianam* dicas, nec *Septicianam* negotiatoriam; nec libra medica, quicquid de illa fuerit, hic secludenda erat poetæ, quasi esset metus, ne quis illam intelligeret, nisi adderetur vox negotiatoriam significans. Hactenus scire possumus, *libram Septicianam* esse libram veram & hujus generis unicam duodecim unciarum argenti *Septiciani*, quod appellat lib. i v. epigr. LXXXIX. *argenti sex scriptula Septiciani*. Sed quodnam argentum *Septicianum*? Ita deterius videtur dixisse, inquit Had. Junius, ut infra *libram Septicianam*, id est, improbioris argenti. Aurifabrum alii conjectant *Septicium*: Raderus *Septicianam*, quasi septuncianam. Nihil in his omnibus ne verosimile quidem. Suspicio potius a loco & agro *Septiciano* sic appellatum, tanquam ibi putei fuerint, unde eruebatur. Sic *Dalmaticum metallum* pro auro. Hujus agri mentio est apud Aggenum Urbicum de controversiis agrorum: *Est alia inscriptio, qua diversa significatio videtur esse, in quo loco inscribitur: SILVA ET PASCVA AVT FVNDVS SEPTICIANVS COLONIAE AVGVSTAE CONCORDIAE*. Ecce autem

aliud dubium: ubi gentium illa *Augusta Concordia*? Non est Italica ad Timavum. Quid si ponamus in Hispania? Habet illa quidem *Juliam Concordiam*: sed quid prohibuerit & *Augustam* adoptare? nisi utraque eadem. Certe bellorum, quæ pia, & unde triumphare posset, gessit Augustus, vel præcipua ipse gessit in Hispania, & non modo coloniis militum suorum eam replevit, sed & pleraque indigenis castra sua habitanda dedit. Quin & majoris partis Iuliarum illum auctorem esse censeo. Præterea Tarraconensis lapis: *Fulviae. M. F. Celerae. Flam. Perpet. Concor. Aug. Fulvius. Diadochus. Lib. Patronae.* Sed eam *Concordiam Augustam* inter deas ponit Scaliger. At non minus commode hic *Flaminica perpetua* coloniae *Concordiae Augustae* intelligi potest, quam in aliis monumentis pronuntiatur *Flaminica* coloniae *Emeritensis perpetua*, *Flaminica* municipii *Castulonensis*, *Flaminica* municipii *Eborensis perpetua*, *Flaminica* *Mutinae*, *Pisauri*, *Viennae*. Habuit & Africa *Concordiam Vlpianam Trajanam Augustam*. Sed si *Septicianus* ille ager *Concordiae Augustae* Coloniae in Hispania fuit, *Septicianum* illud ipsum argentum est, quod *Hispanum* lib. viii. epigr. LXXXVI. nulla venit a me Hispani tibi libra postulati. Sic enim recte Gruterus restituit e Mss. in quibus & nos invenimus: non, *Argenti tibi*. Satis intelligitur & isthoc nomi-

nomine. Omnium pulcherrimum id testatur Plinius lib. xxxvi cap. vi. tantum abest, ut *Septicianum* deterioris notæ cum Iunio accipiamus. Nec agnosco tam frigidum & ineptum, quam faciunt hic *quidem*: sed nec admiror illorum *quid est*? Dicit Martialis: *Quinto anno venit mihi donata libra argenti; sane Septiciani; fateor, Septiciani*: relinquens intelligendum: *sed tamen tantum libra, quum stare aut crescere debeant munera, & quatuor olim miseris*. Libra igitur *Septicianæ*, ut mox in *cotyla selibra rafa*, id est, argenti rafilis. Vellejus Hispaniensis triumpho, quem Cæsar Divus egit, apparatus *argento rafilis* constituisse scribit. Coronas ex *cinnamo interrasili auro* inclusas, Plinius lib. xi. cap. xix. Sed tamen, ajunt, hanc Valentiniani libram acta Papæ Marcellini *occiduam libram* vocant, quum Lxxii testes in Synodo Sinuessana productos ita circumscribunt: *Hi omnes electi sunt viri libra occidua, qui testimonium perhibent, videntes eum sacrificasse*. Iterumque: *Intra hæc Lxxii testimonia &c. quoniam in Lxxii solidorum libra occidua in reparationem surgit annus*. Fateor: scio etiam, quid hic Baronius & Scaliger. Ille ait inolevisse apud antiquos morem, ut interdum ponderum notis numerum consignarent atque distinguerent: sic hæreditatem integram *pondo unius libræ comprehensam*, & partes

ejus secundum libræ pondus in alia quoque
 minora pondera, ut a Volusio Maxiano scri-
 ptum sit, divisa: ita septuaginta duo, nume-
 rum, *libræ* nomine significatum, quod tot so-
 lidos contineret auri libra, dictamque *Occi-*
duam ad differentiam alterius, quæ contine-
 ret LXXXIV solidos. Hic præterquam, quod
 libram illam LXXXIV solidorum unico
 Theodosiani Codicis vitiato loco niti dixi-
 mus, imitandum non est, quod hæreditatem
pondo libræ comprehensam nullo auctore scri-
 bit: neque admittendum, ex eo, quod hære-
 ditas *as*, partesque ejus *semisses*, *trientes*, *qua-*
drantes, &c. dicuntur, jus cuiquam, aut ana-
 logiam pati, vocem *libram* vel hoc vel illo
 pro numero poni. Nam partes libræ sunt
 translatae ad hæreditatem, non quod pro nu-
 mero justum esset poni pondus, sed quia
 sunt eadem partes assis, quatenus *as* est, non
 pondus, sed divisor omnium sextilium.
 Numquid casti sermonis ætate inventus est,
 qui *minam confidentiam* pro centenis dixerit,
 aut *talentum legionis* vel *exercitus* pro senis
 millibus? Verum tamen est, hic viros *electos*
libra, *occidua* dici pro septuaginta duobus,
 propterea quod tot solidos auri libra hoc
 tempore contineret: sed hæc κατὰ χεῖρας est,
 vel, ut verius dicam, κατὰ ζηλίαν & improba
 translatio, digna miseris illius ævi argutiis,
 nihilo sanior quam *aureos vitæ* pro quinis vi-
 cenis

cenis annis nuper finxerunt. Non solus tamen sic locutus iste actuarius, sed & Palladas lib. I. Ἀνθολ. εἰς γεγραμμένης.

Λίτραν ἐτῶν ζῆσας μὴ γεγραμμένης βαρυμόχθῃς

Βαλδὺς τῆς νεκρῶν πεμπομαι εἰς αἶδιν.

Brodæus & Obsopæus duodecim annos interpretantur ex duodecim unciiis libræ.

Quod risu excipit Scaliger: sed numquid ipse rectius? Videndum ait, quum diversæ sint libræ LXXXIV & LXXII denariorum, utram intellexerit Palladas: tot enim annos dicere se consensuisse in nugis Grammaticorum, quot sint argentei in libra. At mihi exploratum est, λίτραν ἐτῶν esse duos & septuaginta annos, propter tot solidos in auri libra. Primum, quod contra istos valet, deridet hominem, (malim enim esse epitaphium grammaticæ, in quo ipse mortuus introducit loquens) qui longissimam ætatem in tristibus ineptiis consumsisset. Dein, quod & contra Scaligerum, scribebat Palladas eo tempore, quo illa solidorum & auri libra multo magis quam æris & argenti, & prope sola frequentabatur. Colligimus ætatem ejus, quam incertam habent viri summi, ex epigrammatibus in Gessium, quæ libri secundi quinque totum titulum εἰς πολλὰς ὥσπερ ἐπὶ στήθεσσι; unum lib. IV εἰς εἰκόνας ῥητόρων, ea acerbitate conscripta, ut appareat

hominem nescio quid ab illo læsum fuisse. Gessum autem ἡγεσσοφισλὺ floruisse imperante Zenone Isauro, testis Suidas. Meminit ejusdem inter alios illius ævi Damascius apud Photium. Sed *occiduam* & Scaliger dici vult istam libram contemplatione alterius Constantinopolitanæ. Quod non satisfacit Gothofredo, quamvis ab illis duplicem istam libram acceperit: mavult *occiduam* interpretari a Valentiniano imminutam, atque subjicere, *occiduum* passim Christianis scriptoribus & poetis hujus ævi, ne vetustiora adferat, dici pro imminuto. Vide quid magnis hominibus pro imperio loquentibus & probationes fastidientibus credas. Proferat vel unum, & vicerit. Sic, inquit, Claudiano *occiduus sol*. Ergone occidens sol est imminutus? aut minutus est occidens? At Seneca epist. xcii. *Quedam soli quoque obstant: at solis vis & lux integra est inter opposita: & quamvis aliquid interjaceat, quod nos prohibeat ejus adspectu, in opere est, ac cursu suo fertur. Quoties inter nubila luxit, non est sereno minor. Sic etiam quoties occidit, non est oriente minor. Sic, pergit, occidua partes* Theodosio Novella secunda. Quis, malum, plagam mundi occidentalem somniavit imminutam? Sic Prosper: *Quorum animas mundus non tenet occiduus*. At quis, obsecro, ille mundus, si imminutus? Item: *Factum est*

est aeternum, quod fuit occiduum. Mortale, fragile, intelligo, ob compositum ei aeternum, quod est immortale: sed quis imminutum dixit pro mortali, fragili, caduco? Nullo modo stare potest ista interpretatio. Quamvis autem difficile sit hujusmodi scriptorum sententias adsequi, nisi prope aliquas ineptias venias, tamen commodissimum videtur, *Occiduam* simpliciter intelligere Romanam sive Italicam auri ex ordinatione Constantini in LXXII solidos divisam libram, non alicujus intuitu Constantinopolitanae, quae nunquam fuit, sed earum, quaecumque aliae variis in gentibus residuae esse poterant. Et si enim una in toto imperio publice praevaleret, verisimile tamen est, non omnes, quas in Graecia & Asia differentes minas varii auctores prodiderunt, exolevisse. Occiduarum autem partium prima semper Italia, quandoque etiam *Hesperia* ob id ipsum appellata. Sed quaecumque sit illa *occidua libra*, certe *occiduum* non est curtum, praecisum, imminutum, ne his quidem scriptoribus. Hic perhibendum testimonium est doctissimo viro: nihil habet haec diatriba melius, quam quod Actorum ista verba, in LXXII solidorum libra occidua annus aperitur, Scaligero quoque conclamata, explicat ex L.un. Cod. utroque de oblatione votorum: *Quando votis communibus felix annus aperitur,*

in una libra auri solidi LXXII obryziaci Principibus offerendi devotionem animo libenti sufferimus. Atque hæc de imminutione.

CAP. XIV.

Tractare rationes, pecuniam. Versare pecunias. Suetonius defensus. Vertere, de negotiatione mercium. Subversari. Plauto vetus lectio restituta & eadem explicata. Persio lux. Tractare religiones, jus civium. Tractare vel impendere imminutionem in aestimatione solidi, sermo inutilis & nullius mentis. Libram imminutam non esse causam vililitatis annonæ. Decem modii frumenti solido, semper caritas. Cassio apud Ciceronem lux. Collectores aurum fiscale inferebant in massis obryza, jussu Valentiniiani, non in nummis. Auro semper inest aliquid argenti aut levioris metalli, quod decoctione separatur & interit. Hac est illa imminutio, quæ taxatur in aestimatione seu probatione solidi ad obrussam. Codex Theodosianus bis emendatus. Species fiscales aut ipsa aut in pretiis præstabantur. Pretia specierum decrescere quid. Aurum coronarium non decrescebat pro imminutione vel interimento obryza. Rursus Codici Theodosiano medicina.

SEquitur in rescripto : quæ in aestimatione solidi forte tractatur : cujus tres, sed omnes juxta abhorrentes interpretationes offeruntur. Prima, tractandi verbum τὸ λογαριῆς proprium esse : & significare idem quod calculum subducere, computare, λογαριάζειν. ergo imminutionem tractatam dici subduc-
tam,

Etam, taxatam, definitam. Concedo tractare rationes & pecuniam dici rationalem vel dispensatorem, dum officium habet administrare res vel pecunias alicujus. Sic Plautus Asin. a. IV. sc. IV. Ferox est viginti minas tractare sese. Cicero in Cæcilium: eras enim tu quaestor: pecuniam publicam tractabas. Lib. v. in Verrem: ut is pecuniam tractaret, quem ipse praefecisses. Asconius in lib. I. de Q. & Cn. Postumiis: Hi sunt, qui extraordinarias pecunias Verri tractabant. Suetonius versare dicit in Galba cap. IX. Nummulario non ex fide versanti pecunias, manus amputavit, mensaque adfixit. Vbi nollem praestantissimo Casaubono suspectum esse pecunias, & forte tollendum aut scribendum: versanti in pecunia. Immo versanti pecunias est tractanti. Sic Virgilii versemus oves Ecl. ult. Servius explicat, exerceamus & tractemus. Dicitur, ut hoc obiter moneam, & de mercium negotiatione. Plautus Curculione a. IV. sc. I. in Velabro ait inter alios esse

Vel qui ipsi vortant vel qui aliis ut versentur praebeant.

Sic ediderunt de sententia Lipsii: & ei sensum mutantur a Turnebo & Lambino: qui fallant & evertant alios bonis, vel alios fallendos praebeant, aut iis fallendis consilium dent. Mihi jamdudum visum tolerari posse chirographum: *Vel qui ipsi vortant, vel qui*

quī alii subversentur, præbeant. Quod cum & nonnemi suboluerit, Plauti tamen ille mentem assequi non potuit. Vel qui mutant merces suas minuscularii negotiatores, vel qui præbeant institutoribus merces, quibus exerceant negotium sub aliis, quas mutant alienas dominorum vice. Nam *subversari* eos dicit, ut *suppromum*, *Subballionem*, *sublingionem*. Sic accepit & Persius Sat. v.

saperdas advehe Ponto,

Castoreum, stuppas, hebenum, thus, lubrica Coa.

Tolle recens primus piper a sitiente camelo,

Verte aliquid.

Fallitur idem, quem modo nominavi, vir magnus, quum *vertere* putat ab agricultura petitum: aut *verte*, esse, averte, decipe, circumscribe. Nam *vertere*, ut *mutare merces* apud Sallustium & Tacitum. Itaque recte Scholiastes vetus: *Negotiare & speciem pro specie commuta.* Asconius ad lib. i. Verrin. *Vortumnus autem deus invertendarum rerum est, id est, mercatura.* Alludunt & Plautus in *Mossell. a. III sc. i.* *jam homo in mercatura vortitur:* & Gellius lib. i. cap. xii. *qui in negotiis sordidis diversantur.* Sic igitur *versare* & *tractare pecuniam* intelligo: feram quoque *tractare rationes* dici non modo de omni officio, sed etiam de uno actu, si cum maxime subducatur. Sed longe aliud sonat *tractare rationes*, aliud *tractare imminutionem librae in aestima-*

astimatione solidi. Nihil hic tractatu vel supputatu opus. Simul decreta est a principe imminutio libræ; non habent, cur eam subducant, taxent, definiant collectores. Iam definita est. Taxatur, cujus ambiguum est pretium: subducuntur rationes, quarum summa collecta non est, aut quarum summa collectæ diffiditur. Hic præcipit princeps certum: *LXXII solidi libra sunt*: post hac non licet illis interponere consilium suum, nec dubitare de imminutione. Tractare accipiendo numeratos solidos probos illorum munus est, non imminutionem libræ, si qua facta est. Succedit altera explicatio, hanc vocem, *tractatur*, pertinere ad tractatum, qui habitus in consistorio Principis, & eandem imminutionem quæ ibi tractata subductaque fuit. Scio apud Livium lib. XXXIII: *ibi consilia decem legatorum tractabantur*: apud Tacitum IV. ann. *Igitur tractatis religionibus placitum, institutio Flaminis nihil demutari*: &, *Tiberius jus civium, preces sociorum tractabat*: &, apud Patres etiam tum cuncta tractabantur. Sed ut hæc vis verbi huc quadret, fingendum est Valentinianum cople temporis momento, quo consilium habebat de imminuenda libra, incerto adhuc, quid sedere posset consultantibus, istam epistolam dictasse. Neque enim aliter dicere poterat, *tractatur*: nec figurata dicendi ratio,

tio, qua præfens obit vices perfecti, hic locum invenit. Quam sit autem hoc pronum ad fidem, interroget aliquis credulitatem suam. Quæ, obsecro, tanta potuit esse festinatio, qua prohibebatur expectare usque adeo, donec consilium finiretur? Tandem, inquit, voce *tractatur*, indicari videtur conversatio, usus publicus: ac si diceret imperator: pro imminutione, quæ in usu publico jam exercetur, impenditur. Vbi quid monstri est, *impendere imminutionem*? Quod idem forsan & de *exercenda imminutione* rogare possem: sed æquum me habebit: sit Latinum, *exercere vel tractare imminutionem in æstimatione solidi*, ut significet, uti vulgo libra auri imminuta ob solidum pluris æstimationum: tamen & huic & prioribus explanationibus refragatur particula, *forte*. Nam nec quod observant ministri a principe jussi, neque quod ab eodem propositum est deliberandum in consilio, nec quod recepit usus ex constitutione principis, id ipse princeps *tractari forte* diceret. Huic malo succurrit suspitione injecta, vocem illam a Triboniano allitam, vel positam esse forte *ἐξηγῆσθαι*, ac si diceret Imperator, quæ nominatim facta fuit per æstimationem solidi. Ego vero tam causam nullam video, cur Tribonianus hic alleverit *non forte*, quam cur Gothofredus aut *forte* interpretetur *nominatim*, aut omnino illud

illud *nominatim* in tali sermone infulciri posse existimet. Sed jam tædet ire per singula istius λογισμῶν, quæ pulverem potius quam lucem offundit, & liquido testatur; virum eximium cum materia sua luctari. *Species* non male facit duplices, & quæ fisco pendebantur, & quæ in foro venales habebantur: sed rursus inclinatur in pejus, quum posteriores huc trahit, & tandem concludit: Pro proportionem imminutionis factæ ἐν τῇ ὁλῇ seu ἀθροίσμασι, pro proportionem libræ auri numero aureorum imminutæ, proque rata æstimationis auctæ solidorum seu aureorum, qui libræ ὁλίω efficiunt, aut ob vel propter æstimationem nominatim aureorum factam, per consequens quoque specierum omnium annonariarum, rerumque adeo seu mercium venalium, in foro pretia decrescere oportere. Hic etiam ὡπὲν, Ἀρχαίω αἰτέϊ. Prorsus enim contrarium evenit, & crescente pretio nummi crescunt etiam pretia omnium specierum. Sic constat longe plus comparari potuisse aureo Hungarico, cum xxvi obolis sive stuferis censetur, quam nunc postquam centum. Testatur Emanuel Demetrius, semodium frumenti, anserem saginatum, libram butyri, quatuor vini sextarios, sex stuferis coempta A. C. MDI, quo illa taxatio aurei obtinebat in Belgio: quæ ubi nunc toto aureo emas?

Agnoscit

Agnoscit hoc ipse in fine suæ dissertationis, quum ait hanc legem esse de aucta aurei æstimatione ob auctam materiæ auri æstimationem, & quidem tractatu seu decreto Principis, quo casu pretia specierum decrescere oporteat; non vero injuste, quo certe casu cæterarum rerum & specierum pretia necessario crescant. Quasi vero tale decretum Principis quidquam habeat præter insignem injustitiam. Neque edictum ullum imperatorium efficiet, ut negotiatores, quod ipsi LXXXIV aureis compararunt, id repente nullis magnis casibus temporum intercedentibus, ad aulæ libita, LXXII ejusdem ponderis ac materiæ divendere velint: nec vereantur, tam immane augmentum aurei nummi non posse diu consistere atque in eodem tenore manere. Dein quota quæque pars rerum venalium librâ auri, quota pars solidis emitur? Itaque hoc annonæ laxamentum tantummodo profuisset illis qui minime illo indigebant; nimirum libras & solidos in foro, non minutos & æreolos, vexantibus & trahentibus. Hanc tragulam vidit in se conjici posse, sed levi flexu & corpore se exiturum sperat. Neque hic agitur, inquit, præcise de emptione ad solidum: quid enim, si minus solido species constet? sane & hic minuetur pretium, puta, ut minus præstetur minoris monetæ, quæ sub solid

lido est, & solidum efficit per *ἡγξαλισμὸν*. “

His paucis obiter insertis quantum filet ? nempe simul cum aucta solidi æstimatione adauctam pariter æstimationem argentei æreique numismatis : deinde & libram argenti libramque æris pariter imminutam esse pro portione : quod quia inexplicabile sibi videbat, in tanta occasione affirmare diligenter vitavit. Rerum venalium pretia augentur decrescuntve, prout illarum copia vel penuria est ; legem ejusmodi generalem in perpetuum sibi poni non patiuntur. Non alio exemplo utar, quam quod ipse attulit, vocatque casum illustrem proportionis propositæ. Valentinianus jussit, ut modii duodecim frumenti solido venderentur, nullo refragante. At Iulianus Antiochenisibus, quum in sterilitate decem tantummodo modii solido venirent, apertis horreis publicis quinos denos dedit. Hymettius, hoc ipso Valentiniano imperante, in Africa, pariter cessante anno & mendacibus fundis, in magna caritate, e conditis Cæsareis frumenti denos modios solidis pro beneficio concessit : dein proveniente segetum copia reposuit in condita, quantum deprompserat, sed tricenis modiiis solido comparatis : & quum interpretis compendium ad ærarium misisset, tamen eo non contentus bonus Valentinianus, quem in libra quavis demere

sibi octo solidos jure debitos fingimus, virum integerrimum, quasi aliquid avertisset, bonorum parte multavit. Theodosius Numidas singulis solidis tritici modia quadraginta adærare jussit, Nov. x x i v. C. Cassius ad Ciceronem scribit, penes Dolabellam *ternis tetradrachmis triticum fuisse*. hoc est, tritici modium, non medimnum, ut vult Manucius. Nam medimnum venire ternis tetradrachmis, caritas quidem est, sed non tanta, quam pro re mira & sibi læta Cassius Romam nunciaret. *Tetradrachma terna*, denarii duodeni. Medimnus, sex modia. Fuisset igitur modius duobus denariis. In Cæsaris castris ad Ilerdam ad denarios quinquaginta in singulos modios annona pervenit. Ex his liquet, quod Valentinianus duodecim modios solido vendi jussit, factum, non quia libra minuta solidus creverat, sed quia modice uberaverat proventus anni. Quum deni modii solido vendebantur, de illius sententia libra L x x x i v solidorum comparabantur D C C C x L modii. Igitur si libra imminuta mansit *ισοδύναμος*, iidem D C C C x L modii debuerunt coëmi L x x i i solidis. Satis magnum lucrum est, quum detractis libræ octo solidis, & sic frumento octoginta modiiis, L x x i i solidis antea constarent D C C L x. At si in duodenos modios pendebatur solidus, L x x i i solidis confiebant D C C C L x i v solidi.

solidi. Vbi nunc libra *ισοδύναμη*, quamvis imminuta? Non igitur propter auctam æstimationem solidi vilius frumentum fuit, sed ob aliam causam, quam posuimus, provenitum videlicet anni. Caritatem annonæ fuisse olim, quum decem modii solido venirent, id ait verum tantum esse, postquam libra ad Lxxii solidos redacta est, aucta solidi æstimatione; non quum Lxxxiv solidis constiterit. Species subtilitatis inanis & evanida. Decem modii tanto auri, quantum solidus continebat, semper fuit annonæ caritas. Non dicam, anno V. C. DLII, frumentum magna copia ex Africa advectum ædiles binis æris in modios divisisse, ut est apud Livium lib. xxxi. Ciceronis ævo in Sicilia sestertiis nummis binis tritici modius erat, summum ternis, ut nōscitur ex frumentaria. Ergo decem modii sestertiis vicens, hoc est, quinque denariis. At solidus quatuor scriptulorum etiam vetere auri ad argentum decupla proportionem respondebat tredecim denariis trienti. Senatus, sive ut socios potius juvaret quam premeret, sive quia Romæ omnia cariora, eodem tempore frumentum publice cōmendum æstimaverat quaternis sestertiis, hoc est, denario. Sic quoque tamen caritas est: nam decem denariis constarent modii decem, solido tredecim. Sed olim perdo verba & terebratum pertundo.

Vtinam vero quid rectius! Nihil vetat tentare. Iusserant Valentinianus ac Valens aurum, quod quocumque titulo thesauris principis colligebatur, non in nummis inferri, sed in massis, ut non nisi purissimum perveniret ad fiscum, & decoctione deperirent, quæcumque in eo essent reliquæ venæ sequioris. Tres in eam rem constitutiones habet Codex Theodosii, duodecimam & tertiam decimam de susceptoribus, tertiam de ponderatoribus: quarum prima & secunda emissæ sunt Gratiano & Dagalaipho consulibus Nemauso, ut videtur legendum, præteritæ Iustiniano, media sequente anno Lupicino & Iovino, cujus partem illam recidit Iustinianus. Postremæ verba sunt: *Si quid ex proscriptionibus vel condemnationibus deponitur, si quid ex cæteris titulis, qui annui atque solennes sunt, vel veteres vel recentes, aut peculiaris in singulos aut certa in paucos, aut uniformis in cunctos cogit indictio; non in materia conferatur, sed sub conditionalium oculis ac periculus diu multumque flammæ edacis examine in ea obryza detineatur, quem ad modum pura videatur.* Naturaliter autem in liquefactione nummorum aureorum evenit intertrimentum, quum omni auro, ut ait Plinius lib. xxxiii cap. iii, *insit argentum vario pondere, alibi dena, alibi nona, alibi octava parte.* Sic de argento Livius lib. xxxii. *Carthagi-*

thaginienses eo anno argentum in stipendium impositum primum Romam advexerunt. id quia probum non esse quaestores renuntiaverunt, experientibusque pars quarta decocta erat, pecunia Romae mutua sumpta, intertrimentum argenti suppleverunt. Eo modo ne sibi quoque obreperetur, imperatores providerunt. Lex XII. Nulla debet esse causatio, quin solidi ex quocumque titulo congregati in massam obryza soliditatemque redintegrentur. Et ita fiat omnis illatio, ut largitionum & prosequutorum allectorumque fraudibus aditus obstruatur. Vbi sciendum, largitionalium, ut sequente: vel allecti vel prosecutores vel largitionales. Eadem sequens sic incipit: Quotiescumque solidi ad largitionum subsidia perferendi sunt, non solidi, pro quibus adulterini saepe subduntur, sed aut idem in massam redacti, si aliunde qui solvi potest, habere materiam, auri obryza dirigatur, pro ea scilicet parte, quam unusquisque defendit. Et hæc vitiosa. Legc: sed aut iidem in massam redacti, aut si aliunde, qui solvit, potest habere materiam. deinde, dependit. Hanc suspicor esse illam imminutionem, quæ in æstimatione solidi forte taxatur: nam sic dictasse imperatores censeo, non tractatur, quod locum hic tenet non suum: quam imminutionem forte taxant, factam esse si forte judicantprehenduntque, qui ei negotio præsumt, dum æstimatur vel probatur solidus obryza,

creditur habere iusta quatuor scriptula sive quatuor & viginti siliquas auri, quum decocti purgatique aliquanto minus inveniatur. Novella Majoriani de curialibus : *Præterea nullus solidum integri ponderis calumniosa approbationis obtentu recuset exactor, excepto eo Gallico, cuius aurum minore æstimatione taxatur.* Species fiscales interdum præstabantur ipsæ, interdum in pretiis vel pecunia quanti illæ æstimarentur : quod in aliis vetitum, in quibusdam concessum. L. xviii. de erog. mil. ann. *Ne quis pro speciebus annonariis pretia tentet exigere.* L. xx. quam septimam eodem habet Iustinianus : *Nulli militarium pro his annonis, quæ in provinciis delegantur, repudiata ad tempus specierum copia & inopia occasione captata pretia liceat postulare.* L. i. de excoct. & transl. ann. *Opinatores, quibus species in diversis provinciis delegantur, ut pretium majore taxatione deposcant.* L. xvii. de cohort. princip. *Cum ante placuisset, ut a primipilaribus secundum dispositionem D. Gratiani species horreis erogandæ comitatensibus militibus ex more deferrentur, limitaneis vero pretia darentur, nunc placuit, ut aurum ad officium illustis per Illyricum præfecturæ, cum certa taxatione, id est, pro Lxxx libris laridæ carnis, pro octingenis etiam libris olei, & pro duodenis modis salis singuli solidi perferantur.* L. ii. quæ prima Iustiniano de fabricens. Omnibus fabricis

bricis non pecunias pro speciebus, sed ipsas species sine dilatione inferri precipimus. L. VIII de ann. & trib. Nemini aurum pro speciebus urbis Romae liceat exigere. L. XXIV. cod. Textrenis & gynaceis ex more a corporatis Carthaginis species solitas praestari cognovimus, sed immodica pro hisdem reddi pretia, quod in dispendium nolumus fieri corporatorum: atque ideo sublimitas tua pretiorum modum statuat. Videtur excidisse negandi particula: non praestari. L. IV. Tributa in ipsis speciebus inferri: Earum rerum, quae in praebitionibus canonicis vel debitis ex more poscuntur, non sunt pretia specierum, sed ipsae, quae postuluntur, species inferendae: &c. neque sub taxationibus pretiorum dispendiosis occasionibus adquiescant. L. un. ne conlocatio per logog. quicquid etiam vel in pretiis vel in speciebus ad logographos detulerit. L. II. de equor. conl. quamprimum equorum, qui curatorio nomine flagitantur, in pretio maturetur exactio. Quo & pertinet lex XXI. de ann. & trib. L. un. Qui a praebit. tir. Tirones, quorum pretia exhausti ararii flagitat necessitas, praebere. De quibus & lex XII. de tiron. Amplissimi ordinis petitionibus annuit nostra clementia, ut pro tironibus pretia tribuantur. Damus itaque optionem, ut quod conducibile senatui videtur, eligendi habeat potestatem, id est, aut tirones aptos officiis militaribus praestent, aut pro singulis XXV solidos numerent. Hoc adarare species di-

cebant. Lex xxviii de erog. mil. ann. prater eas annonas, quæ adarantur, id tantum in specie præbeat, quod militaris flagitarit inspectio. Novella xxiii Theodosii: Has autem militares annonas, cum provinciales pro longinqua difficultate itineris in adaratione persolverint, unius annonæ adaratio quatuor per annum solidis aestimetur. Ne vero necessitatis occasione, in expeditione milite constituto carioris cuiquam vendere liceat pretia necessariarum rerum &c. Hæc igitur pretia specierum videntur, quæ Valentinianus ait decrescere oportere pro imminutione, quæ in solidi aestimatione taxatur. hoc est, summam, quæ pro speciebus datur, jubet minorem haberi, quam voluit ille, qui solidos dedit, eoque suppleri, quatenus deprehenditur aurum in probatione solidorum imminutum. Tanquam qui pro speciebus debitis auri libram habet inferendam, pro ea præstat Lxxii solidos. Sed in decoctione tantum deperiit, ut massa inde conflata non pendat cclxxxviii scriptula, quot esse oportet ad integrandam libram, sed tantummodo ducenta octoginta. Pro hac imminutione igitur decrescunt etiam pretia numerata, ut jam ille censeatur, non Lxxii, sed Lxx solidos tantum contulisse, & super illud, quod expendit, necesse habeat addere duos auri probi solidos, qui suppleant ista octo scriptula, quæ justæ libræ defuc-

defuerunt. Nimirum dictum erat in l. iiii de ponder. *sub conditionalium oculis ac periculis flammæ edacis examine aurum detineri debet.* Nihil aliud volunt hæc pericula, nisi, ut illis decrescat, non fisco, quod imminutum est. Hæc etiam confirmat l. iv. de auro coronario, exceptionem continens ab hac Valentiniiani constitutione: *Quæ diversarum ordines curiarum, vel amore proprio, vel indulgentiarum laticia, vel rebus prospere gestis admoniti, in coronis aureis signisque diversi generis obtulerint, in quacumque fuerint oblata materia, in ea suscipiantur: ne id quod voluntate offertur, occasione obryzæ incrementi necessitatis injuria consequatur.* Hoc rescriptum quid vult, nisi, quod in aurum coronarium offertur, id pro imminutione, quæ in æstimatione solidorum aut materiæ forte taxari posset, non decrescere? & ideo supplere cogi non oportere? *Obryzæ incrementum* possis intelligere, quod requirit illa, ut redintegretur, si quid in excoctione decessit. Valde tamen suspicor Imperatores dictasse: *occasione obryzæ intertrimenti*: prætextu ejus quod in examinato ad obrussam minus invenitur. Et eleganter ajunt, *id quod voluntate offertur, non debere consequi necessitatis injuriam*: id est, non debere subjectum esse illi acerbitati, quæ adhibetur in illo, quod necessario præstatur: quæ acerbitas in collatione voluntaria pro

injuria esset. Idque merito : nam *que dono contingunt*, minus scrupulose probantur, ut ait Columella. Peccavit ea in re Nero, quum parans expeditionem adversus Vindicem, exegit ingenti fastidio & acerbitate nummum asperum, argentum pustulatum, aurum ad obrussam, ut plerique omnem collationem palam recusarent. Peccavit Galba, quum oblata ad conflandum a Tarraconensibus e vetere templo Iovis corona aurea librarum quindecim, tres uncias, quæ ponderi deerant, jussit exigi, teste Suetonio.

C A P. XV.

Solidus, Milliarenfis, Follis, & ante Constantinum.

Aureum non accepisse Solidi nomen ex eo, quod pondere similis esset assi. Assen non poni pro solido aureo apud Cassiodorum & in Cod. Theodosii. Solidus dictus ad discrimen aureorum semissium & tremissium. Lampridius defensus & explicatus. Bilibres forma aurea Heliogabali. Sestertia auri, apud Apollonii Tyrii fabulatorem. Quomodo dans decem aureos una forma Imperator, triginta aut quinquaginta aut centum dare cogatur. Heliogabulum ex libra auri quinquaginta aureos percussisse, caret auctore atque teste. Centenarium, pondus auri librarum centum, a centenariis Heliogabali formis appellatum. Viginti centenaria, quid nostra pecunia Olympiodoro apud Photium, quid in argento Romano. In duplici taxatione solidi, quam faciunt docti, qua potior. Milliarenfis, drachma Æginetica, schellingus Britannicus, pares. Μοῦνὰς, sex millia. Εἴκοσι μὐνὰδες λίτραν. Covarruvia
astima-

astimatio solidi improbata. Εξάνον. Solidus Romanus argenteus, quem tres cuderunt insignes viri, rejectus.

V Ara vibiam, ut ajunt. Quoniam posterioris Romæ divitiæ nobis hic sive in mensam sive in solum venerunt, non possumus, quin illis paullum immoremur, & hoc quoque collybo manus decoloremus. Nomina pecuniæ a Constantino introductæ fuerunt & ante Constantinum. *Solidus* idem, qui priscis *aureus*; *milliarenfis*, qui & *minutus* & *argenteus*, pro *denario*; *follis*, qui *sestertius*, sed ex ære, dicti. Sic *solidus* erat viginti quinque minutorum vel *milliarensium*, ut x x v *denariorum aureus*: *minutus* vel *milliarenfis* quinque *follium*, ut *denarius* quatuor *sestertium nummum*: *follis* quatuor *quadrantum* seu *æreolorum*, ut *sestertius* quatuor *assium*. Sed unde ista vocabula? *Solidum* Salmasius appellatum esse, qui ante *aureus*, passim inculcat, quod *assis* & *aurei* aliquando factum est æquale pondus, duæ drachmæ, illius in ære, hujus in auro: quod *solidus* nihil aliud significet quam *assem*, unde *ex asse* & *ex solido* dicatur eodem sensu: quod *assem* pro aureo posuerint Cassiodorus & codex Theodosianus. Sane *solidus* in rationibus *as*, ut olim *denarius*: utque hæreditas, jûgerum, pes, omne integrum, quod in duodecim secari placet, est *as*: sed *solidum* appella-

a- -s[ol]la-
 113- -v[er]u[us]-
 113- -d[ec]e[ss]e[ss]-

pellatum ab aliqua similitudine assis signati,
 quam placuit summo viro, tam inimicum
 est rationi. Hæc perpetua illius offensus-
 cula, miscere assarium cum asse, seu assem,
 quo emimus, cum asse, per quem partimur.
 Hoc tenebras ei offudit in usuris assibus, se-
 missibus, &c. explicandis: hoc in Hesychii
 ἀσθράντη. *Solidum* dixisse veteres Romanos
 pro assario, nullum uspiam vestigium est:
assem posteriores extra ratiocinium, quo de
 inferius, usurpasse pro aureo minime pro-
 bant, quæ adducit. Video apud Cassiodo-
 rum, *quæ militibus præbentur, in assem publicum
 debere imputari*: id est, detrahi ei summæ,
 quæ tributi nomine penditur: item, *para-
 vedorum & annonarum præbitionem in assem
 publicum constituimus imputari*. &, ut trina il-
 latione servata, *assem tributarium devotus ex-
 solvat*. Nec dissimilia alibi: sed *assem* hic pro
 „ solido aureo poni non censeo. Et ipse, ubi,
 „ inquit, *assis* vel tributum & census idem.
 Recte: non ergo *solidus*, sed *solidum*, sive to-
 tum quod provincia confert. Tamen sub-
 „ jicit: Quibus omnibus locis pro tributo di-
 „ citur quidem, sed pro solido aureo accipien-
 dus. Immo quia pro tributo vel censu dici-
 tur, non accipiendus pro solido: tam me-
 hercle quam nec vocabulum *census* vel *tribu-
 tum* pro solido toleratur. Quid? an totæ
 provinciæ singulos pendebant solidos? Nam
 (per-

(pergit) *canonicos solidos & canonicos asses* dicebant de tributo. Video *canonicos solidos* appellare Cassiodorum : sed eundem dicere video non *asses publicos*, sed *assem publicum*, *assem tributarium*, Codicem Theodosii *preteritum assem publicarum functionum*. As igitur his locis non solidus, sed potuit fieri, ut multi solidi ; tota collatio, sive solidis, sive alio genere pecuniæ, quinimmo & speciebus constans. Sed & didrachmum aureum Romanum jamdudum repudiavimus : qui si quando, subrepsit magis quam jure percussus est, ut ex illo pondere, quasi justo, nomen accipere potuerit. Censemus igitur, quod etiam Budæo suboluit, atque a Budæo habent cæteri, in usum venisse id vocabulum, quum *semisses & tremisses* aurei sunt inventi ab Alexandro Severo : tum, quia plures erant aureorum nummorum figuræ, singularibus opus fuit nominibus. Et accidit prorsus contrarium in argento. Priscis Romanis erant argentei nummi propriis vocabulis, *denarius*, *victoriat* sive *quinarius*, *sestertius*, quia diversi ponderis & pretii erant ex una materia. Postea intermissis *victoriato* & *sestertio* solus in usu mansit *denarius* : itaque sine adjectione alia *argenteus* dici cœpit. Contra iisdem Romanis una fuit olim forma nummi ex auro : itaque non nisi *aureus* nuncupabatur : quo vocabulo differebat ab argen-

argenteis & æreis, quales erant cæteri nummi. Dein *semisses* & *tremisses*, aurei & ipsi, additi sunt : ad horum igitur differentiam pro communi *aurei* vocabulo accepit vocabulum *solidi*, quo dignosceretur a sui generis & materiæ nummis, non solidis, sed partibus ejus. *Solidus* igitur dictus, non a pondere, æquante scilicet assen æreum, sed quod esset integer, quum alia ejusdem metalli nomismata vel *semisses* vel *trientes* ejus essent. Lampridius Alexandro Severo: *Tuncque primum semisses aureorum formati sunt: tunc etiam cum ad tertiam partem vectigal auri decidisset, tremisses; dicente Alexandro, etiam quartarios futuros, quod minus non posset. Quos quidem jam formatos in moneta detinuit, expectans si vectigal contrahere potuisset, ut eosdem ederet. Sed quum non potuisset per publicas necessitates, conflari eos jussit, & tremisses tantum solidosque formari. Formas binarias, ternarias & quaternarias & denarias etiam atque amplius usque ad bilibres quoque & centenarias, quas Heliogabalus invenerat, resolvi precepit, neque in usu cujusquam versari: atque ex eo his materia nomen inditum est, quum diceret plus largiendi hanc esse imperatori causam, si quum multos solidos minores dare posset, dans decem vel amplius una forma, triginta & quinquaginta & centum dare cogeretur. Ex hoc loco quinquaginta aureos in libram percussisse Helio-*

gabalum

gabalum mirifice conficit Villalpandus. Nam quum denarias etiam atque eo amplius usque ad bilibres & centenas percussas fuisse formas tradat Lampridius, tricenarum (ita loquitur, cum *centenarias* & *tricenarias* dicere debuisset) etiam atque librarias factas fuisse non vult ambigi; quum præsertim Imperator ipse has tres formas seorsum commemoret; eam nimirum, quæ triginta aureos continuerit, alteram, quæ quinquaginta, hoc est, librariam, ac tandem illam, quæ centum, hoc est, bilibrem. At quas ille præsertim Imperatori commemoranti tribuit tres formas, eas non tribuit illi Lampridius: facit enim dicentem, non, *una forma triginta & quinquaginta & centum dare*, sed, *dans decem vel amplius una forma, triginta & quinquaginta & centum dare*: quorum verborum longe alium sensum mox edemus. Dein etsi dixisset Alexander, quod fingit ille, quæ necessitas tamen, quinquaginta aureorum formam esse librariam? Suspiciari hoc Villalpandum liquet, sed nequaquam id confirmare Lampridium. Repugnat magis. nam si aureorum quinquaginta forma est libraria, centenaria haud dubie erit bilibris. At *bilibres & centenarias*, tanquam diversas, & hanc quidem illa maiorem, ponit Lampridius: ergo quinquagenariam, si eam agnovisset, nolisset esse librariam. Salmasius

quo-

-00-

0- -00-

quoque ob propinquam huic causam offenditur *bilibribus*, quum *bilibres* & *centenaria* quatuor tantum aureorum pondere potuerint distare: siquidem octo & quadraginta aurei in libram auri de ipsius sententia signabantur: sic duæ libræ sex & nonaginta aureos habebant: eoque supponit *librarias*. Et hic fructus est illius opinionis, qua aureum cum aliis fecit didrachmum. Nos autem non agnoscimus in libra præter quadraginta. Quod quandoque fuerunt plures, quod didrachmi, quales sub uno Alexandro Severo complures agnoscit Savotus; id vitium fuit monetæ, quod Heliogabalum, hominem profusissimum, admisisse credibile non est. *Bilibres* igitur accipimus, quæ octoginta aureis mutabantur: sic satis magna inter formas *bilibres* & *centenarias* differentia est. Nam formæ *centenaria*, a numero aureorum, quibus æquabantur, sic appellatæ, erant binum semis librarum, & hoc nomine poterant dici *forma sestertia*. Et forte ita dictæ fuerunt: forte hinc accepit ille, qui Apollonii Tyrii fabulam conscripsit, ut *sestertias auri* pro duabus libris & selibra diceret. Sic enim: *Perfecto loculo, regalibus ornamentis exornat puellam, & in loculo posuit, & xx sestertias auri ad caput ejus posuit.* hoc est, quinquaginta libras. Iterum: *Quicumque hunc loculum inveneris, habes viginti sestertias auri* • peto ut de-

cem habeas, decem funeri impendas. id est, ad utrumque viginti quinque libras. Et rursum : Ego in presenti centum sestertias auri, & ait, si quis amplius, decem dabo super. Illæ sunt C C L libræ. Item : si enim poteris facere, dabo tibi x x x sestertias argenti & totidem auri. Libras puta septuaginta quinque. Denique : & donavit C C sestertias argenti. Quæ sunt quingentæ libræ. Expectabo, num quis de his melius. Sed hoc, inquit Salmasius, confirmant sequentia : dans decem vel amplius una forma, triginta & quinquaginta & centum dare cogeretur. Vbi quinquaginta intelligit librarias, quod x L V I I I aurei libræ imputabantur, duo autem aurei excurrentes supra libram formæ libraria non tollerent appellationem. De his quoque verbis, aliud nobis videtur, quæ attigerunt etiam Scaliger & Casaubonus, quasi auctoris menti repugnaret vulgata lectio, substituentes ; dans decem vel amplius, quam si una forma x x x & c. Acceperunt π plus largendi, quasi esset, majoris liberalitatis, tanquam quæ cohiberetur nimia donorum magnitudine : quum Imperator & auctor id accipiant pro immodica & prodiga rei que publicæ damnosa largitione : quod recte animadvertit Salmasius : sed quum delet π dans, quum tricenarios, quinquagenarios, centenarios, intelligit cum Villalpando singulos nummos, videtur ab

utriusque scopo discedere. Volunt enim, cogi principem ad effusionem pecuniarum, si, quum minores istis formis solidos complures dando satis liberalis possit videri, dum dat, verbī gratia, non nisi decem aut amplius una forma, quia parum sit unum modo nummum dare, minimum triginta per tres denarias formas; cui paullo plus, quinquaginta in quinque denariis formis; cui liberalius, centum in decem formis denariis dare cogatur. Est & nodus in illis: *atque ex his materia nomen inditum est*; quæ suspecta Casaubono & inducenda videntur. Salmasius ad centenarias formas refert bene: sed nimis laxè interpretatur: quasi exinde nomen *centenarii* in usu remanserit, & usurpari cœptum sit de quacumque materia centum libras pendente: id quod ter ibidem repetit. At si hoc dixit Lampridius, falsum dixit: nam hic usus vocis antiquissimus, & ante Heliojabali avos natos frequentatus, ut lib. I. demonstravimus. Respexit igitur sola auri *centenaria*, significatque inde ortum, ut vox ab solidorum numero formæ imposita, in posterum materiæ auri ob librarum numerum attribueretur, dicereturque καὶ ἐξ ὀχλῶ & simpliciter *centenarium* de centum libris auri, & de tot solidis, quot imputantur in centum libras auri. Glossæ Nomicæ: Κεντηναίριον, λίτρας ς. κέντριον ᾧ Ῥωμαῖοι τὰς εἴ φασιν.

Olym-

Olympiodorus apud Photium refert Symmachum in prætura filii sui viginti centenaria auri erogasse. Πρός Θ, αἰτ, ὁ παῖς Ἀλυσίης, τελέσας τὴν οὐκείαν προαίρεσιν καὶ τὸ καιρὸν τῆς ἰωάννης. τρεσνίδ Θ, δώδεκα κεντῶνια χρυσῶ ἀνήλωσε. Σύμμαχος ὃ ὁ λογογράφος, συκληπικὸς ὢν τῶ μετρίῳ, πρηνὲς τὸ πᾶν ἀλῶναι, ὅ παίδος. Συμμάχος τὴν προαίρεσιν τελέσας, εἴησι κεντῶνια ἑδὰ πάνησεν· ἐπὶ αὐτῇ ἡμέρας οἱ Προαίτωρες ταῖς πανηγύρεσι ἐτέλουν. Quæ viginti centenaria, “ ait ὁ πᾶν ad Spartianum, non aureorum “ millia quadraginta efficiunt, ut ad hunc locum rationem subduxit vir eruditissimus: “ immo efficiunt centum sexaginta quatuor “ millia aureorum, qui tunc erant Romanis in usu, nostrorum autem trecenta viginti octo “ millia. Sed male subduxit & ipse: sunt enim “ centum quadraginta quatuor millia, nostrorum ducenta octoginta octo millia, ut bini, quod ille voluit, in solidum Romanum imputentur. Centenarium, libræ centum: libra, solidi LXXI: centies septuaginta duo sunt septem millia ducenti: tot ergo solidos unum complectitur centenarium, scutatos quatuordecim millia quadringentos. Ergo decem centenaria, sive mille libræ auri, solidorum septuaginta duo millia: ergo viginti, seu duo millia librarum auri, CXLIV millia. Reddit ibidem ista viginti centenaria, viginti octo millibus librarum argenti: recte pro-

portione auri ad argentum quatuordecupla,
 & numero rotundo : secus quia aurum ad
 argentum tunc erat, ut unum ad quatuorde-
 cim & duas quintas, singulis quinque auri li-
 bris argenti accrescunt duæ; denis quaternæ,
 centenis quadragenæ, millenis quadringe-
 næ, binis millenis octingenæ. Video alios
 doctos viros solidum non facere tanti. Et-
 enim Budæus *vicen solidos*, pretium mini-
 mum servi decem annis majoris, apud Iusti-
 nianum, Commun. de leg. l. III. reddit no-
 stros aureos tricenos; maximum, *octogenos*,
 centenos vicenos: ita ut singulos uno & se-
 misse taxaverit. Lipsius lib. II. Admirand.
 xx illa *centenaria* facit ducenta millia scuta-
 torum, & *duodecim Probi centenaria*, mille
 ducenta pondo solidos octoginta sex millia
 quadringentos, nostrorum cxx millia: qui
 ex ista computatione sunt CLxxII millia
 octingenti. Videtur sic progressus. Libra
 auri Romana, quum aurei ex ea fierent qua-
 draginta, nostrorum singuli duorum & di-
 midiat scutorum, universa scutatis nostris
 centum æstimabatur. Postea novatis num-
 mis, in sepruagenos binos solidos libra divi-
 sa est: sed eadem prorsus libra, quæ fuerat,
 quum quadraginta in eam aurei ferirentur.
 Igitur hanc quoque LxxII solidorum libram
 non amplius scutatis nostris centum æsti-
 mandam putavit: & quemadmodum qua-
 draginta

draginta illi priscæ *monetæ domini* sic æstima-
 mantur singuli, ut nostris centum scutatis
 omnes conveniant; ita & septuaginta duos
 posterioris monetæ, quum non plus auri ha-
 berent quam isti, sic indicatura dispensan-
 dos, ut non amplius centum nostris & ipsi
 responderent. Sic LX XII solidos accepit pro
 scutatis centum; triginta sex istos, quinquaginta
 nostros; octodecim istos, viginti quin-
 que nostros; novem istos, duodecim no-
 stros cum dimidiato seu quinque denariis:
 sic unum contulit uni, trienti, tribus obolis
 & oboli tertiæ parti; seu scutato, tribus de-
 nariis, quinque obolis, trienti; vel, ut pla-
 nissime dicam, scutato, XXIII stufferis, &
 tertiæ stufferi parti. Sic *centenarium* fecit de-
 cem millia scutatorum: *decem centenaria*, seu
 mille pondo auri, centum millia; *viginti cen-*
tenaria, id est, duo millia pondo, ducenta
 millia. Et iusta esset hæc æstimatio, nisi auri
 pretium crevisset, ac longe alia fuisset inter
 aurum & argentum facta proportio. Nam
 quum scutatum nostrum decem denariis æ-
 stimemus, drachma autem auri tum faceret
 quatuordecim prisci argenti denarios & ter-
 tiam denarii partem cum eo, quod excurrit;
 solidus (qui habebat drachmam & scriptu-
 lum, & sic valebat denarios quatuordecim
 & quatuordecim scriptula argenti cum
 triente scriptuli, quatuor denarios & bessem

facientia, qui jam novendecim denarii sunt) longe ultra scutatum & tertiam ejus partem evagatur, & paucis assibus minus accedit ad duos scutatos. Quarum minutiarum Romanos nullam rationem duxisse apparebit, si solidum cum ipso illo, quicum tunc mutabatur, argento conferemus. Milliarenfes sexaginta conjiciebantur in libram argenti: ergo quinque in unciam: quinquies enim duodecim sunt sexaginta. Ergo milliarenfis drachmæ Ægineticæ vel schellingo Britannico par erat, nostris decem stuferis. Sic sex milliarenfes, faciebant tres florenos, seu scutatum: duodecim milliarenfes, duos scutatos, sex florenos. Atque id pretium solidi. Sexaginta milliarenfes, argenti libra, sic respondebant decem coronatis, triginta florenis. Eas libras quum quatuordecim & quincuncem minus quinta parte uncix haberet auri libra, comparabatur D C C C L X I V milliarenfibus, qui forent C C C C X X X I I floreni, C X L I V coronati. Scaligerum quoque id solido pretium posuisse animadverti. Chrysostomus in Acta Apostolica homil. XI: Εἰ πάντες ἡ πᾶσι τὰ ἑαυτῶν ἐνταῦθα ἐκένωσαν χεῖματ᾽ ἢ χωρεῖα ἢ κτήματ᾽ ἢ οἰκίας, τάχα αὖν ἑκατὸν μονάδας λιτρῶν χρυσὸς σωήχθῃσιν. Dixisse illum μονάδα. pro sex millibus, constat ex Anastasio Sinaita: quod primus observavit Casaubonus, ejusque rationem red-
dere

dere conatus est Salmasius ad Hist. Aug. quoniam solidus sex millibus denariorum æreorum illius temporis censebatur. Quod hausit, opinor, ex Cassiodoro lib. I. epist. x. etsi interdum ad septem millia, interdum ad septem millia & ducentos hujusmodi æreolos aufereret, ut videre est ex Novella Theodosii de pretio solidi. Scaliger igitur ad Casaubonum epist. LXXXIV ἐκατὸν μονάδας λιτρῶν, sexcenta millia pondo auri, ait esse coronatorum solatorum 86400000, ut calculones nostrates vocant, millions LXXXVI & præterea quadringenta millia coronatorum. Non fecerunt eum calculi. *Centum centenaria* sunt decem millia librarum auri, septingenta viginti millia solidorum, quaterdecies centena quadraginta millia coronatorum, sestertium quingenties septuagies sexies. *Mille centenaria*, sunt centum millia librarum, septuagies bis centena millia solidorum, centies quadragies quater centena millia coronatorum, quinquies milles septingenties sexagies sestertium, quatuordecim millions & quadringenta millia coronatorum. *Duo millia centenariorum*, ducenta millia librarum, centies quadragies quater centena millia solidorum, ducenties octogies octies centena millia coronatorum, undecies milles quingenties vices sestertium, XXXVIII millions & octingenta millia

Cor. *Tria millia centenariorum*, trecenta millia librarum, ducenties sedecies centena millia solidorum, quadringenties tricies bis centena millia scutatorum, decies septies millies ducenties octogies sestertertium, quadraginta tres milliones & coronat. ducenta millia. Ergo *sex millia centenariorum*, sexcenta millia librarum sive ἑκατὸν μονάδες λιτρῶν, quadringenties tricies bis centena millia solidorum, octingenties sexagies quater centena millia coronatorum, tricies quater millies quingenties sexagies sestertertium, milliones LXXXVI & quadringenta millia. Quam summam expressit Scaliger. Didacus Covarruvias, quia solidus tertia parte vetere aureo fuerit minor, itidem & tertia parte pretii a vetere distare colligit. Falsum utrumque: non enim sex, sed septem minimum scriptulorum fuit aureus vetus, quem ille cum aliis didrachmum putavit: deinde ex decessione auri sequeretur imminutio pretii tanti, quanti erat aurum detractum, si utroque tempore eadem auri æstimatio fuisset. At non fuit, quum aureus, quod suæ habebat materiæ, decies tantum faceret in argento; solidus quaterdecies. Itaque propter demptum aurum non quidem æquat pretio solidus aureum, sed tamen nec tanto est inferior, quanto fuisset proportionem inter aurum & argentum immutabili. Facit

septen-

septendecim denariorum, dein sestertium LXVI & dimidii paullo plus. At septendecim denarii sunt octo & sexaginta sestertii. Sed video quid voluerit, utcumque se expresserit. Solidum voluit esse denariorum sedecim & quatuor obolorum, sestertium LXVI & bessis : hæ enim duæ tertiæ sunt viginti quinque denariorum & centum sestertium. Sed cur istos denarios jubet esse scriptulorum quatuor, qui scilicet quatuor & octoginta libram impleverint? cur sic demum servari pronuntiat proportionem inter aurum & argentum, quæ tum erat? Nam iste tam gravis denarius, si unquam fuit, ex quo *sestertium* pro mille nummis valuit, esse desit : & omnes antiqui in summis destinandis denarios drachmis pares, libram centenariam agnoscunt. Præterea non est hoc servare proportionem, quæ tum erat inter aurum & argentum : nam septendecim denarii, quatuor scriptulorum singuli, colligunt omnia sexaginta octo scriptula; at quaterdecies quatuor (habet autem quatuor scriptula solidus, & singula auri scriptula quatuordecim scriptulis argenti valent, ut minutias transeamus) non excedunt quinquaginta sex. Hi ergo solidi a Constantino sunt, quatuor, ut toties dictum, scriptulorum, eoque seni in unciam : unde & *sexuale* Latinis, Græcis ἑξάγρια vocantur. Hexa-

gium esse solidum, quod primus, ni fallor, monuit Scaliger, eleganter ostendit locus Arithmetices ἀδεσπότης, in Καυχίον apud Meursium: Καυχίον εἶχ' ἐξ ἑξαγίων ν. ἀφ' ὧν ἰω̄ χρυσάφιον ἐξ ἑξαγίων κ. ἄσημον ἐξ ἑξαγίων ιε. χαλκωμα ἐξ ἑξαγίων ι. καὶ κασιπέρθ' ἐξ ἑξαγίων ε. hoc est, totidem solidorum. Priusquam hinc abeo, spongiam me poscit vir eximius & πολυγράμμαλθ' ad extergendam maculam, quæ sedit lib. xi. Advers. cap. xx, *solidum* Romanis fuisse nomisma argenteum, pendens sextam partem unciae, unde & *sextula* appelletur, cujus rei testem esse Isidorum lib. xvi. cap. xxiv. Et auctor hic quidem est, *solidum* alio vocabulo *sextulam* dici, quod de illis sex uncia compleatur: sed eam unciam argenti, eum solidum argenteum nomisma, id vero temperavit scribere Isidorus. Contra, *Hunc*, inquit, *vulgus aureum solidum vocat*, *cujus tertiam partem ideo dixerunt tremissem*, &c. At ne quis dubitet de sententia tam nova hominis doctissimi, adjicit, *solidum Romanum facere apud Germanos sextam partem thaleri*. Nimirum *Thalerus*, sive *Dalerus*, est, quem Agricola & alii *Uncialem* vocant, octoque drachmis vel denariis æstimant: quemadmodum dimidium ejus, xxv stuferos Belgicos, *semuncialem* & *tetradrachmum*, quadrantem (ein Reichs-ort) *didrachmum* licet vocare. Hinc quem sextum

in

in argenti uncia solidum Romanum fingit, eum sextæ Thaleri parti comparat. Sed hic solidus Romanis ignobilis, neque in usu fuit, nisi forte Calendarum Græcarum mercatu. Prævit tamen ei Cappellus, qui solidum Romanum argenteum facit grana, si diis placet, Romana centum ἀντιπένοντα. nam solidos argenteos hujusmodi quinque unciam argenti explere juberi in Codice Theodosiano de expensis ludorum. At nulla ibi mentio solidi argentei: sed is, qui circumscribitur nummus, milliarensis est. Accedit tertius, optimus Cassendus, qui solidum ait cum potuisset initio duobus solatis exaquari, commutatum in speciem argenteam, quæ & ipsa sic degeneraverit, ut existimari possit in solidum nostrum usualement abiisse. Nam initio Romanus aureus duos solatos & dimidiatum valuit, postea solidos binos: is vero Romanis nunquam in speciem argenteam immutatus: sed, ut supra diximus, Franci occupata Gallia, ad imitationem Romani solidi, & ipsi solidum aureum quadraginta denariorum suorum, dein argenteum nummum eodem vocabulo duodecim denariorum, percusserunt: & hic est argenteus, qui degeneravit in suctum nobis solidum.

CAP. XVI.

Milliarenſis, antiquus denarius, quod bis mille conſtabat libra auri, ut centenſis libra argenti. Gloſſa Nomica emendata, an illuſtrata. Zonaras explicatus. Baſamo correctus. A Conſtantiſi temporibus frequentior auri mentio in ſummis pecunia deſignandis, & unde hoc. Milliarenſis poſterior viginti quinque ſiliquarum. Milliarenſis tertius xxviii ſiliquarum. Follis, crumena. Follis, pecuniola are dupondii, pretio ſeſtertii. Libra argenti quingentorum follium. Viginti quinque millia follium, vicena ſeſtertia, emeritum pratorianorum, dein omnium veteranorum. Mutationem iſtam nummi recte reſerri ad Conſtantinum. Locus Codicis Theodoſiani, qui obſiſtere videtur, expenſus. Folles olim quinque denarium, vel milliarenſem, poſtea viceni quaterni faciebant. Folles, eadem ſumma in argento, qua priſci ſeſtertia. Βαλάνιον, non τελάνιον, apud Epiphanium legendum. Follis ad denarium, Follis ad milliarenſem, ὁ καὶ δηνάριον, ὁ καὶ δρυγερὸν. Gloſſarum Nomicarum locus illuſtris enarratus. Follis, aurum oblatitium ſenatorum.

Milliarenſis nomen primum tulit ipſe vetus denarius, quia milleſima pars ſeu milleſimus nummus hujus generis erat in libra auri, vel unus ex illis, quibus argenteis millenis auri libra penſabatur. Gloſſæ Nomicae: Μιλιαρήσιον, τὸ χιλιοστὸν τῷ χρῶνι λίτρας· μίλε γὰρ οἱ Ῥωμαῖοι τὰ χίλια καλεῖσσι, καὶ ἔτω κατέκερμάτωσε τὸ πόσον τῷ λίτρας, ἵνα δὲ αὐτὸ σῶζηται τὰ χίλια μιλιαρήσιος, ὥς τε καὶ νόμισμα

μισμα λαγχάνη μιλιάρησια ιδ. Nam qui quasi *militarenses* dictum volunt, alludunt, non docent. A mille *millarius* & *milliaris*, *milliare*, dicitur: unde *milliarenfis*. Libra auri, decem libris argenti respondens, quod ad denarios attinet, erat *milliaria*. nam argenti libra, centum denarii, quadringenti sesterterii: unde *sestertia libra*, quam *sestertium* dixere, mille sesterterium nummum, CCL denarii. E libra autem auri feriebantur aurei quadraginta, singuli viginti quinque denarium, centenum sesterterium. Huc si respexit Glosfarum auctor, legendum est: ὡς ἐκάσιν νομισμα λαγχάνη μιλιάρησια κε. Sed &, κατεκερμάτωσαν. nimirum οἱ Ῥωμαῖοι. De his superius, & quæ hic attingenda fuerunt, etiam, ea, quæ illic exposuimus, confirmant. Hujus centenariæ libræ meminerunt quoque, etsi non suo loco, Canonum interpretes ad XVII Concilii Niceni. Zonaras: Πολυαριθμῶν γὰρ ὄντων τῶν τῶν, βαρύτεροι τῶν ἁπλῶν ἐκατοστῆσιν εἰσιν. ὥσπερ γὰρ τοῖς νῦν αἱ λίτραι μέγρι τῶν ἐβδόμηκοντα δύο ἀριθμῶνται· ἔτι τοῖς παλαιοῖς αἱ ἐκατοντάδες ἦσαν. Καὶ ὡς ὁ τῶν τῶν ἐκατὸν νομισμάτων νομισματὶ δώδεκα· διὸ καὶ ἐκατοστῆσιν ἐλέγχο, ὡς ἔστι τοῖς ἐκατὸν ἀπαιτῶμεν. Ut nunc, inquit, in libris, auri puta singulis, septuaginta duorum solidorum est numerus; ita olim libra, argenti nimirum, erant centenariæ, seu nummis centenis constabant, videlicet drachmis,

drachmis, denariis, milliarenſibus. Interpres perperam & obſcure : *Vt hoc tempore libra ad ſeptuaginta , duabus additis , numerantur , ita priſci habuere centurias.* Quas, malum, *centurias* ? quibus autem *duabus* ? Baſamon : *Καὶν γδ, φησὶν, ὅτι ἀπαλείῃ ὁ κληρικὸς ἐκατοσταίς σόκας βαρύνεται, ἥτοι ὑπὲρ ἐκάτης ὑπερπύρων λίττας ὑπέρπυρα δώδεκα· ἐκατόσαι γδ πύρα τῶ κανόνων ἐκλήθησαν οἱ ἐκατοσταῖοι τέτοι· ὡς ἐκ παλαιῶ τῶ λίττας μὴ ποσυχμύης εἰς ἐξάγια θβ, καὶ τὸ σήμερον ἐπεργέν, ἀλλὰ εἰς ρ.* Editur apud Baſamonem : *ὑπέρπυρα ιι δώδεκα.* Vbi aut nota delenda eſt, aut τὸ ὑπέρπυρα, nam illa ipſa nota ſignificat ὑπέρπυρον, ut obſervavit Scaliger ex Scholiaſte Harmenopuli. Itaque ex margine ea vox irrepsit. Porro hi auctores verum ſumunt, modo de argenti libra intelligas, cujus apud vetuſtiores frequentior mentio, quum quantumvis magna pretia argento æſtimarentur : unde & populus Romanus devictis gentibus argentum ſemper imperavit, non aurum, ut & notavit Plinius. At poſtea ad auri libram & ſolidos omnia æſtimata, etiam ſæpe, quæ in ære numerabantur : de quo doctè Salmaſius ad Alexandrum Severum Lampridii. Præcipue a Conſtantini temporibus, cujus rationem dat auctor incertus in Noticia imperii : *Conſtantini temporibus profuſa largitio aurum pro ære, quod antea magni pretii habebatur, vilibus*

commer-

commerciis adsignavit : sed hujus avaritiæ origo hinc creditur emanasse. Quum enim antiquitus aurum argentumque & lapidum pretiosorum magna vis, in templis reposita, ad publicum pervenisset, cunctorum dandi habendique cupiditates accendit. Sed illi, ut inceperam dicere, vere sumunt, centenariam fuisse libram, male tamen colligunt dictam inde centesimam usuram. Vt ergo libra argenti centum denariis, ita decem libræ millenis denariis, sive quaternis millibus sestertium, pensabantur: quibus & ipsis libra auri. Denarius tum erat trium scriptulorum, octodecim siliquarum, ut & milliarensis primum. Crevit postea milliarensis & factus est plus quatuor scriptulorum, viginti quinque siliquarum, crescente pretio auri. Tum & aurum nummo detractum est, postquam materia facta est pretiosior, quamvis major esset copia, quia plurimum usitabatur & ab omnibus appetebatur. Minore illius copia vulgus ære & argento lætum & contentum erat. Argentum in nummis adauctum est, postquam vilius, quam fuerat, ejus pretium contra aurum factum est. Denarius referebat siliquam auri & dodrantem siliquæ paullo plus, in argenti siliquis octodecim. Siliqua enim auri tum faciebat decem siliquas argenti: dodrans siliquæ auri erant septem siliquæ argenti cum semisse. At proportio-

ne

non

1.

non

non

ne auri ad argentum quatuordecupla & duarum quintarum facta, siliqua auri valuit pro quatuordecim siliquis argenti & duabus quintis partibus siliquæ: dodrans siliquæ auri pro decem siliquis & semisse & quinta & semisse quintæ. Hinc milliarenſis & ipſe ſiliquam auri & dodrantem paullo plus æquabat, ſed in argenti ſiliquis viginti quinque. Atque hic eſt milliarenſis, de quo Gloſſæ Nomicæ: Ἐστὶ δὲ ἡ ὑπερθε Φόλλις συναγόμενθ' ἐξ ὀργυρίων λεπτῶν τοῖς ἑρακλώταις διδομένην, ἢ ἄλλ' αὖτ' οὖτο μυλιαρησίων καλεσμένην. ἔχ' δ' ἑκάστων τῶν τοιούτων λεπτῶν ὀργυρίων κεραιπὸν ἐν ἡμῖσι τεταρτέον. Sexaginta octo libram implebant, & erant ſinguli follium viginti unius: nam auri ſiliqua duodécim cenſebatur follibus, dodrans ſiliquæ follibus novem. Rurſus incidit mutatio, & crevit milliarenſis, ut viginti octo haberet ſiliquas argenti & quod excurrit, cenſereturque auri duabus ſiliquis, unde & δικέραλλον vocatus eſt, follibus x x i v: hi L x libram efficiebant: de quibus capite præcedenti. *Milliarenſem* inde dictum, quod mille generis ejus nummis auri libra reſponderet, obſervavit ante nos Dion. Petavius, alia ratione inductus. Gloſſæ Nomicæ teſtantur, c x x v milliarenſes priores æquaſſe poſteriorum centenos novenos & novem nummos ſive folles, qui faciant novem ſolidos & milliarenſem & novem nummos.

Hinc

Hinc ille sic colligit. Si milliarenſes centum viginti quinque exæquant novem ſolidos, & CCL milliarenſes octodecim ſolidos; ergo quater ducenti quinquaginta, hoc eſt, mille milliarenſes explebunt ſolidos LXXII, quæ eſt auri libra. Sed Gloſſarum auctor ſupra illos novem ſolidos addit excurrentes milliarenſem unum & novem nummos ſive folles. Ergo octodecim ſolidi non ſunt pares CCL milliarenſibus præciſe, ſed CCLII, & octodecim follibus: viginti ſeptem ſolidi non trecentis ſeptuaginta quinque, ſed CCC LXXIX & tribus follibus: triginta ſex ſolidi non quingentis ſolum, ſed quingentis quinque milliarenſibus & ſemiſſi ſive duodecim follibus: & ſic LXXII ſolidi, mille undecim milliarenſes adæquant. Nec non vidit hoc Petavius, nam paullo poſt re accuratius expenſa LXXII ſiliquæ auri, hoc eſt, undecim *dracme*, ſive milliarenſes, excurrereprehendit. Itaque videndum ait, an per illud tempus ſolidus paullo plus LXXIV ſiliquis pependerit, hoc eſt, præterea viginti duas ſeptuageſimas ſecundas, vel undecim triceſimas ſextas unius ſiliquæ. Aut certe ex auri libra præter LXXII ſolidos etiam tertius ſeptuageſimus, paullo levior & ſiliquarum tantummodo viginti duarum, percuſſus fuerit, ut cum milliarenſibus millenis auri libra adæquaretur. Huiusmodi effugia quærere

neceſſe habet nimia ſubtilitas : quumliceret dicere propter rotunditatem numeri millenarii tantulæ illius acceſſionis rationem nullam duxiſſe auctores nominandi milliarenſem. At vehementer ſuſpectam facit opinionem ſuam homo doctiſſimus, quum ſtatuit primum pondus milliarenſium in auro fuiſſe *διέξαλον*, adeo ut DCCCLXIV in libra auri cenſerentur; neque tamen conſiſtiſſe in eo pondus, ſed ei detractum eſſe, ut mille imputarentur in auri libram; indeque *milliarenſes* appellari cœptos. Quod enim nomen habuerunt Latinum, quæ erant dicebanturque Græcis *διέξαλα*? Auctor immo Gloſſarum perinde milliarenſes appellat, qui binarum auri ſiliquarum eſſent, quam qui ſiliquæ & dodrantis : atque ita ex hypotheſi Petavii fuit appellatio milliarenſium, antequam mille ducerentur in libra. Hoc offendiculum vitare potuiſſet, ſi vidiffet non detractum ponderi milliarenſium primo, ſed adjectum fuiſſe, & minores tempore acceſſiſſe; gravioreſ eſſe, quos ſolos libri legum & hiſtoriæ agnoſcunt, adeo ut abſque doctis illis Gloſſis eſſet, eos ignoraremus. Tamen, uti diximus, altius adſcendendum eſt ad auri libram in argento millenariam faciendam : nimîrum ad id tempus, quo quatuor millibus ſeſtertium, mille denariis, quadraginta aureis, viginti quinque denario-

rum singulis, auri libra æstimabatur : & ipse hic denarius ante Constantinum & monetam mutatam vocabulum *milliarenfis* sortitus est. Huc ne pervaderet Petavius in eruditione tanta, viam sibi ipse præcidit : dum aureum veterem non vult nisi didrachmum atque adeo cum statere confundit : dum eundem contra omnia testimonia auctorum viginti quatuor denariorum facit, & quidem, ut ait, *μικρολογία* circumscripta maximeque rotundum numerum consecrando, ob utrumque jure Savoto reprehensus : dum temporis illius proportionem inter aurum & argentum eligit duodecuplam : dum libram auri drachmis taxat mille centenis quinquagenis binis : dum ex libra aureos cufos XLVIIII definit : dum denique milliarensem imbibit successisse didrachmo, atque ex eo ortum habuisse, qui Græcus nummus, Romanis nullus unquam fuit. Glossarum tamen auctor eodem, nempe ad numerum milliarenlium priorem respexisse videri potest, cum ait : ὥστε καὶ νόμισμα λαγχάνει μιλιάρησια ιδ. scilicet, ἡ λίτρα. non enim ββ, ut habet Petavius, milliarenfes priores cum posterioribus confundens, quum prioribus fere quatuordecim constitisse solidum Constantini ipse alicubi fatetur. De his explicabis illud : adeo ut in nomisma, sive solidum libra sortiatur milliarenfes quatuordecim. Itaque etfi

proprie LXVIII hujusmodi milliarenſes argenti libram facerent, videntur ob rotundum numerum ſeptuaginta in eam imputati, quatuordecim in ſolidum, ut hiſ quoque obtinentibus quini ſolidi libra argenti æſtimarentur. Sic pauci milliarenſes millenos excedunt. Quod additamentum cum leve putaret ille Antecellor, ſciret autem a millenario numero dictos eſſe *milliarenſes*; ad hoc genus adplicuit, quod ad primum ſic dictum nummum, hoc eſt, denarium, proprie referendum erat. De pondere & pretio milliarenſis nihil a quoquam adfirmari poſſe autumabat Petavius, quod ea res penderet a ſolidi æſtimatione, dein ex auri ad argentum proportionem: quæ utraque diverſa temporibus & prope arbitraria fuerit. Nunc ſatis utramque expeditam habemus. Ille tribus viis rem tentabat, ſed omnibus devius. Primo milliarenſes, quales in ſolidum duodecim, in auri libram octingenti quatuor & ſexaginta incurrebant, æſtimat proportionem duodecupla, & dat eis pretium obolorum octo, pondus ſiliquarum viginti quatuor. Fruſtra hoc: quia certum eſt, eos milliarenſes uſitatos non fuiſſe, niſi poſtquam aurum ad argentum fuit ut unum ad quatuordecim & quod excurrit. Deinde aggreditur milliarenſes, qui permutabantur ſolido fere quatuordecim, quum CXXV novem ſolidos

vale-

valerent: & eos solidos milliarenſesque comparat ratione quatuordecupla. Tum, inquit, DCCCLXIV ſiliquæ, quot in libra auri ſunt *διέξατα*, ſi per xiv dividantur, conſurgent in unamquamque libram argenti Lxi & quinque ſeptimæ. Fingit Lxii, & ſic facit milliarenſem novem obolorum, pondere viginti octo ſiliquarum. At hi milliarenſes, qui fere quatuordecim ingrediebantur ſolidum, non erant *διέξατοι*, ſive duarum ſiliquarum auri, ſed ſiliquæ & dodrantis, argenti ſiliquarum viginti quinque, non viginti octo: itaque in auri libra non DCCCLXIV, ſed paullum ſupra mille cenſendi: iidemque ſunt, qui prima mutatione argenti prope modum denariorum in auri libra numerum retinuerunt. Sed, inquit, ruſum fere ſexta parte deminuti ſunt, ut non jam octingenti ſexaginta quatuor, ſed mille argentei in libram deinceps imputarentur. Plane contrarium eſt verum: primo enim mille prope modum minus differentes a denariorum, quorum in locum ſucceſſerant, numero, & minore argento; dein graviorēs & octingenti ſexaginta quatuor auri libræ *ἐξακвати*. Horum non octo, quod iterum hic inculcat, ſed decem obolorum pretium erat. Ex quo apparet multa quidem de his nummis hominem acerrimum notaſſe ac ſciſſe, ſed omnia turbata, indigeſta, confuſa, ut ei forte po-

tius cesserit, quam ratione provenerit, quicquid de illis adfirmat veri. *Follis* antiquitus sacculus ad pecuniam custodiendam. Plautus in *Aulularia*: *Quin, cum it dormitum, sollem obstringit ob gulam.* Quem locum a viris doctis male acceptum olim exposuimus. *Juvenalis: veterem cum tota arugine sollem.* Et quidem *grandiusculus*: unde plus Plauto *follicitim dūctitare* quam *peratim*. Inde pro ipsa pecunia cœpit accipi: ut *thesaurus* & pro loco, qui capit, & pro eo, quod capit pretiosum. Et ad æs, ad argentum, ad aurum significandum adhibebatur: æs quidem in singulis nummis, argenti nummorum ἀργείοματᾶ, auri & materias ipsas seu libras. In ære & singulis nomismatibus successit in locum veteris & dupondii & sestertii, postquam hic ex argento fieri desiit. *Dupondius* uncia constans æris, asses semunciales valebat duos; *sestertius* argenteus ejusdem generis quatrussis. Crevit interim pretium æris assis ad quadrantem redacto. Sic æs, quod prius dupondii fuerat, quatuor assibus sufficit: & prodiit *follis* ære dupondii, pretio sestertii. Non tamen ut quatuor sestertii, sic quatuor folles, sed quinque faciebant denarium. hæc verecundia supererat. Nam libra argenti, centum denariis, quadringentis sestertiis æstimata, quingentis æquiparabatur follibus. Hæc duo millia sunt assium:

qui

qui quoniam æris uncix quadrantem habebant, & XLVIII in libram incurrebant, non faciunt supra XL libras, xxxii asses, sive octo folles. Et tunc argentum ad æs fuit, ut I ad XL. Libra auri ad argentum decupla, ut quatuor millia sestertium, mille denarium, ita quinque millia efficiebat follium, sive assium viginti millia, quæ libræ æris ccccxvi cum excurrentibus octo folli-
bus. Et sic erat aurum ad æs, ut I ad ccccxvi. Ergo aureus Romanus, ut xxv denarios, centum sestertios, ita cxxv habebat folles; non centum modo, ut ad Spartianum adfirmat *ὁ πένυ*. Hæc valere ante Constantinum, & sub eo usque ad consulatum Anicii Paullini & Cejonii Iuliani. Sexto suo consulatu, id est, ante quinquennium, veteranis ad instrumentum rusticum emendandum dari xxv *millia follium* constituerat, ut est in l. i. i Cod. Theod. de veteranis: quæ sunt quinquaginta libræ argenti, æris librarum duo millia octoginta tres. Eadem veteris argenti sunt vicena millia sestertium, quinque millia denarium; illa ipsa summa, quam pro emerito Augustus prætorianis post sedecim annorum stipendia decreverat, teste Dione: quum legionariis post viginti annorum militiam tantum tria millia denarium seu duodena millia nummum assignasset. Sed id discrimen sustulit Constan-

tinus. Est & vestigium horum follium in lege v. de prætor. & quæstor. *Primæ prætura, quæ Flaviæ nuncupatione signatur, viginti quinque millium follium & quinquaginta librarum argenti erogationem sumptusque præscriptissimus: in secunda vero Constantiniana viginti millia follium & quadraginta libras argenti largiendas esse censemus: tertia Triumphalis quindecim millia follium ac triginta argenti libras sine incommodo editoris expendat.* Hæ conjunctæ summæ in ære & argento pares sunt, & secundum angustissimam illam, quæ quidem Romæ fuit, proportionem intelligendæ: nam post inductum quatuor scriptulorum solidum, & æris, argenti, auri, inter se ratione mutata, immane quantum differunt. Sic viginti millia follium, quæ argenti libras quadraginta, æris faciunt mille sexcentas sexaginta sex libras cum octo follibus, vetera sena dena sestertia, denarium quatuor millia: sic quindecim millia follium, argenti libras triginta, æris sunt mille ducentæ quinquaginta, prisca duodena millia nummum, tria millia denarium. Hic unicus est locus, qui adhuc præstantissimis viris religionem objecit, qua Constantino istam nummi Romani mutationem adscribere prohiberentur: etenim rescripsit hæc Constantius, quo anno, patre mortuo, imperium tres fratres creverunt, se iterum & Constante consilibus.

bus. Itaque cum alium neminem auctorem destinare possent, circumloqui rem, & modo post Constantinum id accidisse, modo & post Constantium, forte sub Iuliano; plerique Valentiniano, dicere; interdum Iustiniani solidum & Iustiniani LXXII aureorum libram vocare satis habuerunt. Non nego esse aliquid offensionis in eo, quod follibus jam longe aliis a Constantino introductis, sub Constantio ad priores illos folles ratio ducitur. Sed ita censeo, ei, qui aureo solidum succedaneum dedit, omnia fuisse dura & intractabilia, nisi & argenteo nummo alium, & quidem eum ipsum, quem descripsimus, substituerit. Neque enim solidus in denarios, victoriatos, sestertios, commode resolvitur. Deinde simul & ab eodem statutum de his nummis requirit proportio inter aurum & argentum mutata: quæ vehementer conturbasset omne commercium, si subito aurum decem denarium ad quatuordecim denarios excessisset. Nunc mutatio utriusque monetæ adeo lenem mollemque transitum proportionum fecit, ut vix animadvertetur. Accedit id quod excurrit supra quatuordecuplam proportionem, quod nulla ratione in denariis poterat explicari. Non minor oboritur difficultas in follibus prioribus milliarenfi viginti quatuor follium & solido duodecim milliarenfium applicandis.

Contra quod tam bene respondet milliaren-
sis solido ac folli utriusque medius, folli
milliarenfi ac solido superpositis, solidus mil-
liarenfi & folli subiectis, (quod magis etiam
declarabitur in mox dicendis) id omnino
demonstrat ac tantum non clamat, unius in-
genii esse hoc quodcumque est, aut certe u-
nius consilii, nec quidquam horum inven-
toribus satis placuisse, priusquam omnia ex-
cogitata sunt & tam apta inter sese ac con-
gruentia apparuerunt. Adeo ut hæc uno
tempore & paribus passibus processisse sit
verisimillimum. Iam solidum quatuor scri-
ptulorum Constantini esse testatur lex I. de
Ponderatoribus. Quid dicemus igitur ad il-
lud Constantii rescriptum? Numquid in-
scriptionem & subscriptionem fallere? ut
pro *Constantio Constantinum*, pro *Constantio II*
& *Constante Constantinum VI* & *Constantinum*
Cæsarem ponamus, quæ mirum non esset
ab librariis confusa nomina. An hoc qui-
dem temerarium, & decernemus potius, vi-
deri Constantium verba ipsa iustorum præ-
turæ cujusque, ut a patre duarum auctore
ante monetam mutatam concepta & defini-
tâ erant, retinuisse, sed & sensu eo, quo con-
cepta erant, de quo ob rem recentem nemo
poterat dubitare: nimirum Flavialis, ut cen-
tum libris argenti, parte dimidia in æreis,
parte altera in argenteis nummis; Constan-
tiniana

tiniana octoginta libris argenti, quæ pariter
 follibus & altero tanto in argento signato
 præstarentur; Triumphalis sexaginta libris
 argenti, item media parte in ære, media in
 argento pensandis, celebraretur. Sic notat
 Plinius, dudum postquam denarius assium
 erat factus sedecim, tamen, quum stipen-
 dium numeraretur militi, denarium impu-
 tatum, cui vetus numerus decem assium tri-
 butus esset. Cæterum quemadmodum paul-
 latim crescente pretio auri, parciior solidi
 materia, argentei plenior & uberior reddita
 est: sic etiam argenti pretio supra æs crescen-
 te, dum aurum & argentum vulgo magis
 quæritur, passimque inter manus jactatur,
 quam olim, evenit, ut follis, qui denarii vel
 milliarenis prisce ac minoris quinta pars
 fuerat, fieret novi ac majoris quarta & vice-
 sima; qui solidi veteris ac majoris centesima
 & vicesima quinta fuerat, fieret Constanti-
 niani ac minoris pars ducentesima octogesi-
 ma octava. Scholion in lib. xxiii βασιλι-
 κῶν. Χρὴ γινώσκειν, ὅτι τὸ ἐν κεράτιον φόλλεις
 εἰς ἰβ, ἥτοι μυριαρῆσις τὸ ἡμῖσι. τὰ ἐν ἰβ κερά-
 τιά εἰσι νομίσματα ἡμῖσι τὸ ἡ ἀχέραιον νόμισμα
 ἔχει μυριαρῆσια δώδεκα ἥτοι κεράτια κδ. Ait
 unam siliquam auri facere in ære duodecim
 folles: ut & Νόμοι γεωργικῇ περὶ κλοπῆς
 παρεχέτω ὑπὲρ αὐτῶν ἡμερήσιον κεράτιον ἐν ἡγαν
 φόλλας δώδεκα. Mirifice enim torserunt id

vocabulum Græci, interdum $\phi\acute{o}\lambda\iota\varsigma$, $\phi\acute{o}\lambda\alpha$, $\phi\acute{o}\lambda\lambda\alpha$, $\phi\acute{o}\lambda\eta\varsigma$, faciendo. Dein ait Scholiastes, eandem auri siliquam in argento facere milliarensem dimidiatum: etenim milliarenfis integer, viginti quatuor folles. Non igitur milliarensem cum dimidio, ut est apud Savotum vel festinantis calami vel operarum vitio in mentione hujus loci: *un miliaresion & demy*. præterea duodecim siliquas auri constituere dimidiatum solidum. follēs igitur centum quadraginta quatuor, milliarenfes sex: nam sexies vicena quaterna sunt CXLIV. Denique solidum habere milliarenfes duodecim, vel siliquas viginti quatuor. Ergo folles ducentos octoginta octo. tot enim efficiunt vicies quater duodena, vel bis centena quadragena quaterna. Et sic corrigendum apud Salmasium adversus Cercoëtium, ubi ter tantummodo, pag. 61, 67, 71, scribitur, centum octoginta octo follibus solidum constituisse. Sed ducentos (neque enim meliora dissimulare nostrum est) voluisse, significat ipse ad Lampridium pag. 191. Quemadmodum autem veteribus non modo *sestertius* nummus, sed & *sestertium* habebatur pro sestertia argenti libra complectente mille nummos, ducentos quinquaginta denarios: sic, quamvis impari elegantia, quo vocabulo nummum sestertio nummo subrogatum dixere, eodem etiam simile

simile ἄθροισμα appellitavere. Glossæ Nomicæ : Φόλλις σαθμός ἐστι, λεγόμενον ἢ βαλάντιον. ἔλκε δὲ δλωαίως ἀφαιρούσας πεντήκοντα. Epiphanius : Φόλλις, ὃ ἢ βαλάντιον διπλὸν δὲ ἐστὶν ὑπὸ δύο δρυγίων ἢ ἡμισυ συγκείμενον, οἱ γίνονται σὺν δλωαίᾳ. Vel, ut in aliis est libris : Φόλλις, ὃ ἢ βαλάντιον καλεῖται, ἔχει δρυγῆς δύο ἡμισυ, δλωαίᾳ σὺν. Vetus versio : Follis, qui & ballantium, id est, sacculus, a duplicatione nominatur : duo namque sunt ac semis argentei, qui faciunt minutos denarios CCL. Vbi mirum est adeo βαλανηφαγεῖν Savotum, ut emendationem Scaligeri, mirifice ab Salmasio adfertam, ausit reprehendere, & contendat legendum τάλάντιον, tanquam auctore Hesychio, cui ea vox nihili nunquam in mentem venit. Argenteus interpretis, δρυγῆς Epiphanii, est Græcorum mina, Latinorum argenti libra, centum denarii. Propagatus hic follis usus etiam ad milliarensem, sed minore numero : CXXV quoque milliarenses sollem dixere. Glossæ Nomicæ : Ἔστι ἢ ἢ ἑτέρου Φόλλις στωαγόμενον ἐξ δρυγῶν λεπτῶν τοῖς σπληνῶταις δεδομένον, ἢ ἀφ' αὐτοῦ μιλιαρησίων καλεσμένων. ἔχει ἢ ἑκάστων τοῖς τῶν λεπτῶν δρυγῶν κεραιον ἐν ἡμισυ τέταρτον. ὁ Φόλλις δρυγῆς τοιαῦτα ρκε. Hero : Ὁ Φόλλις ρκε δρυγῆς πλυροῖ καλεῖται ἢ ὡς Ῥωμαίοις φύλακον. Illum Φόλλιν ἢ δλωαρισμόν, id est, ex ratione denariaria, seu constantem certo

numero denariorum, hunc καὶ δρυμεσίον, id est, ex minutis argenteis vel milliaren-
 sibus collectum vocat Epiphanius. Veteris
 Latii more *follem ad denarium, follem ad mil-
 liarensem*, commode diceret: ut *rationes ad
 denarium* dicebantur, in quibus summæ per
 denarios collectæ erant, & ut *solvere ad dena-
 rium* Cicero. Sed quoniam ad omnia, quæ
 de inferioris Romæ moneta disputavimus,
 nihil est opportunius illo legalium Glossa-
 rum loco, quamquam aliquoties jam tactum
 nobis, & a viris doctis excussum, videtur
 operæ pretium, ut nos quoque illum omnem
 percenseamus, & ut erat in formulis, de iis-
 dem alio modo agamus. Verba sunt: Φόλλις
 σελμός. ἐστὶ λεγόμενον καὶ βαλάντιον. ἔλκετ' ἡ δη-
 νάρια Δραχμόσια πεντήκοντα τέτσε, λίτρας πβ
 καὶ ἑξήκας ἕξ. ὡς ἔχοντι ἑκάστη δινάρια λίτραν α'
 καὶ ἑξήκας γ. Ἔστι καὶ ἕτερον Φόλλις σιναγόμενον
 ἕξ δρυμεσίων λεπτῶν, τ' τοῖς σραπώταις διδομένῶν,
 καὶ Δρατὶ τῷτο μιλιαρησίῶν καλυσμένων. ἔχκε
 δ' ἑκάστον τ' τοῖστων λεπτῶν δρυμεσίων κεράτιον ἕν
 ἡμῖσι τέταρτον. ὃ καὶ Φόλλις δρυμεσία πιαῦτα ρκε.
 α' ποῖσι κεράτια σιη. καὶ νῆμιες θ'. ἥτοι πρὸς τὸ
 νῦν κρατὲν μιλιαρήσια ρθ, καὶ νῆμιες θ'. γινόμενα
 ἐν χαράγμασι νομίσματα θ', μιλιαρήσιον ἕν,
 νῆμμοι θ'. τὰ τοίνυν ρκ. καὶ πέντε δρυμεσία σιμή-
 γηο εἰς δροῦδεσμον ἕνα. καὶ ἔστι ἑκαλεῖτο Φόλλις.
 Quorum hæc est sententia. Follis, quod ὁ
balantion dicitur, pondus est argenti denario-

rum CCL. hoc est, aris CCCXII libra, sex uncia. nam denarius, libra aris & tres uncia. Est & alius Follis constans ex minutis argenteis, militi solitis dari, eoque miliariensibus vocatis. Vallet horum unumquodque auri siliquam dodrantem. Hujusmodi minuta argentea follis habet CXXV. quæ faciunt auri siliquas CCXVIII & nummos novem. sunt autem, quales nunc obtinent, milliarienses CIX & nummi novem, in auro signato novem solidi & milliariensis & novem nummi. Isti igitur CXXV argentei colligebantur in fasciculum vel summam unam: & hic Follis. Quis credat, tam paucis verbis summam prope illorum omnium, quæ de sestertio, denario, solido, milliariensi, folle, primum ut nosceremus, dein ut traderemus, tanto labore nobis constituerunt; illorum prope omnium summam versiculis tam paucis contineri? Itaque non mirum si nonnulli sic eum locum aggressi sunt, ut tantummodo conatus laudem promeruerint: velut Alciatus & Petavius. Satis feliciter postea Salmasius, felicissime Savotus expelierunt rem: nisi quod admiscuerunt uterque, quæ necesse non erat, & alibi repressa sunt. Follis igitur ille prior est idem quod antiquis *sestertium*, quum *decies sestertium*, *vicies sestertium*, & deinceps, quum *bina*, quum *dena sestertia* &c. dicebant, nimirum mille nummum. Denarium priscum
compa-

comparat libræ æris, & tribus unciiis, ex ea proportionem inter argentum & æs, quæ obtinuit Romæ postremum. Itaque non est quærendum hoc pretium denarii in ære anteriorum seculorum. nam tum octo uncias denarius in sedecim assibus semuncialibus non egrediebatur: eoque CCL denarii non faciebant ultra CLXVI libras æris & octo uncias. At Glossarum auctori concordant Epiphanius, Herodotus, Maximus, Fragmentum Budense, quum docent asses sexaginta esse denarium, qui dimidium σίκλος sive sicilici & sic octava pars uncia argenti erat. As ille, quos sexaginta trahebat denarius, erat sicilici pondere, quos quatuor habebat follis & eadem uncia. Libra duodecim unciarum ergo octo & quadraginta sicilicorum: adde quadrantem seu tres uncias, qui sicilici duodecim: habebis sexaginta. Ergo denarius, seu argentum denarii, trium scriptulorum, octodecim siliquarum, si ære æstimeretur ad eam proportionem, quæ inter æs & argentum erat ætate illorum scriptorum, nimirum ut I ad CXX; tantum valebat quantum libra æris cum quadrante, quantum sexaginta asses, quantum quindecim folles, quantum septunx semuncia postremi milliarenensis. Quod si denarius æris libra & tribus unciiis censendus, necessario & CCL denarii pro CCCXII libris & se libra sunt habendi: nam

ccl quadrantes faciunt asses lxxii & semissem. Tot igitur æris libræ ducenis quinquagenis adjectæ complent trecentas duodecim cum selibra. Hic *follis* Epiphanio *ἑξαστασιμόν*. Vt à denario discessum est, *milliaren-*
sis nomen accepit nummus argenteus viginti quinque siliquarum & quintæ partis unius siliquæ : ita ut septem milliarenfibus primis sive denariis pares essent quinque hujusmodi novi milliarenfes : tam enim septem denarii quam quinque milliarenfes expediunt centum viginti sex argenti siliquas. Ita cxxv milliarenfes erant clxxv denarii. In auro par utriusque pretium siliquæ & dodrantis diversa proportionē. Sic centum viginti quinque milliarenfes continent auri siliquas ducentas octodecim & novem nummos. Nimirum cxxv dodrantes sunt in assibus nonaginta tribus & dodrante excurrenti. His xciii additis ad cxxv existunt ccxviii. Qui superest dodrans siliquæ, eum convenit esse parem novem nummis sive follibus : coque ipsum milliarensem esse viginti unius follium. Qui æris habent libram & dodrantem. Siliquæ igitur auri & libræ æris tum temporis æquabilis ratio ; ut & dodrantis siliquæ auri dodrantisque libræ æris. Et quia in libra mille septingentæ octo & viginti putantur siliquæ, hinc quoque discitur aurum & æs distare quantum unum & mdccxxviii.

Aureus Romanus quadragesima pars libræ fuit. At quadraginta in mille septingentis viginti octo reperies ter & quadragies cum quinta parte unius. Constitit igitur aureus XLIII siliquis & quinta, hoc est, septem scriptulis, siliqua & quinta parte siliquæ. Totidem siliquas faciunt viginti quinque denarii, si cuique siliquam & dodrantem tribuas: nam viginti quinque dodrantes quid nisi octodecim asses dodrans? Hi autem additi vicensis quinis efficiunt XLIII & dodrantem. Præterea septem scriptula & quasi dimidium decuplicata existunt septuaginta quinque. At vicensi quini denarii, ternum scriptulorum, colligunt eundem numerum. Et sic constat denarium priscum in auro sui seculi fecisse etiam siliquam & dodrantem. Idem prorsus potuisse priorem Constantini milliarensem in sui ævi auro, & disertis verbis docet jurisconsultus ille Græcus, & comparatione manifesta illorum cxxv milliarensum, qui follem constituebant, cum ccxviii auri siliquis novemque nummis confirmat. Quando igitur viginti quinque siliquæ cum quinta (id quod hujus milliarenسيس argentum fuit) non plus fecerunt in auro, quam antea siliquæ octodecim, quum decupla proportio valeret, nimirum siliquam & dodrantem; agnoscendum est rationem inter aurum & argentum eam tum fuisse, ut quatuordecim siliquæ

filiquæ & duæ quintæ obducerentur uni auri filiquæ. Hujus numeri, quatuordecim dico & duarum quintarum, dodrans est decem & semis & quinta & semis quintæ. Nam si Quatuordecim duasque quintas, ut assem, dividamus, *uncia* erunt unum & sextans & quintæ sextans: duæ uncia sive *sextans* hujus assis, duo & triens & quintæ triens: *quadrans*, tres & semis & quintæ semis: *triens*, quatuor & bes & quintæ bes: *quincunx*, quinque & dextans & quintæ dextans: *semis*, septem & quinta: *septunx*, octo & sextans & quinta cum quintæ alterius sextante: *bes*, novem & triens & quinta & quintæ triens: *dodrans*, decem & semis & quinta & quintæ semis: *dextans*, undecim & bes & quinta & quintæ bes: *deunx*, duodecim & dextans & quinta & quintæ dextans: *as*, quatuordecim & duæ quintæ. Igitur decem & semis & item quinta cum semisse quintæ conjuncta cum quatuordecim & duabus quintis constituunt quinque & viginti & unam quintam: nam semis habet duas quintas & dimidiam: addita quinta & semisse quintæ fiunt quatuor: junctis rursum duabus, sex quintæ oriuntur, quæ conficiunt filiquam vigesimam quintam cum una filiquæ quinta: postquam scilicet decem ad quatuordecim adjecta fecerunt quatuor & viginti. Ita filiqua aurum cum dodrante respondens xxv filiquis ar-

genti & quintæ parti unius siliquæ, deprehendit proportionem, quæ illo tempore inter aurum & argentum fuit. At CLXXV denarii, qui tantundem habebant argenti, quantum CXXV milliarenfes, longe plus faciebant in auro fui temporis, quam centum viginti quinque milliarenfes propter aliam proportionem, quæ tunc erat inter aurum & argentum. Nam feptem complebant aureos fingulos XLIII siliquarum & quintæ: quæ funt omnes siliquæ CCCII cum duabus quintis: quum pretium non multum differat. Nam centum viginti quinque milliarenfes, & CCXV'III auri siliquæ, & centum novem milliarenfes pofterioris formæ, & novem folidi cum milliarenfe, eundem numerum colligunt noftrorum LIV florenorum & dimidiati: feptem aurei & CLXXV denarii, floreni LII & dimidiatus. Et hic *folles* quem dicit Epiphanius καὶ ἀργησιμόν. Illud quoque notandum, quia illud ἡμῶν τέταρτον siliquæ auri comparatur novem nummis, siliqua autem auri libram æris valet, fequi novem illos nummos effe dodrantem libræ, eoque fingulos unciales, quales diximus fuiſſe folles, & hos duodecim valere siliquam auri. Pergit antecelfor egregius, & docet nos, CXXV milliarenfes, qui *follem* καὶ ἀργησιμόν conſtituebant, æquales effe illis, qui tunc in uſu erant, milliarenſibus

cix nummisque novem. Centum quinque & viginti milliarenſes, ſinguli unius & viginti huiusmodi nummorum æreorum, complectuntur omnes duo millia ſexcentos viginti quinque nummos ſive folles, æris libras ccxviii & novem uncias. Libræ ccxviii duplum ſunt ejus numeri, quem numerum poſteriorum milliarenſium, præter novem nummos, comparavit cxxv prioribus: eoque ſi diſtribuantur in cix, neceſſe eſt unicuique eveniant duæ libræ æris, nummi ſive folles viginti quatuor. Atque ita conſtat pretium huius milliarenſis, qui tum uſitabatur, intelligiturque eum in ære facere binas libras, folles unciales quatuor & viginti: & habere ſeſe ad alterum cognominem nummum, cui ſucceſſit, ut ſeptem ad octo; ſeptem enim milliarenſes hi & octo iſti follium aſſequuntur eundem numerum, nempe clxviii: ad denarium autem iſta proportione, quæ tum vigeſebat, quaque denarius libræ æris & tres faciebat uncias, ut quinque ad octo; nam octo denarii & quinque milliarenſes in ære parem numerum efficiunt unciarum ſive follium, nimirum cxx: at illa proportione ſuperiori, ut unum ad tria: nam tres denarii in xlviii aſſibus ſemuncialibus habebant tantum æris quantum milliarenſis unus in quatuor & viginti follibus, nempe duas libras. Hinc etiam

colligere est xxviii siliquas & quatuor quintas siliquæ hunc milliarensem argenti habuisse. Quum enim inter æs & argentum ea ratio esset, quæ inter i & cxx, duas autem libras æris valeret milliarensis, par fuerit, oportet, tribus millibus quadringentis quinquaginta sex siliquis æris: tot enim sunt siliquæ in libris duabus. Hic æris siliquarum numerus argentum in eo requirit, quod diximus: nam centum & viginti in tribus millibus quadringentis quadraginta sex reperies vices octies, ut supersint nonaginta sex: nam vices octies cxx sunt 3360. Iam si in quinque quintas partiæ argenti siliquam cxx siliquas æris continentem, cuique parti quintæ cedent siliquæ viginti quatuor: quinquies enim cxxv sunt centum viginti: quater autem viginti quatuor, xcvi. Hinc & rursus noscitur differentia milliarensis hujus & denarii in propria materia & numero siliquarum argenti: nam octies octodecim sunt cxliv: quinquies xxviii sunt cxl: quinquies quatuor quintæ partes assis faciunt integros asses quatuor: ita quinque milliarenses, siliquarum argenti xxviii & quatuor quintarum siliquæ singuli, & octo denarii octonum denum siliquarum reddunt eundem numerum siliquarum, nempe cxliv. Addit Glossarum auctor, hos cix milliarenses cum novem nummis in auro signato

gnato esse novem solidos & milliarensem novemque nummos. Habuit ergo solidus milliarenfes hujusmodi duodecim, nam novies duodecim sunt *cvi* *ii* : habuit siliquas viginti quatuor, nam duas siliquas auri æquabat milliarenfis : habuit scriptula quatuor, nam sex siliquæ, scriptulum : habuit folles *ccLxxxviii*, nam eum numerum efficiunt duodecies viginti quatuor, quot follibus singuli milliarenfes censebantur. Atque hæc est explicata nucis illius Ilias. Nunc ut revertamur ad significationes vocabuli *folis*, erat & *folis* modus auri oblaticii, quod senatores Principibus pendebant ex censu ; locupletiores auri libras octo, mediocres quatuor, tenuiores duas. Glossæ eadem Nomicæ : Ἐπεὶ ὁ κληθεὶς φόβος τῆς ἀξιολογιζέων καὶ πόλεις αἰκίας κατέλαβεν, ὅτι ὡς αὐτοῖς τὸ γρῦν ἄνω τῆς ἀξιώσεως πετυχηκὸς καὶ ὡς ἀτύχημα τὸ κρεῖττον ἐν τοῖς γρῦσι πρὸς τὸ μέγεθος τῆς ἀξιώσεως ἀφαιρέσθαι τὴν πόσιν τοῖς μὲν ἔτι πρὸς τέλος ὁκλῶ χρευσθῆναι λίττει, τοῖς δὲ δούτερος τέσσαρες, καὶ δύο τοῖς τρίτοις. Si qui præbitiones follium implere non valerent, velut tenuissimos senatorum obligabat septem solidorum præstatio, ut loquuntur leges *iv* & *xii*. Cod. Theod. lib. *vi*, tit. *ii*, commemorata & *l. xii*. Cod. eodem de proximis comit. dispos. & *l. ii*. Cod. Iustin. de prætoribus. Libet ingemiscere! heu me!

magne regum senatus quo recidistis? Parum erat eripi vobis imperium, ærarium, provincias: nisi & tributarii fieretis illis, quibus olim imperabatis, quorum provincias ornari vestrum erat beneficium, qui sua confessione servire vobis debebant, & universis civibus sæpe, & plerumque etiam singulis: nisi e visceribus vestris saginaretur comitatus magna parte barbarus, barbarus miles, eo usque, donec & vos, & ipsos, qui servitutem vestram quotidie vos pascere cogebant, & omnia sustulit. Hunc exitum habuit sinistra pietas civitatem cum toto orbe Romano communicantium, ut non provinciales civium honorem, sed cives & ipse senatus stipendiariorum vilitatem subirent. Demere tamen & injuriam illis & sibi pudorem voluere Arcadius & Honorius dicta l. II: *Glebam vel follem sive septem solidorum functionem sive quamlibet hujusmodi collationem tam circa personas quam circa res ac prædia funditus jubemus aboleri, ut omnis hujusmodi sopita conquiescat exactio.* Sero, & postquam, quod Patribus relinquebatur, non ipsis, sed Alarico & Odoacro & horum pellitis fatellitibus condonabatur.

CAP. XVII.

Tributa descripta post Constantinum, non argento, vel ære designato, sed auro, quota scilicet pars solidi,

lidi, sive in argento, sive in are pensitaretur. Id ex more conficiendi rationes ad solidum. Quomodo conficerentur. Locus nobilis Παλαιὰς Δοξαρχῆς in edita illustratus. Partitio Solidi per partes assis: atque hinc petita vocabula pensionum & summorum. As divisor ignotus Græcis. As & assis vel libra partes ad Græcorum quidem imitationem, sed Latino modulo formata. Varro tentatus. Semissis, quod semis assis. Triens & Sextans unde. Semuncideunx. Balbi fragmentum de asse illustratum. Priscianus sive Palamon emendatus. Græci assis partes per numeros explicant.

QUod præcedenti capite est, post solidum Constantini, qui septuagesimus alter est in libra, prorsus eadem, quæ semper fuerat, homines locupletes, & illorum dispensatores, procuratoresque in primis domus augustæ, & æream & argenteam pecuniam in auro computare solitos, & in eam rem tradere præclara Salmasium ad Lampriidii Alexandrum; cœpi postea vereri, ne rejcissem eo lectorem, ubi ille plus miretur quam intelligat: quam domi conjecturam facio, & in me ipse non semel idem sum expertus. Etsi autem libenter de quovis alio præsumam nostra imbecillitate majora, & optem laborem nostrum attingere multos, qui hanc partem tanquam sibi supervacuam jure possint fastidire: tamen non pigebit in studiosorum gratiam, ut illius loci meritum agnoscant, sciantque quantum summo illi

viro pro eo producto debeat, totum ap-
 ponere, & nubem, quæ illum circumfidet,
 dimovere. Nec sane superflua hæc me judi-
 care sinit Volusius Mæcianus: apud quem
 cum tam obscurum sit visum, quod legitur
 de æraria ratione ad denarium translata,
 quamvis partibus æris expressis; qui speran-
 dum est fore clarius, quod de eadem ad so-
 lidum applicata, nulla mentione æris facta,
 tantummodo suspicandum & divinandum
 proponitur? Neque illudant nos homines
 urbani, quasi ad commentaria commente-
 mur. non enim tam Salmasii verba inter-
 pretabimur, quam vetusti auctoris, unde
 „ ille, quæ sua fecit, deprompsit. Sciendum
 „ est, inquit, in tributis & capitationibus in-
 „ dicendis, non argenti, non æris fuisse factam
 „ mentionem, sed aureorum tantum, & au-
 „ rei partium. Ita & exactiones celebrabantur.
 „ Sic enim notatum erat in libris & brevibus
 „ exactorum, possessorem illum, exempli gra-
 „ tia, debere solidi partem *quadragesimam octa-*
 „ *vam*, aut *vigesimam quartam*, aut *vigesimam*
 „ *quartam & quadragesimam octavam*, aut *deci-*
 „ *mam octavam*, aut *octavam*, aut *octavam &*
 „ *quadragesimam octavam*, aut *vigesimam quar-*
 „ *tam*, aut *sextam*, aut *quintam*, aut *tertiam*,
 „ aut *tertiam & duodecimam*, aut *dimidiam*, aut
 „ *dimidiam cum duodecima*, aut *dimidiam cum*
 „ *sexta*, aut *dimidiam cum quarta*, aut *dimidiam*
 cum

cum tertia, aut *dimidiam cum tertia simul* & "
duodecima, aut *dimidiam & tertiam cum sexta*, "
 hoc est, aureum solidum: deinde aureum "
 cum *quadragesima octava* aurei parte, & ita "
 semper ascendendo per partes jam prædictas "
 usque ad duos aureos: atque ita etiam usque "
 ad tres, quatuor, & usque in infinitum. Hac "
 tenus Salmasius: quæ quisquis legit, non
 potest non magnopere mirari: & alii forsan
 fidem, tanquam sine auctore tam nova pro-
 denti, abrogabunt; pudentiores dubita-
 bunt, quid fuerit animi hominibus, quibus
 ista, ut videntur, adeo morosa & implicita
 ambagibus comminisci libuit, quum pos-
 sent simplicissima & planissima ratione uti,
 ipsos milliarense & folles annumerando.
 Sed si originem hujus computationis noscas,
 elegantissimam pariter & expeditissimam
 necesse est fateare homini Romano. Repe-
 tenda sunt igitur, quæ superius ad Volusium
 Mæcianum notavimus, & cogitandum,
 perinde ut veteres calculatores denarium,
 ita hos solidum assis more & ejus particula-
 rum vocabulis partitos esse. Hæc igitur est
 descriptio solidi, tanquam assis. Solidus, *as*,
 milliarense habet duodecim, folles ducen-
 tos octoginta octo. Ejus *deunx*, milliarense
 undecim, folles ducenti sexaginta quatuor:
dextans, milliarense decem, folles ducenti
 quadraginta: *dodrans*, milliarense novem,
 folles

folles ducenti sedecim: *bes*, milliarenſes octo, folles centum nonaginta duo: *ſeptunx*, milliarenſes ſeptem, folles centum ſexaginta octo: *ſemis*, milliarenſes ſex, folles centum quadraginta quatuor: *quincunx*, milliarenſes quinque, folles centum viginti: *triens*, milliarenſes quatuor, folles nonaginta ſex; *quadrans*, milliarenſes tres, folles ſeptuaginta duo: *ſextans*, milliarenſes duo, folles quadraginta octo: *uncia*, milliarenſis, folles viginti quatuor: *ſemuncia*, milliarenſis dimidiatus, folles duodecim: *ſicilicus*, folles ſex: *bina ſextula*, folles octo: *ſextula*, folles quatuor: *hemifſcula* vel *dimidia ſextula*, folles duo: *ſcriptulum*, follis. Hinc jam facile eſt ſuis nominibus deſtinare illas ſummas, quas numeris definit Salmaſii auctor. Quadrageſima octava, *ſicilicus* eſt, folles ſex. Sic enim Voluſius: *Eſt autem aſſis, ſemuncia, pars viceſima & quarta; dua ſextula, pars triceſima ſexta; ſicilicus, quadrageſima octava*. Qui ergo ſex folles debebat aut dederat, cum debere vel dediffe in breviario notabant & pronunciabant *ſicilicum*. Ex iſſdem verbis Voluſii vides, quæ ſit pars viceſima quarta, nempe *ſemuncia*, folles duodecim. Pars viceſima quarta & quadrageſima octava conjunctæ, *ſemuncia ſicilicus*: hi octodecim folles. Pars octava decima, *ſemuncia ſextula*, folles ſedecim. Habes apud Voluſium: *Octa-*

va decima vocabitur semuncia sextula. Pars
 octava, *sestuncia*, folles triginta sex. Volu-
 sius: *Deinde dividitur in octo octavas, quæ*
sestuncia vocantur. Pars octava & quadragesi-
 ma octava, *sestuncia sicilicus*, folles quadra-
 ginta duo. Hic iterum repetit Salmasius vi-
 cesimam quartam: quem credo errorem li-
 brarii aut festinantis calami esse. Possumus
 pro illa ponere tricesimam sextam, *binas sex-*
tulas sive duellam, & erunt folles octo: aut
 vicesimam quartam & sextam, eritque *sex-*
tans semuncia, folles sexaginta. Nam pars
 sexta, *sextans*, folles quadraginta octo. Vo-
 lusus: *Deinceps fit divisio in sex sextas partes:*
sextæ partis nomen est sextans. Pars quarta,
quadrans, folles septuaginta duo. Pars ter-
 tia, *triens*, folles nonaginta sex. Tertia &
 duodecima *triens & uncia*, uno vocabulo
quincunx, folles centum viginti. Volusus:
In quincunce sunt uncie quinque, sextantes duo
& uncia, quadrans & sextans: triens & uncia.
 Pars dimidia, *semis*, folles centum quadra-
 ginta quatuor. Instrumentum plenariæ se-
 curitatis Ravennæ scriptum, & in biblio-
 theca regia servatum, & Romæ à Naudæo
 publicatum: *Camisia tramofirica in cocco &*
prasino valente solidos tres semis, id est, & sex
 milliarenses. Statimque: *Sarica prasina or-*
nata valente solido uno & semisse uno. Pars di-
 midia cum duodecima, *semis & uncia*, hoc
 est,

est, *septunx*, folles centum sexaginta octo. Volusius: *in septunce sunt uncia septem, sextantes tres & uncia, quadrantes duo & uncia, triens & quadrans, quincunx & sextans, semis & uncia*. Pars dimidia cum sexta, *semis & sextans*, qui *bes*, folles centum nonaginta duo. Volusius: *In besse sunt uncia octo, sextantes quatuor, quadrantes duo & sextans, trientes duo, quincunx & quadrans, semis & sextans*. Dimidia cum quarta, *semis & quadrans*, id est, *do-drans*, folles ducenti sedecim. Dimidia cum tertia, *semis & triens*, qui *dextans*, folles ducenti quadraginta. Volusius: *In dextante sunt uncia decem sextantes quinque, quadrantes tres & uncia, trientes duo & sextans, quincunces duo semis & triens*. Dimidia cum tertia & duodecima, *semis, triens, & uncia*, id est, *deunx*, folles ducenti sexaginta quatuor. Dimidia & tertia cum sexta, *semis & triens & sextans*, *as* ipse, (nempe sex & quatuor & duæ, quæ omnes duodecim uncia) ipse solidus, folles CCLXXXVII. Sic etiam si quid solido amplius significandum esset, eadem partes pro ære excurrenti adhibebantur. Sic *solidum scriptulum* dicebant ducentos octoginta novem folles: *assem* vel *solidum dimidiam sextulam* ducentos nonaginta folles: *assem* vel *solidum sextulam* ducentos nonaginta duos folles: *solidum* vel *assem siccilicum* & CXCIV folles: hic est, quem Salma-

fius dicit aureum cum quadragesima octava
sui parte : *ἄσsem* vel *solidum binas sextulas*, du-
centos nonaginta sex folles : & sic deinceps.
Idque tam in tributo indicendo & exigendo
servatum quam in referendo in rationes.

Cæterum cum partitionem illam assis à pue-
ris perceptam & quotidiano tractatu repe-
titam in exprompta memoria haberent, in-
credibili velocitate per immensas summas
decurrerant. Atque ita ex solo Volusio com-
paratur illius *λοχαρχικῆς* intelligentia. Iam
quæris, quare ὁ πένν non expresserit assis
partes, aut de illis nihil submonuerit? Græ-
cum auctorem suum vestigiis secutus est.
Nisi enim fallor, hic est, cuius ita meminit
ad Solinum pag. 808. Exstat liber in biblio-
theca regis depromptus ex archivis & came-
ra, ut vocant, thesauraria Alexii Comneni,
qui *Παλαιάν* & *Νέαν Λοχαρχικὴν* continet de
pretio solidi in tributis exigendis. *Παλαιά*
Λοχαρχικὴ ibi vocatur, qua duo & septuagin-
ta solidi in libram auri putabantur. Græci
autem *ἄσsem* divisorem ignorant, neque vo-
cabula habent propria & signata, quibus
vel ipsum vel partes ejus concipiant: nam
ἀσάριον & *τετλημόριον* & *πεντατημόριον* & si-
milia nummorum vocabula sunt. Necessa-
rio igitur numeros in auxilium advocant, &
pro sicilico dicunt *πενταρχικῶν ὀγδόων*, pro
semuncia *εἰκοσῶν πενταρχῶν*, pro semuncia sex-

tula

na slutula
:ης εμινης
ΣΚ ΗΟΚ
la slutula

tula ὀκτώκαιδεκάτω, pro fescuncia ὀγδόω, puta μερίδα ἑ νομισμαῖ : vel potius neutris utebantur : τέσσαρες ὀγδόον, εἰς τὸν τέτατον &c. intelligentes τὸ μέρ. Sunt sane Latinorum vocabulorum nonnulla originis Græcæ, sed hæc illorum vis ac potestas tota Latina est. Sic *as* & *as* ex Dorico αἰς pro εἰς communi exstitisse facile concesserim : sed significationes ampliarunt aut contraxerunt pro libidine sua Latini. Λίτρα, Siculis pondus & nummus genuit *libram*, quæ pro pondere placuit Romanis; pro pecunia, eodemque quod *as* est, non ultra quam *as* libram pondo fuit; inde pro tantundem in commercio valente ære *assem* retinere, qui tandem quarta & vicesima, immo & quadragesima octava, pars libræ factus. Duodecima τῆς λίτρας ὀγκία, ex qua multiplicata constantes τῆς λίτρας partes, πετήγχιον sive πεντῆγχιον, ἑξάνλιον, ἡμίλιτρον, apud Epicharmum & Pollucem. Hinc *uncia* Romanis. Medias inter summam libram *assem*ve & imam ejus duodecimam, unciam, partes ad similitudinem quidem Sicularum fabricaverunt Romani, sed in officina & materia sua. Ex *uncia* finxerunt *quincuncem* & *septuncem* & *deuncem*; illos, quod quinque aut septem duodecimas haberent; hunc, quod ei ad complendam libram duodecima deesset. Ex *asse semissis* & *bes* profluxit, partibus origine

quadrans. Nec repugno, si quis sequi malit. Sed quemadmodum *quadrans* ex participio transit in nomen, quod assem quadraret, sic quasi verbum esset, *triere*, in tria redigere, finxisse videntur *trientem*; quasi *sextare*, in sex secare, *sextantem*. Ab *sextante* & *quadrante* formati *dextans* & *dodrans*, quasi *desextans* & *dequadrans*, quibus duæ & tres duodecimæ minus essent quam assi, quemadmodum *deunx*, cui una. Sic etiam *Semuncideuncem* dixerunt, quod alias *dextantem semunciam*, id quod superfit ex asse detracta fescuncia. Balbus: *Septima divisio his adjungi potest: nam rei integra in octo partes distributa pars qualibet ex aliis sine aliis considerata fescuncia dici potest, reliquæ semuncideunx*. Quasi semuncia de deunce: undecim partes minus vicesima quarta. Et vulgare est in numeris, *duodeviginti*, *duodetriginta*. Addit Balbus, partem illam, quæ est *semuncideunx*, in frequenti usu non esse, eoque characterem, quo designetur, non habere. Atque eo magis ignoscendum sive Prisciano, sive Palæmoni, neganti fescuncia dempta reliquo nomen esse. Hoc enim vult, quum ait:

*Sed nullum reliquo nomen semuncia certum
Dempta dabit. namque est hujus fescuncia
triplex.*

Ita legitur in Vineti editione, quam exprefit Hotomannus. Sed illud *namque* alienum est

est a sententia. Vett. ed. *neque est*. Quod cum versum vitiet, facit Villalpandus: *nec enim est*. Et sententiam quidem deprehendit, suadens intellectu repeti prioris periodi partem, videlicet *dempta dabit nomen*: sed tamen inconueniens est *enim*. Scribe:

Dempta dabit, quæque est hujus fescuncia triplex.

Vt & fescuncia, quæ semuncix triplex est, ablata reliquo nullum nomen dabit. Diffidebam nonnihil, fateor, Balbo de *semuncideunce* ob insolentiam vocabuli: testem & secundum auctorem desiderabam: quum ecce hic quoque mihi divinitus offertur: haud possum dicere quis, sed profecto elegans & antiquus. Theorica Geometriæ in membranis honoratissimi Rottendorffii: *Similiter in eo, cui quinque & quadrantem in catheto posui, dimidia hujus, id est II & semis & fescuncia, ter ducta VII & semuncideuncem numerum facit. Hujus nona, id est, semuncideunce, dempta, VII basin relinquit; addita autem, VIII & dodrantem hypotenusæ tribuit. Tres dupondii, sexis, tribus semissibus additis fit septus semis: tribus etiam fescunciis accedentibus fit septus dextans semuncia: deest ad octus efficiendum fescuncia: pro illo igitur quod superest ablata fescuncia, seu pro dextante semuncia dicit semuncideuncem.* Porro istius numeri, septus-

H h h 2

sis

11
2115
S112
H

sis puta dextantis semuncia, nonam ait esse
 hunc ipsum *semuncideuncem*. Scilicet novem
 dextantes faciunt septus semis: novem se-
 muncia quatuor uncias cum semuncia: quæ
 si illis addantur, exoritur septus dextans se-
 muncia vel *septus semuncideunx*. Denique po-
 nit huic septussi semuncideunci additam ean-
 dem nonam, *semuncideuncem* scilicet, effice-
 re octus cum dodrante. Nempe decem un-
 ciæ & dimidia duplicatæ faciunt unam & vi-
 ginti uncias, hoc est, assem & dodrantem;
 qui si septem assibus adponantur, fiunt octus
 & dodrans. Vt cumque igitur ἡ λίτρα καὶ ἡ
 ὀγκία fuerint Siculis, nummi tantum & pon-
 dera fuerunt: non *as* & *uncia* dividentes om-
 nne solidum, quæ omnino ignorarunt Græ-
 ci. Itaque partes assis non nisi numeris ex-
 presserunt, qui verterunt Romana, nisi
 quod & λίτρα abusi sunt pro asse. Sic unciam
 dixere δωδέκαλον, sextantem, ἕκτον, quadran-
 tem τέταρτον, trientem τρίτον, quincuncem
 τρίτον δωδέκαλον, semissem ἡμισυ, septuncem
 ἡμισυ δωδέκαλον, bessem διμοιρον, dodran-
 tem διμοιρον δωδέκαλον, dextantem διμοιρον
 ἕκτον, deuncem διμοιρον τέταρτον, assem λί-
 τραν. Habes apud Theophilum de hæredi-
 bus instituendis. Pro uncia valebat etiam
 ἡμίεκλον, de quo superius: pro semuncia
 ἡμιδωδέκαλον & μυσημίεκλον, quasi ἡμισυ ἡμί-
 εκλον, apud Hesychium, pro sicilico δίδρα-
 χμον,

χμον, aut πεσαρχησὸν ὀγδόον, ut & pro besse
 ἡμῖσι ἔκλον, pro dodrante ἡμῖσι πέταρον, pro
 dextante ἡμῖσι τρίπην, pro deunce ἡμῖσι τρί-
 πον καὶ δωδέκαλον, pro asse ἡμῖσι τρίτον καὶ
 ἔκλον, ut liquet ex auctore Λογαρχῆς & Glof-
 fis Nomicis. Ο' πᾶννυ autem, qui hanc diatri-
 ben quasi nobis delegavit, aut non tantum
 sibi reliquit otii, ut, quid sibi vellent isti
 numeri, exquireret, aut exquisitum distulit
 ad editionem ipsius libelli Græci, quam in
 animo habuisse illum, ex diversis ejus polli-
 citationibus apparet.

C A P. XVIII.

Continuatur instituta dissertatio ad locum τῆς Λογα-
 ρχῆς. Probata insigni exemplo, qua supra ad Vo-
 lusium de solido e numeris composito & secundum
 assis partes diviso disputavimus. Constantinus
 Porphyrogenneta in vita Basilii emendatus & ex-
 positus. Τὰ τῶν δριδμῶν μέτρα καὶ μέρη, οἷον τῶν ἡμί-
 σως, καὶ τῶν ἔκλων, καὶ τῶν δωδεκάτων, ἐν ταῖς ἀναγραφαῖς
 τῆς τῶν φόρων εἰσαγγελίας. Ο' λόγραφοι καὶ φωνεραὶ ψή-
 φοι. Τόμ. Basilii imperatoris providentia ad-
 versus iniquitatem coactorum. Ἐκτῇ, τρίτῃ, τε-
 τάρτῃ, quomodo νομισματῶν. Hesychii locus decla-
 ratus. Gildas & Apollonii Tyrii fabulator illustra-
 ti. Libra argenti pro quinque solidis. Media li-
 bra pro duobus solidis semisse. Siliqua auri, non
 nummus, sed xx i v pars solidi, duodecim fol-
 les. Instrumentum plenaria securitatis illustratum
 & correctum. Tres siliqua in solidum annua, cen-
 tesima. Scholiastes vetus Theodosiani codicis de-

sensus. Novella Majoriani explicata & emendata. Conclusio.

Quemadmodum expensa ferrentur, & accepta referrentur ad denarium superiore libro, quemadmodum mutata pecunia ad solidum calendaria & breviaria fierent, proximo capite demonstratum est: utque utrobique æs excurrens partibus & notis æris explicaretur. Ne nihil actum putemus, Latini & Græci auctorum duo loca singularis atque unicæ ipsis elegantia, sed propter obscuritatem adhuc pro bustis spreta & vix limis adspecta, medii solis lumine collustravimus, & inter antiquitatis thesauros gemmeum micantia cernimus: totam artem, & quidem duplicem diversitate temporum, conficiendi tabulas, præcipuum telum bene administrandæ vitæ familiaris & tuendi patrimonii, qua in re incredibilem omnium fuisse Romanorum diligentiam plurima passim testimonia exstant, e tenebris erutam habemus: & in negotio, quod minime videbatur ingenium expectare, contentum digitis, sive ad supputandum, sive ad scribendum, tamen Romanos, hoc est, ingeniosos & formularum docto decori servientes, deprehendimus. Nec majore, opinor, exemplo patuit, quare pueri *longis rationibus assen in centum partes diducere* discerent, ut canit Horatius. Sed non hi soli curæ jucundæ

da ipsa difficultate, & quo lentius successit, eo sæpius veri latentis inveniendi voluptatem renovantis, quamvis maximi, fructus. Dixerat Volusius, *excurrentis aris notam sedecies multiplicatam id efficere*. Qua occasione observatum nobis, quoties corpus e numeris compositum in assem partimur, quot numeros habet integrum, toties ductas partes assis, quæ numerum quemque significant, efficere totidem duodecim uncias, quota numero quæque pars integri est, non minus hoc argumento verum cognoscitur. Sic sex folles, *sicilicum*, quadragesimam octavam partem solidi, diximus. Solidus folles habet CCLXXXVIII. Ducenti octoginta octo sicilici componunt septuaginta duas uncias: quot uncias habent sex asses. Recte ergo *sicilicus*, sex folles. Vicesima quarta pars solidi *semuncia*, folles duodecim. Nimirum ducentæ octoginta octo semuncie sunt centum quadraginta quatuor uncie, quæ complent duodecim asses. Tertia nota intelligitur ex duabus præcedentibus. Quarta erat *semuncia sextula* ad significandos folles sedecim. Nimirum CCLXXXVIII semunciis, ex quibus constant CXLIV uncie assium duodecim, si addas ducentas octoginta octo sextulas, quæ quadraginta octo dant uncias, hoc est, asses quatuor, habebis integros asses sedecim. Quinta nota erat *fescun-*

cia, triginta sex follibus demonstrandis.
 CCLXXXVIII fescunciæ faciunt uncias
 quadringentas triginta duas: totidem au-
 tem uncias invenies in triginta sex assibus.
 Sextam intelligis ex dictis. nam triginta sex
 assibus, quos faciunt CCLXXXVIII fesc-
 uncix, adjecti CCLXXXVIII sicilici, quot
 computantur in assibus sex, integrant XLII
 asses: hinc *fescuncia sicilicus*, quadraginta duo
 folles. Septimam fecimus *binas sextulas*, pro
 octo follibus. nam CCLXXXVIII binæ sex-
 tulæ constituunt uncias xcvi, & hæ octo
 asses. Octavam, *sextantem semunciam*, pro
 follibus sexaginta. Videlicet CCLXXXVIII
 sextantes sunt quingentæ septuaginta sex un-
 ciæ: tot sunt autem in quadraginta octo as-
 sibus: quibus si accedant duodecimi asses ex
 CCLXXXVIII semunciis conflati, erunt sex-
 aginta asses. Hic explicuimus & sequentem.
 Decima, *quadrans*, signabat folles septuagin-
 ta duos. CCLXXXVIII quadrantes conti-
 nent octingentas sexaginta quatuor uncias:
 ex quot unciis perficiuntur LXXII asses. Un-
 decima, *triens*, folles nonaginta sex. Du-
 centi octoginta octo trientes sunt mille cen-
 tum quinquaginta duæ uncix: & hæ nona-
 ginta sex assium. Duodecima, *quincuncis* vo-
 cabulo notati cxx folles. reddunt enim
 CCLXXXV quincunces uncias mille qua-
 dringentas quadraginta: quo numero uncia-
 rum

rum constant centum viginti asses. Hinc *semissem* diximus CXLIV folles: quid enim apertius quam CCLXXXVIII semisses esse centum quadraginta quatuor asses, & utrisque duci mille septingentas viginti octo uncias? Porro ducenti octoginta octo septunces sunt mille nongentæ sedecim uncia, quot esse oportet, ut fiant CLXVIII asses: centum igitur sexaginta octo folles solidi *septunx*. Sed & ducenti octoginta octo beses sunt uncia duo millia trecentæ quatuor: & tot sunt CXCII assium: ita *bes* solidi, centum nonaginta duo folles. Ducenti quoque LXXXVIII dodrantes colligunt uncias duo millia quingentas nonaginta duas, quæ sunt in CCXVI assibus: sic *dodrans* solidi, ducenti sedecim folles. At CCLXXXVIII dextantes unciarum habent duo millia octingentas octoginta, hoc est, CCXL asses: totidem quoque folles, solidi *dextans*. Denique deunx five undecim uncia ducenties octogies octies ductæ sunt omnes tria millia centum sexaginta octo: quot esse necesse est, ut conficiamus CCLXIV asses: inde folles ducenti sexaginta quatuor, solidi *deunx*. Est igitur hic locus unicus, quo nihil habet tota, quæ nobis superest, vetustas traditis à Volusio convenientius, & quem vicissim, absque Volusio esset, nemo intelligeret. Nondum perfuncti sumus. neque enim debere possu-

mus studioso lectori pauca etiam pulcherri-
ma loca, cum mirifice confirmantia, quæ
jam exposuimus, tum his incognitis prorsus
obscura atque cæca. Constantinus est Por-
phyrogenneta & Imperator Constantino-
politani, Leonis filius, qui avi sui Basilii
vitam disertissime scripsit, nuper a viro exi-
mio publicatam: inque illa cap. xxiv. Οἱ ὦν
ἢ ὅτι ἐστὶ τις τριῶν πονηρῶν εἰς τὸ ἀδικεῖν ἀφορμὴ,
ἀπὸ δ', ἢ τὸ πῶποτεμον, τοῖς τ' ἀειθρῶν μορίοις
καὶ μέρεσι, ἢ ἡμίσεως, ἢ δ' ἑκτὸς, καὶ δωδεκάτε
πυχόν, κεχρησθαι τὰς παλαιὰς, (ita legimus.
non τοῖς παλαιοῖς.) ἐν ταῖς ἀναγραφαῖς τῆς τ'
φόρων εἰσπραξέως· ἢ ἐλθόντι καὶ πλὴν ποιῶν τ'
ἀδικεῖν βελομύων πελελεῖν ἀφορμὴν, καὶ διω-
είσατο, ἢ γράμμασι λιτοῖς, ἃ καὶ τοῖς ἀρχοῖσι
ἀναγνώσκειν ἐστὶν ἐν διωαλίῳ, καὶ ὀλογράφοις ἢ
(ita leg. non ταῖς) φανερῶν ταῖς ψήφοις τ' δη-
λεμῆν πρὸς τὴν, οὗ τ' ἐπαυτήσεων γράφε-
σθαι τόμους, (ita leg. non κόμους) οἷον τὸ εἰς
τὸ τὰς ἀνάλωμα, ἢ τ' χαλῶν ἢ τῆς γε-
φῆς, πρὸς τὸ μὴ ἀδικεῖσθαι οὗ πένητας. Ait,
quum haberent coactores vestigalium sum-
mas exactionum notis perscriptas (velut
ἡμίσεως, qui *semissis* est solidi, milliaren-
ses sex; vel folles cxlv, & nota antiqua
erat ℥. velut ἑκτὸς, qui *sextans* solidi, millia-
renses duo vel folles xlviii, & hujus no-
ta ℥. vel ut δωδεκάτε, id est, *uncia* solidi, mil-
liaren-
sis nimirum, vel xxiv follium, & no-
ta

ta priscis Romanis —. &c. sed Græcis alias fuisse, & quidem ipsas literas numerales, & hinc & ex Heronis loco superius adducto liquet.) quas illi notas pro libidine interpretabantur, & plus debito exigebant privati lucri causa; constituisse Basilium, ut in posterum sine notis, integris vocabulis, quæ cognosci etiam & intelligi ab imperitioribus stipendiariorum possent, censuales libri & breves coactorum scriberentur, & ad id sumptum præbuisse. Vertitur obscure: *ob brevitatem qua numerorum particula & membra medietatis & sexta & forte etiam duodecima notabantur.* Hoc audias an non audias, quid differt? Dicitur autem: *quod ob scribendi compendium, numerorum elementis & partibus, veluti dimidia (puta solidi) & sexta & duodecima, essent usi veteres in describendo tributo.* Mox: *ὁλογράφοις ἢ φανεραῖς ταῖς ψήφοις,* est, *expressis integras per voces & plane numeris.* Nam quis intelligit, *apertis calculis?* Τόμῳ pro libro etiam Martiali: at κῶμη hic sensu nullo. Photius in excerptis voluminis ccliv. *ὅτε ἢ τοῦ τόμου, οἱ ἀνέγραφον ἀσφόροισ γλώσσαις τὰ ζωτήρια δὲ δεσπότης πᾶσι τε ἢ θαύματα ἢ διδάγματα, τέτταρσι καὶ ἑκατομυρίων δεξάμενοι διέταξεν.* Hinc intelligas etiam illud parum adhuc intellectum apud Hesychium: *Ἐκτη, τρίτη, πέταρτη, νομίσματα χρυσίς, ἢ χρυσίς ἢ χαλκός.* Non enim singula

nummorum corpora fuerunt eo nomine; & tamen nummos vel summulas pecuniæ significant hæc vocabula: & quidem *χρυσίς*, quia sunt partes solidi, qui aureus; *δραχμή*, quia possunt esse in argento, *ἡ ἑκτὴ* milliarienses bini, *ἡ τεῖτη* milliarienses quaterni, *ἡ πεντάγτη* milliarienses tres: *χαλκῶ*, quia possunt esse in ære, *ἡ ἑκτὴ* folles x l v i i i, *ἡ τεῖτη* folles x c v i, *ἡ πεντάγτη* folles l x x i i. Eodem respexit Gildas, ille Britanniae Anacharsis, hic quoque commeritus sapientiae testimonium. In Querolo comœdia, ubi multas constituit durorum capitonum & plagipatidarum parasitorum vexatoribus: *Digna causa, mercedem vulnerum victus (ictus, opinor) accipiat parasitus. In convivio si fuerit veste discissus, a rege convivii duplam mercedem reparationis accipiat. De livoribus in quadrantem solidi unius, de tumoribus in trientem poena transibit. Quodsi tumor fuerit & livor, solidi unius bessem jure optimo consequetur. Vnam vero unciam apozia (hoc est, excoctionis) contemplatione concedimus. Placuit autem, ut etiam de plagis & vulneribus infixis summo strepitu criminali amicorum præstetur inspectio, ita ut dodrantem solidi nec inspicientium gratia nec largientis excedat humanitas. In luxu autem & ossibus loco motis usque ad deuncem solidi injuriarum commodum placuit extendi. Iam porro de ossibus fractis placuit convenitque, ut in minutalibus.*

talibus solidus, in principalibus vero ossibus argenti libra protinus traderetur. Locus in primis facetus & lepidus. Mercedem vulnorum accipiat, fecit e Iuvenalis: Accipiat sane mercedem sanguinis. Aut Ciceronis lib. v. in Verrem: mercedem lacrimarum, mercedem vulneris atque plagæ, mercedem funeris ac sepultura constitui. E Terentii, tum ipsam capillo conscidit, suum, si fuerit veste discissus. At quid monstri est: apoziæ, hoc est, excoctionis? an tantulo pretio patietur se recoqui parasitus, ut a Medea Æson? Volunt apoziam esse ἀποζέμα: sed nec vox proba, nec sensus tolerabilis. Scribe; apoziæ, vel apozeos. Cujus interpretatio ex margine in contextum irrepsit: hoc est, exactionis. Ἀπωσία vel ἀπωσις ab ἀπωσέω. Injuria est, inquit ille, & trahi & trudi simul: sed & trudi solum vel exigi. Cæterum quæ hic habent mentionem partium assis, ad hoc usque lecta sunt ita, ut sine exemplo a lasciviente ingenio auctoris profecta esse crederentur. At nunc manifestum est deprompsisse illa Gildam e rationalium tabulis. *Quadrans solidi* erant milliaren-
ses tres, sive folles LXXII: *triens*, millia-
renses quatuor, folles xcvi: *bes*, millia-
renses octo, folles cxcii: *uncia*, millia-
rensis, folles xxiv: *dodrans*, milliarenses
novem, folles ccxvi: *deunx*, milliarenses
undecim, folles cclxiv: *argenti libra*, so-
lidi

ibidi
ip:qi

=00=

lidi quinque, milliarenſes ſexaginta. Sic *mediam libram*, puta argenti, pro duobus ſolidis ſemiſſe vel dimidiato dixit fabulator ille Apollonii Tyrii: *Leno vocavit villicum puellarum: ancilla exornetur: ſcribatur ei titulus: Quicumque Tarſiam deſloraverit, mediam libram dabit: poſtea populo patebit ad ſingulos ſolidos*. Non enim auri *libra* intelligenda eſt *media*, quaſi fuerint x x x v i ſolidi: nec magis in hoc ſcriptore mirandum, quam apud Gildam, in eadem ratiuncula aliud pretium aureis ſolidis, aliud *argenti libra* deſignari, quum illa ipſa *argenti libra* quinque ſolidi circumſcribantur, noſtræ pecuniæ decem coronati. Diximus *filiquarum* auri quatuor & viginti fuiſſe ſolidum. Nicandri interpres: Η ὀγκία ἔχει σάγμα ἕξ. τὸ δὲ σάγμα κεράτια καὶ. Inde in morem venit, ut pro illa, quam appellavimus *ſemunciam*, Græcus auctor εἰς σὺν τετάρτῳ, hoc eſt, dimidiato milliarenſi vel duodecim follibus, quæ quarta & viceſima pars ſolidi erat, *filiquam* dicerent. Iſidorus lib. xvi. cap. xxiv. *Siliqua viceſima quarta pars ſolidi eſt, ab arboris ſemine vocabulum tenens*. Ant. Auguſtinus nummi genus eſſe putat. Scaliger ſpeciem argenteam nummi. Hotomannus ex male intellecto Iſidoro argenteum nummum facit lunæ creſcentis ſive cornutæ nota ſignatum. Salmaſio fuere minutuli nummi aurei eodem nomine

ac pondere, quæ *siliqua* latinis, κερσίπα Græcis. Immo numquam tam minutuli nummi ex auro Romanis fuere : sed duodecim folles dicebant *siliquam*. Clare Iustinianus in legibus rusticis : κερσίπον ἐν ἧγεν φόλοι δαΐδεκα. Instrumentum plenæ securitatis : in auro solidos *quadragenta & quinque & siliquas viginti tres aureas* : id est, c c l x x v i folles, undecim milliarenfes & dimidiatum. Desunt folles duodecim seu dimidium milliarenfis ad complendum quadragesimum sextum solidum. In eadem : *Plictori vetere siliquas quatuor aureas*, id est, x l v i i i folles, milliarenfes duos. Loquitur autem de *pictura vetere*, opinor. Atque ita emendandum. Rursus : *Arca clave clausa valente siliquas duas*. hoc est, milliarensem, folles viginti quatuor. Mox : *Falce missuria (messoria) valente siliqua aurea una*, id est, duodecim follibus. Item : *Sarica una vetere tinctizia valente siliquas aureas tres*. Accipe folles x x x v i, milliarensem & dimidium ejus. Statim : *Camisia valente siliquas aureas sex*. Folles l x x i i, tres milliarenfes. Georgius Cedrenus in Leone Isauro : Ἰδὼν ᾧ ὁ βασιλεὺς τὰ τεῖχη τῆς πόλεως πωθέντα, διελάλησε λέγων· ὅτι ὑμεῖς οἱ τῆς πόλεως ἀδυνατεῖτε τὰ τεῖχη κτίζειν, ἀλλὰ προσεζαχάρη τοῖς διοικηταῖς τῶν θεμάτων ἀπατεῖν εἰς τὸ κανόνα καὶ νόμισμα μιλιαρίσπον ἐν· καὶ λαμβάνει αὐτὸ ἡ βασιλεία, καὶ κτίζει αὐτὰ. Κανὼν δὲ τὸν ἀπὸ

ἀπεκράτησεν ἡ σωήθεια, παρέχειν τὰ δικέρατα τοῖς διοικηταῖς. Κεράτια ἧ αἰ ἰβ φόλεις ὠνομάθησαν. Dicit in solidum pendi milliarensem unum : pro eo mox δικέρατον, id est, duas siliquas : qui quatuor & viginti folles : nam siliqua folles duodecim. Anastasius Bibliothecarius verba Leonis ita reddit : *nos precipimus administratoribus, & ipsi exigent in regulam per singulos aureos nummum argenteum unum, quo imperium accepto edificavit muros : & ita facta est consuetudo dandi binas siliquas administratoribus.* Nummus ille argenteus milliarensis : nec quidquam aliud bina siliqua, quæ appellabantur ratione auri, solvebantur autem in argento aut ære. Quum vero ait : Κεράτια ἧ αἰ ἰβ φόλεις : intellige ἑκάστη, siue singula : ut quum Varro : *Asses erant libras pondo.* Quod quum non veniret in mentem Gretsero, jubebat legi, κεράπον, lib. II. Variar. cap. VII. Mox rursus Gedrenus in fabula, quam subjungit de Numa : ἐλάμβανεν ἐξ ἑκάστη ᾧ δὸτὸ ἔπαλαις ῥογδομεύων φόλεις ἰβ, ἧτοι κεράπον ἐν. Si auri materia constitisset siliqua, non eam attribuisset Numæ, quem alibi ἀσάρεα δὸτὸ ἀσημίς καὶ χαλκῷ, ex argento & ære, non ex auro fecisse fabulatur. Magnus Cujacius lib. XVI. Obser. toto capite docet *siliquaticum* dictum vectigal, quod ex qualibet mercium negotiatione nundinis fisco in solidos singulos venditor di-

dimidium filiquæ & emptor alterum dimidium inferret : quæ esset ea *filiqua*, explicare non potuit. Vis etiam redigi ad nostram pecuniam? Milliarensis decem stufferi. Decem stufferorum sunt octoginta chalci. Milliarensis folles habet viginti quatuor. Ergo chalci octoginta si per folles quatuor & viginti dividantur, unicuique folli venient tres & triens : nam ter vicena quaterna sunt septuaginta duo : restant octo, quæ ter ducta conficiunt viginti quatuor. Follis igitur tres chalci triens : tres folles, decem chalci, stufferus & quadrans : sex folles, viginti chalci, duo stufferi semis : hoc dimidium *filiquæ* : duodecim folles, quadraginta chalci, quinque stufferi : hæc *filiqua*. Theodosii lex est sub titulo de Usuris, qua vetat ultra centesimam jure permissam aliquid sub occasione necessitatis eruere sceneratores. Antiquus interpretes explicat : *Si quis plus quam legitima centesima continet, id est, tres filiquas in anno per solidum amplius, a debitore sub occasione necessitatis accipere vel auferre præsumpserit*, id est, milliarensem & partem ejus dimidiam, xxxvi folles. Hanc octavam solidi partem dicit Novella cvi, calculatores *sestunciam*. nimirum octies triginta sex sunt cclxxxviii, quot folles habet solidus : octo milliarenses & octo dimidiati ; conficiunt integros duodecim, qui eorum in solido numerus. Sic

igitur centum solidi pariunt filiquas trecentas, hoc est, CL milliarenfes : qui conficiunt solidos duodecim & dimidiatum : nam duodecim solidi præcise CXLIV milliarenfes. Sed hoc non attendit auctor numeri rotundi causa, & quia per filiquas commodius centesimam efficere non poterat. G. Agricola statuisse ait Theodosium de quocumque nummorum genere : itaque miratur Scholiasten ad aureum solidum retulisse, & unicum aureum nemini fœnori dari solere objicit. Nimirum non succurrit viro doctissimo, quod diximus, omnes tum publicas privatasque rationes ad solidum referri solitas, & æs quoque atque argentum partibus solidi appellatum; præterea hic in uno ostendi solido, quid in quantacumque summa fieri liceret. Dein disputat contra eundem tres filiquas non centesimam, sed sextam & nonagesimam solidi partem esse. Quod verum est : sed cogitare debuit, quam ipse abhorreret a numero rotundo, tam illum veteres amasse. Idem adversus Alciatum movet Augustinus, censetque id egisse interpretem, ut vel quasi majorem centesima illam trium filiquarum usuram notaret, vel sui temporis usuram, quæ non multum aberat a centesima, pro centesima interpretaretur. Sed neutrum verba ejus patiuntur, qui plane *tres filiquas continere centesimam*, & qui hoc plus

plus accipiat vel auferat, eum pœnæ subjacere pronunciet. Novella Majoriani de curialibus : *ita ergo prædicta summa* (semissis solidi) *inter compulsores partienda est, ut Palatino siliquam mediam pro siliquatico solidi remunerationis binorum solidorum, exactor siliquam ; quatuor autem siliquas tam curialis quam officium provinciale percipiat ; officium sane præfectorum sex semisiliquas consequatur.* Palatino concedit *mediam siliquam*, hoc est, folles vi, milliarenسيس quadrantein : exactori *tantundem* : Curiali *quatuor siliquas*, hoc est, milliarenسيس duos, xlviii folles : *tantundem* officio provinciali : officio præfectorio *sex semisiliquas*, seu tres siliquas, folles xxxvi, sesquimilliarenسيس. Sunt omnes siliquæ duodecim, milliarenسيس sex, folles cxlv : qui solidi semis. Ex quo calculo apparet exactori non *siliquam*, sed *siliquam mediam* vel *semisiliquam* tribuendam esse, ut numerus constet.

Hæc quoque me de re nummaria veterum addidisse sufficiat. Si non sunt *ἀγλαῖα*, *ὀλόκληρα*, at serenas noctes, & sæpe demorfos ungues, & illum Galbæ a commentando colorem, illos oculos, cum male mulcatis, non anagnostis aut librariis, sed chartis, palimpsestis, calamis, stilis & infestis & inversis pleraque facile præferunt. Neque me pœnitet, quod nimix in scribendo curæ arguor. Ego eam solam curam nimiam pu-

to, quæ aut cacoze los aut ignavos faciat. Aliam omnem debent homines prudentes reverentiæ & præsentium & posteritatis iudiciorum. Hac quoque lima cruciatis scriptis multa fortuna intervenit: quid quæ projiciuntur ac vomuntur? Et tamen plus parte tertia libri, jam moto prælo, jam trepidantibus operis, in summis temporis angustiis, die omni inter publicas privatasque recitationes & officia urbana exacto, matutinis vigiliis aut horis, quibus olim corpus curabant, his quoque sæpe impeditis exemptisve, minutatim ac guttatim natum est. Hæc in contrarium potius vereor, ut satis multa dies satisque multa litura pleraque coercuerit; ne passim fidentius quam intentius egisse videar. Ergo utrinque est, unde sanguis invidiæ mittatur. Lector æquus & candidus neutrum in culpam trahet, sed ita nos amabit, ut studiis suis sive curam nostram sive subita profuisse sentiet.

L. VOLVSI MÆCIANI IC.
DISTRIBVTIO

ET

BALBI MENSORIS
DEASSE.

Divi Fratres in L. XVI. D. de
Iure patronatus.

Sed & Volusius Macianus amicus noster, ut & juris civilis prater veterem & bene fundatam peritiam anxie diligens, religione rescripti nostri ductus, sicut nobis adfirmavit.

Iulius Capitolinus in Marco.

Studuit & juri, audiens L. Volusium Macianum.

Iulius Frontinus de Coloniis.

Huic addenda sunt mensura limitum & terminorum ex libris Augusti & Neronis Caesarum: sed & Balbi mensoris; qui temporibus Augusti omnium provinciarum formas & civitatum mensuras compertas in commentarios contulit, & legem agrariam per universitatem provinciarum distinxit ac declaravit. Fabius Calvus, qui fragmentum hoc de Asse, Hippocrati suo adjectum, publici juris fecit, pollicetur se, si vita suppeditet, totum ejus opus de agrimensoria & numerorum ratiocinatoria, cum Vitruvii, Plinii, Capella commentariis editurum. Fuit igitur Balbus mensor: etsi sint, quae aetatem ejus dubiam facere possint.

VOLVSII MÆCIANI
I VRISCONSULTI

D I S T R I B V T I O.

ITEM VOCABVLA AC NOTÆ
PARTIVM IN REBVS PECVNIA-
RIIS, PONDERE, NVMERO,
MENSURA.

SÆpenumero, Censor, anim-
adverti ægre ferentem te, quod
Assis distributionem, & in hæ-
redum institutione & in aliis
multis necessariam, ignotam
haberes. Quæ ne tam exigua res ingenium
tuum ullo modo moraretur, cum partes
ipsas, tum vocabula & notas proponendas
existimavi. Et deprehendes distributionem
quidem partium infinitam, oppido autem
quam exigua vocabula ac notas. Prima di-
visio solidi, id est, libræ, quod *As* vocatur,
in duas partes dimidias diducitur. Pars di-
midia *Semis* vocatur. nota ejus S. Sequens
divisio fit in tres tertias partes. pars tertia
Triens vocatur. nota ejus \equiv . Sequitur di-
visio in quatuor quartas partes. pars quarta
Quadrans vocatur. nota ejus \equiv . Deinceps
fit divisio in sex sextas partes. sextæ partis
nomen est *Sextans*. cujus nota est — . Dein-

de dividitur in octo octavas, quæ *Sescuncia* vocantur. quarum nota est $\text{S I. C} - \text{S.}$ Item in novem nonas. Nona pars vocatur *Vncia duæ sextulae*. nota $-\text{N.}$ Dividitur item *As* in duodecim partes duodecimas. vocantur singulæ, *Vncia*. cujus nota $-$. Hæc, velut elementa primæ de *Asse* distributionis, æqualitatem servant. Si quid quibusdam earum detrahas, vel conferas, fient dispares. Quare si quadranti sextantem vel trienti unciam applies, facies *Quincuncem*, qui constat ex quinque unciis, hoc est, quinque duodecimis. nota *Quincuncis* $\text{= - C} = \text{= I.}$ Si semissi applies unciam, vel quincunci sextantem, vel trienti quadrantem, efficies *Septuncem*, hoc est, septem duodecimas. nota septuncis S - . Si septunci applicueris unciam, vel semissi sextantem, vel quincunci quadrantem, vel trienti tantundem, facies *Bessem*, id est, duodecimas octo. nota bessis S - C - S - . Si bessis applicueris unciam, vel septunci sextantem, vel semissi quadrantem, vel quincunci trientem, *Dodrantem* efficies, hoc est, novem duodecimas. nota dodrantis SZ. C S - . aut S - I. Si dodranti applicueris unciam, vel bessis sextantem, vel septunci quadrantem, vel semissi trientem, vel quincunci tantundem, facies *Dextantem*, hoc est, decem partes duodecimas. nota dextantis S - - . Si

- dex-

dextanti applicueris unciam, vel dodranti sextantem, vel beſſi quadrantem, vel ſeptunci trientem, vel ſemiſſi quincuncem, facies *Deuncem*, hoc eſt, undecim duodecimas. nota deuncis S = =. C S = =. > Ex his apparet, in quas patres æqualiter; in quas diſpares *As* dividatur. Quo tamen facilius & memoria res teneatur, ſumma diſiſionis hæc eſt. In *Aſſe* ſunt uncix decem duæ, hoc eſt, partes duodecimæ duodecim: uncix & binæ ſextulæ novem, hoc eſt, novem nonæ: ſeſcuncix octo, id eſt, octo octavæ: ſextantes ſex, id eſt, ſex partes ſextæ: quadrantes quatuor, id eſt, quatuor partes quartæ: trientes tres, id eſt, tres partes tertiæ: ſemiſſes duo, id eſt, duæ partes dimidiæ. Cæteræ partes inæqualem faciunt diſiſionem. In *Deunce* ſunt uncix undecim, ſextantes quinque & uncia, quadrantes tres & ſextans, trientes duo & quadrans, quincunces duo & uncia, ſemis & quincunx, ſeptunx & triens, bes & quadrans, dodrans & ſextans, dextans & uncia. deſt aſſi uncia. In *Dextante* ſunt uncix decem, ſextantes quinque, quadrantes tres & uncia, trientes duo & ſextans, quincunces duo, ſemis & triens, ſeptunx & quadrans, bes & ſextans, dodrans & uncia. deſt aſſi ſextans. In *Dodrante* ſunt uncix novem, ſextantes quatuor & uncia, quadrantes tres, trientes duo & uncia, quincunx

cunx & triens, semis & quadrans, septunx & sextans, bes & uncia. deest assi quadrans. In *Besse* sunt uncia octo, sextantes quatuor, quadrantes duo & sextans, trientes duo, quincunx & quadrans, semis & sextans, septunx & uncia. deest assi triens. In *Septunce* sunt uncia septem, sextantes tres & uncia, quadrantes duo & uncia, triens & quadrans, quincunx & sextans, semis & uncia. deest assi quincunx. In *Semisse* sunt uncia sex, sextantes tres, quadrantes duo, triens & sextans, quincunx & uncia. deest assi alter semis. In *Quincunce* sunt uncia quinque, sextantes duo & uncia, quadrans & sextans, triens & uncia. deest assi septunx. In *Triente* sunt uncia quatuor, sextantes duo, quadrans & uncia. deest assi bes. In *Quadrante* sunt uncia tres, sextans & uncia. deest assi dodrans. In *Sextante* sunt uncia duæ. deest assi dextans. Huc usque divisio majorum, ut ita dictum sit, partium & celebris & nota est: sed quum in se natura infinitam partiendi præstet facultatem, succedit *Vncia* quoque (quæ est assis, ut supra dictum est, pars duodecima) divisio, non tam celebris quidem, sed tamen non adeo ignota. Ut *Assis*, ita *Vncia* prima divisio fit in duas partes dimidias, quæ vocantur *Semuncia*. nota semuncia L . Item dividitur uncia in tres partes, quæ vocantur *Bina sextula*. nota binarum

narum sextularum \mathbb{W} . Item dividitur uncia in quatuor *Sicilicos*, id est, quatuor quartas. nota sicilici \mathcal{D} . Item in *Sextulas* sex, id est, sex sextas. nota sextulæ \mathbb{X} . Item in duodecimas duodecim, quas singulas partes *Dimidias sextulas* vocamus. nota dimidiæ sextulæ \mathbb{X} . Item in *Scriptula* viginti quatuor. scriptuli nota \mathbb{X} . Est autem assis *semuncia* pars vicesima & quarta: *duæ sextula*, pars tricesima sexta: *sicilicus*, quadragesima octava: *sextula*, septuagesima secunda: *dimidia sextula*, centesima quadragesima quarta: *scriptulum*, ducentesima octogesima octava. *Semuncia* habet sicilicos duos, sextulas tres, dimidias sextulas sex, scriptula duodecim. *Duæ sextula* habent sicilicum & dimidiam sextulam, sextulas duas, dimidias sextulas quatuor, scriptula octo. *Sicilicus* habet sextulam & dimidiam, dimidias sextulas tres, scriptula sex. *Sextula* habet dimidias sextulas duas, scriptula quatuor. *Dimidia sextula* habet scriptula duo. Has quoque partes in quantumlibet dividere possis: verum infra eas neque notas neque propria vocabula invenies. Præterea dimidium scriptulum audio quosdam ratiocinatores *Simplium* vocare: quod erit totius assis quingentesima septuagesima sexta. Quam & ipsam partem infinito separare possis. Nec mirum, si infra has partes partitio facta & nominibus & notis caret, quum

etiam

etiam inter partes superiores primasque divisiones pleræque partes & nominibus & notis careant. Statim namque undecim undecimæ assem efficiunt : nec aut nomen proprium aut notam habent. Perinde decem decimæ. Nam nona assis facit *Vnciam duas sextulas*. Octava, ut supra redditum est, *Sescuncia* vocatur. Septem septimæ, quæ & ipsæ assem implent, nec nomen proprium nec notam habent. Sextæ *Sextantes* vocantur. Ne quintæ quidem aut nomen proprium aut notam habent. Iam vero tertias, *Trientes* ; quartas, *Quadrantes* ; sicut duodecimas, *Vncias*, vocari ostensum est. Infra has cæteræ usque ad sextam decimam nomine proprio notaque carent : sed sexta decima, *Semuncia sicilicus*, vocatur. Nam sedecim semunciæ, octo sunt uncia : sedecim sicilici, quatuor uncia fiunt ; junctæ unciis octo assem implent. Septimadecima deinde interjecta nomine notaque caret. Octavadecima vocabitur *Semuncia sextula*. nam hæ decies octies ductæ assem efficiunt. Post has inferiores partes (excepta semuncia, duabus sextulis, sicilico, sextula, dimidia sextula, scriptulo) neque vocabula propria neque notas habent. *Centesima*, quæ commodi aut usurarum nomine ad sortem applicaretur, sicilico, id est, C averso, eo notari ; quod quum C centum significaret, convertebatur ad

ad eam summam, cujus centesima futura erat: & siue una convenerat, unus sicilicus; siue plures, tot sicilici ponebantur. Sicut autem *Affis* appellatio ad rerum solidarum hæreditatisque totius, divisio autem ejus ad partium demonstrationem pertinet: ita & ad pecuniam numeratam refertur: quæ olim in ære erat, postea & in argento feriri cœpit, ita, ut omnis nummus argenteus ex numero æris potestatem haberet. Eo in numero sunt hi argentei nummi: *Denarius*, cujus est nota X: *Quinarius*, cujus est nota V: *Sestertius*, cujus nota est HS. *Victoriatus* enim nunc tantundem valet, quantum *Quinarius* olim, ac peregrinus nummus loco mercis, ut nunc tetradrachmum & drachma, habebatur. *Denarius* primo asses decem valebat, unde & nomen traxit. *Quinarius*, dimidium ejus, id est, quinque asses; unde & ipse vocatur. *Sestertius* duos asses & semissem, quasi semis tertius, Græcâ figura, ἑξάδομον ἡμιστάλαντον nam sex talenta & semitalentum eo verbo significantur. Lex etiam duodecim tabularum argumento est, in qua duo pedes & semis, *sestertius pes* vocatur. Nunc *Denarius* sedecim, *Victoriatus* & *Quinarius* octo, *Sestertius* quatuor asses valet. Infra quam divisionem sequitur alia quædam subdivisio, notas æque ac propria vocabula habens. Quare si ad denarium rationem conficias,

assem

2811a.
 192 x 281192
 192 x 281192

assem hac nota scribas $\times \text{L} \text{D}$, ac voces *Semuncia sicilicus*. semunciæ enim sedecim & sicilici sedecim assem efficiunt. Dupondium hac nota scribas $\times - \text{L}$, & voces *Sescuncia*. nam sedecim sescunciæ dupondium efficiunt. Treffis hac nota scribas $\times = \text{D}$, ac voces *Sextans sicilicus*. æque enim sedecim sextantes totidemque sicilici tres asses efficiunt. Quatrullis hac nota scribas $\times = -$, vocesque *Quadrans*. sedecim enim quadrantes quatrullis efficiunt. Quinques hac nota scribas $\times = - \text{L} \text{D}$, vocesque *Quadrans semuncia sicilicus*. nam sedecim quadrantes ac totidem semunciæ sicilicique faciunt quinques. Sexis hac nota scribas $\times = = \text{L}$, nominesque *Triens semuncia*. æque enim trientes & semunciæ sedecies ducti sexis efficiunt. Septus hac nota scribas $\times = = \text{D}$, ac nomines *Quincunx sicilicus*. simili enim modo quincunces ac sicilici multiplicati septus efficiunt. Octus hac nota scribas $\times \text{S}$, ac nomines *Semis*. quibus eodem modo multiplicatis, octus reperies. Nonus hac nota scribas $\times \text{S} \text{L} \text{D}$, appellesque *Semis semuncia sicilicus*, ut semissem hac quoque notam, quæ vocatur Semis semuncia sicilicus, multiplicatum nonus invenies. Decus hac nota scribas $\times \text{S} - \text{L}$, atque nomines *Septunx semuncia*. septuncem quoque ac semunciam totiens si duxeris, decus efficies. Undecias hac nota scribas $\times \text{S} = \text{D}$, appellesque

lesque *Bessicilicus*. nam bessicilici totiens ducti, undecieris efficiunt. Duodeciaes hac nota scribas $\times S \text{ -- } \text{—}$, ac voces *Dodrans*. dodrantes eodem modo computati duodeciaes efficiunt. Tredeciaes hac nota scribas $\times S \text{ -- } \text{—} \text{—} \text{—}$, vocesque *Dodrans semuncia sicilicus*. dodrantibus semunciis sicilicis eadem ratione multiplicatis tredecim asses efficies. Quatuordeciaes hac nota scribas $\times S \text{ -- } \text{—} \text{—} \text{—}$, ac voces *Dextans semuncia*. dextantes semunciaeque sedecim æque quatuordeciaes efficiunt. Quindeciaes hac nota scribas, $\times S \text{ -- } \text{—} \text{—} \text{—} \text{—}$, ac appelles *Deunx sicilicus*. deunx quoque ac sicilicus sedecies ducti quindecies efficiunt. Ingeniosissime autem, quum ad denarium ratio conficeretur, excurrentis æris nota inventa est, quæ sedecies multiplicata id efficeret. Namque cum denarii nota præscribatur, eique subjungatur æris excurrentis nota, manifestum est, eam sedecies ducendam ex adnotatione denarii. Ad quinarium & victoriatum rationem Romæ confici nescio: quemadmodum tamen, si velis, conficias, facilius apparebit, si prius inspexeris, ad quem modum sestertiaria ratio conficiatur. tunc enim vel excurrentis æris licet exemplum denariaræ rationis dimidiam duces, vel sestertiariam duplicabis. Ad sestertium ratio si conficiatur, semis hac nota scribitur — T : vocatur *Libella teruncius*.

Est

Est autem *Libella* festerii decima pars, *Teruncius* quadragesima: quæ duæ partes junctæ, octavam festerii, id est, semissem, efficiunt. Nam octo libellis, id est, octo decimis, teruncii octo, id est, octo quadragesimæ, (quæ fiunt quatuor vicesimæ, hoc est, duæ decimæ) adjectæ complent festerium. Sunt enim in festerio *Libellæ* decem, *Singulæ* viginti, *Teruncii* quadraginta. Infra semissem nemo rationem temere festeriariam ducit. Potest tamen. nam quadrans, qui est pars sextadecima festerii, poterit notari *Singula*, quæ est vicesima festerii, & *dimidio teruncio*, qui est octogesima festerii. nam utraque hæc pars junctæ efficit sextamdecimam. As notari debet $\text{—} \text{S}$. hæc ad festerium nota vocatur *Duæ libellæ singulæ*: fiunt duæ decimæ & vicesima, hoc est quarta pars festerii. nam quater binæ libellæ, octo fiunt decimæ: quatuor singulæ, quatuor fiunt vicesimæ, hoc est, duæ decimæ, quæ superioribus junctæ, festerium complent. As semis notari debet $\text{—} \text{S} \text{T}$. vocatur *Tres libellæ singulæ teruncius*: & sunt tres decimæ, una vicesima, una quadragesima, hoc est, quarta & octava festerii. Superfunt octavæ quinque, id est, semisses quinque, ut compleant festerium. Dupondius hac notæ *S*. vocantur *Quinque libellæ*, quæ sunt quinque decimæ. hæ duplicatæ festerium

tium

tium implent. Dupondius semis hac nota S—T. vocatur *Sex libellæ teruncius*. Sunt autem sex decimæ & quadragesima, id est dimidia & octava totius. Supersunt octavæ tres, id est, semisses tres, ut sestertium compleant. Treffis hac nota, S—Σ. Vocatur *Septem libellæ singula*. Sunt autem pars dimidia & duæ decimæ & vicesima, hoc est, pars dimidia & quarta. Desunt duæ octavæ, id est, quarta, quæ juncta impleat sestertium. Treffis semis hac nota S—Σ T. vocatur *Octo libellæ singula teruncius*. Sunt pars dimidia & tres decimæ & vicesima & quadragesima, hoc est, pars dimidia & quarta & octava. Superest octava, quæ adjecta sestertium compleat. *Libellæ* dicta creditur, quasi pusilla libra. Nam quum olim *Asses* libriles essent, & *denarius* decem asses valeret, & decima pars denarii libram, quæ eadem as erat, *singula* selibram quæ eadem semis erat, *teruncius* quadrantem haberet; sive denariaria, sive sestertiaria ratio conficeretur, iisdem notis, id est, libellarum & singularum & terunciorum, præposita nota denarii vel sestertii, ut erat ratio, æra exprimebantur. Posteaquam in sedecim asses denarius distributus est, denariaria ratio expeditius confici cœpit, ut supra dictum est; sestertiaria mansit sub iisdem notis, aucta tamen computatione. Hæc quoque *Libellæ*, exemplo

majorum, in duos velut semisses, qui *Singula* vocantur, & quatuor velut quadrantes, qui *Teruncii* vocantur, dividitur. Ponderis eadem divisio quæ æris. nam in quas partes *as* dividitur, in has & *Libra* dispenditur. Ita *As* quidem seu de divisione solidi, seu de pondere, seu de numerata in ære pecunia agatur: *Libra* autem in pondere; *Nummi* vero *argentei* in pecunia, forma publica dumtaxat, nomen accipiunt. Mensurarum liquoris atque grani expeditior & forma & appellatio est. nam *Quadrantal*, quod nunc plerique *Amphoram* vocant, habet *Vrnas* duas, *Modios* tres, *Semodios* sex, *Congios* octo, *Sextarios* quadraginta octo, *Heminas* nonaginta sex, *Quartarios* centum nonaginta duos, *Cyathos* quingentos septuaginta sex. Notæ mensurarum. Quadrantal ϕ^1 . Ad granum U. *Vrnæ* ϕ^1 . *Heminæ* ψ . *Sextarii* ad vinum D. *Semodii* θ^1 . *Cyathi* τ i. *Congii* ξ . *Modii* θ^1 . *Quartarii* \dagger θ .

B A L B V S

A D C E L S V M

D E A S S E

MINVTISQVE EIVS PORTIVN-
CVLIS.

Vicquid unum est, & quod ex integrorum divisione remanet, *Asses* ratiocinatores vocant. Quotquot ergo de integra divisione singulares res unitatesve remanebunt, totidem *asses* erunt: si unitas una remanebit, unus erit *assis asve*; si duæ, duo; si plures, plures erunt *asses*. Sed quia A pauciores inter æquales æqualiter dividi non possunt, nisi in minutias, quemadmodum dictum est, secantur; oportet eum, qui docet, ostendere, quibus rationibus ab integris deriventur minutiae. *Assis* quidem *asve* in duas partes sectus sex principales generat divisiones, quibuslibet binis partibus toti suo æquatus, & ejusdem sui totus constitutus. Aut enim *assis* altera pars est *deunx*, altera *uncia*: aut altera *dextans*, altera *sextans*: aut altera *dodrans*, altera *quadrans*: aut altera *beffis*, altera *triens*: (sic enim potius dicendum est quam aut *bes* aut *des*, quoniam binas ex tribus *assis* partes sibi vindicat) aut

altera *septunx*, altera *quincunx*: aut utræque partes erunt *semis*. Harum omnium partium nullæ parem quantitatem habent, præter duas ultimas, quemadmodum patuit. Principales ideo dicuntur hæ partes, quoniam unaquæque illarum & in alias partes dividitur, quæ secundariæ sunt ad totum. Omnis enim pars partis, totius pars est. Quod diximus, explanandum est. Cujuslibet integræ rei in duodecim partes divisæ semper duodecima pars *Vncia* dicitur, sexta vero *Denix*: & hæ sunt partes primæ divisionis. Hæc de assis partibus tractamus, nisi eo modo, quo simpliciter sunt partes, ut integri totius. Species enim illius innumerabiles sunt. nam quotquot sunt integræ unitates, totidem necesse est intelligi assis esse species. Earum unitatum quælibet divisæ in æquales partes sextam habebit *sextantem*, reliquas *E dextantem*. ergo sic potest dividi: pars una assis *dextans*, altera *sextans*. Item cujuslibet rei integræ in quatuor partes æquales divisæ quarta pars *quadrans* vocabitur, reliquæ *do-drans*. Item cujuslibet rei in tres partes divisæ, duæ illarum *beffis* nominabitur, reliquæ *triens*. Rursus cujusvis rei divisæ in tales duas partes, quarum altera alteram septima sui totius parte superat, *septunx* nuncupabitur, superata *quincunx*. Sexto modo res aliqua integra in duas æquales minutias se-
para-

paratur, quæ utræque *semis* dicuntur. Septima divisio his adjungi potest: nam rei integre in octo partes distributæ pars quælibet ex aliis sine aliis considerata *fescuncia* dici potest, reliquæ *semuncideunx*. Licet assis plures sint divisiones, tamen his septem numerarii ratiocinatores magis utuntur, & pars illa, quæ est *semuncideunx*, in frequenti usu non est; unde characterem non habet, quo designetur. As ergo habet unum *deuncem*, unum *dextantem*, unum *dodrantem*, unum *beffem*, unum *septuncem*, duos *semisfes*, duos *quincunces*, tres *trientes*, quatuor *quadrantes*, sex *sextantes*, octo *fescuncias*, duodecim *uncias*. Et, uncia ablata de asse remanet *deunx*: sublata uncia de deunce remanet *dextans*: sublata uncia de dextante remanet *dodrans*: sublata uncia de dodrante remanet *beffis*: sublata uncia de beffe remanet *septunx*: sublata uncia de septunce remanet *semis*: sublata uncia de semisse remanet *quincunx*: sublata uncia de quincunce remanet *triens*: sublata uncia de triente remanet *quadrans*: sublata uncia de quadrante remanet *sextans*: sublata uncia de sextante remanet *uncia*: sublata semuncia de sextante remanet *fescuncia*, hoc est, uncia & dimidia: sublata semuncia de fescuncia remanet *uncia*. Et uncia quidem sic dividitur: unciæ pars alia *semuncia*, alia *diuella*, alia *sciliquus*, alia

sextula, alia *drachma*, alia *hemisefcla*, alia *tremissis*, alia *scripulus*, *scrupulusve*. *Semuncia* quidem est medietas uncix, *duella* tertia pars, *sciliquus* quarta, *sextula* sexta, *drachma* octava, *hemisefcla* duodecima, *tremissis* sextadecima, *scrupulus* quarta & vigesima. Quare *tremissis* continet scrupulum & dimidium, *hemisefcla* duos scrupulos, *drachma* tres, *sextula* quatuor, *sciliquus* sex, *duella* octo, *semuncia* duodecim, *uncia* quatuor & viginti, *fescuncia* sex & triginta, *sextans* octo & quadraginta, *quadrans* duos & septuaginta, *triens* sex & nonaginta, *quincunx* centum & viginti, *semis* centum & quatuor & quadraginta, *septunx* centum & octo & sexaginta, *beffis* centum & duos & nonaginta, *dodrans* ducentos unum & viginti, *dextans* ducentos & quadraginta, *deunx* ducentos & quatuor & sexaginta, *As* ducentos & octo & octoginta.

N O T Æ

A D B A L B V M.

A *Q*uia pauciores inter aequales] Scribo, pauciora.

B. *Æquatus & ejusdem sui totus constitutus*] Fortasse; quibuscumque binis partibus toti suo æquatus, & ejusdem sui totius constitutrices. Nempe divisiones.

C. *Vncia dicitur, sexta vero deunx*] Falsum deuncem esse partem assis sextam, quæ sextans dicitur. Legendum: *cætera vero deunx*. Ut mox: *reliquas dextantem*, reliquæ dodrans &c. Nisi fuit: *undecim vero deunx*: nam *sexta* ex v i, quod pro x i fecellerat, ortum potest videri. Parique mendo laborat finis.

D. *Nisi eo modo*] Forte: non nisi eo modo.

E. *In æquales partes sextam*] Non profecto in qualvis æquales partes, sed in sex æquales partes: sive majoris ponere: in æquales partes sex, sextam habebit sextantem. Uti mox: in quatuor partes æquales divisa: &, in tres partes divisa.

F. *Reliquæ triens*] Scribo: reliquæ triens. Vnam enim tertiam designat. At cum dixit, *reliquas dextantem*, intellige quinque sextas: *reliquæ dodrans*, tres quartæ: *cætera*

deunx, undecim duodecimæ. Sic statim :
superata quincunx, inquit, non *superata*.

G. *Pars qualibet ex aliis sine aliis*] Opinor,
ex illis. nempe octavis.

H. *Dodrans ducentos unum & viginti*] Im-
 mo, *dodrans ducentos sedecim*. Tot enim
 sunt, si centum nonaginta duobus scriptu-
 lis, quot habet bes, viginti quatuor addas :
 nec aliter dextans, rursus viginti quatuor
 additis, CCXL potest habere. Pro CCXVI
 librarius accepit CCXXI.

PASCA.

PASCASII GROSIPPI

Sive

GASPARI SCIOPPII

TABVLÆ NVMMARIÆ

REI ANTIQVÆ

ad veriolem sententiam correctæ.

T A B V L A I.

Sestertii Nummi.

Sestertius.

1	Valet asses seu bajoccos.	$2\frac{1}{2}$
2		5
3		$7\frac{1}{2}$
4	- - -	10 - id est, denarium seu Iulium, seu Regalem.
5		$12\frac{1}{2}$
6		15
7		$17\frac{1}{2}$
8	- - -	20 - id est, duos denarios, seu Iulios, seu Regales.
9		$22\frac{1}{2}$
10		25
20		50
30		75
40	- - -	100 - id est, decem denarios, sive unum scutaturn, aut ducatonum aut philippeum.
50		125
60		150
70		175

890

80 - - - -	200-id est 20 denarios seu duos scutatos.
90	225
100	250-id est, 25 denarios, five aureum Romanum.
200	500-id est 5 scut. ducat. philippeos.
300	750 five scutatos 7 & dimidium.
400 - - - -	1000 id est 10 Scutatos.
500	1250 id est 12 scut. & dimidium.
600	1500-id est 15 Scut.
700	1750-id est 17 Scut. & dimidium.
800 - - - -	2000-id est scut. 20.
900	2250-id est, scut. 20 & dimidium.
1000	2500-id est scutatos 25.

T A B V L A II.

Sestertia.

Sestertia duo, vel duo sestertia nummum, vel duo millia nummum, vel duo millia sestertium.

2 Valent Scutatos	50
3	75
4	100
5	125
6	150
7	175
8 - - - -	200
9	225
10	250
20	500
30	750

40 - - - -	1000	
50	1250	
60	1500	
70	1750	
80 - - - -	2000	
90	2250	
100	2500	Hoc sic effertur: Debet mi-
200	5000	hi centum, debet cen-
300	7500	tum sestertia, debet cen-
400 - - - -	10000	tum millia sestertium.
500	12500	Debet quadringenta, de-
600	15000	bet quadringenta millia
700	17500	nummum, debet qua-
800 - - - -	20000	dringenta millia fester-
900	22500	tium.
1000	25000	

T A B V L A III.

Decies Sestertium &c.

Cum adverbiiis semper subauditur aliud adverbium,
nempe centies, & in Sestertium subauditur pondus
argenti, ut & præcedenti tabula in Sestertia.

Decies,	vel Decies sestertium, vel decies centena millia H S. valet scutat. millia	25
Vndecies	valet scut. seu ducato- num millia	27 & 500
Duodecies	millia	30
Tredecies		32 & 500
Quaterdecies		35
Quindecies		37 & 500

Sedecies - - - - -	40	
Decies septies	42 & 500	
Decies octies	45	
Decies novies	47 & 500	
Vicies, vel Vicies H S. -	50	
Tricies	75	
Quadrages - - - - -	100	Germanis dicitur tonna.
Quinquagies	125	
Sexagies	150	
Septuagies	175	
Octogies	200	Germanis dua tonnz.
Nonagies	225	
Centies vel centies H S.	250	
Ducenties	500	Quinque tonnz. Dimidius mil-
Trecenties	750	lio Italis.
Quadringenties	1000	Italis Millio: Ger-
Quingenties	1250	mannis Decem tonnz.
Sexcenties - - - - -	1500	Millio unus & se-
Septingenties	1750	mis.
Octingenties	2000	Milliones duo. Vi-
Nongenties	2250	ginti tonnz.
Millies H S - - - - -	2500	Million. 2 $\frac{1}{2}$, ton-
Millies decies	2525	nz 25.
Millies centies	2750	Million. duo & millia 525
Bis millies		Million. duo & millia 750.
Bis millies centies		Milliones quinque.
Tres millies		Milliones quinque & mil-
Quater millies H S		lia 250.
		Milliones septem & dimi-
		dus.
		Milliones decem.

T A B V L A IV.

Drachma seu denarii.

Drachma una sive denarius unus valet decem assibus seu bajoccis, seu cruciatis, qui sunt quatuor nummi sestertii.

Drachma seu denarii

10	Valent aureum seu scutatum, seu duatonem aut tale- rum philippeum.	1
20		2
30	- - - - -	3
40		4
50		5
60	- - - - -	6
70		7
80		8
90	- - - - -	9
100		10 - & hi valent Minam.

T A B V L A VI.

Talentum.

Talentum valet sexaginta minas, five 600 scutatos,
philippeos, ducatonos.

Talanta

2	Valent scutatos, philippeos, ducatonos	1200
3		1800
4		2400
5	- - - - -	3000
6		3600
7		4200
8		4800
9		5400
10	- - - - -	6000
20		12000
30		18000
40		24000
50		30000
60		36000
70		42000
80		48000
90		54000
100	- - - - -	60000
200		120000
300		180000
400		240000
500		300000

896

600	- - - - -	360000
700		420000
800		480000
900		540000
1000		600000



A D-

A D D E N D A.

PAG. 5. versu 1. *Iratus pariter*. Non est tamen necesse : & potest intellectam voluisse illam particulam Horatius. Vt lib. I epist. 11. *vivendi qui recte prorogat horam, Rusticus exspectat, dum defluat amnis*. Vbi frigent interpretes. Insigne exemplum ignaviæ dicit Torrentius. Non tam ignaviæ est quam stuporis ac stulticiæ. Quare autem *rusticus* magis quam urbanus? Omnino non de quovis rustico loquitur, sed sumsit hoc ex aliqua auctoris nobis ignoti fabula de agresti tam stupido, ut de fonte perenni aquam fundi putaret, quemadmodum de dolio, quod tandem exsiccatur; & quum ad rivum pervenisset, confederit opperiens, dum delapsa, ut sperabat, omnis unda siccum alveum transitui præberet. Ergo, *Rusticus exspectat*, est, moram trahit nihilo solertius, quam ille in fabula Rusticus, qui exspectabat, dum se amnis exhauriret. Ejusdem epist. x:

*quitquid negat alter, & alter :
Annuimus pariter vetuli notique columbi.*

PAG. 25, 10. frequentassent. Vitruvius l. III c. 1. *Nostri autem primo decem fecerunt antiquum numerum, & in denario decem*

asses areos constituerunt, & ea re compositio nummi ad hodiernum diem denarii nomen retinet, etiamque quartam ejus partem, quod efficiebatur ex duobus assibus & tertio semisse, sestertium nominaverunt.

PAG. 72, 25. *factis.* Cæsar lib. III de bello civili: *ad duum millium numero ex Pompejanis cecidisse reperiēbamus, evocatos centurionesque complures.*

PAG. 127, 16. *errare illos graviter* (Lipsium significat lib. II. Admir. cap. XII.) Hoc non succurrebat mihi, quum ista scriberem.

PAG. 170, 26. *generis.* Tale est Appuleji lib. II. met. *Mille, inquit, nummum deponentur tibi.* Sic enim optimus Florentinus: ubi fecerunt *nummi*, quasi necessario ita requireret verbum *deponentur*. Sed erat id dictum, ut *mille drachmarum reddita.*

PAG. 186, 16. *existimari.* Colligamus in summam pleraque superius & tribus proximis capitibus dicta, & rem totam nova luce juvemus. Quemadmodum *lignum besalterum* dixere pro *assere* vel *tabula bessem* alterum *lata*, seu *assem* unum, qui *pes*, & *bessem*, qui octo pollices, latitudinis habente:

te: sic *argentum sestertium* pro pecunia signata semissem tertium pendente, seu duas libras & selibram ponderis explente. Id ceptum in foro vocari *sestertium*, nude & sine adjectione substantivi *argenti*: ut ruri frequentatum *agrum sestertio* *vertere*; ut ad urbem in ore erat *ire*, *duci*, *portari* vel *rogo dari ad sestertium*: quum jam nemo ignoraret, quid quisque locus, quæque res, qua de agebatur, sub hoc indefinito posceret intelligi; quibus certis & finitis rebus quoque loco usus hoc genericum & infinitum attribuisse. Quoniam autem argenti libra quadringentis, duæ & selibra mille æstimabantur nummis sestertiis, palam est hoc vocabulo non prius illos uti potuisse, quam ad hanc summam nominandam perventum esset. Nec tamen statim pro hac ipsa summa singulare *sestertium* placuit, ne ambiguum foret, si diceretur *dare sestertium*, nummus an argentum intelligeretur. Sed in duplicata hac summa, quia nullum periculum erat ambiguitatis, inceptum dicere *bina sestertia* pro duobus millibus nummum: in quo apparet eo promptius vocem admissam solam sine substantivo, quia non dicebant *argenta*: commodè tamen intelligebant *pondera*: (nam argentum & pondus argenti idem :) atque hoc quoque vocabulum eo facilius transmissum, quia in tot aliis pecuniæ verbis id men-

ti mandatum lingua jamdudum lucrifecerat. Sic *tria sestertia*, sic *decem*, sic *centum* usque ad *nongenta nonaginta novem sestertia*. Quod sequebatur, *mille sestertia*, reprobatum, non quia perspicue dici non posset, sed quia, si reciperetur, videbatur eodem vocis sensu & *duo millia sestertium*, *tria millia sestertium*, &c. analogia sancire. Intercessit fuga sermonis ambigui, qui cum vitari non posset in his, si pro tot millibus ponderum bilibrium & semissium in nummorum ampliore summa valerent, quæ eadem prorsus figura, iisdem literis, eodem sono, pro tot millibus singulorum *κερμάτων* sive nummorum jam recepta erant, adeo ut solo numero *duo millia*, *tria millia*, non aliud significarent; hoc ambiguum, inquam, sermonis ne incurrerent, & hæc & radicem eorum, *mille sestertia*, extirparunt, & dilatum adhuc ad partes vocarunt *sestertium*. Hoc singulare in grandibus illis, quæ explicandæ erant, summis figi & augeri non poterat, nisi per adverbium: neque enim in nominibus invenitur vox numerum significans tam magnum, nisi in forma declinandi plurali. Adverbium igitur illud erat unicum *millies*: nam *millies sestertium* sua natura & sine figura est idem quod *mille sestertia*, nempe duo millia librarum & mille scilibræ seu quingentæ libræ: quæ continent decies centena millia nummum *sester-*

stertium. Sed hoc *millies*, plenius & figuratum, vindicavit expeditior ratio computandi ad longe altiorem gradum, nimirum *millies centena millia nummum sestertium*, subjecitque belle atque eleganter factum iri, si in præsentia eo proprio & simplici abstinerent, idque resolverent ac circumscriberent per *decies centies*; si deinde ex hoc *decies centies*, alterum, quod toties repetendum erat (nimirum *centies*) omitterent, inque omnibus adverbiiis, quibus *sestertium* multiplicaretur ad ingentes illas nummorum summas demonstrandas, intelligerent. Idque sedit ac placuit: atque inde omnes hi numerandæ pecuniæ gradus, qui sunt a *decies* usque ad *millies*, ut nunc accipiuntur, illis processere: quibus omnibus caruissent, nisi *decies* illud *sestertium* esset inventum. Pro quo denique *decies* solum suffecit. Ergo brevitatis commoditasque ratiocinandi effecit, ut pro numero argenteorum nummorum ponerent vocabulum pondus argenti, quod æquabatur tot nummis, significans, *duo sestertia*, pro duobus millibus nummum, & deinceps: cogitarent dein pro *decies centenis* millibus nummum *mille sestertia*, rursum pro hoc, siue αὐτὶ ἑξήκοντα mille sestertia *millies sestertium*: denuo αὐτὶ ἑξήκοντα *millies sestertium* in hoc gradu *decies centies sestertium*: denique ex *decies centies sestertio* pro his

omnibus pronunciarent *decies festerium & decies.*

P A G. 214, 7. studiosis ejus (forte C. Iulio Cæsare) qui renovarit.

P A G. 248, 15. Quum ista scriberem, nondum videram Villalpandum : in quo, quod posui, scriptum quidem non invenio, sed sumere hoc illum ait Savotus. Cæterum Villalpandus primum ex libra percussos vult aureos *xxxviii* cum binis quintis partibus, dein *xl*, post *xl v*, tum *xl viii*, denique quinquaginta, illapsus imprudens in illam ipsam reprehensionem, qua Agricola sententiam de gravi denario antea notaverat : id cum historiarum fide & Romanorum, ut loquitur, politia ex æquo pugnare. Primum struit ex Plinii verbis ab se interpolatis : nam pro eo, quod legitur, *quod efficit in libras*, substituit, *quod efficit in senos*. Hæc mera conjectura est, quales homini mediocriter acuto decem facile nascantur in hora ; citius tamen evanescant quam existerint. Secundum & tertium in Plinio agnosco : sed secundum justum atque ex lege monetæ, itaque hujus solius habenda ratio : tertium ex monetæ depravatione, quæ ut incerta est & vaga variaque, ac modo plus, modo minus audet ; nunc severius, nunc lenius

lenius corrigitur ; ita non debet statui principium & fons justæ æstimationis , neque inde eliciendæ statæ proportionēs inter hæc & alia metalla. Quartus exoritur ex eo , quod quidam hodie inveniuntur didrachmi. At Savotus tot visis adpensisque adseverat non semel , se omnes expertum graviores ante tempora Severi Alexandri. Dein hoc argumentum quam sit lubricum , ex solo Villalpando discendum est. Testatur , quum duos pluresve denarios appenderet , ejusdem formæ , inscriptionis , ac pæne magnitudinis , atque ita similes , ut non eodem tempore , sed eodem prorsus die percussos fuisse conjiceret , se tamen deprehendisse , illos quinis aut novenis aut denis granis pondere ab se invicem distare , quum alii ab his plus nimio differrent. Addit Lælium Pasqualinum ex multis nomismatum aureorum , argenteorum , æreorum millibus , quæ domi haberet , vix duo ejusdem ponderis invenire nomismata potuisse. Quintum denique eduxit ex male intellectis centenariis formis Hellogabali , de quibus alibi egimus.

P A G. 336, 13. scribe : astres maravedes & duas quintas unius habuit , semissis maravedem & dimidiatum & unius quintam , quadrans paullo plus dodrantem. Sed incertius &c.

P A G. 344, 29. tradita. Præter illos, quos nominavi, Rualdum vide animadv. I X in Plutarchum. Ei vetus Francorum denarius fuit drachmæ Atticæ ἀντίπρον. At drachma Attica octava pars erat uncix, denarius Francorum vicesima. Eorundem Francorum veterem aureum solidum fuisse didrachmum, qualis Romæ fuerit usque ad Principes Christianos. At Francorum reges percussisse aureum nummum, antequam Galliam subegissent, & Trevericam monetam suæ ditionis fecissent, credibile non est, rebus etiam tum omnibus inconditis. Deinde vult cum fuisse sextulæ pondere, quales in Cod. Iustiniani & Theodosii sint intelligendi & apud Aimoinum in vita Clodovæi. Ostendimus autem, cum quatuor scriptulis constaret Romanus solidus, Francicum tria scriptula trientem habuisse. Hinc videtur explicandum illud in novella Majorani : *Nullus solidum integri ponderis calumniose ad probationis obtentu recuset exactor, excepto eo Gallico, cujus aurum minore aestimatione taxatur.* Savotus existimat improbatum hunc Gallicum solidum, quod esset ex auro minus puro quam Romanus. Et alibi addit suspicionem, quod Cæsar aurum ex Gallicis manubiis dederit ternis millibus nummum, factum ideo, quia fuerit pejoris venæ. At Majoranus reprobavit solidum Gallicum

non simpliciter, sed pro solido Romano, quia minus auri habebat, non quia minus purum. De Cæsare ita Suetonius cap. LIV. *In Gallia sana templaque deum donis referta expilavit: urbes diruit, sæpius ob prædam quam ob delictum: unde factum, ut auro abundaret, ternisque millibus nummum in libras promerciale per Italiam provinciasque divideret.* Torrentius editum habet *divenderet*, sed magis ait placere, *divideret*, ut sit in quatuor MSS. Ergo hoc est antiquiss. codicum, secus atque adfirmat Salmasius cap. XVII. de Vsuris. Promercialia, inquit, divenduntur. Sane: sed quid est *promerciale*, nisi venale? Quam belle autem *venale divendere*? Ait eum per Italiam & provinciarum diversa oppida missitasse, tradidisse, dispertivisse procuratoribus & aurifabris *promerciale*, hoc est venale habendum. Quum igitur diserte dicat Suetonius abundantiam istius vilitatis causam fuisse, quid aliam querimus?

PAG. 345, 15. eundem esse nummum. Inde & *libram denariorum* pro libra sterlingum dicit Notitia Angliæ apud Seldenum Mari clauso: *Consuetudo VVarvvici est, si rex per mare contra hostes suos ibat, vel quatuor batsueins vel quatuor libras denariorum ei mitterebant.* Batsueins remiges, qui Belgis Bootsgefallen, quasi Bootsyriende. nam VVine socius,

amicus, antiquis Germanis. Vide Cll. viros Iac. Revium lib. 1. Daventriæ illustratæ, & Fr. Junium ad Willeramum.

PAG. 345, 28. Deleatur tota periodus, quæ incipit: (Vox ipsa utrum formetur :) & ejus vicem reponantur, quæ infra scripta sunt. Sterlingum recte taxavimus. Eduardi primi Edictum: *Denarius Angliæ, qui vocatur Sterlings, rotundus sine tonsura, ponderabit x x I I grana frumenti in medio spica, & viginti denarii faciunt unciam, at duodecim uncia libram.* Observat Spelmannus, legem hanc non novam tulisse Eduardum, sed a primis Anglonormannicis regibus statutam renovasse: nam & tum x x denarios unciam ponderasse, libra pariter (quæ e x x solidis constaret, nomenque a pondere adepta sit) x I I uncias, solido quolibet x I I denarios continente. Vides Francos hanc monetam dedisse Galliæ, illorum posteros diu servasse, Normannos adscivisse & in Angliam propagasse. Vocabulum unde conflatum sit, haud facile decernas. A sturnis avibus vel stellis impressis, a Scotorum castello, a Saxonibus (qui Anglis *Esterlings*, Belgis *Oosterlingen* nunc quoque appellantur) serius in Angliam profectis & metalli pretiosi purgandi artem excolentibus, a starro, quæ vox apocham significaverit in Angliæ fœneran-

rantibus Iudæis, alii atque alii dictum volunt. Postrema fuit docti viri sententia descendere a Saxonico *steore*, quod legem, canonem, regulam significet, ut *steoran* regere: tanquam nummus indicetur legi vel canoni nummario consentaneus, pondere legalis & regularis. Sane *steuren* Germanis hodieque est continere, compescere, & *stieren* gubernare, *stier* gubernaculum, *stierman* gubernator Saxonibus & Belgis. Sed non videtur vox significationis vel tam amplæ vel tam remotæ huc accommodari potuisse. Vicinius foret *steur* & *stuyr* tributum, & ipse *stuferus* Belgicus, si sic agere sufficeret. Sed dubium non est, si Saxonibus Anglis deberetur ea vox, in monumentis illorum alicubi repertum iri: quod non eludit doctus ille vir, dicendo multa in usu esse Saxonica vocabula, quæ nusquam in scriptis existent. Eorum alia ratio est. Præterea Saxones aliter libram partitos, ita ut XLVIII solidos, quinum singulos denarium, haberet, tradit Spelmannus. Constat inter omnes, ante Normannorum ingressum in Angliam non reperiri mentionem hujus vocabuli: cum ipso Guilelmo eam primum legi: & *Sterilenses*, *Stellinosque*, dein *Sterlingos* & *Esterlingos* appellatos. Normannos a Francis mutuatos descriptionem libræ per solidos denariosque ex illis, quæ disputavimus, plus quam

quam manifestum est : denariis autem nomen etiam *sterlingis* fuisse in continente, qua Normanni imperabant, ostendunt duo rescripta Pontificum Romanorum in Decreto Grégorii. Ergo his debetur ea vox in Anglia; utrum ab ipsis imposita, an & a Francis illius ævi accepta, incertum est : nam in Gallia quoque valere illam vocem, non quidem pro nummo, sed pro pondere, ostendunt verba Budæi.

PAG. 355, 17. prædigiū est. Villalpandus, & ipse circumventus ab Agricola, *sestertiaque* nihil aliud quam singulos notare nummos contendens, in hujus versus explicatione auctorem suum deserit. Insistendum potius, ait, Budæi vestigiis, qui senas libras pependisse ait sestertiorum totidem millibus emptum. Hactenus recte: & sic necessario *aquantem sestertia* est æquantem millia nummum. Ille vult perinde esse ac si dicatur, sex millibus emptum æquantem pondere sestertios: & tamen id pondus esse senum librarum. Erunt igitur in sex libris argenti sena millia sestertium: ergo in una libra mille sestertii, CCL denarii. Quod cum per se est a vero, tum ab ~~Agri~~ Agri-
colæ longissime remotum. Omnis enim illius disputatio contra *sestertium*, pro libra sestertia acceptum, propterea suscipitur,
quod

quod centum denarios, quadringentos sestertios in argenti libram conjici nequit pati; quodque denarium octavam partem unciae & drachmæ similem reprehendit: quæ quum concesserit Villalpandus, sero & sine præmio *sestertium* illud oppugnatum venit. Tamen in eo Budæi sententiam se negat probare posse, quod *sestertia* singula millesenos sestertios valere putet, quia ex hoc conficiatur, piscem illum quindecim millibus librarum argenti emptum fuisse. Haudquaquam, o bone: quindecim libræ sunt sex sestertia vel sena millia nummum, non quindecim millia. Id adeo non est absurdum, ut ipse repetat ex Plinio mullum octo millibus emptum, id est, viginti libris. Quum Martialis ait lib. II. epigr. xxx *viginti sestertia, donanti non grave munus*; censet fuisse gravissimum, si *sestertia* singulos mille sestertios, denarios CCL, sive argenti duas libras cum dimidia significarent. Credo homini mediocri, non diviti, & diviti Romano, & illa ætate: rogabatur enim cujus *arca laxas opes flagellaret*. Quum idem lib. VI. Epig. xx, *Mutua te centum sestertia, Phœbe, rogavi, Quum mihi dixisses: exigis ergo nihil?* *Inquiris, dubitas, cunctaris, meque diebus Teque decem crucias.*

his verbis quis non, ait, videt reprehendi Phœbum, qui verbis ac pollicitationibus libera-

beralem se ac benignum exhiberet, utpote, qui nihil putaret a se peti, dum *centum sestertia* peterentur. Ne nimium de nobis speret: non ego, non quisquam alius, solus Villalpandus videt, Phœbum dici nihil putasse ab se petere, qui rogaret *centum sestertia*. Nam si nihil hoc putasset, non *inquireret*, (intellige ex Seneca lib. I de benef. cap. I. *nomina facturi, diligenter in patrimonium & vasa debitoris inquirimus.*) dubitaret, contaretur, seque & rogantem decem diebus cruciaret. Ego hæcenus video, crebro in ore habuisse Phœbum illud: *nihil ergo exigis?* ea voce productum Martialem poposcisse mutua *centum sestertia*: quo velut fulmine attonitum obstupuisse promissorem illum & frustrationes interposuisse. Magnum ergo aliquid putavit *centum sestertia*, non nihil. In Catulli loco aliud effugium invenit Villalpandus. Ait enim Furium ex divite egenum factum *centum sestertios* optare dici à Catullo, ut ejus animi abjectionem in rebus vilibus desiderandis exaggeraret: nam vel adeptum centum millia non tamen beatum censerì potuisse, qui vix ea summa solveret debiti medietatem, cum oppignoratam villam haberit ducentis & quindecim millibus nummum. Hic iterum extra causam duo peccata: primum, unde vaticinatur istum Furium ex divite egenum factum, quod verbulo nullo

nullo significat poeta? dein non Furii villam, sed suam pignus tot millium positam scribit ad Furium Catullus. Vnum domo promit argumentum, quod non dubitat vir eximius apud eruditos magnæ auctoritatis futurum: quo minus mirandum mihi, qui in ista classe me non duto, id pluma levius videri. In Lapidibus antiquis nusquam inveniri ait siye *sestertios* siye *sestertia* literis omnibus expressis, sed notis significari. Cur ergo magis illi liceat illas notas interpretari *sestertios*, quam mihi, si continens oratio patiatur, *sestertia*? Nam una eademque merito nota significatur utrumque vocabulum, quia *sestertius* nummus retinet notam, quam accepit, quum faceret duas libras & selibram æris; *sestertium* designatur eadem, quia valebat duas libras & dimidiatam argenti. Quid igitur est hoc admirabilis collectionis? Non exprimitur utrum dicendum sit *sestertii*, an *sestertia*: ergo dicendum est *sestertii*, non *sestertia*, quæ scilicet excogitarunt Grammatici. Ille alter querebatur *sestertia* non explicari a Grammaticis: hic dolet Grammaticos excogitasse *sestertia*. Ita quicquid delirant legum & cærimoniarum interpretes, vapulant Grammatici. Qui autem illi? Budæus, Ant. Augustinus, Panvinus, Ciacconius, Covarruvias, Mariana, Schottus: ne appellem alios, quorum fortasse

tasse non reciperet nomina. At hi plerique jurisconsulti ordine ac sacerdotes: tamen quia non rudes antiquitatis, quia *literulas* eos *stulti docuere parentes*, audiunt Grammatici. Hi ergo, quamvis Grammatici, non tam mali fuerunt Dialectici, ut nescirent, quia non exprimitur ea vox, tam sibi liberum esse explicare *sestertia*, quæ tot auctorum usus firmavit, quam illi *sestertios*. Ita in secunda inscriptione (tres enim tantummodo profert) legitur: *in quod opus erogata sunt H S. triginta*. Hoc illi est *sestertium triginta*, ubi subaudienda sint *millia*. At ego ajo *sestertium triginta* esse solœcum, non minus quam, quos in tertia appellat, *Sextum viros & Quartum viros*, pro Seviris & Quatuorviris: a quibus cavisset, si illis, quos fastidit, Grammaticis paullo plus operæ dedisset. *Erogata* igitur *sestertia triginta*, inquit Lapis, id est, sestertium triginta millia. Sed, inquit, quis non amphibologiæ notaret priscos illos homines, si rem totam lectoris arbitrio reliquissent, ut posset vel *sestertios* vel *sestertia* millenaria proportionem maiora sufficere. Quasi dicam fuisse cohortes interdum quadringenarias, interdum majores proportionem sexcenaria. Hoc certe non excogitarunt Grammatici. Prisci vero *sestertios* an *sestertia* accipere lectori liberum fecerunt, non sine discrimine, ut ubivis utrumvis liceret, sed

sed ut alterutrum, prout sensus & ratio loquendi pateretur. Quemadmodum in omnibus, quæ notis exarata sunt. *Αν ἀμφιβολίας* accusabit omnes Hebræos, quotquot olim sine punctis scripserunt, & hodieque scribunt? Certe parum versatis in re, qua de agitur, omnia sunt *ἀμφιβολα* & *ἀμφίλογα*, ubi illis, qui certa verba certis rebus attributa didicerunt, nihil est dubii. Hæc nos, non ut vilescant hominis industrii & multarum doctrinarum præclari labores: non is nobis animus in quemquam: sed ne in præclaris & ista, quæ humanitus illi contigerunt, ducantur, & minus in his exercitatos fallant, neu veritati obstrepat auctoritas.

PAG. 433, 16. *perficitur decussis. Rursum: Postea quoniam animadverterunt, utrosque numeros esse perfectos, & sex & decem, utrosque numeros in unum coniecerunt, & fecerunt perfectissimum decussis sexis.* Fallitur Villalpandus, quum corrigit *decussi sex*: quo, ait, Græcæ voci similis facta magis conveniat; illos enim *δεκαῆξ* dicere. Nam *decussissexis* nihil est aliud quam *sedecim*.

PAG. 512, 10. Attici. Demosthenes in oratione περὶ Λακεῖας ἀπαλεῖψιν meminit fœnoris nautici, trium millium drachmarum, usuris ducentis viginti quinque

drachmis in millenas. De quo præclare Salmasius cap. v de M. V. Quum rem teneret, hæsit in nomine. Mirum, inquit, hoc genus
 „ fœnoris, neque cum ea ratione, ἐπὶ δραχμῇ
 „ vocatur, neque cum illa, qua pars sortis pro
 „ usura nominatur, rotunde convenire, ne-
 „ que posse ullo modo designari alterutra earum
 „ appellationum. Nam majus est τῷ ὀπι-
 „ πέμπτῳ, minus τῷ ὀπιτετέρῳ. Bina centesi-
 „ ma etiam minus est, quod ἐπὶ δυσὶ δρα-
 „ χμαῖς appellatur; majus autem sesquicente-
 „ sima, quæ ἐπὶ ἐννέα ὀβολοῖς nomen habet.
 „ Nullam certe ejus appellationem certam ac
 „ definitam possum reperire. Sic ille. Videamus
 „ quid analogia ferat. Græcis erat τόκῳ
 „ ἐπὶ ἑνδεκα ὀβολοῖς καὶ εἰκοσὶ πετέρῳ δραχμῆς,
 „ aut ἐπὶ ἑνδεκα ὀβολοῖς καὶ τετάρῳ ὀβολῷ. La-
 „ tinis *centesima & semuncideunces*, vel *centesi-
 „ ma & dextantes & semuncia*. Nam quum τό-
 „ κῳ ἐπὶ δραχμῇ sit *centesima*, ἐπὶ ἑκτῷ δρα-
 „ χμῆς *sextantes*, sequitur ut τόκῳ ἐπὶ δωδε-
 „ κάτῳ δραχμῆς, vel ἐπὶ ἡμιωβολίῳ, sint quæ
 „ Latinis *usura uncia*. Duodecim enim habet
 „ ἡμιωβολία drachma, ut centesima duodecim
 „ uncias. Ergo ὀπὶ εἰκοσὶ πετέρῳ δραχμῆς,
 „ vel ὀπὶ τετάρῳ ὀβολῷ, *semuncia*. Iam, ut
 „ ὀπὶ ἐννέα ὀβολοῖς sunt *centesima & semisses*,
 „ ita ὀπὶ ἑνδεκα ὀβολοῖς, vel ὀπὶ δραχμῇ καὶ
 „ πέντε ὀβολοῖς sunt *centesima & dextantes*. Cen-
 „ tesimæ sunt in millenas cxx drachmæ: cen-
 „ tesimæ

telimæ & semisses c l x x x : centesimæ & besses ducentæ : ergo centesimæ & dextantes ducentæ viginti. Quinque drachmæ his additæ in millenas habent rationem semunciarum : nam centum drachmæ semunciariorum parient dimidiatam drachmam : ergo millenæ quinas. Additur in eadem syngrapha, si post Arcturi ortum e Ponto navigarint ἐφ' Ἰερὸν, locum in Bosporo Thracio, convenisse trecentas in millenas. Hæ sunt *bina centesima & semisses*, ὅτι δὲ δυὸ δραχμαῖς καὶ ἡμιδραχμῷ seu τρεσὶν ὀβολοῖς. Bina centesimæ essent c x l : sexaginta additæ faciunt semisses.

P A G. 523, 3. Soloni Diogenes Laertius : Ἐλεγε δὲ οὗτος ὡς πρὸς τοῖς πνεύμασι δυναμίδες ὡς ἀπλησίους εἶναι ταῖς ψήφοις ταῖς ὅτι τὸ λογισμῶν· ἢ γὰρ ἐκείνων ἐκάστω ποτὲ μὲν πλείω σημαίνειν, ποτὲ δὲ ἥτιω· καὶ τῶν αὐτῶν πνεύμας ποτὲ μὲν ἑκάστω μέγαν ἄγειν καὶ λαμπρὸν, ποτὲ δὲ ἄπικτον.

P A G. 608, 3. vocabantur. Suetonius Claudio cap. xxiv. *detractaque Ostiensi & Gallica provincia quaestoribus curam ararii Saturni reddidit, quam medio tempore praetores aut utique pratura perfuncti sustinuerant.*

I N D E X

A V C T O R V M

Emendatorum ac Illustratorum.

Æ Lianus. 62, 227	147, 148, 150, 222, 225,
Africanus. 419, 421, 422	226, 230, 250, 257, 501,
Aggenus Vrbicus. 771	535, 546, 559, 614, 629,
Apollonii Tyrii historia. 800,	631, 671, 672, 675, 683,
862	701, 707, 719, 720, 721,
Appianus Alexandrinus. 320, 321, 541, 542	735
Appuleius. 85, 525, 566, 737,	Codex Theodosianus. 567,
898	568, 752, 753, 754, seqq.
Aristophanes. 245	789, 793, 778, 788, 789,
Aristoteles. 506, 507	824, 826
Artemidorus. 521	Columella. 59, 430, 439
Asinii Pollionis epistola. 583	Constantinus Porphyrogenita. 858, 859
Arruntius. 85	Curtius. 67, 182
Auctor vitæ Persii. 256	Cyprianus. 130
Auctor vitæ Cypriani. 35	Didymus. 27, 28, 528
Auctor belli Alexandrini. 617	Dio. 280, 282, 537, 653, 654,
Auctor incertus. 432	655, 731
Augustinus. 552	Dositheus. 473, 474
Ausonius. 596	Epaphroditus. 432
Balbus. 850	Epigramma vetus. 516
Balsamo. 813, 814	Epiphanius. 823
Bruti epistolę fragmentū. 564	Eumenius. 730
M. Cælius. 148	Festus. 25, 61, 63, 292, 604
Cæsar. 149, 627, 636	Flav. Sosipater. 24, 57
Cassii epistola. 786	Florus. 617
Cassiodorus. 796, 797	Frontinus. 66, 153
Cato. 97, 275, 276.	Gellius. 13, 84, 96, 250, 256
Catullus. 352, 353, 548, 550,	292, 300, 602
551, 552, 553, 555, 556,	Geometria Theorica inedita. 841
557, 561, 910	Gildas. 860, 861
Cedrenus. 863	Glossæ Nomicæ. 813, 830,
Cicero. 50, 63, 66, 78, 99, 121,	832, seqq.
	Glossæ

INDEX AVCTORVM.

Glossarium vetus.	609	Manilius.	75, 599, 610, 612, 613, 614, 615, 616, 648
Harpoeratio.	504	Marcellini Papæ acta.	773, 774 seqq.
Hero Alexandrinus.	367, 414, 417, 421	Marcianus Capella.	163, 433, 434
Hefychius.	298, 364, 746, 859	Martialis.	86, 226, 350, 352, 397, 518, 519, 611, 626, 769, 770, 771, seqq. 909, 910
Hirtius.	150	Matthæus Parisius.	345
Horatius.	353, 354, 460, 605, 897	Matthæus Euangelista.	744
Hyginus Gromaticus.	431	Nemesianus.	680
Instrumentum plenæ securi- ratis.	863	Cornelius Nepos.	396
Iſæus.	503	Notitia Angliæ.	905
Iosephus.	365	Novella Majorani.	867, 904
Iustinus.	34, 66, 229	Ovidius.	724
Iuvenalis.	355	Palæmon.	850
Lampridius.	799, 800, 801, 802	Palladas.	775
Lapides veteres.	38, 65, 75, 103, 128, 129, 131, 154, 155, 277	Pandectes.	178, 179, 180, 181, 254, 481, 573, 645, 649, 726, 730
Lex Frisionum.	339	Afconius Pedianus.	153, 537, 544, 581, 601
Lex Salica.	341	Perſius.	396, 780
Libanius.	4	Petronius Arbitrer.	515, 516, 714, 741
Λογαρεῖς παλαιῶς fra- gmentum ineditum.	842	Philostratus.	727
Livius.	60, 61, 62, 68, 73, 76, 98, 166, 167, 168, 175, 176, 178, 223, 224, 225, 228, 238, 271, 274, 275, 293, 302, 306, 313, 314, 316, 317, 571, 574, 575, 576, 578, 589, 639, 698, 700, 709, 711, 712	Pipini capitula.	344
Lucilius.	97, 101	Plautus.	64, 99, 150, 230, 253, 294, 306, 361, 602, 683, 701, 797, 737
Ludovici capula.	344	Plinius.	29, 48, 69, 81, 102, 128, 130, 193, 194, 215, 241, 304, 375, 427, 529, 565, 567, 622, 686, 687
Macrobius.	48, 624	Plinius minor.	151, 552, 640, 642, 643, 644
L. Volusius Mæcianus.	402, 403, 404, seqq. 424, 425, 426, seqq. 446, 447, 448, seqq. 452, 470, seqq.	Plurarchus.	35, 173, 541, 542, 584, 585, 586, 732
		Pollux.	242, 360, 363

INDEX AVCTORVM.

Polybius.	<u>263</u> , <u>264</u> , <u>270</u> , 293	<u>659</u> , <u>660</u> , <u>688</u> , <u>689</u> , <u>779</u> , 703, 905
Priscianus.	<u>26</u> , <u>85</u> , <u>109</u> , <u>219</u> , 293, 312, <u>313</u> , <u>314</u> , <u>scqq.</u> 850	Suidas. 309 Symmachus. 34, <u>563</u> Tacitus. <u>232</u> , <u>282</u> , <u>597</u> , <u>607</u> , 609, <u>704</u> , 713
Quintilianus.	<u>77</u> , 88	Terentius. <u>76</u> , 230
Sallustius.	<u>632</u> , <u>633</u> , <u>634</u>	Tibullus. 680
Scholiaſtes Horatii.	33	Valerius Flaccus. 639
Scholiaſtes Aratorum Ger- manici.	229	Valerius Maximus. <u>5</u> , <u>70</u> , 178, 272, <u>572</u> , <u>625</u> , <u>706</u>
Scholiaſtes vetus Theodo- fiani codicis.	865	Varro. 13, 22, 39, <u>48</u> , <u>59</u> , <u>60</u> , 69, <u>82</u> , <u>83</u> , <u>89</u> , <u>90</u> , <u>92</u> , <u>99</u> , 145, <u>273</u> , 274, 304, 420, 462, 526, 582, 587, 623, 849
Seneca. 3, <u>72</u> , <u>171</u> , <u>618</u> , <u>620</u> , 621, <u>622</u> , 630		Velleius Paterculus. <u>633</u> , <u>634</u>
Servius.	74	Virgilius. 307, <u>680</u>
Silius.	<u>680</u> , <u>196</u>	Vitruvius. 31, <u>432</u>
Sifenna.	72	Vopiscus. 38
Statius.	85	Xenophon. 29, 307
Strabo.	716	Zonaras. <u>266</u> , <u>269</u> , <u>655</u>
Spartianus.	<u>620</u>	
Suetonius. <u>72</u> , <u>125</u> , <u>126</u> , <u>267</u> , <u>269</u> , <u>279</u> , <u>280</u> , <u>609</u> , <u>652</u> ,		

F I N I S.

R E R V M.

A.

A Bacus Gassendi. 394.
ex eo non potest co-
gnosci quantus cen-
sus fuerit classium Tulliana-
rum. 399

Abdere. 680

Abdere domo, castris. ibid.

Accipere pretium quincuncis
agri ex nongentis milli-
bus. 643

Ad Sestertium, locus extra ur-
bem. 33. Ad lapidem, ad
milliare. ibid. Ad tricesi-
mum, Ad centesimum. 34

Ad vescendum argentum. 76.

Ad venandum canes. ibid.

Ad viginti millibus. 72. Ad

binum millium numero. ib.

Addicere mille nummis & ex
mille nummis quid diffe-
rant. 632

Addictus Hipponactaeo prae-
conio. 720

Adiectivis neutris apponun-
tur substantiva gignendi
casu per ellipsin. 71

Adoptio filii non erat iusta,
nisi sestertio ter dato filius
à naturali parente manci-
pabatur. 667

Advector. 150

Adverbia amplificativa cum
solis genitivis junguntur
nunquam. 250. Neque ex-
dem pluraliter enuncian-

tur.

ibid.

Adverbia semel, bis, ter,
quater, nominibus adjecti-
vis, in primis numerorum,
sine apposito verbo rarius
junguntur. 137

Adverbia in computatione
non nisi cum sestertiis copu-
lata. 359

Era in rationibus erant sin-
gula capit. & nomina. 24.

cur antiquis ita dicta? ib.

Erarii, tam senatores &
equites Romani, quam ple-
bei. 530. Erarii qui? 581

Erae monetae duo genera a-
pud Romanos, quorum al-
terius maximum libra, al-
terius uncia aeris constite-
rit, explosa. 747, 748

Es factum, signatum, infe-
ctum, vel rude. 74

Es natum in provincia. 555.
556

Aeris decies. vid. Decies.

Es interdum pro adjectivo,
nummo sc. aereo. 100

Es excurrentis. 408

Aeris excurrentis vocabula &
notae. 409. Quomodo haec
notae sedecies multiplicatae
excurrentis efficere dicantur.
424. Ratio istius rei,

quam miratur Volusius. 426
non est opus ingeni, sed ne-
cessarii eventus. ibid.

M m m 4

Aes

- Æs excurrens victoriati & sestertii explicatur per libellas, sembellas, vel singulas, teruncios.* [446, 449](#)
- Ærum equestrium duo millia Catonis quæ.* [276](#)
- Æs grave, dum asses librarii fuerunt, ignotum.* [532, 533](#). quando illud caperit. *ibid.* [134](#). nunquam pro sestertiis æreis accipitur. *ibid.*
- Æs. Undecim millia æris, centum millia æris, quot florenos Hollandicos conficiant.* [373](#)
- Alter unus de duobus, non duo.* [648, 649](#). *Vnus & item alter.* [649](#). *Alier denarius, sextarius.* [649](#). *Alter semis.* [650](#)
- Alter a tertia, non sunt due tertiæ partes, sed è tribus secunda pars tertia.* [646, 647](#)
- Ambitio gratia & studium in clientes.* [559](#)
- Ambitione nihil uti.* *ibid.*
- Ανατομισμός.* [470](#)
- Αντιμαχίας exempla.* [18](#)
- Από μνησίων χερσών.* [73](#)
- Αποδιδράξ.* [682](#)
- Aposia, vel Aposis.* [861](#)
- Arca pontificum.* [122](#)
- Argentæus pro mina.* [198](#)
- Argentæa pecuniæ precium non imminutum est, cum arcæ pondus detractum est.* [113, 114](#)
- Argentæus nummus Serv. Tullii non fuit denarius.* [390](#)
- Argentum factum, signatum, vel rude.* [74](#)
- Argentum in pecunia & suppellectile sero admiserunt Romani.* [387](#). quum admitteretur, immane supra æs pretium statuebant. *ibid.* Curid fecerint. *ibid.*
- Argentum quando Romæ signatum fuerit.* [390](#)
- Argenti pondo quatuor millia quadringenta septuaginta tria, quot constituant florenos Hollandicos.* [375](#)
- Argentum grave nullum unquam fuit.* [533](#)
- Argentum Atticum.* [306](#)
- Argenti ad æs proportio tempore Constantini.* [761](#)
- Argentum ære solvere.* [634](#)
- Ἀργυρῆς, pro mina & centum denariorum.* [198](#)
- As cum suis unciiis Latinis ad imitationem Græcorum λίτρας ἢ χαλκῶν formatæ.* [299](#)
- As divisor Græcis ignotus.* [847](#). *As quidem est Græce originis, sed significatione tota Latina.* [848](#)
- As unitatem Arithmeticis significare verosimile est.* [431, 433, 434](#)
- As nummus & divisor.* [419](#)
- As pes dicitur mensuris.* [430, 434](#)
- Asses dicebantur singula millia passuum in viis sedecim millium dividenda.* [435](#)
- As omne solidum dicitur, & quot id numeris constabat, toties multiplicabantur assis partes, quibus singulis nume-*

- numeri nuncupantur. 445
 As libram pondo. 59
 As sub primis imperatoribus
 non habuit quadrantem
 unciae, sed semunciam pon-
 do. 530
 As in usuris, as usurarius, as
 in centum promissus, cen-
 tum in assem mutuo data
 non Latinis dicitur. 490
 Assis excurrentis in ratio-
 ne sestertiaria nota. 450,
452
 Assis cum semisse. 450, 453
 Assis super victoriatum ex-
 currentis nota. 456
 Assis partes Graeci per nume-
 ros explicant. 852
 Asses duodecim in sex obolis.
262
 Assaria sexagesimae partes de-
 nariorum. 199
 Assarius dictus as non tan-
 tum, cum sicilico aëris con-
 stitit, sed etiam, cum se-
 muncia. 750
 Ἀσάριον δὲ ὅρα Epiphanii.
531
 Assarium mille equus. 273,
274
 Ascribi censibus. 571
 Asses decem minus fuerunt te-
 trobolo. 330
 Asses usurae quid & unde. 479
 Assis partibus usurae cente-
 sima minores explicatae.
480. As in centesima con-
 sideratur ut divisor. ibid.
 Asses sextentario pondere
 quando Romani ferierint.
390
- Assidui homines. 702: Assidui
 urbani cives. 701, 702
 Assiduitas. 701
 Assis non ponitur pro solido
 aureo apud Cassiodorum.
796, 797
 Ad assem solvere, ex asse
 haeres quid differant. 747
 Attica moneta defensa. 244,
 seq.
 Auctor. 605. Auctor civi-
 tatis. 605
 Augusta concordia. 772
 Aurei quanti sub Caesaribus
 aestimati. 181
 Aureus denarius ἡμισεύς &.
195
 Aurei Darici. 246. Au-
 reus vitae pro viginti quin-
 que annis καὶ ἡμισέων. 248
 Aureus Romanus non fuit
 didrachmus, 259. sed ma-
 jor, & statere Antico gra-
 vior. 241
 Aurei veterum nummi pon-
 deris ejusdem quo appella-
 bantur. 357
 Aureus Romanus sine alio
 nomine quia unius formae.
523. primus semper xxv.
 denariorum. ibid. 525
 Aureus noster scutatus, non
 est semis aurei Romani. 380
 Aureus Romanus non fuit
 didrachmus. 380. nostro
 duplo & quasi dimidiato
 major. 380
 Aureum plus septem scriptu-
 lorum mutavit Constanti-
 nus in solidum scriptulorum
 quatuor. 759
 M m m s Au-

I N D E X

<i>Aureos decem dans una forma Heliogabalus, quomodo triginta aut quinquaginta aut centum dare cogatur.</i>	pore Constantini.	761
801, 802	<i>Αὐτῶν, id est μόνων.</i>	521
<i>Aurei sexcenti μύρια κ' πρὸς κίχλια δόξαγμα.</i>	B.	
720	B ajocci decem Romani sunt denarius.	333
<i>Aureus centeni nummi.</i>	Bajocci hodiernæ Romæ quot sestertium constituent.	261
237.	Βαζάλιον est CCL denariorum.	192. alias φόδης dicitur.
<i>Aurei decem, mille nummi.</i>	ibid. vid. follis.	
ibid.	Bene jacta.	516
<i>Aurei tempore Hadriani quadraginta in libra.</i>	Bes unde.	849
321	Bes hereditatis.	435
<i>Aurei centum patronorum summum honorarium.</i>	Bes sicilicus dimidia sextulus jugeri.	443
181	Bes semuncia sicilicus jugeri.	444
<i>Aureus cruciatus nummus vetus Hollandicus.</i>	Bes sicilicus pedis.	427
447	Bes sicilicus undecim asses denarii.	413, 426
<i>Aurum factum, signatum, infectum, vel rude.</i>	Βήσαλον later.	428
74	Βήσαλα laterculi.	ibid.
<i>Aurum coronarium non crescebat in probatione obrussæ.</i>	Besalterum lignum.	25. besaltera materia, besalterus lapis dicere licet.
793	31	
<i>Auri unciam pondo.</i>	Besalter numerus.	ibid.
60	Bessales lateres.	428
<i>Aurum fiscale collectores inferebant in massis obryzæ, jussu Valentiniani, non in nummis.</i>	Bessalia.	ibid.
788.	Besses usuræ & unciarium fanus non sunt idem.	484
<i>Auro semper inest aliquid argenti aut levioris metalli, quod decoctione separatur.</i>	Bilibres formæ aureæ Heliogabali.	399, 800
ibid.	Bina sestertia.	124
<i>Auri ad argentum proportio primum fuit quindecupla, postea decupla.</i>	Bina millia.	ibid.
311	Bina millia æris equo publico quomodo adsignasse dicitur Servius.	272, 273, 274
<i>Auri proportio ad argentum decupla.</i>	Binariæ formæ Heliogabali.	37
224, 233, 234, 235, seqq.	Bis millies quot florenos Hollandicos constituat.	360
<i>Auri & argenti proportio non fuit duodecupla.</i>	Bis	
380		
<i>Auri ad argentum proportio, qualis Constantini tempore fuerit.</i>		
760		
<i>Auri ad as proportio tem-</i>		

Bis denum millium munera.

105

Blancæ duæ Hollandicæ faciunt sestertium.

379

C.

Cæsar post victoriam civilem pro congiario binis millibus in conducto habitantes Romæ annua, in Italia trium mensium mercede dominis soluta liberavit. 125, 126. Idem pro donativo in peditem vicina millia dedit. 126

Calculatores in rationibus ad denarium conficiendis æs excurrrens, non numerando tres, aut quatuor, sed vocabulis & notis conceptam summam explicantibus exprimebant. 409

Calculorum & tesserarum ludus. 514, 515. à ludo laticulorum diversus. 514

Calculis triginta discoloribus utebantur ludentes ludum tesserarum. 516

Calculi Arithmetici. 521

Capitolinorum ludorum mos. 710, 718

Caput partitionis. 671

Carolinus nummus vetus Hollandicus. 447

Castulo socii Romanorum. 168

Cato Quindecimvir. 737

Cato ab iniustitiæ crimine liberatus. 574, 575, 576

Cedere unius testimonio. 708

Censi, qui centum millia possessione detulerant. 535, 544

Censura M. Porcii Catonis ab iniustitia defensa. 574, 575,

576

Census *οὐδὲς ἢ χαρτῆς*. 571. pro patrimonio. 573

Census classium Tullianarum quid faciat ære Gallico. 397, 398

Censu, id est quando census agitur. 582

Censum jurati profitebantur. 571

Censui censendo prædia, lex, agri. 63

Censu octuplicato ærarius. 573

Centenarius grex. 37. Centenaria vasa. ibid. Centenaria usura male Scaligero dicta pro centesima. 55

Centenaria usura & centesima. ibid.

Centenariæ basilicæ. ibid.

Centenarium significat centum libras. 43

Centenarium pondus. 105

Centeni æris legis Fannia. 359

Centenarium pondus auri librarum centum, à centenariis Heliogabali formis nuncupatum. 202

Centenariæ viginti quid nostra pecunia Romanaque. 203

Centenariæ formæ. 800

Centenas pondo. 62

Centies talentum non est Latinum. 184

Centies aureorum Latine non dicitur. 172, 180

Centies nummum non dicitur. 250

Cent-

Cent-

Cent-

Cent-

Cent-

Cent-

Cent-

Cent-

Cent-

Cent-

Cent-

Cent-

Cent-

Cent-

Cent-

Centies millies, millies impro-
batur. 185

Centesima plures non sunt
ἀνὰ τοὺς μίλους. 470

Centesima binæ. 470. ternæ.
ibid. quaternæ. ibid.

Centesima terrestris maxi-
ma, legibus præfinita. 471.
privati non observarunt.
472

Centesima non sunt necessario
trajeciticiæ pecuniæ. 471,
472

Centesima præsci denarii as-
sium decem. 486. ejus divi-
sio per partes assis. ib. ejus
unciæ usuræ, sextantes,
quadrantes. 486. trientes,
quincunces, semisses, septun-
ces, besses, dodrantes, dex-
tantes, deunces. 487. Cen-
tesima librarum æris. ib.
deunces æris mensuri, dex-
tantes, dodrantes, besses,
septunces, semisses, quincun-
ces, trientes, quadrantes,
sextantes, unciæ. 488

Centesima rerum venalium,
auclionum. 480. Tributum
ex Centesima collatum. ib.

Centesima duodecim partes
annuæ, asses usuræ dictæ.
479

Centesima minores usuræ assis
partibus explicantur. 480

Centesima Romanorum vo-
cabulum & inventum. 480

Centesima usurarum unde di-
cta. 481

Centesima fons, unde omnia
fæneraticæ pecuniæ voca-

bula fluxerunt. 483. habet
se ad minores centesimis u-
suras velut as. ibid.

Centesimis quaternis fæne-
rantium ars, quum centesi-
mas tantum haberent in
syngrapha. 474. Centesima
quum dicitur, non intelli-
gitur usura. 475. non un-
cia. 476. non drachma. 477.
sed pars assis, seu sortis. 478,
479, 490. Centesima cum
unciario fænore male con-
funduntur. 477, 490

Centesima non sunt uncia-
rium fænus. 484, 492, 493

Centesima denarius men-
struus in denarios centum.
484

Centesima non introduclæ pri-
mum cum Asiatica nego-
tiatione. 498. usitata fuit
Romanis ante ingressum
Græciæ. 499

Centesimam usuram, vel cen-
tesimas usuras dixerunt ve-
teres breviter pro integro,
centesima pars sortis usura,
vel centesima partes sortis
usuræ. 500

Centesimas usuras cur Ro-
mani dixerint potius quam
centesimam usuram. 497,
498

Centuriæ certorum corporum. 12

Centussis. Hoc centussis 82. 84

Centussis Persu vicenis conti-
nebatur sestertiis. 396

Chalcus quadragesima octa-
va pars drachmæ argen-
tæ. 417

Chal-

<i>Chalci quot in obolo sint variant auctores.</i> 416. proprie oſſo. 417, 423	<i>Cognitura.</i> 609
<i>Χαλκὶς duodecim in λίτρα.</i> 299. <i>ἐγκία</i> diſſe. <i>ibid.</i>	<i>Coemptio imaginaria a Ictis reperta.</i> 676, 677
<i>Chalcus, chalci quot in drachma.</i> 263. <i>in viſloriato.</i> 264. <i>in ſeſtertio.</i> <i>ibid.</i> <i>in dupondio.</i> <i>ibid.</i> <i>in aſſe.</i> <i>ibid.</i>	<i>Coemptio ſacrorum interimendorum cauſa per matrimonium nulla.</i> 663, 664, 665, 666
<i>Chalci duo quarta pars oboli.</i> 264	<i>Coemptionales ſenes, id eſt, venales.</i> 683, 697. <i>Variae de illis eruditorum ſententiae conſutatae.</i> 691, 692, ſeqq.
<i>Χίλια δηνάρια.</i> 474	<i>Comitiis, id eſt, quum ludi fierent.</i> 582
<i>Χίλια mille drachmae.</i> 543	<i>Commodum talentum.</i> 307
<i>Χίλια καὶ πνενήſια δοχμα.</i> 579	<i>Concionales ſenes.</i> 700
<i>Χιλιάς μυριάδων non dicitur, ſed χίλια μυριάδες.</i> 657, 658	<i>Concionales homines.</i> 706
<i>Χιλιάδες οηſέλια, ſeu Chilias ſeſtertia & denaria nec Latine nec Graece recte dicitur.</i> 14	<i>Conditiones pro aſſionibus faelis cauendo.</i> 631
<i>Χιλιάδα Latini exprimere non poſſunt.</i> 12	<i>Condonare.</i> 707
<i>Chilias ſeſtertia, Chilias denaria quomodo dici poſſit.</i> 39	<i>Conſicere rationes ad denarium.</i> 407. <i>ad viſloriatum, ad ſeſtertium.</i> 408
<i>Χεῦſτοι ἐγκατόν.</i> 474	<i>Conſequi neceſſitatis. injuriam.</i> 793
<i>Χεῦſτος.</i> 234	<i>Conſtantine quomodo pecuniam auream, argenteam, aream mutarit.</i> 759. <i>cur?</i> 758
<i>Cicer & lupini eſca tenuiorum.</i> 741	<i>Conſtare aere recte Latinis dicitur.</i> 550
<i>Ciceronis domus emptatricies quinquies.</i> 545	<i>Conuentio in pecore vendendo.</i> 650
<i>Circenſibus, id eſt, quum Circenſes darentur.</i> 583	<i>Conueniſſe res dicitur, de qua conuenerunt contrahentes.</i> 469.
<i>Cognitores mollis, qui alias delatores.</i> 598, 606	<i>Cornelius Ruffinus notatus quod decem pondo argenti faſti haberet.</i> 70
<i>Cognitor deſenſor alienae litis.</i> 605, 606	<i>Corona aurea libram pondo.</i> 60
<i>Cognitor, & ſeſlor, ſocii ad haſtam.</i> 606, 607, 608	<i>Core.</i>
<i>Cognitor urbis.</i> 610	

Coronatus sive aureus, sive
argenteus sit, decem dena-
riis, sive drachmis censen-
dus. 377, 378

Coronatus tribus florenis Hol-
landicis aestimatus. 376

Coronatus sexaginta stufis
censetur. 357, 358

Corpus. hæc vox Philosophis
& ICis late accipitur. 93

Corpi optimi servi. 717

D.

DAre unde utatur. 231

Dari viceffis. 86

Daricus viginti drachma-
rum argenti. 365, 366, 368.
fuit par stateri. ibid. 367

Darici trecenti sunt talen-
tum. 366

Daricorum triginta millia
quot florenorum Hollandi-
corum fuerit. 367

Daricorum aliæ summæ ad
Hollandicam pecuniam re-
vocatæ. 368

Daricorum quadragies cente-
na millia. 370. septem mil-
lia. 371

Decalitron obolorum Attico-
rum sedecim cum besse. 298

Decies æris nunquam Latine
dicitur, nec decies dena-
rium, sed decies centena
millia æris denarium. 174

175

Decem libræ, & decem pon-
do æris idem significabant.

79. cur? 80

Decem millia sestertium quot
unciales? 325

Decem millia nummum se-
stertium quot sterlingum li-
bræ? 348

Decem millia nummum, de-
cem millia sestertium, se-
stertium decem millia num-
mum, pro decem vel denis
sestertiis dicebant, non de-
cem millia sestertia. 49

Decies nunquam instar sub-
stantivi usurpatur. 17

Decies cur maluerint quam
millies pro decies centenis
millibus nummum. 135, 136

Decies acceptum, numera-
tum, & similia non dicun-
tur per intellectum 7 cen-
tenorum millium pretium.

161

Decies acceptum non dicitur
per syllepsin numeri. 165

Decies centena millia pro mil-
lies millia dicebant anti-
qui. 132

Decies centum millia tam in
prosa, quam soluta oratio-
ne recte dicitur. 184

Decies pro decies centies se-
stertio. 173, 184. tantum
de sestertio argenti pondere
dicitur, non de denariis. ib.

Decies sestertium, est decies
centies sestertium pondus
argenti, seu duo millia quin-
gentæ argenti libræ in
nummis sestertiis decies cen-
tenis millibus. 52. Ejus a-
nalogia. 50, 51, 52, & seqq.

Decies sestertium quod sub-
stantivum ad hanc locu-
tionem subintelligendum
sit.

fit. 19. eruditorum hominum de illo inveniendō despectio. . .	20, 21	fert a referre in censum.	572
Decies sestertium.	105	Deferre censum.	573
Decies centies sestertium. ibid.		Deferri in beneficiis. 558. non erat emolumentum, sed honos.	ibid.
Decies sestertium. cur maluerint dicere quam mille sestertia.	133, 134	Δεκάδα Latini exprimere non possunt.	12
Decies sestertium, non effertur posteriore vocabulo masculino & genitivo plurali. 399. Idem est ac decies centena millia nummum, sed diversa ratione. 400.		Δεκάχιλίας μυριάδες non dunt Græci, sed μυριάς μυριάδων.	653
Infra decies hoc genere loquendi non utebantur.	ibid.	Δεκάλιτρον Ægineum, decem obolorum fuit.	299
Decies sestertium quot thaleris constiterit.	335	Δεκάλιτρον est στερη Κορίνθου. 298. male dicitur διδραχμῶν.	298
Decies millies mille, non est Latinum.	185	Δεκάλιτρον per abusum drachma dicitur.	300
Decies talentum, male dicitur.	185	Dena æris, vel deni æris quomodo a denariis differant.	527
Decies tanto pluris.	574	Denarius decem asses habuit.	26.
Decimæ.	511	Denarii nota in rationibus.	ibid. 41
Decumanum frumentum. ib.		Denarius Adjectivum. 11, 22,	73, 39
Decumas vendere, emere. 645		Denaria pondera.	41
Decuriæ certorum corporum.	12	Denarii nummi. Centum in libra Romana.	42
Decuria servorum. 684. turcorum.	ibid.	Denarii drachmis respondent.	42, 193, 195, 198. etiam ante denarios, quos vocant, imperatorios. 219. idem denarii pondus ac drachmæ.
Decusses quomodo a denariis differant.	527	211, 212, seqq.	
Decussis. hoc decussis. 82, 84		Denaria quinque dicitur, non denaria millia quinque.	47
Decussis denarius numerus.	433	Denarium pondus.	42
Dedere.	707	Denaria tria, denaria quinque.	43
Dedicare in censum.	572	Denarius quot sestertios contineat.	
Deductio centum nummorum in partitione.	670, 671		
Deferre in censum. 571. dif-			

- tineat. [43](#). Hoc mille denarium, quomodo dictum. [87](#), [88](#), seqq.
- Denarii argentei pondus preciumve non mutatum est, cum aenei pondus detractum est. [114](#)
- Denarii cum pecunia nostra comparandi non ad aream pecuniam, sed argenteam exiguntur. [115](#)
- Denarius cum sedecim *assis* constaret, a sexcurrrens partibus assis exprimebatur. [119](#)
- Denarii centum coniecti sunt in libram Romanam, ut centum drachmae in Atticam. [192](#)
- Denarii sexta pro obolo. [195](#). *ἡμιζεύς* aureus denarius. [ibid.](#)
- Denarium Latinum Graeci semper *δραχμὴν* reddiderunt. [199](#)
- Denarii & drachmae differentia. 200. non impedit ea quominus & vulgo hi nummi pro se invicem valerent, & sestertium pro mille nummis sestertius ambulare. 200, [201](#). Denarii leves & non legitimi Agricola, iidem quos Polybius, Cicero, Livius, Valerius Maximus agnovere. [203](#)
- Denarii unciales, semunciales, nulli. [217](#)
- Denarium sex millia sunt sexaginta librae. [221](#)
- Denarii aurei. [523](#). non erant ordinarii nummi Romani. [ibid.](#) [525](#), [528](#). sed Attici *ἡμιζεύς*. [525](#), [528](#)
- Denarius aureus. [234](#)
- Denarium Latini formarunt ad imitationem Graecorum *νέμης*. [299](#)
- Denarius male statuitur viginti quatuor siliquarum. [311](#), [312](#). fuit trium scriptulorum. [311](#)
- Denarius denis bajocis aestimandus. [318](#)
- Denarii pondus a Nerone non fuit imminutum. [330](#), [333](#)
- Denarius semper valuit marvedes quadraginta. [333](#)
- Denarius non nisi unus fuit. [335](#)
- Denarius priscorum Francorum. [339](#)
- Denarii quinquaginta, quadringenti, mille, quinquaginta millia denarium, quot constituent florenos Hollandicos. [373](#)
- Denarium quingenties, denarium octingenties non dixerunt antiqui. [359](#)
- Denarius post assem imminutum non denos, sed senos denos aeris valuit. [396](#)
- Denario plus attribuendum nostri minuti aeris, quam quod fuit tempore *Budei*. [376](#), [377](#)
- Denarius est schellingus Belgicus. [379](#)
- Denarius quatuor sestertiorum. [378](#)

- Denarius & sestertius quantum faciant pecuniæ nostratis unde colligatur. 378
- Denarius quot Belgicos Gallicosque solidos constituerit. 384
- Denarius ex uncia nunquam degeneravit ad octavam unciae partem. 385
- Denarius sub ultimis regibus non pependit trientem unciae. 390. nullus dum fuit. ibid.
- Denarius factus ad exemplum Siculi decalitri. 391. non tamen ejusdem ponderis fuit. 392
- Denarii partitio secundum assis partes. 408. in duodecim uncias. 414, 415
- Denarii duodecim partes Heroni, quæ Volusio duodecim unciae. 420. nunquam fuit in mille ducentas & quinquaginta duas partes divisus. 420
- Denarii ratio male ad assen & libram dicitur confici. 466
- Denarii Romanorum erant argentei, consulum & primorum Caesarum temporibus. 526. Nullus iis fuit æreus. ibid.
- Denarios mutavit Constantinus in milliarense. 759. quomodo. ibid.
- Denarius antiquus cur Milliarenfis dictus. 812, 813
- Denarii sestertii interdum interponebantur. 586, 587
- Denarius nunquam fuit duodecim assium. 262, 285
- Denarius sedecim assium non fuit gravior eo qui decem valuit. 288
- Δωδέκα, ὀλκαί, λεπτά, δραχμαί, ὀβολοί, sunt σωμαύμα. 198
- Destinare. 707
- Deuncem tertium pondo. 105
- Deunx sicilicus jugeri. 444
- Deunx semuncia sextula jugeri. 445
- Deunx sicilicus quindecim asses denarii. 414, 426
- Deuta ærea Hollandica idem quod chalcus. 379
- Dextantem tertium pondo. 105
- Dextans hereditatis. 435
- Dextans semuncia, quatuordecim asses denarii. 414, 426
- Dextans jugeri. 444
- Dextans sicilicus sextula jugeri. ibid.
- Dextans semuncia binæ sextulæ jugeri. ibid.
- Didrachmus aureus, argenteus. 234
- Dimetiens tertia pars ambitus præter propter. 648
- Dipondius pro didrachmo non dicitur Latine. 740
- Discere causam. 601, 602
- Docere causam. 601
- Νῦν. De-

<i>Dodrans sextula jugeri.</i>	444	<i>milliarenfis, paves.</i>	806
<i>Dodrans femuncia dimidia</i>		<i>Drachmæ centum conftituunt</i>	
<i>sextula jugeri.</i>	ibid.	<i>minam Atticam.</i>	42
<i>Dodrans inter ordines.</i>	429	<i>Drachmæ & denarii ejufdem</i>	
<i>Dodrans duodecim affes de-</i>		<i>sunt valoris.</i>	ibid.
<i>narii.</i>	413, 426	<i>Δραχμαὶ, λιπῶν, ὀλκῶν,</i>	
<i>Dodrans femuncia ficilicus</i>		<i>ὀβολοὶ, δινάρια, ſunt ſυνώ-</i>	
<i>tredecim affes.</i>	426	<i>νυμφα.</i>	198
<i>Dodrans hereditatis.</i>	435	<i>Δραχμαὶ παχέαι ſex mille</i>	
<i>Domus Mamuræ clarus,</i>		<i>Atticarum μυριάδὶ re-</i>	
<i>quam Catullus, dixit ha-</i>		<i>ſpondent.</i>	300
<i>bere illum, quicquid ha-</i>		<i>Duo millia.</i>	124
<i>buiffet Cornata Gallia.</i>	565	<i>Duo millia paſſuum.</i>	98
<i>Drachma octava pars uncia,</i>		<i>Duo millia, non de aliis, quam</i>	
<i>non ſexta.</i>	196	<i>de nummis ſeſtertiis intelli-</i>	
<i>Δραχμὴ quod Græci dixe-</i>		<i>guntur.</i>	134
<i>runt, Latini denarium.</i>	199	<i>Duodecies ſeſtertium, quod ad</i>	
<i>Drachma & denarius idem.</i>		<i>quadraginta uſuris perdu-</i>	
<i>584. vid. Denarius.</i>		<i>ceretur.</i>	155
<i>Drachmæ & denarii diffe-</i>		<i>Dupondius duo ſignificat.</i>	433
<i>rentia.</i>	200	<i>Dupondius duo pedes menſori-</i>	
<i>Drachma habet 48. chalcos.</i>		<i>bis.</i>	430
	263	<i>Dupondii excurrentis in ra-</i>	
<i>Drachmæ quarum nonaginta</i>		<i>tione ſeſtertiaria nota.</i>	453
<i>ſex libram conſtituunt, eæ-</i>		<i>Dupondii ſemiſſis excurrentis</i>	
<i>dem ſunt, quarum centum</i>		<i>in ratione ſeſtertiaria nota.</i>	453
<i>illam conſciunt.</i>	207		
<i>Drachmæ mille quingentæ,</i>		<i>Dupondii ſuper victoriatum</i>	
<i>ſunt mille quingenti dena-</i>		<i>excurrentis nota.</i>	456
<i>rii.</i>	289	<i>In dupondio quot oboli, chalci-</i>	
<i>Drachma argentea decima</i>		<i>que.</i>	264
<i>pars ſcutati aurei.</i>	289	<i>Duapondo, id eſt, duas pon-</i>	
<i>Drachma Eginæa decem ha-</i>		<i>do. 76, 77. quomodo ita di-</i>	
<i>buit obolos.</i>	329	<i>ſum.</i>	ibid.
<i>Drachma vetuſtioribus nulla</i>		<i>Duapondo corona aurea. ib.</i>	
<i>in ære fuit.</i>	418		78
<i>Drachma Attica denarii ar-</i>		<i>Δύο μυριάδεις μυριάδων κὶ</i>	
<i>gentei pondus habet.</i>	192	<i>διγίλια κὶ πεντακόςια. 655</i>	
<i>Drachmæ pro denariis ambu-</i>		<i>Δυπένικον, nunquam Græcis</i>	
<i>la verunt.</i>	193	<i>affis appellatus.</i>	750
<i>Drachma Eginetica, &</i>			

E.

Emptor legum atque provin-
cia. 568

Enallages partis exempla. 18

ΕφικλⓈ τὸκⓈ centesima &
trientes & quaternæ sex-
tula. 504, 505Επεικὴς h. e. bonus, locuples.
507ΕπίμπλⓈ τὸκⓈ, centesi-
mæ & beses. 505

Επιτήδεα. 232

ΕπίτελλⓈ τὸκⓈ, binæ cen-
tesimæ & dodrantes. 503ΕπόγδοⓈ τὸκⓈ, Centesima
& semuncia. 505Eques triplex accipiebat sti-
pendium quum pedes sim-
plex. 273Equites plures censu quam e-
quo publico. 277Eques, pecunia vetus Daven-
trienfis. 447Equus publicus mille assarium.
273, 247Equo publico id est persona e-
quo publico fruens 277

Esse, pro, venalem esse. 575

Esterlingus unde nominetur.
346Esterlingus fuit priscorum
Francorum denarius. 339.

vid. Sterlingus. 345

Ex quinque pondo auri facta
patera. 73

Εξάριον. 809

Εξακόσαι δραχμαὶ ἐπίτελλαι.
503Εξηκέντα ἐπὶ χίλια μυριά-
δες non dicebant, Græci, sedἐξ μυριάδων μυριάδων ἐπ-
ὶ χίλια μυριάδες. 652Ε, & I antiquis promiscue
scribebantur. 101

Εὐδομον ἡμιέλευον. 25, 27

Ecdicus. 600

Eduardorum Rosatorum æsti-
matio. 369. 370Ei, E, & I, antiquis promiscue
scribebatur. 101

Εἰκοσι μυριάδες. 50

Ελδύθερον. Ελδύθερον τ̃ οἰ-
κείων. 227

Εν τοσούτοις ζῆν. 4

Εκατὲν χιλιάδες non bene di-
citur pro δέκα μυριάδες.
179Εκατος ἢ Græcorum a Latino-
rum centesima nominata.
498

ΕκδικⓈ. 609

Εκτη quomodo nummius. 860

In Emancipationibus filiorum
venditiones imaginariæ se-stertio uno dato ter, quæ &
cur? 667

Emi vicefima. 645

Emere decumas. ibid.

Emere centussis. 85

Ημιασάριον quomodo τέταρ-
τον μέρⓈ ὁδοῦ Polybio.
263

Ημίκελον ὁκτὰ ὁδοὶ. 245

ΕπιδέκαλⓈ τὸκⓈ. dextan-
tes usuræ. 505

Ημίσιος nota quæ Græcis. 421

ΗμισατήρⓈ idem quod ἡ-
μίσευⓈ. 364ΗμίσευⓈ denarius aureus.
234, 195

Ημιόβολιον. 263

F.

Factum aurum, æs, argentum. 74. Facti per utrumque metallum mercator. 75
 Falcigeri defendere templa Sonantis. 611
 FAVOR Archimimus. 659
 Finitimi populi. 707
 Follis CCL. denarium. 199. quæ veteres Latini sesteria dixerunt, posteriores folles dixerunt. ibid.
 Follis, crumena. 822. Follis æreus successit veteri dupondio, & sestertio argenteo. 822. quomodo? ibid.
 Follem æreum Constantinus substituit argenteo. 751.
 Follis quatuor assium quomodo esse dicatur. 760
 Follis ante Constantini ætatem. 795
 Follium viginti quinque milia, emeritum prætorianorum. 823. deinde omnium veteranorum. ibid. Mutatio istius nummi Constantino adscripta. 823, 824, 825, 826. Folles, qui olim quinque denarium, vel milliarensem, postea viceni quaterni faciebant. 827.
 Follis eadem summa in argento, quæ prisca sesteria. 828, 831. Follis usus ad milliarensem propagatus. 829. & ad denarium. ibid. $\phi\omicron\mu\delta\iota\varsigma\ \iota\ \kappa\epsilon\ \delta\iota\omega\alpha\epsilon\sigma\mu\epsilon\gamma\upsilon$. 829, 833. $\theta\ \kappa\epsilon\iota\ \delta\epsilon\gamma\upsilon$

$\epsilon\iota\sigma\mu\epsilon\gamma\upsilon$. 830, 836. Follis ad denarium, ad milliarensem. 830. Follis aurum oblativum senatorium. 839
 Fœnus assarium, dipondiarium, tripondiarium, sestertiarium, sesquassarium ignoraverunt Romani. 499
 Fœnus omne multi damnabant. 508
 Fœnus semunciarium non sunt semisses. 495. non equat sortem. ibid. recte ex mensura ratione definitur. 496
 Formula stipendiorum quid. 280
 Forum ponere. 615
 Frisiorum moneta nec Romanorum nec Francorum par fuit. 340
 Funus Vespasiani centies sestertii. 659

G.

G Et S confunduntur sæpe. 616
 Gaudere Lyæo. ibid.
 Genitivus cum solis adverbis, quæ amplificativa vocantur, nunquam jungitur. 250
 Gladiatoribus, id est, quum gladiatores darentur. 582, 583
 Grammaticorum silentium non facit irritum quod usus sanxit. 110. Antiqui fuerunt mali Grammatici. 88
 Grammaticorum mercedes. 721. salaria iis ex fisco constituta. 727

H. Ha-

H.

- H** Abere qui utamur. 230
 Hasta prætoris. 607
 Heres ex libella. 120, 121
 Heres ex teruncio. ibid.
 Heres ex semuncia & sextu-
 la. 435. ex uncia & dua-
 bus sextulis. 436
 Heres ex sextante. 436. ex
 sextante semuncia sextu-
 la. ibid. ex sextante uncia
 binis sextulis. ibid. trien-
 te. ibid. ex triente semun-
 cia sextula. ibid. ex quin-
 cunce binis sextulis. ibid.
 ex semisse. 437. ex semisse
 semuncia sextula. ibid. ex
 septunce binis sextulis. ib.
 ex besse. ibid. ex besse se-
 muncia sextula. ibid. ex
 dodrante binis sextulis. ib.
 ex sextante. ibid. ex dex-
 tante semuncia sextula. ib.
 ex deunce binis sextulis.
 ibid.
 Hereditas octodecim millium
 nummum per partes assis
 instar denarii divisa. 435
 Hirrii villa mediocris spa-
 tii quadragies sestertio ven-
 dita ob piscinas. 622, 623,
 624
 Homo trioboli, semissis, tres-
 sis. 84
 Hollandicæ pecuniæ com-
 paratio cum pecunia Ro-
 mana. 372, 373, 374,
 seqq.

I.

- I**, E & Ei, antiqui promi-
 scue scribebant. 101
 Iacent vulgus. 169
 Iactura, id est sumptus, dona-
 tiones. 627, 630
 Imagine clarus. 703
 Imminutio quæ in æstimatio-
 ne solidi forte taxatur.
789
 Impendia liberare laboribus.
229
 Improbius natus. 688, 689.
 Improbus color. 688.
 Improbata Tyros. ibid.
 Improbi coloris lacerna. 688.
 Improbata tegmina pedum. 689.
 Improbata arva. ibid.
 Impudentia libidinis. 688
 Inductio decussi notatur dena-
 rius. 26
 Inducere. ibid.
 In. Ejus ellipsis in his locutio-
 nibus, libra pondo penden-
 do, lex, prædia, agri cen-
 sui censendo. 64
 In sestertio vicies vivere. 3
 In suis nummis esse. ibid.
 In ære alieno esse. ibid.
 In libras pondo XII æstimari.
 102
 In libras tanti emi, & simi-
 lia. ibid.
 In stipe denarium accipere.
737
 In censum deferri non solebant
 vulgo ornamenta, vestis,
 vehicula. 576. delata ta-
 men sunt sub Catone, si
 Non 3 pluris

INDEX

pluris quindecim millium essent.	576	Legatarii quomodo sacræ evl- tarint.	670
In quinto lapide castra.	34	Λεπτά οὐτο in uncia.	197.
In quatuordecim sedere.	162	πλά & drachmae sunt στω- ώνυμ.	198.
In duodecim scriptum.	ibid.	μα, ολκα, οὐολοι, δλωαελα, sunt στωώνυμ.	ibid.
In septem.	163	Λεπτά septem in chalc.	417
In aures duum nummum pon- do.	64	Lex de unciario sœnore quan- do lata primum.	408
In fœlum aurum, æs, argen- tum.	74	Lex vicesimæ hereditatum.	481
In fœe culinis arcæ.	625	Lex opere faciundo.	63
Inter denarios & asses sex- tantarios viginti percussos quinque anni intersunt.	389	Lex i Cod. de ponderat. cur a Triboniano truncata.	756
Intervallum inter cælum & terram binorum Zodiaci si- gnorum.	648	Lex Voconia, ne qui census mulierem heredem faceret.	536
Iter testorum omnium lusu consumere.	516	Libella.	392
Iter pro serie scriptorum.	ibid.	Libella fuisse primo nummulus argenteus videtur.	447.
Iugeri partitio.	438	Postea partem ærei signifi- cavit.	448, 449. 462
Iumenta rejicula ob valetu- dinem & ætatem vende- bantur.	681	Libella decima pars denarii.	448, 449
Ius patriæ potestatis a Romu- lo institutum.	667	Libella teruncius octava pars sestertii.	450, 452
Iuvare digito hastam.	614	Libella in ratione sestertiaria nomen tantum est, non nummus.	113. Ex libella hæres.
Iuvare versura.	ibid.	Libella apud Volusium non est verus nummus.	461
K.		Libella denarii, quinarii, se- stertii.	462
Κοδράντης ἱχθυό. 744		Libellam non unam dare.	465
το πᾶν. 746		Liberalitas Principum in re- mittendis debitis ærarii veteribus.	594
Κληρονομεῖν ἐδένος ὑπὲρ δύο ἡμίον μυριάδων εἰσίας. 337		Liberare locum. 228. Libera- re impendia laboribus.	229
L.			Li-
L. Atrunculorum lusus di- versus a tesserarum & calculorum lusu.	515		
Laxum æs.	226		
Laxum centies.	ibid.		

<i>Liberum æs.</i>	226, 227	<i>pondo argenti.</i>	224
<i>Libra est Græca origine, sed significatione Latina.</i>	848	<i>Libra auri Romanorum.</i>	304
<i>Libra Romana erat centum denariorum, seu drachma- rum.</i>	43	<i>Libra Romana quot unciales habuerit.</i>	326
<i>Libra argenti ut centum de- nariis, ita quadringentis æstimabatur sestertiis.</i>	43	<i>Libra argenti fuit viginti so- lidorum Francorum.</i>	339
<i>Libra pondo pendendo.</i>	63.	<i>Libra argenti non erat sex millibus sestertium.</i>	374, sed
<i>quomodo ita dicatur.</i>	64	<i>quadringentis nummis.</i>	375
<i>Libram pondo as.</i>	59.	<i>Libra argenti pro quinque so- lidis.</i>	862
<i>libram pondo corona aurea. ibid.</i>		<i>Libræ argenti partitio in soli- dos & denarios.</i>	344, 345
<i>Pateræ libras pondo.</i>	61.	<i>Libra argenti Francorum ori- go fuit Gallicæ & Anglicæ hodiernæ pecuniæ.</i>	345
<i>ratio hujus locutionis.</i>	63	<i>Libra sterlingum quanti æsti- mata.</i>	ibid.
<i>Libræ argenti, & æris non mutatæ, propter nummos æreos mutatos.</i>	114	<i>Libra sterlingum triens libræ Romana, Marcæ semis.</i>	346
<i>Libra communis ponderalis LXXXIV denarios capie- bat.</i>	215	<i>Libræ vox quomodo a pondere duodecim unciarum revo- catum sit ad trientem ejus.</i>	347
<i>Libra medica xcvi. denarios continebat.</i>	216	<i>Libræ decem argenti facti quot reddant florenos Hel- landicos.</i>	374
<i>Libra nummaria constabat c. denariis sive drachmis.</i>	217, 204.	<i>Libra Anglicæ, Gallicæ, Hol- landicæ, Flandricæ, quot sestertiorum fuerint.</i>	379
<i>differentia me- dicæ & nummariæ libræ.</i>	391	<i>Libra habuit sestertios qua- dringentos.</i>	380
<i>Libræ duæ argenti, & selibra, valuerunt mille nummum sestertium.</i>	221	<i>Libra proratione denariorum habuit etiam sestertios.</i>	392
<i>Libra auri quatuordecim am- plius libris argenti æstima- ta sub imperio Constanti- nopolitano.</i>	239	<i>Libra argenti fuit centenorum denariorum.</i>	393
<i>Libra Romana & Attica pa- res.</i>	291	<i>Libra auri LXXII solidis con- stat.</i>	763
<i>Libræ argenti sexaginta con- stituunt talentum Atti- cum.</i>	291	<i>Libra argenti sexaginta mil- liarenfes habet.</i>	ibid.
<i>Libra auri valebat decem</i>			

<i>Libra Septiciana.</i>	771, 772
<i>Libra occidua electi.</i>	774.
<i>cidua libra.</i>	777
<i>Libra argenti quingentorum folium.</i>	822
<i>Libra media.</i>	862
<i>Libra modus agri.</i>	434
<i>Libra denariorum pro libra sterlingorum.</i>	905
<i>Librarii in antiquis libris ma- gis addendo quam demendo peccaverunt.</i>	127
<i>Linguarium dare.</i>	620
<i>Λίτρα Siculis obolus.</i>	299, 392.
<i>Romanis σάμδος cujusvis rei ponderandæ.</i>	392
<i>Λίτρα dua & dimidiæ ῥήμ- μα.</i>	299
<i>Λίτρα ἑτῶν.</i>	774
<i>Lituras legi posse.</i>	596
<i>Lucella eorum, qui comita- bantur magistratus in pro- vincias.</i>	558, 560
<i>Lucellum & tabulæ lucelli idem significant.</i>	558
<i>Lucrari pœnam.</i>	611, 612
<i>Lucrum infame & quando- que suppuraturum.</i>	607, 608
<i>Ludis, id est, quum ludi fie- rent.</i>	582
<i>Ludus duodecim scriptorum, seu tesserarum & calcu- lorum.</i>	514, 515, 516, seqq.
<i>diversus a ludo latrunculo- rum.</i>	515
<i>Lutetien.</i>	ibid.
<i>Lupini aurum Comicum.</i>	739, 741
<i>Lupini cicerque esca tenuio- rum.</i>	741

M.

<i>Mæroclis facetum dictum.</i>	506	
<i>Mancipia in censum deserebantur.</i>	576.	
<i>Luxuriosa decies tanto pluris, quam quanti emptæ erant, censebantur.</i>	577, 579. cur. ibid.	
<i>Mancipia rejicula vendebantur.</i>	682. aut in cumulum vendebantur, aut mantissæ loco addebantur melioribus. 682. quæ singula vendi non poterant, in cumulum coniecta.	685
<i>Marce pretium.</i>	345	
<i>Marvedis Hispanus, quadrans Romani assis.</i>	332. non propter asses libriles Romanos veteres, sed propter æs, quod in Hispania valet argentum denarii.	333, 335
<i>Marvedis Hispanus quadragesima pars denarii.</i>	332, 333. sedecim asses valuit.	333, 334
<i>Marvedium pretium dubium.</i>	326	
<i>Medimna non significans mille medimna.</i>	257	
<i>Medimna singula jugerum felicitium decumæ.</i>	258	
<i>Medimnum septies, non est Latinum.</i>	259	
<i>Mediocre pro parvo.</i>	307	
<i>Menstruum sænus Romanis frequens.</i>	482. usurarum nomina Romanis omnia ex sænore menstruo.	483
<i>Mentorea Gracchi & Crassi</i>	quanti	

quanti aestimata. 375
 Mercator facti per utrumque
 metallum. 75
 Messallæ domus empta tricies
 septies sestertio. 546
 Miteræ pro murex. 307
 Metrodorus Scepsius amicus
 Mithridatis. 564. non potuit
 familiaris esse Bruti. ibid.
 Midæ dare beneficium. 622
 Mille non est substantivum.
 12. usus & Mille quando in-
 star substantivi usurpatur.
 ibid.
 Mille nōl' idem quod
 χιλιάς. 12
 Mille vox, mille denarium,
 mille nummum. 87, 88,
 seqq. 96, 99
 Mille semper adjectivum plu-
 rale. 94. de ejus usu & na-
 tura. 94, 95, & seqq.
 Mille hominum occiditur &
 similia. 96. Hoc mille æris.
 100
 Mille nummum, mille sester-
 tium, cur dicere antiqui
 maluerint quam mille num-
 mos. 123
 Mille millia non dicebant La-
 tini. 131, 139
 Millies millia non dicebant
 Latini. ibid.
 Mille sestertia non dicebant
 Latini. 180
 Mille drachmarum sunt red-
 dita. 170. falso syllepsis cre-
 ditur. ibid.
 Mille nummum, sestertios si-
 gnificat, non denarios.
 733

Mille nummum septuaginta
 quinque florenos Hollandi-
 cos faciunt. 373. decem
 millia, centum millia qua-
 dringenta octingenta num-
 mum, quot Hollandicos
 florenos constituent. 373
 Millia semper cum genitivo
 jungitur. 71
 Millia hominum. ellipticōs
 pro millia hominum corpo-
 ra. 97
 Millia quindecim & ducenta,
 556. & ducenti. 557
 Milliaria porticus. 38. Millia-
 rii pontes. ibid.
 Milliarenfis fuit idem qui de-
 narius. 339
 Milliarenfis pro denario sub-
 stitutus a Constantino. 759
 Milliarenfis dicebatur anti-
 quus denarius, & cur.
 812, 813, 816
 Milliarenfis posterior viginti
 quinque siliquarum. 815
 Milliarenfis tertius viginti o-
 cto siliquarum. 816
 Milliarenfis ante Constantini
 ætatem. 795
 Milliarenfis, drachma Ægi-
 netica, schellingus Britan-
 nicus, pares. 806
 Milliarenfis porticus. 38
 Millies millies male dicitur.
 185
 Mina argenti centum dena-
 rii. 238
 Mina auri idem quod stater
 auri. 361
 Minæ Atticæ ante Solonem.
 291

Mina Attica quot unciales habuerit. [326](#)

Mina Æginaea habuit centum & sexaginta drachmas Atticas, unciales viginti. [329](#)

Mina tempore Livii centum drachmarum fuit. [316](#). nec alia dum fuit. [317](#)

Mina pro LXXV non dicitur Appiano. [217](#)

Modia non dicuntur pro mille modis vel medimnis. [257](#)

Modicum h. e. parvum. [307](#)

Morās, sex millia. [806](#). ἐκατὸν μαραδὲς λητέων. [807](#)

Μορόν πλῶτα olim integra fuerunt. [57](#)

Monumenta. [597](#)

Mulctæ censoriæ ex eo, quod ex censu pendebant, tributum appellatæ. [577](#)

Multitudo urbana [iere. 167, 168](#)

Munere, id est, quum gladiatores darentur. [582](#)

Mutuum vel mutuam pecuniam sumere, accipere, dare, dixerunt antiqui, non [mutuo. 251, 253, 254](#). Mutuum vicies. [ibid.](#) Mutua fit pecunia, non eo quod redditur, sed quod datur, ut reddatur. [251, 252](#). Mutuum dare. [252, 255](#). Mutuum facere. [ibid.](#) Pecunia mutua [falsa. ibid.](#) Mutuum aliter alternum, aliter creditum. [252](#). Mutuus unde derivetur. [254](#). Mutui datio quid? [254, 255](#). Mutua pecunia non eodem modo dicitur, quo voluntas

mutua. [252](#). sumere mutuum dicitur pro utendum sumere mutuum. [256](#)

Μυριάδα Latini exprimere non possunt. [12](#)

Μυριάδες διχίλια καὶ χίσται est millies sestertium. [732](#)

Μυριάδες Græcis non assium, non sestertium, sed semper drachmarum vel denarium fuerunt. [540](#)

Μύραι καὶ μυριάδες. [657](#)

Μυριάς μυριάδων. [ibid.](#)

Μύραι, totidem drachmæ. [543](#)

N.

Natura. [689](#)

Negatio duplicata, nihil neque ipsis pratoribus est. [155](#)

Nomina ararii oblitterata. [597](#)

Nominibus propriis eleganter utebantur veteres, ut Tarquinii tribuni plebis, pro Tribunis Tarquinii instar crudeles. [552](#)

Nona. [511](#). Nona pars, que in octo lucri datur, non dicitur Latine, sed octava. [ib.](#)

Nonii [annulus](#) apud Plin. quanti æstimatus. [128](#)

Noscere causam. [601, 602, 603](#). pro admittere excusationem. [602, 604](#)

Novies millies sestertium. [654](#)

Numeri: pro punctis tesserarum. [519](#)

Numero tria, millia, &c. [72](#)

Nummus. [25](#)

Nummorum numeratio attollebatur

lebatur usque ad sestertium
nongenta novem millia
nummum. [131](#)

Nummus καὶ ἑξελὼ sestertius. [733](#)

Nummus Plauti didrachmus. [233](#)

Nummi mille centum apud
Plautum quot drachmis
constiterint. [294](#). Nummus
Plauto sine adiectione auri
semper didrachmus, sive
stater est. [295](#). Talentum
magnum trium millium
nummorum Plautinorum.

[295](#). Talentum dimidiatum
mille quingenti nummi. ib.
Talentum Corinthii idem
quod Æginæ. [297](#)

Nummi ducenti sunt quinque
scutati. [372](#)

Nummi in honorem Marii fa-
cti. [213](#), [214](#)

Nummus argenteus Servii
Tullii non fuit quatuor scri-
ptulorum. [757](#)

Νῆμμοι, quarta pars λι-
τρας. [299](#)

O.

O Bjurgatus sestertio cen-
ties. [621](#)

Obolus aestimatur duobus assi-
bus cum semisse & sextan-
te in drachma sedecim as-
sibus aestimata. [263](#)

Oboli quot in victoriato, se-
stertio, dupondio. [261](#) in
asse. [ibid.](#)

Oboli Æginæ sex decem Atti-
cos faciunt. [299](#). Oboli Co-

rinthiis & Æginetis ii-
dem. [ibid.](#) Obolus Siculis
λίτρα. [ibid.](#)

Obolus stufiero similis. [358](#).

Oboli partitio tanquam as-
sis. [358](#)

Ὀβολοί, δραχμαί, λεπτά, ὀλ-
καί, δλωάερα, sunt στωώ-
νυμοι. [198](#)

Ὀβολοί δύο quomodo quinque
asses. [264](#), [270](#)

Occidua libra. [777](#)

Ὀβλαγέσσις Satyra Varronis. [83](#)

Oeconomicum præceptum,
vendere quæ supersunt. [678](#)

Ὀλκαί, λεπτά, δραχμαί, ὀβο-
λοι, δλωάερα, sunt στωώ-
νυμοι. [198](#)

Ὀλόγραφοι καὶ φανεροί ψῆφοι.
[859](#)

Omnis ætas obvii. [168](#)

Opere faciundo corium, lex.
[63](#)

Opes id est sumptus. [626](#)

Ornamenta non deferrebantur
in censum, nisi pluris quin-
decim millium essent. [576](#)

P.

Παχέα δραχμή. [298](#), [299](#),
[306](#)

Pacisci sestertio sexagies. [617](#)

Palladæ Græcorum epigram-
matum scriptoris ætas. [775](#)

Παρήτιον. [669](#)

Pars arvidi certaminis. [163](#)

Pars LXXII, quam Africa-
nus & Hero assi tribuunt,
non est assis nummi ærei, sed
quo omne solidum divide-
batur. [418](#)

Par-

I N D E X

- Particularum, quæ in naturam substantivi transeunt, addito vel intellecto articulo aut κτηνηρικῶς, usus.* 18
- Partitio, id est, definitio, quæssio, casus.* 671
- Partitio genus legati, non inodus interimendorum sacrorum.* 669
- Patera ex quinque pondo auri facta. 73. aliud est, quam Patera auri quinque librarum.* 73
- Pateræ libras pondo.* 61
- Pateræ ternas pondo.* 62
- Pateræ octoginta pondo.* 304
- Patere in tabulis lucelli.* 558
- Patronorum summum honorarium aurei centum, seu dena sestertia. 181. illorum patrimonium.* 182
- Pecuniam auream, argentæam, æream quomodo mutavit Constantinus.* 758, 759
- Peditis stipendium.* 273
- Pedes quinque & dodrans.* 428
- Pedis partitio similis denarii. 427. Pes habet duodecim digitos.* ibid.
- Πενήμιαις.* 30
- Πενήμισια κἀγάλα μνελᾶδες non dicebant Græci, sed πντήκηρα μνελᾶδες.* 653
- Πέντηκστ', τέλθ.* 481
- Πενήμιπόδιον, idem quod quintus semipes.* 29
- Πέντε κ' εἰκοσι μνελᾶδες efficiunt decies.* 173
- Per utrumque metallum facti mercator.* 75
- Pes dicitur a mensoribus.* 430
- Φόλαι δὲ γυρᾷ τέλει.* 63
- Philippeus argenteus idem qui coronatus.* 376
- Φόδus est CCL denariorum. 199. vid. Follis.*
- Pondera sestertia, denaria, centenaria.* 41
- Pondo. 54. diversæ eruditorum de hac voce ejusque origine sententiæ. 55, 56, 57*
- Pondo singulare semper, & semper casus accusativi. 57.*
- Pondus, pondi, pondo antiqui dixerunt.* 57.
- Pondo non est neutrum plurale.* 76
- Pondo semper apponitur libræ & partibus assis, vel nummis, ubi ad pondus eorum aliquid examinatur. 58. Adjicitur interdum libræ & partibus assis, & cur. ib. Interdum sine mentione partium assis seu libræ cum solo numero invenitur. 58. cur? ibid. Libram pondo as, & similia. 59, 60, 61, 62. ratio hujus locutionis.* 63
- Pondo nummis adjicitur, cum iis pro ponderibus utuntur. 64. In aures pondo duum nummum.* 64
- Pondo quemadmodum numerali jungatur. 68, 69, 70, 71.*
- Pondo trecentum. 68. ducentum. ibid. & 69. quaternum*

num millium pondo. ibid.	Præconum dicacitas.	718
quingentum pondo. ibid. &	Præsentia trecenta millia	
69. oëlingentum. 69	nummum. 65. Præsentēs	
Pondo bina, trecenta, septē-	nummi. ibid.	
na. 70. ratio cur ita dica-	Præter pro nisi. 629	
tur. ibid. Εἰς τὸν αἰῶνα adje-	Prætorianum stipendium. 281,	
ctivorum, in quibus substan-	282	
tivum reticetur. 70	Prætores Catulli. 552	
Pondo bina dicitur pro τῷ bi-	Prætores ærarii. 627, 608	
na pondo librarum ponde-	Pretia specierum decrescere.	
ra. 70, 71. elegantia anti-	792	
quorum in hac brevitate.	Prodesse ære, bene Latinis di-	
ibid. Pondo non est plura-	citur. 550	
le. ibid.	Producere usuris sænus ad tot	
Pondo mille dicitur, ut nume-	millia. 156	
ro mille. 72	Proportio inter æs & argen-	
Pondo dua Scribonio Largo	tum, quæ fuit ut unum &	
male dicitur. 78. Pondo cen-	centum viginti, post Con-	
tum auri expensum. ibid.	stantinum nata. 386. Cur	
pondo auri septuaginta	proportio tam enormis in-	
fuit, & similia. 78. 79. ra-	ter æs & argentum, ut li-	
tio hujus locutionis. ibid.	bra argenti pæne millenis	
Pondo nunquam dicitur pes,	æris æstimaretur, cur apud	
& as. 79; 80	Romanos fuerit. 386, 387	
Pondo duodecim argenti nun-	Proportio auri & argenti	
quam dicuntur de signato,	tempore Cæsarum decupla.	
sed semper de appenso. 102	400	
Pondo male dicitur pedem si-	Proscribere est publice venum	
gnificare. 434	exponere. 693	
Pondo sestertium semis non di-	Πρόσδραγμα. 690	
citur. 103	Punctum male explicatur li-	
Pondo binum semis librarum,	nea vel scriptum. 518.	
& pondo bina & selibram,	Punctum tesserarum auc-	
& semissem tertium pondo	talorum, non tabulæ. 519.	
bene dicitur. 103	Puncto biseno qui tessera	
Pondus unde & quid. 57, 58	numerari dicatur. 519	
Pondus centenarium. 105		
Pontes tabellarii, milliarii.		
38, 39		
Πορτοῦλας τῶν κρητῶν.		
506		

Q.

Q Vadragenarium dolium.	
37	
Quadrans unde.	849
Qua-	

INDEX

Quadrantes centum apud Martialem sex sestertii, & as. 397
Quadrantes centum non idem quod decem sestertii. 351
Quadrans in ratione denariaria quatuor asses. 411, 425
Quadrans semuncia scilicet, in ratione denariaria quinque asses. 412, 425
Quadrans hereditatis. 435
Quadrans via. ibid.
Quadrans semuncia scilicet via. ibid.
Quadrans scilicet dimidia sextula iugeri. 441
Quadrans semuncia scilicet iugeri. ibid.
Quadrantes usuras cur Romani maluerint dicere quam quadrantem. 497, 498
Quadrantem bonorum licuisse mulieribus relinqui per legem Voconiam caret auctore. 538
Quadrantem creditoribusolvere. 634
Quadrans quarta pars cuiusque summae. 635
Quadrans minima aerea pecunia Romanis. 742. quadrans ultimus non fuit ab aliis diversus. 743
Quadrantes duplices Sarcoti explosi. 747, 748
Quase pro quasi. 101
Quaternaria formae Heliogabali. 37
Quatrussis supra victoriatum

excurrentis nota. 456
Quatrussis semissis supra victoriatum excurrentis in ratione ad sestertium nota. 458
Quincunx scilicet est septem asses in ratione denariaria. 412, 425
Quincuncem agri addicere ex septingentis, aut nongentis millibus. 643, 644
Quincunx hereditatis. 435
Quincunx scilicet sextula iugeri. 442
Quincunx semuncia binæ sextulae iugeri. 443
Quindecim millia sestertium quot sterlingum pondo. 348
Quindecim millium aeris. 370
Quindecim viri sacerdotes Apollinis. 737. habebant domi cortinas. ibid.
Quinquagenaria urna. 37
Quinquagenarium sacramentum. ibid. Quinquagenarius thorax. ibid. Quinquagenaria materia. ibid. quinquagenaria promulsis. 39
Quinquagesimæ 471. non sunt usurae semisses. ibid.
Quinquaginta sestertia, quingenti aurei, non mille. 182
Quinquessis supra victoriatum excurrentis nota. 456
Quinquessis supra victoriatum in ratione ad sestertium nota. 458. Quinquessis semissis. ibid.
Quinques sestertium pro quinques centenis millibus Latinæ

ina consuetudo non patitur. 50

Quinquaginta millia æris. 370

Quintus semipes. 29

R.

Rationes ad denarium, victoriatum, sestertium Romanis mercatoribus, & pueris notissima. 460

Rationes ad denarium, sestertium, victoriatum quomodo confici dicantur. 466

Rationes antiquorum ad denarium, victoriatum, sestertium. 403, 404, 405. scqq. 450. quomodo confici dicantur. 466. pueris & mercatoribus notissima. 460

Ratiti. 527

Recidivus nummus. 556

Redivivus nummus. ibid.

Referre datum vel expensum lucello. 557, 558

Referre in censum. 571. differt a deferre in censum ib.

572

Referri lucello. 558

Representare. 65. Representare summam pecuniæ. 65. promissa. 66. consilium, supplicium. 67

Retro dicere æra. 23. Retro de tempore & loco quomodo usurpetur. 24

Rhetorum mercedes. 724. Salaria iis e fisco constituta. 727

Riderus nummus vetus Da-

ventriensis. 447

Romanorum in omnibus rebus solennia verba & formula. 123

Roscii bona sexagies binis milibus empta. 732

Rotundandi numeros mos Romanis fuit. 208, 210

Rotundi numeri in summis excerptis exempla. 225, 226

Rustici Romani. 705

S.

Set G confiduntur saepe. 616

S gaudebant elidere veteres. 68

Sacrorum interimendorum per æs & libram venditione imaginaria a Ictis reperta ratio. 676

Sacrum Sophos atque profanum pro litteris divinis & humanis barbare dicitur. 18

Salibus in risum vertebant facinoræ scelestæ improbi. 506

Sardi venales, alius alio nequior. 710, 711, 715, 719

Sardi, Sardinia cultores, non Sardium. 715. pessimi servi fuerunt. 716

Scaptius amicus Bruti. 564

Schellingus Belgicus est denarius. 379

Schellingius Britannicus, vel solidus hodiernus drachma πύξεια, sive Aginea. 355.

Quindecim schellingi, aureus

<i>reus Romanus.</i> 355.	<i>Schellingis duodecim stater Atticus aestimatus</i> <i>ibid.</i> <i>sexaginta schellingis mina.</i> 356.
<i>Solidus Constantini</i> <i>oſto.</i> <i>ibid.</i>	<i>semis sicilicus jugeri.</i> 443. <i>Semis semuncia sextula jugeri.</i> <i>ibid.</i>
<i>Schellingus Britannicus & milliarenſis paves.</i> 806	<i>Semisse tertium pondo.</i> 103
<i>Scriptorum duodecim ludus.</i> 514, 515. <i>a ludo latrunculorum diverſus.</i> 515	<i>Semissis origo.</i> 849
<i>Scriptuli nota.</i> 544	<i>Semissis excurrentis in ratione ſeſtertii nota.</i> 450, 452
<i>Scriptulum CCLXXXV III pars librae.</i> 753	<i>Semissis non dupondius ſeſtertii, ſed dimidiatus as ſeſtertii.</i> 452
<i>Scurra.</i> 703, 705	<i>Semisse creditum ſolvere in dies.</i> 636
<i>Scutatus quot ſeſtertios conſtituat.</i> 261, 262, 382. <i>ſcutati duo ſunt aureus Romanus.</i> <i>ibid.</i> <i>Duo millia quingenti ſcutati centum millia nummum.</i> 382	<i>Semissis & triens in lege Sempronia.</i> 742
<i>Sembella videtur prius fuiſſe nummulus argenteus.</i> 447. <i>poſtea partem aerei ſignificavit.</i> 448, 449, 462	<i>Semisses uſurae & triens pueri dā ſunt mille oſtingenti denarii.</i> 731
<i>Sembella viceſima pars denarii.</i> 448, 449	<i>Semuncia ſicilicus in denaria ratione aſſis ſexta decima pars eſt, ſive aſſarion.</i> 410, 411, 424
<i>Sembella apud Valuſium non eſt verus nummus.</i> 461	<i>Semuncia ſicilicus viae.</i> 435
<i>Sembella denarii, quinarium, ſeſtertium.</i> 462	<i>Semuncia & ſcriptula duo jugeri.</i> 439
<i>Sembella non fuit aerea.</i> 465. <i>non ſeſcunciae reſpondet.</i> 465	<i>Semuncideunx.</i> 850
<i>Semis adjectivum.</i> 32. <i>unde derivatur.</i> <i>ibid.</i>	<i>Senes coemptionales non ſunt licitatores.</i> 673
<i>Semis ſignificat oſto aſſes in ratione denariaria.</i> 413, 425	<i>Senes ad coemptiones faciendas interimendorum ſacrorum cauſa a IGtis reſerti.</i> 663, 664, 665, ſeqq. 676, 677
<i>Semis hereditatis.</i> 435	<i>Septenaria ſyntheſis Sagunthi.</i> 37
<i>Semis ſemuncia ſicilicus, no-</i>	<i>Septiciana libra.</i> 772
	<i>Septies medimnum Latine non dicitur pro ſepties centenſis millibus.</i> 503
	<i>Septies medimnum apud Cicero-</i>

teronem reiectum contra
Scioppium & Priscianum.

174

Septies millies. 651, 652. Se-
ptingenties millies & Se-
pties millies confusa. 652

Septuaginta quinque millia
aris. 370

Septunx semuncia decem asses
significat in ratione dena-
raria. 413, 425

Septunx hereditatis. 435

Septunx dimidia sextula iuge-
ri. 443. Septunx semuncia

iugeri. ibid. Septunx se-
muncia sicilicus sextula iu-
geri. ibid.

Septussis supra victoriatam
excurrentis nota. 457

Septussis supra victoriatam in
ratione ad sestertium no-
ta 459. Septussis semissis:

ibid.

Ses. 32. Sesqui quid & unde.
ibid.

Sescuncia in ratione denaria-
ria pro dupondio. 411, 424

Sescuncia copule. 487

Sescuncia sextula iugeri. 440

Sescuncia pedis. 427. vi. 435

Sesquas. 529

Sestertiorum doctrina. 7. pri-
mo renascentibus litteris
obscura. ib. quomodo post-
ea processerit. ibid.

Sestertium decies, quid? 901.
ἀντὶ τοῦ δέκα ὀνόμαζεν
quam dicitur. 19

Sestertius Adiectivum. 11, 22,
899

Sestertii decem. 25. libra

aris. 6. Sestertia dena, de-
cem millia nummum sester-
tium. ibid.

Sestertia mille & decies idem
sunt. 16, 901

Ducenta Sestertium non est
Latinum. 16, 17 Ducenta
sestertia dicitur. ibid. Du-
centa millia sestertium,
idem quod ducenta sester-
tia. ibid.

Sestertia. 41, 908, 909, 912.

Sestertia pondera argenti.
ibid.

Sestertia quinque dicitur, non
quinque millia sestertia.

47, 48. Sestertia millia non
Latine dicitur. 257

Sestertium omne id quod con-
tinet duo integra & unius
dimidium. 22, 33

Sestertius pes. 25, 33. Sester-
tius nummus. ibid. Sester-
tium bipalium. 33. Sester-
tius cur ita H S notatus. 26

Sestertius nummus quod ad
binas aris libras vel duos
asses complecteretur & u-
nius dimidium. 25, 26, 41

Sestertius unde derivatur. 30

Sestertius Plutarcho locus, qui
Latinis ad sestertium. 35.
quomodo ita dicatur. ibid.

Sestertium nempe pondus ar-
genti duarum librarum ar-
genti & dimidiatæ, atque
ideo mille sestertium num-
mum. 43. Sestertii quadrin-
genti minam faciebant. 46.
Sestertium subintelligen-
dum pondus, non pondo. 101

Sestertium vigintimillia num-
mum in antiquis lapidibus
& unde. 49

Sestertium. bis sestertium, ter
sestertium, quater sester-
tium, analogice quidem di-
citur, sed usu repugnante.

50, 51

Sestertia pondera tutius dici-
tur, quam pondo. 80. &
hoc tamen quo sensu addi-
tum possit tolerari. ibid.

Sestertia. Antiqui nunquam
per sestertia explicant ar-
genti non numerati libras.

102

Sestertii centies syngrapha.

107. Sestertii decies sum-
ma. 107. & similia. ibid.

Sestertium non necesse fuit
quatuor argenti libris æsti-
mari, postquam sestertius
quatuor assibus censi cæ-
pit. 112. Sestertia perpetuo
æstimata mille nummis. ib.
Creverunt in nummis æ-
neis, non in argenteis, nec
libris argenteis. 113

Sestertium singulare cur ad-
verbiis copulatum fuerit.

133, 134. seqq.

Sestertium. Cur in decies se-
stertio maluerint centies in-
telligere quam exprimere.
140, 141. seqq. in τδ Dec-
cies sestertium male crudi-
ti tradunt dici intellectis
centenis millibus. 143, 144.

semper ei adiungitur ad-
iectivum vel verbum sin-
gulare.

144, 145

Sestertium pondus in nummis
quid. 105. & si pondo est.
ibid.

Sestertium neutrum esse con-
tra Hottomanum. 108,

109, 110

Sestertius centesima pars cen-
tum nummum. 158

Sestertium unum cur non di-
xerint antiqui pro mille
nummis. 122

Sestertium. Cur decies sester-
tium, vicies, tricies, qua-
dragies &c. maluerint di-
cere, quam mille sestertia,
duomillia sestertium, tria
millia sestertium, ea voce
sestertia pondera signifi-
cante. 133, 134. seqq.

Sestertia dena patronorum
summum honorarium. 181

Sestertium. Quæ antiqui se-
stertia dixerunt, postero-
res folles dicunt. 199

Sestertia non mille sestertos
valuisset a ponderis drach-
marum & denariorum di-
verso numero & pondere,
quo illæ in minam, hi in
libram Romanam incurre-
bant, probare volunt Hoto-
mannus, Agricola &c.
188, 189, 190, seqq. refu-
tatur. 192, 193, 194, seqq.

Sestertii non fuerunt denario
maiores. 217

Sestertia viginti quatuor ta-
lentum faciunt. 229, 230

Sestertius assium quatuor,
idem qui duum semis. 291.

Sestertius quot obolis chal-
cisque

- cisque constiterit. 264
 Sestertia viginti quatuor con-
 stituunt talentum Atti-
 cion. 291
 Sestertius nummus formatus
 ad imitationem Græcorum
 rursus. 299
 Sestertium mille quot libræ
 sterlingum 348
 Sestertium binis & dimi-
 diato, non ternis & dimi-
 diato bajocis censetur.
 318
 Sestertia centum, duo millia
 quingenti coronati. 350
 Sestertia pro mille nummis.
 350, 351, seqq.
 Sestertia dena nummum acci-
 pere. 354
 Sestertio plus attribuendum
 nostri minuti æris, quam
 quod fuit tempore Budæi.
 377
 Sestertium sex millia sunt qua-
 dringenti quinquaginta
 Carolini. 374
 Sestertium neutro genere non
 potuit dici, si denarius fuit
 tam gravis, quam a Savo-
 to & aliis fingitur. 392,
 393
 Sestertii æs excurrrens expli-
 catur per libellas, sembel-
 las, vel singulas, teruncios.
 446, 447, 449
 Sestertii excurrentis supra
 victoriatum nota. 458
 Sestertii ratio male ad assem
 & libram dicitur confici.
 466
 Sestertii non nisi argentei. 529.
 ærei sub mediis imperatori-
 bus. 530
 Sestertia Plutarcho singula
 millia nummum. 584, 585
 Sestertio sexagies pacisci. 617
 Sestertium dare pro dare mil-
 le nummum non dicebant
 Latini. 619. Sestertia da-
 re sine appposito numero non
 dicebant veteres. 619
 Sestertii millies servus. 622
 Sestertia auri. 800
 De Sestertiorum ratione omnis
 disputatio in summam col-
 lecta ac breviter explicata.
 899, 900, 901
 Sexagessis satyra Varronis. 83
 Sexasses in ratione ad sester-
 tium supra victoriatum ex-
 currentes quomodo notati.
 459. Sexessis semissis. ibid.
 Sexis sex significat. 433
 Sexis supra victoriatum ex-
 currens quomodo notatus.
 457
 Sexta denarii pro obolo. 195
 Sextans sicilicus in ratione de-
 nariaria pro tribus assibus.
 411, 424
 Sextans pedis duo digiti duo
 trientes. 427
 Sextans hereditatis. 435
 Sextans sicilicus pedis. 427.
 via. 435
 Sextans dimidia sextula jüge-
 ri. 440. Sextans semuncia
 sicilicus sextula jugeri. 441
 Sextantes usuras cur potius
 Romani dixerint quam
 sextantem usuram. 497,
 498

I N D E X

Sextans unde.	<u>849, 850</u>	denariorum.	ibid.
Sextantarii assis nota Ianus & rostrum navis.	527	Solidus Constantini Magni au- reus.	332
Sextule.	<u>809</u>	Solidus Francorum argenteus fuit πικιδιον. <u>340</u>	340
Sextule iugeri.	<u>440, 442</u>	Solidus triginta stuseris esti- matur.	ibid.
Sexti scutandis, vel Sixtii vi- cus, vel prædium, aut præ- torium prope Carthagi- nem. <u>36.</u> unde sic dictum.	ibid.	Solidus Francorum aureus, denariorum quadraginta fuit. 341. Solidi aurei Ro- mani & Franci differen- tia. 343. Solidi aurei. in muleis & sanctionibus Le- gis Salicæ, Pipini & Ludo- vici clementia in argenteos mutati. <u>344.</u> Solidus Fran- cus.	<u>904</u>
Si pro eisi.	<u>617</u>	Solidus Lubeccensis idem quod obolus.	<u>379, 381</u>
Sibe pro sibi.	101	Solidi Turonici sexaginta qua- tuor constituunt uncialem, scilicet thalerum.	<u>384</u>
Sicilius sextula iugeri.	<u>439</u>	Solidus Constantini est scri- ptulorum quatuor.	<u>753</u>
Sicli quatuor in uncia.	<u>197</u>	Solidus aureo subditus a Con- stantino.	<u>759</u>
Siclus Hebræorum argenteus tetadrachmus.	<u>365</u>	Solidus ante tempora Constan- tini. <u>795.</u> Solidus non aureo est substitutus, quod ponde- re similis esset assi. <u>796, 797</u>	<u>798</u>
Siclus auri didrachmus.	<u>366</u>	Solidus unde dictus.	<u>798</u>
Siclorum sedecim millia se- ptingenti quinquaginta au- ri quid ære nostro & Ro- mano faciant. <u>369.</u> sexcen- ti auri sicli.	ibid.	Solidi pretium. <u>805, 806, 808,</u> <u>809.</u> Solidus Romanus ar- genteus nullus. <u>810, 811</u>	<u>843, 844.</u> Inde petita vo- cabula summarum. <u>844,</u> <u>845, 846</u>
Siculum decalitron. <u>391.</u> Se- cabatur in decem partes argenti.	ibid.	Solla dupondii.	<u>84</u>
Siculorum vocabula in num- mis adoptaverunt Roma- ni.	392	Sophistæ quatenus immunes a sacerdotiis. <u>727.</u> Salaria iis	ex
Signatum aurum, æs, argen- tum.	<u>74</u>		
Siliqua auri, non nummus, sed <u>24</u> pars solidi, duode- cim folles. <u>862.</u> ad nostram pecuniam redactæ. <u>865.</u> si- liquæ tres in solidum an- nuæ, centesima.	ibid.		
Siniis non semissis.	<u>84</u>		
Singula vicesima pars sester- tii.	<u>449</u>		
Solidus Francorum priscorum argenteus. <u>339.</u> fuit trium			

ex fisco constituta. 778
 Sorte creditum solvere. 638
 Σαβυγς. 63
 Σαβυγι. 726
 Stateres duo in uncia. 107.
 Stater duos siclos habet. 197
 Stater Corinthius, Ægineum
 δεικλιττον. 298
 Stateres omnes didrachmi.
 326
 Stater nunquam fuit octo
 drachmarum. 360. fuit
 nummus. 361. Stater ar-
 genti fuit quatuor drach-
 marum auri duarum. 362
 Stater Atticus viginti drach-
 marum. 360
 Stater didrachmus non potest
 dici stater. 364
 Στατος. 56
 Sterlingius seu Esterlingius.
 moneta Britannica, fuit
 denarius priscorum Fran-
 corum. 339
 Sterlingius quanti Romana
 pecunia aestimatus. 340
 Sterlingius duobus stufferis se-
 misse censetur. 340
 Sterlingius unde nominetur.
 346, 907, 908
 Sterlingum libræ tres, libra
 Romana. 348
 Sterlingus. Ad libras sterlin-
 gum multæ summæ Roma-
 næ revocata. 346, 349
 Sterlingerum libra, dicta de-
 nariorum. 905
 Stipendium militare ante Iu-
 lium Cæsarem nunquam
 fuit decem assium. 329
 Stipendia peditum duplicata

contusionibus data tripla
 equiti, quadrupla tribunis
 & præfectis equitum. 127.
 128
 Stipendium militum Romano-
 rum ante tempora Cæsariū.
 264. Domitianus quartum
 stipendium quomodo dica-
 tur addidisse apud Sueto-
 nium. 266, 267, 268. An-
 te Domitium quadrimestri
 spatium quinque & septua-
 ginta denariorum stipen-
 dium militibus fuit. 266,
 267. Stipendia Suetonio
 sunt pensiones quadrimen-
 stres. 267. Stipendii milita-
 ris gradus & articuli a
 Suetonio aucti. 268. Sti-
 pendium pro tertia parte
 stipendii. 269. Tria diversa
 ante Domitianum stipendii
 genera quæ? 270. Eques
 triplex accipiebat stipen-
 dium quum pedes simplex.
 273. Stipendium primum
 bini asses in diem, 278. Se-
 cundum quini asses. 278.
 Tertium quini alii ad pri-
 stinos quinos adjecti. 279.
 Quartum aurei terni. ibid.
 Stipendia pro ipsis militiæ
 annis. 280. Stipendiorum
 formula. 280. Stipendium
 prætorianum. 281, 282.
 Stipendii prætorianorum
 & urbanorum augmentum
 quod. 283. Stipendium tri-
 buni legionarii. 284. Tri-
 buni militaris. ibid. Stipen-
 dia sub primis imperatori-
 bus

bus non nisi in ære persoluta. 285
 Stuferus Hollandicus non est sestertius, sed obolus. 379
 Subversari. 780
 Substantiva. Particularum substantivi naturam induentium usus. 18
 Supputatio veterum accurata. 122
 Sumere fœnore recte dicitur, non mutuo sumere. 255
 Syllepsis falso credita, inimicos meos dicturum, delecti nobilissimus quisque mittitur. 161. Mille drachmarum sunt redditæ. ibid. Amantium iræ amoris reintegratio est. &c. ibid.
 Syllepsis. Non est syllepsis numeri in τῷ decies numeratum, acceptum, & similibus. 165. Syllepseos numeri, seu Syntheseos ratio. 167. 171. ejus exempla. 167, 168, seqq.
 Syllepseos exempla. 551, 552

T.

TAbellarii pontes. 38, 39
 Talentum viginti quatuor sestertia faciunt. 219
 Talentum decem millia, sunt apud Ciceronem bis milies quadringenties. 222, 223. Centum talenta sunt sexcenta millia denarium, & sex millia pondo auri ducenties quadragies Livio. 223
 Talenta quadraginta sunt se-

stertium nongenta sexaginta millia. 226
 Talentum quodvis sex millia drachmarum habet. 291, 293, 294
 Talentum Alexandrinum duodecim millium denarium fuit. 291
 Talentum Atticum constituunt viginti quatuor sestertia, sexaginta libras argenti. 291, 337
 Talentum Atticum majus quomodo drachmarum septem millia quingentas valuisse dicatur. 291
 Talentum Atticum habet sex millia denariorum. 312
 Achaicum talentum proprium nullum fuit. 296, 297
 Talentum sine adjunctione scriptoribus antiquis semper Atticum. 294
 Talentum parvum Prisciano, quod Plauto magnum. 302, 303
 Talentum Rhodium & Cistophoron. 304
 Talentum Corinthiacum δραχμῶν πᾶσις habuit sex millia. 300. Ejusdem valoris ac Aegineticum. 300
 Talentum Romanis nullum. 304
 Talentum Ægyptium. 306
 Talenta octoginta librarum quæ. 306
 Talentum magnum non fuit octoginta librarum. 305. non ταχὺ. 306. nec argenteum. ibid. commodum ta-

- talentum magnum fuit. 307. seu $\beta\epsilon\gamma\chi\upsilon$, $\mu\upsilon\chi\epsilon\omicron\nu$, $\sigma\upsilon\mu\mu\epsilon\tau\epsilon\omicron\nu$. ibid.
- Talentum magnum soli Latini dixerunt, Græcis ignotum fuit. 308, 309. Talentum Neapolitanum, Rheginum, Siculum. 309
- Talentum non potest esse sex millium denariorum, si denarius quatuor scriptulorum est. 312
- Talentum, sine adjectione positum, semper Atticum significat. 313. Talentum magnum octoginta trium librarum nullum fuit. 314
- Talentum Atticum, & talentum magnum, res eadem, minarum 60. seu 6000 denariorum. 315
- Talentum Ægyptium non est idem ac Alexandrinum. 319. Talentum Ægyptium quid. 321
- Talentum Æginæum quot drachmis, & uncialibus, & coronatis censum fuerit. 329
- Τόσας τε καὶ ἑβδομήκοντα μυριάδας τετραγώνων, non septuaginta millia, sed septingenta quadraginta millia talenta sunt. 322
- Tesserarum & calculorum ludus. 514, 515. a latrunculorum lusu diversus. 515. victus in hoc ludo, cui manebant calculi. 520
- Tessera bis seno puncto quomodo numerari dicatur. 519
- Tesserae male explicantur lineae aut mandrae. 520
- Tesseris binis & interdum tribus utebantur ludentes lulum tesserarum. 517
- Ter millies ducenties quot florenos Hollandicos constituat. 360
- Terna millia aeris Corn. Neapolis quot continuerint sestertios, & coronatos. 396
- Ternaria formae Heliogabali. 37
- Ternarii numeri religio. 587
- Teruncius fuit primo nummus argenteus. 447. postea partem aeris significavit. 448. 449, 462
- Teruncius quadragesima pars denarii. 448
- Teruncius apud Volustum non est verus nummus. 461
- Heres ex teruncio. 120, 121
- Teruncius denarii, quinarii, sestertii. 462. Teruncius non a dodrante unciae, sed a tribus uncis appellatus. 464
- Testa id est calculus. 517. testum etiam dicitur. ibid.
- Testamentum, per aes & libram, non est modus perimendorum sacrorum. 672. non fiebat ciuicis comitiis, sed privatim. 672
- Tetracten quale numisma. 860
- Tetradrachmum quatuor, non tribus denariis censebatur. 313
- Tetrastater Cyreniacus non quatuor fuit, sed octo

INDEX

drachmarum. 356. <i>πλε- σάτης</i> non fuit <i>πνύδρα- χμ</i> . 363. non potest di- ci dimidium stateris. 364	qui, non tria millia sester- tia. 161
Τόκ <i>α</i> τοκ. 473	Tria millia jugerum. 96
Τόκ <i>ε</i> πὶ δεσχυμῇ, centesi- ma. 509. <i>ε</i> πὶ <i>εν</i> ία <i>ο</i> δοῖς, centesima & semisses. 510. <i>ε</i> πὶ <i>ο</i> κτώ <i>ο</i> δοῖς centesima & trientes. ibid. <i>ε</i> πὶ <i>π</i> ν- π <i>ο</i> δοῖς dextantes. ibid. <i>ε</i> πὶ <i>δ</i> υσὶ <i>δε</i> σχυμαῖς <i>β</i> ινῇ centesima. ibid. <i>ε</i> πὶ <i>τ</i> εσσὶ <i>δε</i> σχυμαῖς, terna centesi- ma. ibid. <i>ε</i> πὶ <i>ε</i> κτὼ <i>δε</i> σ- χυμαῖς sextans. ibid.	Τετραδραχμ. Tetrastac. Τετημμεῖς. Τετημμόδιον. Triens unde. 849, 850 Trientem tertium pondo. 25 Triens sextula jugeri. 441 Triens semuncia dimidia. Triens uncia jugeri. 442 Triens hereditatis. 435 Triens semuncia pro sex assi- bus in ratione denariaria. 412, 425
Τόμ. 859	Triens non, aris tantum, sed cujuscunque rei tertia pars ex duodecim. 588
Tractare pecuniam, ratio- nem. 729. religiones. 781	Trigonus ductus octies. 431
Trames id est duodecim scri- pta. 516	Tripodium pro tribus assibus non dicitur Romanis. 500 Τετὴν <i>ε</i> κ <i>ο</i> κτώ <i>τ</i> ς pronuncia- tur, non τετὴν <i>ε</i> κ <i>ο</i> κτώ. 15. quid? ibid.
Trecenta triginta tria millia aris, trecenti triginta tres trientes. 589, 592	Τετὴν quale numisma. 860
Trecenaria vites. 39	Triumviri auro, argento, ære. 64
Trepondo, id est, tres pondo. 76, 77. quomodo ita di- ctum. ibid. Trepondo coro- na aurea. 77, 78	Τροπαιὸν <i>ν</i> ικη. 423
Tressis neutrum putavit Var- ro. 82, 83. Tressis non est neutrum 84. Hoc tressis quomodo dictum. ibid. Non tressis agaso. 85	V. Valere quinquessis. 85, 86. decussis. ibid.
Tressis excurrentis in ratone sestertiarum nota. 454	Οὐδεὶς <i>ε</i> στὶς το <i>α</i> ώνης. 537
Tressis semissis. ibid.	Vestigalium vocabula forma- ta e summa parte, que pendebatur in publicum. 480. Romani Græcos tum imitati. 481
Tressis supra victoriatum ex- currentis nota. 456	Vehicula non deserebantur in censum, nisi pluris quin-
Tria sestertia vel tria millia sestertium, dicebant anti-	

quindecim millium essent.	576	ex nongentis millibus.	644
Venalis de mancipio venali		Vicissis viginti.	433
ἡγοῦμαι dicitur	684	Victoriatu pro tribus obolis.	
Vendere decumas.	645	195. quot obolis chalcisque	
Venditio imaginaria per as		constiterit.	264
& libram, qua mancipa-		Victoriati as excurrrens expli-	
bat haeres hereditatem,		catur per libellas, sembellas	
comparato ad id seni, ut a		vcl singulas, teruncios.	
sacris liberaretur.	676	446, 447, 449	
Venditiones imaginariae sester-		Victoriati divisio per assis par-	
tio uno nummo, sed non ne-		tes. 455. uncia, sextans,	
cessario ter dato, ut in e-		quadrans, triens, quin-	
mancipationibus filiorum.		cunx, semis, septunx, bes.	
667		ibid. dodrans, dextans,	
Venire, decipere.	695	deunx, as.	456
Verkeren.	515	Victoriati ratio duplex, aut	
Vernae optimum genus servo-		ad denarium, aut ad sester-	
rum.	711	tium.	455
Vernaculi.	711, 712	Victoriati excurrrens aris	
Vernacula urbanitas.	713	secundum rationem sester-	
Vernilis dicacitas.	711	tiariam divisio per libellas,	
Vertere de negotiatione mer-		sembellas, teruncios.	458
cium.	780	Viginti unum millia.	98
Versare pecuniam.	779	Viginti unum homines.	ibid.
Vestes non deferabantur in		Vncia unde.	848
ensum. 576. nisi plures		Vncia habet duos stateres,	
quindecim millium essent.		quatuor siclos, octo ἀπὸ	
ibid.		seve drachmas.	106
Via pro duodecim scriptis.	516	Vncia habuit sestertios trigin-	
Via sedecim millium.	434, 435	ta tres & trientem.	380
Vitam seclari.	229	Vncia argenti quot solidorum	
Vita pro Vellu.	230	Tironicorum fuerit.	384
Vicies centies millies.	177	Vncia in famove unciario non	
Vicies septies millies sesterzii.		sortis est, sed centesima.	
652		484	
Vicesima manumissi.	480	Vnciae signum Graecis quod.	
Vicesima hereditatum.	ibid.	421	
Lex vicesime heredita-		Vncia pedis. 427. hereditatis.	
tum.	481	435	
Vicesimam quincuncis emere		Vncia hereditatis.	435
		Vncia scilicet iugeri.	440
		Vn-	

Corrigenda.

PAg. 19, versu 23 scribe. Advertebant. 34, 5. *M. P. cxxv*
fic: Ad Tricensimum, 38, 1. lib. iv. de causis. Eadem, S. de
 qua suo loco: frustra. 39, 5. opus erat. 45, 10. libra quinque &
 Lxx drachmarum. 53, 5. quærendæ, unde unde, *sestertium* neu-
 tro. 60, 1. *quod asses*. 91, 7. ab istis toto. 103, 29. *anaglyptam*.
 111, 2. a nemine illorum. 113, 12. sic ut non esset ille. 118, 2.
 C. Fabio Pictore. Eadem, 25. quod nimirum intra 131, 4. quin-
 gentas. 142, 7. Tifandri apud Clisthenem. 159, 11. trientes de-
 narii addunt. 168, 18. iidem qui omnis. 169, 18. *Gatuli adsueta*.
 192, 28. auctor est Budæo. 212, 14. posse putet. 219, 13. *Iustinus*
a correctione. 225, 17. populo & tribubus. 228, 5. *liberasses*. 240,
 11. ἀλλὰ τῆς. 245, 9. καὶ ἑλπίσιν. 248, 14. auctores suos. 266, 9.
bini asses dodrans in diem. 278, 8. ex terçis millibus. 281, 1. *stipen-*
diorum pramiorumque. 287, 22. *duo millia ducenta*. 292 9. veteres
 drachmarum Lxxv. 341, 6. xl denarii. 344, 14. Hos ubique.
 346, 23. Sestertiis cxxxiii. 364, 23. δὲ ὅλκῳ. 401, 18. *denaria-*
ria. 417, 2. *hemisecula* (id est, *semisextula*) 429, 5. *a summo ad*
camaram. Eadem, 23. *aque late*. 432, 10. *latus*. 437, 22. CLXXX.
 449, 26. ad ducenta excurrunt. 460, 27. *triens*. *Eu.* 471, 12.
 centesima. 473, 16. *in usuras*. 476, 4. *centesima usura*. 484, 13.
 centesimæ. 489, 24. interpretatur. 490, 10. & hoc. 495, 1. ut
 ratio. 498, 26. Marcio. 506, 12. lib. III. Rhetor. 507, 4. ἀάμ-
 ωσιδι. 519, 12. Scripta tabulæ. 543, 18. Πυθιδῶ. 544, 21. Asco-
 nio. 546, 13. *domum emit*. 552, 8. ipsa doceat. 561, 21. cupit.
 562, 27. *Panatio*. 570, 19. *Livio iterum*. 577, 26. aucto, quasi.
 578, 9. leg. IV. 583, 14. *objici*. 587, 24. *ponant*. *Sportulas*. X.
 CCL. *inter*. 593, 8. *accipere excusationem*. 600, 1. Quacumque.
 620, 21. dele τὸ vel. 639, 10. *solvat*. Eadem, 23. *sustinerentne*.
 665, 19. & orbi. 668, 9. xii Tabb. 675, 23. *Pontificium*. 688, 7.
 βίβας, κραιδάων. Eadem, 13. eam latere. 689, 27. κοίμωμφορ.
 702, 1. tamen hic fructus. 703, 3. *impudentia*. 719, 11. *vendi-*
cent. 727, 1. Καὶ τοῖς ἰσχυρῶ. 782, 25. *positum esse forte*. 785, 28.
interpretii. 790, 1. *creditus*. 793, 19. *supplere donantem cogi*.
 803, 4. οἰκεῖαν. 811, 19. *solidus binos*. 812, 2. *quod his* mille.
 813, 21. ὄρτων. 838, 11. quinquaginta sex. 840, 29. *signato*.
 841, 4. *inedita*. 857, 4. & in utriusque. 858, 27. *erat* S. 863, 28.
 ἀπαιτεῖν.

[Faint, mostly illegible text, likely bleed-through from the reverse side of the page. The text appears to be organized in paragraphs.]



